



C. v. 184









J. JACOBI ZIMMERMANNI,  
S. THEOLOGIÆ IN GYMNASIO TIGURINO  
PROFESSORIS,

REG. BORUSS. SOC. SCIENT. SODALIS

# OPUSCULA

THEOLOGICI, HISTORICI ET PHILOSOPHICI  
ARGUMENTI.

TOMI PRIORIS

PARS II.



TIGURI,  
TYPIS GESSNERIANIS.

AN. MDCCLI.



MEDITATIO  
DE  
PRÆSTANTIA  
RELIGIONIS CHRISTIANÆ,  
COLLATÆ CUM PHILOSOPHIA SOCRATIS.

*Viro, Pietate, Eruditione. Meritis in Rem Sacram & Litera-  
riam, Candore denique,*

PRÆCELENTISSIMO

JOHANNI JACOBO HULDRICO,  
IN ILLUSTRIS GYMNASIO TIGURINO  
Eth. & Juris Nat. Professori Clarissimo

S. P. D. (\*)

JACOBUS ZIMMERMANNUS.

Señ. I.



Ccuratam, rerum olim inter Philosophos gestarum,  
sententiarumque, quas profitebantur, cognitionem,  
multum conferre ad Eruditionis & Sapientie pro-  
fectum, nemo est Eruditorum, qui temere in du-  
bium vocet: ut enim taceam, omnia, quæ de lau-  
dibus *Historie* in Universum dici possunt, *Historie*  
*Philosophicæ* competere; multa sunt, quæ singulari  
quadam ratione, ejus *præstantiam* demonstrant. Refert *illa* veterum

Zzz 3

ac

(\*) In secundo Volumine nostrorum opusculorum brevis comparebit præstantissimi hu-  
jus Viri *Biographia*.

ac modernorum Eruditorum cogitata, de Deo, ejus virtutibus, mundi adſpectabilis origine, ingenii humani viribus, imbecillitate; *deſcribit fata & veri nominis Philoſophorum & infanientis Sapientię Conſultorum; iſtorum præclara inventa, mores ad virtutem compoſitos; horum linguæ prælia, ſuperbiam, ingenii luſus &c.* Hæc omnia autem ita comparata ſunt, ut animo veri cupido plus adferant utilitatis, quam ea, quæ in *Hiſtoria Civili* quam maxime ſpectantur. In hac enim Vita *Imperatorum, Belli Ducum*, res pace belloque aut bene aut male geſtæ, utramque paginam faciunt. Pauciſſimi autem illorum, qui literis operam navant, ſi vel maxime omnia rite perpendunt, ſolidum exinde fructum percipere poſſunt. Quælibet vitæ conditio, priva ſibi vindicat prudentiæ adminicula, & præcepta. Homini, qui per omnem vitam literis operam dat, Exemplum viri docti & pii, plus utilitatis conferet, ad perſonam, quam ſuſtinet, rite tuendam, quam contemplatio vel eminentiſſimarum virtutum, quibus hic vel ille Belli Dux, nobilitatus fuit. *Hiſtoria vero Philoſophica* veritatis amanti, ut multa ſuppeditat argumenta, animum a pravis ſtudiis & erroribus abducendi, virtutem & veritatem amandi; ita animum mirifice perficit, & voluptate perfundit. *Qui veterum Philoſophorum* (ut de recentioribus jam nihil dicam) *Scripta evolvit*, vel me tacente, de iis, quæ dixi, perſuſus erit, & probarunt hoc ſatis, Viri in his literis verſatiſſimi, *Cudworthus, Stanlejus, Menage, Joſius, Heumannus, Brukerus* alique, quorum pervulgata ſunt nomina. Nullum autem gravius eſt argumentum, quam quod *Illa* mirum quantum conſerat ad *Religionis chriſtiane Excellentiam & divinam originem demonſtrandam & defendendam*. Solent Increduli ſummis laudibus extollere *rationem, & ejus vim*, laudare perpetim *Philoſophiam*, quæ nulla myſteria, i. e. ut illi putant, dogmata rationi contraria credenſa imponat, profiteri, nil in *Revelatione* præclare dictum; quod ipſa ratio invenire non poſſit; ad hanc igitur ſolam in rebus credendis recurrendum, cætera aut ignorantię, aut ſuperſtitioni, aut Sacrificulorum fraudibus deberi. At qui *Hiſtoriam Philoſophicam* excolit, quantum ratio valeat, *ſed quæ ejus viſ ſit ſimul & imbecillitas, clariffimis exemplis edocetur*. Non provocamus hîc ad plebem, quæ leviſſimis etiam ſuſpicionibus ducitur; non ad immanes ritus Gentium; non Sacrificulorum decreta inſulſa; ſed ad viro- rum ſumma ingenii vi præditorum, hominum per omnem vitam veritatis inquirendæ ſtudio deditorum, ſententias & dogmata. Imo *provocamus* ad eos inter Chriſtianos, qui ingenii acumine & philoſophi-

carum

carum rerum peritia, omnium confessione celeberrimi sunt, simulque acerrimo studio, Religionem christianam examinarunt. *Fatentur illi omnes*, se divina Revelatione adjutos accuratores de rebus divinis notiones adeptos: *Hanc solidissima argumenta suppeditasse*, veritates natura cognitatas, illustrandi, demonstrandi; imo se sapissime adactos fuisse ad *divinam Revelationem* tanquam ad sacram quandam anchoram in rebus dubiis confugere. Legant, qui hac de re dubitant Summorum Virorum, *Werenfelsii, Lokii, Clarkii, Leibnizii, Turretini, Clerici, Stillingfleeti* ut de multis aliis nil dicam, scripta, & si quo possent ingenii acumine, veritatisque amore, sentient, quid *Revelatio* conferat ad *rationem perficiendam*. Placuit & mihi pro ingenii viribus specimen hujus rei exhibere *Exemplo Philosophiæ Socratis cum Religione christiana collatæ*. Præterquam autem quod argumentum hujus disquisitionis sit *gravissimum*; singulari quadam occasione ad illam instituentiam invitatus fui, quam breviter narrabo. Incidit aliquando in itinere, inter eos, qui communi vehiculo utebantur, sermo, de libro quodam tum temporis edito, in quo auctor Excellentiam Religionis christianæ demonstrare voluit. Unus ex Comitibus, Vir Juvenis, sed erecti Ingenii, haud inscite de eo judicabat; *addidit tamen frustra omnes illos esse, qui libros ejusmodi conscriberent; neminem hactenus repertum, qui Revelationis alicujus necessitatem perspicuis argumentis probasset; rationis præcepta & culturam Philosophiæ sufficere, ad bene beateque vivendum*. Provocabat præprimis ad Philosophiam Socratis, hanc omnia in se complexam, quæ ad emendandam hominis mentem facere possent; *Incomparabilem illum Philosophum non solum Rectorem & Gubernatorem hujus Universi agnovisse; sed & saluberrima præcepta ad generis humani emendationem apprime necessariâ, in medium protulisse, & ad virtutem deamandam cunctos adhortatum; homines, siquidem vacivas illi præbuisent aures, & dictis ejus obtemperassent, æternum felices futuros fuisse*. Religionem Christianam efficaciora argumenta ad virtutem colendam non attulisse; *fortune & superstitioni tribuendum, quod tanta hominum multitudo illius decreta adprobaverit, cum in ea præter præcepta, quæ ratione innotescunt, nihil sit, quod perspicaci ingenio satisfacere possit; sermonem tibi esse de miraculis, Mysteriis, quæ cum rectæ rationis principiis manifeste pugnent*. &c. Multa, ut in ejusmodi familiaribus colloquiis fieri solet, ad hæc regressi, quibus ille alia reposuit, quæ hic repetere animus non est. Alte animo, quæ ille dixit infixi, & non semel de hoc argumento meditatus fui. Cum autem ab aliquot annis diligentius quam antea

tea Veterum Philosophorum de rebus divinis Systemata evolverem ; in animum induxi , singulari quadam dissertatione , controversiam illam examini subicere ; *non eo certe animo*, quasi crederem, me majori demonstrationis vi, quam hactenus factum, Religionis christianæ Præstantiam probaturum ; meo enim memet pede metior, & quam paupertini ingenii homo sim, pulcherrime scio ; sed ut ostendam, me inter eos esse, qui existimant, nihil Religione Christiana excellentius esse, aliosque ad eam amandam pro viribus inducam.

*Hoc autem quaecunque & periturum* forsitan (quod tamen tanquam non periturum scripsi) *Specimen Tibi Cl. Huldricæ* offero, tanquam Amoris & Venerationis qua Te complector, *τεκνουργιον*. Graviissimæ mihi hujus rei sunt rationes. Nihil dicam de singulari favore, quo me ab ineunte adolescentia complexus es ; nihil de egregiis præceptis & consiliis, quibus animum meum imbuisti ; nil de paterno affectu, quem mihi a longo jam tempore exhibuisti, & adhuc exhibes. Non referam egregia tua in Rem Sacram, & Literariam merita. Omnes enim norunt, Te inter præcipua Helvetiæ nostræ Ornamenta numerandum. Hoc tantum dicam, paucissimos, si a Te discessero, esse, qui Religionis christianæ divinam vim & excellentiam altius introspexerint, præceptorum Christi præstantiam & admirabilem efficaciam majori argumentorum robore probaverint, & animis hominum infixerint. Testes sunt omnes qui Te publice dicentem non sine stupore audiverunt, qui *κρυπτον* illud, quod in eorum animis reliquisti, non semel senserunt : Testes Sermones illi Sacri ponderosissimi, qui omnium manibus teruntur, & late per Orbem Eruditorum & piorum adplausu excepti sunt. Quis igitur melius de præstantia divinæ illius Religionis judicare ? quis præceptorum excellentiam certius pervidere posset, quam qui publice, & privatim id unice agit, ut homines ad eam amplectendam, & amandam, gravissimis argumentis infliget, ipsoque opere se Ducem exhibeat ? Nolo ulterius virtutes tuas ingeni mei culpa deterere ; novi modestiam tuam, quæ omnium tuarum virtutum præcipuum Ornamentum est, nihil enim soles ad ostentationem, Omnia ad conscientiam referre. Prohibere tamen non potes, quo minus quavis data occasione in laudes tuas eas, & quanti æstimem Cl. Huldricum ostendam. Accipe igitur, serena fronte, hoc quaecunque mei in te adfectus, specimen. Gallum offerre debet, cui Hecatombæ deest. Sicubi autem cespitavero, aut minus recte ratiocinatus fuero, Tu me in viam reduces. Ego placide monentem sequar, Sed jam ad rem.



II. Antequam autem Comparationem inter Religionem christianam, & Philosophiam *Socratis* instituamus, quædam in antecessum monenda sunt. *Primum est, banc collationem institutam esse æquissimis legibus*; non quæritur, quid hic vel ille Eximius Philosophus Revelationis luce adjutus, præstare potuerit, in explicandis & demonstrandis Religionis Naturalis principiis & dogmatibus; sed quid præstiterit Vir perspicacis ingenii, qui Revelatione destitutus, ingenium tamen quantum potuit excoluit. Fatemur modernos Philosophos, divina Revelatione adjuutos, Systemata Theologiæ Naturalis conficere posse, quæ exacte cum rationis præceptis convenient; qui enim ab initio juventutis, christianæ Religionis principia imbiberunt, simulque rationem omnibus viribus excoluerunt, notiones, quas S. Literæ de Deo, rebusque divinis, suggerunt, ita apte cum iis, quæ sola ratione innovere, connectunt; ut tandem existiment, se hæc omnia solius rationationis ope invenisse. Talis est plerorumque qui *Deistæ* vocantur Religio. Religionis christianæ dogmatibus & præceptis innutriti, capita Theologiæ naturalis examini subjiciunt, & immemores eorum, quæ aliunde acceperunt, omnia tribuunt rationis suæ viribus. Æquum autem est, ut in hac *collatione* eos audiamus, qui diligentissime quidem rerum divinarum contemplationi vacarunt; Revelationis tamen alicujus luce destituebantur. II. Increduli contendunt, ad vitam bene beateque transigendam, sufficere, si quis rationi convenienter vivat: non opus esse, ut quis insolita quædam Sacrorum Antistitum decreta credat, requiri tantum probitatem vitæ, quantum in hac rerum caligine fieri potest, exactissimam; identidem sibi objici Philosophorum Superbiam, vitilitigandi de rebus nullius momenti pruriginem, prava animi studia &c. Sed tales veri Nominis Philosophos non esse. Opponemus ergo iis Virum præstantissimum, & Philosophum rectoris exempli, *Socratem* nempe. *Is Philosophiam è cælo in terram devocavit: non disputavit de rebus abstrusis, & ingenii humani vim superantibus; non subtilis Geometra, aut Metaphysicus fuit, non terminorum faber; sed qui omni studio id egit, ut hominum emendaret mores.* Is non multa dogmata discipulis credenda imposuit, aut auctoritate sua, quos rationibus non potuit, in suam perduxit sententiam. Philosophus præterea, non voluptati, non ambitioni, non avaritiæ, aut aliis pessimis animi adfectionibus deditus. Talem autem aptissimum esse, ad rationis præcepta investiganda, explicanda, probanda, consentientur omnes rerum æqui arbitri. *Socratis Vita, inquit M. Erasmus, nihil aliud mihi*

*videtur, quam temperantia & tolerantia Exemplum.* Quod si igitur probare possumus Socratis Philosophiam, longe infra dignitatem Religionis christianæ subsistere, æquum est, ut illi agnoscant, nihil Religione christiana excellentius esse, nihil denique ad mentem mortalium perficiendam & emendandam, hac Religione aptius. III. In hac comparatione non imitabor Rhetores, qui ut adsequantur, quod intendunt, nulla habita æquitatis & veritatis ratione, aut in cœlum tollunt laudibus, quod defendere volunt, silentio autem involvunt, quæ scopo, quem quærunt, contraria videntur; aut quæ vituperare in animum inducunt ita deprimunt ut nullum plane modum teneant, nec ullam mentionem faciant eorum, quæ verum decus adferre possent. *Confitebor igitur, Socratem fuisse virum eminentissimarum virtutum*, Virum optimum, sapientissimum, excellentissimum. Aut silentio involvam, aut fidem non habebo iis, quæ quidam minus æqui Judices, *Atbenæus, Epicurei, Aristophanes*, contra eum in medium protulerunt. Laudes è contra, quas Viri Cordati in eum congegesserunt, minime reticebimus, ut omnes, quotquot sine partium studio rem examinant, fateantur, nos candide egisse, neque quicquam eorum oblitos, quæ ad famam & virtutes viri illustrandas, quantum per brevitatem licet, facere possent. IV. Denique Philosophiam *Socratis* conferemus cum Religione christiana, quatenus in V. & N. T. libris, non hoc vel illo Theologiæ Systemate, continetur. Postquam enim Christiani in partes iverunt, multa hinc inde ex variis principiis Religioni adjecta sunt, quæ a primæva simplicitate recesserunt. Postulamus igitur, ut dicta nostra ex limpidissimis Revelationis fontibus repetantur, & ad rectæ interpretationis regulas, quæ de doctrina Christi & Apostolorum in medium proferimus, exigantur. Neque enim in brevi hac disquisitione singillatim loca omnia, quibus nitimur, adferre potuimus. (\*)

III. Comparemus igitur primo *methodum docendi Socratis*, cum ea, qua usus est *Christus & Apostoli*. Observandum hic ante omnia, scopum Socratis fuisse, uti homines emendaret, & ad præstantiorem vivendi rationem transferret. Breviter, sed more suo eleganter hoc monet

(\*) Conferenda cum iis, quæ de Socratis vita & doctrina differuit, *Celeb. & Amicissimus Brukerus Hist. Crit. Philosoph. Tomo I.* Huic adjungi debet doctissimus Anglus Joh. Gilbertus Cooper qui vitam Socratis conscripsit quæ Londini 1750. in 8. edita est. Compendium hujus libri exhibuit Cl. *Mary* Auctor du *Journal Britannique* Tom. I. mensis Martii Anni 1750. Huic Auctor Anglus videtur in laudando Socrate modum excessisse.

monet Plutarchus *περί πολυπραγμοσύνης* p. m. 307. ἥ (de Philosophia Socratis loquitur) ἢν τέλος ἐπιγινώσκει τὰ αὐτὰ κακὰ καὶ ἀπαλλαγῆναι. Hic sane si ullibi summa opus est prudentia & arte. Plerique Atheniensium artem recte ratiocinandi ignorabant; neque quolibet homines persuadendi methodus æque est apta; præterea, non plebs tantum Atheniensis sed & nobiliore genere nati, præjudicii religionis imbuti erant, cultuique publice recepto pertinaciter adhærebant. His igitur præconceptæ opiniones de patrio cultu eximendæ, & genuina Religionis principia methodo perspicua, omniumque captui accommodata, instillanda. At *Socrates* perpetua fere semper *Ironia* usus est. Hæc methodus autem *primo difficilis captui*, neque apta ad plebem convincendam. Probe tenendum est, non quæri, utrum hæc methodus ad retundendos Sophistas apta sit; sed utrum illa methodus adhibenda sit Ei, qui quosvis ab erroribus revocare, & ad veritatis cognitionem virtutisque amorem, perducere vult, quod negamus. Vel enim is, qui ita ratiocinatur, ex concessis tantum argumentatur, vel ex principiis evidentibus & immotis. Si *primus*, ejusmodi argumentatio nihil aliud probat, quam concessa quadam propositione, consecrarium aliquod inde elici posse, quod alter cum quo disputatur, aut nondum perspexit, aut hæcenus admittere noluit. Interim tamen ille, qui ad propositionem ejusmodi concedendam, vel invitatus cogitur, nondum videt, ubi erraverit, aut cur huic potius, quam alii sententiæ, album calculum adjiciat ignorat: Si *posterius* est, omnia principia exactissime sunt cognoscenda, & continuus propositionum nexus attentissime est perpendendus, cum facile is, qui ad concedendam aliquam propositionem nos adducere vult, hiatum in ratiocinando committere possit; præterea ad omnia consecraria attendere debent auditores, & instituta comparatione eorum, quæ concesserunt, cum iis, quæ alter inferre vult, singula non semel in animo volvere & revolvere coguntur. Imo non solum ad singularum propositionum vim & totius ratiocinationis nexum attendere debent, sed & ad ipsa verba, quæ errorum non minima causa sunt. Ad ejusmodi autem Examen instituendum, plerumque plebs inepta est, neque etiam tempus habet ejusmodi ratiocinationes perpendendi: clara & nuda veritatis propositio sine longioris ratiocinationis ambagibus, magis plebis animos vincit, quam arte quæsitæ argumentatio. Experientur hoc omnes, qui ejusmodi hominibus instituendis animum adjiciunt; non semel vel clarissimæ propositiones repetendæ, inculcandæ,

infigendæ sunt. Hinc *Viri illi Magni*, qui ante duo Secula Religionem a Superstitione, quæ orbem quasi inundavit, purgarunt, nuda & aperta veritatis propositione, plus effecerunt, quam Philosophi longis ratiocinationibus. Quod si igitur *Socrates* emendare voluit genus humanum, & Semina veritatis & virtutis hominibus instillare, faciliiori quadam via uti debuisset, imprimis si plebi hac ratione quam maxime consulere voluit. 2. *Hæc methodus hominum præsertim superborum animos potius irritat quam emendat.* Ejusmodi Ironica ratiocinatione ex scopo ejus, qui ea utitur homines vel inviti eo reducuntur, ut se errasse sentiant. Sophistæ autem, quorum causa hanc methodum adhibuit, ingenio non destituebantur quidem, sed superbia & propriæ laudis opinione turgidi erant. Hi argumentis ad silentium redacti, irritabantur & ignominia quadam se adfectos putabant: quamprimum autem hæc opinio animo insidet, mentis acies turbatur, & ad iram, vindictam, ejusque, cum quo disputatio intercessit, contemptum abripitur: experientia hoc satis confirmat. Plerique *Eruditi gloriæ animalia* sunt, altos gerunt spiritus, neque ad confessionem erroris facile adduci possunt: quod si hoc in illis rebus fiat, quæ Religionem non concernunt, quid putemus factum fuisse, si *Socrates* eos persuadere voluit, insanas esse publice receptas de rebus divinis sententias? hinc etiam paucissimi Sophistarum hac ratione emendati & a pravis studiis abducti sunt. Ipse *Socrates* testatus est, hac disputandi ratione, non semel irritatos hominum animos. Unus nobis sufficit locus, qui in *Apologia* Platonis pag. m. 9. extat. ubi ita loquitur. *Προς δε τατοις οι νεοι μοι επακολουθεντες, ος μαλιστα χολη ειναι, οι των πλεισιστατων αυτοματοι, χειρασιν ακκοντες εξελεγχομενων των ανθρωπων. Και αυτοι πολλοις εμο μιμνται, ετα επιχειρασιν αλλας εξεταζειν. Καπειτα ομαι ευρισκας ποζην αφθονιαν, διομενων μεν, ειδεναι τι των ανθρωπων. ειδωτων δε η ολιγα, η πδεν. εντευθεν εν οι υπ' αυτων εξεταζομενοι, εμοι οργιζονται, εχ' αυτοις. Και λεγασιν ως Σωκρατης τις εσι μιαρωτατος, και διαφθειρεταις νεας, i. e. præterea adolescentes maxime opulenti, quive a negotiis vacanti, me ultro sequentes, delectantur, cum refelli a nobis homines spectant. Quin etiam ipsi nonnunquam me imitati, alios deinde confutare contendunt: qua quidem in re, plurimam reperiuntur turbam hominum aliquid se scire putantium, cum aut nihil sciant, aut perparum. Qui vero ab his convinctur, non tam illis quam mihi redduntur insensi, clamantque esse Socratem quendam sceleratissimum, Juventutisque corruptorem. Hinc etiam factum, ut non tantum veteres, sed & multi modernorum existima-*

runt

rint *Socratem*, ambitione commotum, perpetua ejusmodi Ironia usum fuisse. Perrault dans ses *Paralleles des Anciens & des Modernes* Tom. IV. p. 139. ubi le Chevalier : J'ai toujours bû l'air moqueur & ironique, avec lequel Socrate parloit aux gens : p. 141. inquit l'Abbé : Ces ironies sont offensantes, comme c'est leur nature de l'être presque toujours, & si elles nous plaisent dans les *Ouvrages de Platon*, c'est, que nous sommes bien aises, de nous divertir avec Socrate, aux dépens de ceux, à qui il parle, lesquels au moins que d'être bien stupides, devoient en être très malcontents. Chevalier. Si ces Ironies m'offencent après deux mille ans, moi, qu'elles ne regardent point, quel chagrin & qu'elle indignation ne devoient-elles point causer aux personnes intéressées ? vous en direz ce qu'il vous plaira, mais il n'est point d'un homme véritablement sage & vertueux, de se divertir de la sorte. L'Abbé. Je suis persuadé, qu'en cela Socrate contrevenoit à la Loi naturelle, qui nous defend, de faire en autrui, ce que nous ne voudrions pas qui nous fut fait. Idem sentit auctor libri cui titulus : *La fausseté des vertus humaines* ; nimirum superbiam & ambitionem hujus rei causam fuisse contendit. Sed in horum tamen sententiam, ambitionem quod attinet, concedere non possum ; quamquam credam, hac ratione Sophistas aliosque irritatos fuisse : & licet sine dubio hominem vanæ sapientiæ laude turgidum, ejusmodi quæstionibus retundere. Ratiocinantur hi, inprimis postremus, ex intentione *Socratis*, quæ methodus actiones hominum examinandi periculosa est. Vel optimorum Virorum actiones in vitia mutari possunt, si perversum iis finem subesse posse, sufficiat dixisse. Notum est Eruditorum judicium de *Tacito*. Æquitati proin, & præceptis Religionis christianæ contrarium mihi esse videtur, ejusmodi Judicium : aliter sane Paulus I. Cor. XIII. v. 7. alibique loquitur, quam auctor libri supra citatus. Cum *Socrates* ubique professus sit, se cum in finem Ironia illa uti, uti superbos Sophistas retunderet, acquiescendum puto, licet concedam, minime hac ratione *Socratem* consecutum, quod intenderat. 3. *Hæc methodus ideo apta non erat ad Athenienses a pravis studiis & erroribus abducendos*, quod tum temporis Eruditi Athenienses artem Sophisticam excolebant, & utramque in partem de quavis re disputabant. Novimus autem plebem plerumque parum curare Eruditorum disputationes ; perinde ipsi est, quid illi in Scholis inter se litigent ; præterea cum multi, præsertim illo, (quanquam & nostro) tempore, de rebus nullius momenti, de lana caprina, imo aliquando, non de rebus sed de verbis, inter se litigent, paulo perspicaciores e plebe

crediderunt, sine dubio, aut omnes, aut plerasque eorum con-  
 cerationes, nullius ponderis esse; disputare illos potius, quis doctior,  
 perspicacior, loquacior sit, quam quid Societati & hominum Saluti  
 conducatur. Saltem plebs Sophistam, a veri nominis Philosopho,  
 qualis *Socrates* erat, vix distinguere potuit. Qua ratione igitur fieri  
 potuit, ut plebs Atheniensis, *Socrati*, perpetua fere Ironia utente,  
 vacivas aures præheret, & dictis ejus obtemperaret, si & cæteri So-  
 phistæ, quorum ingens numerus erat, identidem strophis suis obstre-  
 puere? Sine dubio credidit, si forte ejusmodi disputationi interfuit,  
 utrosque loquaces esse homines, aut nos, quid verum falsumque sit,  
 scire non posse. Haud obicure fatetur hoc ipsum *Socrates* apud *Pla-  
 tonem* in *Phædone* pag. 37. postquam enim dixit homines facile eo ad-  
 duci posse, ut & rationes, & homines odio habeant, ita pergit: *Και  
 μάλιστα δη οἱ περὶ τὰς ἀντιλογικὰς λόγους διατρεφόμενοι, εἰδ' ὅτι τελευτῶν-  
 τες οἰοῦνται σφρωτάτοι γινόμεναι τὴν καὶ κατανεκόμεναι μόνον, ὅτι αὐτὴ τῶν  
 πραγμάτων ἀδενὸς ἀδεν ὕγις, ἔδὲ βεβαίον; αὐτὴ τῶν λόγων. Ἄλλα πάντα  
 τὰ οὐτὰ ἀτεχνῶς, ὥσπερ ἂν Ἐυριπίδῳ ἀνῶ. καὶ κατὰν σφροφεται, καὶ χρενοῖ  
 ἀδενὰ ἐν ἀδενὶ μένει. Πάνυ μὲν ἂν, ἐφρὴν ἐγὼ, ἀλγὴν λογίης. Οὐκ ἐν ὧ  
 Φαιδῶν ἐρῇ, εἰκτερον ἂν εἴη το παῖος, εἰ ὄντος δὲν τινος ἀλγέους, καὶ βεβαίῃ  
 λογῇ, καὶ δύνατε κατανοήσαι. ἐπειτα δια το παρὰ γινόμεναι τοῖς τοῖσι λο-  
 γοῖς τοῖς αὐτοῖς, τότε μὲν δοκεῖν ἀλγέουσι εἶναι, τότε δὲ μὴ, μὴ αὐτοῦ  
 τις αἰτιῶτο, μὴ δὲ τὴν αὐτὴ ἀτεχνίαν; ἀλλὰ τελευτῶν δια το ἀλγὴν ἀσ-  
 μένος ἐπὶ τὰς λόγους διατρεφὸι τῶν δούτων τῆς ἀλγείας τὴν, καὶ ἐπιστῆμης  
 σφροφειν. i. e. Præcipue vero illis id evenit, qui plurimum rationes contra-  
 dictorias agitant. Hos enim scis putare tandem se sapientissimos evasisse,  
 solosque animadvertisse, neque in rebus neque in rationibus esse sanum ali-  
 quid, aut firmum; sed omnia revera tanquam in Euripo sursum deorsum-  
 que jactari, nullumque tempus in aliquo permanere. Vere nimirum loque-  
 ris, inquam. Nonne inquit ægrotudo hæc *Phædo* miserabilis esset, si cum  
 ratio aliqua vera firmaque sit, comprehendique valeat, postea autem audi-  
 tis hujuscemodi rationibus, quæ modo asserre vera, modo falsa videntur,  
 aliquis hinc in ambiguitatem deductus, non se ipsum, neque ejus inertiam  
 ob id accuset. sed tandem velut eger culpam omnem a se ipso, in ipsas trans-  
 ferat rationes. & in reliqua vita eas odio habeat, atque vituperet, rerum  
 ipsarum veritate scientiaque privatus. Hinc etiam *Aristophanes* anam  
 arripuit *Summum Virum* publice traducendi; quam comœdiam, uti Ve-  
 teres perhibent, exquisitis auribus accipiebant Athenienses. Num  
 autem credibile est, omnes ita occæcatos futuros, si *Socrates* nuda &  
 aperta*

aperta Veritatis professione usus fuisset, & perpetua illa Ironia abstinuisset? Orta tandem etiam a Socrate *Academicorum Secta*, quæ singularem voluptatem quærebat, in oppugnandis & defendendis quibusvis, siue veris, siue falsis Sententiis. Verum equidem est, *Socratem* Scepticum non fuisse, secus ac contendit *Illustis Huetius*, cujus rationes alibi examinamus: verum etiam est, ipsum perpetua Ironia non semper usum, sed aliquando aperte amicis interrogantibus, mentem suam aperuisse. Testatur hoc *Xenoph. mem. L. IV. p. 503. Ed. Bas.* quæ brevitatis causa latine tantum dabo. Multi eorum, qui sic a Socrate redarguebantur, non amplius eum adibant, quos ideo molliores putabat: *Eutbydemus* vero, non aliter arbitratus, se posse laude dignum evadere, nisi quam sepe versaretur cum Socrate, nunquam amplius aberat ab eo, nisi aliquid urgens cogeret: nonnulla etiam imitabatur illorum, in quibus *Socrates* studebat. Qui, cum sic eum videret affectum, minime turbabat argutus, clarissime vero ac simplicissime omnia ei exponebat, quæcunque opinabatur oportere hominem scire, ac in eis studere: Igitur subtiles & industrii & ingeniosos efficere suos auditores non festinabat, sed ante ista putabat oportere moderatos eos facere, cum eos, qui absque moderatione in hujusmodi valeant, magis injuriosos arbitraretur, ac potentiores ad male faciendum fore. Ex quo loco patet, 1. verissimum esse, quod dixi, multos ea, qua usus est, disputandi methodo ab eo alienatos fuisse. 2. Methodum illam ad retundendos præcipui Sophistas ab eo adhibitam fuisse, & posito demum vanæ opinionis tumore, simpliciter, quæ dicenda essent, monuisse. 3. Paucos hac ratione emendari potuisse. Quis enim nescit, miraculo proximum esse, hominem Superbum & inflatum ad moderati animi studium, & ignorantix confessionem, perducere. Ex quibus omnibus concludimus, methodum docendi, qua usus est *Socrates*, minus aptam fuisse Atheniensium animos ab erroribus revocandi, & meliores reddendi.

IV. Comparemus jam methodum docendi Christi & Apostolorum. Sunt viri haud indocti, qui vellent Christum & Apostolos eodem genere argumentationis usos esse, quo utuntur Geometræ; putantes, ita Religionis christianæ veritatem, solidiori fundamento fuisse sustentatam fore, nec tot disputationes locum habituras. Non dicam ipsius rei naturam ejusmodi methodum ferre non posse, & miraculis Christum, quicquid minus perspicuum videbatur, satis probasse; hoc tantum dico, ejusmodi methodum minime aptam fuisse, homines ad verum Dei cultum perducendi. Paucissimi mortalium ea ingenii perspicacia præditi

diti sunt, ut longiorem & paulo difficiliorem ratiocinationem rite intelligere possint; temporis præterea penuria laborant, ad examen ejusmodi instituendum, districti negotiis, ad vitam hanc tolerandam spectantibus; quod si minime propter hoc impedirentur, obstaret tamen pigritia, quo minus diu ejusmodi examini inhærerent; præsertim, cum præjudicia de Religione, & prava animi adfectiones identidem animum a veritate rite perpendenda, abstrahant. Quod si præterea Judæorum, ad quos in viam veritatis reducendos, Servator noster missus erat, indolem contemplerur, videbimus ingenium eorum, percipiendæ accuratæ demonstrationis minime capax fuisse. Pertinaciter ritibus suis inhærebant, & ad oracula Veteris Testamenti & tenere arreptas traditiones potius, quam ad subtiles ratiocinationes provocabant. Tandem, si hac methodo usus fuisset Servator noster, pro excellenti quidem Philosopho habitus fuisset, minime autem pro promisso Messia. Rectissime igitur, ac sapienter Servator noster hanc methodum neglexit. Non usus est *perpetua illa Ironia*, qua delectabatur *Socrates*, qua Judæorum animos potius a se abalienasset, & in censum Sophistarum relatus fuisset; cum & inter Judæos, uti observant Eruditi, tum temporis ejusmodi genus hominum disputax fuerit; non usus tandem est *methodo* quadam *Analytica*, & ab ideis innatis incipiens, ad id, quod intenderat probandum progressus est; quemadmodum nonnulli, nostro tempore, simplicissimum Christi & Apostolorum sermonem, in minutissimas partes solvere & resolvere solent. Nihil hic, quod artem, nihil quod Scholam vel minimum sapiat, reperis. *Omnia* (verbis Excellentissimi Genevensium Theologi J. A. Turretini uxor) *plana ac facilia, non aliunde, quam ex vulgi usu, & recepto sermone desumpta. Similitudines, parabola, ex rebus obviis, ac velut e trivio. Argumenta, ratiocinationes, non quæ doctos solos afficiant, sed quarum vim vel rusticus, atque idiota, possit agnoscere. Quæ quidem omnia ita sapienter suis quæque locis aptantur, ut res vel maxime sublimes ipsi quasi sensibus subiciant.* Ita divina illa Oratio, quam in monte habuit, specimen hujus rei egregium est; in qua sola, quicquid *Socrates* & Celebratissimi Philosophorum habuere alicujus pretii, veluti in Compendium contracta, suavi & pathetico sed & claro & perspicuo sermone proponit. Servator noster aliquando *parabolis & similibus* ex usu vulgi petitis utebatur, ita facilibus captu, uti concipi haud possit, qua ratione homo, vel mediocriter attentus, sensum ignorare potuerit: non possum mihi temperare, quin adscribam elegantissima verba M.

Eras-



*Erasmi*, quæ extant in aureo libello, *methodo nempe compendio perveniendi ad veram Theologiam*, pag. m. 137. Nullum autem (inquit) familiarius docendi genus, nec efficacius, quam per Similium Collationem: ea Christus a rebus vulgatissimis sumit, qui suam doctrinam quam maxime popularem esse voluit. Quis enim non vidit jaci semen in terram? quis non conspexit piscatores jacentes retia? quis nescit palmites amputatos exarescere? atque hæc vulgata mire novat, ad suam Philosophiam accommodans. De Scotidarum argutissimis subtilitatibus paucorum est disserere: in his promptum est quibuslibet philosophari. Vides exorientem Solem, exbilararis; quid voluptatis sensurus, si cordis oculis exoriatur Sol ille justitiæ? molesta res est morbus corporis; quanto molestior animi morbus; horres contagium pestis corporalis; multo magis vitanda morum pestilentium contagio. Res elegans tibi videtur hortus omni florum & arborum genere vernans; quale spectaculum animus innocentia virens, ac virtutum omni genere exuberans? vides serpentem, habes exemplum christianæ prudentiæ; vides columbam, habes imaginem christianæ Simplicitatis; vides cervum, habes Symbolum admonens, avide sectandas divinas literas &c. ita *Erasmus*. Hæc omnia tamen pro temporum, hominumque ratione mire temperavit, nec omnia, quæ credenda erant, uno impetu effudit, aut omnia omnibus eodem tempore insinuavit. Quin etiam discipulis & futuris Religionis christianæ propagatoribus, per intervalla animi sui sensa, & divina Eloquia aperuit; in alia tempora, alium animi eorum statum, quædam protrahens. Imprimis vero operam dabat, ut ante omnia animos eorum præpararet, ad fata accipienda, seu, ut clarius loquar, voluit, ut præjudicia Sectæ deponerent, & pravas animi cupiditates eradicarent; persuasus tum demum mentem divinam indolem Religionis christianæ percepturam; hinc summa adhortationum ejus hæc erat: *mentem mutate, & fidem habete Evangelio meo*. Verum est, *Socratem* continuis illis quæstionibus homines ad sui cognitionem & moderati animi studium perducere voluisse; Sed cum accurata quadam ratiocinatione uteretur, ad Scholæ regulas exacta, & vel invitos ad ignorantiam confessionem adducere vellet, factum est, ut multi, partim ratiocinationis nexum non intellexerint, partim ab eo alienati fuerint, & crediderint, id tantum eum agere, ut alios confunderet, & summam disputandi peritiam ostenderet. Hæc autem *divini nostri Servatoris* methodus, omnibus ingeniis erat attemperata, quam simplices adsequi, nec Eruditi spernere poterant. Discipuli, & Religionis ejus propagatores Apostoli, eandem triverunt se-

mitam : aliquando tamen Capita quædam Religionis momentosa, paulo accuratius multis argumentis, probarunt; præsertim, cum inter illos qui fidem dederant Religioni christianæ, multi exorti sint, qui a simplicitate divinæ illius doctrinæ recefferunt, aliosque turbare conati sunt. Quod si Apostoli allegoriis aliquando utebantur, illæ breves erant & ab hominibus istorum temporum facile intelligebantur, quæ nobis aliis disciplinis deditis, alii sermoni, moribus denique ad-suetis aliis, inusitatiora videntur. Hæc qui attente perpendit, & ingenii humani indolem perspectam habet, ni fallor fatebitur, *Socratis quidem methodum, si ἀκριβῆς philosophica spectetur, subtiliorem longe fuisse docendi ratione, qua usi sunt Christus & Apostoli; Christi vero & Apostolorum ad emendandum genus Humanum, multo accommodatiorem ac præstantiorem fuisse.*

V. *Præstantia Religionis Christianæ insuper patet ex eo, quod Christus & Apostoli, opiniones, cum æterna hominum salute pugnan-tes, minime aut silentio involverint, aut toleraverint, multo minus pro-baverint: Socrates vero superstitionem tum temporis grassantem, & opiniones noxias de Diis eorumque cultu, publice non rejecerit, sed suo ad-buc exemplo comprobaverit. Qui homines a pestilentissi-mis erroribus revocare, & ad cultum Deum decentem inducere vult, ille clare & rotunde, omnia ea proponere debet, quæ homi-nes, quo minus recte Deum colant, impedire possunt. Rectus de Deo sensus, & genuina attributorum ejus contemplatio, fundamen-tum sunt, omnis cultus & religionis. Quod si igitur ejusmodi homo sciat, eos, quos emendare vult, aut Deum Summum mundi Recto-rem ignorare, aut opiniones de Eo habere, quæ Sanctissimæ ejus Naturæ, & virtutibus contrariæ sunt, summa eum ope niti decet, ut illas ex animis eorum radicitus evellat, & rectiora edoceat, nulla dis-sentium, nulla religionis publice receptæ, nulla periculi, habita ratio-ne. At Socrates nec Cultum Deorum, nec Oracula, nec Sacrificia, nec divinationem rejecit, quod jam ostendemus. Xenoph. initio memorab. p. m. 441. Ed. Bas. defensor Socratem ait. Πρωτον μὲν ἐν, ὡς ἐκ ἐνο-μιζεν, ὥς ἡ πόλις νομίζει θεοὺς, ποίῳ ποτ' ἐχρησάτο τεκμηρίῳ; βυὼν τῆ γὰρ φανερός ἦν, πολλὰ μὲν οἴκοι, πολλὰ δὲ ἐπὶ τῶν κοινῶν τῆς πόλεως βωμῶν. i. e. hoc igitur primum quod non coleret Deos, quos etiam Civi-tas, quo argumento ostenderunt? cum sepissime tum domi tum etiam in aris communibus civitatis eum constet sacrificasse. Ibid. pag. 450. Τα μὲν τοῖνυν πρὸς τὰς θεοὺς φανερός ἦν, καὶ ποίῳ καὶ λόγῳ ἥπερ ἡ Πύθια ὑποκρί-νεται*

μεταί τοις ἑρωτησὶ πῶς δει ποιεῖν ἢ περὶ θυσίας, ἢ περὶ προγονῶν βεραπειας,  
 ἢ περὶ ἄλλων τινος τῶν τοιαύτων. ἢ τε γὰρ ἡ Πυθία νόμῳ πολλῶς ἀναιρεῖ ποι-  
 ντας εὐσεβῶς ἀν ποιεῖν. Σωκράτης τε ἄτως καὶ αὐτὸς ἐποίη, καὶ τοις  
 ἄλλοις παρέχει, τὰς δὲ ἄλλους πῶς ποικντας, περισσεύας καὶ ματαιὰς ἐνομιζέ-  
 νται. i. e. Circa igitur Deos eo modo videbatur dicere & facere, quo  
 Pythius illis respondet, qui interrogant, quomodo oporteat agere, aut de  
 immolationibus, aut de majorum observantia, aut de aliis huiusmodi re-  
 bus. Sicut enim Pythius de immolationibus jubet, quod recte agat is, qui  
 consuetudine Civitatis utatur; Sic etiam Socrates ipse faciebat, ceterosque  
 admonerat: eos vero, qui aliter agebant, curiosos & vanos arbitrabatur.  
 Clarius adhuc mentem hoc de negotio aperit p. 510. quæ brevitatis  
 causa latine tantum dabo. Dic mihi, ait, o Eutydeme, qualem tu pu-  
 tas pietatem esse? at ille: Optimum quidpiam me hercule, ait. Habesne  
 & qualem pium hominem esse dicas? mihi, inquit ille, is pius esse videtur,  
 qui Deos veneratione prosequatur. Licetne quo quisque voluerit modo  
 Deos honorare? Non, inquit, sed lege qua expositum sit, quid facere con-  
 veniat. Quicumque igitur secundum leges faciet, scitne, quo pacto Deos  
 oporteat venerari? puto, inquit. Qui igitur norit Deos honorare, non  
 liter putat hoc oportere facere, quam quemadmodum novit? minime, in-  
 quit. Estne quisquam, qui Deos honoret aliter, quam putet oportere? non  
 puto equidem. Qui igitur teneat leges circa divinum cultum positas, is  
 profecto Deos secundum leges honorat? Vehementer inquit. Qui igitur  
 Deos secundum leges honorat, is, uti oportet, honorat? quid ni? qui uti  
 oportet honorat piusne est? maxime. Qui ergo circa divinum cultum le-  
 ges positas sciat, recte a nobis pius definiatur. Ita; inquit, videtur. Ex  
 quibus locis patet, Socratem, cultum receptum non modo subvertere  
 voluisse, sed & insanos eos existimasse, qui aliter sentirent & agerent.  
 Num autem hoc decet Philosophum, aut Virum probum? num ab eo  
 generis humani emendatio expectari potest? num legi Civitatis po-  
 tus, an æternis, quas de Deo habemus Ideis, attemperandus est  
 cultus? quam præstitisset, si rotunde dixisset, soli, soli, inquam,  
 omnium rerum Creatori & Gubernatori, cultum esse exhibendum!  
 Sane hic non præstitit, quod de se confessus est in Critone: 'Εγω, in-  
 quit, ἢ μόνον νυν, ἀλλὰ καὶ ἀπὸ τοιαύτος, οἷος τῶν ἐμῶν μηδενὶ ἄλλῳ πει-  
 σῶμαι ἢ τῷ λόγῳ ὅς ἐν μοι λογιζομένῳ βελτίστος φαίνεται. Ego non tan-  
 tum nunc, sed etiam semper ejusmodi fui, uti meorum nemini, sed rationi  
 arerem, quæ mihi ratiocinanti, optima videretur. Sane si hoc Axio-  
 natis loco ponendum est, cultum Deo νόμῳ πολλῶς esse exhibendum,

vel absurdissimæ de Deo sententiæ & opiniones sunt adprobandæ, & detestandus etiam cultus nunquam est abrogandus. Ita *Athenis* quis, vel *Scepticus* esse potest, & simul tamen identidem ingeminare, cultum patrium minime esse mutandum. Ita Sext. Emp. LIX. pag. 560. Ed Fabricii de Sceptico suo ait: Ταχα γὰρ ἀσφαλές εἰς τὴν εἰς ἐξέρως φιλοσοφίας, ἐνερθεῖσθαι ὁ Σκεπτικὸς. κατὰ μὲν τὰ πατρία ἔθνη καὶ τὰς νομὰς λεγόντων εἶναι Θεοὺς, καὶ παντὸς εἰς τὴν ἰδίαν θρησκείαν, καὶ εὐσεβείαν, συνείνουν ποιοῦν. Fortasse enim stabiliior, ac constantior, invenietur *Scepticus*, quam ille qui aliter philosophantur: siquidem proficitur Deos congruenter patrii moribus & legibus, & facit quicquid pertinet ad eos pie colendos: hinc recte ait Cl. Editor in notis: Ineptum & ab ἀσφαλείᾳ philosophica repulsum prorsus ac remotum, quod ita proficitur esse Deos, eosque se colere, non quales ἀσφαλῶς persuasus est, haud inficiandis rationibus, sed κατὰ τὰ πατρία ἔθνη καὶ τὰς νομὰς, professurum ita Chimeram quamcunque ἀσφαλῶς, atque cultu profecturus, si moribus ita receptum & cautum legibus patrii esset. Quis igitur Socratem non graviter peccasse fatebitur? aut enim persuasus fuit cultum publice receptum falsum esse, aut ignoravit. Si persuasus erat, cur palam hoc falsus non est, & quantum in se erat ad cultum Deo soli exhibendum, cunctos adhortatus? Si ignoravit, ineptus erat ad religionem castam hominibus instillandam. Novi *Platonem* in *Eutyphrone* & libro secundo de *Repubblica* adferere, Socratem improbasse, quæ de Diis finxerant Ποιῶν. Sed, qui Deos ritu patrio colendos esse vult, num ille jure culpæ potest eos, qui receptæ opinioni constanter adhærebant? illi enim, qui Deos, uti legibus receptum erat, colebant, dicere poterant, circa Cultum Deorum, axiomatis loco hoc tenendum: *A cultu patrio ne latum quidem unguem recedendum est.* Quid hic reponere potuisset Vir optimus, quod veri amanti satis facere potuisset? Si enim crassiores tantum plebis de Diis opiniones se rejicere dixisset, statim in promptu responsio erat, Religionem plebis, esse religionem publice legibus stabilitam, sequi ergo, vel ex *Ipsius principiiis*, nihil hic mutandum. Si aliud animo prelit, in medium erat proferendum. Ex adductis supra locis satis patet, Socratem Oraculorum auctoritatem non rejecisse; cultus enim normam ad Oraculorum responsa referebat. Notum autem est, multum ea contulisse ad superstitionem augendam; magnus erat hominum ad Ea concursus, magna eorum auctoritas. Omnia autem in illis Oraculis ad fraudem composita fuisse, adeo luculenter probarunt doctissimi Viri, v. *Dalen*, *Fontenelle*, *Basnage*, ut pauci posthac futuri

futuri sint, qui Diabolo effata Oraculorum adscribant. Quis autem dubitet, *Socratem* scivisse, Oracula non Deorum providentia, aut cura edi, sed meras esse fraudes versutillimorum Sacrificulorum, cum nostro tempore fallaciam eorum detexerint Eruditi, ipse autem omnes circumstantias nosse probe potuerit. Sane cæteri Philosophi, qui nec acumine ingenii, nec amore veritatis, cum Eo certare poterant, aperte sibilis exceperunt vanissimam hominum de divinitate Oraculorum persuasionem. Scio, posse mihi opponi locum *Plutarchi de demonio Socratis* p. 580. in quo, postquam Vir πολυμαθέςατος *Socratem* laudasset, quod Philosophiam repurgasset, addit: ἡ παν ἐπαγγελιαμένη λογῶ ἀγαθὸν καὶ τὸ συμφέρον, τῷ διδάσκειν εἰς Θεοὺς ἐπαναχωρεῖν, τῆς τῶν πράξεων ἀρχῆς ὡς τὰ λογικὰ καταφρονεῖσα, καὶ τὴν ἀποδείξιν ἢ δοκεῖ διαφέρειν ἀτιμασάσα, πρὸς μαντεύματα τρέπεται καὶ ὀνειρατῶν ὄψεσι. i. e. *que*, (sc. Philosophia) cum omne bonum, atque utile, ad principia rationis referre profiteatur, eo quod ad Deum recurrere semper docet, principium actionum una cum ratione negligent, & demonstrationem, in qua pretium ejus positum esse videbatur, postponens, ad Oracula, Somnia, atque Visa, convertitur. Sed quemadmodum falsum est, quod in antecedentibus *Plutarchus* adserit, *Socratem* nempe a Superstitione philosophiam liberasse, ita minime etiam probavit *Plutarchus*, *Socratem* Oracula repudiassse. Confutatur hoc, ex ipsa *Platonis Apologia*, in qua ad testimonium amici provocabat, qui perhibuerit, Oraculum dixisse, *Socratem* omnium hominum Sapientissimum esse; quod si divinam auctoritatem illi minime tribuisset, malignum & superbum se exhibuisset, si coram Judice eo provocasset. Quæ de Oraculis dixi, idem de divinationibus intelligi volo. *Xenoph.* Libro I. memorab. Περὶ δε ἰων ἀδελῶν, ὅπως ἀποβήσονται μαντεύμενας ἐπέμπεν εἰ ποτὲα. Καὶ ἰς μεθούσας οἰκας τε καὶ πόλεις κακῶς οἰκῆσεν, μαντικῆς ἐφῆ προσδεῖσθαι. i. e. *De illis vero, quorum incertus exitus esset, a Diis, an suscipienda sint, petere hortabatur: assereratque omnibus, qui aut domum, aut civitatem recte habitaturi sunt, opus esse divinatione.* Idem Lib. L. p. 450. Εἰ δε ἴι δοξῆεν αὐτῷ σημαίνεσθαι παρὰ Θεῶν, ἢ ἰον ἀν ἐπειθῇ παρὰ ἴα σημαίνεσθαι ποιησαι, ἢ εἰ ἴς αὐτὸν ἐπειθὲν ἐδε λαβεῖν ἡγεμονία ἰσφλον, καὶ μὴ εἰδῶσα ἴην ὁδόν, αὐτὸν βλεπόντος καὶ εἰδῶτος. καὶ ἰων ἀδελῶν κατηγορεῖ, εἰ ἴνες ἴα παρὰ ἰων Θεῶν σημαίνεσθαι, ποιῶσι ἴι, φυλαττέμενοι ἴην παρὰ ἴοις ἀνέριστοις ἀδελφίαν. αὐτὸς δε πᾶσι ἀνθρώποινα ὑπερσώρα, πρὸς ἴην παρὰ ἰων Θεῶν ξυμβουλίαν. i. e. *Si quando autem quicquam a Diis sibi ostendi putabat, minus persuasus fuisset præter ostensa facere, quam si quis persuaderet ei, ducem in via cæcum pro vidente recipere,* &

*via ignarum pro cognoscente. Illos autem, qui cavendo hominum opinio-  
nes, præter illa, quæ Dñi consulerent facerent, stoliditate accusabat. Ipse  
vero consultationem divinam omnibus anteferebat humanis. Idem Lib. IV.  
p. 504. Το δε καὶ εἰ ἀδυνατῶμεν μὲν τὰ συμφερόντα προνοοῦναι, ὑπὲρ ἰσὺν  
μελλόντων, ταύτην αὖτις ἡμῖν συνεργεῖν διὰ μαντικῆς τοῖς πυνθανομένοις. Φε-  
ροῦντας τὰ ἀποβησομένα, καὶ διδασκόντας, ἢ ἀν' ἀρετὰ γιγνόντο. i. e. Quod  
autem, inquit, quando nobis impossibilis est futurorum Providentia, ipsi  
nos in hoc juvant per divinationem exitum rerum interrogantibus, mani-  
festantes atque docentes, quonam pacto quam optime fiant, magni Amoris  
est. Vides Socratem divinationem minime neglexisse; licet autem Ille  
forte aliter loquebatur, quam sentiebat; patet tamen eum publice  
nunquam voluisse eam taxare. Histritoniam autem illam multum ad  
superstitionem augendam fecisse, adeo notum est, ut nihil supra: hinc  
Cicero recte funditus illam subvertendam putabat, licet ipso opere  
æque ac Socrates nil mutare decreverat. Quod si hæc igitur omnia in  
Summam colligamus, fateri necesse est, Socratem nec Philosophi,  
nec Viri Boni officia præstituisse, dum hæc Superstitionis fulcra non  
solum non subverterit, sed & auctoritate sua probaverit. His enim  
sublatis, via ad cultum puriorem strata fuisset. Stantibus autem iis-  
dem, nulla melioris & emendationis cultus inter homines obtinendi  
spes erat. Intercedit tamen, præter alios, hic Ingeniosissimus Vaye-  
rius de la vertu des Payens pag. 592. dicens. On prouve très mal son  
Idololâtrie, par les termes, dont ses disciples se sont servis, dans leur Apolo-  
gies, quand ils ont écrit, qu'il n'avoit rien innové au fait de la Religion,  
ayant toujours vecu pour ce regard, comme les autres, & usé des Sacri-  
fices, selon qu'ils étoient alors en usage. Car déjà leur propre intérêt, &  
la crainte de la ciguë les peut avoir fait parler de la sorte. D'ailleurs il  
y a lieu de dire, que Socrate, qui n'avoit que la foi implicite, se conten-  
toit de reconnoître un seul Dieu dans la loi de la nature, sans vouloir pour  
cela troubler le gouvernement public, par l'introduction d'un nouveau cul-  
te. dont il ne pouvoit user, sans violer les loix de l'Etat: Et que, s'il a sa-  
crifié à quelques divinités Athenienses, cela éte vraisemblablement par une  
nuë reconnoissance des puissances, d'un seul Dieu, qu'il adoroit, sous des  
noms differens. Sed male defendit Virum alias præstantissimum Eru-  
ditus Vayerius: Primo enim aliunde quid senserit feceritque Socrates,  
scire non possumus, quam ex discipulorum testimoniis, unde igitur pa-  
tebit, eos hac in parte tempori inservisse? 2. Eo ipso, quod Socrates  
cultum patrium sequebatur, nec Philosophi nec Viri Cordati officium  
adim-*

adimplevit. Et quantum videtur, doctissimus *Vayerius* ipsemet nil tentasset ad cultum Idololatricum Ecclesiæ Romanæ subvertendum. Nimirum ubi tanta est Ecclesiæ auctoritas parum valet & conscientia, & Philosophia. 3. Si vel maxime, dum Deos Atheniensium coluit, aliud animo agitavit, nondum tamen excusari potest; *nec enim in causa religionis Histrionem agere licet*, & aliud præ se ferre, aliud credere, præsertim in iis, quæ cultum Dei cultum spectant, quæque sine offensione Dei & hominum tegi haud possunt.

VI. At *divinus* noster *Salvator* longissime ab hac via recessit. Cum mundo adparuit, non minus depravatus erat status Judæorum, quam Gentilium. *Judei* equidem divinam habebant Revelationem in Scriptis *Mosis* & *Prophetarum* contentam, quam tamen adeo neglexerant, ut nonnisi tenuis umbra veræ religionis remaneret; traditionibus variis ea, quæ ad verum Dei cultum pertinebant, mire adulteraverant. Hinc spretis momentosissimis veritatibus, quæ ad vitam pie degendam, & summam felicitatem consequendam faciebant, ea sectabantur, quæ sine mentis emendatione, facile præstari possunt. Hæc autem minime tulit *divinus* noster *Servator*, provocabat denuo ad Legem & Prophetas. In purgatione animi a pravis adfectionibus, in vivendi ratione ad voluntatem Numinis exacta, veram pietatem consistere ingeminabat. Non quæri inquebat, utrum Hierosolymis, vel in monte Samaritæ, Deum adorarent, sed utrum vera mentis ad Deum ubique præsentem conversione hoc facerent. Parum juvare ipsos, quod ab Abrahamo oriundi essent: illum sibi placere, qui ad exemplum Abrahami pietatem unice sectaretur. Messiam se esse, unicam spem Fidelium, Causam unicam nostræ cum Deo reconciliationis, publice docebat, licet haud ignoraret, quam hoc ab opinionibus plerorumque alienum esset.

Cum autem Religionis etiam minime puræ Antistites ubique multum valeant, & receptas semel sententias pertinaciter defendant, eorumque etiam, penes quos rerum summa est, favorem vulgo obtineant, facile fieri potest, ut metu eos offendendi absteriti viri veritatis minus amantes, receptam publicæ Religionis professionem, minime eo, quo decet, fervore, aggrediantur, sed inter familiares tantum mustitent, eamque domi albis dentibus rideant. Sed *divinus* noster *Servator* Phariseos, genus hominum pestilens, & ad genium Seculi totum compositum, publice taxavit, & mores eorum ad vivum depinxit, eosque præcipuam Religionis tantopere deturpatæ, morum-  
que

que depravatissimorum Causam esse, in media etiam turba, pronuntiavit; & licet facile prævideret, versutos illos Histriones, ad Sui Interneconem omnia paraturos; nunquam tamen a sanctissimo Instituto destitit: noluit *Ille*, Deum coli *νομῶ πολέως*, quemadmodum *Socrates*: noluit, ea quæ Dei sunt, aliis tribui; gravius vulnus & altissime inhærens non fomentis alendum sed penitus tollendum, & vel ense refecandum esse, rebatur, ne pars sincera etiam trahatur. Similiter *Apostoli* exemplum *Ejus* sequebantur. Et ut de paganis solis jam dicam, in ipsa florentissima urbe Atheniensium *unicum mundi* Rectorem deprædicabant, cultum Deorum publice reprehendentes, frustra ringentibus insanientis Sapientiæ Consultis, qui diversissimam philosophandrationem sequentes, in superstitione tamen & ruius receptis defendendis, in unum conspirabant. Argumentabantur illi *ἀπαιδευτοί*, sed summis Philosophis candidiores, de Deo, & virtutibus *Ejus*, de natura cultus casti, & Deo placentis, licet haud ignorarent, Philosophos illos existimare, se solos sapere, & quid verum rectumque sit, nosse. Nolebant hi tempori inservire, eaque, quæ *ἀκινῆα* esse videbantur tolerare. Imo quod magis est, cum persuasi erant, fidem in Servatorem nostrum, aliaque, cum his connexa Religionis capita, ad consequendam salutem, creditu necessaria esse, *ea publice profitebantur*, nec ullis minis, persecutionumque æstu, ab excellentissimæ religionis professione, absterri poterant; licet haud ignorarent, homines perversos fannis ejusmodi res excepturos esse: hinc & de resurrectione corporum nostrorum, dogmate plane Paganis ignoto, non solum præsentibus Philosophis, sed & Viris summæ dignitatis loquebantur, ea gravitate & fiducia, uti facile adparuerit, nec delusæ mentis somniis, nec subtilibus Sophisticationibus deceptos esse Viros optimos & pientissimos. Athenienses & cæteri pagani *μυστηρία* sua, seu potius tetra & ridicula deliramenta coram plebe velabant, & nonnisi Initiatis retegabant: *Apostoli* uti prudenter & caste *ἡ βαθὴ ἡ Θεοῦ* edifferebant, sic vel ideo se a divino Servatore missos dictitabant, ut quæ Seculorum vitio obscurata essent, in lucem proferrent, & quæ hætenus orbis ignoraret, cunctis mortalibus annuntiarent. Hac demum certe ratione Religio aliam induit faciem, & divina adstante gratia, superstitionis, quæ orbem inundavit, migrare, excellentissimæque Deum colendi rationi, cedere debuit, quod ne subtilissimi quidem Philosophi unquam præstare potuerunt. Verum est interim, Apostolos quædam in Judæis & Gentilibus tolerasse, neque ad ritus omnes, quibus erant, im-

primis



primis priores adfueri, abjiciendos eos coegisse. Prudenter ferebant, quæ tolerari sine salutis dispendio poterant. Sed primo statim edocebant cunctos, in quo veræ Religionis indoles consisteret. Et si quando de mysteriis Religionis christianæ loquebantur, eorum *θεομυστήριον* simul ostendebant. Neque disciplinam aliquam Arcani circa dogmata & ritus observandam injungere, quæ sequentibus demum Seculis, non sine castæ Religionis damno introducta est. Non (ut hoc in transitu dicam enim) adprobare possum quorundam Virorum doctorum sententiam, existimantium, hodierno Religionis statui, enascentibus indies tot Religionis *ἐμπαιδείας* conducibilem quam maxime fore hujus discipline Arcani restorationem. Aut enim dicendum est, dari in Religione christiana *μυστήρια* adversa fronte cum evidentissimis rationis principiis pugnantia, aut veritates saltem captum nostrum quidem superantes, minime autem contradictorias, sed Deo dignas. Prius nemo adferet, qui Religionem christianam sine studio partium examinaverit, neque etiam adferunt hoc Viri docti. Posterius concedimus quidem, sed nihil hîc credendum imponitur, quod homines perspicaces, & imbecillitatis ingenii humani probe gnari, admittere non possint; cum in illis disciplinis, circa quas subtilissimorum Virorum cura versatur, multa passim ejusmodi observentur *δυσνοήτα*. Quid igitur prohibet, quo minus publice & privatim, coram plebe & eruditis, illa possint proponi? neque sublimia illa ingenia, quæ cæteros homines despectare solent, hætenus immotis rationibus demonstrant, *μυστήρια* illa in sacris revelata apertam involvere contradictionem. Loquor autem de mysteriis, quæ in S. Literis traduntur, non autem de iis quæ a Pontificiis efficta sunt. Saltem notum est, per hanc disciplinam factum, ut simplicissima gratiæ divinæ signa in ludicram quandam histrioniam commutata fuerint.

VII. Sed consideremus jam ipsam *Socratis* doctrinam & recte vivendi præcepta. Calumniam fuisse atrocissimam *Aristophanis* adferentis, *Socratem* omne discrimen inter justum & injustum subvertisse & omne Numen sustulisse, notum est plerisque. Præcipua ejus dogmata recensebo, & loca tantum citabo, cum hæc omnia proxime præstiterim in *Apologia Socratis contra Aristophanem* suscepta. Numinis existentiam agnoscit & probat, argumentis, ab universi ordine, & finibus rerum Creaturarum desumptis apud *Xenoph.* Mem. Lib. IV. p. 503. Eundem Summum mundi Rectorem inconspicuum nec minus tamen colendum ibid. 505. *Incorporeum*, præter *Plutarchum* de plac-

placitis, *Lactantius* de ira Dei cap. 12. sect. 13. *bonum* Xenoph. Lib. I. p. 450. & Lib. IV. p. 505. *omniscium* idem p. 454. *Sapientissimum* Plato in Apologia p. 471. *Omnia curare posse* idem Xenoph. p. 454. *omnibus rebus prospicere* Lib. I. p. 452. *leges quasdam dari divinas, ab omnibus observandas* ibid. p. 508. *preces ad Deum fundendas, & in genere tantum, translata in Deum, quid nobis quam maxime profit, cura*, p. 450. *Deum Colendum & adorandum* p. 453. *adspicibilem hanc rerum universitatem produxisse*, Lib. IV. p. 505. *nobilitatem mentis & corporis pulchritudinem Dei beneficentie deberi*, p. 433. præterea *Socrates*, quosvis homines ad virtutis amorem, constantiam, prudentiam, temperantiam, modestiam, cæterasque virtutes colendas, adhortatus est, quæ omnia cum notissima sint, hic adferre nolo. Concedimus igitur lubentes, *Virum Summum*, præcipua capita religionis naturalis agnovisse, & hac in parte multos alios Philosophos superasse. Quod si tamen Religionis christianæ Decreta sine studio partium contemplamur, aut fallor vehementer, aut multis modis *Socratis* Philosophiam superavit; Primo enim ea ipsa, quæ ratione sola de Deo cognosci possunt, Revelatio clarius, & evidentius ad omnium persuasionem aperit. Exhibet enim magnificas de Deo notiones; Deum nobis sistit æternum, Independentem, Omnium Rerum Conditorem, solo nutu cuncta producentem; Sapientissimum, Omniscium, Æquissimum, Misericordem, Omnibus, maximis, minimis prospicientem, cuncta Conservantem, Gubernantem, pios imprimis foventem, omnia ad hominis salutem præstantem, leges æquissimas humano generi præscribentem, &c. Nihil tam præclare cogitari, nedum de Deo dici potest, quod Religio christiana non identidem inculcet. Nolo hæc ipsissimis verbis Scripturæ probare, cum omnibus, qui divinam illius Originem agnoscunt, notissima sint. Conferantur Libri V. & N. T. cum *Platonis & Xenophontis* Scriptis, & examine instituto patebit, quæ doctrina excellentiores præbeat de Deo, & rebus divinis cogitationes. Quod si tamen Philosophia *Socratis* non minus recta, quæ de Deo cognosci ex ratione possunt, nos edoceret, quam Religio christiana; destituta tamen est præstantissimis illis ad Pietatem Incentivis, quæ Religio Christiana suppeditat. Ad virtutem amandam, adduci debent efficacissima argumenta, quibus homines ad illius studium pertrahuntur. *Premia si tollas, periire virtutis amores*. Necessarium hoc est, propter voluntatis depravationem, quæ tanta est, ut, nisi prædiis quibusdam muniatur ad virtutem sectandam, facillime in præceptis abripiatur. Aut nulli enim, aut paucissimi mortalium, vir-  
tute

tute sola ejusque præstantia, moventur. Imo si verum dicere velimus, nisi certa quædam, aut maxime probabilis adsit spes præmii virtutis, difficulter concipi potest, qua ratione virtutis contemplatio, tantam vim in animos hominum habeat, ut vehementissimis adfectionibus suppressis, virtuti adhæreant. Convenienter rationi vivendum est, virtuti opera danda. Ita est: Sed cur? quia rationi conveniens est. Si denuo quæram, responsio eadem repetetur. Perquam insuper difficile est ostendere, præcepta rationis vim aliquam juris habere divini; qui hac de re dubitat, legat Consultissimi & Eruditissimi *Homburgi Acti Marpurgensis*, *Dubia circa Jus Naturæ*. Accedit tandem, quod nemo non videt, Virtutis amantes non semper esse omnium felicissimos. Eleganter acutissimus *Lokius* loquitur in tractatu, cui titulus: *Que la Religion Chrétienne est très-raisonnable* p. m. 326. *À la vérité, enquit, les Philosophes relevoient la beauté de la Vertu. Ils ornoient si bien cette divine Fille du Ciel, qu'elle attiroit les yeux des hommes, & gardoient leur approbation; mais comme ils ne lui assignoient aucune dot, il y en avoit peu qui voulussent l'épouser.* Eruditus Auctor, qui tractatum illum in linguam gallicam transtulit, hæc a *Lokio* dissentit. *Je ne sai, enquit, si M. Loke a calculé exactement: mais il me semble, que des sectes très-fameuses & qui ont subsisté long-tems dans le monde comme l'Ecole de Socrate, les Stoiciens, & les Cyniques, ont fait profession d'estimer la vertu pour elle-même & de préférer l'honnête à l'utile.* Provocat etiam ad *Horatium*, qui Od. L. III. Od. 29. ita ait.

*Fortuna sevo lata negotio, &  
Ludum insolentem ludere pertinax,  
Transmutat incertos honores,  
Nunc mihi, nunc alii benigna.  
Laudo manentem: si celeres quatit  
Pennas, resigno, quæ dedit, & mea  
Virtute me involvo, probamque  
Pauperiem sine dote quero.*

Non nego Philosophos & Poetas aliquando de se ita locutos. Sed aliud est dicere, aliud facere. Qui ingenium *Horatii* novit, difficulter bi persuadebit, virtutem solam tantam vim in ejus animum habuisse, ut difficillima quæque propter virtutem solam perpeti voluerit. *Cicero* etiam non semel cum Stoicis adseruit, *virtutem ad bene beateque vivendum se ipsa contentam esse.* Sed audi eundem *Orat.* pro *Rabirio*:

*Nemo, inquit, nostrum in Republica periculis cum laude ac virtute versatur, quin spe posteritatis fructuque ducatur, & Tusc. Lib. I. Licuit esse otioso Themistocli, licuit Epaminonda, sed nescio quomodo inberet in mentibus quasi seculorum quoddam augurium futurorum: quo quidem demto, quis tam amens esset, qui semper in laboribus & periculis viveret? Ita vides aliter loqui Eloquentissimum Consulem, cum sibi in porticu, aliter cum in Curia esse videtur. Legatur hac de re secunda Sectio differt. VII. Opusc. Theolog. Excellentissimi nostri Werenselsii. Quod si vel maxime concederemus, Virum egregiis animi dotibus instructum, virtutem propter se ipsam, non commoda, non gloriam, non voluptatem, sectari; fatendum tamen est, ejusmodi virtutem fore excellentiorem, constantiorem, si haud incerta spe futura immortalitatis, corroborata esset. Fatetur hoc ipsum Vir doctus, qui a Lokio dissentit p. 320. in adjecta nota, quod nobis haecenus sufficit. Pone igitur, Socratem sola virtutis praestantia commotum, convenienter rationi vixisse, patet tamen, paucissimos passibus æquis, in hoc virtutis stadio sequi potuisse Virum eminentissimarum Virtutum. Quantum enim, bone Deus! temporis requiritur ad persuadendos homines, qui nec ingenio valent, nec tempus ejusmodi res examinandi habent, virtute nihil excellentius, nihil amore nostro dignius esse. Alia autem argumenta Socrates ad persuadendos Atheniensium animos adferre non potuit, dum ipsemet de præmiis & poenis post mortem, dubitanter locutus est. Quod clarissimis jam testimoniis probabimus. Non fidem habeo Luciano, qui in Dialogo Menippi & Cerberi Tom. I. p. 307. ed. Grævii perhibet, Socratem summo cum timore mortem adiisse; sed discipulorum & fautorum verba adducam. In fine Apologiae Plat. Socrates ita loquitur: ἀλλὰ γὰρ ἡδὴ ὥρα ἀπνεύαι. ἐμοὶ μὲν ἀποθανήμενω, ὑμῖν δὲ βιωσομένοις. ὁπότεροι δὲ ἡμῶν ἐρχονται ἐπὶ ἀμείνων πράγματα, ἡ δὲ ἅπαντι, ἢ τῷ Θεῷ. Sed jam hora est binc abire, me quidem ut moriar, vos autem ut vitam agatis. Utri vero nostrum in melius eant, omnibus, præterquam Deo, est incertum. Paulo supra in eadem Apologia ait: δύοιν γὰρ, θαυτερον ἐστὶ το τεθνῶναι, ἢ γὰρ οἷον μὴδεν εἶναι, μὴδ' αἰδησιν μὴδὲ μίαν μὴδενος ἔχουσιν τον τεθνεῶτα, ἢ κατὰ τὰ λεγόμενα μεταβολὴ τις τυγχάνει ἅσα, καὶ μετοικησις, τῆς ψυχῆς τε τοπικὴ τε ἐνθευθὲ εἰς ἄλλον τοπον, καὶ εἴτε δὴ μὴδὲμία αἰδησις ἐστίν, ἀλλ' οἷον ὕπνος, ἐπειδὴν τις καθύπνων μὴδ' ὄναρ μὴδεν ὄρα, θαυμασιον κερδὸς ἂν εἴη ὁ Θάνατος & paucis interjectis. εἰ δ' αὖ οἷον ἀποδημησai ἐστίν ὁ Θάνατος ἐνθενθὲ, εἰς ἄλλον τοπον, καὶ ἀλγὴν ἐστὶ τὰ λεγόμενα, ὥς ἄρα ἐκεῖ ἐστὶ πάντες οἱ τεθνεῶτες, τι μείζον*

μειζον αγαθον τετα ειη ω' Ανδρες Δικασται. i. e. duorum enim alterum mors est. Nam aut tanquam nihil omnino sit, sensum nullum ullius rei retinet is, qui decessit e vita: aut quemadmodum dicitur permutatio quedam, aut transmigratio animæ ab hoc in alium locum. Sive ergo nullus remanet sensus, sed tanquam somnus quidam est, in quo quis somnium cernit nullum, admirabile lucrum erit in morte. Sin autem mors est tanquam transmigratio quedam hinc in alium locum, ac vera sunt quæ dicuntur, videlicet in alio seorsum a nobis loco omnes defunctos esse, quidnam melius quam hoc esse potest o Judices! In Phædone pag. 46. postquam multum de statu post mortem locutus esset, ita pergit. Το μεν εν ταυτα διαχυρισαομαι ετως εχειν ως εγω διεληλυθα, ε' περιπειναν εχοντι ανδρι. οτι μεντοι, η ταυτ' εστιν, η ταυτ' αττα περιτας ψυχας ημων και τας οικησεις, επιειπερ αθανατον γε η ψυχη φαινεται εσα, τετο και περιπειν' εμοι δοκει και αξιον κινδυνευσαι οιομενω ουτως εχειν! Hæc igitur eo modo se habere, ut ego narraui, non decet Virum judicio præditum affirmare. Attamen vel hæc vel talia quedam esse circa animos nostros eorumque habitationes, quandoquidem animum immortalem esse liquet: hoc adserere & decere mihi videtur & dignum esse sic rem habere putantem periclitari. In eodem Phædone ait. Nυν δε εϋ ες οτι παρ ανδρας τε ελπιζω αφιζεσαι αγαθας, και τετο μεν εν αν πανυ δισχυρισαιμεν. Plutarchus, qui Socratem maximi fecit, in Consol. ad Apollon. similiter inducit eum loquentem: nimirum mortem, non esse timendam, quod aut similis somno, aut peregrinationi futura sit, aut tandem morte obita cuncta destruantur. Quodnam autem Veri nominis solatium Vir probus & virtutis amans, in ejusmodi persuasionem invenire poterit? scilicet post acerrimum veritatis studium, culturam rationis, virtutis studium, post tot pravas animi concupiscentias edomitas, post tolerata tot mala, ad plures abeundum est, & exacto vitæ tempore hoc unicum tandem solatium relictum, quod ad rationis normam vitam suam composuerit. Rectissime Eruditissimus Clark. demonstr. de l'Existence de Dieu. Tom. 2. p. m. 179. ait: Suppose qu'un homme souffre la mort, pour l'amour de la vertu, s'il n'a d'autre bonheur à attendre, que celui que lui procure le contentement interieur, qui naît du sentiment, qu'il a fait courageusement son devoir, & qu'il s'est inviolablement attaché aux regles de la justice; & s'il n'y a point d'heureux avenir, où il recueille le fruit de sa perseverance dans le bien, peut-on dire, qu'il soit plus beureux en effet, que celui qui meur martyr d'une fausse opinion, qu'il a entrepris de soutenir par caprice & par entêtement? Il faudra dire au contraire, suppose que la vertu n'ait aucune recompense à

attendre dans l'avenir , que Dieu lui a donné des charmes si grands , & qu'elle se captive si nécessairement l'esprit & le cœur de l'homme , que l'homme ne peut s'empêcher de se déclarer pour elle , & qu'avec tout cela , il l'a laissée déstituée de motifs suffisans , pour porter les hommes à soutenir rigoureusement son parti. Erunt forsā qui dicent , immortalitatem mentis humanæ , & certam persuasionem de præmiis & pœnis post hanc vitam , ope rationis solius minime innotescere ; quod si hoc vel maxime concedam , sequetur inde , summam esse Religionis christianæ præstantiam , quæ firmissime hanc veritatem stabilivit. Non solum enim Christus exemplo suo futuræ vitæ & immortalitatis certissimum adduxit argumentum ; sed & promisit omnibus suis cultoribus beatæ immortalitatis possessionem. Apostoli hac fide armati , aliter plane loquuntur quam *Socrates* proximus morti. Vide Rom. 8. v. 15. 16. 2. Timoth. 4. v. 8. Confer igitur dubiam spem *Socratis* , cum immota fiducia Apostolorum , & quantum præstet Religio christiana Philosophia *Socratis* , clarissime patebit. Quod si autem *Socrates* Vir perspicacissimus & præstantissimus , ita dubie de futura vita locutus est , quam spem habuerit plebs , quæ utilitate potius , quam rectæ rationationis legibus ad quælibet agenda impellitur , facile judicari potest. Saltem nullibi legimus , *Socratem* argumentum petiisse a certitudine vitæ future , ad incitandos homines , ut virtutem sectentur : hinc quam languidum virtutis studium fuerit , omnes , vel me tacente , intelligunt. (\*).

VIII. Addam hic aliud ad Pietatis Studium *Incentivum* , quod ex ipsa Religionis christiane natura emergit , ejusque præstantiam abunde demonstrat. Quum animus hominis difficulter Religionis præceptis pareat , omnia argumenta adferenda sunt , quibus ad virtutem amandam inducatur. *Socrates* præter ea , quæ recta docet ratio , in medium proferre nihil potuit , neque etiam , uti audivimus , probis certam beatæ immortalitatis spem promittere potuit. Religio Christiana non solum argumenta petit a perfectionibus Dei , creatione & Conservatione rerum omnium innumerisque beneficiis , quibus genus humanum adficitur , sed imprimis a Magnifico Opere Redemptionis , Lucæ 1:74. 1. Cor. 6:20. & aliis locis quamplurimis. Eum in finem in memoriam nobis revocat , miserabilem generis humani statum , atrocitatem & pœnam peccati , incredibilem amorem Dei erga nos , Christi Servatoris nostri Sapientiam ,

Inno.

(\*) Confer quæ de hoc argumento meditatus est Cl. Mosheimius *Ethica Christi* , cap. I. pag. 109.

Innocentiam, cruentam mortem pro homine obitam, vim & incredibile pondus hujus mortis, promissa ejus omne nostrum meritum, omnem ingenii vim superantia, Bona denique in nos redundatura, egregia, perennatura, & eternam felicitatem adlatura. Hæc Incentiva non simpliciter proponuntur, sed repetuntur, inculcantur, ea ratione, quæ aptissima est ad hominum animos commovendos. Latius hæc diducere & demonstrare nolo; more suo, id est solide, hoc probat Eximius *Werenselsius*, *eternum Helvetiæ nostræ Decus*, *dissert. Theolog. VII.* Hoc tantum observandum, hæc Incentiva omnium captui esse accommodata, in oculos quasi incurrentia, ad animos hominum etiam perversissimorum emolliendos efficacissima, exemplisque eorum, qui illam Religionem profitebantur, vimque ejus senserunt, roborata & confirmata. Scio quid dicturi hic sint increduli: respondebunt, hæc Incentiva, quorum mentionem fecerim, petita esse a Myserio S. S. Trinitatis & Redemptionis; hæc autem superare captum humanum; e re autem, cujus notiones plane sint obscuræ, argumenta ad pietatem recte peti non posse. Socratem argumentatum esse ab iis, quæ ratio capere potest; ad impossibile autem neminem obligari. Ad hæc sequentia noto: Ium. est: fateri nos, hæc Myseria a nobis capi non posse, sufficit quod absurda & contradictoria non sint. Credimus Unum Deum, hoc ratio & Revelatio docet. Credimus porro in Unico hoc & perfectissimo Ente aliquid esse, quod Patrem, aliquid, quod Filium, & tandem aliquid, quod Sp. S. vocamus: modum hujus rei prorsus ignoramus. Credimus porro, Deum singulari quadam, nec satis nobis hominibus cognita ratione, manifestatum in carne, ut cum S. Scriptura loquar. 2. Incentiva illa, minime petuntur ex eo, quod circa naturam ineffabilem Dei & mysteriorum, ignoramus, sed ex eo, quod homines intelligere possunt, *Deus Triunus* quatenus ceu bonus, misericors, Sapiens, Justus, consideratur, est objectum adorationis, cultus, non quatenus est Ens aliquod Innensurabile, & cujus intimam naturam cognoscere non possumus. Priore enim demum ratione Deus est *αὐτοθεός*. Ita S. Scriptura refert, Christum nos sanguine suo redemisse, pro nobis satisfacisse, vitam & immortalitatem adquisivisse, minime autem ex ineffabili conjunctione, quæ intercessit inter Deum & humanam naturam argumentatur. Deum Patrem velle pios per Christum æternum felices reddere, Sp. Sanctum animos hominum mutare, in adversitatibus auxilium ferre, &c. Par igitur esse, ut ad Christum confugiamus, gratiam Sp. Sancti imploremus, non autem argumentatur a modo Myserii SS. Trinita-

nitatis. 3. Si nulla *Incentiva* ad virtutem sequendam valerent, nisi quæ petuntur a rebus, quarum naturam & modum exacte perspiceremus, sequeretur nec ipsa *Incentiva*, quæ ratio circa cultum Dei sup-  
peditat, quicquam valere. Laudandus est Deus, inquit ratio. Cur? quia omnium rerum Creator & Conservator est. Sed num scimus, qua ratione Deus solo voluntatis Imperio, adspectabilem rerum Univer-  
sitatem producere potuerit? gratiæ sunt agendæ Deo, quod innum-  
meris quotidie nos beneficiis cumulet: num perspecta est autem ra-  
tio Conservationis & Operationis in Corpora & mentem? Ipsi illi, qui rationem solam audiendam esse putant, ex sola ratione probari  
posse existimant nos teneri convenienter rationi vivere, licet argumen-  
tatio illa, minime nitatur *ἀκριβεια* Mathematica, quam tamen frequen-  
ter in ore habent. Licet igitur Mysteriorum illorum rationem & na-  
turam, minime recte perspiciamus, sufficit tamen, quod illa *quatenus*  
capi possunt, in se comprehendant *efficacissima ad pietatem Incentiva*.

IX. Probavimus Præstantiam Religionis christianæ, collatæ cum  
Philosophia Socratis, ex *Incentivis ad pietatem*, quæ Religio christiana  
in medium profert, & quibus Philosophia Socratis destituta est. Pate-  
bit autem illa Præstantia porro, si ostendemus, Chriſt. Relig. *certissi-*  
*mam viam ostendere ad Deum propitium reddendum, minime autem Phi-*  
*losophiam Socratis*. Probo autem id inde, quod Socrates ostendere  
non potuerit, velle Deum cum homine peccatore in gratiam reducere. Po-  
tuit quidem Socrates Deum concipere, uti Ens aliquod optimum, mi-  
sericors, placabile, non iræ, non vindictæ cupidum, aut morosum:  
posse adeoque Deum, si velit, in gratiam redire cum errante. Sed  
certo eum hoc velle, unde novit? Credidit, vivendum esse con-  
venienter rationi, oportere nos cuncta animi desideria ad nutum Nu-  
minis componere, oportere nos modestos, temperantes, placabiles,  
paci studiosos esse; resistere pravis animi adfectionibus & studiis,  
ex animo evellere omnia desideria voluntati Numinis, quantum illa  
cognosci potest, contraria: Quod si in se descendit, fateri debuit, se  
multoties cogitationibus & actionibus suis, a vero rectoque descivisse.  
Vehementiores enim sunt animi adfectiones, quam ut vel evidentissi-  
mis ratiocinationibus infringi possint; nescivit igitur, utrum Deus ve-  
lit omnes illas aberrationes sibi ignoscere. Dices, Socratem potuisse  
credere, *benignissimum Numen*, errores, quos parum cavet natura hu-  
mana, remissurum: Sufficere, si quis pro viribus rationis decreta ser-  
vet. Sed quis *determinare tuto* possit, *ad quem gradum* usque, proba-  
bilis,



ilitas, ut sic dicam, futuræ remissionis extendenda sit? Quis definire, quot peccata Deus condonaturus sit, nec ne? Hoc certe illorum est explicare, qui *artem litigandi cum Deo callent*. Certam igitur, & immotis argumentis superstructam fiduciam, homo, qui rationem solam audit, habere non poterit, Deum secum in gratiam rediturum. Imprimis autem necesse hoc ei accedere, qui dubitanter loquitur, de præmio post mortem, quique, si conscientiam in consilium adhibuit, æteri debuit, se pro Viribus, cultum Numinis purum restituere minime laborasse. Supponamus autem, *Socratem*, multis exercitationibus ad virtutis amorem conformatum, certis argumentis persuasum fuisse, Deum velle secum in gratiam redire, errores commissos sibi ignoscere, & beatæ Immortalitatis se participem reddere. Hoc certe aliis, qui cum eo nulla ratione comparari poterant parum profuisset. Totius fere Antiquitatis consensu constat, *Socratem* extraordinariis animi dotibus instructum fuisse, Quod si igitur Is vel maxime eo perfectionis progressus fuisset, ut futuræ felicitatis spem habere potuisset, alii tamen ex hoc *Socratis* statu nullum Solatium percipere potuissent, præsertim cum Ille adfereret, virtutem proprie loquendo, doceri non posse, sed eius quidam μοιρα, viris tantum magnis virtutis semina indi. Reperent quidam, ceteros eandem fiduciam habere potuisse, si eodem studio virtuti operam dedissent. Sed quis in ea temporum caligine perare potuit, multos eo virtutis progressuros? quis omnes præconceptas opiniones de modo Deum colendi, & genuinæ pietatis studio ex animis illorum hominum evellere, voluntatis depravatæ vim frangere, excellentiam virtutis, cujus levissima quædam & evanida tantum exempla prostabant, animis eorum instillare potuisset? Sed quid pus est verbis. Ipse *Socrates* dubiis rebus implicatus, haud obscure non semel significavit, optandum esse, ut Deus, evidentiore quadam ratione mortales edoceret, quid sibi quam maxime placeret. In *Alcibiade* secundo circa finem postquam docuit, Justitiam, ac Sapientiam veres homines sapientes esse, sapientes vero ac justos illos esse, qui intelligant, quid apud Deos hominesque faciendum & dicendum sit, a pergit p. 232. Βυλοιμην δ' αὖν καὶ σὺ πυνθεῖσθαι, ὅ τι ποτε ἐν νῶν εἶς, πρὸς ταῦτα. Αἰ. Ἀλλ' ἐμοὶ μὲν, ὦ Σωκράτης, ἔκ ἀλλήλων πηρεῖς, ἢ εἰπερ σοὶ τε καὶ τῷ θεῷ. ὅδε γὰρ αἰνέειν εἰς, ἀντιψήφον τῷ θεῷ γιγνεῖσθαι. Σω. ἔκ ἐν μεμνησθαι ἐν πολλῇ ἀπορίᾳ φασὶν εἶναι, ὅπως μὴ λαβὴς σεαυτὸν ἐνχομένους κακὰ, δοκῶν δὲ ἀγαθὰ.

θα. ΑΛ. Ἐγώ γε. Σω. ὅρας ἔν, ὡς ἔκ ἀσφαλές σοι ἐστὶν ἔλθειν  
 πρὸς τὸν θεὸν ἔυξομένῳ· ἵνα μὴ δ' ἂν ἔτω τυχή, βλασφημησάντος σε  
 ἀκῶν ἔδεν ἀποδεξήταις τῆς θυσίας ταύτης. τυχόν δ' ἐκ αἰτέρου τι  
 προσάπολαυσης. ἐμοὶ μὲν ἔν δοκεῖ κρατίστον εἶναι, ἡσυχίαν ἔχειν.  
 τῇ μὲν γὰρ Λακεδαιμονίων ἐυχῇ, διὰ τὴν μεγαλοψυχίαν, τῷτο γὰρ  
 καλλίστον τῶν ἐν ἀφροσύνῃ γε ὀνομάτων, ἔκ ἂν οἶμαι σε ἐθέλειν  
 χρῆσθαι. ἀναγκαῖον ἔν ἐστὶ περιμένειν, ἕως ἂν τις μάθῃ, ὡς δεῖ πρὸς  
 θεοὺς καὶ πρὸς ἀνθρώπους διακεῖσθαι. ΑΛ. ποτε ἔν παρεσαι ὁ χρο-  
 νὸς ἔτος, ὦ Σωκράτες, καὶ τίς ὁ παιδεύσων, ἡδῖστα γὰρ ἂν μοι δοκῶ  
 ἰδεῖν τῷτον τὸν ἀνθρώπον, τίς ἐστίν. Σω. ἔτος ἐστὶν ὦ μέλει περὶ σε.  
 ἀλλὰ δοκεῖ μοι, ὥσπερ τῷ Διομηδεὶ Φητὶ τὴν Ἀθηνᾶν Ὀμηρὸς ἀπο-  
 τῶν ὀφθαλμῶν ἀφελὲν τὴν ἀχλὺν, ἢ ἡν παρῆστα τυγχάνει, τοτηνί-  
 καυτ' ἡδὴ προσφέρειν, δι' ἣν μέλλεις γνωσέσθαι ἢ μὲν κακόν, ἡδὲ  
 καὶ ἰσθλόν. νυν μὲν γὰρ ἔκ ἂν μοι δοκῇς δυνήθηναι. ΑΛ. ἀφαι-  
 ρήτω, εἴτε βελέται, τὴν ἀχλὺν, εἴτε ἄλλο τι. ὡς ἔγω παρσκευασ-  
 μαι, μηδὲν ἂν φεύγειν τῶν ὑπ' ἐκείνῃ προσταττομένων, ὅς τις ποτ'  
 ἐστὶν ἀνθρώπος, εἴγε μέλλοιμι βελτίων γενέσθαι. Σω. ἀλλὰ μὴν κα-  
 κείνος θαυμάσῃ ὅσην περὶ σε προθυμίαν ἔχει. ΑΛ. εἰς τότε τοίνυν  
 καὶ τὴν θυσίαν ἀναβαλλέσθαι, κρατίστον εἶναι, μοι δοκεῖ. Σω. καὶ  
 ὀρθῶς γε σοι δοκεῖ. ἀσφαλεστέρον γὰρ ἐστίν, ἢ παρακινδυνεύειν τοσού-  
 τον κίνδυνον. ΑΛ. ἀλλὰ πῶς ὦ Σωκράτες; καὶ μὴ τῷτον τὸν σέφα-  
 ῖνον, ἐπεὶ δὲ μοι δοκεῖς καλῶς συμβεβηλευκεῖν, σοὶ περιήσῃ. τοῖς  
 θεοῖς δὲ καὶ σέφανός καὶ τ' ἄλλα πάντα τα νομιζόμενα τότε δώσο-  
 μεν, ὅταν ἐκείνην τὴν ἡμέραν ἔλθῃσαν ἰδῶ. ἤξει δ' ἔ δια μακρὰς τε-  
 τῶν θελοντῶν. i. e. ex versione M. Ficini. Cupio tamen ex Te audire,  
 quid in iis ipse sentias Al. mihi vero o Socrates haud secus, quam Tibi ac  
 Deo videtur: neque enim fas esset, a Deo me dissentire So. Recordar-  
 is, dixisse te in plurima dubitatione discrimineque versari, ne te ipsum fal-  
 leres, cum mala quandoque pro bonis optares? Al. memini. So. an vi-  
 des non satis tutum tibi esse ad orandum pergere, ne quando te Deus au-  
 diens imprecantem tua Sacrificia respuat, aliud vero quiddam fortuitum  
 reportes? Mibi ergo videtur operæ pretium esse quietem agere: nam Ora-  
 tione Lacedæmoniorum propter magnanimitatem, id enim nomen honestis-  
 simum est omnium, quibus Insipientia significatur, non existimo uti te velle.

Quare

Quare necesse est expectare, donec discatur, quemadmodum ad Deum atque ad Homines habere se deceat. Al. Quando erit, o Socrates, & quis Preceptor? Jucundissime enim hunc hominem, quisquis erit, agnoscam. So. Hic est, cui tu curæ es. Verum mihi videtur, quemadmodum Diomedî Minervam inquit Homerus ab oculis nebulam abstulisse, ut discerneret Deum ab homine, sic & ab animo tuo prius oportere caliginem, qua nunc offunditur, auferre: deinde illa propius admovere, per quæ seu bonum quid sit sive malum dignoscas, nunc enim impos esse videris. Al. auferat seu nebulam ille velit, sive quodcunque aliud. Etenim paratus sum nihil penitus prætermittere, quod ille præceperit, quisquis denique sit, modo ipse sim melior evasurus. So. atque ille mirum in modum tibi providet. Al. In illud itaque tempus hoc sacrificium differre optimum fore censeo. So. & recte quidem; tutius enim est, quam tanto periculo se subicere. Al. Sic est o Socrates. Interea tamen quoniam mihi bene consuluisse videtur, hanc tibi coronam imponam. Diis autem & coronas & reliqua omnia quæcunque decet, tunc demum offeremus, cum diem illum adventasse cognovero. Adventabit autem quamprimum Diis volentibus. Quod si quis contendat minime hac ratione probari, Socratem revelationis necessitatem agnovisse, cum eo de Verbis litigare nollem. Cum enim, uti ex hoc loco constat, ut alia taceam, Socrates crediderit, homines felicissimos fore, si Deus, qua ratione coli vellet, ipsemet homines edoceret, satis patet, visam esse Viro Præstantissimo Revelationem quandam extraordinariam Opus Deo dignissimum. (\*) Cum igitur Religio christiana modum placandi Deum aperte tradat, quis non maiorem fiduciam Deum sibi propitium reddendi, habere poterit? præprimis cum non longa ratiocinatione via ad hoc præstandum quærenda sit. Jesus enim Christus Ipse fidem interponit suam, neminem condemnationem subiturum, qui ad se tanquam Sacram Anchoram confugerit, se omnibus quotquot errores suos confessuri, & deploraturi essent, veniam daturum, si modo iis in posterum nuntium miserint. Quod si Vir probus prætendat imbecillitatem suam, contestatur, se propter infinitam *ἀνεύχην* meriti, quod præstiterit, piis omnia etiam gravissima peccata, condonaturum, neminique, qui studio pietatis operam dederit, ea imputaturum: Quis autem non videt hac in parte Religionis christianæ præstantiam? recte Lactantius, Institut. Lib. I. cap. I. Quia fieri non potuit, ut Homini per se ipsam ratio divina notesce-

D d d d 2

ret;

\*) Mentem meam de hoc argumento melius aperui in Dissertat. de causis incredulitatis.

ret ; non est passus hominem Deus lumen Sapientie requirentem diutius oberrare, ac sine ullo laboris effectu vagari per tenebras inextricabiles, aperuit oculos ejus aliquando & notionem veritatis manus suum fecit : ut & humanam Sapientiam nullam esse monstraret , & erranti ac vago viam consequende immortalitatis ostenderet. Neque certitudinem hujus Reconciliationis hominis cum Deo tantummodo clare ostendit , sed & omnia in medium profert, quæ ad θεωπεποιαν tanti beneficii insinuandam & extollendam , facere possunt. Eum in finem ostendit Revelatio, miserrimam hominum Conditionem sine Christo, impotentiam virium mentis humanæ, etiam respectu Virorum alias Sapientissimorum: provocat ad necessitatem & utilitatem ejusmodi reconciliationis, infinitaque Bona cum illa conjuncta graphice depingit. Quid autem homini peccatorum suorum atrocitatem deploranti, & conscientie surda verbera sentienti , gratius esse potest, quam perspicere, ad quem tuto confugere possit, rebus in ærtis levamen adhibiturum ? num Sacrificia, num lotiones, num alia, quæ Athenienses ex legibus cultus, quem observabant, talem fiduciam, tantum gaudium adferre poterant ? aliter sane loquitur Socrates ad eos, qui solliciti erant, utrum veniam a Deo, siquidem pro viribus eum coluissent, impetraturi essent. Xenoph. memorab. Lib. IV. p. m. 505. cum Euthydemus dixisset, se non parum negligere Deos, dolere vero, quod nullus hominum beneficiis Deorum condignas retribuere gratias possit, respondet Socrates. Ἀλλὰ μὴ ἀνυμειέφῃ, ὡς Ἐυθυδήμης. ὁρᾷς γὰρ ὅτι ἐν Δελφοῖς Θεός, ὅταν τις αὐτὸν ἐπερωτᾷ, πῶς ἂν τοῖς Θεοῖς χαρίζοιτο, ἀποκρίνεται νόμος πολλῶς. νόμος δὲ διηπάει πάντα καὶ ἐστὶν κατὰ δύναμιν Ἱεροῖς, Θεὸς ἀρεσκέσθαι. πῶς ἂν ἂν τις καλλίον καὶ εὐσεβεστέρον τιμῶν Θεός, ἢ ὡς αὐτοὶ κτελευσὶν ἄτω ποιῶν ; ἀλλὰ χρὴ τῆς μὲν δυναμὸς μηδὲν ὑφίστασθαι ; ὅταν γὰρ τις τὰτοιοῦτο ποιῇ, Φανερὸς δὲ καὶ ἐστὶν τότε ἡ τιμὴν Θεός. χρὴ ἂν μηδὲν ἐλπίοντα κατὰ δύναμιν τιμᾶν τὰς Θεός, θαρρεῖν τε καὶ ἐλπίζειν τὰ μεγάλα ἀγαθὰ. ἔστι γὰρ παρ' αὐτῶν γ' ἂν τις μείζων ἐλπίων σωφροσύνη, ἢ παρὰ τῶν μεγάλων ἀφελὸν δυναμένων. ἐδ' ἂν αὐτῶς καλλίον, ἢ εἰ τὰτοις ἀρεσκεί, ἀρεσκοὶ δὲ πῶς ἂν καλλίον, ἢ ἴσως καλλίονα ποιοῖτο αὐτοῖς. i. e. Non est propterea dolendum, ait, o Euthydemes. Vides namque Delphicum Deum interrogantibus, quoniam modo quisquam Diis gratum faciat, respondentem, lege Civitatis. Lex vero ubique talis est profecto, ut juxta facultates quisque Deos sacrificiis placet. Quo itaque pacto aut melius, aut magis pie Deos quisque honorare possit, quam eo modo, quo ipsi precipiunt ? Oportet igitur non prætermisso quoquam possibili (quicumque enim hoc facit, is negligit Deos) hoc modo Deos honorare, sperare-

rareque maxima bona ab eis. Quis namque compos mentis a quoquam alio majora speraret, quam a Diis, qui maxime nobis prodesse possunt. Hæc vero sperare ab eis oportet illum, qui eis placet: Ille vero eis placebit, qui quammaxime illis obediat.

X. Sed nec modum tantum Deum propitium reddendi ostendit Revelatio, sed & Vires sufficientes ad virtutem sectandam promittit & exhibet. Potuit Socrates excellentiam virtutis demonstrare, homines variis argumentis ad eam amandam hortari, exemplum quin etiam suo, ostendere, quam vim illa habeat in animis hominum. Hæc quidem præclara sunt; sed ultra progredi non potuit Vir Summus. At plerique mortalium non ratione, sed pravis studiis & adfectionibus ducuntur, adeo ut præstantissima præcepta plerumque violentis, & præcipibus animi desideriis, cedere debeant. Experiuntur illi hoc sapissime, qui majori luce perfusi sunt, quam Socrates. Adde jam debilem cognitionem Dei, Poëtarum & Sacrificulorum commentis obfuscata, præconceptas Atheniensium opiniones de cultu publico minime mutando, nec in casto Dei amore, sed ritibus externis quærendo, quem Socrates & Plato & præceptis, & Exemplo, confirmarunt. Hinc Viri Docti inter Gentiles miserandam illam mentium humanarum faciem aliquando confessi sunt, & deplorarunt, licet qua ratione medelam aderre possent, ipsimet ignorarent. Graphice hunc statum depingit Cicerò Tusc. quæst. Lib. III. Sect. 2. *Natura parvulos nobis dedit igniculos, quos celeriter malis moribus opinionibusque depravati sic restringimus, ut nusquam naturæ lumen adpareat. Sunt enim ingeniis nostris semina inæta virtutum: quæ, si adolescere liceret, ipsa nos ad beatam vitam natura perduceret. Nunc autem simulac editi in lucem & suscepti sumus in vitiis continuo pravitate, & in summa opinionum perversitate versamur; tunc pene cum lacte nutricis errorem suxisse videamur. Cum vero Parentibus redditi, demum Magistris traditi sumus, tum ita variis imbuimur erroribus, ut vanitati veritas, & opinioni confirmata natura ipsa cedat. Accedunt etiam Poëtæ: qui cum magnam speciem doctrinæ sapientiæque prætulerunt, audiuntur, leguntur, & inhereſcunt penitus in mentibus. Cum vero accedit eodem quasi maximus quidam Magister populus, atque omnis indigne ad vitia consentiens multitudo, tum plane inficimur opinionum pravitate, a naturaque desciscimus. Alia loca, quæ ubique prostant omitto. Qualis autem fuit Ciceronis ævo, naturæ humanæ indoles, talis iam fuit tempore Socratis. Auxilium ergo divinum, ad sublevandum naturæ impotentiam, & duritiem cordis frangendam, promittere non potuit Vir Optimus. Revelatione opus est ad probandum, Deum*

auxilio quodam coelitus concesso, probitatis amantes adjuturum. Scio illos, qui sola ratione duce felicitatem se consecuturos sperant, auxilium ejusmodi divinum rejicere, atque adferere, ejusmodi adflatum coelestem in animos hominum ne quidem concipi posse. Sed oportet ejusmodi homines probare, absolute impossibile esse talem adflatum, quem gratiam Dei Theologi vocare solent, quod credo nunquam præstabunt. Cur ipsimet concedunt, Deum Universum non solum creasse, sed & adhuc dum conservare, num melius perspiciunt operationem Dei in plantam & animalia, quam in creaturam ratione præditam? num quod modum hujus operationis ignoramus, negandum est, prorsus Deum hoc facere posse? quot manifestissima essent neganda, si hæc ratiocinandi methodus valeret. Sane ipse *Socrates* hac in parte eos refutare poterit. Apud *Xenoph. mem. Lib. IV. p. 505.* probat, Deum omnia, maxima, minima, curare, licet operatio ipsius invisibilis sit, ἀλλὰ μὲν. ita pergit, καὶ ἀνθρώπου γε ψυχῇ, εἴπερ τι καὶ ἄλλο τῶν ἀνθρώπων τῆς θεᾶς μετέχει. ὅτι μὲν βασιλεύει ἐν ἡμῖν, φανερόν, ὁράται δὲ ἐδ' αὐτῇ. ἡ γὰρ κατασκευτὰ μὴ καταφύγειεν τῶν ἀσφατῶν, ἀλλ' ἐκ τῶν γινωσκουσιν τὴν δύναμιν αὐτῶν καταμαρτυροῦντας, τιμᾶν το δαιμονιον. i. e. Atqui hominis etiam anima, si quid aliud humanum natura divina participat. Nam illam in nobis, dominari manifestum est, videtur autem minime. Quæ cum quis consuetet, non negligat invisibilia oportet, sed ex illis quæ sunt, potentia eorum cognita, honore Deos prosequamur. Lib. I p. 453. quarit *Socrates* ex *Aristodemo*, utrum putet elegantissimum ordinem universi a Causa minime intelligente ortum. Respondet *Aristodemus*: Μα δὲ ἂν γὰρ ὅσω τὰς κυρίας, ὥσπερ τῶν ἐνθάδε γινομένων τὰς δημιουργῶν. ἔδει γὰρ τὴν αὐτῆς ψυχὴν ὁρᾶν. ἡ τὰ σώματος κυρία ἐστίν. ὡς κατὰ γὰρ τὸ ἐξέει σοι λεγόν, ὅτι ἔδει γινώμῃ, ἀλλὰ τυχῇ πάντα πράττειν. Ita puto mehercule. Non enim video, qui ea ordinent, sicut video, qui ista fabricantur, quæ in hoc mundo sunt. Nec tuum animum tu vides, qui in corpore dominatur, ita ut secundum hoc tibi liceat dicere, non ratione sed casu omnia te facere. In *Theæteto*. p. 120. ait *Socrates*: εἰς δὲ οἱ ἀμυνδοί, οἱ ἄδεν ἄλλο εἰσμένοι εἶναι, ἡ ἂν δυνάμει ἀπείχεται ταῖς χαίροις λαβεσθαι. Πάν το ἀσφατόν ἐκ ἀποδεχομένων ὡς ἐν εἰσας μερεῖ. Profani sunt, qui nihil aliud esse putant, quam quod pugno tenere possunt -- Quicquid vero invisibile est, in eorum quæ sunt, numero nequaquam habent. Ita loquitur *Socrates* Vir artis ratiocinandi peritissimus. Cum igitur Revelatio divinum ejusmodi auxilium ad virtutem sectandam & felicitatem consequendam, non solum promittat, sed ipso opere exhibeat, nemo non videt, eam multis modis præstare *Philosophia Socratis*, quæ talia

taliam promittere nunquam potuit. *Christum* autem *Ipsum* hominibus probis ejusmodi auxilium promittere, imo ipso opere concedere, nemo qui Revelationem legit, cuicunque tandem Sectæ dissentientium inter se Christianorum addictus sit, negare poterit. Promittit Sanctissimus noster Servator idemque Benignissimus, se veritatis studiosis majorem lucem concessurum, conatus hominum proborum fluxos atque mutabiles confirmaturum, omnem veritatem scitu necessariam edoctrurum, benigne proteclurum, debiles sed simplices atque candidos roboraturum, preces afflictorum exauditurum, spem & fiduciam eorum minime frustraturum, afflictis solatium adhibiturum, imo effecturum, ut tandem Omnia piis cedant in Salutem. Quæ omnia etiam ipso opere præstitit, adeo ut summa rerum κατὰ σοφίαν exorta fuerit, de quo infra. Quod si ergo omnia, quæ de doctrina Christi diximus, in summam colligamus, patebit Religionem christianam Philosophia Socratis quam maxime præstare. (\*)

XI. Comparemus jam *Socratem ipsum* cum divino nostro Salvatore ejusque discipulis, & in hac etiam comparationis parte elucebit, singularis Religionis christianæ præstantia. Fatemur ante omnia, *Socratem* fuisse Virum eminentissimarum virtutum. Fatemur, Eum omnium fere Eruditorum consensu, totiusque judicio Græciæ (uti verba *Ciceronis* mea faciam) cum prudentia, acumine, venustate, & subtilitate; tum vero eloquentia, varietate, copia, quam se cunque in partem dedisset, omnium fuisse facile principem. Nihil igitur laudibus ejus detrahemus. Imo non sine Numine factum esse credimus, quod *Socrates*, corruptissimis Atheniensium moribus, missis abstrusioribus contemplationibus, virtutis ante omnia studium commendaverit. Concedamus etiam verum esse, quod ipse de se scripsit in *Apolog.* apud *Platonem* pag. 12. ἄθεν γὰρ ἄλλο πρῶτον ἐγὼ περιερχομαι, ἢ περὶ θανάτων καὶ νεούσης καὶ πρεσβύτης, μή τις σωματῶν ἐπιμελεῖσθαι, μή τις χρημάτων πλεον, μή τις ἄλλ' ἢ νοῦς εἴω σφοδρὰ, ὡς ἴης ψυχῆς, ὅπως ὡς ἀρίστη εἶναι. λέγων ὅτι ἂν ἐκ χρημάτων ἡ ἀρετὴ γίνεται, ἀλλ' ἐξ ἀρετῆς χρηματῶν, καὶ τ' ἄλλα ἀγαθὰ τοῖς ἀνθρώποις ἀπαντὰ, καὶ ἰδία καὶ δημοσιᾶ. Interim negare non possum, quosdam mihi videri ultra modum in laudes *Socratis* excurrisse. *M. Ficinus* eum Christi præcursores (\*\*) esse dixit: notum est illud *Erasmi* in Convivio Sobrio dictum: Vix mihi tempero quin dicam:

\*) Præstantiam cultus divini a Christo præscripti circa preces in medium allata formula orationis dominicæ & cum *Socratis* de hoc argumento datis præceptis, collata, ostendit *Nobilissimus Steele* Tom. II. libelli cui titulus: *Le Spectateur* Disc. 70.

\*\*) Et typum. vid. *Amœna. liter.* Tom. I. pag. 84. sqq.

dicam: *O Sancte Socrates ora pro nobis.* T. Faber in Vita Aristippi, quam e græco Laërtii in gallicum idioma transtulit, & notulis quibusdam illustravit, postquam dixisset, *Socratem* pro institutione pecuniam non accepisse, hæc addit. *C'est justement ce que Jésus Christ disoit à ses chers Amis, δωρεαν ἑλάβετε, δωρεαν δοτε. Aussi n'y a-t-il jamais eu d'homme, je dis homme simplement homme, qui ait si bien ressemblé à J. Christ, que Socrate.* Aliorum immodicas laudes referre nolo. Imprimis autem provocant Viri Docti ad *Oraculum Delphicum*, cujus effatu *Socrates* omnium hominum Sapientissimus vocatur; provocant ad *Genium* illius divinitus concessum, perpetuumque vitæ Comitem, ex quo adpareat, eum ultra sortem humanam evectum fuisse; addunt denique, *Socratem* pro gloria *Unius Dei* mortem obiissem constantissimo animo & serena fronte. Hæc autem prius paulo exactius sunt indaganda, antequam comparisonem illam rite instituere liceat. Et primo quidem, quod *Oraculi* effatum attinet, dubium quammaxime, utrum *Pythia* hæc pronuntiaverit. De fide *Oraculorum* melius jam edocti sumus, quam ut divino Dei consilio quicquam adscribere possimus. Sacerdotum fraudulentorum Ora hæc *Oracula* erant, ultra nihil quærendum. Ipse *Socrates* in *Apologia* adserit, *Cherephontem* amicum suum, sed tum temporis jam mortuum a *Pythia* hoc effatum audivisse. Nec credibile, si Sacerdotum illorum *genium* perpendamus, ejusmodi testimonium *Socrati* exhibitum fuisse. Solent enim illi minus favere illis, qui a Religione publice recepta, vel hilum recedunt, & morum probitate excellunt; unde verisimilis mihi non videtur Nobilissimi *Motbei Vayerii* sententia, qua putat, ideo hanc laudem tribuisse *Oraculum Socrati*, quod doctrinam de moribus melius excoluerit, omnesque ad virtutis studium inflammaverit. Crederem potius, Sacerdotes incredibilem animi vim perspicientes eum laudasse, quod viderent, eum *Oracula* ipsa minime contemnere, nec intercedere, quo minus *Athenienses* cultui publice recepto inhærent. Sed conjecturis opus non est, dum de narrationis fide jure dubitari potest. Quod postremum eleganter ostendit politissimæ Eruditionis Vir Ch. A. Heumannus. *At. Philosoph. Tom. 3.* Quicquid sit, non negamus, *Socratem* Virum fuisse, suo tempore Sapientissimum, quod sine *Oraculi* responso, omnes, (nec enim fuitiles *retoricationes Laërtii* curamus,) qui Viri Magni cogitata expenderunt, fatebuntur. Secundo. De *Genio* ipsius multa in medium proferre animus non est: erudite hanc materiam excussit Theologus Eximius, G. Olearius ὁ πρῶτος ἐν ἀγίοις in erudita diffir-



*dissertatione de genio Socratis conscripta : referam tantum Sententiam illorum, qui putant, Socrati bonum Dæmonem cælitus concessum fuisse, ut comparatio nostra eo illustrior sit. Max. Tyr. dissertat. XXVI. initio sic loquitur: Θαυμάζεις εἰ Σωκράτει συνῆν δαιμονιον, Φιλον, μαυλικον, αἰε παρεπομενον, ἀνδρὶ καθαρῷ μὲν τὸ σῶμα, ἀγαθῷ δὲ τὴν ψυχὴν, ἀκριβεὶ δὲ τὴν διαίταν, δεινῷ δὲ φρονεῖν, μασικῷ δὲ εἶπειν, εἰς δὲ τὸ θειον εὐσεβεῖν, ὅσιω δὲ τὰ ἀνθρώπινα. i. e. Miraris Deum quendam adfuisse Socrati, amicum & futuri præcium, comitem vitæ individuum, mentisque illius hospitē : homini, qui & corpore purissimus, & animo optimus, & vivendi ratione perfectissimus, & in dicendo esset suavissimus : qui pie cum Deo, sancte cum hominibus versabatur. Dæmonem autem illum fuisse mediam quandam inter Deos hominesque Substantiam Maximus perhibet. Quam autem utilitatem Socrati attulerit comes ille divinus, ita describit Maximus. Si vero homo (inquit) qui indole sit generosissima & institutione apte temperata, veræque semper addictus sapientiæ, nec fortuna destitutus subsidio, hoc a Deo Immortali sit consecutus, ut dignus hujus, de quo agimus, Dei consortio haberetur, mirumne videbitur aut fide indignum, & hunc quantum sibi satis esset, divinare potuisse? Non ut Atheniensibus de malis Græciæ deliberantibus Oracula redderet, aut Lacedæmoniis de expeditione consulentibus, aut si quis in Olympicis ludis aut in iudicio certaturus de Victoria quæreret, aut avarus de divitiis, aliisque ejusmodi parvæ rei negotiis, pro quibus Deos quotidie obtundunt homines. Non quod fortasse hæc ignoraveris Deus Socratis, siquidem futurarum non ignarus esset rerum—Sed hoc præ reliquis e Dei hujus colloquio, quem contemplabatur mente, consecutus erat Socrates, ut primo vitam suam honeste, tanti Comes Numinis institueret : aliis deinde, quoties necessitas ferret, sine invidia se se exhiberet. Et paucis interjectis. Το μὲν Σωκράτης δαιμονιον ἐν καὶ ἀπλὴν, καὶ ἰδιωτικὸν καὶ δημοτικὸν, ἢ πεταμὸν διαβεινόντα ἀνακαλαμβάνον, ἢ ἀποδύσκον προαιεμενον ἢ κυλιον, ἢ Ἀλκιβιάδῃ ἐρωτὰ ἀναβαλλόμενον i. e. Ille de quo loquimur Dæmon Socratis simplex erat, privatus, popularis : qui cum aut fluvium transire cogitat Socrates, revocare eum solet, aut cum Alcibiadem amare instituit, differre suadet, aut cum defensionem parat, non permittit, aut cum mori statuit non repugnat. Postea Maximus omnibus Virtute præstantibus, ejusmodi genium concessum esse perhibet. Hi sunt (inquit) quibus divina assistit natura, quorum vitam promovet, quos manu sua protegit & defendit. Alios namque omnibus, alios auguriis, hos insomniis, hos monitis, hos sacrificiis conservat. Fieri enim non potest, ut humana mens, quæ est ejus imbecillitas,*

E e e e

πρæ-

*praesertim cum secunda hac vita, densissima in caligine, multoque & assiduo praesentium malorum in tumultu versetur, ac strepitu, a quibus perturbari eam necesse est, rationis vi omnia consequatur. Tandem ad finem hujus dissertationis ita ait Maximus. Magnus eorum est numerus.*

*Ter sunt mille etenim per terræ uberrima regna  
Gens immortalis, famuli Jovis.*

*Horum alii morbis medentur, alii in rebus dubiis consilium dant, alii occulta nuntiant, alii in exercendis auxilio sunt artibus; alii iterum sunt Comites. Rursus alii urbani, alii sunt rustici: alii sunt marini, alii sunt terrestres. Alius rursus aliud corpus habitant. Hic Socratem, ille Platonem, ille Pythagoram, Zenonem ille, ille Diogenem: Quot denique hominum sunt ingenia: tot & Daemonum sunt genera.*

*Namque Dei similes peregrinis sepe colonis  
Quodlibet induti percurrunt corpore terras.*

*At vero si animam mihi ostenderis impiam, scias illam neque incolam, neque Vitæ suæ habere presidem. Hactenus Maximus. Non inquiram in ea, quæ de variis Angelorum generibus narrat Maximus: conferantur hac de re Job. Clerici Viri Summi adnotata ad Genes. 18. & Sect. VII. differt. de subversione Sodome, Magnus item Grotius ad Matth. XVIII. 10. nec in dubium etiam revocabo, quæ de Socratis Genio narrat Maximus. Credideram aliquando Socratem, qui vera quadam moxque Viros ingenio præstantes nasci putavit, ex singulari, qua pollebat ingenii acie, virtutisque studio, animo quin etiam quolibet tolerandi apto conclusisse, vix sine Numinis cura Dæmonisque custodia, ea omnia sibi contigisse, cæteros etiam facile in eam sententiam adductos, quod viderent, se adhibito omni studio longe infra virtutes Magni hujus Viri subsistere. Confirmatus sum in ea opinione, quod noverim Virum quendam Celebrem & magnæ auctoritatis, circa ultimos vitæ dies firmissime credidisse, omnem successum negotiorum non ingenio, aliorum favori, aut auctoritati suæ, sed Angelo cuidam familiari, adscribendum. Sed mittam hanc Conjecturam, & supponam in gratiam eorum, qui Socratem non sine causa magni æstimant, Summo Viro contigisse Dæmonem quendam bonum, vitæ Comitem. In quam sententiam etiam concessit Vir Summus J. Clericus Sylv. philolog. cap. 3. p. 214. sq.*

XII. Quod si hæc omnia concedamus, patebit tamen ex collatione Christi & Apostolorum, summa Præstantia Religionis christianæ.

næ. Primo enim ipse *Maximus* concedit, non *Socrati* tantum, sed omnibus *Viris præstantibus*, *Platoni* v. gr. *Zenoni*, aliisque, ejusmodi *Genium* concessum fuisse. At *Plato* ille, *Zeno* ille, non obstante perpetuo illo *Dæmonis* comitatu, in multis misere halucinabantur, mira ingenii portenta edebant, & gloriæ animalia tantum erant, nec generis humani emendationi animum adjecere. Secundo. *Ipsius Genii Socratis* ea erant munia, quæ *Socrates* ope ingenii præstare potuisset, exceptis paucis, quæ tamen tanti non erant, ut cælitus *Genius* concederetur. Scilicet non permittit transire fluvium, jubet amorem *Alcibiadis* differre, &c. *Plutarchus* de genio *Socratis* pag. 831. ita inducit loquentem *Theocritum*: *Genium vero Socratis, mi homo, an pro fabula habebimus? mihi vero sicut Homerus Ulyssi Minervam in omnibus erumnis facit præsentem auxilio esse, ita videtur genius Socrati visum quoddam vite quod anteiret, ab initio statim adjunxisse; quod visum præcedens Socratem, lucem rebus obscuris inferret, & humana ratione non penetrabilibus: sicut & sæpe genius illum allocutus est, divino quodam instinctu propofita animi ejus dirigens. Horum pleraque & præcipua e Simia licet, aliisque Socratis sociis cognoscere, me autem præfente, quum ad Eutyphronem vatem irem, jam Socrates, ut meministi Simia, superne apud Symbolum & Andocidis domum ambulabat, simul & interrogans Eutyphronem, subito autem subsistens, reliquisque etiam ut starent persuadens, diu sane commoratus, deinde conversus per vicum arcas fabricantium abiit: & socios, qui præcesserant revocavit, indicans se a genio monitum, ut hac diverteret. Ac plerique quidem una cum ipso converterunt se, inter quos & ipse sui Eutyphroni adhaerens. Quidam autem Adolescentuli recta procedentes, nimirum ut Socratis genium redarguerent, Charillum tibicinem sibi adjunxerunt, qui & ipse necum Athenas ad Cebetem venerat. Cum autem ambularet per vicum Sculptorum juxta curias judiciarias, turba iis suum occurrit cæno oppletarum, quæ ob multitudinem sese trudentes, cum decedendi spatium hominibus non esset, alios impetu suo prostraverunt, alios commaculaverunt. Venit etiam Charillus domum crura & vestes luto plenus, ut cum risu genii Socratis mentionem facere libuerit, nusquam hominem relinquentis, nusquam negligentis. Hactenus Plutarchus. Num autem hæc res tanti momenti fuerit, ut genius ille hic intercederet, quilibet facile videt. Quicquid autem de hoc sit, certum est, Socratis illum Genium nihil fecisse, quod ad generis humani emendationem conferre quidquam posset, ut adeo de hoc Dæmone præclare sentire non possim. Cur enim non impulit Socratem ad præconceptas de Diis,*

cultuque recepto opiniones subvertendas, & generi humano Salutaria proponenda? cur *Aristophanem* insignem nebulonem in ipso comœdiæ actu non morbo aliquo adfecit, uti omnes perspicerent, *Socratem* propiore Numinis commercio uti? aut quæ tandem utilitas in Genus humanum ex constanti illo Dæmonis comitatu redundavit? num tandem per eum factum, ut pestilentissima Superstitio, quæ tabis instar omnium animos invaserat, aut penitus evanesceret, aut minus grassaretur? num discipuli ejus hoc ipso non solum de divina *Socratis* missione aut persuasi, aut ad Superstitionem subvertendam commotifuerunt? Tertio. Si Christum & Apostolos hac in parte conferamus, longe præstantiora audiemus. Christus Servator noster non sine miraculo natus est; natus ex voluntate Dei, natus ita, ut longe antea non Oraculo quodam fallaci, sed Revelatione divina admirabilis ejus adventus annuntiatus fuerit. Deus ipse stupenda miracula ad Illustrem hunc adventum significandum effecit, qualia sunt adparitio, & cursus, inusitatæ stellæ, Magorum eum in finem excitorum adventus, &c. natus ex Virgine modo nobis homuncionibus inexplicabili, minime tamen impossibili. Imo aut falsissima est tota narratio de Christo, aut non sine Numine fuit ille adventus. Nulla hic locum habent dubiæ fidei Oracula, ipsi enim hostes Christi insensibilissimi, Judæi, vim prædictorum labefactare non poterant. Sed nolumus huic argumento insistere. *Socrates* genium habuit, perpetuum Comitem Vitæ, & surdum monitorem. Christus erat æterna Sapientia Dei, ὁ λόγος non fictitius ille *Platonis*, sed æternus, ipsis Angelis præstantior, imo *Deus Ipse*. Sed necesse non est, ut in hac comparisonem gravissimam illam veritatem supponamus. Sufficit Christum singulari & perfectissima Sapientia instructum fuisse, quod æ ipsi quidem hostes negare poterant. Non opus habuit genio ejusmodi. Ipse enim intimas, easque abstrusissimas hominum cogitationes novit: non erat multarum rerum ignarus: nullis pravis animi adfectionibus ad aliquid agendum impellebatur: omnis labis & criminis expers provocare poterat ad conscientiam omnium Joh. VIII. ut se alicujus peccati, si quidem possent, reum peragerent. Num *Socrates* si ex animi sententia loqui voluisset ad hoc provocare potuisset? num ope Genii sui cogitationum humanarum decreta novit? recte *Lactantius* Lib. IV. Sect. 23. pag. 423. Ed. *Walcibi*. Philosophi putant, neminem adhuc perfectum extitisse Sapientem, id est, in quo summæ doctrinæ ac scientiæ Summa Virtus & perfecta justitia consenserint, quod quidem verum fuit. Nemo enim post mundum condi-

condi-

conditam talis extitit nisi Christus, qui & verbo Sapientiam tradidit & doctrinam presenti virtute firmavit. Galenus de curandis animi affectionibus: *ἐν τῇ ἀναμαρτήτῳ ὁ σίφος, πρὸ ἀνθρώπων ὑπαρχεν αὐτῷ, ἀλλὰ θεῷ.* si Sapiens Omni vitio careat, non esse eum hominem ordinarie notæ, sed plane extraordinarium, & Deum verius, quam hominem. Talis autem erat Christus Salvator noster. Quarto. Quandoquidem autem vel excellentissima præcepta & Exempla, ab iis, qui veri amantes haud sunt, parvi æstimantur; paucissimi etiam sint, qui vera rerum pretia norint, & ad præstantissimorum Virorum monita attendant, aut stupiditate, aut pravis studiis impediti; *Servator noster miracula patrabat* quam plurima in media turba, præsentibus non amicis tantum, sed & hostibus, atque ita homines vel inviti cogebantur fateri, Enim cœlitus missum, ad emendandum genus humanum. Nemo ignorat autem, miracula, veri nominis puto, ab hominibus præstari non posse. Non quæram jam, utrum illa a substantiis Deo inferioribus effici possint, quæ multorum doctissimorum Virorum sententia est: sufficit, quod hi Ipsi fateantur, non sine Numinis voluntate ea fieri, eademque, nonnisi ad veritatem & pietatem confirmandam permitti a Deo posse. Quod si igitur vel maxime concederem, Deum permittere, ut ope Angelorum miracula patrentur, patet tamen, Christum longissime superasse *Socratem*. Platonici Juniores, *Jamblichus*. *Porphyrus*, *Pythagoræ* adscribunt multa miracula; Si *Philostrato* credimus, *Apollonius* multa etiam præstitit: nunquam tamen vel *Plato*, vel *Xenophon*, discipuli *Socratis* & maximi Admiratores ejusmodi quid de eo memoriz prodiderunt, minime silentio pressuri, si quid simile Athenis contigisset, cum genii ipsius non uno in loco mentionem fecerint. Si genius autem ille divinitus concessus fuit, minime tamen potuit Athenienses eo adducere, ut *firmiter* de hoc negotio persuasi fuerint; quilibet genium aliquem privatum sibi adscribere potest, quod verum an falsum sit, non solum difficile est aliis perspicere, & cognoscere; verum illi ipsi, qui ejusmodi res jactant, si cuncta subtilius rimantur, tantum non ad *εἰσὺν* confugere tenentur. Difficile est imprimis plebi, cui insolitis ejusmodi rebus Deus quammaxime consulere vult, accuratum examen instituere. Hinc factum etiam, ut ipsi Veteres inter se de hoc Dæmone disputarent. *Miracula* autem, qualla *Salvator noster* præstitit multa, ita sunt comparata, ut in admirationem summam, & veritatis confessionem, rapiant non minus doctos quam plebem. Hinc ille cæcus qui visum recepit, Joh. IX. usus hoc argumento

contra Phariseos, qui scrupulum movebant, qui tamen ipsi, cum Damonem cuidam maligno adscriberent hæc miracula, non solum impudentem prodiderunt audaciam, sed & hac ipsa detestanda calumnia confessi sunt, miracula Christi ope humana majora esse nec arte ficta. Scio *Spinozam* adserere, miracula fieri non posse, quod illa contra leges naturæ, id est, ex mente Spinozæ, contra Deum ipsum seu mundum essent necessitate naturæ existentem. Sed *Tenebrio* ille demonstrare non potuit, leges quas Philosophi vocant naturales, absolute esse necessarias, ita ut alius mundi ordo, aliæ leges circa motum Planetarum, &c. esse non possent. Quod si leges illæ arbitrariæ sunt, licet sapientissime institutæ, quid impedit, quo minus aliquando contra illas agat, præsertim si ipso opere videamus, Deum habuisse gravissimas causas, cur illas mutaret. Si *Socrati* divina sorte contra consuetum ordinem contigit Genius, vel eum tantum in finem, ut a nocituris quibusdam abstineret, num minus Deo dignum est, *insolitis rationibus* uti, ad Idololatriam extirpandam, & castissimum cultum instituendum inter homines tetra caligine obseptos? Ita sane Deum oportuit agere, non aliter. Vir prudens & Sapiens, si quidem scopum excellentissimum, quem intendit, trita via consequi haud potest, generoso quodam impetu commotus, insolitum hæcenus iter quærit, nec quicquam inexpertum omittit, ut laude dignissimum obtineat propositum. Deus sine dubio Sapientissimus, postquam præceptis, quæ ratio suppeditavit, nil apud gentiles effecisset, non solum ipse extraordinaria quadam ratione voluntatem suam declaravit, sed addidit stupenda miracula, ad excellentissimam doctrinam confirmandam aptissima, quibus qui fidem non habuit, *inter portenta numerandus erat*. Sed quid multis probo, Christum multis modis superasse *Socratem*, *Ipsi discipuli Christi*, homines nullis disciplinis exculi, argutiarum Philosophicarum ignari, piscatores, opera manuum vitam tolerantes, multis modis Præstant *Socrate*, non quidem ingenti perspicacia & acumine; sed donorum cælitus donatorum copia, miraculis, vitæque innocentia, quæ omni doctrina præstat. Antequam nomen dedissent Christo, & disciplinæ ejus se totos commississent fingendos, a cætera hominum turba minime erant distincti; sed quamprimum divinæ ejus disciplinæ se tradebant, toti mutati sunt. Initio quidem in quibusdam errabant, nondum per omnia cælestis doctrinæ intelligendæ capaces. Non quidem genio quodam se instructos gloriabantur; sed virtute miracula patrandi erant instructi, quæ vehementius oculos hominum perculerunt, quam nescio  
 cojus

cujus genii comitatus, aut accuratissima ratiocinandi methodus, quæ a plebe rite perpendi non possunt. Præterea genii loco *Φερεμενοι*, erant *ὁπιο πνευματες ἀγναι*, cujus licet operationes difficulter intelligamus, negare ideo tamen non licet. Exeruit se se inprimis divinæ hujus Operationis vis, cum *subitanea quadam & inusitata* ornatu essent facultate, linguas, quas nunquam didicerant, stupentibus omnibus, intelligendi & loquendi. Bone Deus! in quam admirationem rapti fuissent Athenienses, si *Socrates* præter vitæ probitatem, miraculis instructus fuisset, ipsoque opere demonstrasset, quem in finem Deus sibi ejusmodi Dæmonem concessisset? Ope autem horum miraculorum discipuli illi maximo cum successu cœlestem illam doctrinam propagabant, & non minus Idololatrias, quam cæteros a vero castoque Dei cultu aberrantes, revocabant. *Divinus ille*, quem acceperunt, *Spiritus*, eos non tantum, quo minus certa loca peterent, inhibuit, sed adhortatus est, ut huc illuc difficillima instituerent Itinera. *Hujus impulsu* commoti, nihil non pro Religionis christianæ propagatione tentabant, patiebantur & exequiebantur, spretis etiam violentissimis, & exquisitissimis doloribus. Invigilavit tamen etiam Divina Providentia eorum conatibus ita, ut angelorum etiam præsidio muniti, e præsentissimis vitæ periculis liberarentur. Confer igitur, ut de doctrina nihil amplius dicam, *genium Socratis ejusque operationes*, cum Apostolorum miraculis, donis linguarum, custodia Dei, qua fruebantur, & aut fallor vehementer, aut clarissime constabit, *Socratem* Virum alias magnum, longe inferiorem esse Apostolis.

XIII. Sed alia adhuc sunt, quæ hoc ipsum probant. *Primo enim Socrates non potuit loqui tanquam Legislator, cujus præcepta vim obligandi haberent.* Ratiocinabatur ille de virtutum præstantia, easque Atheniensibus commendavit, earum etiam utilitatem, honestatemque pro-pavit. Sed teneri Athenienses his præceptis, ostendere non potuit. Obstabant aliorum Philosophorum decreta, quibus Athenienses multum tribuebant: illorum ratiocinationes minus pondus non habebant, quam *Socratis*. Nullus eorum potuit *auctoritate* sua hominibus persuadere, se cœlitus ad emendandos homines missum, legesque, quas commendabat, considerandas tanquam divinas. Verum est, pleraque *Socratis* præcepta fuisse æquissima, & rationi convenientia, & hactenus omnes, qui vim eorum perspiciebant, obligabantur, ut mores suos ad ea componerent; Sed cum *Auctoritas*, illa præcepta non tantum injungendi, sed & illa tanquam Numinis voluntatem cœlitus concess-

concessam præciendi, *Socrati* defuerit, neque Auctoritate sua, & præmia promittere, & poenas inferre potuerit, multum roboris decessit excellentiæ horum præceptorum. Accedit etiam huc sententia *Socratis* de virtute. Adferebat ille, uti notum est, virtutem doceri non posse, sed *θεῶν* quadam *μοίρᾳ* hominum animis virtutis semina insita, quæ tamen paucissimis tantum a Diis concedantur. *Protagoras* vero Celebris Sophista, qui *Socratis* tempore Athenis vixit, contrarium docuit, quod ex *Platonis* dialogo, qui *Protagore* nomen præ se fert, patet; in eo aperte ait: Athenienses putasse, virtutem non natura insitam, aut sponte, sed doceri potuisse, & cura iis partam esse, quibus aderat. *ὅτι ἀρετὴν ἡ φύσις ἤγανται εἶναι, ἀδὴ ἀπο τῶ ἀυτομάτῃ, ἄλλᾳ διδάκτον τε καὶ ἐξ ἐπιμελείας παρὰ γίγνεσθαι, ἢ ἂν παρὰ γίγνηται.* Non quæram, utrum hæc sententia cum cæterorum Philosophorum opinionibus conveniat, nec ne. De eo agit Cl. *Clericus* Sylv. philolog. pag. 166. Sufficit, quod idem Vir Summus fateatur, multis, qui *Protagora* cogitata legerint, visum iri, *Protagoram* melius ratiocinari, quam *Socratem*. Patet saltem ex hoc, aut *Socratem* a communi & recepta sententia discessisse, aut saltem ita locutum, ut cæteri existimarent, eum longe aliter sentire quam Athenienses. Et hac ratione *Socrates* vel invitus effecit, ut illi, qui jam vitiis immergi erant, aliquod præsidium inde caperent; nihil enim libentius ejusmodi homines audiunt, quam ea, quæ summam difficultatem in virtute colenda probare possunt; ita enim necessario inferri posse putant, in sua potestate situm haud esse virtutem sequi; saltem hoc certum est, plebem Atheniensem litem illam inter *Socratem* & *Protagoram* dirimere non potuisse. Et erat tamen res non nullius momenti: Speciem Viri probi & virtutis amantis hac adfersione præbere potuit *Protagoras*, *Socrates* autem Sophistæ, ad convellenda quælibet parati. Præterea depravatissimi erant mores Atheniensium, & nihil magis necessarium erat, quam ut opiniones, quæ virtutis studio adversabantur, animis eorum eximerentur, & contra summum quoddam desiderium virtutem sectandi injiceretur. Hoc autem inter alia etiam obtinetur, si ostendatur, præcepta rationis rite perpenſa *observatu facilia* esse. At sententia *Socratis*, saltem specie, virtutis studium sufflaminabat. Non quidem negavit *Socrates*, quod ex *Xenoph.* patet, educationem & institutionem, aliquid ad virtutis studium conferre; Sed qui semel vitia amavit, potius ea credit, quæ cum desiderii animi conspirant, quam quæ dicuntur. Si autem *Socrates* generis humani

emen-



commendationem, quantum in se erat, promovere studuisset, omnia vitare debuisset, quæ aliquod erroribus & vitiis præsidium dare poterant. Secundo. *Socrates*, si verum fateri volumus, mortem perpeffus non est ob confessionem unius *Mundi Reftoris*. Plerique ideo magni faciunt *Socratem* & in cælum tollunt laudibus, quod constantissimo animo mortem obierit, & quidem ob amorem Numinis. Sed qui attente legerit accusationis capita, & defensionem ipsam *Socratis*, observavit, hanc minime fuisse mortis causam. In superioribus jam observavimus, *Socratem* cultum publice receptum, non tantum non rejecisse, sed sequendum etiam adstruxisse. Ex *Apologia*, quæ apud *Platonem* legitur, patet; ei duplex fuisse Accusatorum genus: priores accusant, quod curiosius rimaretur, quæ in cælo & sub terra sunt, & quod ratiocinando efficeret, ut deterior causa melior videretur. Inter hos referendus videtur *Aristophanes*, cujus accusationis capita præcipue redeunt: posteriores dicebant, eum Juventutem corrumpere, & Deos novos inducere. Priores non moramur, sed quid ad postremum responderit *Socrates*, dispiciemus. *Plato* in *Apologia* defensionem ejus adducit, quæ tamen ita æquivoca est, ut satis pateat, noluisse ipsum arguere, quid sentiret, aperire: omnia huc redeunt, illum Deos negare non posse, qui Dæmones coleret. Cur autem aperte magnus ille Philosophus, qui salutem civium tantopere sibi curæ esse dixit, non *Scapham* *Scapham* adpellavit? cur confessus non est, se Unum tantum Summum mundi Dominum agnoscere, & paratum esse pro hac sententia extrema quæque pati? asserit quidem p. m. 12. *Apologia*, ad finem usque vitæ homines ad virtutis studium cohortaturum.

καὶ ἕως περ ἂν, ἐμπνεῶ καὶ οἷος τε ἐγώ, ὃ μὴ παύσονται φιλοσοφῶν. Καὶ εἰν παρακλεινομένης τε καὶ ἐνδουνομένης: ὅτω ἂν αἱ ἐντυγχάνω ὑμῶν, γινώσκων ὡς αἰσθάνομαι. ὅτι ἐγώ ἀρετῆς ἀνδρῶν Ἀθηναῖος ὢν, πολλῶς τῆς μεγίστης καὶ εὐδοκίμουτατης εἰς σοφίαν καὶ ἰσχύν, χρημάτων μὲν ἐκ αἰχμῆς ἐπιμέλῳ, ὅπως σοὶ ἔσαι ὡς πλεῖστα, καὶ δόξης καὶ τιμῆς φροντισῶς δὲ καὶ ἀληθείας, καὶ τῆς ψυχῆς, ὅπως ὡς βελτίστη ἔσαι, ἐκ ἐπιμέλει, ὃ δὲ φροντισῶς &c.

e. quamdiu spirabo, viresque suppetent, philosophari non desinam exortans & docens quemcunque natus fuero, sicut soleo, hunc in modum. Quid tu, o Vir optime, cum Civis sis Atheniensis, civitatis amplissime ac potentia ac potentia prestantissime, non erubescis in eo omnem operam conferre, quo tibi pecuniarum & gloriæ & honoris quamplurimum sit: ut te prudentia & veritas & optimus animi habitus in te sit, neque cogis, neque curas &c. Sed si tantum studium virtutem propagandi, in

eo fuit, cur ipfemet de cultu Unius Numinis, sine quo nulla veri nominis virtus esse potest, altum hic coram Iudice filet. Scio multos errores dari, de quibus acerrime inter se Eruditi disputant, qui nullum tamen salutis detrimentum adferre solent. Sed absurdæ de Deo opiniones, penitus animis sunt evellendæ, antequam castum Dei cultum iis implantare licet. At *Xenophon* initio memorabilium & ipse in *Apologia Platonis* testatur, *Socratem* Deos minime sprevisse. *Joh.* quidem *Clericus* conatur eum hac in parte aliquatenus defendere, dicens pag. 205. *Sylv. philolog.* *Ego vero existimarim, Socratem & Platonem aliosque Philosophos sub nominibus Deorum Græcorum, licet turpibus fabulis debonestatorum, coluisse naturas sanctas & æternas, prout eas intelligebant, easque humanæ præstantiores, quibus nomen Dei vere convenire putabant. Ergo nomine Jovis in eorum sermonibus, intelligendum Summum illud Numen, de quo in Timæo pag. 350. ubi se dicit Creatorem esse aliorum Deorum: nominibus vero reliquorum Deorum, eos, qui ab eo orti sunt, hoc est, inferiores omnes Deos. Numina vulgi nihil erant, præter mera Numina Commenticiorum Deorum, qui nec erant Dii, hoc est, humana natura meliores, nec fuerant; ideoque se iisdem nominibus abuti posse putabant Philosophi, ad significandas inconspicuas & sempiternas mentes, quæ omnia, ut credebant, providentia sua compledebantur, sapienterque administrabant, & benevole humano generi erant. Hactenus Vir Summus, Clericus. Sed quis non videt, hanc excusationem esse levem, & publicum Deorum Cultum ita stabilitum esse? nec video, qua fide *Socrates* vocabulis illis abuti potuerit, si credidit, Deo soli cultum competere. Si autem Deorum nomine inferiora ejusmodi Numina intellexit, cur aperte confessus non est? cur cultum simul publicum quavis ratione retinendum clamavit? num dici potest, eum Zelo quodam pro Dei gloria flagrasse; qui æquivocationibus in re gravissima ludit? præsertim autem mirum hoc est, quod cum in *Apologia*, non tanquam reus, aut supplex, sed Judicum Magister, ac Dominus locutus fuerit, atque ita hac ratione Judicum animos contra se concitaverit, altum tamen voluerit filere, de iis, quæ, ne exquisita quidem tormenta, quo minus in medium proferret Vir veritatis & virtutis amans, prohibere possent. Quid dicam de Gallo, quem proximus morti offerri iussit *Æsculapio*? Sunt qui putant, eum hac ratione recepto cultui voluisse insultare. *Dacierus* p. 328. versionis suæ ita ait: *Ici le coq est le Symbole de la vie. Esculape est l'emblème du Medecin. Socrate veut dire par là, qu'il remet son ame entre les mains du véritable Medecin,**

cin, qui vient le purifier & le guerir. Idem fere sentit *Mothæus Vayerius*. Doctissimus *Havercamp*. in eruditis *Observat. ad Tertulliani Apologet.* p. 380. affert imaginem gemmæ insculptam, quæ referre videtur *Socratem* super aram immolantem gallinaceum. Sententia autem *Havercampii* de hoc Sacrificio *Socratis* hæc est. Certe (inquit) quare illi gallum immolari voluerit *Socrates* patet, utpote qui jam convalesceret, primum ad meliorem vitam ex caduca hac & morbida emigraturus, inimicorum existimatione punitus, suo judicio finitus, ut eleganter de *Theramene Val. Max. L. 3. cap. 2.* Sed si vel maxime benignam hanc interpretationem admitterem, nondum tamen video, qua ratione excusari posset *Socrates*. Erat ille in confinio mortis, præsentem tantum erant amici. Hi sine dubio sciebant, quid de Diis sentiret, quem ergo in finem celebrabat animi cogitata & obscure loquebatur? num credimus, plebem *Atheniensium*, si mandatum hoc *Socratis* amicis datum, percepit, credidisse, id intendisse *Socratem*, quod Viri illi docti vellent? an non hac ratione credidit potius, *Socratem* in cultu recepto ad finem vitæ permanisse? num decuit Philosophum, qualis *Socrates* erat, ludere in reseria? quam præstitisset, si in carcere omni argumentorum robore amicos cohortatus fuisset, ut cultum uni Deo exhiberent, nec unquam ab hac sententia defendenda se se abduci paterentur? vera igitur damnationis causa non erat confessio constans unitatis Dei. Fatetur causam mortis ingenue *Cl. Clericus* loco citato pag. 217. dicens: *Athenienses offenderat, quod eos, qui se doctissimos putabant, imperitiæ sæpius arguisset, moresque aliorum depravatos reprebendisset, & tum verbis tam factis damnasset. Juventutem colloquiis suis eo adduxerat, ut multa a majoribus minus prudenter instituta in administratione Reipublicæ, multaque perperam eo tempore fieri intelligeret. Fabulas denique Poëticas, quibus prisce religiones nitebantur, moribus exitiales esse offenderat.* Ita *Clericus*. Non jam dicam, quod *Socrates* mea opinione pessime fecerit, quod se defendere noluerit, & hortantibus amicis viamque elabendi monstrantibus, vacillas aures præbere noluerit. Sed hæc singulari dissertat. sunt excutienda & contra *M. Tyrium* vindicanda.

XIV. Plane autem alia etiam hac in parte Christi & Apostolorum fuit ratio. Christus non solum leges rationi convenientissimas inculcavit, omnesque ad eas sectandas adhortatus est; sed & tanquam Legislator præcepta & doctrinam suam proposuit. Ego vero dico vobis, solebat ad Judæos sensum oraculorum divinorum male interpretantes ingeminare. Imo aperte quibusvis denunciabat, Deum olim, cum adscriptus

judicii dies venturus esset, quemvis judicaturum secundum præscriptum, quem promulgaverat, sermonem. Se cœlitus missum esse, ad salvandos homines perhibebat. Provocabat ad doctrinam oraculis divinis consentaneam. Confirmavit eam miraculis stupendis. Locutus est ut Legislator, qui Jus in homines omnes haberet Summum, ob infinitæ perfectionis ὑπεροχὴν, Creationem & susceptum Opus Redemptionis. Spiritibus ipsis imperitavit, seque Dominum eorum esse, ostendit, & ut hoc facilius crederent, non semel probavit, vel ipsas hominum cogitationes sibi perspectas esse. Publice quin etiam professus est, se pro æterna felicitate hominibus acquirenda, mortem perpeffurum ignominiosam, simul autem suis viribus superas evasurum ad auras. Præstitit autem hoc ipsum. Hinc summo jure quosvis ad doctrinam suam amplectendam adhortari potuit, omnesque, qui divina sua Decreta spernerent, damnationi subicere, severissimæque judicia in perversos exercere. Quis autem modus Deo dignior excogitari potest ad homines emendandos? quid vehementius mortales ad virtutem stimulare, quam præsentia ejusmodi Legislatoris, qui & salvare & perdere potest? quis Auctoritati ejus non cedit, qui vitæ innocentia, doctrina admirabili floret, qui & miraculis sua dicta confirmat, & Universitati rerum imperat; qui ad generis humani utilitatem mortem oppetit; & resurrectione sua fortissimum missionis divinæ argumentum exhibet, tandemque, quantam vim habeat in animos hominum, eorumque actiones miraculis cœlitus fideissimis suis comitibus concessis, demonstrat, & præsentissima judicia in hostes exercet? Omnium testor conscientiam, utrum in Eo major vis non sit, ad homines a perversis studiis abducendos, & virtutem promovendam, quam in Philosopho acuto & probitate morum conspicuo? Præterea aliis argumentis *divinus noster Servator* demonstrabat, quantopere sibi curæ sit Salus hominum. Non solum ad castissimum Deoque dignissimum cultum omnes adhortabatur, *sed* *Et zelo pro gloria Dei flagravit*, quem in *Socrate* frustra quæres. Eum in finem hinc inde ad lucrandos a veritatis via aberrantes profectus est. Postulavit ab hominibus non tantum mores ad rectæ rationis leges conformatos, sed & candorem, pietatem exactissimam, & totos per artus diffusam. Divinæ enim, quam promulgavit Philosophiæ genus, ut M. Erasmi verba mea faciam *in affectibus situm verius quam in Syllogismis*, quæ *vita magis esset, quam disputatio*, *affatus potius, quam Eruditio*, *transformatio denique magis, quam ratio*. Hinc factum, ut Religionis Antistites, in

meram

meram histrioniam castissimum Dei cultum mutantes, gravissime non semel perstrinxerit, & iram divinam iis intentaverit. Etiam non semel tangi se misericordia tot hominum aberrantium, effusis lachrymis ostendit. In eo enim summam voluptatem percepit, cum, quæ divinitus imposita erant, exequeretur, & incrementum veri castique cultus Dei, oculis cerneret. Mortem denique non pro se, quippe innocentissimo, sed pro aliis perpeffus est, pro hostibus oravit, ipsoque opere ostendit, se divinitus missum esse, cælo terraque cohorrescentibus, & auctoritatem ejus comprobantibus. Idem dicendum de discipulis. Non quidem ipsi se Legislatores esse dicebant, sed Legatos tantum summi rerum omnium Domini. Ejus nomine loquebantur: Eum in finem provocabant non solum ad doctrinam cœlitus acceptam, & dona linguarum, sed imprimis ad *miracula*, divinæ millionis certissima argumenta. In cultum publice receptum & Judæorum & gentilium invehebantur gravissime, magnaque auctoritate docebant & Judæos & Gentiles modum Numen præstantissimum colendi ignorare; ponendas igitur hæcenus præconceptas opiniones, alios mores induendos, alia Deum propitium reddendi adhibenda media. Hæc frequentissime ingeminarunt, inter promiscuam turbam, in foro, in Conventibus, in Curia: denique hanc divinam sententiam constantissime inter mille tormenta defenderunt & morte confirmarunt. De quo mox plura.

XV. Tandem consideremus vim, quam habuit doctrina *Socratis* in animos hominum; & conferamus simul incredibilem efficaciam doctrinæ Jesu Christi. Præcipui discipulorum *Socratis* erant *Plato*, *Aristoteles*, *Xenophon*, *Æschines*, *Cebes*, *Aristippus*, *Zeno*, &c. *Cleomachus* & *Aristippus*, teste *Laërtio* in hujus vita, apud *Laidem* nobile cohortum versabantur, cum *Socrates* in vinculis esset. Post mortem ejus in diversas sectas abiverunt, & nobilissimam de moribus doctrinam, inutilibus quæstionibus deturparunt. Quidam perplexis disputationibus inhiabant, & in Syllogismis potius conficiendis, quam moribus emendandis occupati erant, regulas etiam recte vivendi tales excogitabant, quæ a quovis Agyrta præstari possent: alii deceptricis imaginationis ludibria sequentes, quæstiones in medium proferebant, quas ipsi non intellexerunt. *Plato* ille ingenium habuit ad *fanaticismum* aptissimum, nec puduit eum, Præceptorem suum de amore ita loquentem inducere, ut castæ aures vix sine offensione transmittere possint; alii voluptatem sectabantur, alii denique ingenium exercebant in enodandis

dandis causarum naturalium principiis ; singuli autem mentis emendandæ, aut nullam, aut exiguam curam habebant. Tantum abest, ut virtutis studium, ad quod singulos adhortabatur *Socrates*, excoherent ipsi, omnibusque commendarent, ut potius nobilissima hæc Philosophiæ pars tantum non penitus neglecta sit. *Plato* & *Aristoteles* ita obscure de summo rerum omnium Domino locuti sunt, ut difficulter eorum sententiam capere possimus. Idem *Plato* cultum publice receptum mutandum esse minime existimavit. In *Epinomide* exerte hoc proficitur, τῶν πάντων (inquit) ὁ νομοθετής, ὅστις νῦν κεντῆται καὶ τὸν βραχυτάτον, ἔποτε μὴ τολμήσῃ καινοτομῶν, ἐπὶ θεοσεβείαν, ἥτις μὴ σαφές ἔχει τι, τρεῖς μὲν πολὺν ἑαυτῶν, καὶ μὴν ἑδ' ὃν ὁ πατήρ τοι νομὸς εἴρηκε περὶ θυσιῶν ἀποκίωλυναι, μὴδὲν το παραπάν εἰδώς, ὥσπερ ἑδ' ὃν δυνατόν εἶδεναι τι θνητῇ φύσει τῶν τοιαύτων περὶ. i. e. horum omnium Legislator, qui vel minimum mentis habeat, nunquam aliquid innovabit. Cavebit enim, ne ad novum minus certum religionis cultum civitatem suam vertat. Nec, quæ patria lege vel consuetudine de sacrificando firmata sunt, movere audebit. Scire namque debet, mortali nature non esse possibile, certi quicquam de his cognoscere. In *Aristippo* evanida sunt illarum veritatum, quæ omnium momentosissimæ sunt, vestigia. Nemo ex iis aliquo pro gloria Dei Zelo flagravat ; sed aut voluptatibus inhiabant, aut literis ad delectationem vacabant. Cæterum ea, quæ ad emendationem generis humani facere possent, turpiter neligebant. Hinc ipse *Socrates* discipulis suis & propagationi doctrinæ suæ diffidebat. Audi eum coram Iudicibus ita loquentem in *Apologia* apud *Platonem* pag. 12. Ἐὰν γὰρ μὲ ἀποκτενῆτε, ἔραδιως ἄλλον τοιαύτον εὕρεσθε. ἀτεχνῶς, εἰ καὶ γελοιοτερον εἴπω, προσκειμενον τῇ πόλει ὑπὸ τῶ Θεοῦ. ὥσπερ ἰππῶ μεγάλῳ μὲν καὶ γενναίῳ, ὑπὸ μεγάλῳ δὲ νοθρωτέρῳ, καὶ δοομένῳ ἐγείρεσθαι ὑπὸ μωροῦ τινος. Οἷον δὴ μοι δοκεῖ ὁ Θεὸς ἔμε τῇ πόλει προστεθεικέναι τοιαύτον τινα, ὃς ὑμᾶς ἐγείρων καὶ πείθων καὶ ὀνειδίζων ἓνα ἕκαστον, ἔδεν παύομαι, τὴν ἡμέραν ὅλην πανταχῇ προσκαλιζών. τοιαύτος ἂν ἄλλος ἔραδιως ὑμῖν γεννησεται. i. e. Si enim me interfeceritis, haud alium talem reperietis, vere quidem, & si forte id dictum ridiculum est, civitati vestræ a Deo adbibitum, velut equo cuidam magno & generoso, sed ipsa mole pigriori, atque a tabano aliquo excitari indigenti : qualem videtur me Deus civitati adididisse, qui singulos excitans & monens & objurgans non cesso diem totam vobis assistere. Talem vero alterum non facile nanciscemini o Viri Athenienses. Verum est, poenituit mox Athenienses, talem virum interfecisse : verum etiam, quosdam eam ob causam poenas dedisse.

Plutar-

*Plutarchus de invidia & odio p. 556. ita ait : Eos, quorum calumnia Socrates fuit oppressus, ut extreme malos ita oderunt, itaque averfati sunt Crues, ut neque ignem eis accenderent, neque interrogantibus responderent, neque in balneo aqua uterentur eadem, sed qua illi lavissent, eam tanquam pollutam juberent a ministris effundi : donec illi impatientia odii se suspenderunt.* Hæc quidem *Plutarchus* gravissimus auctor. Sed nec ipse, nec alii testantur, Athenienses alios mores induisse, cultum Deo digniorem recepisse. Verbo, doctrina *Socratis* majorem vim in animos hominum non habuit, quam alia quædam philosophandi methodus. Certe, quantum ex historia constat, Athenienses superstitionem minime rejecerunt. Discipuli & Sectatores *Socratis*, quisque pro ingenii indole, philosophabantur, & inanibus disputationibus tempus misere perdebant. Nemo, nemo, inquam, ad cultum castum Deo exhibendum cæteros adhortabatur : nemo mortem pro *unius Dei* gloria oppetere volebat. Plerique erant adsentatores, animalia gloriæ, molles & dispunctes. Quis autem credat, cæteros homines virtuti operam daturis, pravis studiis valedicturos & mentem mutatuos esse *talibus ducibus*? quis spem meliorum temporum a Sacrificulis, hominibus, ut rerum divinarum ignarissimis, sic pestilentissimæ Superstitioni addictis expectare poterat? hinc teterrima Superstitio orbem inundavit, & omnia ad interitum vergebant, usque dum divina Bonitas extraordinario quodam auxilio generi humano medelam afferret.

**XVI.** Præstitit hoc Ipsum Salvator noster. Non solum enim vitam vixit sanctissimam, & Deo dignissimam, non solum potentiam suam per miracula, & vim quam exerebat in animis hominum, ostendit; sed & prædixit, fore ut nec portæ inferorum, nec Tyrannorum violentia, nec tormentorum æstus, progressui Sanctissimæ Religionis, prævalerent. Hac spe meticulosos, & de futuro anxios discipulorum animos erexit, & infinitum præmium constantiæ promisit. Illi, quamquam initio timidi erant, quidam etiam eorum Magistri optimi proditor, alter viribus plus æquo fidens turpiter lapsus, omnes tamen Unico excepto, in unum conveniebant, disciplinam a Magistro traditam forti animo tuentes, neque ulla minarum, aut persecutionum vi, a sanctissima Religione defendenda se se abripi patiebantur. Ille Ipse *Petrus*, qui paucis ante diebus turpiter Magistrum metu mortis deseruerat, ad Synedrium Judæorum vocatus, Antistitibus illis Sacrorum in faciem dixit. *Hic ipse Jesus, quem cruci adfixistis, a morte revocatus est, & hujus rei nos sumus testes.* Omnes autem dono miraculorum,

&amp;

& linguarum cœlitus donati, quaquaversum iter faciebant, & generoso impetu incitati, inter mille labores, & persecutiones, nullo habito gloriæ, aut utilitatis respectu, cunctos ad amplectendam divinam Religionem invitabant. Quæ doctrina etiam tantam vim habuit in hominum animos, ut Senes & Juvenes, Docti & indocti & utriusque Sexus homines certatim ad eam profitendam & defendendam ruerent, vitæque Deo & ratione dignissimam instituerent. Non obstant præconceptæ opiniones, veluti cum lacte materno haustæ, non charissimorum pignorum lachrymæ, non commoda hujus vitæ, non exilium, quo minus Religionem illam tuerentur; imo, quod magis est, ne quidem exquisitissima tormenta eos perterrefacere poterant. Hinc ad martyria serena fronte, animoque imperterrito, properabant, & citius quidem aliquando, quam ipsa necessitas postularet. Scio, quosdam dicturos, superstitionem multum etiam ad hoc contulisse: provocabunt ad rationes, quas in medium protulit Eruditissimus *Dodwellus* in dissertat. de *Causis martyrii*. Concedam, si ita velint, quosdam aut pertinacia, aut nimio martyrii desiderio abreptos, sine sufficientibus rationibus, tam intrepido animo mortem perpeffos; at omnes, vel plerosque solis his rationibus commotos, eo constanti processisse, vix credere permittit humanæ naturæ indoles, quæ dolores exquisitos sine causa sibi concitare non solet. Eadem olim fuit natura humana, quæ nunc est. Quæ dolorem excitare solent fugimus, præsertim si nulla adjuncta est utilitas. Historia Ecclesiastica satis docet, multos persecutionis æstu aut fuga sibi consultuisse, aut aliud locutos, quam quod animo presserant. Sine ratione plerique Religioni addicti sunt, iis in locis, in quibus sine persecutionis metu secure vivere possunt; at ut homines exquisitissima tormenta, quæ facile evitare possent, perpetiantur, difficulter credi potest. Recte Lactantius Lib. V. cap. XIII. *Si femine sexus infirmitate labuntur, (nam interdum isti muliebrem & anilem superstitionem vocant) Viri certe sapiunt. Si pueri, si adolefcentes improvidi sunt per ætatem, maturi certe ac senes habent stabile judicium. Si una Civitas desipuerit, ceteræ utique innumerabiles, stultæ esse non possunt. Si una provincia, una natio providentia caret, ceteras omnes habere intelligentiam recti necesse est. Quum vero ab ortu Solis usque ad occasum lex divina suscepta sit, & omnis sexus, omnis ætas & gens & regio unis ac paribus animis Deo serviat, eademque ubique sit patientia, idem contemptus mortis; intelligere debuerant, aliquid in ea esse rationis, quod non sine causa usque ad mortem defendatur, aliquid fundam-*  
*menti*



menti ac soliditatis, quod eam religionem non tantum injuriis & vexatione non solvat, sed augeat semper, & faciat firmiorem. Verum est, multos ex Christianis & magnam eorum partem fuisse homines simplices & ἀπαιδεύτους. Sed illi homines sæpe minore præconceptarum opinionum mole obruti esse solent, quam Eruditi. Hi enim plerumque inani disputationum συζητήσει capti, variisque dubiis circumsepti, mille elabendi rimas quærunt, nec tanto Zelo pro Dei gloria ardent. Ipse, Magnus alias Vir, Erasmus in Epistolis suis fatetur, ingenium suum ad martyrii gloriam reportandam ineptum esse. Supponit autem illorum hominum objectio, ad salutem consequendam, & veram Religionis indolem perspicendam, opus esse systematica quadam cognitione omnium illarum propositionum, de quibus Eruditi inter se disputant, quod minime credo. Purgatio animi a pravis adfectionibus, solida quædam persuasio de divinitate Religionis christianæ, ejusque natura & indole: amor virtutum Christianarum, studiumque ardens Deo placendi & convenienter huic Religioni vivendi plus efficit, quam notitia omnium rationum & objectionum de certis Religionis capitibus, quæ inter dissidentium Christianorum familias agitantur. Quæ ipsa etiam primis & antiquissimis temporibus, rariora erant, quam nostro Seculo, quo nulla fere ætas sufficeret, ad cognoscendas, nedum examinandas controversias, quæ sensim sensimque ortæ sunt. Loquor autem de plebe non de Doëtoribus, qui majori rerum divinarum cognitione instructi esse debent. Quod si jam addas, primos veritatis hujus cœlestis Doëtores homines fuisse, nullis disciplinis excultos, artis recte rationandi secundum leges philosophorum imperitos, nulla humana auctoritate, aut præsidio munitos, magis patebit, admirandum plane fuisse progressum hujus Religionis. Si enim homines fuissent, summa ingenii acie instructi, variis linguis & disciplinis exculti, ad genium Seculi compositi, haberent quod objicerent illi, quibus Sanctissima Religio displicet; dicere possent, ejusmodi homines facile posse decipere simplices. At alios Deus pro infinita sua Sapientia elegit. Eleganter Lud. Vives Lib. II. de veritate fidei de hoc argumento loquitur. *Misit (inquit) Deus paucissimos ad quamplurimos, rudes ad peritissimos. Erat enim mundus ingenii atque artibus excultus, si unquam alias, ne quis fucum factum, aut dolo captos homines possit suspicari; misit infantes ad disertissimos atque eloquentissimos, misit simplices ad astutos, inermes ad armatos, imbelles ad bellicosos, inopes ad imperium populi Romani. Expediebat tantam esse in primis illis ædificii hujus exstructoribus humilitatem; ne ipsi humanis viribus*

artibusque aliquid tribuerent, ut in iis spei quicquam aut fiduciæ collocarent; Sed sibi penitus diffisi, ab ope ac præsidio penderent Dei. Tum ne quis sulte ac dementer aliquid ex iis, quæ facta essent, humanæ potentie attribuerent. Hactenus Vives. Christo Jesu ergo Salvatore nostro debemus, quod melior orbis pars habeat religionem Deo convenientissimam, Deo dignissimam, cultum castum & ab omni superstitionis labe purgatum. Hæc Religio etiamsi hinc inde a male feriatis hominibus variis ingenii humani scoriis obtegatur, emicat tamen satis, si rite perpendatur, divina illius Origo & admirabilis pulchritudo, adeo ut ea nihil excellentius, nihil ad perficiendam hominis mentem aptius excogitari possit. Miramur & stupemus igitur merito, βαρβαροφωνὰς ἀνθρώπους τὴν ἑλληνικὴν εὐγλωττίαν νενικηκότας, καὶ τὰς κακομψευμένους μύθους παντελῶς ἐξεληλαμένους, καὶ τὰς ἀλιευτικὰς σολοικισμὸς τὰς αἰτιακὰς καταλελειμκότας ἑυλόγισμους i. e. homines barbari Sermonis græcæ Eloquentiæ facundiam superasse, sciteque ornatas fabulas, penitus profigatas, piscatorumque solécisimis dissolutos fuisse atticos Syllogismos, verba sunt Theodoretī p. 552. Ed. Sirmondi. Sine Christo & Apostolis, religio omnis in meras ineptias, tenebras, & otiosorum hominum deliramenta degenerasset: sine his præstantissimi Philosophi frustra ratiocinando, pertinacissimo morbo, qui venas omnes pervasit, medelam attulissent. Sive igitur Bonitati divinæ, sive doctrinæ ipsius præstantiæ, adscribas felicem illum successum Religionis christianæ, satis patet, majorem vim eam in animis hominum habuisse, quam Socratis & Celebrerrimorum Philosophorum accuratissimas ratiocinationes. Scio difficultatem haud levem quosdam proposituros. Provocabunt nimirum, ut hanc efficaciam Religionis christianæ extenuent, ad Vitam plerorumque, qui Christiani vocantur, quæ adeo est vitiis contaminata, ut difficulter credamus, Religionem illam radices egisse in animis eorum. Utinam tam facile rem ipsam negare possemus, quam facile ostendere possumus, causas hujus perversitatis minime impedire, quo minus admiranda sit efficacia in Religione christiana ad animos hominum in melius mutandos. Sed cum hæc loci quæstio hæc gravissima examinari haud possit, ablego illos, qui hanc quæstionem movent, ad Eximii Theologi Werenselsii diss. quintam, in qua hanc ipsam objectionem proponit & discutit, & addo Excellentissimi hujus Viri, Amicum Osterwaldium, Theologum itidem & Pium & Perspicacem, qui in aureo libello, a quibusvis Theologie Candidatis sedulo evolvendo, de corruptionis fontibus, inter Christianos grassantis ad hanc ipsam objectionem prolixè respondet.

det. Hoc unicum addimus, nos ideo Philosophiam *Socratis* minime deprimere, quod paucissimi ad ejus normam vitam exegerint: Sed contendimus, quantacunque fuerit ejus præstantia, longissime tamen eam infra Relig. christianæ dignitatem positam esse, non solum respectu efficaciz, quæ ex ipsius Religionis indole petitur, sed & propter auxilium Divinum, quod Deus suppeditat illis, qui ex animo Religioni illi convenienter vivere volunt. Interim & nos *dolemus*, in tanta Veritatis luce, tam paucos reperiri, qui ad excellentissimam hanc Religionem vitam componant; *dolemus*, homines quidem de Religione disputare velle, ipsius autem præcepta sanctissima observare nolle? *dolemus*, nos hodierno tempore minime, quod olim tamen factum legimus, provocare posse, ad *emendatissimos Christianorum mores, tanquam ad certissimum Religionis christiane Argumentum*. Sed hæc tamen non impediunt, quo minus divina illa Religio vim suam exerat in multorum animis. Sunt enim, Deo sit laus, non pauci, qui divinam illius vim sentiunt, & qui nondum sentiunt, fatentur tamen ipsam Religionem, in se spectatam, omnium præstantissimam esse. Unde concludimus tandem, Religionem christianam, sive indolem doctrinæ & præceptorum, sive Auctorem & discipulos, sive denique Successum ejus perpendamus, præstare multum *Philosophia Socratis*. Et hæc sunt, Venerande *Huldrice*, quæ de hoc argumento meditatus sum, non alium certe in finem, quam ut præstantiam Religionis christianæ, de cujus divina origine persuasissimus sum, extollerem, & si fieri posset, homines ad eam amandam, inducerem. Satis enim me vixisse arbitrarer, si tenuis ille labor unum tantum ab erroribus liberatum ad iter coeleste direxerit. Si minus recte præstiti, quod præstandum erat, laudabis saltem Voluntatem. Sed verbum non addam. Vale.



DIALOGUS (\*)  
DE  
NATURA IDEARUM,  
IN QUO AUCTOR PROBARE VULT,  
NOS NESCIRE, QUID SINT IDEÆ.



Ereina tempestas, qua Deo volente per aliquot dies usi fumus, in campum me invitavit, ut animum libris perpetim affixum jucunda deambulatione recrearem; vix autem urbis portas egressum offendit me *Paulus*, & heus, quo tendis, inquit, dulcissime rerum? Sylvam, ego inquam, & rus peto, ut oculos mentemque pascere possim: tum ille me ad villam suburbanam invitare, eodem venturos *Frontonem*, *Lelium*, & *Beatum*, Eruditos omnes, & disertos viros: assentior sine mora, & dum loquimur, ecce adfunt amicorum suavissimi. Salutamur invicem, lentoque pede progressos excipit tandem villa. Eximus in pratum, ibique ad radices arborum, molli aura flante, in circulo sedemus; jam aderant crateres cerevisiæ, & divina illa herba *Nicotiana*. Post varios, ut fieri solet, sermones, tandem exclamat *Beatus*: O stupendam Dei bonitatem, quæ nobis tot tantaque objecta contemplanda offert, sine quibus miserum transigeremus ævum! quam admirabilis, quam beneficus ille Deus est, in quo pura mentis acie cuncta hæc videre possumus, qui tamen passim hujus rei immemores sumus! tum *Lelius*, ut est disertus, recte admiraris stupendam Dei bonitatem ubique conspicuam;

(\*) Auctor philosophandi methodum Celeberrimi *Lokii* secutus est, atque hodiernum, etiam de Auctoribus philosophiæ recentioris præclare sentiat, magni tamen facit illustrem Anglum.

spicuum ; at in eo sapientia Ejus , & bonitas , maxime elucet , quod menti nostræ facultatem dederit , omnium objectorum ideas producendi , qua si destituta esset , frustra in exiguum hoc domicilium missa videretur ; adde , inquebat *Fronto* , quod species ab objectis ad sensus delatæ ne hilum quidem minuantur , sed cum objectis mire conspirent ; tum *Phileleutherus* , qui ætate & ingenii acumine nos superat , subridere , & nescio quid tacite secum musitare : quod ægre ferens *Beatus* , qui sit , inquit , ut in re seria rideas . Ego vero non ideo hoc facio , reponit *Phileleutherus* , quod putem rem , de qua loquimini , attentione nostrâ indignam esse ; sed quod ex iis , quæ hæcenus dixistis , ingenii humani imbecillitatem pulchre videam , dum ea , quæ quotidie menti nostræ ingeruntur ignorantes , certissime tamen scire existimamus . Vos enim , qui miram Dei bonitatem recte depradicatis omnes , causas tamen diversissimas vestræ admirationis assertis . *Beatus* enim nos objectorum ideas in Deo contemplari , *Fronto* ab ipsis objectis species quasdam ad nos transmitti , *Lælius* ideas a nobis formari putat ; parum abest , quin *Poëta* illud ingeminem : *tres mihi Convivæ* , cætera nostis . Ad hæc *Paulus* , aliam ego sententiam de hoc argumento foveo , cæteris ut puto omnibus magis probabilem ; tum *Phileleutherus* in sinu gaudere , cæterosque cunctos diligenter intueri , tandem vero ita loqui . Video vos in viridi hoc prato per bihorium quieturos , agite ergo jucundissimum tempus amica confabulatione fallamus ; non deerunt nobis objecta , licet , qua ratione menti præsentia sint , forte ignoremus ; cum autem opinionum inter vos divortium sit , dividemus operas , loquendique vices ordine partiemur ; tum omnes arridere , & ad colloquium hoc parati videbantur . *Phileleuthero* officium , quemlibet ordine interrogandi , propositasque in medium sententias examinandi , imponebant .

*Phileleuth.* Ex iis quæ hæcenus dixistis omnes , colligo , vos in eo convenire , quod *Ideam* adpelleris , proximum contemplationis nostræ objectum , seu id quod menti proxime obversatur , cum de re aliqua cogitat . Hoc unum autem jam quidem quæritur , quid illa *Idea* sit ; utrum substantia , an accidens ; intellectualis , & ab omni materiæ mole secreta , an vero corporea ; num in mente , num extra eam ? Audiamus ergo , quid cuilibet vestrum de hoc argumento videatur , & ne diutius moremur , ex te *Fronto* quæro , quid de ideis illis sentias .

*Fronto.* Ego puto , simulacra quedam ex ipsis objectis emanare , quæ objectis per omnia sint similia : Hæc simulacra deferuntur ad sensum

*communem.* Sed cum species illæ corporeæ sint, debent illæ primo ab intellectu agente spirituales reddi, quo factò offeruntur intellectui patienti, atque ita intellectus patiens rerum corporearum *Ideas* habet.

*Phileleuth.* Percepi sententiam tuam; sed cum non omnia satis intelligam, permittes, ut de singulis curatius quæram.

*Fronto.* Libere interroga.

*Phileleuth.* Suntne simulacra illa, quæ ex objectis manant, partes objectorum. v. gr. num simulacrum arboris, quam heic contemplaris, pars est ipsius arboris?

*Fronto.* Ita videtur.

*Phileleuth.* Qui fit ergo, ut arbor ad compita viarum posita non minuat, cum singulis diebus magna simulacrorum multitudo ex ea ad videntes deferatur?

*Fronto.* Tanta eorum est copia, ut decrementum vix aliquod animadverti possit.

*Phileleuth.* Ego certe non capio, qua ratione quotidie substantiæ alicui partes detrahi possint, sine totius detrimento.

*Fronto.* Valde minutæ sunt illæ species.

*Phileleuth.* Quod si tam minutæ sint species illæ, qui fit, ut objecta ipsa vere referre possint. v. gr. videmus omnes arborem hanc heic ante oculos positam proceram satis esse.

*Beatus.* Forte illa simulacra loqui possunt, mentique annunciare, se minutissima quidem forma prædita esse, at maxima tamen simul repræsentare objecta.

*Phileleuth.* At tum mentirentur.

*Fronto.* Noli mihi insultare *Beate*, philosophamur enim.

*Phileleuth.* Nonsolum minutissimas, sed & velocissimas oportet esse species illas, cum brevissimo temporis spatio aliquot millaria conficiant. Cogito jam quidem de Viro quodam erudito in Anglia degente; hoc ipso ergo momento species illa, ne vocata quidem, tracto mari, & peragrata Germania ad me advolavit.

*Fronto.* At radii cœlestes similiter celerrime moventur.

*Phil.* Mirum autem est, species illas tot terræ spatia emetientes, nullibi impediri, aut cum aliis quaquaversum volitantibus misceri.

*Fronto.* Multa vera sunt, quorum rationes reddere non possumus.

*Phil.* At puto te nondum demonstrasse simulacrorum illorum existentiam; at ponam jam quidem quod postulas: quæram ex te, utrum misericordiæ, vel temperantiæ ideam habeas?

*Fronto.*

*Fronto.* Imo vero.

*Phil.* Num igitur simulacra quædam e gremio, ut ita dicam, harum virtutum profiliunt?

*Fronto.* Non putaverim.

*Phil.* Idea tamen misericordiæ animo tuo est infixæ.

*Fronto.* Ita.

*Phil.* Ergo ideas rerum possumus adipisci sine simulacris: vel enim ideam temperantiæ ut ideam abstractam contemplaris, vel ut ideam ex multis singularibus compositam; si priori modo, tum nescio qua ratione species illa rem nonnisi in intellectu existentem referre possit; si posteriori, plane concipi non potest, quomodo ex multis simulacris singularibus nihil inter se commune habentibus idea composita temperantiæ animo præsens sibi possit.

*Beatus.* Forte plane alius generis simulacra ad *Frontonem* deferuntur, quam ad nos.

*Phil.* Non male videris conjecisse, *Beate*; ego intellectum agentem mihi adesse hætenus ignoravi, eidem tamen *Fronto* mirabilem adscribit vim atque potentiam; ego res concipere debeo, ut sunt, neque in mea potestate esse situm sentio, rem plane corpoream spiritualem reddere; at mitto hæc: dic mihi *Fronto*, num judicandum est de rebus ut sunt?

*Fronto.* Sine dubio.

*Phil.* Quod si intellectus tuus agens simulacrum v. gr. montis, spirituale reddit, num ex eo inferendum, montem spiritualem existere.

*Fronto.* Minime.

*Phil.* Cui bono igitur species montis ad nos delata?

*Fronto.* Quia sine ea montem præsentem nobis sistere non possemus.

*Phil.* At species illa cum monte extra me existente nihil commune habet. Præterea nescio, quomodo intellectus agens res percipere possit ut sunt, non item patiens. Ex. gr. video avem, hujus simulacrum ad nescio quem sensum communem juxta te defertur; antequam igitur intellectus agens simulacrum illud avis spirituale reddere possit, scire debet, hoc simulacrum avem, non pulicem referre; quod si hoc est, ideas habemus antequam adsunt, quod absurdum videtur. Si non habet imagines objectorum intellectus agens, quadrata pro rotundis offeret intellectui patienti: quod si ab altera parte intellectus patiens non solum simulacrorum naturam cognoscere potest, sed



sed & scire quam rem referant, nescio tandem quem in finem intellectus ille agens nobis datus sit. Incidit autem mihi aliud dubium, quod pace tua in medium proferam. Si omnes species ab objectis ad nos delatæ spirituales redduntur, nescio qua ratione mens judicare possit, corpora extra nos existere; illa res, quam contemplor, mere spiritualis est; teneor insuper judicare de rebus uti menti offeruntur: Hinc sequitur mea opinione, a nemine certo dici posse, utrum simulacrum animo oblatum corpus sit nec ne. Hæc efficiunt, mi *Fronto*, ut tuæ sententiæ album calculum adicere non possim; non equidem falsam illam esse dico, at videri ita mihi, negare non possum.

*Fronto.* Obscurius est hoc argumentum, quam existumavi. Alia occasione accuratiori examini quætionem submittam, interea percipio scire, quæ sententia magis vobis arrideat.

*Phil.* Nil jam dicam de Deo, mente, & creaturis ratione præditis omnibus; nemo mortalium, si opinionem tuam sequatur, explicare poterit, quomodo simulacra corporea ex iis ad nos transferri possint: sed video *Paulum* nostrum ad dicendum paratum, age ergo *Paulle*, tu sis nobis in hac re *Apollo*.

*Paul.* In omnia alia eo, mi *Fronto*, neque unquam sententiam tuam concoquere potui, meliora edoctus a *Nobilissimo Cartesio*, *Philosophiæ*, ut nosti, *Restauratore summo*.

*Phil.* Quid ergo tu *Ideas* esse putas?

*Paul.* Paulo altius sententiæ meæ fundamenta repetam. Mens, secundum me, res est ab omni plane corporis labe secreta; omne quod ad eam constituendam postulatur, mera cogitatione absolvitur. In ea autem duæ cumprimis elucet facultates, nimirum facultas intelligendi, & volendi. Hæ facultates ad naturam mentis pertinent, quia sine iis nulla mens concipi potest. Ut autem de hoc vel illo cogitet mens, ad ejus essentiam non pertinet, sed modus saltem est vel accidens mentis; hæc ipsa autem perceptio mentis, dicitur *Idea*. Unde *Idea* mihi nihil aliud est, quam *certa cogitandi ratio*; erit itaque *perceptio*, *sensatio*, & *idea* unum idemque: distinguuntur sola relatione, nimirum omnis cogitatio singularis potest considerari, vel quatenus est quædam mentis modificatio; vel quatenus rem aliquam extra mentem existentem refert.

*Phil.* Contendis ergo, mentis naturam sola *cogitatione* absolvi?

*Paul.* Ita est.

*Philoleuth.* Unde hæc nosti?

*Paul.*



*Paul.* Quia quicquid in ea deprehendo, ad eam referri potest.

*Pbil.* An ergo in natura mentis deprehendis vim res corporeas repræsentandi?

*Paul.* Intime hoc sentio.

*Pbil.* Non quæro, utrum sentias, eam facultatem tibi adesse; sed, utrum in cogitationis natura aliquid invenias, quod ullum cum rebus corporeis, quas ideæ referunt, convenientiam habeat: ex. gr. utrum in mente aliquid reperias, quod cum figura mensæ convenientiam habeat?

*Paul.* Nihil invenio.

*Pbil.* Cur ergo asseris ideam mensæ, mentis esse modificationem?

*Paul.* Quia rei natura hoc postulat.

*Pbil.* Quid ita?

*Paul.* Contemplare hanc arborem, illius idea animo nostro observatur, arbor ipsa non est in nobis; neque cerebri motus quicquam cum arbore commune habet; necesse est ergo, ideam arboris in mente esse.

*Pbil.* Ergo mens aliquid habet commune cum corpore, id est arbore.

*Paul.* Non habet; ut jam audivisti.

*Pbil.* Si nihil ergo mens commune habet cum arbore, sequitur, mentem arborem repræsentare non posse, sequitur mentis modificationem, & ideam arboris, res esse distinctas; semper audivi verum esse hoc axioma: *nemo dat quod non habet*: quod si juxta tuam sententiam mens, sive naturam, sive proprietates, sive modos tandem ejus consideres, mera cogitatio est, figuram arboris nunquam poterit habere.

*Paul.* Confundis imaginationem cum perceptione, imaginatio trahit aliquid ex corpore, non item perceptio.

*Pbil.* Nullam ego video confusionem: per *Facultatem imaginatricem* intelligo eam vim mentis, secundum quam absentium objectorum ideas animo præsentare sistere possumus. Hæc imago, quæ animo præsens est, aut est mera mentis modificatio, aut aliquid a perceptione diversum; si prius, habebit mens aliquid cum corpore, quod repræsentat, commune, quia rem aliquam sensibilem, & figura prædictam refert; si diversum quid est imago illa menti objecta a perceptione mentis, sequitur ideam, & modificationem mentis non esse unum idemque.

H h h h

*Paul.*

*Paul.* At imaginationi adest certus cerebri motus.

*Phil.* Quod si hoc maxime verum esset, de quo tamen dubitari posset, nullum præsidium causæ tuæ accederet: concessisti enim supra, certum cerebri motum cum hoc vel illo corpore, arbore v. gr. nil commune habere. Ex quo necessario colligendum, perceptionem, sive certam mentis modificationem, & ideam, non unum idemque esse; præterea aliud est, scire, me v. gr. arborem videre, aliud vero imago ipsa arboris animo oblata, prius modificationem mentis dicere possis, non item posterius.

*Paul.* Video hanc sententiam premi aliquot difficultatibus; putavi tamen semper posita distinctione inter imaginationem & perceptionem puram, uti loquuntur Philosophi, dubium omne tolli posse.

*Phil.* Sumamus ergo aliud Exemplum, visuri, utrum lucem aliquam huic argumento affundere possimus; sumamus exempli gratia, ideam temperantiæ, quando ergo cogitas de temperantia, hæc cogitatio est modificatio mentis?

*Paul.* Ita est.

*Phil.* Nosti sine dubio, quid ad naturam hujus virtutis constituendam requiratur.

*Paul.* Probe novi.

*Phil.* Quæro ergo ex te, qua ratione fieri possit, ut una modificatio mentis res diversis proprietatibus distinctas simul tamen, repræsentare possit?

*Paul.* Hæc idea, ut in scholis loquuntur, collectiva est.

*Phil.* Sit ita, est tamen secundum te mentis modificatio, & quidem sola, quomodo autem sola modificatio res distinctas uno ut ita dicam momento repræsentare possit, non intelligo; sed ne forte minus clare, quod sentio proponam, alio Exemplo utar; an non cum oculos aperis multa simul vides objecta?

*Paul.* Video cælum, aquam, arbores, villas, aliaque.

*Phil.* Annon ideæ illorum objectorum multum inter se differunt?

*Paul.* Differunt.

*Phil.* At quomodo tandem fieri potest ut mens, res simplicissima, objectorum diversissimorum ideas possit referre? num fieri posse credis, ut corpus unum idemque ita possit moveri, ut simul quadratum, rotundum, ellipticum, conicum, &c. sit?

*Paul.* Non puto; interim meminisse debes, mentis naturam non satis esse notam.

*Phil.*

*Phil.* Recte dicis ; at non ideo licet quidlibet de ea adfirmare : quæ hæcenus dixi, probant , aut in mentis natura aliquid esse, quod figuram corporis recipere possit ; aut perceptionem, sive modificationem mentis, uti loqui soletis, aliquid ab idea diversum esse ; prius admittere detrectas, videtur igitur posterius esse dicendum ; at alia sunt, mi *Paule*, quæ mihi persuadent, sententiam tuam nullis esse superstruatam fundamentis.

*Paul.* In medium ergo proferto, audiam.

*Phil.* Dixisti supra, perceptionem, sensationem, & ideam unum idemque esse, nimirum certam mentis operationem.

*Paul.* Adhucdum ita sentio.

*Phil.* Mittamus jam perceptiones, & loquamur de sensationibus : quando sacharum gustas vel aceto uteris, sentisne aliquid ?

*Paul.* Quis negat ?

*Phil.* Num hæc sensatio modificatio mentis est ?

*Paul.* Est.

*Phil.* An tu habes ergo ideam dulcedinis perceptæ occasione usus sachari ?

*Paul.* Non habeo, sed sentio saltem.

*Phil.* Ergo sensatio & idea differunt ; ergo modificatio mentis, & ideæ, res sunt diversæ ; rursus si cultello lædatur digitus tuus, an non sentis dolorem ?

*Paul.* Imo vero sentio, & nuper hoc satis superque expertus sum.

*Phil.* Hæc sensatio molesta sine dubio est quædam mentis affectio, quam tu modificationem adpellas.

*Paul.* Est.

*Phil.* Num igitur hæc sensatio ideam exhibet, vel doloris vel cultelli ?

*Paul.* Non exhibet.

*Phil.* Ergo idea, & sensatio non unum idemque sunt. Omnium Philosophorum consensu, sensationum nullam habemus ideam ; hinc interrogati, quid sit dulce, quid amarum, respondere nil possumus. Secundum te, id quod in nobis est, confunditur, cum perceptione rerum extra nos positarum ; quando lædimur cultello, dolorem menti nostræ inesse sentimus, at cum arborem videmus, non possumus judicare, arborem esse intra mentem nostram : conscii enim nobis sumus, arborem, quam contemplamur, extra nos esse : imo si verum dicendum, hæc sententia tua, mi *Paule*, præceptis Nobilissimi tui Præceptoris

H h h h 2

ris

ris repugnat; partim enim judicas de re, cujus perspicuam notionem non habes; partim aliquid menti tribuis, quod cum natura rei cogitantis pugnat. Utrumque præceptionibus *Cartesii* contrarium.

*Paul.* Tu scilicet sapientior, & acutior es *Cartesio*.

*Phil.* Noli irasci, non hoc agimus; videsne hunc montem;

*Paul.* Cæcus sit, qui non videat.

*Phil.* Cum hæc idea montem referens, nonnisi modificatio mentis sit, necessario menti inesse debet aliquid figurati; montis enim ideam sine hoc habere non possem, certa figura instructum esse competit corpori, non menti. Si hæc vera sunt, quod mihi quidem videtur, peccas, mi *Paule*, contra duo illa principia *Præceptoris* tui.

*Paul.* Tantum abest, ut mea adfertio contraria sit decretis *Præceptoris* mei, ut nihil magis cum iis conspiret; clara & distincta perceptio est Criterium Veritatis secundum *Cartesium*, atqui clare, & distincte sentio, animum meum facultatem habere ideas varias intuendi.

*Phil.* At hoc non quaeritur, mi *Paule*: in eo Philosophi, cuicunque tandem Sectæ addicti, conveniunt, mentem ideas oblatas qualitercunque contemplari; quaeritur, utrum ideæ sint mentis modificationes, vel aliud quid a mente diversum.

*Paul.* Num igitur putas impossibile esse Deo, efficere, ut occasione motus cerebri in mente idea excitetur?

*Phil.* Nec hoc quaeritur. Hactenus enim non disputamus de origine idearum, sed de earum natura; sed quoniam te pertinaciorum esse video in defendenda Magistri tui opinione, en Syllogismum cornutum! aut in omnibus mentis modificationibus adest idea, rem extra nos existentem referens, aut in quibusdam tantum; Si omni modificationi mentis adjuncta est idea, sequitur, non solum cum nostris sensationibus omnibus esse conjunctas ideas, sed & dolorem v. gr. voluptatem, quam sentimus, extra nos existere, quod absurdum: si in quibusdam tantum cogitandi modis adsunt ideæ, sequitur, certum cogitandi modum & ideam, non abstractione solum mentis, sed revera inter se distincta esse.

*Paul.* Urges ea quæ supra jam monuisti.

*Phil.* Ita est, at nihil a te allatum esse memini, quod nodum solvat; forte majorem huic argumento affundet lucem *Beatus*. Ego enim, ut verum fatear, hactenus ignoro, quid sit idea.

Tum *Beatus*. Non adeo mihi suffenus sum, ut credam, me aliquid vos docere posse, quod nesciatis; interim *τε κενον προσωπον* esse videar,

videar, fallendi temporis causa sententiam meam in medium proferam, Inter Philosophos, quos proxime præteritum seculum protulit, magnam nominis famam adeptus est *Nicolaus Malebranche*. Hujus methodus philosophandi vehementer mihi arrisit, quod maxime sublimia cognitionis humanæ capita inusitata perfundat luce, mentemque ad pietatis studium mire quantum inflammet. Acutissimus ille Vir naturam *idearum*, quantum mihi cernere datum, perspicue designabit.

*Phil.* Gratissimum igitur feceris, si sententiam ipsius nobis edisserueris, atque argumenta, quibus innititur, protuleris.

*Beatus.* Faciam quantum potero. Putat Doctus ille Vir, nos omnia in Deo videre, mentem nostram proxime cum Deo esse conjunctam; in Deo, qui omnia creavit, omnium rerum esse Archetypa horum *ideas* menti ingeri, seu potius in Dei natura contemplandas offerri, quoties cerebrum nostrum ab objectis externis certa ratione adficiatur; argumenta, quibus suam sententiam probat *Malebranche*, mox subjiciam; sufficiat jam quidem opinionem ipsius enarrasse.

*Phil.* Non satis intelligo quid velis: pace igitur tua unum alterumve ex te quæram, ut difficilem illam captu sententiam probe cognoscam. Dixisti, nos omnia in Deo videre, eumque omnium possibilem idearum prototypa in se comprehendere.

*Beatus.* Ita est.

*Phil.* Suntne idæ illæ, quæ in Deo sunt, & quas nobis contemplandas offert, ipsa perfectissima Dei natura, vel aliquid a Deo diversum.

*Beatus.* Non tam quæritur, quomodo idæ in Deo sint, sed utrum nos eas in Deo contemplari possimus; perinde ergo mihi erit, quid de ideis in Deo subsistentibus statuas.

*Phil.* Ponamus ideas, quas in Deo dicimur contemplari, nihil aliud esse, quam ipsam essentiam divinam, certa & determinata ratione ita modificatam, ut in scholis loquuntur, ut hoc vel illud objectum referat; Ex. gr. video hanc arborem, occasione arboris hujus Deus mihi in sua natura contemplandam offert ideam arboris: estne idea arboris ab omnibus aliis objectis distincta?

*Beatus.* Ita est. Quid inde?

*Phil.* Ergo perfectissima Dei natura aliquid cum arbore debet commune habere.

*Beatus.* Nil habet.

*Phil.* Quomodo ergo ideam arboris, ab idea domus distinguere pos-

possum? utriusque rei idea est perfectissima naturæ divinæ quædam modificatio. Quod si perfectissima illa cogitatio Dei una eademque est, quæ arborem referat & domum, nescio quomodo eas distinguere possim; Si vero perfectissima illa modificatio mentis divinæ, quatenus arborem refert, distincta est ab ea, quæ domum repræsentet, debet aliquid in perfectissima natura Dei contineri, quod cum corpore, id est arbore, vel domo relationem habeat; quamvis enim omnia in Deo excellentissima ratione subsistant, non possumus tamen ea aliter intelligere, quam instituta quadam cum mentis nostræ natura, & proprietatibus, comparatione; at supra audivisti, neminem intelligere posse, qua ratione mens ab omni mole corporea secreta rem tamen corpoream referre possit; quod si igitur dicas, ideas Dei nonnisi perfectissimæ naturæ divinæ modificationes esse, in easdem difficultates incidis, quando de ideis rerum corporearum sermo est.

*Beat.* Nunquam dixi, me rationem, qua Deus intelligit, explicaturum.

*Phil.* Putasti tamen, nihil esse absurdi, si dicamus, ideas quas mens contemplatur, nonnisi naturæ & essentia divinæ esse modificationes. Pone autem, ideas illas aliquid esse a perfectissima natura Dei diversum, quæso quomodo asserere possumus, nos in Deo omnia contemplari, cum tamen, utrum in eo sint, certo cognosci non possit? vel quid tandem sunt illæ idæ, & ubi sunt, si eas a perfectissima illa Dei natura separes? Novi Philosophos dicere, in Deo esse mundum intelligibilem, eum perpetim Deum contemplari; at si quæras, ubinam tandem sit ille mundus, Deum ipsum eum esse audies, & postquam plurima de eo dixerunt, nihil aliud tandem edoceris, quam, Deum omnium rerum habere ideas. Atque ita rem non magis intelligis, quam antea; utcunque autem hæc sint, alia sunt quæ me impediunt, quominus sententiæ tuæ subscribam. Quæro ex te, mi *Beate*, quid per *corpus* intelligas.

*Beat.* Agitur de *ideis*, & tu quæris de *corpore*; dicam tamen: corpus est substantia extensa in longum, latum, & profundum.

*Phil.* Non quæro; quibus potissimum proprietatibus instructa sit materia, sed quid sit?

*Beat.* Corpus nihil est aliud, quam agglomeratio infinitarum partium, quarum quælibet corpus constituit.

*Phil.* Recte respondes; Ponamus igitur corpus quodcunque in mille partes divisum, sumamus millesimam partem corporis illius, quæro ex te, quid partis hujus nomine intelligas?

*Beat.*

*Beat.* Nihil aliud quam corpus ex innumeris corpusculis minoribus constans.

*Pbil.* Cum ergo omne compositum necessario ex simplicibus constet, corpus verò omne, licet tenuissimum, simplex non sit, necesse est subtilissima tandem corpuscula in unum aliquod simplex resolveri.

*Beat.* Ita est; & hoc simplex, *atomus* est, vel si mavis *monas*.

*Pbil.* Num *atomus* vel *monas* corpus est, an spiritus?

*Beat.* Neutrum.

*Pbil.* Quid tandem est?

*Beat.* Ignoro, sufficit quod ratiocinando eo necessario deveniendum sit.

*Pbil.* At si hoc ignoramus, nescimus tandem, quid corpus sit.

*Beat.* Quo delaberis? putavi te de *ideis* dicturum.

*Pbil.* Id ago. Deus omnium rerum habet ideas, & quidem perfectissimo modo, nos contemplamur ideas omnes in Deo; ergo omnium corporum habemus perfectissimas ideas.

*Beat.* Falsum hoc esse, jamjam dixi.

*Pbil.* Quomodo igitur rerum ideas in Deo contemplari possumus, si nostræ *ideæ* de rebus corporeis imperfectæ sunt? certe non datur tertium; aut *ideæ* rerum omnium, si eas in Deo contemplamur, sunt perfectissimæ, aut non omnia in Deo contemplamur; prius cum neges, posterius admittas necesse est.

*Beat.* Falleris. Deus in hoc negotio imbecillitati humanæ sese accommodat.

*Pbil.* Quid hæc verba significant, non intelligo.

*Beat.* Deus novit homines esse finitos, neque adeo rerum perfecte cognoscendam capaces; igitur ideas, prout eorum ingenio convenit, contemplandas sistit.

*Pbil.* Num igitur *ideæ* de una eademque re in Deo sunt diversæ, ita ut v. gr. ideam habeat mentis, 1. Tanquam subtilissimi aëris, aut ignis. 2. Fluidi nervei. 3. Rei cogitantis?

*Beat.* Minime.

*Pbil.* Ergo dicendum, aut nos non omnia in Deo videre, aut perfectissimas esse ideas nostras, talesque, quales Deus ipse contemplatur; posterius cum falsum sit, ipso te fatente, quid de hypothefi tua sentiendum sit, dispexeris ipse; at idea corporis aliud mihi in mentem revocat *Beate*. Nosti plerasque ideas nostras compositas esse.

*Beat.*

*Beat.* Novi.

*Phil.* Ideæ virtutum & vitiorum, quatenus non abstracte, sed multis ideis singularibus constantes considerantur, sunt compositæ.

*Beat.* Quis dubitet?

*Phil.* Ergo eas in Deo contemplamur.

*Beat.* Sine dubio.

*Phil.* Quod si igitur ideam fornicationis animo sistam præsentem, cum omnibus quæ hoc vitium absolvunt, num eam in Deo video?

*Beat.* Absit.

*Phil.* Unde ergo compositæ illius ideæ præsentia?

*Beat.* Caste philosophandum; aliud exemplum adhibe.

*Phil.* Scis omnia quæ ad iram, qui brevis furor est, designandam postulantur.

*Beat.* Scio.

*Phil.* Quod si igitur omnia, quæ in vitii huius idea continentur, in Deo videam, necessario colligendum, res foedissimas in Deo videri, aut falsum esse, quod ais, nos omnia in Deo videre.

*Beat.* Noli eos imitari, qui consecrariis ab invidia petitis dissidentes urgere solent.

*Phil.* Non hæc consecraria a te credi dico, sed quid mea opinione, ex positâ a te principiis sequi videatur, expono.

*Beat.* Ideæ vitiorum illorum abstractæ sunt.

*Phil.* Scio eas ita considerari posse; sed de hoc non agitur; queritur, utrum ideæ singulares omnes, ex quibus collectiva illa idea componitur, in Deo sint, atque a mente humana in eo videri possint. Quicquid dicas, captus eris, imo amplius dico, mi *Beate*, si omnia in Deo videmus, omnes ineptæ imaginationes, visiones, & delirantium phantasmata, dicenda sunt in Deo videri.

*Beat.* Viris tamen hæc parcius objicienda memento.

*Phil.* Necessario hæc ex sententia tua, vel *Malebranchii*, si MAVIS, colligi possunt. At quoniam odisti & arces eos, qui per consequentias dissidentes urgent, mittam hæc; & quæro ex te, utrum Deus nobis volentibus, vel nolentibus etiam, ideas in se contemplandas offerat.

*Beat.* Video quo tendas, at suppone quicquid volueris, ad argumenta provoco.

*Phil.* Ponamus, etiam nolentibus nobis representari a Deo ideas;



ideas; quæro, unde tandem impurissimæ imagines, resque Deo inimicissimæ, quæ sæpe piis ingeruntur, eorumque mentes misere lancinantis quasque ardentissimis precibus frustra sæpe in fugam conjicere tentantis originem trahant?

*Beat.* Hæ imagines vel temperamento, vel malo alicui genio sunt tribuendæ.

*Phil.* At ita non omnia in Deo videremus; pone contra, nobis volentibus ideas illas spectandas exhiberi. Quis quæso causam reddet, cur infinita ignoremus, quæ tamen scire nostra non parum interesset, v. gr. de origine mali moralis & physici? at cum ad argumenta provocos, silentio hæc sunt transmittenda: unum tamen, antequam argumenta illa tua audiam, ex te quærere lubet. Nimirum credis sine dubio, homines quinque sensibus instructos esse, neque dubitas, quin Auctor generis humani rationes habuerit sapientissimas, cur ita finxerit homines.

*Beat.* Quis adeo ineptus est, ut hæc non admittat?

*Phil.* Num proprie loquendo oculis videmus, auribus audimus?

*Beat.* Non; Deus enim objectorum ideas in se contemplandas offert.

*Phil.* Ideam ergo arboris ante nos positæ in Deo videmus?

*Beat.* Videmus.

*Phil.* Quod si ex duro marmore homines constarent, & vis intelligendi eidem adjecta esset, num similiter objectorum ideas in Deo contemplari possemus?

*Beat.* Possemus.

*Phil.* Ergo nullam causam video, cur Deus nobis oculos ad videndum dederit; fallor quotidie, cum existumo, ope sensuum externorum rerum representamina ad mentem deferri; nescio quid sibi velit tot objecta extra me existentia, quorum nullum proprie loquendo contemplari possum. Fallor, cum ex mirabili structura organorum externorum colligo, ad finem optimum sapientissimumque a Conditor rerum omnium ea facta; tu tamen supra dixisti, sensus ab optimo Numine non sine rationibus gravissimis nobis concessos.

*Beat.* Jam supra dixi, non opus esse, ut omnibus difficultatibus satisfiat; sufficere, si sententia hæc perspicuis argumentis possit probari.

*Phil.* At si opinio in se spectata absurda sit, num tu argumentis efficies, ut pulchra, solida & quid non sit?

*Paulus.* Audiamus illius argumenta ; vix laqueos tuos , *Phile-leuthere* , effugiet.

*Phil.* Producito ergo , *Beate* , solida illa argumenta.

*Beat.* Primum meum argumentum petitum est a *decentia Virtutum divinarum*. Enti sapientissimo perfectissimoque convenit , res omnes , momentosas cumprimis , per simplicissimas rationes & modos efficere : ubi compendio res fieri poterit , ambagibus sapiens non utetur ; atqui facilius Deus hominis menti ideas omnium rerum in se contemplandas exhibere potest , quam vero eandem ita creare , ut eas demum occasione objectorum in mente producere teneatur.

*Phil.* Audivi argumentum ; ut vim ejus intelligam , quæro ex te , utrum Deus , si quando aliquid vult creare , potentia duntaxat suæ rationem habeat , vel utrum ideas rerum efficiendarum simul contempletur , earumque etiam rationem habeat ?

*Beat.* Sine dubio : hæc etiam perfectissimæ menti obversantur.

*Phil.* Num igitur Deus perspexit , fieri posse , ut in administratione rerum omnium futurarum , contingentium præsertim , per vias , quas vocas simplicissimas & brevissimas , ad finem operum perveniret ; v. gr. an Deus , antequam genus humanum crearet , non habuit ideas populi Judaici , legum optimarum , factorum gentis ad idololatriam proclivis , præceptorum Religionis christianæ , &c. &c.

*Beat.* Habuit.

*Phil.* Num autem æque facilis ad æternam felicitatem perveniendi via tibi videtur in Vet. & Nov. Testamento ?

*Beat.* Non videtur.

*Phil.* Ergo Deus non semper ea media ad finem perveniendi adhibet , quæ nobis videntur simplicissima ; alioquin Deus hominibus omnibus omnium rerum scitu necessariarum ideas impressisset , & ad pie vivendum ita cunctos potentia sua disposuisset , ut a vero rectoque ne in minimis quidem aberrare potuissent.

*Beat.* Contrarium tamen videtur esse virtutibus divinis , si dicatur Eum non simplicissimis uti mediis , ad scopum , quem intendit , perveniendi.

*Phil.* Cum de administratione rerum omnium loqueris , non debes virtutes divinas solas abstrahte , ut in scholis loquimur , considerare , sed cum iis conjungere debes Dei sapientiam , in quæ omnes rerum proprietates , circumstantiæ , nexus , eventus , simul comprehenduntur.

*Beat.*

*Phil.* Nemo mortalium: hinc colligo, nos homunciones frustra de simplicitate viarum Dei differere; quis verbi gratia judicabit, utrum splendidum aliquod ædificium faciliore & magis compendiosa ratione extrui potuerit, si ipsi plane ignotæ sunt rationes, quas habuit Dominus ædificii? Deum quod attinet, immensa est cogitationum ejus varietas & altitudo; rerum administrandarum innumerus numerus atque diversitas est; harum diversa natura & constitutione finibusque, quos intendit sapientissimum Numen, innititur administrationis divinæ ratio: neque circa exiguum hoc punctulum, quod terram vocamus, unice versatur Dei cura; immensi restant orbes in vastissimo universo, quibus regendis invigilat adorandus mundi Rector. Harum rerum omnium vix particulam aliquam perspicue cognoscimus, cum omnia cohæreant, atque ultimi diei exitus demum totius administrationis divinæ, quatenus id scire nostra interest, rationem docebit; neque opus est, mi *Beate*, ut ad hoc quod dico probandum ad varia exempla in regno Naturæ & Gratiæ occurrentia provocemus; id enim ipsum, de quo disputamus, argumenti loco sit; ad cognoscenda rerum objecta nihil simplicius tu fieri posse putas, quam si Deus ideas objectorum nobis in se contemplandas offerat; ego vero idem simplicissime fieri potuisse crediderim, si Deus mentem facultate ideas excitandi ornasset. Cum utrumque æque facile facere possit Deus, quis judex inter nos erit, itemque componet? Opus esset ad hoc cognoscendum extraordinaria Dei revelatione; Hæc cum a nemine expectari possit, temerarium esse videtur, ita concludere: hæc vel illa res aliter fieri debuisset, quoniam Deus secundum opinionem meam faciliore longe ratione eam efficere potuit; vel cur quæso Deus menti nostræ adjecit corpus, a quo sæpe in ratiocinando impeditur, cum tamen, si ita ratiocinari fas est, Deus vel sine eo omnium rerum ideas imprimere potuisset? cur sensus externos dedit, & tamen secundum te menti omnia corpora in se contemplanda offert? Infinita in medium proferre possem, quæ nostram circa hoc argumentum ignorantiam evidentissime demonstrarent, nisi hic locus esset habendus temporis. Ignosce igitur, si dicam, argumentum tuum mihi videri plane imbecillum.

*Beat.* Audi ergo aliud argumentum, priori, mea opinione, longe fortius.

*Phil.* Lubens audiam.

*Beat.* Si mens humana ideas in Deo contemplatur, tum etiam

respectu cognitionis suæ a Deo dependet. Hæc autem sententia sine dubio Dei virtutibus convenientior est, quam si dicatur, mentem ideas per se producere, aut vim habere eas eruendi occasione objectorum. Ita enim homo cognoscit, se prorsus in omnibus a Deo pendere, simul vero Dei Majestas maxime simul ita extollitur. Hinc & S. Literæ hanc sententiam confirmant, teste *Paulo* 2. Cor. III. v. 5.

*Phil.* Nescio, quid voce *dependere* intelligas, cum dicis, necesse esse, ut respectu cognitionis omnis, quæ per ideas acquiritur, homo a Deo dependeat.

*Beat.* Hac voce significare volo, quod proprie loquendo nec mentes nec corpora agant, sed quod in mentibus Deus omnes ideas effingat, actionesque producat; hoc enim si negaretur, creaturæ non dependerent a Deo.

*Phil.* Non video, qua ratione negetur Dei independentia, si dicatur, hominem ideas excitare posse, atque respectu voluntatis aliquid agere; nemo dixerit, filium a parente non pendere, si concedatur, eum aliquid agere posse.

*Beat.* Virtutibus tamen divinis magis convenit, si dicamus creaturas prorsus nil agere posse.

*Phil.* Tantum abest, ut hoc concedam, ut potius asseram, hanc adsertionem omnibus Dei virtutibus esse contrariam; nam si mens omnes ideas in Deo contemplatur, si omnes sensationes & voluntatis inclinationes Omnipotentis Dei effectus sunt, sumus revera alienis nervis mobile lignum, neque a lapide aut trunco, vel hilum differimus; sequeretur, naturalem & supranaturalem Religionem, quæ contrarium manifestissime docet, ad fallendum hominem excogitamam, &c. &c.

*Beat.* Noli æstu disputationis abripi; serena mente de hoc argumento judica.

*Phil.* Si velis, ego confectariorum meorum vim tam evidenter probabo, quam solent Mathematici; at ita longius progredieremur, quam temporis limites permetterent; hoc unum dico, si vel maxime illam creaturæ dependentiam tueri velis, id æque facile fieri posse, si dicas, Deum occasione objectorum in mente nostra excitare ideas, quam si contendas, Deum eas in se contemplandas offerre. Hinc propugnatores *Systematis*, uti vocatur, *Causarum occasionalium* ea, quam dixi, via ingrediuntur. Ab utili saltem argumentaris, quæ disputandi ratio innumeris obnoxia est difficultatibus.

*Beat.*

*Beat.* At Scriptura *Malebranchii* opinionem confirmat.

*Phil.* Si locum citatum Apostoli inspicias, videbis, plane ibi de alia re sermonem esse, quam de origine idearum nostrarum; *Malebranchium* tuum magni æstimo, nec, quod in multis erravit, eum plane sperno, nedum inter *Atheos* refero, quod *Harduinus Jesuita*, homo audax, sæpe fanaticus, fecit; ipse quinetiam *Illustris Leibnizius*, prorsus alii sententiæ addictus, librum *Malebranchii de inquirenda veritate, un Chef-d'œuvre* adpellare solebat; hoc tamen non obstante, fatendum, eum artem interpretandi S. Literas plane ignorasse; quod si nulla alia argumenta probarent, satis id constaret ex iis, quæ ad hanc suam thesin probandam adfert; nullo enim habito respectu verborum, phrasium, scopi, omnia ad Metaphysicorum *μυστηριώδεις* torquet, ita ut putares, Scriptores sacros quam maxime sollicitos fuisse, ut idearum originem & naturam nobis ostenderent; adeo verum est illud *C. Werenfelsii* de S. Literis Epigramma:

*Hic liber est in quo, quærit sua dogmata quisque,  
Invenit & pariter dogmata quisque sua. (\*)*

*Beat.* Verum est, abripi se aliquando fuisse passum rerum subtilissimarum contemplatione Virum Doctissimum, placebunt tamen opiniones illius, quoniam ad Dei virtutes extollendas unice videbantur excogitatæ.

*Phil.* At sæpissime nescio quorum mysteriorum loco verba tantum, aut imaginationis lusus nobis dedit.

*Beat.* In hoc ipso, quo versamur negotio, hoc quod dixi patet. Utitur enim argumento ad sententiam suam probandam, quod ad deprædicandas Dei virtutes egregie comparatum est.

*Phil.* Expone ergo illud.

*Beat.* Finis operum divinorum, seu ut clarius loquar, causa cur Deus hoc vel illud agat, est Dei ipsius gloria: necesse igitur est, ut non solum amor noster unice in eum feratur; sed &, ut cognitio nostra ab eo, & ad eum dirigatur; nam quod a Deo venit, ad eum denuo tendat necesse est; cum igitur Deus intellectuales substantias creaverit, voluit sine dubio, ut in se opera divina contemplerentur. Quod

Iiii 3 fi

(\*) Vide libellum lectu dignum Amstelodami A. 1685. in forma, quam vocant, duodecima editum. Titulus est: *Entretiens sur diverses Matieres de Theologie. Lege inprimis quaestionem quartam de l'incertitude de la Metaphysique &c.* Auctores sunt J. Clericus & C. le Cene.

si enim objectorum ideas mens in semetipsa viderit, impediretur, quominus in solius Dei contemplatione unice mens defixa esset.

*Phil.* Ignosce, si dicam, hæc omnia quæ narrasti ex parte saltem a me intelligi; permittes igitur, ut quæram, quam potestatem propositionibus singulis subicias: Finem, ad quem actiones divinæ tendant ais, esse ipsum Deum, vel ipsius gloriam?

*Beat.* Ita sentio.

*Phil.* Num hæc verba significant, Deum universum ita condidisse, ut laudem divinæ Sapientiæ, Bonitatis, & Potentiæ, creaturæ ratione præditæ ipsi soli tribuant; an vero hoc tibi vis, Deum in creatione universi unice Potentiæ suæ rationem habuisse?

*Beat.* Priorem, non posteriorem, interpretationem adprobo.

*Phil.* Quod si hæc mens tua est, nil video quod inde ad sententiam tuam comprobendam erui possit.

*Beat.* At ego video. Sequitur enim inde necessario, necesse esse, ut amor noster & cognitio unice ad eum tendant.

*Phil.* Pace tua dixerim, ne nunc quidem, quo tendas, video.

*Beat.* Si ideas objectorum non in Deo sed mente mea contemplerer, cognitio mea deberet defigi in contemplatione objectorum, non Dei; unde sequeretur, mentem non esse factam propter Deum, sed propter objectum ipsum; quod tamen iis ipsis, quæ concessisti, contrarium est.

*Phil.* Quæso exemplum aliquod profer, ut res melius intelligatur.

*Beat.* Si Deus substantiam aliquam cogitantem crearet, eique ideam lunæ imprimeret, tum Deus spiritum illum non in sui, sed lunæ gratiam condidisse dicendus esset; cum autem Deus creaturas non alium in finem creare possit, quam ut eas, siquidem intelligendi vi instructæ sunt, ad Auctorem suum tendant, necesse est, ut ideas omnes in ipso Deo contemplentur.

*Phil.* Utamur allato exemplo: estne idea lunæ idea rei extra nos existentis?

*Beat.* Est.

*Phil.* Deus ergo vult, ut ideam lunæ habeam?

*Beat.* Vult.

*Phil.* Idea lunæ, & idea Dei suntne diversæ?

*Beat.* Quam maxime.

*Phil.* Quid ergo prohibet, quo minus lunam videns colligam,  
eam

eam existere, & ab alio longe potentiore originem habere, sive jam idea lunæ in Deo, sive in mente mea sit? cum enim in idea lunæ nihil sit, quod cum idea Dei confundi possit; colligo, undecunque tandem orta sit illa idea, me non propter lunam existere; sed ut cognita existentia lunæ, Dei infinitam Potentiam, Bonitatem, atque Sapientiam deprædicem. Pone, ut omnium rerum, sic & Dei ideam, menti ab ipso conceptionis momento esse impressas atque insculptas, sequetur necessario, ideam Dei, causæ primæ atque æternæ, ab ideis rerum contingentium fore diversam; unde facile erit colligere, Deum ipsum tanquam causam existentiae reliquorum Entium esse considerandum. Vides exinde, respectu gloriæ divinæ perinde esse, utrum ideæ omnium objectorum in Deo videantur, vel utrum mens ita a Deo fuerit condita, ut occasione objectorum ideas ex proprio, ut ita dicam, sinu educere possit. Vanum igitur est periculum illud, quod imminere omnibus illis putas, qui ideas non in Deo videri autumant, existimans, eos in objectis rerum creaturarum, tanquam in causa prima fiduciæ atque amoris præsidium quæsituros. Vides simul *Malebranchium* tuum nil dixisse præter ea, quæ in omnibus Philosophorum systematibus de hoc argumento dicuntur. Omnes clamant, mentem contemplatione creaturarum ad virtutes divinas celebrandas excitari debere. Quoniam autem video tibi ad manus esse *Malebranchii* librum de inquirenda veritate, aperi quæso *Lib. III. Cap. VI.* & lege quæ huc pertinent elata voce, ut & cæteri grande hoc mysterium audiant.

*Beat.* Legam: verba ad quæ digitum intendis, sic sonant: *Il est impossible, que Dieu ait d'autre fin principale de ses actions que lui-même: c'est une notion commune à tout homme capable de quelque reflexion, & l'Écriture Sainte ne nous permet pas de douter, que Dieu n'ait fait toutes choses pour lui. Il est donc nécessaire, que non-seulement notre amour naturel, je veux dire le mouvement, qu'il produit dans notre Esprit, tende vers lui, mais encore que la connoissance, & la lumière, qu'il lui donne, nous fasse connoître quelque chose, qui soit en lui: car tout ce qui vient de Dieu ne peut être que pour Dieu, ne peut donc faire un Esprit pour connoître ses ouvrages, si ce n'est, que cet Esprit voye en quelque façon Dieu en voyant ses Ouvrages; desorte que l'on peut dire, que si nous ne voyons Dieu en quelque manière, nous ne verrions aucune chose, &c.*

*Phil.* Hæc verba aut plane nihil significant, suntque adeo, quod Galli vocant *un jeux des mots*, aut expriment id, quod omnes dicunt; nimirum, contemplationem creaturarum in mente excitare ideas perfectissi-

secliffimarum Dei virtutum, eumque in finem Deum O. M. rerum pulcherrimarum seriem hominum oculis subiecisse; quod si hoc velis appellare, *videre Deum in operibus suis*, non repugno; at inde non sequitur, omnium rerum ideas in Deo videri.

*Beat.* Magis tamen extollere videtur hæc sententia infinitam Dei *ὑπεροχὴν*, quam aliorum opiniones.

*Phil.* Videtur equidem, si ad verba, non sensum verborum attendas; ni fallor enim, abunde ostendi, quantis difficultatibus hæc sententia obnoxia sit. Quod si tamen omnia tibi concederem, nil hætenus lucrati essemus; quæritur enim semper, quid sit idea.

*Beat.* Multa essent, quæ addere possem; at vereor, ne quis me loquaciorem & pertinaciorem esse putet, quam confabulationis nostræ ratio postulat; lubens igitur loquendi provinciam alius trado. Interim sitis faucem urget, cumque adsit latitiæ dator Bacchus, hauriamus amici spumantem pateram.

*Paul.* Plus sane voluptatis percepi ex hoc uno haustu, quam ex universa vestra *de natura idearum* disputatione; at audiendus est etiam *Lælius* noster, ille forsan *Phileleuthero* assensum extorquebit, efficietque, ut in posterum ad *ἵππεον* suam confugere non possit. Quid igitur, tu *Læli*, de argumento disputationis nostræ sentis?

*Læli.* Non sine voluptate hætenus audiui, quæ utramque in partem a vobis disputata sunt; opiniones *de natura Idearum* hætenus allatæ, ingeniose potius, quam veræ videntur; interim, ut verum fatear, facilius est dicere, quid non sint idææ, quam quid sint. Ne autem prorsus *ἀσυνεχὴς* sim, dicam, quæ sententia mihi videatur omnium quam maxime verosimilis.

*Phil.* Beabis nos, *Læli*, si tuam nobis communicabis de hoc argumento sententiam.

*Læli.* Ego hac in re cumprimis attendendum esse puto ad ea, quæ quilibet in se descendens sentit; atqui certum est attendentibus ad ea, quæ in nobis fiunt, *ideas* ab ipsa voluntate hominis, occasione quorundam cerebri motuum creari, vel produci.

*Phil.* Fitne hæc idearum productio mente sciente ac volente, an vero nolente?

*Læli.* Volente.

*Paul.* Quando mens ejusmodi ideas formare vult, num in genere vult, ut idææ præsentibus sint, an vero requiritur, ut hæc, non alia, idea præsto sit?

*Læli.*



*Lel.* Sine dubio postremum velle debet.

*Phil.* Ergo habet ideam alicujus rei, quam adesse vult, antequam velit, ut adsit, quod contradictorium?

*Lel.* Rem non recte capis; sufficit adesse voluntatem, qua posita idea formatur.

*Phil.* Nullus mortalium intelligit, qua ratione artifex certam atque definitam machinam construere possit, nisi prius ipsius rei efficiendae anteceptam animo habeat imaginem: ideæ, secundum te, rerum sunt representamina; necesse est ergo, voluntatem velle, non ut adsit promiscue idea, sed ut talis vel talis adsit idea, objecto conformis. Quod si autem voluntas ideas pro lubitu creare potest, unde tandem fit, ut plures ideæ nobis invitis adsint?

*Lel.* Quia mens sapius non attendit ad voluntatis suæ decreta, hinc nescit, se hanc vel illam ideam eruiere voluisse.

*Phil.* Ergo plane causa nulla est, cur ideæ adsint; putavi autem hæcenus, nil fieri sine causa.

*Lel.* Voluntas causa est.

*Phil.* At voluntas, nisi in certum objectum feratur, nihil velle dicenda est.

*Lel.* Exemplo rem declarabo; vides heic avem arbori insidentem?

*Phil.* Video.

*Lel.* Occasione objecti hujus ad sensus delati, cerebrum nostrum certa ratione movetur; moto cerebro voluntas vult, ut idea objecto, id est avi, conveniens adsit; ea volente præsto est.

*Phil.* At avis hujus idea menti meæ præsens fuit, antequam ulla voluntatis inclinatio intercessit; quamprimum enim oculos in arborem hanc sustuli, vidi volens nolens avem arbori insidentem; ergo voluntas non potest dici causa hujus ideæ.

*Lel.* Non possumus momenta temporis satis distinguere.

*Phil.* Nulla opus est temporis distinctione; oculos saltem aperi, & ideæ objectorum, vel invito te, præsentem erunt.

*Lel.* Audi Exemplum aliud, quod sententiam meam satis superque probat. Quando domi in Museo meo sedeo, sapius oculos claudere soleo, ne objectorum varietate in meditando impediar; tum volo ut hæc vel illæ ideæ præsentem sint, & ecce ut plurimum ad nutum voluntatis, vides igitur ideas præsentem esse ad nutum voluntatis, antequam ipsa objecta externis sensibus ingerantur.

K k k k

*Phil.*

*Phil.* Rem ipsam in dubium non voco; sed hoc exemplum id de quo quæstio est, minime probat; non enim quæritur, utrum sciamus & sentiamus, voluntate nostra intercedente ideas sæpe præsentis esse; sed utrum voluntas causa sit idearum, & utrum hoc posito perspicuum sit, quid sit idea; voluntatem idearum mearum causam esse nullo mihi argumento constat, cum innumeræ ideæ absint, quas adesse vellem. Sed concedam per tempus, menti sive voluntati inesse vim ideas producendi, restat ut explicetur, qua ratione voluntas ex mentis, ut ita dicam, sinu quasdam ideas eruat; volo ex. gr. mihi adesse ideam psittaci, quæro, quis nexus sit inter ideam psittaci, & voluntatis inclinationem, & cur psittaci, non felis, imago præsto sit? temerarium mihi videtur, propositionem aliquam adfirmare, licet inter duas propositionis ideas nexum nullum videamus: verbo, omnes nostræ ideæ oriuntur per *sensationem*, & *reflexionem*; quod sensationes attinet, nulla voluntatis est operatio; circa reflexionem accedit quidem, sed ita, ut unde menti præsentis sistat ideas ignoremus.

*Lel.* Ego vero existimo, si res ipsa certa sit, propter modum rei rem ipsam non esse in dubium revocandam; sic novi, ad nutum voluntatis moveri corporis nostri membra, modum ignoramus, nec minus tamen constanter hoc credimus.

*Phil.* Dubium non est, quin intercedente voluntate nostra, membra corporis moveantur; at de hoc nulla est inter dissidentes Philosophorum familias lis: hoc duntaxat quæritur, quis nexus sit inter mentis inclinationem, & corporis motum; num mens hoc faciat, an Deus, num tertia quædam substantia, &c.? Similiter occasione voluntatis, quasdam ideas præsentis esse scio; at quæritur, utrum voluntas eas ideas produxerit, & quid ex tandem sint; Hoc cum mihi hætenus perspicue explicatum non sit, nil temere definiendum ego puto.

*Lel.* *Θεον τι* sine dubio hic intercedit, & nisi fallor haud absurdum est dicere, Deum omnes mentes, quas creavit, ita formasse, ut omnes ideas futuri corporis motibus responsuras è sinu proprio eruere possint.

*Phil.* Neque hoc mihi difficultate carere videtur; aut enim dicendum, omnes ideas corporis motibus responsuras, reliquasque ideas menti innatas esse; aut menti facultatem concessam, eas pro lubitu, ubi necesse est, producendi; si prius ais, difficulter explicabis, cur in omnium rerum ignorantia edantur in lucem; cur tot adhortationibus, institutionibus opus sit; cur tanta sit ingeniorum diversitas; cur tam  
multa

multa inviti ignoremus; cur ipsa animalia ut plurimum in dias luminis auras prodeuntia infantes sagacitate superent; cur Gentes quædam immanitate adeo sint efferratæ, &c. &c.? Quod si hæc omnia explicuisses, dicendum tibi restaret, quid tandem sint illæ ideæ, utrum substantiæ quædam intellectuales, quales olim finxit *Plato*, an vero accidentia quædam; quæcunque dixeris, tenebris obsepta videbis. Quod si autem credas, ideæ ab ipsa mente singulis momentis creari, hoc ipsum argumentis erit probandum; quæ cuius valoris sint, ex parte jam audivisti; totius argumentationis tuæ vis huc redit: sentio ad nutum voluntatis meæ aliquando adesse ideæ; Ergo voluntas fabricatrix est omnium idearum. Ego hujus illationis vim non perpicio; certe, si voluntas ideæ posset pro lubitu creare, multo magis haberet potestatem ideæ olim præsentis denuo revocandi coram mente; at nil magis hoc asserto falsum esse experiuntur omnes, ii præsertim, qui multa legerunt.

*Lel.* Forte ea est cerebri ratio, ut ideæ non possint semper præsto esse.

*Phil.* At si voluntas pro lubitu potest ideæ formare, nescio qua ratione cerebrum voluntati impedimento esse possit; neque licet conjecturas conjecturis tegere, ne perpluant: quod si tamen hoc concederem, rogarem, ut mihi nexum aliquem inter ideæ, voluntatem & cerebrum ostenderes.

*Lel.* Vide, rem ita concipio: Deus vidit ab æterno omnium rerum atque eventuum nexus: scivit, qui motus in corpore, quæ item ideæ orituræ sint. Creavit ergo mentem facultate instructam ideæ statui rerum suarum convenientes proferendi; nexus ergo illarum rerum quærendus est in Dei voluntate.

*Phil.* Ego vero existimavi, te mihi nexum inter cerebrum, voluntatem & ideæ ostensurum; non quæritur, utrum potentissima quædam & sapientissima substantia, quam Deum vocamus, hominem ita formaverit, ut ideæ formare de rebus possit; sed quid sint illæ ideæ, & qua ratione menti præsentis sint; hoc scire ex te vellem, eumque in finem hætenus confabulando tempus contrivimus; non ergo est necesse, ut statim ad decreta & voluntatem Numinis provocemus, nisi putes, id demum esse philosophari, si, quarum rerum rationem reddere non possumus, Deum ita voluisse dicamus: si centies dicas, Deum voluisse, ut objectorum ideæ menti præsentis sint, nexumque hunc in Dei sapiente voluntate quærendum, adferas, nondum tamen patet, quid sint ideæ, quod unum hætenus quæxivimus.

*Lel.* Sed ita de quolibet argumento utramque in partem disputari posset, atque eruditus a stupido non multum distaret.

*Phil.* Minime inde sequitur, de omni re ita disputari posse; multa sunt indubia, quæ a nemine, qui sani cerebri est, negari possunt; ita Mathematici & Metaphysici multa evidentissime demonstrare possunt, quoniam ideis nituntur abstractis & perspicuis. Distinguenda ergo ea, quæ certo demonstrari possunt ab iis, quæ quibusdam gradibus verisimilitudinis, aut conjecturis plane, sunt instructa. Interim verum est, multos Eruditorum famam nactos, qui sæpe tamen ipsis rusticis sapientiores non sunt; rustici multa ignorant, idque profitentur; Eruditi multi non magis ea sciunt, & tamen scire videri volunt, quo in casu sapientior est rusticus; ad solidam alicujus rei cognitionem multo plura requiruntur, quam vulgo creditor. Hinc solet *Cl. Werenfelsius*, æternum Helvetiæ nostræ Decus, Albis Amicorum inscribere prudens hoc & verissimum effatum: *illi demum sibi plurimæ scire videntur, qui nesciunt, quid sit scire.* Non ego Eruditum illum voco, mi *Leli*, qui memoriam innumeris vocabulis, sæpe nihil significantibus, refertam habet, omniumque scientiarum arcana in scrinio cordis sui reposita putat; sed eum hoc nomine dignum puto, qui ea scit, quæ ad bene beateque vivendum requiruntur; qui scit, se multa prorsus ignorare, pauca certo, multa vero probabiliter cognoscere; qui ob qualemcunque eruditionis adparatum nec cristas tollit, nec proximum forte minore rerum scientia instructum spernit, aut distidenti, & in quibusdam erranti, insultat, sed imbecillitatis mentis humanæ memor, omnes æquo animo ferre potest. Hæc si in turba quorundam Eruditorum dicturus essem, sat scio, me gratiam nullam ab iis initurum; at novi, quibuscum mihi jam quidem res sit. Confabulatio nostra *de Ideis, earumque natura* satis opinor ostendit, arctissimos esse cognitionis nostræ limites; *Idee* omnis nostræ scientiæ sunt fundamentum; & tamen, quantum mihi videtur, ignoramus quid sint; forte tum demum sciemus, cum æterna luce circumfundetur mens nostra; non intercedo tamen, quo minus alii aliter de hoc sentiant.

*Paul.* At video passim villarum culmina fumare, majoresque cadere altis de montibus umbras; surgamus Amici, & urbem petamus; satis *de Ideis* audivimus, nec venter meus *ideis*, sed cibus pascitur; propero igitur ad coenam.

*Beat.* Eamus.

*Phil.* Valete suavissimi congerrones.

*Fronto.* Vale & tu, amicissime *Phileleutbere*.

DISSERTATIO EPISTOLICA  
DE  
PRETIO ARTIS  
RHETORICÆ  
AD VIRUM AMICISSIMUM  
L. CANDIDUM.



Eministi, Optime *Candide*, in nupero Amicorum congressu, post varios, ut fieri solet, mutuo habitos sermones, incidisse nos in materiam de *Eloquentia*, ejus genuinis fontibus, viribusque, quas habet in animos hominum. De laude Ipsius nullum erat, ut nosti, inter amicos sententiarum divortium; de viribus & potestate levis erat dissensus; de fontibus vero, unde hęc Eloquentia haurienda sit, ut est cum ingeniis humanis comparatum, diversa erant judicia. Plerique multa differebant de præstantia & mira utilitate *Artis Rhetoricæ*, deque ejus singulari ad flectendos hominum animos potestate: Hanc effecisse, ut inter antiquos Græcos & Romanos tot excellentes floruerint Oratores, quos admirentur hodiernum Viri doctissimi. Ego vero, audita licet ceterorum sententia, alii me sententiæ addictum esse haud obscure significavi, atque contendi, Artem Rhetoricam, prouti tanquam singularis scientia vulgo in Gymnasiis docetur; ad obtinendam veri nominis Eloquentiam vel parum vel nihil conferre. Cum vero non solum tibi, sed & aliis, paradoxa videretur hæc sententia, discedendi verò tempus instaret, petiistis a me, ut uberius paulo mentem meam de hoc argumento aperirem, & pœnæ loco, quæ domi meditatus essem, in chartas conjicerem, ea ta-

K k k k 3

men

men me spe demulcentes, fore, ut æquissimo examini hanc meam sententiam sitis subjecturi, & si probabilitate quadam sese commendatura esset oratio mea, debitis laudibus me non defraudaturos. Licet vero hæc mea sententia quibusdam paradoxa videri possit, nemini tamen nocebit. Non enim hic agitur de articulis Religionis, in quo argumento, si quis a trita ceteris via recedit, & novam calcat, suspectus est Hæreseos, id est defensoris gravissimi erroris. Hoc solum quæritur, utrum Ars Rhetorica qualis vulgo in Scholis traditur, aliquid conferat ad veri nominis Eloquentiam obtinendam, nec ne. Neque ego is sum, qui hanc artem ex Academicis & Gymnasticis eliminandam putem. Unde non est cur mihi irascantur hujus artis Professores; per me enim impune hanc artem docebunt, & suis fruuntur stipendiis. Quod si amicis displiceat mea sententia, ansam tamen iis dabit, hoc argumentum paulo accuratius excutiendi. De te vero, mi *Candide*, multa mihi in hoc argumento promitto; nota enim mihi est acerrima tua ingenii vis, & in dijudicandis aliorum opinionibus æquitas. Sed his missis rem ipsam aggredior. Statim vero ab initio sententiam meam expositurus & probaturus, non Rhetoris, sed Philosophi Syllogismis utentis more argumentabor. Ita igitur ratiocinor: Si absque ulla cognitione Artis Rhetoricæ, omnia tamen illa obtineri possunt, quæ ad masculam & genuinam Eloquentiam consequendam requiruntur; sequitur Artem Rhetoricam disciplinam esse; qua facile carere possimus; Atqui verum prius. Eo (\*) Cum negaturus non sis Consequentiam

majo-

(\*) Antequam prælo tradere mea de hoc argumento cogitata in animum induxissim, communicavi, more inter amicos recepto, cum L. Candido hanc epistolam, eo fine, ut non solum sententiam meam pulchre cognosceret, sed & ut eam examini subiceret, & quæ ab eo notanda essent, cordate significaret: Ita enim tutum exultavi, ut major huic argumento adlatur lux. Transmisit igitur mihi quasdam stricturas, quas, ne series Orationis in hac epistola observata nimis turbetur, textui subjeci, una cum responsio meo. Primo igitur loco, huic Syllogismo meo opponit alterum, demonstraturus, eum, si aliquid valeret, simul probaturum, Oratorem etiam artis logicæ cognitione carere posse. Verba sic sonant: Si absque ulla cognitione logicæ artis, omnia tamen illa obtineri possunt, quæ ad veri salique cognitionem requiruntur, sequitur artem logicam disciplinam esse, qua facile carere possimus. Atqui verum prius. Eo:

Ego vero concedo (ut Ciceronis pro Archia paululum mutatis verbis utar) multos homines excellenti ingenio atque virtute fuisse, naturæ habitu prope divino per se ipsos disertos fuisse & illud adiungo sæpius ad laudem eloquentiæ naturam sine peritia artis logicæ multum contulisse. Simul vero contendo, quum ad naturam eximiam atque illustrem accesserit artis logicæ peritia, tunc illud nescio quid præclarum ac singulare exilire. Aguovit hoc alibi Cicero nimirum in Bruto, ubi dixit, Juris Civilis usum apud multos fuisse, artem in uno Servio Sulpicio: quod

majoris propositionis legitimam esse, in minore propositione adstruenda omnis meus consistet labor. Videndum ergo quid ad eam rite probandam postuletur. Is vero omnium sapientium Judicio laudem veræ Eloquentiæ obtinebit, qui sermone perspicuo, claro atque puro, argumentum, quod tractandum sibi sumsit, concinna & naturæ argumenti conveniente methodo explicat, probat, commendat, vel improbat & refellit, atque ad id præstandum utitur argumentis efficacissimis, ex ipsius materiæ, ut ita dicam, sinu depromtis. Aut vehementer fallor, aut hoc unum requiritur ad finem veræ Eloquentiæ obtinendum. (\*\*\*) Videamus jam quibus hic opus sit prædiis, &

com-

nunquam, (inquit) effecisset solius juris scientia, nisi eam præterea didicisset artem, quæ doceret rem universam distribuere in partes; latentem explicare definiendo, obscuram explanare interpretando; ambigua primum videre, deinde distinguere, postremo habere regulam, qua vera & falsa judicaretur, & quæ quibus positus esset, quæque non essent consequentia.

1.) Cum vero hic quaratur, quid præstandum sit omnibus, qui Eloquentiam veram sibi comparare volunt, nullo habito respectu eorum qui naturali quadam ingenii bonitate & excellenti judicio præditi sunt absque disciplinarum variarum cultura (quorum tamen numerus albis corvis rarior est), fateor me videre non posse, qua ratione quis genuini Oratoris laudem consequi, & de rebus maximi momenti rite differere possit sine accuratiore cognitione artis cogitandi. Dico genuini, nam non ignoro multos eam laudem apud plebem & rerum imperitos sine hac arte obtinuisse, de quo tamen hic non disceptatur.

2.) Ad cognitionem veri vel falsi ante omnia requiritur ipsius argumenti, quod tractandum est accurata cognitio, quæ non ex logica, sed ex disciplinis, unde argumentum petium est, haurienda. Logica tantum expendit utrum res in medium proposita ad veras rationationis leges exacta sit nec ne; obtineri igitur potest multarum rerum cognitio sine Logica, sed utrum res prolata dignæ sint, quibus ad sensum præbeamus, docet artis cogitandi peritia.

(\*\*\*) Discrimen inter Schema Philosophicum & Oratorium, quod tamen essentiale est, hic non observatur; prius enim hoc unum intendit, ut intellectus purus convincatur; posterius vero totum sibi hominem vindicare adnititur.

Resp. Discrimen illud essentiale inter Orationem Philosophicam vel Oratorium more tractandam non video. Quicquid enim Oratori præstandum est, ubi de argumento agitur quod aliis vel explicandum vel suadendum est, idem etiam faciendum esse puto ei, qui Philosophi partes tueri vult: non hic quæstio est de Metaphysicis vel Mathematicis, sed de veritatibus Theologicis, moralibus, aut Historicis, quæ capacitate Lectorum vel Auditorum non superant. Pone v. gr. agi de commendanda aliqua virtute. Hic vero Philosophus & Orator idem præstare debent: nimirum tenentur accuratam illius virtutis exhibere ideam, characteres veros perspicue proponere, illius effectus, præstantiam, dignitatem & utilitatem commendare atque ita eam animis Auditorum insinuare. Utrumque igitur præstandum est Oratori, nimirum non solum debet more Philosophi recepto genuinam rei commendandæ indolem repræsentare, sed & gravissimis argumentis ad eam amplectendam inducere. Hoc vero præstari non posse crediderim, nisi notionem ex ipsius rei propositæ indole, natura & dignitate repetantur. Argumenta ab honesto, utili & jucundo petita, non nisi ex visceribus ut ita dicam rei factis cognitis & probatis eruenda.

Hic

comparebit, quam parum huc conferat decantata illa Artis Rhetoricæ peritia. *Tria* duntaxat sunt mea opinione, quæ ad hoc obtinendum requiruntur. *Primum* est: Ut Orator, naturam & veram indolem argumenti, de quo differendum est, sive illud explicandum, probandum, & commendandum, sive repudiandum & dissuadendum sit; sive illud theologicum, vel philosophicum sit argumenti; sive ad Jus civile, naturale, vel ad historiam etiam pertineat, rite & accurate intelligat: omnia, quibus argumentum nititur fundamenta, totumque ejus complexum perspecta habeat; ut denique quibus materia sit obnoxia difficultatibus, & quantum ad eas dissipandas & tollendas adferri possit adjumenti, pulchre sciat. Hoc primum & præcipuum est, quod ab erudito Oratore mea opinione postulatur, ita quidem ut hoc uno deficiente, cetera omnia, quæ accedere debent vana sint & parum profutura. Ex quo simul patet, eos, qui de rebus quibusvis garrere volunt, nunquam laudem veræ Eloquentiæ consecuturos. Quantum enim requiratur ad solidam & accuratam vel unius scientiæ cognitionem obtinendam, norunt omnes, qui quid scire sit, cognitum perspectumque habent. *Secundum* est: Ut puro, perspicuo & materiæ tractandæ apto, & accommodato stylo, rem ipsam proponat, itaque loquatur ut secundum monitum *Quintiliani*, Auditores, si modo rei intelligendæ capaces sint, non possint non eum intelligere. Quamvis enim stylo ipsi, quatenus complexu verborum & phrasium absolvitur, proprie loquendo nulla insit efficacia, ad argumentum vel probandum vel rejiciendum; haud parum tamen confert, ad Oratori conciliandam gratiam; imo ipsa argumenta majore voluptate audiuntur, & admittuntur ab iis, qui idiomatis, quo utitur Orator, elegantiam calent. (\*) Quicquid vero de eo sit, nihil magis promiscuæ turbæ, imo

*Hic quaeritur tantum, an non Rhetorica regulis suis Oratoris cognitionem circa rem, de qua dicendum est, juvare ac dirigere possit?*

**Resp.** Ego vero Regulas Rhetoricas cognitionem rei, de qua rite differendum est nil juvare posse puro. Cognitioni rei, ex disciplinis, unde petitur est argumentum, haurienda: Ars Logica juxta accuratas methodi leges jubet argumentum disponere, stylus denique debet esse purus, perspicuus elegans, & argumenti naturæ & dignitati attemperatus. Hæc si adsunt, omnia præsto esse puto, quæ ad argumentum rite tractandum postulatur.

(\*) *Σαφύνη* oratoris præcipua dos est; sed non unica: & majorem oratio admittit perfectionem salva perspicuitate.

**Resp.** Sola sermonis perspicuitate non absolvi Orationem facile concesserim: potest enim quis eleganter & perspicue loqui & tamen præposterus esse Orator: ubi enim deest legitima thematis tractatio, frustra in perspicuitate sermonis præsidium



imo si verum fateri volumus, omnibus, quam oratio perspicuo sermone exposita, convenit. *Tertium* denique ad veri nominis Eloquentiam consequendam, & officio docti Oratoris defungendum hoc est; ut quis non solum perspicuo sermone & argumentis ponderosissimis id, quod tractandum est, exponat, & probet; sed & ut concinno ordine, juxta legitimas artis cogitandi regulas, quæ prolaturus est; disponat, & quid primo, quid secundo, & ita deinceps loco, ponendum sit sciat, argumentorum allatorum pondus per partes ostendat, abjectis omnibus, quæ ad rem probandam nihil faciunt; servatis vero iis omnibus, quæ tractationis argumentum in clara possunt collocare luce. Ad hæc tria capita mea opinione referri debent omnia, quæ ad officium genuini Oratoris requiruntur. Unde igitur vera præsidia defumenda sint, quæ ad officium Oratoris explendum sufficiant, nemini potest esse obscurum. *Primum* nimirum positum est in accuratioris *Idiomatis*, quo utendum est, cognitione, ad quam obtinendam, ubi de linguis, quæ hodie in usu non sunt, sermo est, plura requiruntur, quam vulgo putatur. *Secundum* ab hujus vel illius disciplinæ accuratioris dependet notitia. *Tertium* præsidium ex ipsa cogitandi arte, regulisque, quas præscribit, defumendum est. Ex quo facile eruditus lector colliget, paucos dari numero veri nominis Oratores; vel enim plerique Thema, quod tractandum sibi sumunt, non exacte intelligunt; vel stylo utuntur tam perplexo & obscuro, ut licet illud, quod probandum fuerat, satis luculentis argumentis instruxerint; ipsa tamen Orationis barbarie & obscuritate Auditorum animos turbent & confundant: vel denique Artis ratiocinandi sunt imperiti, ordinem plane in ratiocinando negligunt, & præpostere aciem argumentorum instruunt. Ut jam non repetam, quod supra monui, nimirum ex dictis manifestum esse, eos, qui de quibuscunque rebus, sæpe toto celo a se invicem diversis, garrere tamen volunt, nunquam posse a Viris doctis, & rerum peritis laudem hominum mascula & genuina Eloquentia prædicatorum deportare. Paucis igitur duntaxat disciplinis cognoscendis inhærendum est, earumque præceptiones accuratissime sunt cognoscendæ. Unde etiam *Cicero* ipse mihi peccasse videtur, qui in scriptis suis de hoc argumento, ab Oratore plura postulavit, quam

LIII

quæ

dium quaeritur: majorem vero perfectionem accipit Oratio per accuratam, tractationem argumenti, per legitimam argumentorum dispositionem, denique per stylum non solum perspicuitatem, sed & puritatem, elegantiam, & themati convenientem usum.

quæ in hominem cadere possunt, nimirum tantam rerum diversissimarum peritiam, quæ capacitatem ingenii humani merito superare videtur. Secum ergo quisque habitare debet, & quam præ ceteris excoluit disciplinam ad eam exornandam omnes ingenii nervos intendere. Ex dictis insuper patet, Artem Rhetoricam his præsentibus præsidii, aut nihil plane, aut parum conferre ad veræ Eloquentiæ indolem cognoscendam. Quid enim mihi rite de materia aliqua verba facturo tandem profunt loca Inventionis a Rhetoribus suppeditata, & figuræ variz Orationis, uti appellantur, *μετὰ πολλῆς Φαντασίας* commendatæ? Sed de his commodior infra dicendi locus erit. Solent vero illi, qui Arti Rhetoricæ multum tribuunt, provocare ad mirabilem ejus vim; quam habeat non solum in animos hominum, & in phantasiam, sed & in ipsum corpus humanum.

Noſti in congressu nostro multa ad hoc probandum, ex veteri & recentiore historia allata esse exempla, & ad quotidianam provocatum fuisse experientiam. Ego vero hæc non inficior, sed lubens confiteor; at nego, hanc vim & efficaciam ad persuadendum oriri ex scientia artis Rhetoricæ, sed potius ex triplici fonte indicato, nimirum propositi argumenti indole & natura; styli elegantia & proportionata materiæ dicendi ratione; ex dispositione denique & ordine argumentorum omnia esse repetenda. Ut autem hoc melius constet, attendendum *primo* est ad argumentum ipsum, quod Orator tractandum sibi sumit: 2.) ad naturam & diversitatem persuasionis (3.) ad animorum indolem, diversosque hominum status. Quod ad argumentum ipsum spectat, cujuscunque tandem illud naturæ sit, illud vel probandum & insinuandum, vel improbandum & dissuadendum est. Jam vero nonnisi argumentis Orator id præstare potest, & debet; & sine his concipi non potest, qua ratione veri nominis persuasio in animis hominum nasci possit. Hoc verum est, non solum ubi de veritate commendanda, vel errore refellendo agitur, sed etiam ubi affectus excitari debent vel comprimi. Argumenta vero, aut talia sunt, quæ sua luce radiant, ita ut omnes, qui materiæ sunt periti, non possint non illis adsensum præbere: aut sunt talia, quæ diversis, pro natura nimirum rerum, probabilitatis gradibus sunt instructa; aut denique necesse est Orationem falsis, aut nihil probantibus suffultam esse argumentis. Si Oratio tam claris atque solidis est instructa rationibus, ut Lectores vel Auditores rerum propositarum gnari, ad argumenta duntaxat, rei que propositæ naturam attendant, non potest non assensus in animis oriri.

oriri. Quod si his accedant styli puritas & pulchritudo, apta item argumentorum dispositio, animi magis redduntur attenti, ad argumenta placide audienda, & rite *trutinanda*. (\*) Sed *veram persuasionem* sola possunt efficere argumenta. Ita licet Mathematicus, propositionem aliquam geometricam *demonstraturus*, uteretur stylo barbaro, convinceret tamen hominem artis *gnarum*, quia ea est hujus disciplinæ natura, ut non possit non intelligenti *extorquere* adsensum. Veram etiam persuasionem parit Oratio pluribus aut minoribus probabilitatis gradibus instructa: quando enim argumentum ipsum ita est comparatum, ut ad evidentiam geometricam evehi non possit, v. gr. in narratione historica, adquiescendum est in rationibus probabilibus; quo plures sunt numero, vel pauciores, eo major vel minor erit adensus, atque adeo etiam persuasio vel fortior vel debilior. Sed ponimus semper Auditorem vel Lectorem ad argumenta attendere, tantumque habere capacitatis, ut vim argumentorum magis vel minus probabilium sentire & dijudicare possit. Vel denique oratio ita est comparata, ut nullis, vel ineptis saltem rationibus sit superstructa, meroque verborum strepitu & sesquipedalibus verbis constet, tum fieri non posse assero, ut in animis legentium vel audientium exoriat *veri nominis* persuasio. Objicies; experientia omnium seculorum

LIII 2

tamen

(\*) Si vel hoc unum præstet *Ars Oratoria*, ut ostendat rationem, qua Orator attentionem sibi conciliare possit, sine qua assensus seu persuasio nulla datur, certe disciplina erit nullo modo contemnenda. At hoc ipsum præstat *Rhetorica*, quæ docet quomodo coerceri possint omnia quæ attentioni ad argumenta philosophica officiant:

**Resp.** Attentionem promovet rerum ipsarum, si modo aliqua ex parte de ea persuasus est Auditor, gravitas, iusto argumentorum pondere subnixæ: simplex & secundum regulas Logicæ institutis rerum dicendarum ordo; stylus denique purus, perspicuus & rei dignitati conveniens. Si hæc non excitant attentionem in Auditorum animis, frustra ad vulgarem Rhetoricam, ad tropos varios & figuras confugias. Hæc enim ad obtinendam attentionem id est sedulam rerum prolatarum collationem nihil faciunt, imo ut plurimum attentioni officiunt. Plebecula quidem & qui huic similes sunt, in oratione variis figuris & tropis vestita stupet, per tempus percellitur, eoque nomine Oratorem in cælos tollit laudibus; at talem attentionem, quæ ad veri investigationem viam iterat, in animis excitare non valet. Sapientes vero ab Oratore postulant solida argumenta, ponderosa incitamenta, ordinem, & stylum naturæ thematicæ convenientem. Nostri ipsemet quod frigens nos occupet ubi audimus Oratorem his prædiis destitutum. Sine ope igitur vulgaris Rhetoricæ Auditorum attentionem sibi conciliat Orator, si in dicendo valet; si rerum proponendarum probe est gnarus; si Auditorum capacitatem ingenti perspicacitatem habet; si in philosophia morali, quæ originem, & naturam affectuum, eosque moderandi artem docet, est versatus; si præstantissimorum Oratorum libros evoluit, & familiariter viris utitur sapientibus. Quod si his accedant, vox amena, corporis & faciei decor, gestuum concinnitas, eruditionis apparatus &c attentio augetur. Sed solida persuasio semper argumentorum & incitamentorum pondere est innixa.

tamen constare, Orationem solidis argumentis, iisque evidentissimis, aut maxime probabilibus instructam, nullam tamen sæpe vel exiguam in animos vim habere; contra vero histrionem & thrasonem, nonnisi ampullis verborum utentem, hominibus sæpe adsensum extorquere. Antequam vero directe ad hæc respondeam, causasque hujus vitii humani detegam, *secundo loco* ad distinctionem veræ & legitimæ persuasionis est attendendum. *Legitima* est, quæ oritur ex attenta idearum collatione nexusque, qui inter propositiones intercedit; ita ut Lector, vel Auditor, si modo linguæ, qua utitur Orator, peritus sit, licet ipsa oratio puritate & elegantia destituatur, sensum tamen rerum propositarum non solum intelligat, sed & verbis exponere possit. Ita quando quis intelligit, quid sit virtus & officium, facile videbit, inter obligationem ad virtutem exercendam naturalem esse connexionem, atque ita etiam persuasio erit *legitima*. *Falsi vero nominis persuasio* est, quando homines argumentum ipsum non intelligunt, aut valde imperfecte; si in vocibus stupent; si vires animi ad res rite intelligendas non intendunt; si artis ratiocinandi sunt imperiti, & tamen in rebus vel ignotis plane, aut parum perspectis, merisque verborum sonis adquiescunt, seque credere existimant, quod tamen exponere verbis interrogati non possunt, cum res expendere vel non valuerint vel noluerint. Atque hæc mala gignit falsi nominis Eloquentia. Dudum hoc notavit doctissimus *Parrhasianorum Auctor*. pag. 87. ita inter alia loquitur: *Le premier défaut c'est que ceux qui se laissent toucher, par la multitude des paroles, par de mauvaises raisons ou par des pensées, qui ne font rien au sujet, sont bien étourdis par le bruit des paroles & par le grand nombre des pensées: mais ils n'entendent rien dans la matière. Encore qu'ils s'imaginent avoir beaucoup profité dans les discours de cette nature, qu'ils ont ouïs ou qu'ils ont lûs: ils ne sauroient dire ce qu'ils renferment ni le réduire à certain chefs clairs & suivis. Tout est confus, tout est renversé dans leur esprit; & comme la liaison & l'ordre servent infiniment à la mémoire qui se trouble & s'efface sans leurs secours, ces gens-là ont bientôt oublié ce qu'ils avoient lû ou ce qu'ils avoient ouï dire.* Perpenso hoc, inter legitimam & falsam persuasionem discrimine, facile erit, ad objectionem tuam respondere. Verum est, multos rationibus evidentissimis & certis non persuaderi: at non quæritur quid argumenta optima etiam, in horum vel illorum hominum animos valeant, vel non valeant, sed quid natura sua valere deberent.

(c) Cer-

(\*) Certe si a rationibus & argumentis discedas, nihil est, quod veram persuasionem in animis excitare possit. Facile autem hujus rei satis perspicuæ possunt reddi rationes. Nimirum multi homines argumentis solidissimis non moventur, aut quia naturam argumenti intelligere non possunt, aut quia nolunt. Multos ingenii imbecillitas præpedit, quo minus gravissimæ rationes vim aliquam in eorum animis exerant: multi artis ratiocinandi & meditandi sunt imperiti: alii in verborum variarumque figurarum conglomeratione stupent. Quid mirum assensum hujus generis hominibus non extorquere vel solidissima etiam argumenta. Alii vero nolunt argumentis cedere, quia ob ingenii volubilitatem res expendere non solent, rapiditate quadam ab uno objecto ad aliud contemplandum tracti. Aliis obstant prævi affectus. Centies argumentare adversus avaritiam, lasciviam &c. ne tantillum quidem movebis hominem his vitiis deditum. Ab altera parte possunt

LIII 3

ho-

(\*) *Omnino vero attendendum est ais non quid demonstratio philosophica sua natura valere debeat; sed quid valeat apud majorem hominum partem. Plurimum enim interest, ut non tantum pauci quidam philosophi, sed ut maxima hominum pars de his vel illis veritatibus sit persuasa: si persuasio hæc ob plerorumque imbecillitatem & incapacitatem per demonstrationis evidentiam non possit obtineri; queritur an non alia detur ratio persuadendi, qua possit obtineri, quod per demonstrationem nullo modo potest?*

Resp. (I.) Cum grano salis sumenda esse puto verba tua, quando contendis attendendum esse non quid philosophica demonstratio sua natura valeat, sed quid valeat apud majorem hominum partem: hoc enim si in univ. verum esset, præstantissima pars artis dicendi, quæ argumentorum & incitamentorum gravitate & pondere absolvitur, periret. Quis enim nescit majorem hominum partem in verbis stupere, seminatiticum hominem pro insigni Oratore habere, levissimis ratiunculis & similitudinibus ampullatisque verbis commoveri, res ipsas aut plane non aut obscure intelligere, ad argumentorum vim non attendere, aut denique affectuum æstu præpediri quominus res ab Oratore prolatas ad animos velint revocare. Ad horum, repeto, gustum si attemperanda sit Oratio actum mihi esse videtur cum Rhetorica etiam a Viro præstantissimo scripta.

II.) Quando agitur de demonstratione philosophica nobis non est sermo de demonstratione vel metaphysica vel mathematica, quæ plerorumque Auditorum vel Lectorum capacitatem superat, sed de demonstratione morali, ad quam intelligendam tenentur omnes, quotquot vel religionis vel communium omnibus hominibus officiorum cognoscendorum capaces sunt: Hæcque demonstratio nititur vel evidentibus vel probabilibus rationibus, quas ita comparatas esse putamus, ut ab omnibus attentis nec plane stupidis possint intelligi.

III.) Persuasionem, quæ ex morali demonstratione oriri debet, obtinere potest Orator, si materiam disserendi sumat omnium ingenii attemperatam; si utatur argumentis perspicuis & capto facilibus; si in stylo omnem obscuritatem, equivocationes, lusus verborum & affectatam sublimitatem evitare omni cura studet. Et profecto omnes, qui ad dicendum vel de religionis vel communium officiorum negotiis sese accingunt, necessario ante omnia credere & sibi persuadere debent, homines ad argumenta & incitamenta probe attendentes vim veritatis prolatae percipere posse. Hoc enim nisi ponas frustraneæ erunt omnes Orationes.

homines ad aliquam persuasionem, sed putatitiam & vanam, adduci, variis rationibus. Sæpe in vultu, gestuque Oratoris aliquid reperiunt, quod verbis pondus addere videtur. Hinc & muti & mimi ad adfensionem homines invitant; alium ubi deficiunt argumenta, affectus rapiunt. Multos fama Eruditionis vel pietatis, quæ Oratori inesse dicitur, ad adfensum impellit, qui vero interrogati de rationibus ex ipsius materiæ indole desumptis pisce magis muti essent futuri. Quidam ad superstitionem inclinant, aliis, quicquid dicitur argumenti loco est. Plebs, & qui ei similes sunt, Orationem nullis solidis argumentis instructam, nulla sermonis elegantia vestitam, nullo denique ordine & artificio munitam, mirantur tamen, & laudant: imo sæpe, quo minus argumentum intelligunt, eo magis laudant.

Atque hoc ipsum nos ad *tertium*, quod hoc in argumento observandum esse diximus, ducit, nimirum ad diversitatem ingeniorum humanorum, diversosque status, in quibus positi sunt. Solis proprie loquendo rationibus Vir sapiens ad aliquid vel probandum vel rejiciendum adduci debet. At multum in animos hominum valent, varix opiniones, consuetudo, præjudicia, temperamenta, affectus, v. gr. ira, metus, amor, mœsticia; circumstantiæ morales, necessitas, paupertas, servitus; imo corpus ipsum, vox & gestus loquentium, pulchritudo faciei, vel ejus sœditas, Oratio lachrymis mista, certa phantasiæ mixtura, corporis *καχξία* vel *εὐεξία* & alia plura, ad ita vel aliter sentiendum vel agendum impellunt. Hæc vero omnia veri nominis persuasionem efficere non possunt, nisi forte dicas, fabulas & historiolas, quas ad balbutientes pupulos habere solent loquaces mulierculæ & anus quibus frangendus misere gingiva panis inermi, continere solida argumenta, quibus non possint non infantes ad adfensum commoveri & ita demulceri. (\*) Hoc posito dicendum, quemlibet etiam inep-  
tissimum

(\*) *Ars Oratoria hominem & convincentibus & persuadentibus argumentis conjunctim aggreditur, ejusque obstinatum etiam animum plerumque expugnat: non ergo hæc invicem in hac disputatione videntur esse opponenda.*

Resp. Non nego convincentia argumenta persuadentibus esse adjicienda: Sed hoc intendendo in convincentibus præcipuam esse ponendam vim ad hominem sanæ mentis convincendum. Præter enim argumenta nihil reliquum est, quod veri nominis persuasionem gignat. Ipsa argumenta persuadentia, vi nominis, rationibus debent esse innixa, ex ipsius argumenti natura petitis: aut enim dicendum homines persuaderi & vere quidem solo verborum tinnitu & strepitu; aut argumentis per verba representatis; prius cum falsum sit, necesse est, ut non solum argumentum ipsum, quod proponendum & commendandum sibi sumit Orator, Auditori rite sit perspectum, sed & ut animus ad veritatem vel virtutem amplectendam valde  
commo-

tissimum sermonem persuasionem tamen solidam generare posse; quo ipso non solum detraheretur nobilissimis disciplinis & rationibus gravissimis sua vis & efficacia; sed & veræ Eloquentiæ studium vanum plane esset & inutile. Utrum Orationes, quæ apud *Livium*, *Curtium*, *Sallustium* aliosque extant, quæque a Ducibus bellorum habitæ dicuntur, genuinæ sint, nec ne, non disquiram. Ponam ita esse: Num vero putas, milites ad fortiter pugnandum argumentis solis a Ducibus habitis inductos; eaque argumenta tam solida fuisse, ut iis serio expensis demum, ad prælium animose ineundum fuerint commoti? non putarim. (\*) Alius propter metum pænæ, alius ob ferociam & iram, alius

commoveatur: Hoc autem fieri non potest nisi argumentis & incitamentis aliquod insit pondus; unde manifestum mihi esse videtur, siue ea voces argumenta conviciantia vel persuadentia, ad maiorem vel minorem vim, quæ argumentis inesse debet, omnia redire.

- (\*) Orationes illæ moratæ Ducum & Imperatorum apud Historicos Veteres, quin aptæ fuerint ad animum militum acuendum & conformandum, dubium mihi nullum est: ipsa enim argumenta, quæ hic recensentur, arte quadam ita vivide ac evidenter oculis subjiciuntur, ut non potuerint non vim illorum persuadendi sentire. ut gr. cum singulare aliquod cæli tempestatisque phenomenon tanquam certum victoriæ prodigium, omenque callide interpretantur.

Resp. Exemplum, quod adducitur ad demonstrandum, quantum hæ Orationes Ducum Belli valeant in animos hominum suis mihi significare videtur, quid de pretio earum sit judicandum. Nimirum tota illa persuasionis vis in eo est posita, quod ineptis & falsissimis, quibus vulgus imbutum est, opinionibus utantur, ad finem quem intendunt, qualitercunque obtinendum. At num hic genuinæ Oratoris, qui vir bonus esse debet, character est? Itane licet, quibuslibet rationibus in quocunque casu uti ad alios lucrandos? Quis non stante hac opone Rhetoricam artem tanquam deceptricem averfaretur? Hoc si semel conceditur, cuilibet permisum est, ridiculas & ineptas rationes adducere, ut in suam alios pertrahat sententiam, Profecto homines callidi, licet nullam unquam per vitam didicerint artem rhetoricam pulchre hanc artem exercere norunt. Ita licitum erit Monacho, subtilissimis & e mentitis legendis & fabulis uti ad Auditores suos persuadendos. Vulgus enim omnia credit, licet nulla adsit legitima persuasionis ratio. Interim sapientiores hæ fabulas multis verborum strophis exornatas albis vident dentibus. Secundum allatum exemplum licebit Oratori sacro ad terrendos rusticorum, qui limites agrorum mutare aggrediuntur, animos, hoc argumento uti, tales nimirum, qui sese tam gravi crimine obstricturi essent, post mortem in ignes lambentes, vel uti appellatur, capras saltantes mutatum iri, & per omne ævum agris inerraturos esse. Ponamus vero *Livium* & plures Ei similes, qui portentis illis exiguum statuebant pretium, ut ex historia ipsius patet, quique a *Æschylus* alienus plane erat, prouti, pessimo licet sine, id ostendit *Tolandus*, ponamus inquam plures in Exercitu fuisse *Livio* similes, num credibile est, Eos ob rationem adductam se passuros fuisse induci ad strenue pugnandum? pugnandum equidem erat siue volentes siue nolentibus, cum propter alias rationes, tum ne viderentur in patriam peccare religionem. Sed non opus est ut pluribus de hisce agamus, quandoquidem leges circa Orationes Ducum pro circumstantiarum diversarum ratione mirum in modum variant, Neque si falsis aliquando argumentis Imperatores

alius ob egestatem, alius ob necessitatem circumstantiarum pugnare debet, fuga lubens, si posset, suæ salutis consulturus, alius optimam sibi promittit prædam &c. Et quomodo tandem fieri posset, ut hæ Ducum orationes, veram solidamque in animis militum excitare possent persuasionem, cum manifestum sit, eas falsis & fictis ut plurimum esse superstructas argumentis. Ea enim potissimum afferunt, quæ metum, licet sine causa, ex animis excutere possunt, cætera omnia vero alto premunt silentio. Dudum hoc notarunt Viri doctissimi & in hoc argumento versatissimi. *Eruditissimus Clericus Artis Criticæ Part. II. Sect. I. cap. XVI. pag. m. 319.* sequentem in modum de hac re pronuntiat: Si queramus rationem (inquit) ob quam figuris ita adscimur, compariemur, eam ejusmodi esse, ut obscuritatem necessario pariat. *Figure* tantam vim argumento, quod iis exornatur, addunt, quia audienti, aut legenti eam tantum ejus partem ostendunt, quæ est omnium aptissima ad eum commovendum; amotis iis omnibus, aut potius tectis, quæ commotionem illam sistere possent. Si miles sit ad pugnam cohortandus, alto silentio premuntur horror mortis, qui natura omnibus inest, summa cautio, quæ debet adhiberi, ubi de effundendo sanguine humano agitur, aliæque, quæ Viro sapienti tunc serio pensanda essent: Ab insausis ejusmodi vocibus abstinetur. Gloria militi proponitur e victoria colligenda, divitiæ e spoliis colligenda, præmia, honores, &c. quibus sit, ut a prioribus illis animum avertat, & in hæc intentus, alacris, rem per se omnium fœdissimam, deterrimi carnificis munus obire in Innocentes aggrediatur. Exemplo esse potest Oratio Cæcinæ apud Tacitum Ann. Lib. I. Cap. 64. ubi territis militibus, difficultate itinerum, adverso prælio, jactura impedimentorum, metu imminenti hostis, ostendit, unam esse in armis salutem, manendum intra vallum, dein erupendum, illa eruptione ad Rhenum perveniri: quod si fugerent, plures silvas, profundas magis paludes, sevitiam hostium superesse? At victoribus decus, gloriam, quæ domi cara, quæ in castris honesta. Subdit Tacitus eum reticuisse de adversis, aut presentibus, aut futuris; ne nempe terror augetur imagine præteritæ Cladis, similisque in futurum timeretur. Ita Cl. Clericus. Sed inquit, fortiter tamen ut plurimum, auditis his Orationibus pugnarunt. Ita est: At quot prælia olim gesta sunt, & hodie fiunt, ad quæ ineunda, nullis Ducum orationibus sunt commoti & incitati? & tamen iidem milites animose pugna-

tores usi sunt, mirum est. Veteres enim Oratores veri in dicendo & persuadendo exiguam habuerunt rationem. Ipse dicendi Magister Quintilianus passim hoc ipsum fatetur. Vide Lib. IV. Institut. cap. V. Lib. V. cap. 14.



pugnarunt, vel potius nolentes volentes hostibus resistere, debuerunt, vitamque, quantum potuerunt, tuiti sunt. Sæpe & Duces belli & milites, antequam in aciem prodeunt, sciunt & quidem probe, bellum, quod gerunt injustum esse; Sed quia ut plurimum justum & injustum perinde habent, quia ob metum & necessitatem fugere non possunt, quia hac, non alia via, commode sibi victum & amicum parare se posse sibi persuadent, vel prædæ optimæ inhiant &c. Signo ad pugnam semel dato, ad prælium ineundum animose concurrunt. Num autem putas milites propterea existimare, legitimas plane ob causas, tam acriter fuisse dimicandum? num persuasio in ejusdem hominis animo potest esse solida & inepta simul, nullis quippe rationibus superstructa? Quod si quis propterea quod homines ineptis rationibus & inani verborum strepitu, sæpe commoveantur, colligere vellet, omnibus rationibus, sive solidis, sive infirmis, parem inesse efficaciam, is merito ab omnibus sani cerebri hominibus derideretur. Unde patet, distinctionem merito faciendam esse, inter veri nominis persuasionem & inter putatitiam. Meminisse etiam debes optime *Candide*, genuinam Eloquentiam veræ Eruditionis duntaxat fructum esse: sola vero Eruditio, & accurata thematis alicujus cognitio, suppeditant argumenta, quæ ex natura materię pertractandæ necessario fluunt. Inde tandem nascitur vera illa persuasio, lux illa splendida in animis hominum. Cætera parum ponderis habent ad assensum Viro perspicaci extorquendum. Quod ad affectus attinet, non nego iis admodum homines ad ita vel aliter agendum commoveri: propterea etiam Oratoris officium est, discere, qua ratione eos concitare & comperescere possit; Sed id demum tum faciendum est, postquam argumentum ipsum rite est explicatum, & solidis rationibus probatum; Ita enim spem potest habere Orator, incitamenta, in mentes luce veritatis collustratas vim suam exercitura. *Ad hoc* (utor verbis *Celeberrimi Werenselsii*, qui quid Oratori præstandum sit, pulchre calluit, & exemplo suo demonstravit) *affectus concitandi comperescendique artificium non is optime callet, qui in Rhetorica præceptis addiscendis consenuit, sed qui se ipsum primo, deinde alios homines cum perspicaci attentione, tum diuturna experientia, quam fieri potest penitissime cognoscere didicit.* (\*) Verissimum

M m m m

simum

- (\*) Hoc ipsum genuinum artis rhetoricæ Systema explicare debet, atque quibus rationibus affectus hi vel illi commoveri, quibus comperesci possint. R. Vulgares Rhetoricæ hoc non docent, & si quid tale tradunt aliunde petita sunt. Ad hoc obtinendum mores hominum probe sunt cognoscendi, affectuum origo & indoles ex latitudinibus Philosophiæ sunt haurienda; versandum cum Viris sapientibus & in dicendo plurimum valentibus; evolvendæ præstantissimorum Virorum libri, qui exemplis & ora:

simum est illud *Solonis* vetus dictum *τον λογον ειδωλον ειναι των έργων* sermonem imaginem esse factorum. Et illud *Platonis*: *Οιος ο λογος, τοιαυτος ο τροπος*. Qualis Oratio, talis vita. Eum in finem, qui cum laude Oratoris munere defungi, & aliorum hominum animos Oratione flectere vult, in se ante omnia descendere debet, animum suum & temperamentum cognoscere, quibusve rationibus & incitamentis, affectus sui excitentur, vel compescantur dispicere debet; tum vero hæc transferre debet ad alios homines. Quidam affectus omnibus hominibus sunt communes, alii quibusdam privi: conf. Excell. *Pope Tentaminis de homine Epistol.* II. Ex hætenus dictis simul manifestum est, ad veram illam Eloquentiam obtinendam nihil aut parum conferre, ita dictam artem rhetoricam. Quid enim ad rite differendum de argumento gravi me adjuvant loci illi topici de *notatione*, *causa efficiente*, *forma*, *materia* & *sine*? An non cognitio idiomatis, & accurata thematis pertractandi notitia sufficit? quid illa anxia præcepta de inventionem thematum? de figuris dictionis ac sententiarum? Ipse affectus perorantem docebit, quibus potissimum verbis sensa animi exprimere debeat. Figuræ istæ, instar terminorum technicorum sunt, qui addisci possunt sine arte rhetorica. Inter recentissimos artis rhetoricæ Doctores referendus est Cl. G. C. Myllerus. Hic vero ita loquitur de figuris rhetoricis in der *Weisheit des Redners systematisch entworfen* pag. 101. *Vielleicht, sagt er, dürften diejenigen von uns eine besondere Abhandlung von den Figuren fordern, die sich ihrer alten Rhetorischen Schul-Erkänntniß erinnern. Doch wir sprechen uns von einer solchen Pflicht los, die in Erzeblung vieler Namen besteht, und dennoch die Absicht, anderen die figurliche Sprache beyzubringen, nicht erreichen hilft, vorzüglich sind die Figuren die Sprache des Affekts. Dieses wird einen jeden die eigene Natur besser als die Kunst lehren. Wann ja die Benennungen der Figuren noch einigen Nutzen haben: so äussert sich dieser in der Beurtheilung der Sprache einer Leidenschaft, daß man solche sich namentlich bezeichnen kan. Imo frequens usus harum figurarum argumentorum vim intercipit, efficitque, ut in verbis, eorumque varia combinatione homines stupeant.*

oratione facunda usi, res maximi momenti non sine usu tractarunt. Parum vero valent hominum in umbra natorum steriles artis rhetoricæ præceptiunculae. Hæc vero, quæ hætenus in medium attuli, quo loco sint habenda Tibi mi Candide & litteratæ Amicorum turbæ dijudicanda libens permitto. Cæterum ego non nego licitum aliquando esse vel uni vel pluribus ubi necessitas postulat ficta Oratione uti. De quo pluribus agunt Juris Naturæ Interpretes, ubi officia fermocinantium explicant. At ars rhetorica de his nullas tradit regulas,

peant. Figurata illæ orationes effectus sunt imaginationis. Hæc autem facillime Oratorem a genuinæ Eloquentiæ regulis abducit, nec cujusvis est eam coërcere limitibus. Eleganter hoc expressit Celeb. Barbeyracius in præfatione tomo secundo Sermonum Illustr. Tillotsonii præmissa: Pour peu (inquit) qu'on lâche la bride à l'imagination, elle ne manque d'égaliser le Jugement. C'est un Cheval fougueux, mais ombrageux ou aveugle: Si l'on n'a la main bien ferme & perpétuellement attachée à régler ses pas, il ne peut que nous mener à travers champs, & nous faire broncher lourdement, ou nous jeter dans le précipice. Les Erreurs les plus grossières, les pensées les plus absurdes, les raisonnemens les plus frivoles, se glissent aisément à la faveur d'une figure hardie, d'une description pompeuse, d'un assemblage d'expressions métaphoriques & de tours ingénieux, d'une période bien cadencée. Au lieu que, si les choses paroissent dans leur état naturel & depouillées des ornemens étrangers, tout ce faux éclat s'évanouissant leur difformité ne pourroit être cachée. Le caractère de la vérité c'est une aimable simplicité: comme elle n'a besoin que d'elle-même pour s'insinuer dans les Esprits, elle ne demande que les ornemens naturels, qui lui conviennent, & qui la laissent voir clairement telle qu'elle est. Ce qu'elle a de plus noble & de plus grand, est toujours fort éloigné de l'Enflure. Quæ hucusque de veræ Eloquentiæ indole & artis rhetoricæ exiguo usu dixi, confirmabo testimonio viri qui accuratissime leges & ratiocinandi & loquendi perspectas habuit. Is est Ill. Lokius qui de *Intellectu humano Lib. III. Cap. X. pag. 641.* & seq. Edit. Basil. ita disserit: Comme ce, qu'on appelle esprit & imagination est mieux reçu dans le monde, que la connoissance réelle, & la vérité toute sèche, on aura de la peine à regarder les termes figurés & les allusions comme une imperfection & un véritable abus du Langage. J'avoue, que dans des discours, on nous cherche plutôt à plaire, & à divertir, qu'à instruire & perfectionner le jugement, on ne peut guere passer pour fautes ces sortes d'ornemens, qu'on emprunte des figures. Mais si nous voulons représenter les choses comme elles sont, il faut reconnoître, qu'excepté l'ordre & la netteté, tout l'art de la Rhetorique, toutes ces applications artificielles & figures, qu'on fait des mots, suivant les regles que l'Eloquence a inventées, ne servent à autre chose, qu'à insinuer de fausses idées dans l'Esprit, qu'à émouvoir les passions & à séduire par-là le Jugement, de sorte, que ce sont en effet de parfaites supercheries. Et par conséquent l'art l'Oratoire à beau faire recevoir ou même admirer

tout ces differents traits , il est hors de doute, qu'il faut les éviter absolument dans tous les discours, qui sont destinés à l'instruction, & l'on ne peut les regarder, que comme des grands défauts ou dans le Langage, ou dans la personne qui s'en sert par tout, ou la verité est interessée. Il seroit inutile de dire ici quels sont ces tours d'éloquence & de combien des especes differentes il y en a : Les livres de Rhetorique dont le Monde est abondamment pourvu en informeront ceux, qui l'ignorent. Une seule chose que je ne puis m'empêcher de remarquer, c'est combien les hommes prennent peu de soin & d'intérêt à la conservation & à l'avancement de la verité, puis-que c'est à ces Arts fallacieux qu'on donne le premier rang & les recompenses. Il est, dis-je, bien visible, que les hommes aiment beaucoup à tromper & à être trompés, puis-que la Rhetorique, ce puissant instrument des erreurs & de fourberie à ses Professeurs gagés, qu'elle est enseignée publiquement, & qu'elle a toujours été en grande reputation dans le Monde. Cela est si vrai, que je ne doute pas que ce que je viens de dire ne soit regardé comme l'effet d'une extrême audace, pour ne pas dire d'une brutalité sans exemple. Car l'Eloquence, semblable au beaux Sexe, a des charmes trop puissans pour qu'on puisse être admis à parler contre elle : & c'est en vain qu'on decouvriroit les défauts de certains Arts decévans par lesquels les hommes prennent plaisir à être trompé. Ita celebris ille Philosophus. Hinc videmus etiam, Adolescentes, licet totam artem rhetoricam sæpe memoriæ mandarint, ubi de argumento aliquo rite differere deberent, hære, & frustra auxilium a Rhetorica petere. Ratio est in promptu; aut enim capaces non sunt styli, seu artis pure, nitide, & perspicue loquendi; aut superficialiam habent argumenti, quod tractandum esset, cognitionem; vel denique artem cogitandi & justas methodi leges ignorant. Hinc ejusmodi Orationes plerumque vel ab ipsis artis rhetoricæ Professoribus, aut ab amicis, componuntur. Vel si ipsi Adolescentes animos ad scribendum appellant, omnia offendet tam obscura, tam male coheræntia, & tam parum valentibus argumentis instructa, ut frustra sese torfisse bonos homines facile advertas. Supra dixi, Eloquentiam veræ duntaxat Eruditionis fructum esse. Hinc mea opinione sequitur, demum adultiore ætate Adolescentes ad habendas Orationes induci debere; certe eo demum tempore, quo artem illos logicam probe didicisse, & argumentum, de quo dicendum est rite intelligere non sine ratione persuasi esse possumus: Quod postremum ex privatis colloquiis facile Professori constare potest. Patet etiam exinde, ridicule agere quosdam artis rhetoricæ

ricæ Magistros , qui discipulis talia præscribunt themata stylo profequenda , quæ plane illis ignota aut parum cognita sunt. Ita memini, olim Studio quindecenni impositam fuisse necessitatem Orationem habendi de *Essèis* , quorum ne quidem nomen audiverat Adolescens, nedum ut de eorum origine , dogmatibus & ritibus rite verba facere posset. Manifestum insuper ex iis , quæ dixi , est , rarissimos esse veri nominis Oratores. Non is ego sum , qui celeberrimis Græciæ & Latii , ut de multis Recentioribus nil dicam , hærentem capiti multa cum laude coronam detrahare vel velim vel possim : at, ubi cogito, quam exiguum curam Veteres artis cogitandi habuerint, quam vero toti fuerint in Dialectica excolenda occupati, existimare incipio, illorum Eloquentiam supra modum laudibus fuisse evectam. Notum enim est, illorum Dialecticam in eo contituisse, ut nimirum de quovis argumento, nulla habita veritatis ratione , utramque in partem differerent. Imo quidam, eo usque sunt progressi, ut aperte falsis argumentis uti Rhetori concessum esse dicerent. Docebant, ut *Titius Castratius teste Gellio Lib. I. Cap. IV. Rhetori concessum esse, sententiis uti falsis, subdolis, captiosis; Si modo verisimiles sint, & possint ad movendos hominum animos qualicunque asu irrepere.* Propterea turpe esse dicebat, si quid in mala causa destitutum, atque impugnatum relinquat. Vide pluribus de hoc argumento agentem *Cl. Clericum Artis Criticæ cap. XVII. part. II. Sect. I.* cui adde *Ingeniosissimi Luctani libellum de præceptis Rhetorum.* Hæc mea est *L. Candide* de usu artis Rhetoricæ sententia. Si errasse me putas, hoc unum restat ut me meliora edoceas. Antequam finem impono huic epistolæ, duo Veterum Græcorum, (quoniam te lectione eorum capiscio) loca, de hoc argumento adscribam. Prius est *Mysonis* apud *D. Laërtium.* Hic. pag. m. 96. ita loquitur. Δει μὴ ἐκ τῶν λόγων τὰ πρᾶγματα, ἀλλ' ἐκ τῶν πραγμάτων τῆς λόγου ζητεῖν; ἔ γὰρ ἐνεκα τῶν λόγων τὰ πρᾶγματα συντελῶνται, ἀλλ' ἐνεκα τῶν πραγμάτων ὁ λόγος. Posterius e fragmento incerti Poetæ, quod *Illustris & Magnus Grotius* in excerptis e Poetis Tragicis & Comicis pag. 461. adduxit petiitum. Verba ita sonant: Ὡ παῖ γενοῖντ' ἂν καὶ λεγόμενοι ἐν λόγοι ψευδεῖς. ἐπὼν δὲ καλῶσιν νικῶμεν ἂν τ' ἀληθεῖς. ἀλλ' ἔ τι τοῦ τ' ἀκριβεστέον ἀλλ' ἡ φύσις. καὶ τ' ἀρετὴν ἔς δ' ἐγγλωσσίαν ἀσκεῖ σοφὸς μὲν: ἀλλ' ἐγὼ τὰ πρᾶγματα κρείσσει νομίζω τῶν λόγων αἰε ποτε. i. e. O Nate sepe polita Oratio est falsa. Blandis interim verum dolis exsuperat: at non ideo res hæc optima est, sed indoles virtusque. Qui lingua valet doctum fatebor: sed tamen verbis ego res antehabendas & putavi & nunc puto. Ita Vale mi *Candide*, & portò mihi fave.

M m m m 3

DIS-

DISQUISITIONIS  
HISTORICÆ ET THEOLOGICÆ  
DE  
VISIONIBUS,

Quæ quatuor primis post excessum Christi & Apostolorum  
Seculis, Christianis quibusdam contigisse dicuntur.

PARS PRIOR.

ARGUMENTUM DISSERTATIONIS.

Sect. I. Occasio Dissertationis. Sect. II. Qua ratione Auctor Patres legendos esse putet. Sect. III. Regulæ, secundum quas Visiones examinandæ sunt, suppeditantur. Sect. IV. Christianis primorum post Christi & Apostolorum excessum Seculorum Visiones quædam divinitus obtigere, at non tanto ut vulgo creditur numero, quod probatur. Sect. V. Visiones Hermæ prolixè examinantur. Sect. VI. De Visionibus falsi suspectis, quæ Seculo II. Christianis quibusdam contigisse dicuntur, ubi imprimis de Visionibus Martyrum disseritur, cautelisque, quæ hic adhibendæ. Sect. VII. Agitur de Visionibus Ignatii & comitum. Sect. VIII. De Visionibus Polycarpi, Attali & Montanistarum. examinatur qua fide dignus sit Tertullianus circa hoc argumentum. Sect. IX. De Visionibus III. Seculi, & quidem Perpetuæ, Felicitatis, & Saturi. Sect. X. De Visionibus Exuperii Episcopi Tholosani, Narcissi & Alexandri, Episcoporum Hierosolymitanorum, & Pionii. Sect. XI. Pluribus probatur, plerasque Visiones Cypriani suspectas esse, idque contra Dodwellum defenditur. Sect. XII. Examini subjiciuntur Visiones Dionysii Alexandrini, Attali Confessoris, Basilidis, Fructuosi Episcopi, Augutii & Eulogii Diaconorum, Jacobi denique Mariani & aliorum in Numidia. Sect. XIII. Visiones IV. Seculi maxime suspectæ sunt. De visione, quæ

Constant-

Constantino M. obtigisse dicitur, pluribus disscitur. Expenduntur item Visiones, quas habuisse dicuntur Helena mater Constantini, Antonius & plurimi de instante nece Juliani Imperatoris, S. Theodorus Ancyranus & septem Virgines, Theodorus item & denique Augustinus.

## Sect. I.



Uamprimum, Deo ita volente & clementer moderante, suffragantibus *Amplissimis & Celeberrimis Illustribus Gymnasii Praesidibus*, tradendis sanctioribus disciplinis admotus eram; id mihi negotii datum esse pulchre perspexi, ut non solum publice & privatim sanctissima Religionis christianae decreta atque praecepta, optimarum Literarum studiosis perspicue, atque quantum possem, solide explicarem, ac ubi necesse esset, contra dissentientium argumenta ac strophas vindicarem, sed &, ut in publicis, quae laudabili *Majorum* instituto habendae sunt, exercitationibus ejusmodi Theologiae capita explanarem atque probarem, quae sua sese gravitate & utilitate commendarent. Statueram igitur mecum, quamprimum per tempus liceret, animum elaborandae gravi materiae adjicere. Postquam autem nuntiatum est, quanti labores brevi temporis spatio mihi essent exantlandi, atque sensissem simul, quot quantaque negotia ex ipsius novi muneris natura atque promotione enascerentur, vidi, ad disquisitionem aliquam rite tractandam tempus omne atque otium mihi esse surreptum; dispexi igitur, utrum in scriniis meis aliquid esset repositum, quod neque a scopo nostro plane alienum, neque persona, quam quidem jam per Dei gratiam sustineo, indignum esset. Deprehendi autem inter alia, quae, dum aliquid erat otii, chartis illeveram, scriptam a me esse Dissertationem Historicam & Theologicam, quae, si non eruditione, argumenti tamen novitate, forte sese commendatura, neque a munere meo aliena prorsus esset futura. Eam igitur, cum non animus, sed tempus & otium ad alia propinanda me destituerent, Vestro, *Amplissimi & Celeberrimi Praesides*, judicio, omni, qua par est, observantia subijcio, atque *Vos* oro, ut de primo hoc qualicumque specimine benevole judicare velit. Promitto simul, me in posterum operam omnem atque diligentiam impensurum, ut alia sanctioris disciplinae capita, Sacrarum Literarum Cultoribus magis attemperata,

perata, in medium proferam. Ne autem, quod hoc in negotio maxime intenditur, ad Exercitationem materies deesset, corollaria quædam sufficientem differendi occasionem præbitura adjeci. Deus cœpta nostra secundet!

II. Scripturus autem de Visionibus, quæ post excessum Christi & Apostolorum, primis quatuor seculis, Christianis quibusdam contigisse dicuntur, ante omnia moneo, me neque de Visionum origine, natura, certitudine, discernendique a cæteris phantasmatibus ratione, neque de Visionibus, quæ quidem multis in V. & N. Testamento oblatæ fuerunt, acturum. Hoc enim a scopo, quem nobis præfiximus, plane alienum esset. Hoc unum ergo agemus, ut disquiramus, quid de plerisque Visionibus, quarum Historiæ Ecclesiasticæ primorum post Christi & Apostolorum excessum seculorum scriptores mentionem faciunt, sentiendum sit. Argumentum hoc nondum satis excussum esse a Viris Doctis, patebit, si Eruditus Lector nostras hæc meditationes cum aliorum laboribus contulerit.

Cum autem circa hanc materiam in diversa abeant Eruditi, atque magni nominis Viri plerasque Visiones, quæ Christianis primorum seculorum contigisse dicuntur, non solum acriter defendant, sed & existiment, eos, qui multas in dubium vocent, excellentiæ Religionis christianæ multum detrahare; duo, antequam ad singularia exempla deveniam, mihi præstanda esse, pulchre video. *Prius* est, ut dicam, quo animo scripta veterum Ecclesiæ christianæ Doctorem legenda esse putem, quæque eorum penes me sit auctoritas. *Posterior*, ut regulas quasdam, secundum quas, tanquam normam Visiones illas expendi & examinavi, in medium producam.

Quod igitur *ad prius* attinet, possunt Ecclesiæ Doctores, quos *Patres* vocant, triplici respectu considerari, nimirum 1.) ut *Homines* 2.) ut *Christiani* & 3.) denique ut *Eruditi*, qui sua de variis rebus, sacris præsertim, cogitata cum aliis communicarunt. Si tanquam *Homines* eos considero, omnia iis tribuenda esse puto, quæ naturæ humanæ accidere solent. Omnibus igitur infirmitatibus æque obnoxii sunt *Patres*, ac alii homines. Hoc necesse non esset monere, nisi essent homines eruditi, Patrum autoritate adeo dementati, ut ultra sortem humanam eos extollerent. Quo ipso tamen, ut experientia docuit, existimationi eorum multum potius detraxerunt, quam adjecerunt. Necesse ergo est, ut ante omnia *Patres* Homines fuisse meminerimus. Hoc ipso constabit, omnia ipsis accidere potuisse, quæ nostræ ætatis homi-



hominibus evenisse novimus. Quaecunque ergo ex intellectus, voluntatis, appetituum, temperamenti, educationis, institutionis natura atque indole, sive bona sint sive mala, nasci solent, ea omnia etiam *Patribus* evenire potuisse, asserendum puto. Non exilimo, quenquam sanæ mentis hominem mihi de hoc controversiam esse moturum.

Transego ergo ad secundum respectum. Nimirum considerari possunt *Patres* tanquam *Christiani*, id est tales, qui Religionis Christianæ decreta pro divinis amplexi sunt. Eo respectu omnes sanctissimæ disciplinæ alumni, si quidem ex animo illi addicti erant, sunt laudandi; dubium enim non est, quin rectissime & sapientissime illi egerint, qui Religionum omnium sanctissimæ & excellentissimæ nomen dederant. Possunt autem Christiani commode in tres classes dispesci. Dantur nimirum *Primo* tales, qui præter nomen nil habent, atque adeo vel sceleribus contaminati sunt, vel meri Hypocritæ; In *secundam* classem referas eos, qui quidem pii dici possunt, multis tamen simul infirmitatibus, sive scientiam spectes, sive actiones, obnoxii; Sunt *denique*, qui singulari pietatis studio eminent. Pro *triplici* hoc respectu diversimode de *Patribus*, tanquam Christianis, judicandum esse, apud cordatos in confesso erit. Norma, secundum quam judicandum est, æternæ sunt veritatis & virtutis leges, cum ratiocinatione sola elicita, tum a Christo & Apostolis in sacris tradita. Ubi igitur ad primum characterem respiciens deprehendo, *Patrem* aliquem nomen duntaxat Religioni christianæ dedisse, vita tamen & moribus a sanctissimæ disciplinæ norma turpiter descivisse, scapham scapham appellandam esse puto; neque enim pro temporum & regionum diversitate mutari solent leges naturales atque divinæ. Si pii sunt *Patres* illi, sed navis multis, sive ad intellectum respicias sive ad voluntatem, obnoxii, similiter judicandum est, ut de Christianis nostræ ætatis id fieri debet: quæ laude digna sunt, sunt laudanda & sequenda; peccata, quæ parum cavet natura humana, non ultra modum sunt exaggeranda, neque tamen simul adprobanda. In hoc sapientissime peccatum esse, manifestissimum est. Turpis *Patris* alicujus error, aut adfectus impotens, a cæcis eorum admiratoribus excusatur; ubi vero adversus eundem lapidem aliquis e modernis impiegit, hæresis est, vel vitium atro carbone notandum. Certe si admiratores *Patrum* aque acutum cernere vellent in *Patrum* vitiis, ac id sit in nostræ ætatis Scriptoris & Doctores, nescio quo loco multi eorum essent habendi. Denique, ubi perspicuum est, *Patrem* aliquem singularibus virtutibus eluxisse, atque san-

N n n n

Christi-

Etissimæ disciplinæ præceptis, quantum in hac rerum caligine fieri potest, constanter adhæsisse, dignis elogiis est extollendus. Ubi tamen sequentia observanda esse puto: *Primum* est, ubi de virtutibus *Patrum* judicandum est, eas secundum rectæ rationis & Revelationis normam esse expendendas. Si ab hac regula discedas, tenebris omnia circumsepta sunt. Multi, ubi de virtutibus *Patrum* judicant, Paradoxa Stoicorum potius, quam rectæ rationis decreta & Christi præcepta pro norma judiciorum suorum habere videntur. 2.) Ubi neque rationis neque revelationis leges actiones quasdam inculcant aut deposcunt, sed eadem ex ignorantia, superstitione, aut temperamento ortæ sunt, actiones illæ neque laudandæ, neque tanquam exemplar, quod cæteri Christiani sequantur, repræsentandæ. 3.) Cum pietas non impediatur, quo minus quis errare possit, atque constet, a *Patribus*, pietatis laude alias florentibus, multos errores circa principia theoretica & practica commissos fuisse, prout id a Viris doctissimis, *Dalleo* cumprimis, *Witbo*, *Clerico*, atque *Barbeyracio* ostensum est, fas est, atque cuivis licet, errores illos impugnare. 4.) Quanquam haud diffiteamur, Christianos multos, quo propius ad tempora Apostolorum accesserunt, eo majoribus virtutibus, pietate nempe, candore, Zelo pro gloria Dei, &c. eluxisse, Deo per tristitia fata virtutes eorum acuente, existimandum tamen non est, eos omnibus erroribus atque navis fuisse destitutos, aut neminem vere pium esse, nisi qui iisdem fuerit exercitus fati; Ex quo simul consequitur, pro regula universali omnibus Christianis imitanda non esse habendas actiones singulares, ad quas peragendas singulari divinæ providentiæ dispensatione erant vocati. Cum enim verus amor Dei unus idemque sit, licet variis rationibus sese exercat, omnis pro vere pio est habendus, cujus præcordiis ille adfectus inest, licet aliorum virtutes pro temporum ratione clarius enituerint.

Denique *tertio* loco considero *Patres* tanquam homines *Eruditos*, sive Doctores publicos, qui sua de rebus variis, sacris præsertim, cogitata cum aliis communicare voluerunt. Atque hic iterum vel *res gestas* referunt, vel tanquam *Philosophi*, de rebus divinis atque humanis ratiocinantur, vel denique *Theologorum* officio defunguntur. Quando *Historicorum* partes agunt, aut mentionem faciunt rerum, sua ætate in Republica vel Ecclesia gestarum; aut referunt ea, quæ ab aliis tradita sunt. Si differunt de rebus sua ætate gestis, quæro, utrum testes sint oculati, vel auriti; utrum res in se spectatæ credibiles sint, nec ne; utrum præjudicatis opinionibus aliquid concesserint; & quæ alia sunt, quæ in

in ejusmodi examinibus requiruntur. Si vero mentionem faciunt rerum ante tempora, quibus vixerunt ipsi, gestarum, tum video, utrum monumenta, ad quæ provocant, ad nostram pervenerint ætatem, nec ne. Si *prius* est, ea quæ a Patribus illis dicuntur, cum Scriptorum illorum monumentis conferenda existimo, atque videndum, utrum mentem auctorum recte ceperint nec ne; utrum aliquid iis addiderint vel detraxerint; &c. Si *posterius*, difficulter, utrum per omnia mentem auctorum adfectuti sint, dici potest; dispiciendum interim utrum alii eorundem Scriptorum mentionem faciant nec ne. &c.

Si *Philosophos* agant *Patres*, nihil aliud requiritur, quam ut eorum ratiocinia ad rectæ rationis normam expendamus. Cum enim *Patres* non aliud habuerint ratiocinationes hominum expendendi instrumentum, quam nos, objecta vero Philosophiæ, sive ad Mathefin & Physicam, sive ad morales disciplinas spectantia, eadem semper fuerint, imò omnium, qui sapiunt, iudicio, rectius a modernis expensa sint, nemo non videt, licitum esse *Patres* minus recte ratiocinantes refellere atque rationes eorum expendere. Cum autem constet, ple-rosque *Patrum* primorum seculorum amore *Pythagorico-Platonice* Philosophiæ fuisse captos, facile judicari potest, quales illi Philosophi fuerint. Philosophia enim hæc nullis certis principiis erat innixa, in speciem sublimia promittebat, at si res ipsas inspicias, nonnisi incerta, vaga, imò inepta continebat decreta. (\*) Si denique de rebus sacris agunt *Patres*, nil facilius est, si omnes præjudicatas opiniones valere tantisper jubeas, quam certo nosse, utrum sententiæ eorum cum sacris Literis conveniant nec ne, quidque adeo illis hac in parte tribuendum sit. Theologi aut S. Literas interpretantur, aut decreta Religionis christianæ explicant, aut dissentientes impugnant, aut denique præcepta Religionis christianæ ad mores pertinentia, tradunt atque confirmant. Quando igitur *Patres* S. Literas explicant, in campum Philologicum cum iis est exspatiandum, atque videndum, utrum naturam, & indolem Sermonis Græci atque Hebraici rite perspexerint. Cum Regulæ Grammaticorum atque Criticorum generales, apud omnes eadem sint, atque adeo ad eorum normam non minus *Patres*, quam nos suas interpretationes exigere debuerint manifestum est, sequendos esse *Patres*, ubi convenienter iis ratiocinantur; deserendos vero, ubi errant, atque ineptas interpretationes in medium proferunt.

N n n n 2

Quam

(\*) Dignus est, qui de hoc Argumento legatur Vir Doctissimus, mihiq; amicissimus, Joh. Jacobus Brukerus Hist. Philosoph. Tom. IV. part. II.

Quam turpiter autem, idque frequentissime, in hoc argumento versati fuerint, quotque ineptas, atque contortas explicationes, & allegorias excogitarint, nemo Eruditorum hodie ignorat.

Quandoquidem unica, & infallibilis credendorum regula est *S. Scriptura*, necesse est, ut ad eam, tanquam lydium lapidem, dogmata Religionis a *Patribus* tradita examinemus. Cumque æque bonis, si non melioribus præfidiis hodie instructi simus, ad sensum divinorum oraculorum explicandum, & eruendum, & in omnium manibus versetur codex sacer, haud difficile erit judicare, utrum a Prophetarum, Christi & Apostolorum decretis recedant *Patres* nec ne. Ubi igitur constat, eos præjudicatos, & a juventute acceptas opiniones, aut sententias falsis interpretamentis nixas, sequi, merito deferendi sunt; ubi vero ex limpidis Revelationis fontibus sua decreta hauriunt, adprobandi.

Si contra Hæreticos in arenam descendant *Patres*, videndum, utrum momenta controversiarum rite expenderit, atque Hæreticorum opiniones candide & sincere repræsentarint; utrum gravibus & solidis argumentis eorum opiniones impugnarint; utrum errores ipsorum in majus extulerint, variisque artibus ab invidia petitis, usi fuerint nec ne &c. Quod si Hæreticorum opiniones notæ, atque perspectæ sint, facile hoc examen absolvi poterit. Comparandæ duntaxat argumentationes *Patrum* cum rectæ rationis decretis, atque Revelatione, atque hic, prout recte officio suo defuncti sunt, vel secus, *Patres* laudandos vel vituperandos censemus. Dolendum autem plerumque; eorumque antiquissimorum Hæreticorum, uti vocantur, Scripta periisse: hinc enim fit, ut difficulter, quid illi homines senserint, definire liceat. Si nihil adfinxerunt *Patres* hisce hominibus, statuendum, plerosque eosque antiquissimos, impostores, aut fanaticos fuisse. At experientia constat, levissimas sæpe opiniones erroneas a *Patribus* pro gravissimis erroribus habitas, multaque perperam errantibus impactas.

Denique, ubi de præceptis Religionis christianæ agunt *Patres*, ad manus non solum sunt æternæ veritatis, & virtutis leges; sed ipsius Christi, infallibilis Doctoris præcepta, atque decreta. Ad hanc normam, si præcepta sua adaptant *Patres*, placent; Si vero rethorizantur, atque ex ineptis Philosophorum opinionibus, de Christi præceptis judicium ferunt; si ultra modum præcepta quædam urgent; si superstitiosas opiniones, & consuetudines, contra æternas veri rectique

que regulas defendunt, tum Patres res suas sibi habere jubemus, atque rectæ rationis decretis, & Christi præceptis firmiter adhæremus.

Hoc animo, & secundum dictas leges hætenus in lectione *Patrum* versatus sum, rectene an secus fecerim, judicent Viri Eruditi, & harum rerum periti. Ego saltem existimo, me ita agendo, neque detrachere *Patrum* auctoritati, neque plus illis etiam, quam par est, tribuere, in quo tamen utroque sæpe peccatum fuisse norunt omnes, qui vel leviter historiam rerum inter Eruditos gestarum degustarunt.

III. Sed tempus est, ut dicam, qua methodo in expendendis *Visionibus*, quæ quibusdam primitivæ Ecclesiæ Christianis contigisse dicuntur, usus sim. Eum in finem regulas quasdam, quas observandas esse putavi, ordine proponam, easque in sequentibus Exemplis confirmabo:

*Prima hæc est: Visiones, Christianis primorum post Christi, & Apostolorum discessum Seculorum, obtingere poterant, & actu ipso obtigerant.* Cum nihil neque a parte Dei, neque a parte hominis ostendi possit, quo probetur, aut Visiones in se spectatas impossibiles esse, aut Deum post excessum Christi, & Apostolorum tales concedere nolle; nihil est nostra opinione, quod impediatur, quo minus adseramus, Visiones Christianis æque contingere potuisse, ac iis, qui Prophetarum, Christi & Apostolorum ætate vixerant; imo cum testimonia luculenta respectu quorundam adferri possint, temerarium esset, omnia prorsus proscribere velle.

*Secunda: Cum Visiones inter dona miraculosa referende sint, Deus autem sine extrema necessitate miracula facere baud solet, Visiones huic, vel illi contigisse adserendum non est, nisi gravissimæ rationes id suadeant.* Non puto, quemquam mihi de hac regula controversiam moturum: Solent ipsi Theologi omnium fere sectarum in interpretatione S. Literarum versantes, hoc ipsum inculcare. Quod si hoc observandum est iis in locis, ubi loquuntur Viri *θεορρετοι*, multo magis id erit observandum, quando homines hoc dono non instructi, vel de se, vel de aliis talia narrant; præsertim cum constet, quam facile imaginætionis ludibria, cum veris Visionibus confundantur.

*Tertia: Non opus est visione extraordinaria ad ea revelanda, quæ facile a quovis vel ex ratione, vel ex revelatione addisci possunt.* Cum Deus sapientissimus nihil agat frustra, præcepta autem generalia recte vivendi, decretaque scitu ad salutem cognitu necessaria, cuivis facile ex lectione S. Literarum consent, haud credibile est, Deum insolitis rationibus usurum.

N n n n ;

Quar-

*Quarta ; Visiones , quæ propositiones manifesto falsas , & contradictorias , aut Numinis virtutibus , & perspicue Revelationi contrarias involvunt , divine originis esse non possunt .* Non opus esse puto , ut pluribus adverti hujus æquitatem probem . Contradictoriæ propositiones sensum nullum fundunt , neque adeo credi possunt . Falsæ & virtutibus divinis , perspicuæque Revelationi contrariæ , Deum Authorem habere non possunt , nisi statuas , Deum contraria sibi & naturæ suæ simul injungere posse , quod vel cogitare de Deo impium est .

*Quinta : Visiones , quæ ad probandas sævæ alicujus privatas opiniones , easque falsas , vel veras quidem , sed ex sola revelatione facile cognoscendas , adferuntur , merito falsitatis sunt suspectæ .* Cum enim Deus per naturam suam propositiones falsas ingerere mortalibus non possit , propositiones autem particulares , licet veræ , facile ex Revelatione percipi possint , causam non videmus , cur Deus particulares ejusmodi veritates , de quibus Christiani inter se certare solent , Visionibus comprobet .

*Sexta : Si quis Visiones cœlestes jactans , non semel errasse deprehendatur , reliquis Visionibus , quas sibi contigisse ait , quæque nihil falsi comprehendunt , fides decedit .* Qui enim bis , aut ter decipi potuit , atque cerebri ludibria pro cœlesti visione habuit , ille etiam in reliquis decipi potuit . Saltem hoc ipsum efficit , ut difficulter veras Visiones a falsis distinguere possimus . Quod si enim hoc illi ipsi , qui talia sibi contigisse narrat , evenire potuit , quid mirum , alios non sine ratione de veritate Visionum dubitare ?

*Septima : Visiones , quæ in se spectatæ nihil absurdi , aut virtutibus divinis contrarii habent , sed multis tamen circumstantiis fabulosis , & ineptis vestitæ sunt , falsitatis sunt suspectæ .* Quando illi , qui adserunt Visiones sibi obtigisse , aut qui aliis ejusmodi evenisse narrant , manifestissimas fabulas narrationi suæ adjiciunt , eo ipso efficiunt , ut eos aut pro impostoribus , aut credulis hominibus habeamus . Fieri equidem potuit , ut huic , vel illi Christiano Visio obtigerit , quæ narrata alii , multis fabulis fuerit adaucta ; at cum testem nullum habemus , quam eum ipsum , qui veris fabulas admiscuit , verum a falso discernere non possumus , atque tantisper narrator ille , quisquis tandem is fuerit , suspectus est fraudis .

*Octava : Si ex hominis , Visiones jactantis universa vitæ ratione , atque opinionibus constet , eum fanaticum esse , æstum imaginationis sequi , atque singularia semper , & insolita consuetari , baud facile Visiones illi a Deo*

*Deo obtigisse credibile est.* Cum Deus in gratiam non hominis unius duntaxat, sed plerumque aliorum etiam, visiones, & miracula edere soleat; homo autem fanaticus cerebri commenta haud facile a vera visione distinguere possit, ceteri vero homines deprehensis tot delirantibus ingenii argumentis, vix homini talia jactanti fidem habere possint, haud cum Sapientia divina convenire videtur, ut tali homini per miraculum visa quædam offerat.

*Nona est: Homo, qui imposturæ varia de se edit signa, falsissimæque aliis de rebus agens, narrare non verecundatur, ubi Visiones sibi obtigisse narrat, merito amittit omnem fidem.* Quam æqua sit, & rationi conveniens hæc regula, non opus est, ut pluribus probemus.

*Decima: Is, qui cuidam diu ante se nato æquæ quoddam divinum oblatum fuisse narrat, cujus tamen illi ipsi, qui eadem ætate vixerant, remque probe cognoscere poterant, nullam plane faciunt mentionem, merito suspectus est.* Hac regula omnes fere Historiæ Ecclesiasticæ Scriptores, narrationes veterum examinantes, utuntur, quæ & hic rectissime applicari potest, & debet.

Ad has regulas, *Erudite Lector*, meum de Visionibus Christianorum examen institui. Scio, eas non semper esse infallibiliter certas, neque adeo quibusvis necessario adsensum extorquere. Intèrim, si ad probabilitatis leges, quas artis ratiocinandi Magistri tradunt, eas exigas, aut fallor, aut nihil magnopere erit, quod censura dignum sit. Mathematicam ἀκριβειαν nemo hoc in argumento a nobis expectabit. Quod si in applicatione exemplorum ad has regulas deceptus sum, non malo animo id a nobis factum Vir cordatus, & æquus censebit. Si ullibi, hic certe errare pronum est. Sæpe multiplices circumstantiæ, quæ ad confirmandam aliquam narrationem multum lucis adferre potuissent, præsto non sunt. Neque quemquam fugit, mortales nocturnis Visionibus, temperamento, & inepta superstitione varie deludi posse. Ut de manifestis fraudibus toties quotiesque inter veteres æque ac recentiores, deprehensis nihil dicam, quis nescit, quot supposititii libri a malefertiatis hominibus primis seculis excogitati sint? Errores cum pietate sæpe erant conjuncti. Verbo; non agitur de Visionibus, quarum S. Literæ mentionem injiciunt, sed de visis, quæ hominibus, qui æque ac nos falsis imaginibus fascinari potuerunt, obtigisse dicuntur. Ut non dicam, pleraque, quæ hic narrantur, non ab iis ipsis, quibus talia contigerunt, fuisse literis consignata, sed ab aliis, de quorum fide non semper possumus esse persuasi. Religio christiana,

na, si vel maxime Christianis, post Christi & Apostolorum obitum, nullæ obtigissent Visiones, tantam, ob suam præcellentiam, vim in animos hominum habuisset, ut non potuisset non homines veri, rectique amantes, atque pravis animi studiis vacuos, in sui admirationem abripere. Nemo igitur mirabitur, si libere sensa animi mei, de his, vel illis visionibus, hæctenus nondum satis expensis declarem; Nil pietati eorum, qui forte bono animo decepti erant, decedet. Ii vero, qui data opera falsa fingunt, aut aliis tribuunt, digni sunt acri censura. In cæteris ita differemus de hoc argumento, ut nemo facile candom, modestiam, verique amorem in nobis desideraturus sit.

IV. Sed accedamus jam ad rem ipsam, Exemplorum multorum inductione probaturi, jam inde a primis seculis multas Visiones temere fuisse jactatas, ab antiquis vero pariter & recentioribus, sed perperam defenditatas. Ubi in antecessum monemus, atque fatemur, post Christi & Apostolorum excessum, miracula, prophetias, & Visiones non prorsus desuisse. Luculenter hoc probarunt Viri Doctissimi *Dodwellus, Dissert. Cyprian. IV. Pfannerus Diatribe de Charismat. sive donis miraculosis antiquæ Ecclesiæ. Arnold, Delineat. vitæ morumque veterum Christianorum. Witsius, Miscell. Tom. I. Lettnerus Dissertat. singulari Miscell. Lips. Tom. VIII. inserta*, ut alios taceam. Ad hos ergo ablego eos, qui harum rerum studio tenentur. Unum saltem alterumque locum ad hoc probandum adducam, atque dein sine mora ad eas visiones pergam, & quidem secundum ordinem Seculorum, quæ mihi quidem falsitatis videntur admodum suspectæ.

*Justinus Martyr* in suo cum *Tryphone Judeo* colloquio pag. m. 308. ita de hoc argumento loquitur: παρα γὰρ ἡμῖν καὶ μέχρι νῦν προφητικά χαρίσματα εἰσιν ἐξ ἧ καὶ αὐτοὶ συνίεναι ὀφείλετε. Ὅτι τα παλαιὰ ἐν τῷ γένει ὑμῶν ὄντα εἰς ἡμᾶς μετετέθη, i. e. *Apud nos enim hucusque etiam prophetica exstant dona: unde & vos intelligere debetis, quæ olim in genere vestro fuere, ea in nos esse translata.* Provocat ad hunc locum *Eusebius Hist. Eccles. Lib. IV. cap. XVIII.* ubi ita de *Justino*: γραφεὶ δὲ ὡς ὅτι μέχρι καὶ αὐτὰ χαρίσματα προφητικά διαλαμπεν ἐπὶ τῆς ἐκκλησίας. i. e. *Sed & prophetica dona adhuc sua ætate in Ecclesia viguisse scribit.* Similem in modum loquitur *Miltiades* apud *Euseb. Lib. V. cap. XVII.* ubi enumeratis *N. T. Prophetis, Agabo, Sila, Philippi filiarum, Ammia Philadelphenſi, Quadrato*, ita contra Montanistas argumentatur: δεῖν γὰρ εἶναι τὸ προφητικὸν χάρισμα ἐν πασὶ τῇ ἐκκλησίᾳ μέχρι τῆς τελείας παρακλήσεως ὁ ἀποστόλος ἀξιοί, i. e. *Etenim prophetiæ donum in omni Ecclesia*

ad



ad ultimum usque Domini adventum permanere debere, Auctor est Aposto-  
lus. Irenæus, adversus Hæres. Lib. II. cap. 31. pag. 164. edit. Massueti  
contra Gnosticos disputans, ait : Τὸσαυτὸν δὲ ἀποδοῦναι τοῖς νεκροῖς ἐγείρειν,  
καθὼς ὁ κυρίως ἤγειρε καὶ οἱ ἀποστόλοι διὰ προσευχῆς καὶ ἐν τῇ ἀδελφότητι  
πολλὰκις δια το ἀναγκαῖον τῆς κατὰ τόπον ἐκκλησίας πάσης αἰτησάμενης  
μετὰ νηστίας πολλῆς καὶ ληττανίας ἐπέστρεψε τὸ πνεῦμα τετελευτηκότος καὶ  
ἐχαρίσθη ὁ ἄνθρωπος ταῖς εὐχαῖς τῶν ἁγίων, i. e. Tantum autem absunt  
ab eo, ut mortuum excitent (quemadmodum Dominus excitavit, & Apo-  
stoli per orationem, & in fraternitate sapissime propter aliquid necessa-  
rium, ea, quæ est in quoquo loco, Ecclesia universa postulante per jejunium  
& supplicationem multam, reversus est spiritus mortui, & donatus est homo  
orationibus sanctorum) ut ne quidem credant hoc in totum posse fieri. cap.  
XXXII. ait: Si autem & Dominum per phantasmata hujusmodi fecisse di-  
cunt, ad prophetica reducentes eos ex ipsis demonstrabimus omnia sic de eo  
predicta esse & facta firmissime, & ipsum solum esse filium Dei. Quapro-  
pter & in illius nomine, qui vere sunt illius discipuli, ab ipso accipientes  
gratiam, perficiunt ad beneficia reliquorum dominum, quemadmodum  
unusquisque donum accepit ab eo. Alii enim Demones excludunt, firmis-  
sime & vere, ut etiam sapissime credant ipsi, qui emundati sunt a nequissi-  
mis spiritibus & sint in Ecclesia. Alii autem & prescientiam habent futu-  
rorum, & visiones & divinationes propheticas. Alii autem laborantes aliqua  
infirmirate per manus impositionem curant, & sanos resituunt. Jam  
etiam quemadmodum diximus & mortui resurrexerunt, & perseverarunt  
nobiscum annis multis. Et quid autem? Non est numerum dicere gratia-  
rum, quas per universum mundum Ecclesia a Deo accipiens in nomine  
Christi Jesu crucifixi sub Pontio Pilato, per singulos dies in opulationem  
gentium perficit, neque seducens aliquem, nec pecuniam ei auferens. Quem-  
admodum enim gratias accepit a Deo, gratias & ministrat. Denique  
Lib. V. cap. 6. pag. 299. Καθὼς καὶ πολλῶν ἀνέκδοτων ἀδελφῶν, ἐν τῇ  
ἐκκλησίᾳ προφητικά χαρίσματα ἔχοντων, καὶ παντοδαπαῖς λαλῶντων δια  
τὸ πνεύματος γλωσσαις καὶ τὰ κρυφία τῶν ἀνθρώπων εἰς φανερόν ἀγογγῶν  
ἐπὶ τῷ συμφερόντι καὶ τὰ μυστήρια τὰ Θεοῦ ἐκδηλοῦμενων, i. e. Quemadmo-  
dum & multos audivimus fratres in Ecclesia, prophetica habentes Charis-  
mata, & per Spiritum universis linguis loquentes, & absconsa dominum in  
manifestum producentes, ad utilitatem & mysteria Dei enarrantes. Hæc  
addemus unum Originis contra Celsum testimonium, quod exstat Lib.  
1. pag. 34. seq. Καὶ ἐπὶ ἰσχυρῇ τῇ ἁγίᾳ πνεύματος, ὁφθέντος ἐν  
θόδῳ περιεργασίας πάσης χειρισαντο σωζέται. Ἐξῆπαδεν δὲ δαιμόνας, καὶ πολλὰς  
inactis

ἰασεις ἐντελεσθαι, καὶ ὁρῶσι τινα κατὰ το βελήμα τῆ λογῆ περὶ μελλόντων. Καν χλευασθῇ δὲ Κελος το λεχθησομενον, ἢ ὃν εἰσγαγεν ὁ Ἰουδαίος, ὁμοίως λείλεξεται, ὃ τι πολλοὶ ὡς περὶ ἀκόντες, προσεληθοῦσι χριστιανισμῷ. Πνευματος τινος τρεψαντος αὐτῶν το ἡγεμονικον ἀφινιδιον ἀπὸ τῆ μισεῖν τον λογον ἐπὶ το ὑπερ ἀποθανεῖν αὐτῆς, καὶ φαντασιωσαντος αὐτῆς ὑπάρ ἡ ὄντως. Πολλὰ γὰρ τοιαυτὰ ἰσορησαμεν ἄτινα ἔαν γραφομεν αὐτοὶ αὐτοῖς παρατυχόντες καὶ ἰδόντες γελῶντα πλατῶν ὀφελησομεν τοῖς ἀπίστοις, ἡμᾶς ὁμοίως οἷς ὑπολαμβάνανσι ταυτ' ἀναπεπλανῆναι καὶ αὐτῆς πρᾶσσειν. Ἄλλα γὰρ Θεος μαρτυρῶν τῆ ἡμετέρῃ συνειδοτο; βελομενὰ ἔδῃ ψευδῶν ἀπαγγελῶν, ἀλλὰ δια τινος ἐνεργείας ποικίλης συνίστανειν τὴν Ἰησοῦ Θεῖαν διδασκαλίαν. i. e. *Quin* *Es* *hodie* *vestigia* *Spiritus* *illius* *Sancti*, *qui* *columbe* *specie* *apparuit*, *servantur* *apud* *Christianos*, *excantant* *demonia*, *multas* *sanationes* *perficiunt*, *prævident* *voluntate* *Dei* *futura*. *Irrideat* *licet* *Celsus* *quod* *dicitur*, *aut* *introducitur* *ab* *eo* *Judeus*, *dicitur* *tamen* : *multos* *pene* *invitos* *attrahos* *esse* *ad* *Religionem* *Christianam*, *Spiritu* *quodam* *repente* *mutante* *intellectum* *eorum*, *ab* *odio* *quo* *erga* *verbum* *detinebantur*, *ita* *ut* *ipsis* *gratia* *non* *cunctarentur* *mortem* *oppetere*, *post* *Visiones* *oblatas* *ipsis* *vel* *dormientibus* *vel* *vigilantibus*. *Multa* *enim* *talìa* *videmus*, *quæ* *si* *memorare* *mus* *duntaxat* *gesta* *in* *nostra* *præsentia*, *cachinnos* *tollerent* *infideles*, *rati*, *nos* *quoque*, *sicut* *illos* *de* *quibus* *male* *suspicantur*,  *fingere*. *Testis* *autem* *est* *Deus* *nostræ* *conscientiæ*, *conari* *me* *non* *falsis* *narratiunculis*, *sed* *variis* *compertæ* *veritatis* *exemplis* *commendare* *divinam* *Jesu* *Christi* *doctrinam*.

Hæc sunt præcipua loca, quibus probatur, non defuisse Ecclesiæ christianæ, post Christi & Apostolorum excessum, dona miraculosa. Hoc unum quæritur, utrum tanta fuerit ejusmodi bonorum multitudo, quantam testimonia illa inferre videntur. Sunt, qui putent, Patres aliquid incertis rumoribus dedisse, atque aliquando rethoricos esse, cum de hoc argumento verba fecerunt. Inter eos est Doctissimus Clericus, qui *Hist. Eccles.* pag. 681. enarratis verbis Irenæi, in hæc erumpit verba. Quibus quidem nemo fidem prorsus negare sustineat, sed tamen quæcunque boni Viri ab aliis audita, *Es* facile credita iis temporibus, quibus credulitas virtus habebatur, narrabant, vera propterea esse consequens non est. In honorem Dei salutemque hominum, hyperbolica oratione uti, nemo tunc temporis Religioni ducebat. Hæc verba multis vehementer displicuerunt. Indignatur propterea eruditissimo Viro, Cel. Kettner. in *Dissertat. de reliquiis miraculorum*, *Es* Visionibus post Apost. tempora, „abjete (inquit) de S. Irenæo Polycarpi auditore, & Apostolorum

„stolorum temporibus vicino Patre loquitur, ejusque fidem suspectam  
 „reddit, quem tamen *Tertullianus* omnium doctrinarum curiosissimum  
 „exploratorem, *Eusebius* fide dignissimum rectæque Catholicæ Doctrinæ  
 „propugnatorem appellarunt. Sane non est, quod suspicemur,  
 „S. *Irenæum* in re tam recenti, & manifesta mentiri voluisse.” At  
 ego I.) cum multis aliis illationis illius vim adsequi non possum; ni-  
 mirum *Irenæus* secundum *Tertullianum* omnium doctrinarum curiosis-  
 simus explorator, secundum *Eusebium* Catholicæ fidei propugnator fuit;  
 Ergo respectu multitudinis miraculorum, & Visionum errare non po-  
 tuit: cum non quid ubique locorum gestum fuerit, cognoscere po-  
 tuerit *Irenæus*, facile fidem adhibere potuit iis, quæ ab aliis in laudem  
 Ecclesiarum dicta erant. Neque dixerat *Clericus*, *Irenæum* data opera  
 mentitum fuisse, sed hyperbolica oratione usum sæpius cum aliis,  
 quando de progressu Religionis miraculis confirmatæ sermo erat.  
 Constantiam in Professione Religionis christianæ, fiduciam in Deum,  
 Zelum pro gloria Dei, quibus virtutibus eluxisse primæ ætatis Chri-  
 stianos non negamus, ita describere potuit, aut ab aliis tradita repræ-  
 sentare, quasi cuncta præter ordinem naturæ facta fuissent. Certe in  
 sequentibus docebimus, ipsos martyres aliquando figuratis & hyper-  
 bolicis locutionibus delectatos fuisse. At II.) cum multi, non tam  
 quid, quam a quibus dicatur, attendant, proferam testimonium Theo-  
 logi omnium judicio *modestissimi*, qui de donis hæc miraculosis pri-  
 morum temporum loquens, non minus cordate atque aperte animi sui  
 sententiam aperit. atque is est H. *Witsius*, cujus verba extant *Miscell.*  
*Tom. I. Sect. XIV. pag. 371. seq.* atque ita sonant. „At (inquit) quan-  
 „tavis confidentia multa narrari videamus, non tamen nefas esse exi-  
 „stimo ea accuratiori Examini subicere. Mihi sic videtur: Deum  
 „quidem Optimum, Maximumque initio Evangelii Prophetas Spiritu  
 „suo singulari ratione actos, Ecclesiæ concessisse, qui una cum Apo-  
 „stolis, imo & aliquando post eorum ex terris excessum salutari do-  
 „ctrinæ propagandæ invigilarunt, & missionem suam prodigiis con-  
 „firmarunt: hoc enim illorum temporum ratio prorsus requirere vi-  
 „debatur. Neque abnuo, tales insignes Dei viros tertio etiamnum  
 „& quarto æræ Christianæ seculo extitisse: Durum enim esset, piis Pa-  
 „tribus de sui ævi suæque familiaritatis hominibus talia constanter nar-  
 „rantibus, fidem omnem abrogare. Non tamen idcirco necesse arbi-  
 „tror, ut sine discrimine omnia admittamus. Patrum plerorumque  
 „stylus ad declamatorium dicendi genus accommodatus, hyperbolicis

„exaggerationibus scatet; quæ nisi benigniore interpretatione aliquan-  
 „tum juventur, non est, ut justam veramque rerum ideam animo re-  
 „præsentent. Nec dissimulandum, Patres aliqua multis nimia labo-  
 „rasse credulitate, & imprudenter arripuisse, imprudentius narrasse,  
 „eo cui adsuæti erant dicendi magnifico charactere, quæ tamen scire  
 „potuissent haud satis esse explorata, modo libuisset majori cum ju-  
 „dicio attendere. Quod nemo ignorat, nisi qui in legendis Patribus  
 „hospes est, aut eadem cum ipsis credulitate præditus. Accedit, quod  
 „cum admodum sibi placerent homines in Visionibus & adparitioni-  
 „bus, facile sibi persuaserint ab extraordinaria divini Spiritus opera-  
 „tione proficisci, quæ ex vehementi fixaque imaginatione, secundum  
 „ordinarium naturæ cursum, provenire potuerunt. Sane quæ de suis  
 „Visionibus *Cyprianum* modo narrantem audivimus, non tam grandia  
 „esse videntur, quin homini talium cogitationum pleno naturaliter  
 „in mentem venire quiverint. Ita *Witsium*, cujus de *Cypriano* judi-  
 „cium luculenter infra confirmabimus. III.) Testimoniis illorum tem-  
 „porum satis potest ostendi, opiniones multas de extraordinariis Visio-  
 „nibus & miraculis temere fuisse arreptas. *Eusebius* v. gr. *Hist. Eccl.*  
*Lib. III, cap. 3. de Hermæ Pastoris*, libro (de quo ex professo mox  
 pluribus agemus) agens, hæc scribit: *Quoniam vero Apostolus Paulus in*  
*salutationibus illis, quæ sub finem Epistolæ ad Romanos leguntur, inter cæ-*  
*teros mentionem facit Hermæ, cujus esse fertur is liber, qui Pastor inscri-*  
*ptus est: Sciendum est, eum librum a nonnullis quidem in dubium esse re-*  
*vocatum. Quamobrem inter receptæ auctoritatis libros censeretur non potest.*  
*Ab aliis vero maxime necessarium judicatur, iis præsertim, qui primis Re-*  
*ligionis nostræ elementis instituendi sunt. Unde etiam eum in Ecclesiis pæ-*  
*bulice legi comperimus, & quosdam in vetustissimis Scriptoribus ipsius testi-*  
*monio usos fuisse. Ita Eusebius.* Atqui hic liber hyperbolicis locutio-  
 nibus, ineptis Visionibus, & falsis traditiunculis scatet. Quod si plebs  
 secundum præcepta fanatici hominis institui debuit, fieri aliter non  
 potuit, quam ut sapissime deciperetur, & ludibria imaginationis pro  
 eventu miraculoso vendicaret. Cumque *Origenes, Irenæus, Athanasius*  
 sæpe ad hunc librum provocarent, eumque magni facerent, quis du-  
 bitet, quin plebs magis magisque in sua opinione fuerit confirmata?  
 Idem *Eusebius* Lib. eod. Cap. XXXIX. ubi de *Papia*, ejusque Scriptis  
 agit, ita hominis ingenium, & scribendi rationem delineat, ut haud  
 obscure pateat, quam facile inter Christianos ineptæ & portentosæ opi-  
 niones spargi potuerint. Proferamus quædam ex eo: *Papie vero* (in-  
 quit)

quit) quinque omnino feruntur libri, quorum titulus est, de interpretatione oraculorum Dominicorum. Horum quinque duntaxat Papiæ librorum meminit Irenæus his verbis: Testatur, inquit, hæc Papias, Joannis auditor & Sodalis Polycarpi, Scriptor antiquus, in quarto operis sui libro. Sunt enim ab eo quinque libri compositi, & hæc quidem Irenæus. At vero Papias ipse in præmio librorum suorum se quidem sanctorum Apostolorum Spectatorem atque auditorem fuisse non dicit; sed ab eorum familiaritatis normam fidei se accepisse testatur his verbis: Nec pigebit, inquit, eâ, quæ quondam a Scriptoris didici, ac memorie mandavi, cum interpretationibus nostris adscribere, ut veritas eorum nostra quoque assertione firmetur. Non enim ut plerique solent, eos unquam sectatus sum, qui verbis adstuerent, sed eos potius, qui verum docerent: nec eos, qui nova quedam & inuestigata præcepta, sed illos qui Domini mandata in figuris tradita, & ab ipsa veritate profecta memorabant. Quod si quis interdum mihi occurrebat, qui cum Senioribus versatus fuisset, ex eo curiose sciscitabar, quanam essent Seniorum dicta: Quid Andreas, quid Petrus, quid Philippus, quid Thomas, quid Jacobus, quid Johannes, quid Mattheus, quid ceteri Domini discipuli dicere soliti essent? Quidnam Aristion & Johannes Presbyter discipuli Domini prædicarent? Neque enim ex librorum lectione tantam me utilitatem capere posse existimabam, quantam ex hominum adhuc supersitum viva voce. Et paucis interjectis: Multa certe quæ ab iis tradita acceperat ipsorum nominatim mentione facta in Commentariis suis retulit. Porro opera pretium fuerit supra citatis Papiæ verbis alia etiam ejusdem testimonia adjungere, in quibus miracula quedam ex aliorum fide ac traditione commemorat. Philippum quidem Apostolum una cum filiabus Hierapoli degere solitum, superius docuimus. Nunc vero quemadmodum Papias, qui iisdem temporibus vixit, mirabilem quandam narrationem a Philippi filiabus accepisse se refert, exponamus. Scribit enim, mortuum sua ætate ad vitam esse revocatum. Alterum quoque ingens miraculum refert de Justo, qui Barsabas cognominatus est, qui cum libale poculum ebibisset, tamen Dei adjutus gratia, nullum inde accepit incommodum. Hunc autem Justum post Domini ascensionem a Sanctis Apostolis productum esse in medium cum Matthea, factamque ad Deum precationem, ut alter eorum sorte duceretur, qui in locum Proditoris Jude substitutus numerum eorum expleret. - Idem præterea Scriptor alia nonnulla nude vocis traditione ad se pervenisse testatur, novas quasdam scilicet Servatoris parabolas, ac predicationes, aliaque fabulis propiora, inter quæ & mille annorum spatium post corporum resurrectionem fore dicit, quo Re-

gnum Christi corporaliter stet in orbe terrarum. Que quidem ita opinatus esse videtur Papias ex male intellectis Apostolorum narrationibus, cum ea quæ arcano quodam sensu & exempli causa, ab illis dicebantur, non satis pervidisset, fuit enim mediocri admodum ingenio præditus, ut ex scriptis illius conjicere licet; plerisque tamen post ipsum Ecclesiasticis Scriptoribus ejusdem erroris occasionem præbuit hominis vetustate, sententiam suam tuentibus; puta *Ireneo* & si quis alius ejusdem opinionis fautor extitit. Ex hoc testimonio *Eusebii* constat a.) hunc *Papiam* fuisse hominem exigui judicii, atque adeo ad quasvis fabellas, & traditiunculas accipiendas pronum atque proclivem. Verum est, eundem *Eusebium* cap. XXXVI. ejusdem libri, hominem vocare Virum eruditissimum & disertissimum. At testatur *Valesius*, hoc elogium in MSS. Codicibus, quos quidem consuluerit, abesse, neque apud *Ruffinum* legi. b.) patet, non audivisse *Papiam* Apostolos ipsos, sed eorum discipulos duntaxat; unde incerta, & portentosa narrationes quævis ab eo arripiebantur, fatente ipso *Eusebio*. c.) Hinc non mirum hominem traditionibus duntaxat intentum, sapissime fuisse deceptum. d.) Narrationes ipsius *Papie* a sequentis ætatis Scriptoribus vetustatis præjudicio captis, avidè fuisse arreptas. An igitur mirum est, multa seculo secundo, quo vivebat *Ireneus*, temere de præstitis miraculis fuisse jactata? Ipse *Græbius* summus Patrum admirator, qui *Spicilegii* sui parte II. pag. 28. existimationem *Papie* vindicare vult, diffiteri non potest, verum esse *Eusebii* judicium. Ita enim pag. 29. loco citato loquitur: „Nihilominus & istam, quam  
 „ in *Papia* notavit *Eusebius* nimiam mentis simplicitatem ostendere vi-  
 „ dentur ex parte pauca nobis conservata fragmenta: dein fragmentum  
 „ ipsum adducit, quod exstat apud *Ireneum* Lib. V. adv. Hæres. cap. 33.  
 „ sonat autem ita. Presbyteri meminerunt, qui Joannem discipulum  
 „ Domini viderunt, audisse se ab eo, quemadmodum de temporibus  
 „ illis docebat Dominus & dicebat: venient dies, in quibus vineæ  
 „ nascentur, singulæ decem millia palmitum habentes, & in uno pal-  
 „ mite dena millia brachiorum, & in uno quoque flagello dena mil-  
 „ lia botruum, & in uno quoque botro dena millia acinorum, & unum  
 „ quodque acinum expressum dabit viginti quinque metretas vini. Et  
 „ cum eorum aliquis apprehenderit Sanctorum botrum, alius clama-  
 „ bit: botrus ego melior sum, me fume, per me Dominum benedic.  
 „ Similiter & granum tritici decem millia spicarum generaturum, &  
 „ unam quamque spicam habituram decem millia granorum, & unum  
 „ quodque granum quinque bilibres similæ claræ mundæ: & reliqua  
 „ autem

„autem poma, & semina, & herbam secundum congruentiam iis consequentem. Et omnia animalia iis cibis utentia, quæ a terra accipiuntur, pacifica, & consentanea invicem, fieri subiecta hominibus cum omni subiectione. Hæc autem & Papias, Johannis auditor, Polycarpi autem contubernalis, vetus homo, per Scripturam testimonium perhibet, in quarto librorum suorum; Sunt enim illi quinque libri conscripti, & adjecit dicens: Hæc autem credibilia sunt creditibus. Et Juda inquit proditore non credente & interrogante, quomodo ergo tales genitura a Domino perficiuntur? dixisse Dominum: videbunt qui venient in illa tempora. Postquam Grabinus sententias Christianorum & Judæorum de secundo Christi adventu enarrasset, ait: *Quicquid vero de re ipsa statuatur, de qua judicium piis doctisque Theologis relinquo; modus certe eam proponendi a charactere discipulorum Christi, quæ Evangelistæ consignarunt, adeo diversus est, ut vix mihi persuadere queam, altera illa ex ore Servatoris nostri promanasse. Massuetus vero simpliciter in notis ad Irenæum pag. 333. accepit (inquit) vel ex quibusdam Apocryphorum somniis, vel ex spuris traditionibus. Quid mirum (repetam) si homo multa inepta, & mira quasi a discipulis Apostolorum accepta, in vulgus sparserit? quid mirum, sequentis ætatis homines traditiones veras a falsis distinguere haud potuisse?* IV.) (\*) De allato Origenis loco aliquid monendum est: ait enim, multos Religionis christianæ amore incensos, Martyrium pro ea obisse. Idem vero contrarium ait Lib. III. pag. 116. Ὅλγοι κατὰ καιρὸς καὶ σφοδρὰ ἀειθροῖτο ὑπὲρ τῆς τῶν Χριστιανῶν θεοσεβείας τεθνήσκειν. Locum jam produxerat Dodwellus Dissert. de paucit. Martyrum. Thes. VII. probaturus tantam martyrum multitudinem primis sæculis non existisse, ac vulgo creditur. Respondet autem Ruinartus Pref. Generali in acta Martyrum Sæc. 22. ita: Sed his verbis nihil aliud intendit Origenes quam Persecutiones adversus Christianos concitatas ita acerbis non fuisse, ut penitus

(\*) Nollem quemquam ea, quæ de Papiæ narrationibus & Hermæ libro hætenus dicta sunt, malam in partem capere, atque existimare, me id agere, ut probem, olim promissæ Christianorum cœtuum Doctores, quovis libellos pro divinis habuisse; hoc enim a mente mea alienissimum est, atque perspicuis argumentis probari potest, primorum Rel. Christianæ Doctorem curam atque sollicitudinem in rejiciendis spuris, & conservandis libris *θεωρητικῶν* fuisse plane singularem. Probare hoc, siquidem id jam ageretur, facile possem. Ad dudum id a doctissimis Viris factum. Vide Cl. Mosheimi *Anti-Nazaræum*; Frickii *Dissert. de cura Veteris Ecclesiæ circa Canonem S. Scripturæ*, & Eruditissimi Beausobre *Dissert. singularem, insertam Doctissimo operi, cui titulus: Histoire critique de Manichéisme*.

ius Christiani deleri potuissent, paucosque revera passos fuisse, si cum iis comparantur, qui superstites fuerant. Dudum autem monuit Doctissimus Clericus Bibl. select. Tom. XXVI. 18. Voces multi & pauci, esse relativas, adeoque ex verbis Origenis litem illam inter Dodwellum & Ruinartum dirimi haud facile posse. (\*) Sed adest alius etiam insuper Origenis locus a Dodwello alia occasione Dissert. IV. de Visionibus primorum Christianorum productus, qui satis perspicue videtur probare, tantam donorum coelestium, nimirum extraordinariorum, copiam non fuisse, ac vero quidam perhibent. Verba Orig. Lib. III. contra Celsum ita sonant: Σημειοὶ δὲ τῶν ἁγίων πνεύματος κατ' ἀρχὰς μὲν τῆς Ἰησοῦ διδασκαλίας, μετὰ δὲ τὴν ἀναλήψην αὐτὰ πλεονα ἐνδείκνυτο ὕστερον δὲ ἐλάττωνα. πλην καὶ νῦν ἐστὶ ἰχνη ἐσιν αὐτὰ παρ' ὀλιγοῖς τὰς ψυχὰς τῷ λόγῳ καὶ ταῖς καθ' αὐτὸν πράξεσι κεκαθαυμένοις. Sane locus hic luculenter testatur, exiguum fuisse eo tempore numerum hominum inusitatis donis praeditorum. Quando vero Origenes loco supra citato ait, multos penitus invitos attractos esse ad Religionem Christianam, spiritu quodam repente mutante intellectum eorum, id sine dubio intelligendum est de iis Gentilibus qui cognitionem aliquam Religionis christianae adepti sunt; alias difficulter credi posset, Deum hominem ignarum Religionis christianae, insolito suo favore per miraculum dignaturum. V.) Denique ea, quae seculo jam secundo occasione Montani acciderunt, videntur innuere, testimonia de multitudine miraculorum supra allata nimis urgenda non esse. Nimirum notum est, Montanum, & socios, famam, & exultationem quasituros, ad mirabiles Visiones & raptus provocasse; Probabile autem non est, Montanum hac ratione exultationi suae consulturum fuisse, si promiscue dona haec adeo fuissent frequentia: hoc unum est; alterum quod urgeo hoc est: Nimirum eos, qui contra Montanum in arenam descenderunt, ad maximum illud donorum extraordinariorum numerum non provocasse. Utrumque non quidem probat, seculo secundo aut defuisse prorsus mirabiles illos effectus, aut rarissime deprehensos; sed hoc unum tamen videtur ostendere, numero minorem fuisse copiam donorum illorum inusitatorum, ac vero vulgo creditur. Joannes Clericus Vir Eruditissimus Hist. Eccl.

(\*) La vérité est, (inquit) que les mots de peu, & de beaucoup sont des termes relatifs, dont la signification est équivoque. selon les sujets, auxquels ils se rapportent. Ainsi Origene a pu employer l'autre terme, en parlant de la même chose à divers égards; mais il est très-difficile, pour ne pas dire impossible, de marquer aujourd'hui avec quelque précision les bornes qu'il mettoit en son esprit au peu & au beaucoup.



*Eccl. pag. 679. ad annum 157. ait, exprobrasse Montanistas rectius*  
*sentientibus Christianis, inter eos non esse Prophetas; quod si per-*  
*spicuis testimoniis probari posset, probabile quammaxime esset, raris-*  
*simum tum temporis fuisse donum prophetiarum & miraculorum.*  
*Provocat autem ad hoc probandum ad Euseb. Hist. Eccl. Lib. V. cap. 17.*  
*& Epiphanium. At in neutro satis perspicue designatur, quod Vir do-*  
*ctus intendit. Ne frustra hoc dixisse videar, Anonymi verba apud*  
*Eusebium l. cit. extantia adducam. Sonant autem ita ex Versione Vale-*  
*sii. „ In eodem quoque libro Miltiadis cujusdam Scriptoris mentio-*  
*nem facit, qui adversus supra dictam Hæresin librum conicripserit.*  
*„ Citatis enim quibusdam verbis illorum Hæreticorum ita deinde scri-*  
*bit. Hæc ego cum reperissem in quodam libro ipsorum adversus*  
*„ Miltiadem fratrem nostrum, qui peculiari opere docuerat, non de-*  
*cere Prophetam in ecstasi loqui: in compendium redegi. Deinde*  
*„ aliquanto post in eodem libro universos N. Testamenti Prophetas*  
*„ enumerat, inter quos Ammiam quandam, & Quadratum recenset*  
*his verbis: Pseudopropheta autem inquit in falso mentis excessu,*  
*„ cujus comes est licentia & audacia, a spontanea quidem imperitia*  
*„ initium sumens, in amentiam autem, ut jam dixi, involuntariam*  
*„ desinens. Hujusmodi vero Spiritu nullum unquam nec in vetere,*  
*„ nec in N. Testamento Prophetam afflatum potuerunt demonstrare,*  
*„ non Agabum, non Judam, non Silam, nec Philippi filias, nec Am-*  
*„ miam Philadelphiensem, nec Quadratum, nec quosdam alios, qui*  
*„ nihil ad ipsos pertinent, prædicabunt. Paucis deinde interjectis sic*  
*„ loquitur. Nam siquidem ut prædicant, post Quadratum & Am-*  
*„ miam Philadelphiensem mulieres illæ Montani in Prophetiæ gratiam*  
*„ successerunt, ostendant nobis, quinam inter ipsos Montano ac mu-*  
*„ lierculis successerint. Etenim Prophetiæ donum in omni Ecclesia*  
*„ ad ultimum usque Domini adventum permanere debere, Auctor est*  
*„ Apostolus. Sed nullum prorsus poterunt ostendere, tamen jam*  
*„ quartus decimus agatur annus ab obitu Maximillæ. Hæc ille.*

*Epiphanius vero Hæres. XLVIII. pag. 402. seq. edit. Petavii ita de*  
*hise: „ Phryges itaque (inquit) tam V. quam Nov. Testamentum*  
*„ asciscunt. Mortuorum resurrectionem adprobant. Sed Montanum*  
*„ quendam Prophetam cum Priscilla & Maximilla Prophetissis prædi-*  
*„ cant: quibus inhærentes a recta via descedunt. Nam de Patre &*  
*„ Filio & Spiritu S. eadem cum Ecclesia Catholica sentiunt: sed ab*  
*„ ejus communione se separarunt, quod erroris Spiritus ac doctrinas*

„Dæmonum sequantur. Nos enim, inquiunt, cœlestia oportet dona  
 „recipere : sua quidem & Ecclesia Catholica dona divinitus accepit,  
 „sed quæ vera dona sunt, & Sp. S. ac Prophetarum & Apostolorum, Do-  
 „minique ipsius auctoritate comprobata. - - Ecce tibi vel eo ipso,  
 „quod sibi propositum habent, aperte convincuntur, nequaquam istud  
 „ipsum, quod contentiosa illa ambitione præ se ferunt, obtinere posse.  
 „Nam si cœlestia illa dona recipienda sunt, iisque præditam Ecclesiam  
 „esse convenit, cur post Montanum, ac Priscillam & Maximillam nul-  
 „los amplius habent Prophetas? Divinumque munus exhaustum est?  
 „At in Ecclesia Catholica id minime est exhaustum. Absit. Quod si  
 „aliquo tenus Prophetæ vaticinati sunt, & vaticinari modo desinunt,  
 „consequens est, ne Priscillam quidem, atque Maximillam secundum  
 „Apostolorum vaticinia, quæ in Ecclesia recepta sunt, Oraculum ul-  
 „lum edidisse. Quamobrem utrinque eorum insania constringitur.  
 „Nam ut Prophetas post Maximillam aliquos ostendant, ne illa, quam  
 „illi jactitant, gratia extincta videatur, aut Maximilla cum suis falsæ  
 „Vatis nomine censendæ sunt, quæ post præscriptum prophetici doni  
 „officiiue tempus, non sancti Spiritus, sed immisti a Dæmonibus  
 „erroris afflatum admittere non sunt veritæ, ac suis auditoribus illu-  
 „dere.” Hactenus *Epiphanius*. Ex hisce testimoniis adparet 1. Non  
 prorsus defuisse in Ecclesia tempore *Montani* dona extraordinaria,  
 quamvis *H. Dodwellus Dissertat. de Visionibus*, testimonii ex *Epiphania*  
 adducti mentionem faciens, existimet, ea quæ dixerat, *Epiphanius*  
 seculo non convenire, atque ex Scriptore antiquiore imperite esse de-  
 scripta. Convenit saltem cum iis, quæ apud *Eusebium* narrantur.  
 2.) Nullus Scriptorum, quorum mentionem facit, data opera osten-  
 dere allaborarunt, longe maximam esse miraculorum, & donorum  
 Prophetarum copiam, quod tamen ipsos facturos fuisse probabile est,  
 siquidem *Montani* jactatas Prophetias, & inde quæsitam Sociorum  
 suorum dignitatem, convellere voluissent. Meminit *Eusebius*, *Apollini-*  
*aris*, *Miltiadis*, *Apollonii*, *Serapionis*, atque fragmenta ex iis exhibet.  
 Omnes, Ecstaticas Visiones repudiant, Dæmonisque artibus tribuunt,  
 aliaque multa objiciunt, nullibi vero apparatu quodam insigni porten-  
 torum instructi, cum hostibus pugnant. 3.) *Miltiades* sex tantum  
 vates inde ab Apostolorum ævo memorat, quibus addit quosdam alios,  
 longe majori sane numero pugnaturus contra *Montanum*, si adeo fre-  
 quentia fuissent illa extraordinaria dona. Quæ de perennaturo Pro-  
 phetæ in Ecclesia dono differit *Miltiades*, falsa sunt, nisi Prophetarum  
 nomine

nomine Eruditos, & pios S. Literarum interpretes intelligat, de quo digna sunt lectu, quæ differit Cl. *Clericus*, pag. 679. & seq. *Hist. Eccl.* Ut igitur in viam redeamus, adferimus, primis quidem Seculis post Christi excessum, dona miraculosa non defuisse in cœtu Christianorum; at eadem simul numero pauciora fuisse, quam vulgo traditur. (\*)

V. Sed veniamus tandem ad *Visiones* ipsas, non sine causa falsi suspectas. Seculo Apostolico, id est primo vixisse dicitur *Hermes*, de cuius libro varia sunt Veterum, & Recentiorum judicia. Ea collegerunt Viri Doctissimi *Cotelerius Patr. Apostol.* Tom. I. pag. 68. & *Pearsonius vindictis Ignatianis* Lib. I. cap. 4. Ut de *Ittigio*, *Basnagio* utroque, aliisque nil dicam. A Clem. *Alexandrino*, *Irenæo*, & *Origene* ineptos libellos magni habitos supra jam diximus. Alii eum non tanti faciunt equidem, at pretium tamen aliquod, ob venerandam antiquitatem ponendum esse libro putant. Rectissime mihi omnium sentire videntur, qui Auctorem libelli *fanaticum* fuisse hominem existimant. *Blondellus* certe *Apologia pro Sententia Hieronymi* pag. 16. 17. *larvatum Prophetam*, *somniatoremque* appellat. Cl. *Mosheimius Institut. Hist. Eccl.*

P p p p 2

pag.

- (\*) Nova de miraculis primorum Seculorum ante aliquot annos excitata est controversia per *Celeberrimum Middletonum Cantabrigiensem* Academiæ Bibliothecarium. Contendit is, post excessum Apostolorum Soteris nostri facta fuisse miracula, neque a promiscua turba Sectarum Soteris nostri facta fuisse miracula. Quod si enim hoc semel inquit V. Doctus concederetur, plena fides adhibenda esset portæntis, quæ Seculo tertio & quarto edita fuisse dicuntur. Jam vero notum esse, pleraque miracula huius temporis tam fabulosis narrationibus esse repleta, ut vir veritatis amans ea admittere non possit. Qui vero communem & receptam opinionem sequuntur, duo potissimum regerunt. Prius est: non sequi, secundo Seculo facta sunt miracula vera a Christianis: Ergo etiam admitti debent portenta III. & IV. Seculi. *Posterior* : cavendum esse inquit ne fides historica tollatur. Auctores enim fide dignissimos illius ætatis clarissimis verbis testellari Seculo Secundo a Christianis veri nominis miracula præstita fuisse. Controversiam ego hic meam non facio, quandoquidem libellos ab utraque parte scriptos, nondum evolvi, sed ex Diariorum Eruditorum Virorum hæc addidici. Quod si tamen conjecturæ locus est, crediderim hanc controversiam eundem exitum habituram quam nacta est disputatio de paucitate vel pluralitate primorum Ecclesiæ christianæ Martyrum. *Eruditissimus Dodwellus* probare aggressus, longe pauciores prima ætate Ecclesiæ exitisse Martyres quam vulgo existimetur; atque hoc fateri debuerunt, qui a communi stant sententiæ, inter quos princeps erat *Ruinartus*; simul tamen etiam fateri fautores *Dodwelli* debuerunt, eum in paucitate Martyrum stabilienda, fines veritatis historiciæ positos, supergressum. Patet ex his controversiis, laudandos potius Viros doctos, qui studio veri inquirendi receptas opiniones cum industria examinant, quam vituperandos, quoniam ex mutuis ejusmodi concertationibus veritati semper nova accenditur lux. Cæterum quod ad postremam controversiam spectat conferenda erudita dissertatio P. Casti *Innocentii Ansaldi, de Martyrio sine Sanguine Mediolani 1744. edita.*

pag. 78. edit. primæ, ita de eo judicat: *Herma Pastor, hominis fanatici Scriptum est, quem sepe numero, quid loqueretur non intellexisse, certus sum: cœlestes sane genii stultius interdum apud eum fabulantur, ac nostri bajuli.* Joh. Clericus ad annum Christi LXIX. Si vera essent (inquit) *quæ de Visionibus narrat sibi ab Angelis oblatis, liber hic esset quasi Propheticus admittendus, quod fecit Irenæus, qui eum Scripturæ nomine honestat: sed si falsa sunt, in eorum numero erit habendus, qui piis fraudibus, uti vocant, plebem ad pietatem adduci posse credidit, quod consilium nemini paulo prudentiori probari potest.* Postremum maxime probabile esse ex iis, quæ adducemus contabit. *Due autem sunt potissimum rationes, quæ me inducunt, ut credam Visiones in libello contentas falsas esse; Prior est, quod Visiones pleræque, quæ Hermæ obtigisse dicuntur, nonnisi res cognitu facilissimas comprehendant; Posterior, quod Visiones ad res falsas confirmandas a Deo ei datas fuisse dicendum esset. Utrumque exemplorum inductione constabit.*

Integer libellus tribus constat partibus. Prima est, quæ inscribitur *Visiones*: Secunda *Mandatum*: Tertia *Similitudines*. Agamus primo de Visionibus. Visione prima narrat *Hermes*, eum qui ipsum enutrivisset, vendidisse Romæ quandam puellam. Post multorum annorum decursum, denuo eam abs se visam, & sororis instar dilectam fuisse; cumque postea eam in flumine Tiberi lavare vidisset, porrexisset ipsi manum, atque in corde suo dixisse, *felix essem si talem uxorem & specie & moribus fortitus essem.* Hoc solum (inquit) nec ultra quicquam cogitavi; post in oratione constituto hæc contigisse sibi narrat. *Orante me apertum est cœlum, & video mulierem, quam concupiveram salutantem me de cœlo & dicentem. Herma ave. Et ego prospiciens illam, dico ei: Domina quid tu hic facis? At illa respondit mihi: Recepta sum hac, ut peccata tua arguam apud Dominum. Domina, inquam, num tu me argues? Non inquit: Sed audi verba, quæ tibi dictura sum. Deus qui in cœlis habitat, & condidit ex nihilo ea quæ sunt, & multiplicavit propter S. Ecclesiam suam irascitur tibi, quoniam peccasti in me. Respondens dico ei; Domina, si in te ego peccavi, ubi aut quo in loco, aut quando tibi turpe verbum locutus sum? Nonne semper te quasi Dominam arbitratus sum, nonne semper te reveritus sum velut sororem? Quid in me comminisceris tam nefanda? Tunc illa arridens mihi ait: In corde tuo ascendit concupiscentia nequitie. Annon videtur tibi viro iusto rem iniquam esse, si ascenderit in corde mala concupiscentia? Peccatum est ei & quidem grande. Iustus enim vir iusta cogitat. Cogitante ergo illo quæ iusta sunt, &*

rede

*recte eo incedente, in cœlis propitium habebit Dominum in omni negotio suo. Qui autem nefanda cogitant in cordibus suis mortem, & captivitatem assumunt, maxime ii, qui seculum hoc diligunt. Ita Hermes. Observentur hic sequentia. 1.) Hermes adserit, se visa uxore nihil aliud dixisse, quam felicem sese futurum fuisse, si ejusmodi uxorem, qualis illa erat, obtinere potuisset. Quod si nihil quam hoc fecerat, non peccavit; habebat, ut ex sequentibus patebit, uxorem loquacem & morosam; Igitur sine crimine ullo dicere potuit, felicioram sese futurum fuisse, si virtutibus ornatam ducere potuisset. Ob hoc ipsum tamen castigatur a muliere cœlo recepta. Aut igitur mentitus est Hermes, quando adseruit, se nihil aliud dixisse, quam quod retuleramus; aut falsum est, divinam propterea illi contigisse Visionem. 2.) Domina illa cœlo recepta, in sequentibus dicitur aliquando fuisse Ecclesia, aliquando Christus. At quomodo quæso quis amore carnali Ecclesiæ exardescere potest? 3.) Ponamus, malam concupiscentiam invalisse bonum hominem, num extraordinaria Revelatione opus est, ad edocendum eum, amorem alienæ uxoris aut sceminae malam esse? Num ignoravit Hermes verba Christi, Matth. V. 27. Num tam stupidus fuit, ut id scire non potuerit, quod Gentiles ipsi sapientiores pulchre cognoverant? 4.) Mox Sect. II. alia adparet mulier, & anus quidem, quæ tristi Hermæ solatium adfert, & inter alia dicit: Forte in corde tuo ascendit illius concupiscentia. Et quidem in servis Dei talis cogitatio peccatum inferens. Non enim debet hæc cogitatio abhorrenda esse in Servo Dei, neque Spiritus probatus concupiscere malum opus: & præcipue Hermes, qui est continens ab omni concupiscentia scelestâ, & est omni simplicitate plenus, & innocentia magna. Ab omni concupiscentia mala liber est Hermes, cur castigatur tandem? imo 5.) quod magis est, illa anus adserit, Deum non irasci ipsi Hermæ, sed domui ejus, id est uxori & liberis. Igitur necesse est, alterutram harum uxorum, Visiones ipsi ingerentium, mentitam fuisse. 6.) Sect. III. refert increpationem illam cœlestem factam, ut immorigeros liberos corripiat. At num Visione opus est ad officium ejusmodi, homini sanæ mentis inculcandum?*

*Visione secunda denuo comparuit anus illa, atque hujus mirabilis Visionis causa hæc una erat, ut sciret Hermes, uxoris loquacitatem & liberorum perditos mores compescendos. Scilicet ad hoc opus est portento. b.) Ibidem, & sæpius per universum libellum docet, pœnitentiæ certum tempus esse præscriptum, ultra quod veniæ locus non*

fit. Sed num Scriptura S. sic ubique loquitur? castigatur ideo a S. *Basnagio* & J. *Clerico*. c.) Inducit anum illam provocantem ad librum Apocryphum fatente *Cotelerio*, & *Commentatore Oxoniensi*. Num igitur non homines saltem, sed & cœlestes animæ spurios a sinceris libris distinguere non possunt? Sect. IV. ait *Hermes* Revelatum est mihi, fratres, dormienti a *Juvene* specioso, & dicente mihi: Anum illam a qua accepisti libellum, quam putas esse? Et ego dixi, *Sybillam*. Erras, inquit, non est. Quæ est ergo Domine? & dixit mihi, Ecclesia Dei est, & dixi ad illum: Quare ergo anus est? Quoniam, inquit, omnium primo creata est, ideo anus est, propter illam mundus factus est. Tria hic notentur. Primum est: *Hermam* existimasse, anum oblatam *Sybillam* esse, quod ostendit, hominem circa medium Seculi secundi floruisse. Intra annos enim 138. & 167. constat esse 8. libros Sybillinos ab *Impostore*, unanimis fere est Doctissimorum Virorum sententia. Videatur *Clericus Hist. Eccl. ad annum 131. Blondellus in opere Gallico de Sibyllis. Prideaux Hist. des Juifs &c. Tom. II. lib. 9. pag. 757. edit. germ. in 4. Secundum*: Putasse bonum *Hermam*, libros Sybillinos divinæ esse originis. Certe nisi hoc existimasset, nunquam sibi persuasisset, *Sybillam* aliquam de coelo secum locutam fuisse. Tertium: Falso adserit Ecclesiam primo conditam fuisse, ubinam hoc in Sacris tandem traditur?

*Pergamus ad tertiam Visionem.* In genere notetur, quod hic & in sequentibus *Hermes*, quærens quæ sit Visionum oblatarum sententia, tanquam garrulus, morosus & pertinax, ab anu illa reprehendatur. At quem in finem tandem fiunt ejusmodi extraordinariæ Revelationes, si non intelligi debent, cur tam acri censura digni sunt, qui explanationes desiderant?

Sect. I. hujus tertiæ Visionis revelatur per Visionem *Hermæ*, constantes Religionis christianæ Confessores atque Martyres insignem gloriam deportaturos, & ad dexteram Dei fessuros, non item cæteros pios. At præterquam quod extraordinaria Revelatione opus non sit, ad probandum, Religionis sanctissimæ Confessores digna pietate sua mercedem accepturos, videtur auctor imbutus fuisse opinionibus tum temporis receptis, de Privilegiis nimirum extraordinariis, quibus fruturi sint Martyres in futuro Seculo: De quo argumento videatur *Dodwelli Dissertatio Cypriamca XII.*

Sect. IV. hujus Visionis ita quærit *Hermes*: Illi juvenes sex qui edificant, qui sunt Domine? Hi sunt Angeli Dei, qui primo constituti sunt, quibus

quibus tradidit Dominus universam creaturam suam, struendi, adificandi & dominandi creature illius. Per hoc enim consummabitur structura turris. Similiter in sequentibus sæpius idem repetitur. At ubi tandem docet Scriptura, moderamen Ecclesiæ concessum esse Angelis? hæc injuria sunt in Deum & Christum. Tacet hic Cotelarius, disertissimus alias, ubi vindicandi ineptum hominem vel levissima occasio est. Idem adseruit Papias similis metalli Scriptor apud Grabium Spicileg. Tom. II. pag. 33. Reliqua quæ de lapidibus dicuntur in hac Sectione, huc redeunt: quosdam studio Religionis esse incensos, & ad profereendam cœlestem doctrinam aptos; alios vero inertia & voluptatibus impediri, quo minus officio suo satisfaciant? sed quid notius est hoc adserto? quid clarius a Jesu Christo, & Apostolis traditum? Num sensu communi destitutus fuit Hermes, ut talia Visionibus illi significarentur?

Seçt. XIII. vis. 3. Dicitur mundus a quatuor elementis contineri. Nimirum ita Angeli ipsi Aristotelis opiniones probant, atque Cartesianos, aliosque falsi convincunt.

Eadem Visione adserit Hermes, instare diem ultimi judicii, quæ multorum illius temporis Christianorum opinio fuit, de quo pluribus videatur Dodwellus Dissert. Cyprian. XII. Num autem credibile, Deum ipsum per Visiones erroneas opiniones confirmaturum? credat Judæus Apella, non ego.

Vis. IV. Seçt. II. & III. Postquam vidisset Hermes in Visione immensæ magnitudinis bestiam, virgo, quam Ecclesiam fuisse Hermes sibi persuader, dixit: Bene effugisti, quoniam solitudinem, & sollicitudinem tuam ad Dominum projecisti, & cor tuum aperuisti ad eum, credens quod per nullum alium poteris salvus esse, nisi per magnum & honorificum nomen ejus. Propter hoc misit Dominus Angelum suum, qui est super bestias, cui nomen est Hegrin, & obturavit os ejus, ne te dilaniaret. Manifestum est, Auctorem hic πλατωνίζεν. Vide Porphyrium περί ἀποχρησ. Lib. II. Seçt. 38. Edit. Holstenii. De voce Hegrin vide Commentarium Cotelarii, & Editorem Oxoniensem. Hinc mirum non est, Hermæ librum placuisse Origeni, ineptis ejusmodi opinionibus ad superstitionem imbuto. In reliquis hujus Visionibus sub schemate portentosarum bestiarum nihil aliud denotatur, quam superventuras piis Religionis Confessoribus graves afflictiones. At hoc sine Visionibus facile potuit cognosci, & futurum dudum Christus prænuntiaverat.

Pergamus ad II. partem libelli, nimirum Mandata, nam & hæc ipsi

ipsi per Visiones extraordinarias obtigisse adferuntur. In præmio ait, sibi occurrisse Angelum pœnitentiæ.

*Mandatum primum* agit de fide in Deum. Simplicitate sua sese commendat hoc præceptum, verum est; at tale tamen est, ut visione opus non sit, ad id cognoscendum & admittendum. Sonat autem ita: *Primum omnium, credere quod unus est Deus, qui omnia creavit & consummavit, & ex nihilo omnia fecit. Ipse capax universorum, solus immensus est. Qui nec verbo definiri, nec mente concipi potest. Crede igitur in eum, & time eum: & timens babe abstinentiam. Hæc custodi & abjice abs te omnem nequitiam, & indue virtutem justitiæ, & vives Deo, si custodieris mandatum hoc.*

Mandato II. & III. docet, fugiendas esse obrectationes & mendacia. Scilicet ad hoc admittendum Visione opus est! mirum autem est, *Hermam* illum hoc ipso loco fateri, se per omnem vitam mentitum fuisse. Quomodo enim, quæso, hæc possunt conciliari cum simplicitate, pietate, & sinceritate ipsi per cœlestem Visionem supra adscripta? Quis nobis persuadebit, hominem mendaciis adsuætum Visiones fingere non potuisse?

Mandato IV. ait: *Virum, cujus uxor in adulterio deprehensa est, posse eam & debere a se depellere, at & ipsum mechari, si aliam priore vivente ducat.* Sed quo argumento tandem hoc probabit *Hermes*? Cum per ejusmodi fornicationem ipsius pacti conjugalis essentia sit violata, atque innocens pars nihil ad violandum hoc pactum contulerit, cur non liceret novum pactum cum alia inire? lege cap. IV. Doctissimi *Barbeyracii de la morale des Peres*, ubi pluribus ineptas *Patrum* de hoc argumento impugnat ratiunculas. *Cotelerius* equidem in notis ad h. l. ait, hanc, nimirum *Hermæ* sententiam, vere esse orthodoxam, id est, ut ipse explicat, cum decretis *Synodi Tridentine* convenientem. Scilicet Angeli in cœlo sanctissimæ *Synodi* decreta multis Seculis ante per Visiones comprobare studuerunt. Novimus varias fuisse Imperatorum, & Doctorem Ecclesiasticorum hoc de argumento opiniones, & decreta, quæ apud *Bæthmerum, Thomajum, & Binghamum* legi possunt. At latius patent *Juris Naturæ, Christi & Apostolorum* decreta, & præcepta, quam *Patrum* sententiæ, nullis firmis argumentis superstructæ. Vide quæ de hoc argumento disserit citatus *Barbeyracius ad Puffendorffium J. N. & Gent. Lib. VI. cap. I. edit. 1734.* Visio igitur illa Deum Auctorem denuo habere non potest.

Eadem



Eadem Vis. IV. vel mandato IV. Angelus ille perpetuus comes datus *nostro Mirabiliario*, ait, se non solum esse Præpositum pœnitentiæ, sed & omnibus pœnitentibus sensum dare. At num hæc non adversa fronte pugnant cum universa S. Scripturæ doctrina? Idem tamen de-nuo inculcatur mandato V. pag. 92.

Mandato VI. pag. 93. Unicuique homini bonum, & malum An-gelum datum esse adserit. Quæ inepta opinio neque rectæ rationis legibus, neque testimoniis S. Literarum probari potest. Imo hæc ad-ferrio cum virtutibus divinis manifeste pugnat. Agnovit hoc ipse *Me-nander Comicus*, cujus hi sunt versus ex incerta comœdia.

Ἄπαντι δαίμων ἄνδρι συμπάρισται  
 Ἐυθὺς γενομένου μυσάγωγος τε βίῃ  
 Ἀγαθός, κακὸν γὰρ δαίμον' ἄνομισεν  
 Ἕναι, τὸν βίον βλαπτόντα χρῆσον. πάντα γὰρ  
 Δει ἀγαθὸν εἶναι τὸν θεόν.

Hoc est, interprete Grotio :

*Hominem unumquemque, simul est editus,  
 Seclatur Genius, vitæ qui auspiciū facit  
 Bonæ nimirum; credit enim malum nefas  
 Bonæ inesse fore vitæ: nam qui sit Deus  
 Bonus idem sit necesse est.*

Cotelerius, postquam multorum Patrum, imo Judæorum etiam, & Mahumedanorum consentientium testimonia adduxisset, fatetur tandem, quod mirum, S. Literas de his silere, imo & multos Patrum in contraria ire. At manifestum est, opinionem hanc ex Philosophia Pythagorico Platonica esse petitam, quod confirmat Doctissimus meus *Bruckerus Hist. Philosoph. Tom. IV. part. II. pag. 1030.*

Mandato VIII. graviter docet Angelus, mala esse vitanda, bona vero facienda. Nimirum angelico ingenio opus est, ad talia cognoscenda.

Mandato XII. ait *Hermes* ad Angelum; *Scio quod confringes om-nem virtutem Diaboli.* Hæccine autem cum Decretis Religionis Chri-stianæ conveniunt? sed mitto ineptias plures: Indignæ enim sunt, quæ pluribus excutiantur. Ex dictis facile constat, Auctorem libelli vel *impostorem*, vel *fanaticum*, vel *utrumque* fuisse, adeoque Visiones illas nullius profusus esse auctoritatis. Alios errores in homine illo ca-

Qqqq

stigmat

stigmat *Basnage Annal. Tom. II. pag. 113. seqq.* quem Lector eruditus adeat, si, quæ ex hoc libello excerptimus, non sufficiunt, ad explorandas ineptas Visiones.

VI. Sed pergamus ad Visiones, quæ Christianis quibusdam *Seculo secundo* contigisse dicuntur. Cum autem plurimi ex iis, quibus Visiones ejusmodi obtigisse dicuntur, fuerint Martyres, qui sanguinem pro veritate Religionis christianæ profuderunt, multique sibi persuadeant, nihil humani ejusmodi homines pati posse, ne audaciores esse videamur, pauca quædam de Martyrum Actis Martyribusque præmonenda esse putamus. Et 1.) quidem fatente ipso *Ruinarto præf. general. in Acta Martyrum sincera*, Sect. VII. seqq. primus, qui Acta Martyrum antiquorum inter veteres Ecclesiæ Doctores collegerat, fuit *Eusebius Cæsariæ Palestinæ Episcopus, Sec. IV. Scriptor*. At liber ejus quem *ἀρχαίων Μαρτυρῶν συναγωγή* appellaverat, quique antiquissima Acta complexus esse dicebatur, injuria temporum periit. (\*) 2.) Cum superstitio seculo quarto invaluerit, incertum est, utrum multa antiquis Actis temere adjecta non fuerint. 3.) Exemplis infra adducendis constabit, antiquissimis Martyrum Actis quædam fuisse adjecta. 4.) *Eusebium* in colligendis Martyrum Actis excepit *Ceraunius* Episcopus Parisiensis, Seculi VII. Scriptor. At quis nescit, quæ facies Ecclesiæ fuerit hoc Seculo? De *Metaphrasæ Symeone*, qui Sanctorum Acta undique conquisita in unum collegerat, ipsemet testatur *Ruinartus pag. 11. præfat.* quod eorum nonnulla variis interpolaverit additamentis, novaque aliquot, cum vetera deficerent, proprio Marte cuderit. De recentioribus ejusmodi Actorum collectoribus nil dicam. 5.) Ipsa etiam antiquissimorum Martyrum acta consignata sunt a privatis, de quorum fide & ingenii indole satis persuasi esse non possumus. 6.) Cum ipsi Martyres circumstantias passionis, & mortis consignare, & qui præsentibus erant Spectatores, propter persecutionis æstum singula oculis usurpare non potuerint, fieri aliter non potuit, quam ut traditionibus variis, hinc inde collectis, ipsa narratio parum constans & incerta fuerit reddita. Ne sine causa autem hæc dixisse videar, provocabo ad ipsum *Ruinartum*, qui quantum potuit, studio & diligentia in

(\*) *Josephus Simon Assemanus*, Maronita, & Pontifici a Bibliotheca, inter alia Manuscripta in Oriente collecta, & Bibliothecæ Vaticanæ illata, etiam hæc *Eusebii Acta Martyrum* refert. Cum autem hoc Mîscum Syriaco idiomate exaratum esse perhibeat, neque hæcenus in publicam lucem sit protractum, dici non potest, utrum hoc ipsum sit, ad quod *Eusebius* in suis Scriptis provocat.

in id enisus est, ut *Acta Martyrum* quammaxime *sincera* nobis exhiberet. Hic autem *pref. general.* pag. 9. sequentem in modum differit.

„Cæterum pace Ecclesiæ restituta, cum sub Christianis Imperatoribus  
 „tuto liceret Martyrum festivitates agere, singulæ fere Ecclesiæ, quæ-  
 „cunque de suorum Martyrum gestis supererant, studiose college-  
 „runt, ut in publicis conventibus legerentur. Hæc autem ACTA  
 „erant, ut jam diximus, vel ex Actis publicis excerpta, vel a non-  
 „nullis Christianis, qui Martyrum quæstionibus præsentibus interfuerant,  
 „concinna: aut si forte neutro modo haberi potuissent; si ex pù-  
 „blica fama notum esset, aut certe ex antiquioribus viris, qui persecu-  
 „tionum tempore vixerant, hæc omnia in unum colligebantur, unde  
 „aliqua saltem Martyrum gesta innotescerent. At cum paulo post  
 „omnes fere Romani Imperii Provinciæ a Barbaris devastatæ & occu-  
 „patæ fuissent, ex iis etiam Actis perierunt, quibus alia postmodum  
 „substituta fuere, sed quæ ad istorum auctoritatem non pertingunt,  
 „nedum ad priorum sinceritatem. Ea autem sunt, quæ passim in Co-  
 „dicibus MSS. & editis occurrunt, quæ tametsi primogeniorum Acto-  
 „rum puritatem non assequantur, multisque ut plurimum circa per-  
 „sonas & tempora sateant mendis, non tamen omnino rejicienda  
 „crediderim. Iis accensenda sunt Acta in summa quidem sincera, sed  
 „quæ ab hominibus imperitiis temere violata sunt, adjunctis ad priora  
 „Acta miraculis, aut Martyrum cum Tyrannis concertationibus, qui-  
 „bus ut sibi videbantur, Martyrum suorum fortitudinem magis cele-  
 „brarent: quamvis exinde apud Viros doctos auctoritate sua ejusmo-  
 „di monumenta exciderint, etsi passim in iis aliquot prioris sinceri-  
 „tatis veluti scintillæ elucere conspiciantur. Cavendum tamen, ne in  
 „hac Classe computentur Acta illa utique sincera, quibus initio præ-  
 „fixa est præfatiuncula brevis, aut in fine clausula, in qua Martyrii  
 „consummatio exponitur. Cum enim ut plurimum Acta publica  
 „lata sententia statim definerent, nec in ipsis Martyrum mors (nisi  
 „forte in ipsa quæstione præ tormentorum acerbitate obiiissent) refer-  
 „retur: id postea suppleverunt Christiani, vel ipso persecutionis tem-  
 „pore, aut saltem cum primum in unum ejusmodi monumenta col-  
 „lecta fuerunt. Sed hinc nullatenus Actorum ipsorum auctoritas mi-  
 „nuitur. Et pag. 12. Verum Martyrum Acta, quæ ex tot collectio-  
 „nibus, & variis editionibus illustrari debuerant, eo minus sincera  
 „prodierunt, quo sapius descripta, aut typis excusa fuere. Alii enim  
 „ex his Collectores ea variis additamentis interpolant; alii refe-

„cuerunt nonnulla, quæ sibi in Actis illis displicebant; aut etiam, ut  
 „scriptio politior videretur, antiquum & sincerum stylum, quo certe  
 „in sacra antiquitate vix aliquid sanctius haberi debet, immutare aufi  
 „sunt. Qui vero ea vetera monumenta, prout in antiquis codicibus  
 „habentur, exhibere aggressi sunt, cum omnium omnino sive Marty-  
 „rum sive Confessorum gesta, tam dubia aut falsa, quam sincera simul,  
 „in unum colligere proposuerint, rem eo promovere coguntur, ut  
 „pluribus & quidem ingentibus voluminibus opus sit, ut pauca Acta  
 „habeantur, & quidem ita dubiis & falsis intermixta, ut sine magno  
 „labore a Viris etiam perspicacioribus discerni non valeant. Hæte-  
 „nus Doctissimus *Ruinartus*. Multa de hac oratione monere possem,  
 si quidem id jam agerem, ut qua ratione Acta Martyrum sincera, ab  
 interpolatis discerni possint, disquirerem. At hoc unum, quod caput  
 causæ est, monebo, nimirum magna cura id agit *Ruinartus*, ut doceat,  
 fidem non esse detrahendam sinceris Martyrum Actis, propter multas  
 fabulosas & fictas narrationes, & portenta a Scriptoribus quibusdam  
 impudentibus, veri nominis Actis adfuta. At si male feriatos homi-  
 nes non puduit, excogitare miracula ad res gestas exaggerandas, un-  
 de tandem certi erimus, nil orationi admixtum fuisse, quam quod ab  
 ipsis Martyribus dictum, aut factum fuerit? Infra exemplorum spe-  
 cialium inductione patebit, quam graves sæpe sint de sinceritate anti-  
 quissimorum Actorum dubitandi rationes. Conferantur interim, quæ  
 de hoc argumento monuerunt Viri Doctissimi *Joh. Clericus Bibl. Select.*  
*Tom. 26. pag. 181. & seqq.* & *Jacobus Basnage Histoire de l'Eglise, Tom.*  
*II. pag. 1068. seqq.*

Quod ad Martyres ipsos spectat, sciendum 1.) eos homines fuisse,  
 infirmitatibus, ut cæteros mortales obnoxios. 2.) Potuerunt igitur  
 pii esse, & tamen circa multas propositiones theoreticas ad Religionem  
 spectantes errare. Neque enim pietas quemquam facit infallibilem in  
 judicando. 3.) Is proprie Martyr dicendus est, qui necessitate cogen-  
 te, libere, & constanter Religionis christianæ divinam originem tuetur,  
 eamque, cum aliter conscientia suæ consulere non potest, sanguine  
 suo confirmat. 4.) Certum est, multos inter Christianos, ubi necesse  
 non erat, atque evitandi periculi occasio erat, ad deportandam Mar-  
 tyrii gloriam provolasse, vel pœnas etiam gravissimas ultro in se pro-  
 vocasse. Vide quid de postremo collegerit Illustris *Pearsonius vindic.*  
*Ignat. part. II. cap. X. §.)* Quod aliis piis contigit, ut nempe bonum  
 piique mentis adfectum cum extraordinariis operationibus Dei con-  
 fuderint,

fuderint, idem etiam Martyribus evenire potuit. Sape quæ noctu anxia mente secum agitarunt, aut vehementi quodam mentis impetu desiderarunt, sibi revera, somno excitati, non sine miraculo evenisse existimare potuerunt, quo ipso tamen non negatur, vel Deum singulari favore illis adfuisse, vel aliquando etiam per Visiones animos eorum contra metum mortis obfirmasse. 6.) Cum autem Martyrologiorum Collectores fatente *Ruinarto* ipso, Actis Martyrum multa temere adjecerint portenta & extraordinaria dicta factaque, dubium semper est, utrum hæc vel illa Visio vere Martyri obtigerit nec ne. 7.) Insuper contendo, eos, qui putant Deum in gratiam antiquissimorum Martyrum miracula semper fecisse, excellentiæ & efficaciz Religionis christianæ gratiæque divinæ detrahare potius, quam vero adjuicere. Certe omnes, qui pro veritate & divinitate Religionis christianæ verba fecerunt, inter alia & hoc & quidem rectissime adferunt, quod illa primis post Christi & Apostolorum excessum Seculis, tantum ponderis in animos Christianorum habuerit, ut non solum iis etiam rebus, quas mortales primas esse putant, lubentes valedixerint, sed & constanti animo tormenta atque mortem ipsam exceperint; quod si vero ad hæc toleranda continuis miraculis opus fuit, multum decedit virtuti tantæ, tamque saluberrimæ persuasionis. 8.) Quidquid autem de hoc sit, fas est, & licet, Martyrum dicta factaque ad æternas rationis & Revelationis regulas expendere; ab his ubi non recedimus, errori & periculo non est locus. 9.) Quemadmodum autem errori alicui leviori, aut infirmitati semper ignoscendum est; ita etiam pietas & reliquæ virtutes Martyrum sunt laudandæ, & imitandæ; ubi tamen semper ad rem ipsam potius, ob quam durissima quæque perpessi sunt, respiciendum, quam ad adfectum ipsum, seu desiderium patiendi, quod aliquando non satis Christi præceptis, & Decretis rationis de sui conservatione, attemperatum fuerat, ut Acta Martyrum testantur, nosque infra uno vel altero specimine ostendemus. Hæc de Actis Martyrum, Martyribusque monere volumus propterea, quod in sequentibus, ubi de Visionibus eorum sermo erit, hæc observasse utile erit.

VII. Inter Acta Martyrum antiquissima, & attentione dignissima referenda sunt, Acta Martyrii *Ignatii & Polycarpi*. Secundum *Ruinartum* passus est *Ignatius* An. 107. Triplex est Actorum Martyrii *Ignatii* apud *Cotelerium* editio. Prima græco-latina a *Ruinarto* edita; secunda *Metaphraste*, tertia denique antiqua versio latina, ab *Usserio* primum in lucem protracta. Stabimus quidem nos editione *Ruinarti*

græco-latina. De sinceritate ipsorum Actorum dubitant vehementer J. *Basnage Hist. de l'Eglise Tom. I. pag. 101. & S. Basnage Annal. Polit. Eccles. Tom. II. pag. 17*, interpolata fatetur *Grabius Spicileg. Tom. II. pag. 22.* cujus verba mox adducemus. Rationes horum Virorum doctorum ita sunt comparatæ, ut iis per omnia satisfieri non possit. Quod ipsum certe non parum ponderis habet, ad nos excusandos, quando de veritate Visionum, quæ Ignatii comitibus contigisse dicuntur, dubitari posse adferimus. Sed videamus, quid de Visione Ignatii comitibus concessa sentiendum sit. Sect. VII. Act. Edit. *Ruinarti*, ita loquuntur ex versione hi Comites: *Contigerunt vero hæc ad diem XIII. Calendas Januarias, hoc est Decembris vigesima, Consulibus Sura & Senecione II. Horum cum fuissetis testes oculati, domi in lacrymâs noctem exegimus, & cum genibus flexis, & oratione multis precati essemus Dominum, ut nos infirmos certiores redderet, de iis, quæ primis acta fuerant, ac paulum obdormissemus; alii quidem statim adstantem & complectentem nos vidimus; alii rursus adprecantem nobis conspeximus Beatum Ignatium; alii vero sudore stillantem, quasi a multo labore advenientem atque adstantem Domino cum multa proinde letitia. Cum hæc vidissemus, & somniorum visa conferremus, Virum Beatum prædicavimus, vobis & diem & tempus significavimus, ut tempore ejus Martyrii convenienter, communionem nostram testificemur, cum Athleta & generoso Martyre Christi, qui conculcavit Diabolum &c.* Ad hæc sequentia observentur 1.) Narratio hæc, notante *Usserio*, a *Philone*, & *Agathopode*, Ignatii e Syria comitibus facta: 2.) Probabile minime est, hanc Visionem in horum Comitum gratiam factam esse. Num enim voluerunt persuaderi de veritate rei, id est, vere passum esse Ignatium? ineptum hoc fuisset, cum fuerint testes *αὐτοπται*. An dubitabant forte de pietate Ignatii & felicitate in futura vita obtinenda? at initio Orationis, seu narrationis, in cælum eum ob pietatem sustulerant laudibus. Forte hac Visione experiri voluerunt, num Deus singularem ardorem Martyrii adprobaverit, nec ne? quæ est conjectura J. *Clerici* ad h. locum. At si eo animo orationi vacassent Comites illi, credibile plane non est, Deum desiderio eorum per miraculum satisfacturum. Confirmasset enim ita rem, qua facile multi abuti potuissent. De pietate equidem Ignatii non dubitamus. At ex his Actis Martyrii, & epistolis, ea præsertim, quam ad Romanos scripserat, satis superque patet, bonum virum nimio amore Martyrii abreptum fuisse: hinc tantopere laborat, ne amici Romani se citis passibus ad gloriam Martyrii grassantem impedi-

pedirent, aut aliquid facerent, quod flagrantissimo desiderio obesse posset. At Deus non solet miracula facere, ad ea, quæ affectus non satis ad rationem, & præcepta Religionis christianæ attemperatus suadere solet. Displicent, scio, ejusmodi libera judicia Patrum admiratoribus, non item iis, qui ad æternas veritatis leges cuncta mortalium dicta & facta examinare solent. Cl. *Weismannus Hist. Eccl. Tom. I. pag. 116.* postquam *Basnagii* sententiam de Martyrio *Ignatii*, cum mea prorsus conspirantem adduxisset, in hæc verba erumpit: *Ubi queso sumus, dum ea culpamus, quæ laudanda essent singularissime? ignarus antiquitatis sit oportet, rectissime ait Dupinius, qui negaverit, primos Martyrii zelo incensos fuisse Christianos & pessimus est Theologus, qui illum vituperet, ita Cl. Weismannus.* At exemplorum loco desiderassem rationes: nil agit exemplum quod litem lite resolvit. *Cotelerius* in notis ad *Epistolam Ignatii ad Romanos*, & post eum *Ruinartus* singulare illud desiderium *Ignatii* excusaturi, ad exempla aliorum Martyrum provocant. At num hoc est ratiocinari aut probare? Omnia huc redeunt 1.) Deus homini conservandi sui studium insevit. 2.) Deus igitur vult, ut vitam omni ratione conservare studeamus, omniaque faciamus, quæ ad illam in tuto collocandam facere possunt. 3.) Leges naturæ, cum præceptis Religionis christianæ non pugnant. 4.) Christus ipse discipulis injunxerat, ne temere vitam suam periculis exponant, & si quando injuste ad necem postularentur, ut ex una in alteram urbem, si possent, fugiant, *Matth. X. 5.)* Martyrium ipsum per se, neque etiam desiderium per se, Deo placere potest, quoniam quis pro errore turpissimo mortem obire potest, quod *Marcionitarum*, aliorumque exemplo constat; neque actionem etiam ullam, nisi quæ fiat ad normam rationis, & præceptorum Evangelii Deus adprobare potest. 6.) Solus ergo ille *Martyr* laudandus, qui de veritate Religionis christianæ persuasus est, atque in eas est conjectus circumstantias, ut alia ratione Deo & conscientiæ satisfacere non possit, quam constanti & libera veritatis confessione, cum exquisitis tormentis licet, & vitæ jactura conjuncta. 7.) Contra, qui insidias ubi posset non effugit; qui pericula sine necessitate in caput suum devocat; qui mortem oppetere nulla urgente necessitate desiderat; qui auxilia aliorum aspernatur, is, licet vir alias bonus sit & pius, laudandus tamen, licet sanguinem profundat, non est, quamvis credibile sit, Deum imbecillitatem illam bonas in partes esse interpretaturum. Quod si Acta hæc Martyrii, & Epistolam præcipue *Ignatii ad Romanos* diligenter & attente legamus, satis

fatis perspicue constare videtur, *Ignatium* tum temporis vitam confer-  
 vare, atque adeo porro Ecclesiæ Antiochenæ prodesse potuisse. Si  
 vero in eo decipimur, atque nulla elabendi ratio erat, nemo non con-  
 stantiam Beati Viri laudabit. Quod si hoc erat, certe causam non  
 video, cur Comites illi miraculum a Deo expetere debuerint. Neque  
 igitur causa erat, cur Cl. *Weismannus* existimaret, Doctissimum *Bas-  
 nage* minus decenter de Martyrio ipsius locutum. At ne quis existi-  
 met, me sine ratione causam Cl. *Basnage* perorare, ipsa verba ejus ad-  
 ducam : nimirum in eo est Doctissimus Vir, ut probet, epistolam  
*Ignatii ad Romanos* jure suspectam esse : inter alias rationes, quas at-  
 tulit ad hoc probandum, etiam una est, quæ ex ipsius Epistolæ argu-  
 mento petitur. „ Je n'examine (inquit *Tom. I. Hist. de l'Eglise pag. 121.*)  
 „ point l'interrogatoire d'Ignace, dans lequel il fait à l'Empereur une  
 „ equivoque sur son nom de *Porte - Dieu*, concluant de là qu'il ne peut  
 „ avoir le Demon : Mais comment Ignace, condamné par la bouche  
 „ de l'Empereur, pouvoit-il croire, qu'il étoit facile de le garantir  
 „ de la mort, & prier les Romains, de ne le pas faire ? cela paroît  
 „ choquer le bon sens & la Religion ; Car ni le Peuple, ni les Magi-  
 „ strats de Rome ne pouvoient sauver la vie, à un homme condamné  
 „ par le Prince, & envoyé de si loin par son ordre, pour être déchiré  
 „ par les bêtes. Il étoit encore plus impossible à des Chrétiens, dans  
 „ le fort de la persécution, d'empêcher l'exécution de la Sentence Im-  
 „ periale. La Religion en est choquée : Car quelque ardeur qu'on  
 „ ait pour le Martyre, il faut attendre ce que la Providence ordonne,  
 „ sans s'opposer aux moyens, qu'elle a de nous garantir du supplice.  
 „ Cependant non-seulement Ignace veut mourir, & previent de loin  
 „ les Romains, de peur qu'ils ne s'oposent à son supplice ; mais il les  
 „ prie de flatter les bêtes, afin qu'elles le déchirent. C'est une nouvelle  
 „ maniere d'exciter la cruauté des Tigres, & des Lions, que de les  
 „ flater ; du moins ce n'est pas là l'Esprit du Christianisme, & feroient  
 „ une tache à la vie de S. Ignace, s'ils étoient véritables. „ Hactenus  
*Basnage*. Addam huic (quoniam auctoritas & testimonia quorundam  
 ingeniis magis attemperata sunt, quam rationes) judicium Viri Doctis-  
 simi, quique, quid leges naturæ, & præcepta Religionis à Christo  
 traditæ postulent, accurate expendit. Is est Cl. *Barbeyracius* *Traité de  
 la Morale des Peres*, cap. VIII. pag. 125. ita de hoc Martyrio *Ignatii*  
 loquens. „ A l'égard de St. Ignace, dont le Pere *Ceillier* allegue en-  
 „ core l'exemple, on ne sauroit nier, qu'il ne souhaitait le Martyre  
 avec



avec une ardeur extrême : & tout ce qu'on peut dire, pour l'excuser, c'est qu'il étoit déjà pris, desorte qu'il n'y avoit pas d'apparence, qu'il pût éviter la mort. Mais après tout, si les Apôtres eux-mêmes n'ont pas été exemts d'erreurs & de foiblesses, faut-il s'étonner, que leurs Disciples les plus zelés en ayent été susceptibles ? Les regles invariables de l'Evangile, & de la raison ne changent point pour cela : & les Exemples ne sont à imiter, qu'autant, qu'ils y sont conformes. Dieu a pu, en considération des dispositions pieuses & sinceres de quelques Martyrs, comme celui-ci, avoir leur zele pour agréable, quoique mêlé d'imperfection. Laitons le zele en lui-même, & contentons nous d'excuser ce qui a eu besoin d'indulgence. Il n'y a pas moyen de regarder autrement ces instances vehementes, que faisoit Ignace aux Romains, de ne pas travailler, quand il les en prioit lui-même, à le garantir du supplice, comme si par-là ils lui envoyoient la Couronne du Martyre : Ces exhortations à flatter les Bêtes feroces, afin qu'elles le devorassent entièrement ; ce dessein, où il temoigne être, de les irriter lui-même, de peur qu'elles ne le respectassent, comme il étoit arrivé à quelques Confesseurs, &c. Ita Barbeyracius, cujus integrum cap. VIII. legi meretur. Idem Cl. Weismannus impugnât S. Basnage Jacobi ad finem, quod Tom. II. pag. 17. Annal. Eccles. Visionem Comitibus Ignatii factam, vel eo nomine in dubium vocet, quoniam temporibus Ignatii Martyrum animæ e cœlo in terras non migrarent, ad solatia mercentibus præbenda. Quasi vero (inquit Cl. Weismannus) absurdum esset, Beatos vel per speciem suam, vel in persona propria apparere, in hoc mundo visibiles, si Deo ita visum fuerit. At miracula non sine necessitate sunt multiplicanda. Hic autem nulla plane est necessitas. Si Christiani fuerunt illi Comites, ut fuerant, in Decretis Religionis christianæ satis præsidii contra dolorem reperire poterant. Secundo, potuit sine miraculo imago dilectissimi hominis formiantibus observari. Tercio, si, quidquid Deus potest facere, statim ipso opere factum esse dicendum est, omnibus fere Legendis fides est habenda. Certe, narratio hæc cum Legendis, quæ sequiore ætate, de apparitionibus animarum cœlo receptarum narratæ sunt, ex æsse convenit. Sed non opus est, ut multum huic argumento inhaereamus. Alia insuper sunt in narratione hac voluæ indicia. Velim ergo Quarto notari, narrationem Comitum illorum cum Chronologia conciliari nulla ratione posse, quod Viri Doctissimi Clericum, Pagi, Loydin, Basnage, & Norisius probarunt.

barunt. Atque hæc præter alia effecerant, ut *Grabius*, maximus Patrum admirator, totam illam Comitum narrationem, ab aliena manu temere Actis Martyrii adfutam fuisse existimet. „Atque hæc (inquit „*Spicilegii Tom. II. pag. 22.*) sunt *Acta*, sive potius *Passio* S. Martyris Ignatii, ex duplici codice latina edita. Primum ab *Usserio*, qui in Præfatione postremam saltem partem a *Philone*, *Gajo* & *Agathopode* ex Syria Romam usque beatum Martyrem secutis, conscriptam esse ex sequentibus collegit formulis: *Nos quidem nolentes abducimur, gementes de ea, quæ a nobis futura separatione, obviamus fratribus timore & gaudio repletis. Horum ipsimet conspectores effecti* &c. Ego contra priora quidem, quæ in utroque codice latino exarata sunt, genuina & antiquissima, sed postremam Ignatii partem spuriam, & ab interpolatore quodam assutam esse arbitror; partim quia in altero eorum codice scilicet *Cottoniano* deest, partim quia *δωδεκά* atque falsa continet. Sane aperte sibi invicem repugnare videntur ista verba S. V. quæ in latino Textu *Usserii* ita sonant: *Horum ipsimet conspectores effecti cum lachrymis, & domi per totam noctem vigilantes, & multum cum genuflexione & oratione deprecantes Dominum certificare infirmos nos de prius factis.* Si enim hæc facta ipsimet Spectatores oculis usurpaverant, quid opus erat ulteriorem de iis certitudinem a Deo postulare? Falsum autem, quod ista facta dicantur *Præsidentibus apud Romanos Syria & Senecio secundo*, id est An. 107. *Ætæ* vulgaris Christianæ, ut ex notis *Usserii* discere est: hoc inquam falsum esse apparet. Nam ex ipsis Actis constat, Ignatium a Trajano Imperatore damnatum esse, quando is expeditione adversus Parthos suscepta, Antiochiam venit. At vero bellum Parthicum An. Christi 112. demum cæpisse egregie probarunt, duo insignes rerum Chronologicarum Magistri, *Henricus Norisius* in Epistola consulari pag. 72. & *A. Pagi* in Critica Historico-Chronologica in Annales Baronii ad A. Christi 105. His accedit tertius, Chronologorum hujus temporis Princeps, qui primo loco a me nominandus erat, Reverendus admodum *Guilielmus Lloydius*, nunc Episcopus Wignoriensis; jam alii quidem paulo citius, alii serius id contigisse existimant, in eo tamen omnes fere conveniunt id post A. Ch. 112. accidisse. Ita *Grabius*, „*Quinto. Metaphrastes*, ubi de hoc argumento loquitur, illud λεγεται duntaxat usurpat, quod eo magis mirum est, quod notum sit, hominem hunc miraculorum numerum augere potius, quam minuere solere. Idem, hanc Visionem non in gratiam Comitum, sed amicorum

Romæ degentium factam esse scribit. Atque hæc sufficere possunt, ad probandum, Visionibus illis in Actis hisce narratis fidem non esse temere adhibendam.

Sunt Viri docti, qui ipsi etiam Ignatio Visiones contigisse contendunt. Ego quidem id fieri potuisse nullatenus nego. Hoc unum dubito, utrum loca, quæ ad id probandum adducuntur, satis perspicue hoc significant. Cl. Kettner Dissert. supra citata provocat ad Epistolam Ignatii ad Trallianos datam, in qua Sect. V. pag. 23. Edit. Clerici ita loquitur B. Martyr: *Numquid non possum cœlestia vobis scribere. At ne parvulis vobis damnum inferam metuo, ac mihi ignoscite: ne ista capere non valentes strangulemini. Etenim ego non propterea quod vinctus sum, & cœlestia intelligere possum, & situs Angelorum & cœtus constitutionesque principatuum, visibilia & invisibilia, propter hoc jam & discipulus sum: multa enim nobis desunt, ne a Deo absumus.* Ex capite undecimo Vindiciarum Ignatianarum, ab illustri Pearsonio conscriptarum patet, Dallæum hanc ipsam partem Orationis Ignatii impugnavisse, atque existimasse, Ignatium modestiæ limites supergressum, dum ea sibi tribuat, quæ nulli mortalium concessa sint. Adferamus ipsa Pearsonii verba.

„Prima modestiæ (secundum Dallæum nempe) violatio, quod super-  
 „cœlestium scientiam sibi vindicat. Quasi vero Christiano Viro & qui-  
 „dem Episcopo, & ab Apostolis edocto nulla supercœlestium scientia  
 „competeret. An τα ὑπερανία toties ab Apostolo memorantur, ut  
 „de illis nihil scire, nil scribere possent Christiani? mira hæc mihi vi-  
 „dentur: & tamen ob hanc unam sententiam a modestia hic Scriptor  
 „duplici nomine discedit. Primo sibi ea tribuit, quæ nemini homini mor-  
 „tali concessa sunt. Nego, pernego. Dicit se πολλά φρονεῖν ἐν Θεῷ,  
 „multa sapere in Deo: an hoc nulli mortalium concessum est? an po-  
 „tius ab omnibus Christianis requisitum non est? ad sapientiam in  
 „Deo, & quidem multam, omnes vocantur: Ille præsertim, quem  
 „S. Chrysostomus ἀντιρρηκὸν πέτρῃ διδασκαλὸν appellare non veretur.  
 „Dicit se ea scribere posse, quæ Trallenses non caperent. An hoc  
 „nulli mortalium concessum est? Nondum tanta nobis tunc tempo-  
 „ris Trallensium scientia fuisse adparet. Cum autem Smyrναος super-  
 „cœlestium & visibilium, invisibiliumque mentionem fecisset, statim  
 „addit: *Qui capit, capiat.* Postremo hæc ὑπερανία clarius definit,  
 „dum se τὰς τοποθεσίας τὰς ἀγγελικὰς καὶ τὰς οὐρανοὺς τὰς ἀρχοντικὰς  
 „intelligere posse dicit. Nec tamen patet, hæc ejusmodi esse, quæ  
 „nulli mortales sciant. Nos forte non recte intelligimus, quid Epi-

„Stolæ Scriptor per ista verba voluerit, & eum illa non intellexisse, „quæ his verbis significare voluit, &c.,” Ita Illustris *Pearsonius*. At ex iis, quæ attulit *Eruditissimus Vir* satis constat, ipsum sese in omnes versare partes, atque omni nisu id agere, ut *Ignatii* Epistolis suum constet decus. Primo, scientiam των ἐπικρατιων omnibus Christianis competere ait; mox tamen nos nescire ait, quid *Ignatius* his verbis sibi voluerit: at si hoc est, cur dicendi sunt scire omnes Christiani, id, quod ne nos quidem intelligimus? Certe persuasus sum, *Ignatium* interrogatum, quid per τοποθεσίας, & συστάσεις ἀρχοντικας intelligeret, vix ac ne vix quidem respondere potuisse. 2.) Rursus idem *Pearsonius* ad *Chrysostomum* provocat, probaturus, *Ignatium* ab Apostolis ἡγετα & ἀποπληρητα didicisse. Mox tamen adductis verbis *Chrysostomi* ait: In excerptis *Clementis* ἐν τῇ ἀνατολικῇ διδασκαλίᾳ ex orientali doctrina, quæ sane *Ignatio* incognita esse non potuit, nonnulla de Angelorum variorum officiis & dignitatibus referuntur. Si hoc concedamus *Illustri Viro*, sequitur eum neque per Visionem, neque per Apostolicam institutionem, quæ de his narrat, sed ex ineptis illius ætatis opinionibus hausisse. Et certe hæc ultima *Viri* *Eruditissimi* conjectura, vero quammaxime consentanea est. Notum enim est, *Pythagoricos*, *Platonicos*, & *Hæreticos* Apostolicis ævi multa de Ordinis & Officii Angelorum & Dæmonum temere garrivisse, adeo ut *Viri docti* non sine causa existiment, *Paulum I.* ad *Timoth.* I. v. 4. digitum ad hæc intendisse. Videatur *Porphyrus* περὶ ἀποχῆς Lib. II. Sect. 37. seqq. Edit. *Holstenii*. 3.) Cum Apostolis ipsis, de variis officiis & sedibus Angelorum, nil perspicue revelaverit Deus, num credibile est, Deum per Visiones *Ignatium* de hisce edoctrum?

Alter locus, ad quem *Cl. Kettnerus* provocat, extat Epistola ad *Philadelphenos*, ubi Sect. VII. pag. 32. ita loquitur: Quamquam enim secundum carnem voluerunt quidam me seducere: at Spiritus non seducitur a Deo existens. Novit enim unde veniat, & quo vadat & secreta coarguit. Clamavi cum interesset, locutus sum magna voce, voce Dei: Episcopo attendite & Presbyterio & Diaconis. Quidam autem suspicati sunt, me ut præscium divisionis quorundam hæc dicere. Testis autem mihi est, in quo vincus sum, quod a carne humana non cognoverim: sed Spiritus annuntiavit dicens ista: Sine Episcopo nihil facite. At nec hic locus probat, per Visionem ipsum edoctrum fuisse de hac propositione: Sine Episcopo nihil facite. Epistola enim ad *Trallianos* Sect. II. ad *Philadelph.* Sect. VII. ad *Magnesi.* Sect. IV. eandem denuo repetit, & inculcat, sed

tanquam præceptum Apostolicum. Hinc & illi ipsi, qui pro ignatianis Epistolis pugnant, inter quos eminet Illustis Pearsonius, excusaturi ea, quæ magnificentius de Episcopis dicta sunt in Epistolis Ignatii, traditione Apostolica, non extraordinariis Visionibus sese tuentur. Et certe, si Ignatius, vel ex Epistolis Apostolorum, vel familiari congressu cum Discipulis Apostolorum, tantumtribuendum esse honorem Episcopis edoctus fuit, frustra ad Visiones provocatur. Vide quid de hoc argumento disserat *Usserius Dissertat. de Ignatii Martyris Epistolis* &c. cap. X. pag. 22. extante in *Cotelerii Patr. Apostol. Vol. II.* Certe inter præcipuas rationes, quæ suspectas reddunt Epistolas Ignatii, refero *Episcopalis potestatis exaggerationem.* Talia apud Christum & Apostolos non legimus. Scio quid Viri Eruditi respondeant. At de his ex professo agere instituti nostri ratio non patitur, satisque sunt a Doctissimis Viris excussa.

*Socrates Hist. Eccles. Lib. VI. cap. 8.* adserit, Ignatium per Visionem edoctum fuisse artem hymnis alternatim canendi: *Dicendum porro est* (inquit) *unde consuetudo illa, hymnis in Ecclesia alternis canendi, initium sumpserit. Ignatius Antiochie in Syria Episcopus, post Apostolum Petrum ordine tertius, qui cum Apostolis ipsis familiariter versatus est, vidit aliquando Angelos hymnis alternatim decantatis S. Trinitatem celebrantes, & canendi rationem, quam in illa Visione animadvertat, Ecclesie Antiocheni tradidit. Unde ista traditio ad omnes postea Ecclesias dimanavit.* At quam incerta hæc Socratis traditio sit, dudum ab Eruditis est ostensum. Vide quæ de hoc argumento in medium proferat *Bingham Orig. Eccles. Lib. XIV. cap. I. Sect. XI. pag. 14. seq. Edit. lat.*

VIII. Pergimus ad Visiones Polycarpi Martyris, qui circa Annum Christi 166. secundum *Ruinartum, Usserium* vero & *Pagi An. 169.* pro Religionis christianæ veritate vitam posuerat. Duas Visiones Polycarpo obtigisse memorant Ecclesie Smyrnenfis Moderatores; De priore ita loquuntur pag. 198. apud *Cotelerium*: *tantus vero erat tumultus in stadio, ut nemo posset audiri. Porro Polycarpo intranti in stadium vox e celo facta est: ισχυς καὶ ἀνδρεία πολυκαρπε; fortis esto & viriliter age Polycarpe, & eum quidem qui vocem emisit, vidit nemo, vocem autem ex nostris, qui præsentibus erant, audiverunt.* Cur autem dubitem, Deum per miraculum vocem hanc misisse, rationes sunt sequentes, 1.) Tumultus erat, testibus ipsis qui præsentibus erant, maximus, variisque cogitationibus distractus Polycarpi animus; unde vix vocem audire, aut a voce hominis distinguere potuit. Hinc neque in Epistola

ipsa adseritur, *Polycarpum* vocem audivisse. At si Deus cum per miraculum cœlesti voce firmare voluisset, eo temporis articulo eam emisisset, quo nulla ratione dubitare potuisset, quin inusitata ratione sibi adesse vellet. 2.) Flagrabat B. Vir singulari Martyrii obtinendi cupiditate, metumque omnem cruciatuum subjecit pedibus. 3. Causa non est, cur dubitemus, Deum Viro Religionis christianæ amantissimo gratia sua, atque singulari favore adfuisse. Neceffe igitur non erat, ut miraculo, homini sponte ad gloriam Martyrii currenti, calcar adderetur. 4.) Nolumus equidem negare, Spectatores hujus Tragœdiæ vocem illam audivisse: at unde sine miraculo novo persuasi esse poterant, tanto in strepitu, cœlitus delapsam illam vocem? Denique ea, quæ ad finem narrantur, ut mox audiemus, efficiunt, ut dubitemus, utrum quæ de Visionibus illius dicuntur, vera sint, nec ne.

Altera Visio, quæ in Epistola illa *Smyrnenſium Polycarpo* contigisse narratur, hæc est: *Cum oraret* (inquiunt *Smyrnenſes*) *triduo antequam comprehenderetur, Visio ei oblata est. Viditque cervical suum incendio conflagrare. Tum conversus ad comites suos, prophetice dixit: oportet me vivum comburi.* At & hæc Visio non est extra dubitationis aleam posita. 1.) *Eusebius* Lib. IV. cap. 15. oranti quidem, sed noctu in somnum soluto hanc Visionem contigisse narrat. At naturaliter fieri potuit, ut hoc ei insomnium contingeret. Omittit idem *Eusebius* illud prophetice, quod in Textu nostro est. 2.) Cum *Proconſul* dixisset, se eum vel bestiis objecturum, vel igni traditurum, respondet: *Φερὲς ὁ βελῆς.* Quod si credidisset, Deum per Visionem sibi certo significare voluisse, fore ut igne extingatur, optare debuit id, quod consentaneum erat voluntati divinæ. 3.) Dubitari potest de veritate Visionis, quia Deus per miraculum impediverat, quo minus igne absumeretur. Audi enim quomodo *Smyrnenſes* loquantur, Sect. XV. seq. apud *Cotelerium*. Et postquam *Amen* emisisset, precationemque compleisset, homines seu *Ministri* ignis ignem accenderunt. Cum vero ingens flamma emicasset, grande miraculum vidimus, quibus spectare concessum fuit, qui & ideo reservati sumus, ut aliis, quæ contigerunt enunciaremus. Ignis enim forniciſ speciem præbens, tanquam navis velum a vento repletum atque sinuatum, undique circumdedit Martyris corpus: quod quidem in medio positum, non ut caro assa videbatur, sed veluti panis coctus, vel sicut aurum & argentum in fornace candens. Tantam quippe fragrantiam odorabamur, ac si thus aut aliud quoddam pretiosorum aromatum oluisset. Tandem igitur cernentes improbi, corpus ipsius ab igne non posse consumi, jussit.

jusserunt confectorem propius accedere pugionemque capula terus abdere. Quod cum ille fecisset, egressa est columba, item tanta vis sanguinis, ut ignem extingueret, utque universa plebs miraretur, tantum esse discrimen inter infideles & Electos. Ita Smyrnenfes. Quod si Deus per miraculum voluit impedire, quo minus corpus igne extingueretur, quæ causa esset tandem, cur Deus insolita Visione cum contrarium edocere vellet? certe corpus ipsius initio in cineres non fuisse redactum, docent ea, quæ in sequentibus narrantur; refertur enim, Christianos corpus ipsius sepulturæ mandare voluisse. Confirmat hoc *Illustris Usserius* auctoritate Martyrologii Romani. „In Martyrologio quoque Romano „(inquit) in notis ad h. l. Januar. 26. ab igne minime læsus dicitur „fuisse *Polycarpus*.„ Indequè Romæ in Ecclesiâ S. Stephani in Cælio adscripta, illi cernitur *Siriacidæ* ista sententia Ecclesiast. § 1:6. In medio ignis non fum æstuatus: subjecto etiam, in eam sententiam, hoc Epigrammate:

*Phanix* si quis medio miretur in igne  
Emori, & extructo se reparare rogo  
Obstipeat, *Polycarpe*, avidas tibi parcere flammæ  
Non ausas sacra te violare face.  
Mille nitent tede, rutilantque hinc inde favillis  
Atque in Te Dominum, quem colit ipse, colunt  
Præmia nunc majora tibi, sed reddit *Olympus*.  
Ignea qui pedibus, subjicit astra tuis.

4.) Miraculum hoc de igne non absumente *Polycarpi* corpus dicitur factum in gratiam infidelium. At Centurio tandem homo gentilis corpus in medio ignis positum exussit, uti significatur, Sect. XV. Certe hoc potius in dubitationem conjecisset Spectatores, quam ut miraculum evenisse credidissent. Viderunt enim ignis vim non nocere corpori B. Viri. Atque hoc potuisset adducere gentiles, ut crederent Deum singularem hominis curam gerere, atque adeo decreta ipsius mala esse non posse. At iidem mox vident per Centurionem effectum esse, ut corpus hætenus intactum, & in cineres non resolutum prorsus dissolveretur. Unde merito debuissent suspicari, forte per causas naturales, sed ignotas, factum, ut frustra flammæ eum lamberent. Quis autem tam prodigum miraculorum Deum esse credat, ut in ejusmodi circumstantiis portenta edat? 5.) Dicitur columba e corpore ipsius egressa. De quo tamen portento filet *Mstium Ruinarti*, *Eusebius*, *Ruffi-*

*Ruffinus*, imo ipse *Nicephorus* homo quammaxime credulus. Neceſſe igitur eſt, hoc ab impoſtore quodam *Epistolæ Smyrnenſium* adjectum. *Prudentius* in *Martyrio S. Eulaliæ* Hymno III. ſimilem fabellam reſert, dicens :

*Emicat inde columba repens*  
*Martyris os nive candidior*  
*Viſa relinquere & aſtra ſequi.*  
*Spiritus hic erat Eulaliæ*  
*Laſceolus, celer, innocuus.*

Variaſ *Eruditorum* de columba illa e corpore *Martyris*, ſcilicet egreſſa ſententiaſ, vide in *Biblioth. Bremenſi Claſſ. III. fasciculo 3. pag. 429. ſeqq.*

6.) Dicitur tanta viſ ſanguiniſ e corpore ipſiuſ emanari, ut ignem extingueret. Sed unde tantum ſanguini� e corpore ſenili & effecto ? num *Deuſ* per miraculum ſanguinem *Martyriſ* auxit ? Si hoc vero eſt, atque per miraculum factum eſt, ut igniſ extingueretur, cur tandem id a *Centurione* fieri permili ? 7.) Denique fragranſ ille odor corporiſ *Martyriſ*, quem avidiſ nariſ traxiſſe dicuntur ſpectatores illi, ſatiſ oſtendit, quid miraculiſ illiſ tribui debeat. Certe hujuſ mirabiliſ effectuſ, neque phyſicæ, neque moraliſ cauſæ dari poſſunt. In *legendiſ Monachorum ſequentiſ ævi* talia magno numero referuntur ; at ab iſ tantum creduntur, qui cerebrum non habent : num enim odore hoc voluit *Deuſ* oſtendere, corpora *Martyrum* ex alia plane quam ceterorum hominum materie conſtata ? at hoc falſum eſſe norunt omneſ. Num probare voluit, ſibi maxime placere conſtanteſ Religioniſ *Chriſti* conſeſſoreſ ? at & hoc *Chriſtianiſ* ſine particulis iſtiſ odoriferiſ ſatiſ cognitum atque perſpectum erat. Quod ſi hæc omnia in ſummam redigamus, non leveſ cauſæ ſunt, cur non minus de narratiſ miraculiſ, quam de Viſionibuſ dubitemuſ. Scio quodaſ cum *Ruinarto* dictuſ, certum ab incerto eſſe diſtinguendum, neque Viſioneſ propter portenta illa, mendacii merito ſuſpecta, ſimul in dubium revocandaſ. At quiſ nobiſ tandem fidem præſtabit, homineſ, qui *Smyrnenſium* *Epistolæ* inaneſ fabellaſ adſuere non ſunt verecundati, a ſingendiſ Viſionibuſ ſibi temperaſſe ? Saltem nemo cordatuſ mihi vitio credo vertet, ſi, dum meliora edoſtuſ fuero, Viſioneſ illaſ valde mihi ſuſpectaſ eſſe ingenuè fatear. (\*)

Sed

(\*) Vide que de *Actiſ Martyriſ Polycarpi* in medium adduxit *Anonymuſ* in *Diario Literario* cujuſ tituluſ ; *Journal Brittanique* par *M. MATI* Menſiſ Septemb. A. 1750.



Sed & alias Visiones hoc tempore, *Attalo* cuidam factas memorant Ecclesiæ Lugdunensis, & Viennensis Moderatores apud *Euseb. Hist. Eccles. Lib. V. cap. 3.* Verba ita sonant ex versione *Valesii*; *Alcibiades* quidam, unus ex illorum Martyrum numero, durum & squalidum vivendi genus sectabatur; nullumque omnino cibum admittens solo pane & aqua, ad id usque temporis vesci consueverat. Cumque in carcere positus eandem vivendi rationem vellet retinere, *Attalo* post primum, quod in Amphitheatro fecerat certamen, revelatum est, non recte neque ordine facere *Alcibiadem*, qui & creaturis Dei minime uteretur, & aliis exemplum scandalii fieret. Paruit itaque *Alcibiades*, & cunctis deinceps cibis promiscue uti cepit, gratias agens Deo. Neque enim divina gratia eos destituerat. Sed consultorem habebant Spiritum Sanctum. Ita loquuntur fratres illi Lugdunenses. *Attalo* revera per Visionem extraordinariam ejusmodi monitum datum credere non possum. Non enim unquam Deus facit miracula in gratiam hominum, quando vel sensu communi de re cognoscenda moneri possunt. *Alcibiades*, si pane & aqua vires refocillare non satis poterat, ratione sola duce probe cognoscere potuit, cibos a fratribus benigne communicatos respuendos non esse. Aderant aliorum Confessorum exempla. Et si neque ratio, neque fratrum piorum exempla sufficissent, adhortatio *Attali* strenui veritatis confessoris, vel sine Visione cum commovere potuisset. Non dubito equidem, quin *Attalus* singulari amore *Alcibiadis* tactus, existimarit, desiderium illud meliora illi suadendi, S. Spiritus monitum esse, præsertim postquam vidisset, hominem pertinaciter in squalido & duro vivendi genere perseverare, seque macerare sine necessitate velle; at Revelationem extraordinariam, ut hoc ipsum fieret, *Attalo* factam, ob ea quæ dixi, credere non possum. Certe omnibus portentis, & miraculis fides est habenda, si talia semel admittimus.

Seculo hoc secundo vixerat *Tertullianus*, qui in scriptis suis passim mentionem facit Visionum, quæ quibusdam Christianis contigisse dicuntur. At multum his tribuere non possumus, partim quod ingenium habuerit plane ad fanaticismum pronum; partim quod diu satis *Montanismo* fuerit addictus; notum autem est, *Montanum* cum sociis perpetuas Visiones, sed fraudis merito suspectas jactasse; ut jam non dicam, vix certo definiri posse, quos libros *Montani* erroribus imbutus, quos vero rectius sentientium opinioni addictus scripserit. Solus character animi hujus Afri, viro cordato sufficere debet, ad jactatas ab eo Visiones nauci faciendas. Qui enim fere constanter æstum imagi-

S s s s

natio-

nationis sequitur, atque nunquam fere perspicuo stylo utitur, sed quidquid laudare vel improbare vult, ultra modum urget, ille vix ab homine fanatico distingui poterit. Quomode enim phaleratam orationem, cum de divinis loquitur, intelligemus, & ab homine qui Enthusiasmo quodam correptus est, distinguemus? at diu est, ex quo unanimi fere consensu Eruditi monuerunt, *Tertullianum* hoc morbo laborasse. Sufficiat duorum præstantissimorum Virorum judicia de ingenio *Tertulliani* adduxisse. Prius est *Nic. Malebranchii*, viri, uti notum est acutissimi ingenii, qui *Lib. II. cap. 3. de inquirenda veritate* ita indolem hominis depingit. „Tertullien (inquit) étoit à la vérité un  
 „homme d'une profonde Erudition, mais il avoit plus de mémoire  
 „que de jugement, plus de penetration & plus d'étendue d'imagination, que de penetration & d'étendue d'esprit. On ne peut douter  
 „enfin qu'il ne fût visionnaire dans les sens, que j'ai expliqué auparavant, & qu'il n'eut presque toutes les qualités, que j'ai attribuées  
 „aux Esprits visionnaires. Le respect qu'il eut pour les Visions de Montanus, & pour ses Prophetesses, est une preuve incontestable de la  
 „foiblesse de son jugement. Ce feu, ces emportemens, ces enthousiasmes sur des petits sujets, marquent sensiblement le dereglement de  
 „son imagination. Combien des mouvemens irreguliers dans ses hyperboles, & dans ses figures? Combien de raisons pompeuses &  
 „magnifiques, qui ne prouvent, que par leur éclat visible, & qui ne persuadent, qu'en étourdissant & qu'en éblouissant l'esprit. *Posterius* vero est *Jacobi Basnagii*, qui *Hist. de l'Eglise Tom. I. Lib. IV. cap. 3. pag. 277.* de ingenio ipsius ita judicat. „Tertullien avoit un genie heureux, il possédoit une vaste Erudition, son style étoit vif & serré;  
 „toutes ses périodes étoient autant des sentences & des preuves de ce qu'il avançoit, mais souvent il les outroit, & en les outrant elles devenoient fausses. L'on trouve dans ses Ouvrages un grand nombre  
 „des traditions, & de rites, qui seroient demeurés inconnus sans lui. il étoit un ardent défenseur de la vérité, mais il s'abandonnoit trop  
 „au feu de son imagination, qui l'emportoit, & qui l'empêchoit de raisonner juste. Il eut enfin le malheur de donner dans les Visions des Montanistes, dont les jûnes & les austerités l'avoient ébloui:  
 „il nous a donné par là une preuve bien sensible, que les grands hommes tombent souvent dans des grandes foiblessees.„ Ita *J. Basnage*. Atque hinc factum est, ut illi ipsi, qui strenue causam agunt Visionum antiquis concessarum, auctoritate tamen *Tertulliani* uti nolint. *Dodwellus*

*wellus Dissertat. Cyprianica. IV. Sect. VIII. initio, ait. Tertulliani testimonia propterea non refero, quod illum Montanismi suspectum facit Rigaltius, nec negat apud eum propheticarum Visionum exempla occurrere satis frequentia. Cl. Pfannerus citato supra libello de donis miraculosis antiquæ Ecclesiæ, pag. 312. seq. satis ostendit, quid de Visionibus Tertulliano memoratis sentiat.* „Pertinet huc (inquit) quod *Tertullianus* refert de fratre quodam (Christiano videlicet) per Visionem graviter castigato, quod januum ejus, subito annuntiatis gaudiis publicis, ser- vi, quamvis injussu illius coronassent, ex more nimirum gentilis superstitionis, cui quocunque modo communicare Christiano, ista præsertim temporum disciplina, nefas habebatur; uti & de sorore quadam (de virgine veland. cap. ult.) nuda cervice incedere sueta, ideoque modestiæ per Angelum in somno admonita. Quali quidem monitore (ut hoc adjiciamus) etiam puellis nostræ ætatis opus foret, quæ nundinatio (ut *Tertulliani* verba cum pace istarum usurpare liceat) capita gestantes, atque non furore tantum, quod iste queritur, sed & sinu nudæ, petulantiam audaciamque ostentatæ virginitatis passim profitentur. Cæterum meminit idem alterius cujusdam sororis (de anima cap. 9.) quæ revelationum charismata sortita, quas in Ecclesiâ inter Dominica solennia per exstasim in Spiritu passa sit, & conversata cum Angelis, aliquando etiam cum Domino viderit & audierit Sacramenta, & quorundam corda dignoverit: Cui prout Scripturæ legerentur, aut Psalmi canerentur, aut quæ alia similia publica in Synaxi fierent, inde materiæ Visionibus subministratæ fuerint; post solennia dimissa plebe renuntiare *Tertulliano*, quæ viderit, solita. At quo loco fæminæ istius relationes habendæ, ex subjecto specimine haud ita difficile judicatu est, ostensæ nimirum *animæ corporalis*, quo ipso ad confirmandam suam de corporeitate *animorum* sententiam *Tertullianus* utitur, eo videlicet usque erroris progressus, ut & Deo corpus tribuere sustineret. Ita *Pfannerus*. Non igitur necesse est, ut singillatim Visiones, quarum mentionem injicit, examini submittamus. (\*) Cum autem diximus *Tertulliano*,

Ssss 2

inter

(\*) Qui ad ingenium *Tertulliani* attendit, non mirabitur qui factum fuerit, ut acerbissimis Verbis in Philosophiam ejusque Cultores, quos Hæreticorum Patriarchas vocavit, sæ illime invecus fuerit. Ingenia enim ad fanaticismum prona, nil minus ferre possunt quam rationis culturam. Hodie eadem luditur fabula. Dantur homines, qui quamprimum audiunt, hunc vel illum Theologum culturæ rationis vel Philosophiæ cum studio vacare, eum tantumnon Hæreses suspectum habeant. Quasi veto rationis cultura homines necessario in errores conjiceret.

At

inter alia vel eo nomine fidem non esse habendam, quod *Montanistarum* partibus addictus fuerit, satis constat, quid de *Montani* & sequacium sentiamus Visionibus. Nimirum meras imposturas fuisse credo, & crediderunt id illi ipsi, qui ea ætate vixerant. Non negabo equidem, unum atque alterum ex invidia *Montano*, & discipulis falso fuisse adscriptum, v. gr. quod se ipsum *Montanus* dixerit esse Spiritum Sanctum, & quæ alia sunt. Interim in eo omnes conveniunt, jactatas Visiones meras fuisse imposturas, quod ex variis rationibus probarunt, v. gr. quod fuco oculorum supercilia, capillosque illevisset *Montanus*; quod in insaniam & miros raptus profanus Spiritus eos adegisset; quod *Maximilla* teste *Epiphanio Heres. 48. Sect. 2.* de se prædixisset, post se Prophetissam aliam non futuram sed consummationem; quod *Montanus* Salaria Prophetis suis, mercaturamque quandam eo prætextu constituisset; quod viros suos reliquissent ejus mulierculæ, cum Prophetissarum munus in se suscepissent; quod illæ quoque avaritiæ pecuniisque quavis tandem arte corradendis totæ incumberent; quod *παρὰ τὸ κατὰ παράδοξιν καὶ κατὰ διαδοχὴν ἀνῶθεν τῆς ἐκκλησίας ἔδοξεν* docuissent &c. Et ne gratis hæc dixisse videamur, testimonia sunt adferenda, quibus hoc ipsum comprobetur. Atque hic non *Epiphanius* alicujus, aut *Hieronymi*, sed antiquiorum, quorum fragmenta adduxit *Eusebius*, vestigiis insitam. Producentur hæc testimonia ab *Euseb. Lib. V. cap. 16-20.* Excerpemus quædam ad institutum nostrum facientia. Cap. 16. lib. cit. meminit *Eusebius* Anonymi cujusdam, qui cum *Montanistis* congressus, & postea, quæ dicta erant, in chartas conjecerat. Ita autem ille. *Igitur obstinata illorum coitio adversus Ecclesiam, & nova perniciosi schismatis heresis hanc habet originem. Vicus quidam esse dicitur in Mysia, contermina Phrygiæ nomine Ardaba. In qua ajunt Montanum quendam ex iis, qui fidelium numero recens adscripti fuerant, immodica primi loci cupiditate captum, primo sub Grato Asiæ Proconsule aditum in se adversario Spiritui præbuisse; Demone repletum, subito quodam furore ac mentis excessu concuti cepisse, & nova quedam ac inaudita proloqui; bariolantem ac prædicentem futura præter morem, atque institutum*

*Eccle-*

At quid facias cum ejusmodi hominibus? Ego in gratiam eorum adponam magis Theologi & Philosophi, nimirum Cl. Werenfelsii Epigramma, quod pro lubitu interpretari possunt. Sonat autem ita:

*Uisque tuis ratio cum dictis obstinet, Aule;*

*Jure illi tandem, præcipis ut sileat.*

Cæterum si quis loca Tertulliani, in quibus abjectissime de Philosophia, ejusque cultoribus loquitur, in unum collecta perlegere velit, is adeat Jacobum Pamelum in adnotat. ad Tertull. Lib. de præscript. cap. VII.

Ecclesiæ a majoribus traditum, & continua deinceps successione prorogatum. Porro ex his, qui tunc temporis adulterinos hominis sermones audierant, alii quidem, ut abrepticium & Demoniacum ac Spiritu erroris actum, turbasque in populo excitantem indignabundi objurgabant, & loqui ulterius prohibebant. Quippe qui in mente haberent discrimen a Domino prenotatum, minasque quibus jubemur adventum falsorum Prophetarum vigilanter ac solícite observare. Alii vero velut Sancto Spiritu & Prophetiæ gratia elati instatque mirum in modum, & distinctionis a Domino præmonstratæ penitus obliti, illum insatuantem & adulatorem, vulgique seductorem Spiritum, ultro ad loquendum provocabant, capti ejus illecebris, & in fraudem inducti. Hac igitur arte seu potius fraude ac verisutia, Diabolus adversus eos, qui dicto Domini audientes non erant, exitium machinatus, cum ab illis immerito coleretur, mentes eorum a vera fide secubantes, somnoque oppressas excitavit paulatim ac vehementius inflammavit. Quippe duas alias mulierculas suscitavit, & adulterino Spiritu replevit; adeo ut ipse quoque perinde ac supra memoratus ille, insana quedam & importuna, atque aliena loquerentur. Et eos quidem, qui ea re delectantur, atque intumescabant Spiritus ille beatos predicabat, & promissorum magnitudinem supra modum inflammabat. Interdum tamen conjecturis, & fide dignis argumentis utens, palam eos condemnabat, quo scilicet etiam objurgatorius videretur. Et paucis interjectis: In eodem quoque libro, postquam nonnulla ad falsam illam Maximillæ Prophetiam convincendam interfert, tum tempus ipsum quo hæc scripta sunt, designat, tum mulieris illius vaticinia commemorat, quibus bella & tumultus imminere prædixerat. Quorum quidem vaticiniorum falsitatem convincit his verbis. Nonne inquit hoc mendacium omnibus manifestum apparuit? Etenim ab obitu Maximillæ usque in hunc diem, plusquam tredecim anni jam elapsi sunt, nec tamen ullum aut particulare bellum, aut universale interris fuit. Idem Anonymus, quem Asterium Urbanum fuisse postea refert cap. XVII. teste Eusebio in eodem libro universos N. Testamenti Prophetas enumerat, inter quos Ammiam quandam & Quadratum recenset his verbis: Pseudopropheta autem inquit, in falso mentis excessu, cujus comes est licentia & audacia, a spontanea quidem imperitia initium sumens, in amentiam autem ut, jam dixi, involuntariam desinens. Hujusmodi vero Spiritu nullum unquam nec in Vetere, nec in Novo Testamento Prophetam afflatum poterunt demonstrare, cap. 18. „Apollonius Ecclesiasticus „scriptor ita de Montano judicat: Sed quisnam est novus ille Doctor? „opera ejus & doctrina satis aperte produnt. Hic est, qui nuptiarum „dissi-

„ diffidia docuit, qui jejuniorum leges imposuit; qui Pepuzam & Ty-  
 „ mium & Phrygiæ oppidula Hierusalem nominavit, ut cunctos un-  
 „ dique homines eo convocaret. Qui pecuniarum exactores consti-  
 „ tuit; qui fordidam munerum captationem oblationum nomine cal-  
 „ lide obvelavit; qui doctrinam suam prædicantibus salaria præbet, ut  
 „ per fœdam ventris ingluviem doctrina ejus convalescat., De Mon-  
 „ tani vero Prophetissis aliquanto post loquitur in hunc modum: „ osten-  
 „ dimus igitur, inquit, has Principes Prophetissas, simul ac spiritu im-  
 „ pletæ sunt, Viros suos dimisisse. Quantopere ergo mentiebantur,  
 „ qui Priscam virginem vocabant? deinde subjungit hæc verba: Non  
 „ tibi videtur Scriptura universa prohibere, ne propterea munera &  
 „ pecunias accipiat? Cum igitur videam Prophetissam aurum & argen-  
 „ tum vestesque pretiosas accepisse, quomodo eam non repudiabo?  
 „ & paulo post de quodam ex eorum numero, qui confessores apud  
 „ eos habentur, hæc dicit: Præterea Themison speciosa avaritia obve-  
 „ latus, qui confessionis signum non pertulit, sed magna pecunie vi  
 „ erogata vincula abiecit. Cum ob eam causam modestius deinceps  
 „ ac submissius agere deberet, tanquam Martyr sese offerens ausus est,  
 „ exemplo Apostoli conscripta Epistola Catholica, eos quidem qui  
 „ fideiores ipso extiterant, instituere; novæ autem doctrinæ patrocini-  
 „ nari, ac postremo in Dominum, in Apostolos, & in Sacrosanctam  
 „ Ecclesiam impie loqui. Rursus de alio quodam ex numero eorum,  
 „ quos illi tanquam Martyres venerantur, ita scribit: Sed ne de plu-  
 „ ribus loquamur, respondeat: quo cum ipsa convivatur, qui adora-  
 „ tur etiam ipse a multis. Cujus latrocinia & reliqua facinora, pro  
 „ quibus pœnas dedit, nil opus est nos dicere præsertim cum in tabu-  
 „ lario contineantur. Uter igitur illorum alteri peccata condonat?  
 „ an propheta Martyri vaticinia? an Martyr Prophetæ avaritiam?  
 „ Cum enim Dominus præceperit: nolite possidere aurum, neque ar-  
 „ gentum, neque duas tunicas; isti contra in rerum vetitarum posses-  
 „ sione graviter deliquerunt. Qui enim ab ipsis Prophetæ & Marty-  
 „ res dicuntur, eos non solum a divitibus, sed etiam a mendicis, pu-  
 „ pillis & viduis pecunias corrogare demonstrabimus. Quod si hac in  
 „ parte confidunt innocentia suæ, sistant se, & de his nobiscum discep-  
 „ tent; aut siquidem convicti fuerint, saltem in posterum delinquere  
 „ desinant. - - Necessè porro est, ut omnes Prophetiæ fructus atque  
 „ actus probentur. Dic mihi, tingit ne capillos propheta? an stibio  
 „ oculos linat? an studet ornari? prophetane tabula ludit & tesseras?

„an pecuniam locat scœnori? ingenue fateantur & respondeant, „utrum hæc agere liceat an secus. Ego vero hæc apud ipsos acta „esse convincam.” Ita *Apollonius*. Si historiam criticam *Montanisti* scriberemus, non allata tantum, sed & alia testimonia diligenter essent excutienda. Nemo enim non videt, quædam odio *Montani* dicta, alia frigida plane esse, & ad invidiam *Montanistis* conflandam excogitata. Sed instituti nostri ratio hoc non patitur. Pleraque eorum, quæ adferre possem, jam a Doctissimis Viris *Rigaltio præf ad Tertullianum*, *J. Clerico*, *S. Basnage*, *Arnoldo*, & *Weismanno* sunt notata. Hoc unum dicimus, temere & sine sufficientibus rationibus Hostes *Montanistarum* prophetias, quas jactabant, & Visiones, Diabolo adscripsisse. Certe si talis fuerat *Montanus* & sectatores ejus, quales fuisse ipsimet dicunt Adversarii, potius dicendum, atram bilem cerebrum eorum turbasse, & quosdam eorum impostores fuisse. Unde male fecerunt illi Episcopi, qui Dæmones ex *Montanistis* ejicere voluerunt. Nullus enim dubito, quin magis post exorcismum adhibitum deliraturi fuissent *Montaniste*, quam antea. Ita certe simplicioribus occasio fuisset data, præclare de prophetis illis imaginariis, abjecte vero de Episcopis suis sentiendi. Quid cum *Cebennatibus* Patrum nostrorum memoria actum sit, notissimum est. Sufficit nobis, quod nullum plane argumentum adsit, quo divinæ originis esse dicamus jactatas *Montanistarum* Visiones. Non solet Deus miracula patrare ad disciplinam Ecclesiasticam emendandam. At hic unice quæstio erat de rigore erga lapsos, jejuniis, nuptiis &c. De talibus disponere sapientum est Ecclesiæ Moderatorum. Sed satis de *Montanistarum* Visionibus. (\*)

- (\*) Conferenda hic est, ubi de *Montanistis* agitur Viri Clarissimi & Amicissimi N. Nonnen Theologi Bremensis meritissimi dissertatio Critica ex Hæresiologia de Luciano, seu quisquis sit Author *Dialogi Philopatris*, *Montanistas* traducente. Exsumat Vir doctissimus, Authorem hujus *Dialogi* non tam Christianam disciplinam in genere, quam vero *Montanistarum* Decreta & Enthusiasticos acerbe pertrahere voluisse, de quo tamen argumento hic singillatim agere nolumus. Cæterum de hoc negotio legendæ tres dissertationes doctissimæ, quas scripsit Vir Clarissimus & Eminentissimus M. G. Wernsdorffus Professor in Gymnasio Gedanensi dignissimus de Vaticanis, dogmatibus, moribus & disciplina *Montanistarum*.

## C O R O L L A R I A.

I. Recte, neque sine gravissimis rationibus D. Psaltes, Psal. XIV. adserit eum stultum esse, qui aut cum animo suo cogitat, aut ore profitetur, non dari Numen supremum.

II. Quamvis teste Paulo ad Romanos, cap. I. v. 19. 20. Id quod de Deo cognosci potest, Gentilibus etiam notum fuerit; inde tamen nondum sequitur, ideas de Deo omnibus mentibus esse insculptas atque impressas.

III. Totum universum singulaque ejus partes, sive cælum, sive terram, sive homines, animantia & plantas; Sive denique singularum ordinem, pulchritudinem, harmoniam & usum consideremus, probant, a sapientissimo, optimo, liberrimo atque potentissimo Artifice, non solum cuncta esse facta & disposita; sed eadem etiamnum ab eodem singulari cura conservari & gubernari. Hinc non solum ratio, sed Revelatio potissimum ad virtutes divinas in administratione mundi conspicuas, rite celebrandas nos inducit. Vide Psal. VIII. 4. 5. Psal. XIX. 1. Psal. CXLV. 15. 16.

IV. Licet ratio satis probabiles atque perspicuas adferat rationes ad probandum, morte carere mentes humanas; certum tamen est huic argumento maximum pondus addere Religionem Christianam.

V. Moysen non solum Pentateuchi Auctorem esse adserimus, sed & contendimus, eundem Legatum Dei fide dignissimum esse, secus ac nuper Auctor, isque impudentissimus libri, cui titulus: Les Princesses Malabarres, profiteri non est verecundatus.

VI. Neque libri ab Impostoribus post Christi & Apostolorum excessum magno numero scripti, & sanctorum Virorum nomine in vulgus sparsi; neque variantes Editiones N. Testamenti, divinae origini Religionis christianae quicquam detrahunt.

VII. Miracula sunt certa & infallibilia doctrinae verae, atque divinitus tradita, signa.

VIII. Opinio Woolstoni miracula omnia N. Testamenti in meras allegorias convertentis, quae tantos nuper in Anglia strepitus excitaverat, inepta est, & bovine Erudito indigna.

IX. S. Scriptura in iis, quae ad salutem consequendam scitu, atque factu sunt necessaria, satis clara atque perspicua est.

X. Ad S. Literas rite intelligendas & controversias componendas non



non est opus infallibili Iudice, & si id necesse esset, non magis hoc jus Principi Italo, quem Papam vocamus, competeret, quam Regi Maroccano.

XL. Quamvis homines in gravissima peccata, quibus aditu cœlestis glorie excluduntur, prolabi possint, & eben! quotidie prolabantur: nostra tamen opinione nemo Christianorum hodie peccatum in Spiritum Sanctum committere potest.

XII. Inter eos, qui in iis, quæ ad Salutem consequendam scitu sunt necessaria, conveniunt, pax Ecclesiastica eaque arctissima locum habere potest. Hoc autem cum de Lutheranis & Reformatis dici possit, pii & cordati Theologi est, omnia, quæ ad pacem illam ineundam & stabiliendam facere possunt, tentare.

XIII. Hec ipsa tamen pax Ecclesiastica inter fratres ineunda non postulat, ut alterutra pars in dissentientis gratiam, receptæ hactenus sententiæ nuntium mittat; sed ut tanquam fratres, sive in uno, sive in diversis locis docentes, agnita dissensus levitate sese mutuo æquo animo ferant, ament, atque exosculentur.

XIV. Jesum Christum verum esse Messiam a Mose & Prophetis annuntiatum, & suo tempore in terris, ut talem doctrina & miraculis demonstratum, ex S. Literis evidentissimum est.

XV. Transsubstantiatio non solum rationi, sensibus, institutioni S. Cœnæ & aliis articulis Religionis christianæ contraria est, sed merum est *αιδρεσμον* in Religionis christianæ opprobrium excogitatum, atque eben ad hunc usque diem in Ecclesia Romana defensitatum.

XVI. Periculosissima & pestilentissima Hæresis est vita improba.



DISQUISITIONIS  
HISTORICÆ ET THEOLOGICÆ  
DE  
VISIONIBUS,

Quæ quatuor primis post excessum Christi & Apostolorum Seculis, Christianis quibusdam contigisse dicuntur.

PARS POSTERIOR.

SECT. IX.



Rogredimur jam quidem ad Seculum III. quo plures ejusmodi *visiones* Christianis, *Cypriano* præsertim contigisse memorantur. Ad initium hujus seculi, nimirum A. CCII. passionem *Perpetue*, *Felicitatis*, & *Saturi*, refert *Ruinartus*. Dissentiunt autem Eruditi inter se non solum de Collectore Actorum horum Martyrum; sed & de Religione, cui addicti fuerint Martyres illi. Collectorem horum Actorum *Montanistam* fuisse contendit *Valesius*; *Basnagius* vero uterque non solum Collectorem Passionis, sed & Martyres ipsos *Montani* opinionibus addictos fuisse, non contemnendis rationibus probant. *Ruinartus* vero & *H. Dodwellus* utrumque infutiantur. Ex visionibus ipsis dictisque Martyrum, difficile est litem dirimere; Dicta non abhorrent ab iis, quæ a *Montanistis* facta sunt. Sed possent etiam fæminæ orthodoxæ ita loqui. Cum autem nobis non solum sit expendendum, an vere tales quibusdam obtigerint, sed & utrum visiones illæ ita sint comparatæ, ut Deo dignum fuerit, tales hominibus offerre, perinde nobis quidem erit utrum mulieres illæ *Montani*, an vero Catholicorum castra secutæ sint, quanquam non diffi-

diffiteamur, nobis rationes a *J. Basnagio* allatas, si ad Probabilitatis leges revocentur, magis verisimiles videri, quam argumenta *Dodwellii* & *Ruinarti*. (\*) At hæc utcumque sint, visionum argumenta, ex *Ruinarti* Actis Lectoris oculis subjiciam, & quid mihi de illis videatur, salvo aliorum Judicio, dicam. Pag. 93. Actor. *Ruinarti* post Collectoris Præfationem ita incipit Passio ipsa: „Apprehensi sunt Adolescentes Catechumeni *Revocatus* & *Felicitas* conserva ejus, *Saturninus* & „*Secundulus*. Inter quos & *viria Perpetua* honeste nata, liberaliter instituta, matronaliter nupta, habens Patrem & Matrem, & Fratres „Duos: alterum æque *Catechuminum*, & Filium infantem ad ubera. „Frat autem ipsa annorum circiter viginti duorum. Hæc ordinem „totum Martyrii sui jam hinc ipsa narrabit, sicut conscriptum manu „sua, & suo sensu reliquit. Sect. III. ait *Perpetua*: In ipso spatio paucorum dierum baptizati sumus; mihi autem spiritus dictavit, nihil „aliud petendum in aqua, nisi sufferentiam carnis.

Sect. IV. incipit visio *Perpetuæ* quæ ita sonat: „Tunc dixit mihi „Fratr meus: Domina soror, jam in magna dignitate es, & tanta, ut „postules visionem, & ostendatur tibi an passio sit, an comæatus. „Et ego, quæ me sciebam fabulari cum Domino, cujus beneficia tanta „experta eram, fidenter repromisi illi dicens: Crastina tibi renunciabo, & postulavi, & ostensum mihi est hoc: Video scalam auream „miræ magnitudinis pertingentem usque ad cælum, & ita angustam, „per quam nonnisi singuli ascendere possent: & in lateribus scalæ omne genus ferramentorum infixum. Erant ibi gladii, lanceæ, hami, „machæ, ut si quis negligenter, aut non sursum attendens ascen-

T t t 2

„deret,

(\*) De *Perpetuæ*, *Felicitatis* & Sociorum Martyrum orthodoxia adversus *Samuelem Basnagium* dissertationem apologeticam edidit *Florentia* 1728. *Josephus Augustinus Orsi S. Theologæ Lector*, in qua multis argumentis erudite probare voluit, *Perpetuam* & *Felicitatem* una cum Sociis Martyribus ab errore Montanismi fuisse plane alienas. Res tanti momenti non videtur esse, ut singillatim omnia argumenta quibus suam sententiam comprobare voluit, examinem. Sufficit mihi quod *Vir doctissimus* fateatur, Auctorem compilationis hujus Martyrii Montani Sectæ addictum fuisse, quod mihi argumento est, Martyres ipsos non longe remotos fuisse ab iis opinionibus, quas *Montanus* cum asscclis suis defendebat. Si quis Romanæ Ecclesiæ addictus Martyrium hominis Protestantum cæui adscripti exponeret, iisque iherasibus uteretur, quæ usurpari solent ab ipsis Protestantibus, nemo non colligeret, eum profenso fuisse in eum animo. *Vir doctissimus* quidem asserit phrasas a Compilatore Martyrum horum usurpatas Orthodoxas esse. At ego postulare ab eo ut in quo orthodoxia illa sita sit exponat. Profecto ex asscconveniunt hæc locutiones cum iis opinionibus, quæ Montanistis familiares erant. Quod si non redolent dicendi genus Montani, tales tamen sunt, quæ Fanaticis familiares sunt. Quantum autem distet Fanaticismus a Montanismo sciunt illi, qui utrorumque excusserunt Systemata.

„deret, laniaretur, & carnes ejus inhaerent ferramentis. Et erat,  
 „sub ipsa scala Draco cubans miræ magnitudinis, qui ascendentibus in-  
 „fidias parabat, & exterrebat, ne ascenderent. Ascendit autem *Satu-*  
 „*rus* prior, qui postea se propter nos ultro tradiderat, & tunc cum  
 „apprehensi sumus præsens non fuerat, & pervenit in caput scalæ, &  
 „convertit se ad me, & dixit mihi: *Perpetua* sustineo Te. Sed vide  
 „ne te mordeat Draco ille. Et dixi ego: Non me nocebit in nomi-  
 „ne Domini Jesu Christi. Et de sub ipsa scala quasi timens me, lente  
 „elevavit caput, & cum primum gradum calcassem, calcavi illius ca-  
 „put. Et ascendi, & vidi spatium horti immensum, & in medio  
 „horti sedentem hominem canum in habitu Pastoris grandem, oves  
 „mulgentem; & circumstantes candidatos millia multa. Et levavit  
 „caput, & adspexit me, & dixit mihi bene venisti tegnon, & cla-  
 „mavit me, & de caseo, quod mulgebat, dedit mihi quasi buccellam,  
 „& ego accepi junctis manibus, & manducavi. Et universi circum-  
 „stantes dixerunt Amen. Et ad sonum vocis exporrecta sum, com-  
 „manducans adhuc dulcis nescio quid. Et retuli statim fratri meo,  
 „& intelleximus passionem esse futuram; & cæpimus nullam jam  
 „spem in seculo habere.

SECT. VII. & VIII. miram habuit hæc *Perpetua* visionem. Audi  
 illam! „Post Dies paucos cum universi oramus, subito, media ora-  
 „tione, profecta est mihi vox, & nominavi *Dinocratem*, & obstupui  
 „quod nunquam mihi in mentem venisset, nisi tunc: & dolui com-  
 „memorata casus ejus. Et cognovi me statim dignam esse, & pro  
 „eo petere debere. Et cæpi pro ipso orationem facere multum, &  
 „ingemiscere ad Dominum. Continuo ipsa nocte ostensum est mihi  
 „hoc in oromate: Video *Dinocratem* exeuntem de loco tenebroso,  
 „ubi & complures erant, æstuantem, & sitientem valde sordido vul-  
 „tu, & colore pallido, & vulnus in facie ejus, quod cum moreretur  
 „habuit. Hic *Dinocrates* frater meus fuerat carnalis, annorum septem,  
 „qui per infirmitatem facie cancerata male obiit, ita ut mors ejus odio  
 „fuerit omnibus hominibus. Pro hoc ego orationem feceram, & in-  
 „ter me, & illum grande erat diadema (*Holstentus* legendum putat  
 „*Diaſtema*) ita ut uterque ad invicem accedere non possemus. Erat  
 „deinde in ipso loco ubi *Dinocrates* erat, piscina plena aquæ, altio-  
 „rem marginem habens, quam erat statura pueri, & extendebat se *Dino-*  
 „*crates* quasi bibiturus. Ego dolebam, quod & piscina illa aquam ha-  
 „bebat, & tamen propter altitudinem marginis bibiturus non esset.

Et

„ Et expectata sum, & cognovi fratrem mecum laborare; sed confi-  
 „ debam profuturam orationem meam labori ejus, & orabam pro eo  
 „ omnibus diebus, quousque transivimus in carcerem castrensem. Mu-  
 „ nere enim castrensi eramus pugnaturi. Natale tunc *Getae Caesaris*, &  
 „ feci pro illo orationem die & nocte gemens & lachrymans, ut  
 „ mihi donaretur. Die autem quo in nervo mansimus, ostensum est  
 „ mihi hoc: Video locum illum quem videram tenebrosum esse, luci-  
 „ dum, & *Dinocratem* mundo corpore, bene vestitum, refrigerantem.  
 „ Et ubi erat vulnus video cicatricem; & piscinam illam, quam retro  
 „ videram summisso margine usque ad umbilicum pueri; & aquam de  
 „ ea trahebat sine cessatione, & super margine phiala erat plena aqua;  
 „ & accessit *Dinocrates*, & de ea bibere cepit, quæ phiala non deficie-  
 „ bat. Et fatiatus abcessit de aqua, ludere more infantium gaudens, &  
 „ exporrecta sum. Tunc intellexi translatum eum esse de poena.

Rursus Sect. X. *Perpetua* aliam, priore magis mirabilem habet vi-  
 sionem, quam ita narrat: „ pridie quam pugnaremus video in Oro-  
 „ mate huc venisse *Pomponium* Diaconum, ad ostium carceris, & pul-  
 „ sare vehementer; exivi ad eum, & aperui, qui erat vestitus distin-  
 „ ctam candidam habens multiplices calliculas, & dixit mihi: *Perpetua*  
 „ te expectamus, Veni. Et tenuit mihi manum, & cepimus ire per  
 „ aspera loca & flexuosa. Vix tandem pervenimus anhelantes ad am-  
 „ phitheatrum, & induxit me in media arena, & dixit mihi; Noli pa-  
 „ vere, hic sum tecum, & conlaborabo tecum, & abiit. Et aspicio  
 „ populum ingentem attonitum. Et quia sciebam me ad bestias da-  
 „ tam esse, mirabar, quod non mihi mitterentur bestiae. Et exivit  
 „ contra me quidam *Aegyptius*, foedus specie, cum adjutoribus suis  
 „ pugnaturus mecum. Veniunt & ad me adolescentes decori, adju-  
 „ tores, & favitores mei, & exspoliata sum, & facta sum masculus.  
 „ Et coeperunt me favitores mei oleo defrigere, quomodo solent in  
 „ agonem, & illum contra *Aegyptium* video in *Afa* volutantem. Et  
 „ exivit vir quidam miræ magnitudinis, ut etiam excideret fastigium  
 „ Amphitheatri distinctam habens tunicam, & purpuram inter duos  
 „ clavos per medium pectus, habens & colliculas multiformes ex auro,  
 „ & argento factas, & ferens virgam tanquam lanista, & ramum vi-  
 „ ridem, in quo erant mala aurea, & petiit silentium & dixit: Hic  
 „ *Aegyptius*, si hanc vicerit, occidet illam gladio; & si hunc vicerit,  
 „ accipiet ramum istum, & recessit. Et accessimus ad invicem, & ce-  
 „ pimus mittere pugnus. Ille mihi pedes apprehendere quærebat.

„ Ego autem illi calcibus faciem cædebam, & sublata sum in aëre, &  
 „ cæpi eum sic cædere, quasi terram concalcans. At ubi vidi moram  
 „ fieri, junxi manus, ita ut digitos in digitos mitterem. Et apprehen-  
 „ di illi caput, & cecidit in faciem, & calcavi illi caput. Et cœpit po-  
 „ pulus clamare, & favitores mei Psallere. Et accelsi ad lanistam, &  
 „ accepi ramum; Et osculatus est me, & dixit mihi: Filia pax tecum.  
 „ Et cæpi ire cum gloria ad portam sanavivariam. Et experrecta sum,  
 „ & intellexi me non ad bestias, sed contra Diabolum esse pugnatu-  
 „ ram; sed sciebam mihi victoriam imminere. Hoc usque in pridie  
 „ muneris egi, ipsius autem muneris actum si quis voluerit, scribat.

Sequitur Visio *Saturi*. Sed & *Saturus* (ita Acta) benedictus hanc  
 visionem suam edidit, quam ipse conscripsit: „ Passi, inquit, eramus,  
 „ & exivimus de carne, & cæpimus ferri a quatuor Angelis in Orien-  
 „ tem, quorum manus nos non tangebant. Ibamus autem non supini  
 „ sursum versi, sed quasi mollem clivum ascendentes. Et liberati, pri-  
 „ mam jam vidimus lucem immensam; & dixi: *Perpetua*, (erat enim  
 „ hæc in latere meo) hoc est quod Dominus nobis promittebat: per-  
 „ cepimus promissionem. Et dum gestamur ab ipsis quatuor Ange-  
 „ lis, factum est nobis spatium grande, quod tale fuit quasi viridarium,  
 „ arbores habens rosæ, & omne genus floris. Altitudo autem arbo-  
 „ rum erat in modum cypressi, quarum folia cadebant sine cessatione.  
 „ Ibi autem in viridario alii quatuor Angeli fuerunt clariores cæteris,  
 „ qui ubi viderunt nos, honorem nobis dederunt, & dixerunt cæteris  
 „ Angelis: Ecce sunt! Ecce sunt: cum admiratione. Et expavescen-  
 „ tes quatuor illi Angeli, qui gestabant nos, deposuerunt nos, & pe-  
 „ dibus nostris transivimus stadium via lata. Ibi invenimus *Secundum*,  
 „ & *Saturninum*, & *Artaxium*, qui eandem persecutionem passi vivi  
 „ arserunt; & *Quintum*, qui & ipse Martyr in carcere exierat; &  
 „ quærebamus ab illis, ubi essent cæteri. Dixerunt autem nobis An-  
 „ geli: Venite prius, introite, & salutate Dominum. Et venimus  
 „ prope locum, cujus loci parietes tales erant, quasi de luce ædificati;  
 „ & ante ostium loci illius quatuor Angeli stabant, qui introeuntes  
 „ vestierunt stolas Candidas. Et nos vestiti introivimus, & vidimus  
 „ lucem immensam, & audivimus vocem unitam dicentium: Agios,  
 „ agios, agios, sine cessatione. Et vidimus in medio loci illius seden-  
 „ tem, quasi hominem canum, niveos habentem capillos, & vultu ju-  
 „ venili, cujus pedes non vidimus. Et in dextra, & in sinistra senio-  
 „ res viginti quatuor, & post illos cæteri complures stabant. Introi-  
 „ vimus

vimus cum magna admiratione, & stetimus ante thronum, & quatuor Angeli sublevaverunt nos; & osculati sumus illum, & de manu sua trajecit nobis in facie. Et ceteri seniores dixerunt nobis seniores: Ite & ludite. Et dixi: *Perpetua!* habes quod vis. Et dixit mihi: Deo gratias, ut quomodo in carne hilaris fui, hilarior sum & hic modo. Et exivimus, & vidimus ante fores *Optatum* Episcopum ad dextram, & *Aspasium* Presbyterum Doctorem ad sinistram, separatos, & tristes, & miserunt se ad pedes nobis, & dixerunt nobis: componite inter nos, quia existis, & sic nos relinquitis. Et Diximus: Non tu es Papa noster, & tu Presbyter, ut quid vos ad pedes nostros mittatis? & misimus nos, & complexi illos sumus. Et cepit *Perpetua* cum illis loqui, & segregavimus eos in viridario sub arbore rosæ. Et dum loquimur cum eis, dixerunt illis Angeli: finite illos refrigerent, & si quas habetis inter vos dissensiones, dimittite vobis invicem, & conturbaverunt eos. Et dixerunt *Optato*: corripere plebem tuam; quia sic ad Te conveniunt, quasi de circo redeuntes, & de factionibus certantes. Et sic nobis visum est, quasi clauderent Portas. Et cepimus illic multos fratres cognoscere, sed & Martyres. Universi odore inennarrabili alebamus, qui nos satiabat, tunc gaudens exprorectus sum.

Hactenus *Visiones*; sequitur passio ipsa, de cujus circumstantiis quædam adjiciemus. Sect. XVI. Actorum hujus passionis Anonymus ait, se quasi mandatum fidei suæ a *Perpetua* commissum executurum, & historiam passionis descripturum. Sect. XVII. ita loquitur: „*Perpetua* in Amphitheatrum producta psallebat, caput jam *Aegyptii* calcans. Sect. XIX. de Martyribus hisce ait: si quando inter se de Martyrii voto sermocinabantur, *Saturninus* quidem omnibus bellus velle se abjici profitebatur; ut scilicet gloriosorem gestaret coronam. Sect. XX. de *Perpetua* ait: jactata est, & concidit in lumbos, & ut conspexit tunicam a latere discissam, ad velamentum femorum adduxit, pudoris potius memor, quam doloris. Dehinc requisita & dispersos capillos infibulavit. Non enim decebat Martyrem dispersis capillis pati, ne in sua gloria plangere videretur. Ita surrexit & elisam *Felicitatem* cum vidisset, accessit, & manum ei tradidit, & sublevavit illam. Et ambæ pariter steterunt, & populi duritia devicta revocatæ sunt in portam sanavivariam. Illic *Perpetua* a quodam tunc Catechumino, *Rufico* nomine, qui ei adhærebat, suscepta, & quasi a somno expergita (adeo in spiritu & in ekstasi erat) circum  
„ spicere

„spicere coepit, & stupentibus omnibus ait: *quando*, inquit, *product-*  
 „*mur ad vaccam illam nescio*. Et cum audisset quod jam evenerat,  
 „non prius credidit, nisi quasdam notas vexationis in corpore & ha-  
 „bitu suo recognovisset, & illum Catechuminum. Sect. XXI. de  
 „*Perpetua* ait Anonymus: Ceteri quidem immobiles, & cum silentio  
 „ferum receperunt; multo magis *Saturus*, qui & prior scalam ascen-  
 „derat, prior reddidit spiritum, nam & *Perpetuam* sustinebat. *Perpe-*  
 „*tua* autem, ut aliquid doloris gustaret, inter costas puncta exulula-  
 „vit, & errantem dextram Tirunculi gladiatoris ipsa in jugulum suum  
 „posuit. Fortasse tanta famina aliter non potuisset occidi, quia ab im-  
 „mundo spiritu timebatur, nisi ipsa voluisset. Haecenus Martyrii il-  
 „lius Collector.

Juvat ad haecenus dicta quædam annotare. Et (1.) quidem ne-  
 mo miretur, si de visionibus haecenus recensitis dubitemus. Dubita-  
 runt de iis, viri me longe acutiores & Doctiores. Cl. Jac. *Basnage*,  
 acerrimus Religionis christianæ in cæteris defensor, *Perpetuam* inter  
*fanaticas mulieres* referre nullus dubitavit. Nil virtutibus Martyrum  
 illorum detractum volumus. Laudamus singularem eorum in feren-  
 dis malis constantiam, atque fiduciam, quam in Deo habuerunt. At  
 non propterea cuncta, quæ dixerunt, & fecerunt sine examine admit-  
 tenda censemus. Quod si quis putet, extraordinarias, atque divinas  
 Martyribus hisce contigisse revelationes, eum suo judicio frui lubentes,  
 & æquo animo ferimus. Cur secus sentiamus, non levibus, ut pu-  
 tamus, adducimur rationibus, sive ad auctorem horum Actuum re-  
 spiciamus, sive ad visiones ipsas. Quod (2.) ad Auctorem ipsum at-  
 tinet, non contemnendis rationibus probavit *J. Basnage*, Eum *Mon-*  
*tani* sectæ fuisse addictum. Rationes legantur apud ipsum Tom. 2.  
 pag. 1062. *Histoire de l'Eglise*. Si quis autem putet, rationes a Viro  
 Docto allatas, non omni esse exceptione majores, certum tamen est,  
 multa in hac ipsa narratione supinæ credulitatis reperiri vestigia. Nihil  
 jam dicam (quod ex præfatione, Actis præmissa, satis constat) homi-  
 nem id omnibus viribus agere, ut persuadeat, miracula & visiones  
 sua adhuc, id est A. CCII ætate, contingere posse, de qua re tamen  
 cur tam anxie laborarit, nemo causam videt. Præterea multa his Mar-  
 tyribus tribuit, quæ sunt a verisimilitudine aliena. Qualia sunt: (a)  
 quod *Perpetua* illa paucis diebus antequam esset in carcerem conjecta,  
 sancto baptismatis lavacro fuerit tincta, & familiari tamen Dei com-  
 mercio usa. Si hoc unum vellet, faminam illam piam, Deum sincero  
 amore



amore fuisse complexam, atque precibus etiam jugiter ad Deum fufis, auxilium ejus imploraffe, nil effet, quod non lubentiffime crederemus. At Deum perpetuas visiones concessurum fœminæ, nondum fatis Religionis christianæ Decreta edoctræ, vix admitti potest. Solet Deus capacitati mentium sese accommodare, neque plura, quam ferre possunt ingenia humana, deposcere. Pius adfectus, cum scientia rerum ad salutem cognitu necessariarum conjunctus, sufficiebat ad animum in adversis sustentandum, & contra pericula muniendum. At quomodo fœmina, quæ nondum fatis indolem naturamque Religionis christianæ perceperat, merum insomnium a visione extraordinaria distinguere potuisset, difficile dictu est. (b) pag. 95. Actorum asseritur: *Perpetuam* habita visione, de accepta particula casei, somno experrectam, *commanducasse* *ad huc nescio quid dulcis*. Ad hæc verba *Holstenius*, *Possinus*, & *Ruinartus* harum visionum acerrimi defensores silent. Manifestum autem est, aut *Perpetuam* deceptam, aut Collectorem horum Actorum data opera mentitum fuisse. Si enim per veram visionem somnianti hæc contigerunt, qua ratione tandem somno exporrecta manducasse aliquid dici potest? an non inde constat, eam veræ visionis naturam atque indolem non habuisse perspectam? nisi forte dicas (quod tamen ineptum esset) revera a Christo particulam casei ei fuisse datam, quod quid ad animum contra pericula ingruentia muniendum conferre potuisset, haud videmus. Hæc mihi in mentem revocant ea, quæ olim *Breme*, cum muliere paralytica acta sunt, quamque ipse conspexeram, & de visionis oblatæ natura interrogaveram. (\*) (c) Refert Collector *Saturninum* omnibus votis expetiisse, ut

- (\*) Vide Cl. *Hasei* *vv* *maximæ* relationem Historicam de mirabili quadam sanatione mulieris, quæ mense Febr. 1719. in ptochotrophio Bremensi contigit. Exat illa Bibl. Brem. Tom. 2. fasc. 4. Rei novitate inductus ipsam, dum heic loci studiis vacaverat, conveni mulierem. Hæc tanto oris vultusque constantia singula narraverat, ut multos etiam doctos viros in eam adduxerit sententiam, ut crederent, miraculum hic obtigisse. Ivo certe *Gaukes*, *Alecdicus Embdanus*, mathematicis argumentis, at mea opinione ridicule, voluit probare, per ordinarias naturæ leges, ea, quæ sibi evenisse narraverat mulier, fieri non potuisse. Quædam autem in hac historia sunt, quæ iis, quæ *Perpetuæ* contigerunt plane sunt similia. Audi, uti rem Cl. *Haseus* ex ipsius uxoris ore haustam exponit: Refert autem (ita *Maximæ*) cum in lecto jam per aliquot horas jacuisset, frustra que mulcentem pectora somnum exspectasset, sibi visum esse, dextram suam a quodam esse preheissam; oculis itaque cum iustulisset, videt omnia circa lectum clara colluisti, ari luce, & simul hominem candidum instar nivis oculisque præditum scintillantibus, & instar ardentis facis lucentibus, his verbis se colloquentem: cape atque comede, ita convalesces (nihil bin und is, so wirst du gesund werden,) tum ori suo osulam inserentem, habentem

V V V V

amg-

ut cunctis promiscue bestiis dilaniandus objiceretur. Hæc certe ad laudem Martyris hujus ebuccinandam non attulisset Collector, si Religiosis christianæ accuratam habuisset notitiam. (d) Narrat insuper, *Perpetuam* a vacca hinc inde jactatam, disperfos capillos infibulasse, ne scilicet, ut addit, in sua gloria plangere videretur. Num credibile est, piam fœminam, in ipso passionis æstu constitutam, de legendis capillis sollicitam fuisse, aut credidisse capillis non rite dispositis, gloriæ suæ aliquid decessurum? magis incredibile, *Perpetuam* a vacca diu jactatam, & vulneratam, quasi altissimo somno sopitam, non solum nullum doloris sensum habuisse, sed & ignorasse hætenus, quod a vacca fuerit infestata. Non equidem dubito, quin Deus inter exquisitissima tormenta solatium piis animabus adferre possit, & soleat; at eandem nullum plane inter tormenta dolorem sentire, aut plane se torqueri nescire, difficile creditu est. (e) Ad finem narrationis suæ refert Collector, credibile esse, mulierem alia ratione occidi non potuisse, quam qua id factum est. Ex quibus inepta hominis credulitas apparet. Ipsa *Perpetua* se bestiis primo objectum iri, & ita vitam suam miseram profusuram existimavit, quid ergo tandem obstitisset, quo minus Deo ita dispensante interiret? nimirum quia ab immundo spiritu timebatur, nonnisi adacto in Jugulum gladio occidi poterat. Egregia ratio! (f) De eadem *Perpetua* ad finem ait, eam, ut aliquid doloris gustaret, errantem dextram Tirunculi gladiatoris in jugulum suum

amigdali magnitudinem, sapientem autem mel. Quam cum ore conaretur eximere, deprehendit, jam liquefactam diffluxisse. Tum postquam rursus hæc audivisset verba: ora, spera, neque animum abjice. Omnia una cum lumine evanuisse. Alia occasione, ut idem refert *Haseus*, per somnum eadem mulier visa est hanc vocem haurire auribus: Evigila, quæ dormis & surge e morte, ut Christus tibi illucescat. Quæ autem fuerit ultima hujus fabulæ scena, una cum *iniquis* Clarissimi hujus, nobisque, dum viveret, faventissimi Theologi hæc adjiciam. Nunc autem (ita loquitur ejusdem Bibl. Brem. Class. V. fasc. 11. pag. 386. & *Maximianus*) indicandum tibi est, illam, posteaquam iisdem pene malis, quibus antea vexata fuit, denovo afflictæ est, tandem dolorum impatientia induclam, noctem, quæ diem XIX. Maji antegressa est, e fenestra, qua in præterlabentem *Virginem* prospicitur, semet ipsam dedisse præcipitem, & sic fuisse per iter tenebrosum illuc, unde negant redire quemquam. Hoc a me non negligi oportuit, ut videas, sententiam meam non parum accepisse roboris, quam vice plus simplici declaravi, non extraordinario cuidam miraculo, sed naturæ operationi, licet rariori atque obscuriori, quicquid illi contigit attribuendum esse. Attendant hæc illi, qui ea, quorum causas ignorant, æclutium inter prodigia referunt, & caveant malesani sui cerebri phantasmata, somniaque, tanquam divinitus obiectas visiones venditare. Utinam temporibus pristinis ejusmodi historiole ita discussæ, atque lance sanioris sapientiæ ponderatæ fuissent. Quantillum fore putamus numerum miraculorum, quæ sanctulus suis tenebrosæ illa atque infecta atas afficiat. Ita Celebris ille Theologus,

suum posuisse. Si spectator ipse fuit Anonymus, unde novit tandem nullo sensu doloris ante tactam fuisse piam faminam? cur laudat, quod laudari certe non oportet? expectare debuisset cum animi constantia fatalem ictum; non vero instar rabidæ gladium jugulo admove-  
 vere. Hinc judicari potest, quid de *Holstentii* nota ad h. locum sentiendum sit, dicentis: *Id furore, ac rabe faciebant gladiatores, quod S. Perpetua pie, ac generose, insinûu Divino, fecit. (\*)*

(3.) Si animum convertamus ad visiones ipsas, nil in illis reperiemus, mea quidem opinione, quod juxta consuetum naturæ ordinem his Martyribus in somno contingere non potuerit, quodque adeo nos cogat, ut dicamus, Deum per Miraculum ingessisse has visiones. Earum summa huc redit: *Christianos in carcerem conjectos, siquidem Religionem christianam abnegaturi non essent, mortem perpeffuros, sed ob constantem veritatis confessionem singularem in cælo gloriam deportaturos.* Hæc credere poterant homines illi, sine visionibus. Neque credibile est, eos nomen Religioni christianæ unquam daturus fuisse, nisi de ingenti pramio, & felicitate futuræ vitæ fuissent persuasissimi. Atqui, uti sæpe monuimus, sine causa Deus miracula profunderet non solet. Sed & (2.) alia accedunt in his visionibus, quæ probare possunt, merum insomnium fuisse, non extraordinariam revelationem. Adserit *Perpetua*, ut supra audivimus, se fratrem septennem demortuum precibus e limbo, vel purgatorio, vel si mavis, ipso inferno liberasse; quæ opinio, licet antiqua, falsa est, & S. Literis contraria; neque

V V V V 2

adeo

- (\*) *Illustris Pearsonius Vindic. Ignat. Part. II. Cap. IX.* Hanc ipsam *Perpetuæ* actionem non solum laudat, sed & aliorum primitivæ Ecclesiæ Martyrum Exemplo, suam sententiam confirmare vult. At nil agunt exempla, quæ litem lite resolvunt. Aliud est dicere; Inusitatas ejusmodi Martyrum actiones non esse exagandas, sed ob pietatem. Zelumque pro gloria Dei, quo incensi erant, benigne interpretandas. Aliud vero adferere; has ipsas heroicas, si ita velis appellare, virtutes in exemplum, quod singuli fideles tempore persecutionum sequantur, esse ponendas, & laudandas. Postremum hoc adsertum duntaxat negamus. & principia, quibus sententia nostra innititur, in prima Exercitationis hujus parte Sect. VI. & VII adduximus. Ex ingenti Exemplorum numero, ad quæ provocat loco cit. *Illustr. Pearsonius*, eaque laudat, unum duntaxat addocam. *Celebre* (utor verbis ipsius *Pearsonii*) inprimis fuit nomen *Phocæ Martyris*, qui cum lictos es sorte hospitio excepsisset, qui narrabant missos se ad interficiendum *Phocam*, promisit die crastino se *Phocam* illis ostensurum, & loco ad sepulturam prius preparato affans eis dixit, Ego ille *Phocas*. Illi cum jam hastarent, animos eis, ut ipsum interficerent, exhortatione addebat, *ἰσχυροί, ἰσχυροί, καὶ τῆς αἰσχροῦ ἀποτμήσεως ἵκνητοι τῷ Θεῷ παρασκευασμένοι προσέχοντες*, dixit, persuasit, passus est, ac capite truncatus grata Deo hostia oblatiis est. Ita *Pearsonius*. Verum autem hæc actio tantopere sit laudanda, judicium sit penes Doctos, & pios Lectores.

adeo illi per visionem obtingere potuit. Probe hoc viderunt Viri Docti, qui examinarunt hanc doctrinam. *Ruinartus* vero, & *Holsteinius* maxime sibi plaudunt, quoniam decreta Ecclesiæ suæ hic confirmari putant. Prior ait *Actor*. pag. 96. *Egregius locus, ad probandum, mortuos posse a penis, quas patiuntur, per vivorum preces liberari.* Posterior in notis ad hanc passionem pag. 112. exclamat: *En animam a purgatoris flammis liberatam divina Revelatione Perpetua intelligit! Ut nil de Possini inepta glossa dicam, vide quid contra hanc visionem monuerit Basnagius* uterque, & *J. Clericus Bibl. Select.* Tom. 26. pag. 221. *J. Basnage* recensitis visionibus de locis tenebrosis mox vero lucidis, de piscina, & lusu pueri ait: *Je ne saurois raisonner serieusement sur des pareilles visions; je ne sai si c'est l'enfer qu'on nous peint proche d'une grande piscine comme celui des fables payennes; je ne sais si c'est le Paradis qu'on nous represente, ou les enfans vont jouer à leur maniere, lors qu'ils ont assés bñ. Il me semble que des Martyrs devoient parler plus serieusement, & plus nettement: une chose est évidente, que cette femme ne croyoit point que le sort des ames fût certain immédiatement après la mort, puis qu'on pouvoit sortir des enfers, & cela s'accorde assez avec les principes de Tertullien Montaniste.* Lege reliquas Doctissimi hujus Viri de his visionibus meditationes, & persuasum erit tibi, ejusmodi visioni multum tribui haud posse. (3.) Parum sibi constat *Perpetua* in narratione visionis suæ. pag. 97. ait: *Sciebam me ad bestias datam esse* pag. vero 98. adserit: *experreſſa sum, & intellexi me non ad bestias, sed contra Diabolum esse pugnaturam.* At unde intellexit somno excitata *Ægyptium* illum Dæmonem esse? num nova accessit visio? dein certum est, quod cum vacca, id est bestia, pugnarit, quod tamen jam negaverat. Cum Dæmone autem non pugnavit. Collector Anonymus tanquam Interpretes visionis ait: eam caput *Ægyptii* calcasse, quia psallebat. At num hymnos canere, idem est, ac cum Dæmone pugnare? Si vero cum Dæmone pugnare nihil aliud est, quam fortiter pro Religionis christianæ veritate stare, quem in finem tandem *Ægyptius* vir in visione representatus? In visione mox vidit se cum bestiis pugnaturam, mox cum Dæmone; at mortis genus, quod sibi confecerat, revelatum non fuit. Et quid sibi vult tandem femina illa pia, quando dicit, se masculum factam? *Possinus* ad h. l. ait, *significare hoc quod instar pugilis fortiter dimicarit;* idem adserit *Augustinus* Lib. 3. de origine animæ ad *vincentium* cap. 18. At alii, non minus eruditi visionum Interpretes rem aliter explicant. *Basnagius* jam jam citatus ita de hac re loqui-

loquitur: *N'est on pas bien édifié de la lecture de ces Actes, tant vantés, & de voir une femme chrétienne, qui devient garçon, qui se debat à coups de poins, qui écrase la tête d'Egyptien en la prennant entre ses mains ? On voit la les visions, & les extases des Montanistes, qui decouvroient tout pendant le sommeil; l'homme dort, & je veille, disoit Montan; c'est Dieu qui change le cœur des hommes en extase. On reprochoit à un Montaniste, qu'ils tombaient dans des extases ridicules, & qui ne convenoient pas à des Prophetes, & c'étoit pour ce justifier, qu'ils disoient, que Dieu avoit fait tomber un sommeil & une extase sur Adam: Ces memes extases se voyent dans le sommeil de Perpetue, le ridicule n'y manque pas, puis qu'elle y changeoit le sexe qu'elle y devenoit un mâle, & que de jeunes garçons venoit la froter d'huile. Denique nescio utrum visione visioe fuerit, ad monendum Octatum Episcopum, de corrigenda plebe factiones alente. Atque hac mihi sufficere videntur, ad visiones hâsce, in numerum suspectarum Revelationum referendas.*

X. Perpetuam, atque socios apud Ruinartum excipit Exuperius, Episcopus Tulsanus, qui occasione mortis Sarturnini, ejusdem loci Episcopi, visionem habuit sequentem. *Post cujus (id est Silvii) ut Acta hæc sincera habent, obitum, sanctus Exuperius in summum sacerdotium cooptatus, vir absque ullius Præcessorum injuria, absque ullius, qui id temporis Ecclesias regere videbantur, invidia, non solum nulli secundus; verum etiam ipsi Beato Martyri virtutum meritis comparandus, Basilicam, quam decessor suus fideliter inchoaverat, instantissime consummavit, & fideliter dedicavit. Qui, cum transferre illuc sancti Martyris reliquias, non pro sua incredulitate, sed pro suo ipsius honore dubitaret, admonitus per quietem est, ne infideliter negligeret, quod fideliter credidisset, nullam fieri vel diminutione cinerum, vel commotione membrorum spiritibus injuriam, quia manifesta res esset, hoc Martyribus proficere ad honorem, quod profuisset credentibus ad salutem. Ita Compiler. Non opus est, ut de visionibus ejusmodi pluribus agamus. Aut Impostores aut superstitione anili dementati homines fuerunt, qui per visiones a Deo ingestas factum esse dixerunt, ut Reliquiæ Sanctorum huc illuc transferrentur. Res hodie notior est, quam ut pluribus probetur. Passio hæc circa Annum 250. secundum Ruinartum contigisse dicitur. Ipse vero de translatione hac cæteris Monachis modestior, in Admonitione ita loquitur: *Quæ vero de ejusdem Martyris translatione in iisdem Actis referuntur, videntur esse priori narrationi adsuta circa seculi quinti initium. Nimirum ante jam, fraude, atque malitia, id est ementis visionibus, &**

miraculis, sacerdotes, & Monachi reliquiis, cum rationibus non possent, decus, atque honorem conciliare voluerunt. *L'Esprit de vision* (ita loquitur *J. Basnage Hist. de l'Eglise* pag. 1152. seq. Tom. II.) *Et des miracles, ne contribua pas peu à donner cours à la veneration des Reliques, Et des Martyrs. D'un côté les hommes courent après le miraculeux, dont ils sont amoureux jusqu'à l'excès; Et de l'autre il est presque impossible de ne porter pas son respect au delà des justes bornes, pour les Instrumens, qui operent les miracles. La decouverte des Reliques se faisoit le moyen de quelque Revelation, Et s'établissoit par une suite des miracles. Au lieu d'imiter la sagesse de Dieu, qui ne met point à tous momens sa Toutepuissance en compromis, Et qui la rendoit méprisable, s'il accoutumoit les hommes à la voir se deployer, pour des legers sujets, Et pour travailler à la gloire ou satisfaire toutes les fantaisies de la creature, il n'y a rien dont on ait fait une plus large profusion que des miracles. On les debite avec la même facilité, que Dieu les produiroit, si des miracles si frequens s'accordoient avec sa sagesse. Par malheur, il se glisse jusques dans la devotion sincere un trait d'amour propre, qui porte les gens de bien à croire non seulement que Dieu s'intéresse dans une Religion qu'il aime avec ardeur, mais qu'il doit entrer dans leur vies, Et dans leur pensées, pour en relever l'eclat Et la gloire de l'Eglise. Si ceux, qui aiment Dieu sincerement tombent dans ce défaut, que doit on penser du superstitieux? Non seulement il s'imaginer que Dieu aime la Religion Et l'Eglise, Et qu'il s'intéresse dans ses devotions particulieres, mais qu'il ne manque presque jamais à les autoriser par quelque evenement miraculeux, qui fasse bonte à ceux, qui le raillent, ou qui le méprisent. Ou plutôt comme les devotions volontaires, la veneration, Et le culte des Saints ne peuvent s'établir par l'Ecriture, qui les combat directement, Et que d'ailleurs on n'a point de preuve tirée de la raison Et du bon sens, qui puisse montrer qu'un corp mort, Et des os sont dignes du veneration, on est forcé d'avoir recours aux miracles, Et de faire voir Dieu, qui parle, Et qui enseigne au-delà de ses Ecritures, Et qui viole toutes les loix naturelles, afin d'autoriser une devotion differente de celle, que le bon sens dicte, Et qu'il a lui même établie dans sa Parole. Ita ex vero, doctus ille vir. Hac de reliquiis, visionibus confirmatis, semel dicta sufficiant; neque in sequentibus, tempus pretiosum examine visionum, ad Reliquias commendandas factarum, inutiliter fallamus.*

Eadem circiter ætate nimirum circa medium tertii seculi, *Narcisso*, atque *Alexandro*, Episcopis Hierosolymitanis visiones obtigisse narrat

narrat ex Eusebii Hist. Eccles. Lib. VI. Cap. X. Ruinartus. Historia, vel potius fabula, mea opinione, ita sonat, juxta versionem *Valesii*, apud Eusebium: Verum cum propter extremam senectutem ministerium suum (nimirum Narcissus) obire amplius non posset, supra dictum Alexandrum, alterius Ecclesie Episcopum divina dispensatio, per Revelationem quandam, quæ illi in somnis apparuerat, ad participandum cum Narcisso, sacerdotis officium evocavit. Hac igitur Visione tanquam divino admonitus oraculo Alexander, cum ex Cappadocia, in qua primum Episcopus fuerat ordinatus, Hierosolyma profectus fuisset, tum orandi, tum locorum visendorum gratia, fratres illius Ecclesie humanissime eum excipientes reverti post hæc in patriam non siverunt. Alia quippe revelatio etiam ipsis per somnum visa fuerat, & vox quedam evidentissima ab iis, qui sanctitate inter eos eminebant, audita; significavit enim ipsis, ut extra portas civitatis egressi, destinatum sibi à Deo Episcopum susciperent. Quod cum illi consentientibus Vicinarum Ecclesiarum Episcopis fecissent, manere deinceps eum apud se coegerunt. Ruffinus vero Hist. Lib. VI. Cap. 8. rem ita narrat, ut mirabilis magis Lectori videatur. Postquam enim monuisset Alexandrum Jerosolymam pervenisse, hæc subjungit: Ostendebatur enim evidenter à Domino, non solum ipsi beato Viro Narcisso, sed & aliis plurimis per Revelationes in plebe, ut ipsum in loco Sancto Episcopum detinerent. Præterea, quod supra cetera omnia magis terrificum fuit, eo die, quo ingressurus Urbem Alexander nuntiatus est, & multitudo fratrum plurima extra portas in occursum ejus egressa est; Vox cælitus manifestissime audientibus omnibus facta est: Suscipite Episcopum, qui vobis a Deo destinatus est. Cumque ex his omnibus evidenter apud eos fuisset Dei dispensatio declarata, Episcopi Urbium vicinarum, compertis omnibus, quibus de eo res geri Dei judicio docebatur, residere ibi Eum necessario compulerunt. De hisce sequentia monemus: (1) Narcissum, atque Alexandrum, fuisse viros pietate, & virtutibus aliis florescentes non dubitamus; at propterea non omnia, quæ de iis narrantur admittenda esse putamus. (2.) Eusebius Cap. IX. hujus libri ait: Πολλὰ μὲν ἐν καὶ ἄλλα παραδοξὰ οἱ τῆς παροικίας πολῖται ὥς ἐκ παραδοσεως τῶν Κατὰ διαδοχὴν ἀδελφῶν τῶ Ναρκίσσῃ μνημονευομένων. i. e. De hoc Narcisso multa quidem alia stupenda commemorant civitatis illius incolæ, a fidelibus continua successione velut per manus sibi tradita. En fontem, atque originem miraculorum unde suam narrationem hauserat Eusebius! nimirum Incolæ multa de suo Episcopo, quem maximi fecerant, passim narrarunt, atque hæc, ut fieri solet traditione cuncta adaugente, postea multiplicata. Atque



eo refero miraculum , cujus statim injicit mentionem *Eusebius*, nimirum mutata per miraculum aquae in oleum. (3.) Quae hoc ipso capite nono referuntur de *Narcisso*, probant, non omnes actiones ejusmodi hominum esse imitandas. Postquam enim dixisset, malos quosdam homines scelerum sibi conscios, gravissimam illi calumniam adspersisse, atque vel juramentis, mendaciis fidem facere voluisse; sic pergit; *Sed quantumvis jurantibus nemo ex fidelium numero fidem adhibebat, quippe cum Narcissi continentia, & sanctitas vitae omnibus virtutum numeris absolute, cunctis semper spectata compertaque esset. At ille cum dictorum infamiam sustinere non posset, & alioqui philosophica vitae amore jam dum teneretur, relicta Ecclesia plebe in solitudine, ac deviis agris plurimos annos delituit.* An non rectius fecisset Episcopus, si curam Ecclesiae suae gessisset, vitaeque integritate Calumnias diluisset, praesertim postquam animadverterat, neminem calumniis, contra ipsum sparsis, fidem habere? Idem dixerim de *Alexandro* ipso, qui *Flaviadis* in Cappadocia Episcopus cum orandi, tum locorum visendorum gratia, Hierosolymam contendit. Praestitisset, si domi apud gregem mansisset, atque ibi orasset. Videntur jam tum supersticioso quodam amore terrae sanctae capti fuisse multi Episcoporum. (4.) Quod ad visiones ipsas attinet, *Narcisso*, *Alexandro*, & aliis factas, mihi verosimiles non videntur, non tantum quod *Eusebius* traditione duntaxat nitatur; Sed ob rem ipsam. Nimirum sine extraordinaria visione potuissent fratres *Narcisso*, propter aetatem ministerium suum non amplius obire valenti, alium surrogare. Postquam in deserta loca fugisset, finitimi Episcopi, teste *Eusebio* Cap. X. Diu in ejus locum, postea *Germanionem*, & denique *Cordium* substituerunt; quidni tandem & nunc idem facere potuissent sine revelatione? Accedit quod ipse *Eusebius* testetur Lib. VI. Cap. 8. *Alexandrum* ob insignem fidei confessionem celebrem fuisse. An non hoc satis, superque causae erat, cur fratres Hierosolymitani eum rogassent, ut relicta sede sua Episcopatum Hierosolymitanum acciperet? Magis mirum, *Eusebium* citato loco totidem verbis dicere, *Eum ob insignem fidei Christianae confessionem ad supra dictum Episcopatum promotum fuisse*, nulla mentione facta Revelationum. Hinc satis constat, quid de *Valesii* judicio sentiendum sit, cui ad hunc magis arridet *Ruffini*, quam *Eusebii* narratio. Nimirum prior miracula miraculis auxit. (5.) Si circumspicio, quae causae fuerint, cur visiones illae fuerint excogitatae, duas reperio. Prior est Celebritas Nominis *Narcissi* & *Alexandri*, de quibus, ut supra audivimus, Incolae locorum



corum multa mira narrarunt, inter quæ & hæc referenda esse videntur, quæ examini hæctenus subjecimus. *Posterior*: quod hanc Electionem contra Canones Ecclesiasticos factam, visionibus Divinis defendere voluerunt auctores narrationis. Duo (verba sunt *Ruinarti* post *Valesium* ita dicentis) *adversus Ecclesiasticas regulas commissa sunt*: primum quod *Alexander* ex una sede ad alteram fuerit translatus; secundum vero, quod Episcopo adhuc in vivis agenti substitutus, aut saltem adjunctus fuerit: cujus quidem facti nullum Exemplum in Ecclesia tunc temporis præcesserat. Ad quod proinde Episcoporum coadjutorum, qui jam nunc frequentiores sunt, origo refertur. Cum autem sequenti ætate frequentissime contra canones illos peccatum esset, sine dubio rem, quorum intererat, miraculis confirmare voluerunt. Quicquid autem de causis hujus narrationis sit, nil plane nos cogit, ut Deum per miraculum heic interfecisse credamus.

Narrationi de rebus gestis *Alexandri & Narcissi* subjungit *Ruinartus* Acta Martyrii *S. Pionii*. Quo tempore is Martyrium obierit, haud adeo constat. *Petavius*, *Scaliger*, & *Pearsonius*, *M. Aurelii*: *Baronius* vero, *Usserius*, & *H. Valesius*, Decii ætate id contigisse existimant, quibus postremis suum calculum adjicit ipse *Ruinartus*. Hic *Pionius* etiam visionem habuisse dicitur. Rem ita narrat Aëtorum Collectores: *Secundo die sexti mensis, qui dies est quarto idas Martias, die Sabbati majore, Natale Polycarpi Martyris celebrantes genuinum, Pionium, Sabinam, Asclepiadem, Macedonium quoque, & Lemnum Presbyterum vis persecutionis invenit. Sed quia bonæ fidei, totum Dominus ostendit, Pionius quæ imminebant supplicia, quia non timebat adventitia, futura prædixit. Ergo ante diem, quam natalis Polycarpi Martyris adveniret, cum Sabina & Asclepiade dum jejuniis devotus insisteret, vidit in somnis sequenti die se esse capiendum. Quæ cum aperte & dubitanter agnosceret, eo quod tam lucide omnia visum appareret, funis vinculo, suæ & Sabine & Asclepiadis colla circumdedit. Ut cum ab illaturis vincula vincti invenirentur, scirent, qui venerant, nihil se novi esse facturos, intelligerentque, non eos, sicut cæteros, qui degustabant sacrificia, esse ducendos, cum essent vincula, prius quam juberentur imposita, & fidei testimonium & voluntatis indicium. Ita Acta. At multa sunt in his Actis, quæ fidem faciunt a superstitiosis, & impostoribus adulteratam esse rerum gestarum historiam. Primo enim fatetur *Ruinartus*, *Pionii* Acta hæctenus recepta, a *Simeone Metaphraste* primum fuisse edita, cui fabulatori nemo sanus fidem habet (2.) fatetur idem, Acta sua cum *Bol-**

X x x x

landianis

landianis ex *Metaphrasæ* petitis, per omnia non convenire, versionem vero antiquissimam, quam secutus sit, *videri* ante *Metaphrasæ* ætatem factam. (3.) *Pionii* oratio ad Gentiles, & Judæos habita, non Martyris, sed græculi inepte rethorici sermo esse videtur. (4.) Quam sincera sint illa Acta *Ruinarti*, docent quæ Sect. XXII. adjecta sunt. Audi & sinceritatem hominis, vel potius mentiendi impudentiam mirare. *Hec passio fuit Viri, cujus vita incorrupta semper, & libera, omnique culpa vacua; pura simplicitas, fides pertinax, innocentia perseverans; cujus peccata vitia exclusit, quia Deo patuit. Ita ille per tenebras festinavit ad lucem, & per angustam gradiens portam ad plena, & spatiosa properavit. Coronæ quoque ejus Deus Omnipotens ostendit indicium. Subito namque illi, quos illuc aut misericordia, aut videndi cura conduxerat, tale Pionii corpus viderunt, ut addita sibi membra possent credi. Habebat erectas aures, meliores crines, barbam florentem atque ita erat omni membrorum mole compositus, ut Juvenis crederetur. Et corpus post ignem quasi in minorem ætatem redactum ostenderet, & illius meritum & resurrectionis Exemplum. Mira præterea gratia de vultu ejus arrisit, & multa Angelici decoris signa fulserant, adeo ut Christianis fiducia, metus gentibus adderetur. Quis sanæ mentis huic fabulæ fidem habebit? Capillos quidem (utor verbis S. Basilius ad A. Ch. 250.) trium Martyrum in fornace Babylonica, Deus vi sua potentissima tutos fecit ab incendio. At eo miraculo, & Martyrum vita servata est, & Rex magnus eo adductus, ut Regem Regum adoratione prosequeretur, veræque Religioni, quam maledictis insectabatur se Patronum diceret. Ut vero in defuncti corpore id miraculi Christus patraret, quo barba ab igne violentissimo ne minimum violaretur credere non possumus. Plures ex temporis circumstantia petitas rationes adfert Idem Vir doctus, quibus probatur hæc Acta fraudis esse suspecta. (5.) *Eusebius* Lib. IV. Cap. 15. *Pionii*, virtutumque, quibus eluxerat, mentionem faciens, altum de visionibus & miraculis post mortem silet. (6.) Visio ipsa ita comparata est, ut nulli sanæ mentis homini facile persuaderi possit, Deum ejus auctorem esse. *Pionius*, uti acta testantur, erat vir pius, intrepidus, imo prævidisse dicuntur ingruentia mala. Quæ causa ergo erat, ut Deus per miraculum eum edoceret, fore ut caperetur? Nec scio cur funem collo suo, & Sabine adposuerit: nimirum ait, ut scirent, qui eum capturi essent, se nihil novi facturos. At homines certe illi nil aliud credere poterant viso fune collo circumjecto, quam *Pionium* vel violentas sibi voluisse inferre manus, vel emotæ mentis esse. Num funis ille collo injectus fidei testimonium exhibere potuit? nugæ!*

XI. Sed veniamus ad Celeberrimum Ecclesiæ Doctorem, atque Martyrem, *Cæc. Cyprianum*, Episcopum Carthaginensem. Huic multas numero visiones contigisse communis est sententia. Quam vere data opera, & sine studio partium dispiciemus. Addubitasse de multis *H. Witsium* modestissimum Theologum, supra audivimus; Eum sequitur Celeberrimus *Clericus* in vita *Cypriani* nostri, gallice scripta: Imo vel ipse *Episcopus Fellus*, Oxoniensis Editionis Editor, Patrum acris defensor, quibusdam in locis haud obscure fatetur, se promiscue omnes non admittere. Contra vero Doctissimus *Dodwellus*, *Dissertat. Cyprian. IV.* non solum cunctas visiones Beati Martyris acriter defendit, sed & eousque prolabitur, ut eos omnes profanos esse dicat, qui Earum divinam originem infutiantur. Nimio autem Antiquitatis studio, ut alibi, sic hoc in argumento abripi se passum fuisse Virum cætera Eruditissimum, perspicue probabimus. Et quomodo tandem hæc inter se cohærent: Hic vel ille doctus Vir dubitat, & quidem graves ob causas, utrum visiones omnes, quas habuisse dicitur *Cyprianus*, divinæ, & extraordinariæ sint; Ergo hic vir cætera probus, & Religionis etiam amans, favet impietati? O quam iniquam legem contra se metipfos faciunt Eruditi Viri, tam audaciter de aliis judicantes! Ipsemet *Dodwellus*, quando suas de paucitate Martyrum, & causis Martyrii ediderat dissertationes, expertus est, quam vehementer illæ Præsulibus quibusdam Anglicanis displicuerint, existimantibus, Deistis ita triumphandi materiem dari. De quo videndus est Doctissimus *de la Roche*, *Bibliotheca Anglice* Auctor (\*). At erat, ut notum est, *Dodwellus*

X x x x 2

Vir

- (\*) *Biographiam Dodwelli* conscripsit *F. Brokesby*. Compendium illius extat, in *de la Roche Bibl. Angl. Tom. I. pag. 77. seq.* Vir fuit *Dodwellus* in Arte Critica, Antiquitatibus Ecclesiasticis & Chronologia versatissimus, atque merito inter doctissimos seculi proxime elapsi Viros referendus. Idem pietate, continentia, modestia, benignitate erga pauperes aliisque virtutibus præditus erat. Juvat, in gratiam eorum, qui rerum inter Eruditos gestarum cognitione delectantur, virtutum ipsius quædam adducere specimen. *M. Dodwell* temoignoît (ita loco citato *Brokesby*) beaucoup de joie, lors qu'il apprenoit la conversion d'un pécheur. Il pardonnoit aisément à ses ennemis. Quoi qu'on le traitât d'Hérétique; de Papiste, &c. il ne rendoit point injure pour injure. Il jeunoit trois jours de la semaine, savoir le Mercredi, le Vendredi, & le Samedi. Ses Jeunes étoient fort austères. Il ne prenoit que du Café ou du Thé jusqu'à sept heures du soir, & il ne mangeoit point de viande à souper. Il jeunoit de la même manière pendant tout le Carême, excepté le Dimanche, il dînoit ce jour là; mais sans viande. Ses amis eurent bien de la peine à lui persuader de renoncer à ses Jeûnes, deux ans avant sa mort. Après avoir observé le Carême, disoit-il, pendant quarante-neuf ans, faut-il que je cesse de l'observer? Il étoit d'ailleurs fort charitable, quoi qu'il ne fût pas riche. Une partie de son bien consistoit en Terres & en Dîmes, qui

in cæteris pius, & religiosus. Idem quasi sui immemor Dissertat. II. in *Irenæum* postquam exemplo *Hieronimi* in vita *Pauli*, *Athanasii* in vita *Antonii*, *Palladii*, *Sulpitii* in Dialogis, & vita *Martini* ostendisset, Scriptores Seculi IV. fabulis fuisse addictissimos, monet, nihil magis Religioni nocere, quam ficta miracula. At hoc idem est ac si dixisset, prudenter & circumspicte de portentosis actionibus, quas scriptores his vel illis tribuunt Patribus, esse judicandum, neque sine gravissimis causis asserendum, huic vel Illi obtigisse visiones extraordinarias, quæ etiam nostra est sententia. Sed ad rem ipsam accedamus, mode-

ste

appartenoit autrefois à l'Eglise, & qui produisoient environ vingt-trois Livres Sterling par an. Il ne voulut jamais recevoir cette portion de son revenu. Il en fit distribuer une moitié à quelques-uns de ses Parens, & l'autre à quatre Veuves & à un Orphelin. On rapporte quelques autres Exemples de la charité de Mr. Dodwell, dont je ne dirai rien. Mais je ne dois pas omettre, que, quelques jours avant sa mort, il fit venir de nuit Mr. Brokesby, pour lui dire, qu'il avoit trente Guinées dans une Bourse, & qu'il souhaitoit, qu'on en donnât la moitié aux pauvres Enfans de sa Paroisse, qui venoient au Catéchisme, & le reste à d'autres personnes indigentes. Lors qu'il faisoit imprimer quelque Ouvrage, il ne demandoit de l'argent aux Libraires que pour en faire des Charités. Cetoit ordinairement à des Ecclesiastiques necessiteux, qu'il distribuoit cet argent. Il avoit soin de donner de bons avis aux jeunes Etudiens, afin qu'ils se rendissent capables de servir l'Eglise & l'Etat. Il faisoit resouvenir ses amis des choses, qui regardoient leur salut. On nous dit à cette occasion, qu'un savant Homme étant malade, Mr. Dodwell, qui le soupçonnoit d'indifference en matiere de Religion, lui écrivit, entre autres choses, que les Siamois seroient plus excusables au jour du Jugement, que les Chrétiens, qui n'agissent pas selon leurs principes. Il étoit toujours prêt à satisfaire ceux, qui le consultoient sur quelque point de Litterature, ou sur des cas de conscience. Il voyagoit à pied, afin de pouvoir lire en marchant; & les Livres, qu'il portoit alors dans ses poches, étoit, la Bible Hébraïque, le Nouveau Testament Grec, la Liturgie de l'Eglise Anglicane, l'Imitation de Jesus Christ par Thomas à Kempis, les meditations de St. Augustin, &c. Il en étoit quelque fois si chargé, même de gros in quarto, qu'un de ses Amis disoit en badinant, qu'il avoit des tablettes portatives sous sa grande casaque, où il les rangeoit comme dans un Cabinet.

Ioseph tandem Illustr. Burnet, Episcopus Sarisburiensis, postquam in epistola ad ipsum Dodwellum data facis superque ostendisset, quantopere sibi displicerent opiniones quædam ab eo defensitæ, pietatem tamen ejus laudat dicens loco citato pag. 92. Vous êtes Savant, & vous avez mené une vie irréprochable, & me ne exemplaire. Nimirum offendit vir cætera Doctissimus & præstantissimos Præfules Anglicanos, multasque sibi creavit molestias, cum propter editas de causis Martyrii & paucitate Martyrum dissertationes, tum ob paradoxam de anima natura mortali, sed per baptismum ab Episcopis administratum ad immortalitatis beneficium evehenda, opinionem: Ut jam non dicam, quod, cum Regi Guilielmo, & Reginae Mariæ juramentum fidelitatis præstare nolueret, munere suo publico fuerit motus,

ſte in viſiones, quæ Cypriano factæ dicuntur, inquituri. Sequemur autem ordinem temporis, prout eum digeſſit *Illuſtris Pearsonius* in *Analibus Cyprianicis*, adductis hinc inde, ubi neceſſe eſt, ejusdem, ut & *Felli*, atque *Clerici* adnotatiunculis Libro de *Mortalitate* pag. 163. Edit. *Bremenſis*, adſerit Cyprianus ſibi Revelatione injunctum eſſe, ut fratres hortetur, ne nimis acerbe lugerent eos, quos dira pellis tunc temporis graſſans, neci dederat. *Nobis quoque ipsis* (inquit) *minimis, & extremis quoties revelatum eſt, quam frequenter ac manifeſte de Dei dignatione præceptum eſt; Ut conſeſſarer aſſidue, & publice prædicarem, fratres noſtros non eſſe lugendos accerſitione Dominica de ſeculo liberatos, cum ſciamus non eos amiſſi, ſed præmitti, recedentes præcedere ut proficiſcentes, ut navigantes ſolent; deſiderari eos debere, non plangi, nec accipiendas eſſe hic veſtes atraſ, quando illi ibi indumenta alba jam ſuſceperint: occaſionem non dandam eſſe Gentilibus, ut nos merito, ac jure reprebendant, quod quos vivere apud Deum dicimus, ut extinctos, ac perditos lugeamus & fidem, quam ſermone, & voce depromimus, cordis, & pectoris teſtimonio non probemus?* Nescio qua ratione fratres, de Religionis chriſtianæ veritate perſuaſi dubitare potuerint, utrum homines pii, ſed peſtilenti morbo abrepti, ad beatam immortalitatem conceſſerint, atque utrum adeo dolori indulgendum ſit nec ne. Fac autem quosdam deſiderio ſuorum tactos, in dolore modum exceſſiſſe, num tandem ad eos revocandos ſingulari opus fuit Revelatione? An non præſto erant argumenta graviffima, neque Cypriano, neque fratribus ignota? Vide, quid de hac Revelatione Cypriani ſenſerit *J. Clericus*, vitæ Cyprian. gallice ſcriptæ pag 317. ſq. In *Epift. XI.* aliquot ſibi factas viſiones enarrat *B. Martyr*. In hac *Epiftola* hortatur ad preces aſſiduas. Inter alia autem ſic loquitur pag. 24. *Nam quod magis ſuaſit, & compulſit, ut has ad vos literas ſcriberem, ſcire debetis (ſicut Dominus oſtendere & revelare dignatur; dictum eſſe in viſione Petite & impetratis. Sane deinde præceptum plebi adſiſſenti, ut pro quibusdam perſonis deſignatis ſibi peterent. In petendo autem fuiſſe diſſonans voces, & diſparēs voluntates: & vehementer hoc diſplicuiſſe illi, qui dixerat: petite, & impetratis, quod plebis inæqualitas diſcreparet, nec eſſet fratrum conſenſio una & ſimplex, & juncta concordia, cum ſcriptum ſit: Deus qui inhabitare facit unanimes in domo. Et iterum: dico autem vobis, quoniam ſi Duo ex vobis convenerint in terra, de omni re, quamcunque petieritis, continget & vobis a Patre meo, qui in cælis eſt. Quod ſi Duo unanimes tantum poſ-*

sunt, quid si unanimitas apud omnes esset? Quid si secundum pacem, quam nobis Dominus dedit, universis fratribus conveniret? Jam pridem de divina misericordia impetravissimus, quod petimus, nec tam diu in hoc saluti & fidei nostræ periculo fluctuaremus. Vult ostendere Cyprianus, precibus non solum esse vacandum strenue, sed & unitis viribus hoc faciendum esse; Dissensionum autem semina obflare, quo minus multi ex plebe hoc fecerint, atque hanc ob causam Deum non exaudire semper orantes. At num hæc sine visione extraordinaria sciri haud possunt? præterea addendum est, quod hic rectissime monet Clericus dicens pag. 252. Vitæ Cypri. Non dicit Cyprianus (ita ex L. gallica verito) hanc sententiarum diversitatem, in quam distracta erat plebs sibi cœlitus fuisse revelatam, neque eadem via extraordinaria sese edoctum esse, quod Deus propterea fuerit offensus. Unde pro certo haberi non potest quod adserit Dodwellus, Episcopum nostrum per revelationem perspectas habuisse plebis cogitationes. Scire illas potuit ex sermonibus ipsius plebis; ex eventu insuper, & ex scriptura cognoscere potuit Deo displicere, quod parum inter se, circa precum materiam, essent concordēs. Unde probabile est, potuisse Cyprianum somnium naturale pro Revelatione extraordinaria habere.

Sequitur secunda visio. Imo vero (inquit) nec venissent fratribus hæc mala, si in unum fraternitas fuisset animata. Nam & illud ostensum est, quod sederet Pater familias sedente sibi ad dextram juvene, qui juvenis anxius, & cum quadam indignatione subtristis maxilla manum sustinens mæsto vultu sedebat, Alius vero in sinistra parte consistens rete portabat, quod se mittere, ut circumstantem populum caperet, minabatur, & cum intraretur quid hoc esset, ille, qui vidit, dictum est ei: Juvenem, qui ad dextram sic sederet, contristari, & dolere, quod præcepta sua non observarentur; Illum vero in sinistra exultare, quod sibi daretur occasio, ut a Patrefamilias potestatem sumeret sciendi. Hoc prius longe ostensum est, quæ tempestas vastitatis hujus oriretur. Et vidimus impletum quod fuerat ostensum, ut dum Domini præcepta contemnimus, dum datæ legis mandata salutaria non tenemus, facultatem nocendi inimicis acciperet, & minus armatos, & ad repugnandum minus cautos jactu retis operiret. Totius visionis argumentum huc redit: Homines præcepta Dei negligentes, Diaboli insulibus patere, atque ingruente persecutione hoc ipsum heu multorum exemplo fuisse confirmatum. Nimis autem vaga est hæc Revelatio. Facile Cyprianus sine revelatione cognoscere potuit, homines voluptatibus deditos, & præceptorum Dei immemores, nociva sibi pericula concituros, neque adeo ad mala subeunda rite fore præpa-

præparatos. Ego certe, qui non sum Propheta, hoc confidenter omnibus impiis possum ante eventum annunciare. Neque adeo mirum, id, quod antea cogitavit *Cyprianus*, re ipsa contigisse. Idem dictum velim de iis, quæ immediate excipiunt verba proxime adducta : *Oremus instantèr* (inquiunt) *Et assiduè precibus ingemiscamus. Nam Et hoc nobis jam olim per visionem, fratres Charissimi, exprobatum sciatis, quod dormitemus in precibus, nec vigilantes oremus.* Num ad præceptum, singulis Christianis a Deo injunctum insinuandum, opus est tandem Extraordinaria visione?

Sequitur *tertia visio* eadem epistola pag. 26. *Denique* (inquit) *ad minimum famulum suum, Et in delictis licet plurimis constitutum, Et dignatione ejus indignum, tamen illic pro sua circa nos bonitate mandare dignatus est: Dic illi, inquit, securus sit, quia pax ventura est, sed quod interrim morula est, supersunt adhuc aliqui, qui probentur. Sed Et victu parco, Et sobrio potu, divinis dignationibus admonemur, scilicet ne vigore cœlesti sublime jam pectus illecebra secularis enervet, vel ne largioribus epulis meus gravata minus ad preces Orationis vigilet.* Commentarii loco in hanc visionem adducam in margine Cl. Clerici verba. (\*) Epist. 93. ad *Cœciliam* data, per inspirationem se a Deo edoctum esse ait, quod nimirum necesse sit, ut in usu sacræ cœnæ aqua vino temperetur. *Nec nos putes* (inquit) *frater charissime, nostra Et humana conscribere, aut Ultronea voluntate hoc nobis audacter assumere, cum mediocritatem nostram semper humili, Et verecunda moderatione teneamus: sed quando aliquid Deo adspirante Et mandante præcipitur, necesse est Domi-*

no

- (\*) Les défenseurs (inquit) des visions de *St. Cyprien* supposent, qu'il eût cette revelation dans un temps auquel on ne pouvoit pas prévoir humainement, si la persécution dureroit, ou non: mais il n'en dit rien, & il propose cette Revelation comme toutes les autres avec beaucoup d'obscurité, sans y joindre presque aucune circonstance. Mais quand on n'auroit pu prévoir la fin de la persécution, ce que l'on ne peut savoir, à moins que d'avoir vécu en ce temps-là: on pourroit toujours dire, que l'on songe aisément, ce que l'on désire avec ardeur, & que quand on souhaite extrêmement d'avoir des Revelations, on prend aisément ses songes pour des Propheties. Et dès qu'il s'est trouvé quelque personne de considération qui s'est imaginée, qu'elle a des visions, son imagination échauffée lui en fait avoir à tous momens, & fait que plusieurs croyent aussi, que Dieu ne daigne pas de les entretenir. On peut tomber d'autant plus aisément dans cette pensée que *St. Cyprien* ajoute, que Dieu lui avoit aussi daigné reveler qu'il ne falloit guere manger, ni guere boire, de peur, que l'Esprit élevé déjà par une vigueur divine ne fut enervé par les attraites du monde. Un précepte aussi général que celui là, n'auroit pas besoin de nouvelle Revelation; & Dieu, qui ne les a jamais prodiguées envers les anciens Prophètes, en auroit usé alors d'une manière toute nouvelle.

no servus fidelis obtemperet; excusatus apud omnes, quod nihil sibi arroganter adsumat, qui offensam Domini timere compellitur, nisi faciat, quod jubetur. Admonitos autem nos scias, ut in calice offerendo Dominica traditio servetur, neque aliud fiat a nobis, quam quod pro nobis Dominus prior fecerit; ut calix, qui in commemoratione ejus offertur, mixtus vino offeratur.

At hoc falsum esse norunt omnes, qui institutionis S. Cænæ a Christo traditæ cognitionem habent. Verum est, consuetudinem vinum aqua miscendi, fuisse antiquam satis, prouti adductis testimoniis Irenæi, Just. M. & Auctoris Constitut. Apostol. ostendit Bingham. Orig. Eccles. Vol. VI. Lib. XV. Cap. 11. Hodierna Ecclesia græcæ hunc ritum etiam servat, quod probant Ricautus, Heineccius & Elsnerus. Sed expressum Christi mandatum de hac re non extat. Quod si vel maxime Christus exemplo suo nos edocuisse, vinum in S. Cænæ usu aqua esse temperandum, num tandem nova visione opus erat ad id comprobandum? Nil jam dicam de violentis multorum S. Scripturæ locorum interpretationibus, quibus suam sententiam, visione scilicet oblatam, confirmare voluit. Plena enim sunt Patrum fere omnium scripta allegoricis interpretamentis & rethoricationibus. (\*) Epist. LVII. quæ synodica est ad Cornelium Episcopum Romanum pag. 119. ingruentem persecutionem graviolem longe futuram esse per visionem edoctus priore adferit. Nos (inquit) quod fidei & Charitati & sollicitudini congruebat, quæ erant in conscientia nostra protulimus: Diem certaminis appropinquasse, hostem violentum cito contra nos exurgere, pugnam non talem. qualis fuit, sed graviolem multo, & acriorem venire, hoc nobis divinitus frequenter ostendit, de hoc nos Providentia & misericordia Domini sapius admonet &c. At vehementiorem non fuisse hanc persecutionem priore, ostendit Pearsonius in Annalibus pag. 37. sq. & Doddwellus ipse Dissertat. Cyprian. XI. Sect. LVIII. mira est interpretatio Felli hujus

(\*) Ne gratis hoc dixisse videar, audi verba Cypriani, quibus in hac ipsa Epistola ad ritus hujus utilitatem demonstrandam utitur. Videmus (inquit) in aqua populum intelligi, in vino vero ostendi sanguinem Christi. Quando autem in calice vino aqua miscetur, Christo populus adiungitur, & credentium plebs sanguini ejus, in quem credit, copulatur & conjungitur. Quæ copulatio & conjunctio aquæ & vini se miscetur in calice Domini. ut commixtio illa non possit ab invicem separari. Sic autem in sacrificando calice, Domini offerri aqua sola non potest, quomodo nec vinum solum potest; nam si vinum tantum quis offerat sanguis Christi incipit esse sine nobis: si vero aqua sit sola, plebs incipit esse sine Christo: quando autem utrumque miscetur, & adoratione confusa sibi invicem copulatur, tunc Sacramentum celeste & spirituale conficitur.



hujus loci. Ait enim: Certe Cypriano erat gravior; qui post exilii tedia, tandem hac persecutione capite pledebatur. Sed Prophetæ visorum suorum non semper fidi interpretes. Donum prophetias interpretandi prorsus erat distinctum a prophetiæ charismate. Vid. 1. Cor. 1: 10. Si vero non gravior fuit persecutio, quæ ingruerat antecessâ, quomodo is, qui habet donum prophetias interpretandi, visionem Cypriano factam aliter interpretari potuit? 1. Epist. ad Cor. x. v. 10. plane non agitur de hoc argumento. Ereore Typothetæ sine dubio hoc factum. Respexit Fellus ad locum Cap. XII. v. 10. hujus Epistolæ. At & hîc nihil inveniet Eruditus Lector, quod Oxoniensis Episcopi interpretationi fa- veat. (\*\*)

Epistola 66. invehitur Cyprianus vehementer in Florentium, Episcopum Africanum, Confessorem sub persecutione, sed Novatianis addictum. Cyprianus, postquam variis, iisque parum firmis rationibus, probare aggressus esset, quanta esset Episcoporum potestas, tandem promittit Florentio, se, si quidem in posterum rectius de se, sui que muneris dignitate esset sensurus, veniam ipsi daturum, cumque eolin gratiam rediturum, hac tamen conditione, ut Deum primo consuleret, utrum consilium hoc probaturus esset nec ne. Quamobrem (inquit) frater, si Majestatem Dei, qui sacerdotes ordinat, cogitaveris; Si Christum, qui arbitrio & nutu, ac presentia sua, & prepositos ipsos, & Ecclesiam cum prepositis gubernat, aliquando respexeris; si de innocentia sacerdotum non humano odio, sed divino judicio credideris; si temeritatis & superbiæ atque insolentia tue agere vel sero pœnitentiam ceperis; si Deo, & Christo ejus, quibus servio, & quibus puro atque immaculato ore sacrificia & in persecutione pariter, & in pace, indefinenter offero, plenissime satisfeceris; communicationis tue poterimus habere rationem, manente tamen apud nos divine censure respectu, & metu; Ut prius Dominum meum consulam, an tibi pacem dari, & te ad communicationem Ecclesiæ suæ admitti sua ostensione & admonitione permittat. Memini enim quid jam mihi sit ostensum, imo quid servo obsequenti & timenti, de dominica, & divina auctoritate præceptum: qui inter cetera, quæ ostendere, & revelare dignatus est, & hoc addidit: Itaque qui Christo non credit sacerdotem facienti, post ea credere incipiet sacerdotem vindicanti. Quamquam sciam somnia

Yyyy                      ridicu-

(\*\*) Quid per τας διαγραφάς τας προφητάς intelligendum sit, in diversa abeunt Interpretæ. Vide Celeb. Wolfii curas Philolog. & Crit. Tom. II. pag. 169. Qualem- cunque autem arripias sententiam, eventus docuit, Cyprianum fuisse deceptum, quod nobis sufficit.

*ridicula, & visiones ineptas quibusdam videri, sed utique illis, qui malunt contra sacerdotes credere, quam sacerdoti, &c. Ex adductis patet (1.) Cyprianum insinuare voluisse, ac si electio Episcoporum illius ætatis extraordinaria quadam ratione fieret, quod tamen falsum fuisse omnes, qui ad Electionis rationem vel parum erant attenti, facile animadvertere poterant. Pessimum hoc erat, quod eodem argumento Florentius Episcopus uti contra Cyprianum poterat. (2.) Constat perpetuas visionum jactationes effecisse, ut quidam, qui nasum habebant, non sine causa de visionum illarum veritate dubitarint, quos certe parum firmiter refutat, dicendo: iis demum visiones illas ineptas videri, qui malint contra sacerdotem credere quam sacerdoti; quasi vero cæco ad sensum cuncta, quæ dicuntur de sacerdotibus, pro oraculis sint habenda. (3.) Credibile igitur est, Cyprianum ad confirmandam suam auctoritatem, data opera hanc visionem effinxisse; nisi forte dicas, rectius eos sentire, qui putent, Cyprianum omne id, quod a se, bono animo factum, rectumque ac laudabile esse existimavit, pro visione cælitus concessa habuisse; quo sensu nemo bonus visionibus destituitur. At ne durius de hac visione sentire videar, aliorum etiam hæc de ea exhibebo judicia. Rigaltius ita loquitur: Hic etiam utitur offensionibus & visionibus, telo ad conterendos Adversarios in manu præsertim Cypriani, viri Optimi atque divini, valentissimo, alias vano ac futili. Nam & callidus Rhetor, & sopsista vaser, hujusmodi visa ad causam appositissima poterit comminisci, & fallere incautos & simplices. Fellus breviter, sed minus causæ fidens ita sentit: Sed siquidem rumoribus fidem addibendam crediderat Pupianus, æquum est, ut Cypriano somniis credenti non irasceret. Adeo præjudicium auctoritatis abripit Viros doctissimos, ut aperte suam sententiam dicere non ausint! Quid intelligit enim Rigaltius per Divinum hominem? num virum bonum, ac pium? at vir etiam bonus & pius adfectu abripi potest, & levi opinioni vel imaginationis lusui, tanquam firmæ sententiæ calculum adjicere. Num hominem perpetuo Inspirationis dono instructum? At probandum prius erat, Cyprianum hoc dono ornatum non vero pro certo admitendum. Felli, siquid intelligo, explicatio huc redit: Cum Pupiano licuerit, quibusvis tabellis exultimationi Cypriani noxiis fidem habere, potuisse similiter Cyprianum contra Pupianum fictis ad eum reprimendum uti visionibus. Utrum hæc defensio honorifica sit Episcopo Carthaginienfi & Oxoniensi, muneris Episcopalis dignitatem supra modum elaturis, aliorum sit judicium. Nobis potius candor J. Clerici placet,*

placet, qui rotunde suam super hac visione sententiam tulit. pag. 331. *Vita Cypr.* & sq. adponamus saltem in margine, quæ pag. 339. citato loco extant. (\*) Quæ Doctissimus Clericus ad finem hujus censure monet ex universis scriptis Cypriani, libro præsertim de *Unitate Ecclesiæ* satis superque probari possunt. Vide quæ de hac materia disseruerint isti *Eruditissimi*, J. H. Böhrer in *Dissertat. Juris Ecclesiastici antiqui Dissertat. III* pag. 203. seqq. & Job. Barbeyracius *Traité de la morale des Peres Cap. VIII. Sect. 42. seqq.* Atque ex hac frivola opinione, de supereminenti & prope divina Episcoporum auctoritate, evenisse puto, ut Cyprianus crediderit, ordinationes Presbyterorum a se factas, nonnisi extraordinaria Dei revelatione niti; saltem id credi voluit a Clero suo. *Epistola XL.* certiore facit Ecclesiam Carthaginiensem de Numidico, Presbytero a se constituto. Ita autem loquitur initio *Epistolæ*: *Nunciandum vobis fuit, Fratres Charissimi, quod pertineat & ad communem letitiam, & ad Ecclesiæ nostræ maximam gloriam. Nam admonitos nos & instructos sciatis dignatione divina, ut Numidicus Presbyterorum Carthaginiensium numero, & nobiscum sedeat in Clero, luce Clarissima confessionis illustris, & virtutis ac fidei honore sublimis. Ad quæ verba Rigaltius. Sic solet Cyprianus, quod absente Clero per se ipse facere ordinando videbatur, ad Dei monitum referre. Itaque infra dicit, interim quod ostenditur fiat. Sic *Epistola præcedenti* divina dignationis monitu suscepisse dicit Celerinum Lectoris officium. *Epistola quoque 32. præcessisse ordinationem Aurelii suffragia divina. Hinc collige non prophanas, sed sacras jam olim habitas ordinationes Clericorum, non modo Hypodiaconorum, Presbyterorum, sed & Lectorum, usque adeo, ut fere signa**

Y y y y 2 quæpiam

- (\*) Si ces songes (inquit) étoient bons pour St. Cyprien, qui les avoit, ils ne pouvoient pas avoir beaucoup de force contre ses Adversaires, parce qu'ils n'étoient pas obligés de croire ce qu'il disoit sans preuves, qu'il faisoit dire à Dieu ses opinions que l'expérience demontoit; puisqu'alors comme depuis, Jesus Christ ne faisoit pas plus les Evêques que les autres choses, & qu'il y en avoit peut-être en ce temps là, comme dans le nôtre, autant de mauvais que de bons. Cette revelation au moins n'avoit pas les Caractères qu'*Hermas* dit, que les véritables doivent avoir; c'est que les vrais Prophètes n'ont pas des Revelations, quand ils veulent, & ne sont pas prêts à répondre à toutes les questions qu'on leur fait: Comme ils ne recherchent pas aussi les premières places. Ce pouvoit être pour ces raisons, ou pour d'autres semblables, que les Adversaires de St. Cyprien traitoient les songes de ridicules, & ses visions d'impertinences, quoi qu'ils disoient que ceux, qui parlent ainsi, étoient des Gens, qui a moient mieux ajouter foi à ce qu'on disoit contre un Evêque, que croire cet Evêque. Il auroit pu ajoûter: parlant de soi-même. Il paroît par-tout, que nôtre Martyr croyoit, que des qu'un homme étoit élu Evêque, c'étoit un signe que Dieu l'approuvoit. & que tant qu'il demouroit attaché au plus grand nombre des Evêques, on n'avoit pas droit de l'accuser. Il s'exprime en termes si généraux & si positifs, qu'on ne peut pas douter, que ce ne fût là son principe, à quelques inconveniens, qu'il puisse être sujet.

quæpiam divinitus ante ordinationem illorum contingerent. Si Rigaltius rotundo ore voluisset loqui, dixisset, Cyprianum locis quibusdam scripturæ, præsertim V. Testamenti, deceptum, aut vana opinione delusum, existimasse, visionibus perpetuis opus esse, ad munus Episcopi obeundum. Et quid sibi vult æquivocatio Rigaltii: Fere signa ante ordinationem contigisse? Si fere, non vere obtigerunt signa, rethoricatus est Cyprianus, & Clero suo imponere voluit, aut si id durius videtur, deceptus saltem ipse est.

Epistola antecedente, id est 39. secundum Calculum Pearsoni, certiores facit Ecclesiam Carthaginiensem de Celerino Lectore ordinato. Ita autem de electione hac loquitur: *Exultate* (inquit) *& gaudete nobiscum lectis Literis nostris, quibus ego & Collegæ mei, qui præsentibus aderant, referimus ad vos, Celerinum, fratrem nostrum, virtutibus pariter & moribus gloriosum, Clero nostro non humana suffragatione, sed divina dignatione conjunctum. Qui cum consentire dubitaret, Ecclesiæ ipsius admonitu, & hortatu in visione per noctem compulsus est, ne negaret nobis suadentibus, cui plus licuit, quæ & coegit, qui nec fas fuerat, nec decebat sine honore Ecclesiastico esse, quem sic Dominus honoravit cælestis gloriæ dignitate. Conferantur ad h. l. denuo notæ Rigaltii; Inter alia dicit: Notanda hic etiam est industria Cypriani, visionum efficacia tam suaviter utentis. Metaphoricam loquendi rationem sequitur Rigaltius, ut aliquid pro Cypriano dicere videatur. Si Celerinus tantis virtutibus ornatus, rationibus moveri non potuit vigilans, ut munus hoc susciperet, quomodo species Ecclesiæ phantasie noctu objecta hoc efficere potuit, & quidem sine rationibus? forte singularem vim habet idea abstracta Ecclesiæ in quorundam ingeniis. At ut serio loquamur, nulla probabilitatis specie sese commendat hæc visio. Non deerant in Africa & Italia multi, qui officiis publicis, si forte unus vel alter ea obire decreta, defungi possent; neque adeo singularibus visionibus & miraculis opus erat, ad excitandos homines, ut munera Ecclesiastica peterent. At satis superque patet, Cyprianum absentem, Presbyteris & plebi persuadere voluisse, quicquid bono animo a se susceptum esset, visionibus divinis & Revelationibus comprobari. Hinc Epistola LIX. supra modum extollit auctoritatem Episcoporum, atque adserit, omnes hæreses ideo esse natas, quod Episcopis non fuerit obtemperatum. Episcopum non audire idem esse, ac Dei decreta vilipendere &c. Non jam dicam, quam miser Interpretes Scripturæ sit Cyprianus, provocans ad loca S. Scripturæ ineptam opinionem defensorus, quæ prorsus de aliis*

aliis rebus agunt. Hoc unum dicam, Ipsum propria vineta cedere. Notum est, quid inter *Stephanum* Episcopum Romanum, & *Cyprianum* de baptismo Hæreticorum actum & disputatum fuerit. Utar autem principio *Cypriani*; Episcopo obedire idem est ac Christo, vel Deo obtemperare. Hoc posito, necessario sequitur, contradiçtoria, & quidem vi voluntatis Divinæ esse sequenda: unus enim Episcoporum Hæreticos denuo baptizandos, alter non baptizandos esse statuit, quorum prius *Cyprianus*, posterior vero *Stephanus* adseruit. Quid autem magis absurdum hoc adferro? Epistola LXL. contendit, *Cornelium* singulari Dei Providentia factum esse Episcopum Romanum, cum tamen sole meridiano clarius sit, Romanos & Afros Episcopos atque Clerum ad eam dignitatem *Cornelium* evexisse. Probe hoc adnotavit, & in rem suam convertit *Baronius*, reprehensus propterea ab Episcopo Oxoniensi, dicente: *Illustrissimus Annalista* divino aliquo signo designatum putat. Sed nostrum non est miracula cudere. Ille Dei judicio electus dicitur, qui talis est, qualem lex ad id munus obeundum expetit. Hæc enim explicatio, licet nostris favens, non conveniens est stylo *Cypriani*. Verba ipsius ita sonant: factus autem est *Cornelius* Episcopus de Dei & Christi ejus judicio, & de Clericorum pene omnium testimonio, de plebis, quæ tunc adfuit, suffragio, & de Sacerdotum antiquorum & bonorum Virorum Collegio: & paulo post: Tum deinde post Episcopatum non exambitum, nec extortum, sed de Dei, qui sacerdotes facit, voluntate susceptum &c. Ita Reverendus *Fellus*: Persuassus sum, virum hunc longe aliter interpretaturum fuisse verba *Cypriani*, nisi vidisset *Baronium* inde argumentum petere, ad stabiliendam Pontificis auctoritatem. Paraphrasis igitur illa ex studio partium videtur orta. Nam si *Cyprianus* nihil aliud dicere voluisset, quam hoc: *Cornelium* nempe secundum canones fuisse electum, satis fuisset, si ad optimorum Virorum, promotioni huic faventum, adsensum provocasset; at ulterius progreditur, atque ad Dei & Christi voluntatem provocat. Atque hanc ob causam jure dicere possumus, *Cyprianum* de auctoritate Episcoporum rethorizantem, plurimum contulisse ad Episcoporum Romanorum fastum, & quæ inde secuta sunt innumera mala, promovendum. Quo referas etiam ea, quæ de excommunicatione disseruit *Cyprianus*. Audi quomodo Epistola IV. respondeat *Pomponio* de quibusdam immorigeris consulenti: Nec putent (inquit) inter alia sibi vitæ aut salutis constare rationem, si Episcopis & Sacerdotibus obtemperare noluerint; Cum in *Deuteronomio* Dominus Deus dicat: Et homo quicunque fuerit in superbia,

ut non exaudiat Sacerdotem, aut Judicem, quicumque fuerit in illis diebus, morietur homo ille, & omnis populus, cum audierit, timebit, & non agent impie: Etiam nunc Interfici Deus iussit Sacerdotibus suis non obtemperantes, iudicibus a se ad tempus constitutis non obedientes; sed tunc quidem gladio occidebantur, quando adhuc circumcisio carnalis manebat; nunc autem, quia circumcisio spiritualis esse apud fideles servos Dei capit, spirituali gladio superbi & contumaces necantur, dum de Ecclesia ejiciuntur. Neque enim vivere foris possunt, cum domus Dei una sit, & nemini salus esse, nisi in Ecclesia possit. Audacius adhuc loquitur Epistola III. Hæc loca ubi adduxisset Illustris Böhmerus libello erudito, supra citato, recte addit pag. 209. Omnia, quæ in vetere fœdere potuit reperire argumenta, auctoritatem, potestatem & honorem Sacerdotum vindicantia in adducto loco coacervavit, non alium in finem, quam quia existimavit, eandem auctoritatem & potestatem, quæ tamen apud Judæos fere regia fuit, Episcopis quoque esse tribuendam. Quippe qui similes Sacerdotibus Summis & Pontificibus Maximis in Republica Judaica essent, ut omnia jura eorum illis applicari possent & deberent. Ex hac persuasione potestas Episcoporum in immensum aucta est, & posthac res Christianorum, quæ ab initio ad instituta Synagogarum Judaicarum se conformabant, ad liturgiam templi Judaici in totum componi ceperunt. Ita Illustris Böhmerus. Quæ ratione sequentibus seculis spiritualis, vel metaphoricus gladius vere per Episcopos in realem mutatus sit, cheu satis compertum est.

Atque hæc, quæ hætenus adduximus, Cordato Viro sufficere possent, ad iudicium, de pretio visionum, Cypriano oblatarum, ferendum. Ne quid tamen omisisse videamur, quod ad excutiendas illas visiones facere potest, age audiamus, quæ ratione Eruditissimus Dodwellus probet, vere divinas illi obtigisse visiones.

Primo provocat ad Epist. X. in qua secessum suum Revelationi ascribit. Et audietis omnia, quando ad vos reducem me Dominus fecerit, qui ut secederem iussit. At Indubitatum hoc factæ revelationis extraordinariæ signum esse nego. Cum enim ipse Christus in Evangelio discipulis suis injunxerit, ut ingruente persecutione siquidem possent, ex loco in locum migrarent, Cyprianus eo sensu dicere potuit, Dominum hoc iussisse. Ad hoc eum vitæ amor, legesque prudentiæ, satis stimulare & inducere potuerunt. Pontius vero, scriptor vitæ Cypriani, ad quem provocat Dodwellus pag. 5. multas & varias hujus secessus addit rationes, quæ omnes vanæ sunt, si Revelatione sua ad secessum quærendum commotus fuit.

*Secundo adducit Doduvellus verba Cypriani*, quibus se per nocturnas & diurnas visiones castigari dicit, propterea quod Presbyteri, se inconsulto, pacem lapsis concesserint. Num autem quisquam sibi persuadebit, Deum etiam visiones propter canones disciplinæ Ecclesiasticæ; qui pro circumstantiarum ratione moderandi sunt, ingerere? an non ipse tandem *Cyprianus* a nimio adversus lapsos rigore recedendum esse putavit? num igitur perpetuis & nunquam interruptis visionibus hominem hunc gavisum esse credendum est? certe tota, quam de disciplina Ecclesiastica habuit opinio, male intellectis scripturæ locis, non visionibus innixa erat. Vide *Illustr. Böhmerum* loco supra citato.

Porro in auxilium vocat *Doduvellus* ea, quæ de quinque Presbyteris *Feliciissimi* factioni addictis, & per visionem, uti videtur, representatis, Epist. 43. narrat *Cyprianus*. Nimirum quinque Presbyteri factione *Feliciissimi* adjuti, multorum animos a *Cypriano* abalienare cæperunt. Hæ dissensiones impediverant, quo minus ante festum Paschatis Carthaginem venire posset, metuens, ut erat admonitus, ne præsentia sua tumultum augeret, atque gentilibus occasionem suppeditaret Christianis insultandi. Scripsit igitur hanc Epistolam ad universam plebem, eamque non solum hortatur, ut sibi constanter adhæreat, sed & in adversarios vehementer invehitur, eosque omni modo exosos reddere cupit; imo videtur adserere, ac si in visione illos quinque Presbyteros vidisset; cum Optimatibus, Religionem Christianam impugnantibus, conspirantes. Verba *Cypriani* ita sonant: *Persecutio hæc est alia, & alia tentatio: & quinque isti Presbyteri nihil aliud sunt, quam quinque primores illi, qui edito nuper Magistratibus fuerant Copulati.* Hæc verba ita explicat *Pamelius*. *Videtur mihi adludere ad visionem quampiam, in qua apparuisse videntur cum Magistratibus quinque primores, qui editum contra Episcopos una publicarent.* Hæc Interpretatio placet *Doduvello*, quoniam instituto suo faver. At ego nullum vestigium visionis alicujus in his verbis deprehendo. Mihi videtur potius Episcopus uti argumento ab invidia petito. Nimirum exosos reddere vult quinque Presbyteros illos, uti ex universa Epistola patet. Ut igitur hoc obtineat, eos comparat cum Præsidibus & Proconsulibus Provinciarum inter Ethnicos, bellum Religioni Christianæ indicentibus, atque Christianos persequentibus. Quis autem tandem credat, Deum, ut iram contra Presbyteros in animo *Cypriani* accensam acueret, & augeret, per miraculum effecisse? & cur Presbyteri tantum, non ipse etiam *Feliciissimus* in visione illa comparent? *Rigaltius* equidem itidem visionem in

in his verbis quærit, sed ita, ut haud obscure significare videatur, *Cyprianum* ita locutum esse data opera, ut plebs nimirum crederet, Presbyteros illos, tanquam homines profligatæ impietatis, per visionem fuisse repræsentatos. Verba sic sonant: *Quam exquisitè omnia, quæ ad suam causam faciunt, congerit, ut invidiam adversario faciat & quinque Presbyteros, qui se felicissimo sociaverant, ut calumniam & periculum Cypriano crearent, a Deo sibi ostensos, & significatos esse ait, per illos quinque primores, qui Magistratum adversus Christianos edicto subscripserant, ac proinde quinque illos Presbyteros non minore dignos odio, quam illos quinque primores persecutionis fautores.* Sapiienti sat.

Pergit *Doduvellus*, atque ait: *Cyprianum* persecutionem sub Gallo ingruituram prædixisse. At supra jam ad hanc objectionem respondimus. Idem *Cyprianus* ita locutus est, ac si ultimum Judicium, atque Antichristi manifestatio ante fores essent; num & hoc per visionem scivit? probandum nulla alia ratione instantem persecutionem cognoscere potuisse *Cyprianum*, quam divina Revelatione. Certe Reformati Galli ante annum 1685. persecutionem scædam instare animadverterunt. (\*)

*Adeo familiares* (sic porro ratiocinatur *Doduvellus*) *Cypriano* erant *hujusmodi visiones, ut in discipline etiam Ecclesiasticæ exercitio illas acceperit, aliasque deinceps provocaret.* Ad hoc probandum provocat ad ea, quæ cum *Florentio Pupiano* acta sunt, quæque supra a nobis discussa sunt. Certe tantum abest, ut talia probent, *Cypriano* obtigisse visiones divinas, ut potius veris, si quas habuit, non parum detrahant. At notum est, absolutam potestatem Episcoporum a *Doduvello* fuisse defensitatam. Hinc in remotissima antiquitate conquirenda erant exempla & rationes, quibus illa thesis confirmaretur. Denique adserit *Doduvellus*, *Cyprianum* somnium habuisse propheticum, de tempore Martyrii sui. Rem ita narrat *Pontius* in vita *Cypriani* pag. 7. Edit. Brem. *Eo die, quo primum in Exilii loco mansimus (nam & me inter domesticos comites dignatio caritatis ejus delegerat exulem voluntarium, quod utinam & in passione licuisset) apparuit mihi, inquit, nondum somni quiete sopito, juvenis ultra modum hominis enormis, qui cum me quasi ad prætorium duceret, videbar mihi tribunali sedentis tum Proconsulis admodum veri. Is, ut in me repressit, adnotare statim cœpit in tabula sententiam, quam non sciebam, nihil enim de me solita interrogatione quæsierat; sed* enim

(\*) Refert *Pontius* in vita *Cypriani*, *Xylum*, Romanum Pontificem Eum de secutura persecutione monuisse,



enim juvenis, qui à tergo ejus stabat admodum curiosus legit, quicquid fuerat adnotatum. Et quia id verbis proferre non poterat, nutu declarante monstravit, quid in Literis tabule illius haberetur. Manu enim expansa & complanata, ad spathe modum itum solite animadversionis imitatus; quod volebat intelligi, ad instar liquidi sermonis expressit. Intellexi Sententiam passionis futuram. Rogare cepi, & expetere continuo, ut dilatio mihi vel unius diei prorogaretur, donec res meas legitima ordinatione dispo- nerem. Et cum preces frequenter iterassem, rursus in tabula ceperat nescio quid adnotare. Sensi tamen de vultus serenitate judicis mentem, quasi iusta petitione commotam. Sed & ille Juvenis, qui jam dudum de passionis indicio. gestu potius, quam sermone prodiderat, clandestino identidem nutu, concessam dilationem, que in crastinum petebatur, contortis post invicem digitis significare properaverit. Ego, quamvis non esset læta sententia, & si de gaudio dilationis acceptæ leto admodum corde gauderem; metu ta- men incertæ interpretationis sic tremebam, ut reliquæ formidinis cor exul- tans adhuc toto pavore pulsarent. Quid (ita exclamat Pontius) hac Re- velatione manifestius, quid hac dignatione felicius? Ante illi prædicta sunt omnia, quæcunque postmodum secuta sunt. Nihil Dei verbis imminutum; nihil & tam sancta promissione mutilatum. Singula denique secundum quod ostensa sunt, recognoscite. Dilationem petit crastini cum de Passionis sententia cogitaretur, postulans, ut res suas die illo, quem impetraverat, ordinaret. Hic dies unus significabat annum, quo ille post visionem adu- rus in seculo fuerat. Nam, ut manifestius dicam, eo die post exactum an- num coronatus fuerat, quo hoc illi ante annum fuerat ostensum. Patet (1.) ex hisce verbis, ipsum Cyprianum visionem non rite intellexisse, atque existimasse, sequenti die implementum habiturum ostensum. (2.) Omnis ergo explicatio visi dependet a Pontio. Dum autem diem vi- sionis non exprimit, utrum exacto anni cursu passio illa contigerit, nec ne, sciri non potest. (3.) Pro lubitu Pontius diem commutat in annum, interpretaturus sine dubio diem pro lubitu, si longius pro- tracta fuisset passio. Ponce (inquit Clericus pag. 369. vitæ Cypri.) ne doutoit point, que ce ne fût l'accomplissement du Songe dont on a parlé, & que le delai d'un jour ne marquât une année. Mais si au lieu d'une an- née S. Cyprien avoit demeuré dans l'exil vingt-quatre jours, vingt-quatre semaines, ou vingt-quatre mois, son Diacre auroit dit, que le jour étant composé de vingt-quatre heures, chaque heure marquoit un jour, une se- maine,

maine, ou deux mois. Ou s'il n'eût pas eu assez d'esprit pour expliquer ce songe, il n'en auroit rien dit, ou auroit avoué son ignorance. Atque hæc de visionibus Cypriani dicta sufficiant. Quodsi in universum, quid de iis sentiam, dicendum sit, existimo affirmari quidem certo non posse, prorsus nullas Cypriano obtigisse visiones. Earum tamen, quas in medium produximus, quasdam falsas, alias falsi suspectas, plures dubias esse adserimus.

## XII.

Sed veniamus ad alios. Iisdem temporibus quibus floruerat Cyprianus, celebris fuit Dionysius Alexandrinus. Hic in epistola ad Philemonem Ecclesiæ Romanæ Presbyterum, quæ extat apud Euseb. Hist. Ecclesiast. Lib. VII. Cap. 7. sequentia narrat: Ego vero (inquit) in libris, & traditionibus Hæreticorum cognoscendis operam posui; execrandis equidem illorum sententiis animum meum tantisper coinquinans; hanc tamen ex iis utilitatem percipiens, ut illos tacitus apud me refutarem, multoque magis, quam antea, detestarer. Et cum frater quidam ex Presbyterorum ordine, prohiberet me, veritus ne forte nequitia illorum cæno commiscerer, quippe animum meum contaminatum iri ajebat, & quidem verissime, ut ipsemet sentiebam, visione cælitus missa confirmatus. Et vox ad aures meus perlata diserte mihi præcepit hoc modo: Lege omnia, quæcunque in manus venerint. Idoneus namque es, qui singula disquiras, & examinos: hacque primum occasione ad Christi fidem impulsus es. Amplexus sum visionem illam, utpote quæ Apostolica voci consentiret, robustissimos quoque ita compellanti: Estote periti Nummularii. Ita Dionysius ipse. Ad hæc sequentia hic noto. Primum est, vix credibile esse, Deum monituum esse Episcopum, sine periculo legi posse Hæreticorum Scripta. (\*) Annon quilibet sanæ mentis homo sine ulla inspiratione intelligere potest, non posse recte errores Hæreticorum refelli, nisi lectis eorum scriptis? Quis ergo hæc credit Dionysio? Facile equidem crediderim, bonum Virum angore & metu inani cum talia legeret, tactum, inter meditandum, vel dormiendum aliquando vocem sibi contigisse existimasse; ac miraculum intercessisse adduci non possum ut credam. (2.) Exemplo Dionysii, & Presbyteri, cujus mentionem facit, constat, quam mature satis Orthodoxis odium erga dissidentes fuerit ingeneratum, quam-

(\*) De Origine librorum Hæreticorum & Gentilium in Ecclesia christiana proscriptendi, vide P. Sarpium Historiæ Synodi Tridentinæ Tom. II. pag. 150, Edit. Angledæ.

quamque pauci fuerint, qui ἀλεξ παθων Hæreticorum scripta excusserint. Unde mirum non est, iis sæpe talia tribui, quæ vix credibilia sunt, aut errores minus solide refutatos. (\*\*\*) (3.) Unde hauserit ea verba, γινώσκει δοκίμοι τραπεζίται Dionysius, ignotum est. Citantur eadem ab Origene, Pamphilo in *Apologia Origenis*, Cl. Alexandrino, Cyrillo Hierosolymitano & Palladio in vita Chrysostomi. Eruditorum de proverbio hoc sententias recensent Valesius ad hunc locum. Cotelærius Monum: Eccles. Gr. pag. 756. & Fabricius ad Codicem Pseudep. N. Test. pag. 330. Valesius, post Usserium ex Evangelio secundum Hæbreos hæc verba petita esse existimavit. At nil certi definiri potest; mox enim citatur in genere, quasi è Scriptura petitum; mox Christo, mox vero Paulo tribuitur. De quo videndi viri Docti, jamjam laudati.

Sed diu ante hæc tempora, Dionysio, atque aliis, visiones obtigisse dicuntur, quas hic, quoniam ordinem temporis non exacte sequendum in hac quidem de visionibus Christianorum disquisitione existimamus, adducemus. Idem Dionysius Cap. XL. Lib. VI. apud Eusebium ita de se loquitur: Ego vero coram Deo loquor, & ipse scit me nequaquam mentiri, nunquam mea sponte, nec sine Dei nutu fugam inii. Sed & prius cum persecutionis Editum sub Decio propositum fuisset, Sabinus Frumentarium, qui me requireret, eodem temporis momento misit. Atque ego quidem quatrifido domi mansi, adventum expectans Frumentarii. Ille vero omnia circumuendo perscrutabatur; vias, fluvios, agros, ubi me occultari, aut quo me transiturum esse suspicabatur. Verum caligo quedam obtutum ademerat, ne domum repertret. Neque enim opinabatur me domi consistere, grassante adversus me persecutione. Vixque post diem quartum, cum Deus mihi, ut alio migrarem, præcepisset, ac præter opinionem omnium viam aperuisset; ego & famuli, multique ex fratribus simul egressi sumus. Atque id divine Providentiæ opus fuisse, rerum eventus postea declaravit. Siquidem nonnullis fortasse baudquaquam inutiles fuimus. Ita Dionysius. Fateor hanc visionem, vel divinam admonitionem, maiorem veri speciem habere, quam eam, quæ ipsi de potestate Hæreticorum libros legendi facta dicebatur. Neque igitur eam prorsus in dubium vocabo. Duo saltem moneo: prius est: cum Dionysius adfectionem

Z z z z 2

(\*\*\*) Quamvis per visionem monitus esset Dionysius sine periculo Hæreticorum libros legi posse, impedire tamen non potuit quo minus ipse Hæreseos esset suspectus. Vide Epistolam Athanasii de Sententia D. Alexandrini & Basilii Episc. XLI. Ex recentioribus v. de Bullum defens. Conc. Nic. Cap. XI. pag. 141. Qui obedientiam cæcæ nostræ ætate promovere volunt, egregia consecraria ex hac Dionysii historiola elicere poterunt.

nem animi bonam, ut supra exemplo lectionis librorum Hæreticorum dixeramus, pro insolita Dei, & extraordinaria habuerit præcepto, facile etiam fieri potuit, ut, quod prudentia factum ab eo fuerat, singulari Dei, & miraculose custodiæ tribuerit. *Posterius* est: verba, *αὐτὸς ἀπὸ τοῦ πνεύματος τὴν φύσιν* significare possunt ipsum in timore Domini, & invocato ejus nomine, utrum persecutorum insidias fugienda essent nec ne, semper secum expendisse. Certe alibi jam diximus, Christum ipsum injunxisse discipulis suis, ut, siquidem sine detrimento veritatis illustrandæ fieri posset, ex uno in alium locum secederent.

Idem *Eusebius* Lib. V. Cap. 28. ex *Anonymo*, quem *Cajum* quidam esse putant, sequentia de Natali confessore narrat. *Erat* (inquit) *quidam Natalis* (\*) nomine, Confessor, qui non ita pridem, sed nostra ætate vixit. Hic forte in fraudem inductus est ab *Asclepiodoro*, & altero quodam *Theodoto Argentario*. Ambo autem discipuli erant *Theodoti* illius *Coriarii*, qui primus ob hanc doctrinam, seu potius insaniam, a *Victore*, ut dixi tunc temporis Episcopo, ab Ecclesiæ communione remotus est. Hi persuaserunt *Natali*, ut accepto salario *Hæresis* illius Episcopus crearetur; ea scilicet conditione, ut *mensuos* centum, & *quinquaginta* denarios ab illis acciperet. Sociatus igitur illorum partibus sæpe a Domino corripiebatur in somnis. Clementissimus enim Deus, & Dominus noster *Jesus Christus*, eum, qui passionum suarum testis extiterat, perire extra Ecclesiam volebat. Sed cum nocturnas ejusmodi visiones negligeret *Natalis*, utpote honore prime apud illos sedis, & turpis lucri cupiditate (quæ multis mortalibus exitio est) inescatus, tandem a sanctis Angelis per totam noctem flagris cæsus, & gravissime verberatus est: Adeo ut primo lacrimulo consurgens saccum induerit, & cinere confusus confesum cum lacrimis ad pedes *Zephyrini* Episcopi sese abjecerit, non solum Cleri, verum etiam *Secularium* vestigiis advolutus; & Christi misericordis Ecclesiam ipsam quoque misericordem fletibus suis commoverit, atque concusserit. Multisque precibus usus, ostensis etiam vibicibus plagarum, quas pro Christi confessione pertulerat, vix tandem ad communionem admissus est. Ita *Anonymus* ille.

*Dubiam* autem esse illam visionem putamus (1) quia auctoris hujus fides non adeo est nota, neque constat, utrum a *Natali* ipso, quod narrat, acceperit, an vero narrationi aliorum fidem habuerit. (2.) *Hæreticos* visionibus ad meliorem mentem revocari probabile non est. *Rationes* & argumenta duntaxat sufficiunt, ad erroris alicujus naturam

(\*) In Epitome hujus disquisitionis, priori parti præmissa per errorem pro voce *Natalis*, irrepserat *Altalus*, quem ut B. Lector corrigat, aut ignoret, oro.

ram cognoscendam. (3.) Si Deus miraculum voluisset edere, tum effecisset, ut potius prius lucri cupiditatem ex animo ejus eradicaret, quam ut eum turpiter lapsum demum, ad meliorem mentem revocaret. (4.) Si verum est, hominem nocturnis visionibus, iisque divinis, ut errorem fateretur, admonitum fuisse, vix probabile est, Deum post hæc dignum judicaturum, ut angelicis castigationibus compulsum errori demum nuntium mitteret. (5.) Unde tandem scivit *Natalis* Angelos esse, qui ipsum flagris cæderent? ubinam audiverat Angelos Hæreticorum Tortores esse? Et si Angelos illos esset scivit, unde cognovit is, hoc ideo duntaxat fieri, quod in hæresin esset prolapsus? forte quis conjiciat, hæc ad imitationem eorum, quæ de Paulo 2. ad Corinth. XII. v. 7. dicuntur, de *Natali* fuisse tradita. (\*) (6.) Si ea, quæ de Hæreticis illis *Anonymus* in sequentibus narrat, perpendo, haud a vero abhorret, quosdam ex orthodoxis eum in finem talia de *Natali* tradidisse, ut orthodoxæ doctrinæ decus aliquod adferrent, Hæreticos vero invisos redderent. Verba *Anonymi* hæc sunt: *Sacras quidem Scripturas audacter adulteraverunt, primitivæ autem fidei regulam rejecerunt.*

ZZZZ 3

Cbri-

- (\*) Ex difficili hoc loco ortas puto esse incertas narrationes Veterum de nocturnis & diurnis plagis, quas Angeli, mali præsertim, piis infligere soleant. In vita *S. Antonii* ab *Athanasio* scripta, frequens mentio ejusmodi angelicarum flagrarum. In Legendis sequioris ætatis, ubi omnia fictis narrationibus & miraculis augentur frequentissime in scenam adducuntur Dæmones horrendis flagris sanctos excipientes. Hæc vero fabulam sapiunt. Atque hæc una ratio est, cur auctor Historiæ *Paparii* gallico scriptæ Idiomate pag. 48. narrationem *Cajii* rejiciat. Vidi autem nuper aliud agendo, Rev. Episcopum *Bullum*, in *Judicio Eccles. Cath. de necessitate Credendi quod Dominus noster Jesus Christus sit verus Deus* Cap. III. pag. 27. edit: *Grabii*, veritatem narrationis hujus vindicare voluisse. Verba Doctiss. Viri ita sonant: Ceterum ad repetitas visiones quod attinet, quibus ipse Dominus *Jesus* se exhibuisse divina sue Majestatis vindicem lapsique Confessoris insaniam castigasse hic dicitur, nemo ipsas ut fictas facile rejiciet, qui observaverit hæc narrasse ipsum illum Confessorem de turpissimo lapsu suo, penitentiam in Ecclesia serio agentem coram multis testibus, quorum plerorumque tum superstitum fidem appellaverit gravissimus hujus Historiæ Scriptor: Ita *Bullus*. Duo reponimus. Prius est, non discrete dici ab Auctore hæc coram multis testibus in Ecclesiæ conventu fuisse dicta. Posterius: non negamus, *Natalem* errorem suum publice confessum; neque in dubium etiam revocamus quæ de angoribus conscientie narrat Confessor. Hoc unum disquiritur, utrum visiones vere divinæ in somno illi obtigerint, flagrisque fuerit ab Angelis cæsus. Potuit ob sædissimum errorem & lapsum in quem ob avaritiam incidit, diu nocturne macerari tunc Angelorum flagris & nocturnarum visionum monitis. Quid enim magis vel primis Religiosis Elementis est contrarium, quam ob turpe aliquod lucrum errori, quem exitialem esse ipsimet confitemur, patrocinari? an non facile de hujus criminis atrocitate siue visionibus nocturnis potuit convinci *Natalis*? cæterum hic ipse *Cajus* in disputat: contra *Proclum* Montanistam, probaturus Catholicæ Ecclesiæ excellentiam, & dignitatem ad *S. Corpora Petri & Pauli Romæ* servata provocavit; de quo videndus *Spanhemius Quatern. Disertus*, 1.

*Christum ipsum denique ignoraverunt, non inquirentes, quid sacræ doceant scripturæ, sed cujusmodi syllogismorum figura, ad confirmandam impietatem suam, reperiatur, assidue meditantes. Quod si quis aliquem divine scripturæ locum is obijciat, examinant, utrum connexum an disjunctum syllogismi genus ex eo confici possit. Reliquisque atque abjectis sacris Dei scripturis Geometrie student; quippe qui terrestres sint, & loquantur terrena, & illum, qui de cælo advenit, ignorent. Euclidis igitur geometria apud nonnullos eorum studiose excolitur. Aristoteles vero & Theophrastus summa admiratione suscipiuntur. Galenus autem a quibusdam etiam adoratur. Proinde istos, qui infidelium artibus ac disciplinis, ad stabiliendam hæresis suæ opinionem, abutuntur, & subtili impiorum hominum versutia simplicissimam divinarum scripturarum adulterant fidem, remotissimos esse a fide, quid attinet dicere? Ita Anonymus. Verosimile est, homines, his Literis excultos, Episcopum electuros fuisse, qui talium disciplinarum amore quoque esset captus. Difficile autem perquam est credere, homines eo ingenio ornatos, atque his studiis addictos, nocturnis visionibus ab erroribus iri revocatum. Quod si vero rudis literarum Philosophicarum mera auri cupiditate huic factioni sese addixit Natalis, stimulis conscientiae sine miraculo ad meliorem mentem revocari potuit. Quicquid sit, hoc certum, Auctorem constit. Apostol. qui hoc seculo vixisse videtur, ejusmodi librorum lectionem Episcopis & universo Clero non commendasse. Vid. Constit. Apost. Lib. I. Cap. VI. & ibi Cotelierum. Idem Eusebius, postquam initio Lib. VI. Cap. 11. sq. de virtutibus Origenis, & discipulorum ejus, Martyrium etiam passis, multa præclara narrasset, meminit miræ conversionis Basilidis, unius ex apparitoribus, qui Potamianam, non tantum elegantis formæ, castissimæque vitæ, sed & pientissimam, atque veritatis amantissimam faminam ad supplicium abduxerat. Rem ita narrat Eusebius: Protinus igitur Judicis (inquit) sententia damnatam Basilides, unus ex apparitoribus, ad supplicium abducit. Cumque vulgus eum vexare, & obscenis verbis ei illudere conaretur, Basilides quidem eos, qui contumeliam virginis faciebant, absterrens propellebat, multaque misericordie, & humanitatis erga illam præbebat indicia. Illa vero benignitatem hominis erga se libenter amplectens, bono animo eum esse jussit: Se namque post obitum salutem ipsius a Domino impetraturam, & collata in se beneficia brevi remuneraturam esse. Hac cum dixisset ferventi pice per varia corporis membra ab imis pedibus ad ipsum usque capitis verticem lente ac paulatim circumfusa, mortem constanti animo pertulisse memoratur, & hujusmodi quidem certamen*

tamen nobilissima virgo decertavit. Brevis autem post *Basilides*, cum ob nescio quam causam a contubernalibus suis sacramento adigeretur, nefas esse sibi affirmavit omnino jurare, quippe Christianum se esse, idque palam profiteri. Illi primo quidem hominem jocari arbitrabantur. Verum cum id constanter asseveraret, ad Judicem est perductus, apud quem fidei sue constantiam professus in vincula conjicitur. Cumque quidam in Domino fratres eum audissent, & causam subite illius atque insperate conversionis interrogarent, dixisse fertur, Potamienam tertio post Martyrium die noctu sibi adfidentem coronam capiti suo imposuisse, dixisseque, se ipsius causa Dominum orasse, atque id, quod petierat, impetrasse; nec diu postea ipsum ad superos migraturum. Post hæc signaculo Domini a fratribus accepto, postmodum Christum gloriose confessus, capite truncatus est. Plures quoque alii ex Alexandrinis Civibus eodem tempore ad fidem Christi subito transisse memorantur, quos scilicet Potamiena in somnis apprensus ad id faciendum provocaverat. Ita *Eusebius*. Cur autem hanc narrationem non omni exceptione majorem putem, sequentia obstant. (1.) *Eusebius* Cap. II. ait, se ea, quæ narraturus sit de *Origene*, partim ex epistolis *Origenis*, partim ex discipulis, qui sua adhuc ætate floruerint, habuisse. Cum vero verba ipsa *Origenis* in epistolis illis contenta, non producat *Eusebius*, credibile est, ab iis ipsum audivisse, qui sua ætate magni, & quidem merito, faciebant *Origenem*. At multa inde ab anno 210. quo Martyrium passa dicitur præstantissima femina ad ætatem *Eusebii*, de *Origene* dictitari potuerunt, quæ incerta plane essent, atque dubia. (2.) *Eusebius* insolite conversionis *Basilidis* mentionem faciens ait: *Λεγεται ἡμεῖς* dixisse fertur. (3.) Extat in Historia *Laufrici* *Palladii* Episcopi Hellenopolis Cap. 3. brevis narratio Martyrii & *Potamienæ*, quam ab *Antonio* se didicisse beatus *Isidorus* profitemur. At picis quidem, in quam conjecta fuisse dicitur, meminit; conversionis vero singularis *Basilidis* prorsus nullam facit mentionem. At quis credat, *Antonium*, quo erat ingenio, si constans hujus rei fama fuisset, rem commemorabilem silentio fuisse pressurum? Vide Historiam *Palladii* apud *Ruinartum* Act. Mart. pag. 123. (4.) Non dubito, quin piensissimæ femine imago, animis & oculis civium fuerit obversata, hortatura quasi ad idem constantiæ stadium decurrendum; at quod ipsa, missa celestis gloriæ sede, si vel maxime glorioso corpore, quo tamen nondum erat induta, fuisset ornata, ipsis Alexandrinis adstiterit, vix mihi persuadeo. Certe quomodo ipsamet mente cælo recepta, sese visendam exhibere potuerit, non capio. Quod si dicas, Deum

Deum per miraculum eam Alexandrinis visendam exhibuisse, ut imagine ipsius incensi ad Martyrium obeundum alacriores essent, respondeo: neque hoc probabile esse. Cum enim Alexandrini testes essent *αυτοπται* incredibilis constantiæ, sine miraculo ad tantarum virtutum imitationem incitari potuissent. Certe, ut non semel dixi, Deus sine necessitate miracula patrare non solet. (5.) *Basilides* ille apparitor homo erat a Religione Christiana alienus. Quomodo autem sola visione illa exhibita de Religionis christianæ divina origine ita potuit persuaderi, ut statim ad Martyrium, pro ea obeundum paratus esset? num veri nominis Martyr est, qui nondum rite persuasus mortem appetit? Quod si dicas, hominem admirabili constantia *Potamiæne* alte ad animum revocata de Religionis christianæ veritate edoctum fuisse, atque demum percepta cœlestis disciplinæ præstantia, sanguinem pro ea fudisse, tum opus non erat mirabili illa adparitione. Certe narratio hæc nitebatur opinione tum temporis recepta, sanctos post mortem pro vivis Deum orare, atque eorum preces plurimum valere.

Quæ de singulari Electione *Fabiani* Episcopi Romani *Eusebii* narrat Lib. VII. Cap. XXIX. huc non pertinent. Vide quid de hac Historia judicent Viri Doctissimi *Haseus*, & *Heumannus* *Biblioth. Brem. Class. III. pag. 435.*

Redeamus ad visiones Martyrum hujus seculi. *Ruinartus* ad An. 259. refert Acta Martyrii *Fructuosi* Episcopi, *Augurii*, & *Eulogii* Diaconorum. Quæ huc faciunt sic sonant. I. citato pag. 221. *Igitur in foro Amphiteatri constitutus (Sc. Fructuosus) cum jam prope esset, ut ingrederetur ad coronam immarcescibilem potius, quam ad pœnam, observantibus licet ex officio beneficiariis, quorum nomina supra memorata sunt, ita ut ipsi audirent fratres nostri, monente pariter & loquente spiritu sancto. Fructuosus Episcopus ait: Jam non deerit vobis Pastor, nec deficere poterit caritas, & repromissio Domini, tam hic, quam in futurum. Hoc enim, quod cernitis, unius horæ videtur infirmitas. Consolatus igitur fraternitatem ingressi sunt ad salutem: digni & in ipso Martyrio felices, qui S. Scripturarum fructum ex promissione sentirent similes Anania, Azaria, & Misaeli extiterunt, ut etiam in illis Trinitas divina cerneretur. Siquidem jam in igne singulis constitutis, ut Pater non deesset, & Filias subveniret, & Spiritus sanctus in medio ignis ambularet. Cumque exussæ fuissent fasciole, quibus manus eorum fuerant colligatæ, Orationis Divine, & solite consuetudinis memores, gaudentes positis genibus, de resurrectione securi in signaque Tropei Domini constituti, Dominum deprecabantur, donec simul animas*



animas effuderunt. Posthæc solita Domini non desuere magnalia, apertumque est cælum, videntibus Babylon, & Mygdonio fratribus nostris ex familia Emiliani Præsidis, qui etiam filia ejusdem Emiliani, Domine eorum carnali ostendebant Fructuosum Episcopum cum Diaconibus adhuc stipitibus, quibus ligati fuerant, permanentibus in cælum ascendentes coronatos. Cumque Emilianum vocarent, dicentes: Veni, & vide quos bodie damnasti, quemadmodum cælo & spei suæ restituti sunt. Igitur cum Emilianus venisset, videre eos non fuit dignus.

Fratres autem tristes, vel ut derelicti sine Pastore sollicitudinem sustinebant: non quod dolerent Fructuosum, sed potius desiderarunt, unius cuiusque fidei, & agonis memores. Superveniente autem nocte ad Amphitheatrum cum vino festinanter pervenerunt, quo semiviva corpora extinguerent. Quo factò eorundem Martyrum Cineres collectos, prout quisque potuit, sibi vindicavit. Sed nec in hoc Domini & Salvatoris nostri desuere Magnalia, ut credentibus fides augeretur, & parvulis monstraretur Exemplum. Oportebat enim Fructuosum Martyrem, quod in seculo per Misericordiam Dei docendo promiserat in Domino, & Salvatore nostro in sua postea passione & resurrectione carnis comprobare. Igitur post passionem apparuit fratribus, & monuit, ut, quod unusquisque per caritatem de cineribus usurpaverat, restituerent sine mora, uno quoque in loco simul condendos curarent. Emilio etiam, qui eos damnaverat, Fructuosus pariter cum Diaconibus suis ostendit, se in stolis repromissionis increpans pariter, & insultans nihil profuisse, quod frustra exutos a corpore in terra crederet, quos cerneret gloriosos. Ita Acta.

Quam sincera hæc sint Acta ex narratione ipsarum circumstantiarum cuiusvis cordato constare potest. Nullus dubito, quin Fructuosus cum suis Diaconibus Martyrium perpeffus sit: at circumstantias omnes hæc adjectas veras esse non credo. Provocat equidem Ruinartus ad Augustinum, & Prudentium, qui horum Martyrum mentionem injecerint. At centum demum post hoc Martyrium annis nati sunt hi Patres. Natus enim est Augustinus An. CCCLIV. Prudentius vero An. CCCLXVIII, quorum annorum spatio multa potuerunt addi, & a posteris etiam adjecta sunt. Ipse Prudentius libro de coronis, in quibus hymnos in laudem Martyrum canebat, fatetur, tempus edax, Gentiliumque furores Acta multa Martyrum sustulisse. Hinc ait Hymno I. v. 73.

*O vetustatis silentis obsoleta oblivio!*

*Invidentur ista nobis, fama & ipsa extingitur*

*Chartulas blasphemus olim nam satellites abstulit.*

Notum præterea seculi IV. Scriptores in his rebus admittendis faciles nimis fuisse, fatente ipso *Dodwello Dissertat. Irenicarum 2. Thesi LV. pag. 195.* (2.) Circumstantiæ ipsæ ostendunt, Auctores fabulas ad-jicere religioni non duxisse. Dicitur Spiritus Sanctus in medio ignis ambulasse, quod aut ineptum, aut metaphorico sensu intelligendum. (3.) Dicuntur *Babylon* & *Mygdonius* vidisse *Præduosum* in cælum ascendere, *Prudentius* vero versu 121. Unius tantum meminit. Idem *Prudentius* non meminit Martyrum *Æmiliano* minantium. (4.) *Æmilianum* hostem Christianorum duos Christianos, quos fratres vocant Aëtorum Auctores, in contubernio habuisse, a verisimilitudine abhor-rer. (5.) Visos esse spiritibus, quibus ligati fuerant, permanentibus, tres Martyres in cælum raptos fabula est. (6.) Increpatio de cælo erga *Æmilianum* facta, non magis credibilis est. (7.) Idem dixeris de monito cineres colligendi. Recte ad hæc addit *S. Basnage*

*scilicet is superis labor est, ea cura quietos  
solicitat.*

Sequuntur apud *Ruinartum* Acta Martyrii *Jacobi, Mariani, &* aliorum in Numidia. Annus, quo hæc contigisse dicuntur, est 259. pag. 225. & seq. apud *Ruinartum* referuntur visiones, quæ *Jacobo, &* *Mariano* contigisse dicuntur, sed ita comparatæ, ut sine miraculo naturaliter obtingere ipsis potuerint. Nimirum huc omnia redeunt; Martyres in cælo singularibus iri mactatum honoribus, unde & vidit *Marianus* *Cyprianum* Martyrem ad dextram Judicis. Apponam saltem *Æmiliani* Militis visionem, ex qua de cæterorum etiam Valore judicari potest. Verba ita sonant: *Æmilianus in somnum media die reclinatus, moxque quiete discussa, talia nobis sue visionis patefecit arcana: perduæo mihi, inquit, de carcere, homo gentilis, hoc est frater meus carnalis, occurrit. Is res nostras admodum curiosus insultabunda voce perquirat, sciscitans quatenus nos in pœnalibus tenebris illis, & medio carceris habere-mus. Cui respondi: Milites Christi in tenebris Clarissimam lucem, & in jejuniæ cibum saturabilem Dei habere sermonem. Et cum hæc audiret: Scitote, inquit, quod omnes vos, quicumque in carcere habemini, si obnixæ perstabitis, maneat pœna capitalis. At ego, qui verebar, ne compositum luderet fraude mendacium, confirmare votum meum volui: Vere, inquam, patiemur omnes? At ille rursus affirmans dixit: Gladius vobis, & san-guis in proximo est. Sed velim scire an omnibus vobis, qui vitam con-temnit, discreta, an æqualia munerum cælestium præmia rependantur?*

Cui

Cui respondi : non sum idoneus tam magnæ rei proferre sententiam. Attolle, inquam, ad cælum paulisper oculos, jam videbis innumerabilem turbam micantium syderum. Numquid stellæ omnes pari luminis bonore præfulgent ? Et tamen omnibus lumen est. Ad hæc ille curiosus iterum, quid interrogaret, invenit. Ergo si qua discretio est, inquit, qui vestrum sunt in promerenda Dei voluntate potiores ? Nimirum, inquam, præ cæteris Duo, quorum nec tibi, dicenda & Deo nota sunt nomina. Novissime acrius incumbente atque perscrutante molestius : Hi sunt, inquam, qui, quo difficilius & rarius vincunt, gloriosius coronantur, & propter hoc scriptum est : facilius camelus intrabit per foramen acus, quam dives in regna cælorum. Ita Miles ille. Hæc certe simplici narrationi, quam cœlesti, & extraordinariæ visioni magis sunt convenientia. Ut adeo mirum plane esset, si hic miraculum intercessisset. Omnia huc redeunt : gradus fore in futura-vita ; eminentem autem dignitatis gradum accepturos Martyres. Hæc sane sine visione cognosci possunt. Mirum autem est hominem gentilem de gradibus huius adeo fuisse sollicitum.

Sequente IX. Sectione horum Actorum de quodam Martyrum hæc dicuntur : „ Et ecce unus e circumstantibus fratribus nostris, omnium „ in se gentilium convertit oculos, quod jam per gratiam proximæ passionis Christus in ore ejus & facie relucebat. Qua ratione hæc explicari possint, fateor me intelligere non posse.

Seçt. XII. sequentia de Martyribus quibusdam dicuntur : Tunc oculis sub istu ferri de more velatis, nullæ tamen aciem liberæ mentis claufere tenebræ, sed largus atque inestimabilis splendor immensæ lucis affulsit. Nam plerique cum proximis atque assistentibus sibi fratribus, quamvis in visum carnalis acies non pateret, videre tamen se mira loquebantur ; & quod sibi apparerent equi desuper niveo colore candentes, quibz inbeberentur juvenes Candidati. Nec defuerunt ex eodem Martyrum numero, qui Collegarum relationem attestarentur auribus & exauditos equorum fremitus ac sonos recognoscerent. Mirum est, qua ratione auribus strepitum equorum percipere potuerint, quorum tamen imaginationi duntaxat, non vero externis sensibus, equi illi objiciebantur. Duplex miraculum intercessisse dicendum, & quidem eum duntaxat in usum, ut probaretur, Martyres gloriam ingentem consecuturos, de quo ante Martyrium nullus Christianorum dubitaverat. Omnes tamen visiones illæ, ad hoc unum declarandum tendunt, Ita pag. 232. Seçt. VII. Visio, quæ Victori contigisse dicitur, ejusdem est argumenti. Superessent, ad hoc seculum quod spectat, visiones, quæ Gregorio Thaumaturgo

turgo obtigisse a Nysseno dicuntur. At cum omnes, quibus natus est, facile sentiant, vitam hanc *Thaumaturgi* innumeris fabulis esse repletam, tempus in examinandis hujus Patris visionibus non teram. Ipse *Dodwellus*, strenuus Patrum defensor, *Dissertat. Cypr. Dissertat. IV. Sect. XVI.* ita loquitur: *Benignum hic præberet argumentum vel una illa Gregorii Thaumaturgi, Origenis discipuli, vita, a Nysseno conscripta; ni id metuerem, ne certioris fidei monumentis fidem detraberem, si incertiora etiam coacervarem. Haussit illa Nyssenus non e coævis monumentis, sed vero ex orali plerumque traditione, nec illa propius, quam ex unius ad minimum ætatis intervallo deducta. (\*)*

XIII. Pergimus igitur ad Seculum IV. specimina quarundam visionum sed falsi suspectarum exhibituri. At breviori compendio, quæ dicenda sunt, complectemur, partim quod hoc seculo fabulis omnia plena sint, partim quod Viri Doctissimi hujus seculi scriptorum, *Chrysostomi* præsertim & *Augustini* testimoniis comprobarint, miracula, veri nempe nominis, hoc seculo defuisse. Vide quæ de hoc argumento differant *Dodwellus Dissertat. Irenaic. II. Sect. LIX. & LX. & Pfan-nerus diatrib. de donis miraculosis. Cap. VII.*

Atque hic quidem primum sibi locum deposcit visio, quæ *Constantino* magno vigilanti, & somnianti obtigisse dicitur. Rem omnem narrat *Eusebius Lib. I. Vitæ Constantini Cap. XXVIII. sq.* Postquam enim *Cap. 27.* ad finem dixisset, *Constantinum* solum Deum Genitoris sui sibi colendum esse censuisse, sic pergit: *Hujus ergo opem implorare cepit, orans atque obsecrans, ut se ipsi noscendum præberet, ac præsentibus negotiis adiutricem manum porrigeret. Hæc precanti ac suppliciter postulanti Imperatori quoddam admirabile signum a Deo missum apparuit. Quod siquidem ab alio quopiam diceretur, baud facile Auditores fidem essent habituri. Verum cum ipse Vidor Augustus nobis, qui hanc Historiam scribimus, longo post tempore, cum videlicet in ejus notitiam, & familiaritatem pervenimus, id retulerit, & sermonem sacramenti religione firmaverit, quis posthac fidem huic narrationi adhibere dubitabit, præsertim,*  
cum

(\*) Lege duntaxat, quæ *Nyssenus* in *Oratione de vita hujus Gregorii, de Dæmonibus e Gentilium templis per Gregorium ejectis*; de ingentis molis Saxo solo verbo ex uno in alium locum trajecto; de lacu eadem verborum efficacia in continentem redacto; de baculo *Gregori* in arborem mutato, sine pudore garriat, & cujus futuris cætera futura sint facile constabit. Cæterum ego nullus dubito, quin visiones illæ passim inter Christianos jactatæ effecerint, ut hujus & sequentis Seculi Philosophi *Platonici Plotinus, Jamblichus, Porphyrius, Proclus, Syrianus*, alique non dubitaverint divinam ejusmodi facultatem sibi tribuere. Testimonia hujus *æri* diligenter collegit *Doctissimus & Amicissimus Brunerus Hist. Philosoph. Tom. III.*

cum id, quod subsequutum est tempus, hujus veritatem testimonio suo confirmaverit? Horis diei meridianis, sole in occasum vergente, crucis tropæum, in cælo ex luce conflatum, soli superpositum, ipsis oculis vidisse affirmavit, cum hujusmodi Inscriptione: ΤΑΤΟ ΒΙΒΑ, hoc vince. Eo viso, & seipsum & milites omnes, qui ipsum, nescio quo iter facientem, sequebantur. & qui spectatores miraculi fuerant, vehementer obstupefactos. Interim ipse, ut agebat, addubitare animo cepit, quidnam hoc spectrum sibi vellet. Cogitanti ipsi, & diu, multumque apud se reputanti, nox tandem supervenit. Tum vero Christus Dei dormienti apparuit cum signo illo, quod in cælo ostensum fuerat, præcepitque, ut militari signo ad similitudinem ejus, quod in cælo vidisset, fabricato, eo tanquam salutari presidio in præliis uteretur. Ille primo statim diluculo surgens, arcanum omne amicis exposuit, Convocatis deinde auri ac gemmarum fabris medius inter eos sedens, speciem signi eis sermone depinxit, jussitque ut auro ac lapillis similitudinem ejus exprimerent. Enarrata deinde Ccp. XXXI. crucis forma ita loquitur Eusebius. Hoc igitur salutari signo, tanquam munimento adversus oppositas quorumvis hostium copias Imperator semper est usus; aliaque ad ejus similitudinem expressa signa cunctis exercitiis præferri jussit. Hactenus Eusebius.

Varie sunt Virorum Doctorum conjecturæ de his visionibus. Quidam neutram in partem propendent. Alii Eusebio fidem habendam putant propterea quod Imperator hoc juramento confirmavit. Rem ipsam admittit, sed ad naturales causas refert, crucemque in balone tum solari comparuisse existimat Cl. Fabricius ó Μακρυτης Biblioth. Gr. Vol. VI. Cap. I. (\*)

Alii denique inter fabulas, vel artes militares rem omnem referunt, ut Hornbekius, Oiselinus, Tollius, & Arnoldus. Eorum nos accedimus sententiæ, quibus visiones hæc falsi suspectæ sunt. Et hic ad sunt duplicis generis argumenta. Quædam ex circumstantiis ipsius narrationis emergunt; aliæ vero desumi possunt ex fine & intentione facti miraculi. Si ad circumstantias rei gestæ attendamus, ex ipsa varietate narrationis patebit, jure de visione illa diurna dubitari posse. Rationes has, cum in unum congesserit S. Basnage Annal. Tom. II. pag. 631. Eas in gratiam Lectoris hic adducam, Ac primum (inquit)

Aaaaa 3

La-

(\*) Quid de hac Magni Viri sententiâ judicaverint Illustris Cuperus, & Jesuitæ Trevoltenenses vide in Συγγραμµα Fabricii pag. 263. Inter recentiores sententiæ Celeb. Fabricii subscriptis Eruditissimus Warburton, Vide le Journal Britanique mens. Septembr. 1750.

Lactantius, qui Magister datus Crispo Cesari, familiari Constantini colloquio usus est sepius, de diurno crucis Tropæo, ex luce confato, ne verbum quidem habet. Hæc tantum habet: (de mort. persecut. Cap. 44.) Commotus est in quiete Constantinus, ut cæleste signum Dei notaret in scutis, atque ita prælium committeret. Quid? præterissetne silentio diurnum crucis prodigium, si hujus notitiam habuisset? potuit ne vero illud nescire, si Constantino apparuit? Nonne prodigium eque Lactantio locutus esset, atque Eusebio? Argumenti vires intendit Ruffinus in Eusebianæ Historiæ versione: Constantinus videt per soporem ad orientis partem in cælo signum crucis igne fulgore rutilare. Dormienti igitur, non vigili cæleste signum Constantino oblatum est, idque predicabat traditio, quæ Ruffini tetigit aures. Visi quoque diurni Sozomenus ignarus est. Belli Maxentiani curis distractus Constantinus vidit in somnis (ita Sozom. Lib. I. Cap. 3.) Signum crucis in cælo resplendescens. Præterea tam publicum dissimulasse prodigium Auctorem Panegyrici, non modo multo post cæleste visum, in laudem Constantini dicti, quis credat? Quæ felicitior atque amplior in Panegyrico materia? De eo tamen ostento profundum agit silentium. Quid quod Nazarius, qui celebratum obscura, incertaque fama miraculum extollit in Panegyrico, de fulgida cruce nihil commemorat: Romano quodam in bello ferunt, duos cum equis juvenes extitisse, spectatos forma pariter, ac viribus, quia in dimicando præter ceteros insignes fuissent, jussu Imperatoris ad remunerandum requisiti, ubi nullus inveniebatur, fides habita est, divinos fuisse, quod laborem sedulo communicavissent, laboris pretium restitissent. . . . Estote, o gravissimi Auctores, de scriptorum Religione securi, credamus facta, quæ majora nunc sensimus. . . duo quondam juvenes, sed nunc exercitus visi. Scilicet Nazarius, qui ficta, incerta saltem prodigia narrat, notissimum Romanis, publicumque miraculum præterisset. Denique Ethnicorum nullus Historicorum celeberrime hujus visionis meminit. Id sane constat ex Gelazio Cyzizeno crucem illam diurnam Ethnicis ludibria dedisse: Hæc narratio (Gelaf. Conc. Nic. Lib. I. Cap. 4.) Infidelibus fabula, & commentum esse videtur in gratiam doctrine nostræ. Quod si palam, publiceque Romanorum ante oculos lucida crux adducta est, mirum quod Ethnicis pro fabula habita sit. Itaque sunt Eruditi, qui in somnio divinitus profecto visam a Constantino crucis figuram existiment. Querum unus est Joannes Columbus in notis ad Lactantium. De nocturna hac visione fidem faciunt post Lactantium inscriptiones, quas Romæ Constantinus poni jussit. Ita S. Basnagius. Hæc a Doctissimo Viro allata testimonia non levis sunt ponderis, Ipse Valesius ex textu græco, non

non sine ratione conjicit, visionem illam die inclinato jam factam. Hoc certum, præter *Eusebium* neminem visionis illius meminisse. Fortius autem adhuc argumentabimur contra visionem illam mirabilem, si ad finem, quem Deus, edito hoc portento, intendisse dicendus esset, animum convertamus. Aut enim dicendum est, Deum per crucis illam figuram, sive interdiu, sive noctu *Constantino* oblatam significare voluisse, crucem sive ex auro, sive ex argento, vel quacunque materia factam, incredibilem vim habere, adversus hostes, & ad varios corporis, mentisque morbos tollendos: aut Deum saltem illi in memoriam revocare voluisse cruentam passionem Jesu Christi, ejusque ad tollenda hominum peccata mirificam efficaciam: Prius nemo sanus credit. Ita enim Deus turpissimam superstitionem miraculo confirmasset. Præcivit sine dubio Deus, quam alte jam hoc seculo radicata esset superstitio, quamque vim signaculo crucis tribuere solerent ingenia ad superstitionem prona. Quod si igitur insigne portentum edidisset ad stabiliendam crucis ipsius, e quacunque tandem materia constantis, vim & efficaciam, ad superstitionem *Constantinum* induxisset, quod sanctissimæ naturæ divinæ contrarium est. Accedit quod ante visionem *Constantinus* talia de cruce cogitaverit. Postulavit enim a Deo, teste *Eusebio*, Cap. XXVIII. ut præsentibus negotiis adjutricem manum præberet. Hinc Christus ipse in somno *Constantino* visus jussit, ut hoc signo *προς τας των πολεμιων συμβολας αλεξηματι* uteretur; & Cap. XXXI. *τατω μεν τω συντηρει σημενω πασης αντικειμενης και πολεμιας δυναμews αμυντηριω διαπαντος εχρητο βασιλευς*. Proius igitur falsum, Deum, ad ineptam, & supersticiosam opinionem confirmandam miraculum patrasse. Quod si quis ad alterum prolatur, asserendo; Deum hac ratione in memoriam revocare *Constantino* voluisse, cruentam passionem Soteris nostri Jesu Christi, & incredibilem ejus ad tollenda peccata efficaciam, nec sic quidem quicquam dicit, quod veri amanti satisfaciat; ut enim non dicam, longe plura, ad salutarem divinæ passionis notitiam comparandam requiri, quam nuda crucis imago offerre potest; ut taceam etiam nil prodesse representationem alicujus rei corporeæ, nisi prius jam cognitum, perspectumque sit, quid illa sibi velit, quemque in finem ad aliquid representandum sit instituta; Denique non dicam *Constantinum* hæcenus Religionis christianæ ignarum fuisse; ut, inquam, hæc omnia prætermissam, potuit facillime *Constantinus* de universa Religione christiana, & capitali hoc articulo sine portentosa crucis representatione edoceri; habuit

habuit *Constantinus* Parentem nulli ob religionem gravem ; mater Christianæ disciplinæ erat dedita ; Familia ejus a Christianis variis adficietur beneficiis ; aderant magno numero homines Religionis christianæ gnari , a quibus de singulis cœlestis disciplinæ capitibus , accuratam notitiam accipere poterat ; Quid ergo opus erat umbratili quadam crucis repræsentatione , per miraculum phantasiæ objecta ? Accedit , quod ipso teste *Eusebio* , Cap. XXXIII hujus vitæ *Constantini* , demum post visum oblatum catechumenus factus sit , atque prima Religionis christianæ rudimenta fuerit edoctus. Quid autem necesse est , per miraculum rem offerre , quam non intelligas , cujusque naturam & indolem postea non sine labore addiscas ? Quæ hæcenus dicta sunt ita mihi comparata esse videntur , ut sive priorem , sive posteriorem propositionis partem tuearis , frustra te esse probe cognoscas.

Opponunt autem nobis Viri Doctissimi *Eusebii* narrationem , & juramentum *Constantini*. At velim attendant ad sequentia. *Primo* fatetur ipse *Eusebius* , *Constantinum* , elapso non exiguo temporis spatio demum sibi mirabilem narrasse fabulam. At quis credat tandem rem adeo miram , & ab universo Exercitu interdiu visam , Christianos , & ipsum *Eusebium* latere potuisse ? *Secundo* , notum est ipsum *Eusebium* *Constantini* Encomiasten fuisse , atque religioni non duxisse singulas actiones ejus & virtutes in majus extollere. Potuit igitur *Eusebius* , quoniam hoc plurimum ad laudes Imperatoris facere posse videbat , fingere , ac si hoc ipsum sibi ab *Eo* narratum fuisset ; quod si dicas *Eusebium* equidem antea cognovisse mirabilis rei historiam , confirmatum autem duntaxat ab ipso *Constantino* ; Respondeo , opus plane non fuisse sermonem sacramenti religione firmare in probanda re notissima , & cujus universus Exercitus , hostes atque amici testes esse possent. *Tertio*. Receptum erat hujus seculi dogma : *Fallere ac mentiri , si res ita postulet Religionis , virtutem esse*. Quod ipsum totidem verbis adserit *Eruditissimus Mosheimius Hist. Eccl. pag. 248*. licet ipsemet ad juramentum Principis provocet ; Num igitur mirum esset , si *Eusebius* Encomiastes perpetuus *Constantini* , talia ipsemet excogitasset ? Quod si quis putet , tantam impudentiam in *Eusebio* cadere non posse , nondum tamen probavit , juramentum Principis necessario inferre , veri nominis hic miraculum intercessisse. Ut enim non dicam , non adeo circa hoc argumentum religiosum fuisse semper Principem , quod ex iis , quæ cum *Licinio* acta sunt , haud obscure patere videtur , (\*) potuit juramento

(\*) Vide Acta Halens. Tom. I. Observat. XXIV. Sect. VIII.



mento confirmasse, rem sibi, ut existimavit, visam, atque adeo convenienter persuasioni suæ licet erroneæ loqui, neque adeo contra conscientia dictamen peccare. Nimirum rem omnem ita concipio: *Constantinus* teste *Eusebio*, multas ob rationes incepit de Religione gentili minus reverenter sentire; audiverat Christianos gloriari, eos, qui sanctissimæ disciplinæ nomen darent, præsentissimam Dei curam, & præsidium experiri, atque inprimis de cruce & passione Christi multa verba facere, signaculo etiam crucis plurimum tribuere; animus præterea inter spem & metum ob imminentis pugnae eventum dubius erat, atque anceps. Noctu igitur in somnum resolutus, visus sibi est crucem illam tanquam certissimum contra hostes præsidium a quoquam adferri. Cumque amicis, quid sibi oblatum fuisset, narrasset, Christiani, qui bene ei cupiebant, insomnio in suam rem utentes, non sine miraculo hoc ei obtigisse narrarunt, atque adeo magis magisque confirmarunt, ut tanquam rem cœlitus oblatam visum illud agnosceret. Hæc quin ea ratione contingere potuerint, nullum est mihi dubium. Certe minoribus difficultatibus obnoxiam esse hanc meam interpretationem credo, quam pervulgatam illam, & miraculo plenissimam. At fruatur quisque suo iudicio. Hæc ipsa visio, quæ *Constantino* contigisse dicitur, aliam, quam *Helena* mater ejus habuisse dicitur, mihi in memoriam revocat. Meminit illius *Socrates Hist. Ecclesiast. Lib. I. Cap. XVII.* Rem ita narrat Historicus: Mater Imperatoris *Helena*, cujus gratia Imperator *Drepanum*, quam ex vico civitatem effecerat, *Helinopolim* voluit appellari; a Deo in somnis admonita venit *Hierosolyma*. Et cum veterem illam *Hierusalem*, juxta Prophetæ vaticinium desertam sicut pomorum custodiam offendisset, Christi monumentum, in quo ille sepultus resurrexit, studiose cœpit perquirere, ac difficile quidem illud, sed tamē opitulante Deo tandem reperit. Quæ vero causa fuerit hujus difficultatis paucis aperiā. Qui Christi fidem sequebantur post mortem ejus, monumentum istud magnopere coluerunt. Hi vero, qui a Religione Christi abhorrebant, locum aggere opplentes templum Veneris in eo extruxerunt, & simulacro superposito, memoriam loci penitus abolere studuerunt. Et hoc quidem olim eis successerat. Verum Imperatoris matri ea res innotuit. Deturbato igitur simulacro, egestaque humo & loco undique purgato, tres cruces in monumento reperit: Unam quidem beatam, in qua Christus pependerit: Duas vero alias, in quibus duo latrones, qui una cum illo crucifixi sunt, mortem obierant. Cum his inventa etiam est tabella, in qua Pilatus Christum crucifixum Regem esse Judæorum variis linguis ac literis pronuntiaverat

tiaverat. Sed quoniam ambiguum erat, quenam esset crux illa, quæ querebatur, Mater Imperatoris non mediocri dolore affecta est. Quem quidem brevi post tempore Hierosolymorum Episcopus, nomine Macarius sedavit, & ambiguitatem omnem fidei virtute dissolvit. Signum enim a Deo petiit, & impetravit. Signum vero fuit hujusmodi: Mulier quædam illius loci diuturno confecta morbo, jam in ipso mortis articulo erat constituta. Huic ergo animam agenti, Episcopus singulas cruces apponi jubet, certissime sibi persuadens, fore ut mulier pristinae valetudini restitueretur, si pretiosam Domini crucem attigisset. Nec vero spes eum fefellit. Admotis enim duabus crucibus, quæ Dominicæ non erant, mulier nihilominus in summo vite discrimine remansit. Adbibita vero tertia, quæ vera Domini crux erat, illa in vite mortisque confinio posita, statim convaleuit, & pristinum vigorem recuperavit. Hoc igitur modo repertum est crucis lignum. Hactenus Socrates. Hanc autem crucis inventionem falsi suspectam merito esse, fatebuntur omnes, quotquot ad mores illius seculi, quo hæc acta dicuntur, animum convertunt. Unde mirum non est, recentioribus scriptoribus, Basnagio utrique, J. Clerico, & imprimis Dalletio, de objecto cultus Relig. Latin. Lib. V. Cap. II. explosam fuisse Socratis narrationem. Ut autem ita sentirent Viri Doctissimi plurimæ adfunt rationes, quarum quasdam duntaxat adducam. Prima, eaque gravissima ratio petitur a silentio Eusebii. Notum est Eusebium in cœlum extulisse actiones Helene, atque Constantini. Hic Eusebius inquam Lib. III. Cap. XXV. Vitæ Constantini refert, quomodo Imperator Hierosolymis in sancto dominicæ resurrectionis loco templum extrui præceperit: Cap. XXVI. quomodo Impii sepulcrum Domini ruderibus, & simulacris superpositis obtexerint; Cap. XXVIII. manifestationem S. Sepulcri narrat. At ne γε quidem de inventione crucis meminit. Quis autem credat Cæsariensem Episcopum hoc ignoraturum fuisse, aut silentio transiturum rem, quæ ad augendam Helene, & Constantini gloriam tantum facere poterat? (2.) Cur mentionem facit sepulcri non item crucis? (3.) Idem Constantinus apud eundem Eusebium Lib. 3. Cap. 30. ad Macarium Episcopum literas dedit, in quibus de ædificatione Martyrii servatoris nostri agit; hic denuo occasionem habuerat mentionem faciendi crucis, sed altum de ea re filet. (4.) Imo Eusebius vitæ Constant. Lib. III. XXV. narrat ante adventum Helene in terram sanctam sepulcrum Christi fuisse inventum. (5.) Ipse Socrates, postquam fabulam narrasset, ait: Ταυτο μὲν αἰκὴ γραφῆς ἔχω. Πάντες δὲ ᾔδειον οἱ τὴν Κωνσταντίνου πολλὴν ὀικνύντες ἀληθὲς εἶναι φασί. (6.)

Qui

Qui fabulæ fidem habent, provocant equidem ad plures alios, nimirum *Cyrillum, Ambrosium, Sulp. Severum, Paulinum, Ruffinum, & Chrysostomum*. At nullius fidei testes esse, loco citato pluribus probat *Dallæus*. Eminent inter illos *Cyrillus*, qui in sua ad *Constantinum* epistola pag. 247. ita loquitur: *Ac tempore Deo dilectissimi, & beatæ memoriæ Constantini salutare crucis lignum Hierosolymis repertum est, divina gratia concedente ei, qui recte quærebat pietatem, etiam abstrusos locorum sanctorum inventionem.* At *Cyrillus* non *Helena*, sed *Constantini* meminit, neque miraculi diserte mentionem facit. Vivebat insuper *Theodosio* imperante, & mirus erat ut & *Ambrosius* reliquiarum amator. Hoc ex eo constat, quod *Cateches. II. 7. X. 9. & XIII. 2.* asserat, per omnem terram particulas ligni S. Crucis esse divisas. Longius procedit, ne quid fabularum deesset *Paulinus Nolanus, Epist. 33.* ita de cruce garriens: *Quæ quidem crux, in materia insensata, vim vivam tenens, ita ex illo tempore, innumeris pene quotidie hominum votis lignum suum commodat, ut detrimenta non sentiat, & quasi intacte permanet, quotidie dividua sumentibus & semper totam venerantibus, sed istam imputribilem virtutem, & inde tribilem soliditatem de illius prolesso carnis sanguine bibit, quæ passâ mortem, non vidit corruptionem.* Ejusmodi Scriptoribus quis tandem sanæ mentis fidem habebit? Conferantur præter citatos Auctores, *Clerici Bibl. Anc. & Mod. Tom. XVI. pag. 113. seq. & Aët. Halens. Tom. I. Observat. XXIII. (\*)*

Quid de visionibus boni *Antonii* judicaturus sim, cordati omnes facile judicabunt. Nimirum *Athanasius, Antonii*, quem maximi fecerat, vitam *τερετολογικῆς* plenissimam conscripsit. His fabellis delectantur ingenia superstitione prava capta, non Viri, qui rationis & Revelationis decretis duntaxat subscribere solent. *Antonium* hominem fuisse, ut tum tempora erant, pium, non nego, si vera sunt, quæ veteres de eo tradunt. At non ideo quibusvis narratiunculis, ab *Athanasio* adlatis, fides est habenda. Neque mirum etiam, homines, qualis erat *Antonius*, sæpe deceptos, & imaginationis phantasmata pro inspirationibus habuisse. *Sozomenus Lib. I. Cap. XIII.* expresse de eo ait: *γραμματα αὐτῷ ἠπίσταντο αὐτῷ ἐθαυμάζον, Literas nec noverat, nec magni aestimabat.* Tales autem loco Literarum visionibus sæpe pascuntur. (\*\*)

B b b b b 2

Unius

(\*) De Messalianis, Constanti, Valentiniani & Valentis temporibus, visiones, insomnia, & revelationes instantibus, vide *Theodoret. Hist. Eccl. Lib. IV. Cap. XL Epiphanium Hæres. LXXX. Damascenum de Hæres. Tom. I.*

(\*\*) Si quis aliæ natus vitam *Antonii*, ab *Athanasio* scriptam perlegerit facile constabit,

Unius duntaxat visionis mentionem faciam, quia *Pfannerus* & *Arnoldus* ad eam provocant. Mentionem illius præter *Athanasium*, in vita *Antonii*, facit *Sozom.* *Hist. Eccles. Lib. VI. Cap. 5.* ferunt (inquit *Sozom.*) regnante *Constantino*, priusquam *Ariani Ecclesias* obtinerent, *Antonium* in somnis vidisse mulos Altari insultantes, & sacram mensam evertentes; statimque prædixisse futurum, ut ex adulterinis, mixtisque dogmatibus perturbatio Ecclesiam occuparet, & Hæretici rebellionem excitarent. Sed hæc quidem verissime ab eo visa & prædicta fuisse, ex iis rebus, quæ ante hoc tem-

bit, parum huic narrationi tribui posse. Quod ut pateat quædam ex hac *Σύγγραμµα* adducam. Initio quidem hujus vitæ adserit *Athanasius*, magnam sibi fuisse veritatis dicendæ curam. At exiguum ipsum habuisse veritatis rationem, aut inepte credulum fuisse, ipsa lectio libelli docet. (1.) Manifestum satis est *Athanasium* Monachum ostendere voluisse, qua ratione monastica vita rite sit instituta. Vide pag. 794. Edit. *Benedictinorum* hinc & pag. 865. monet ut hanc vitæ narrationem diligenter legant. Unde facile patet, eum non id egisse, ut accuratam rerum gestarum historiam repræsentaret, sed ut ideam aliquam Monachi, omnibus numeris absoluti effingeret. Hinc frequentissimæ Diaboli adparitiones, colloquia familiaria cum eo habita, plagæ ab eodem *Antonio* inflictæ, crucis denique mirabilis contra insultus Diaboli vis. Vide pag. 802. 806. 814. pag. 829. Eximium adserit *Antonius* bonam visionem a mala discernendi rationem. Audi Eam: Hoc sit vobis ad securitatem indicium: cum quædam aderit visio, ne statim pavore concidas, sed qualiscunque illa sit, fidens primum interroga: Quisnam tu es, & unde? tum si sanctorum sit visio, certior te facient, atque terrorem tuum in gaudium vertent: sin diabolica illa sit, statim debilitatur, perspecta animi firmitate, nam imperterriti animi signum est, vel sic interrogare quis tu es, & unde? pag. 835. refert *Athanasius* omnes generis feras, dum in deserto loco esset, Dæmonesque veluti agmiae facto *Antonio*, sed frustra impugnasse, imo, quod mirabile est, feras verbis increpat, & confestim illæ obediunt. At initio quidem (verba sunt *Athanasii* pag. 834.) Fera solitudinis, potus causa isthuc accedentes, eras satui & cultura sæpius nocebant; is una placide apprehensa, omnibus ait: Quid me læditis mi a ræ læsæ? abite & in nomine Domini; ne unquam huc appropinquate. Et ex eo tempore quasi mandatum veritate, nunquam ad eum locum accessere. Neminus non, dum hæc legit, in mentem veniet illud *Phædræ*,

Calumniari autem si quis voluerit  
Quod arbores loquantur, non tantum fera,  
Fictis joculari nos meminerit fabulis.

Hinc miror, Doctissimos Monachos *Benedictinos* in præfatione huic libello *Athanasii* præmissa, inutilis narrationibus colorem aliquem conciliare voluisse. Audi quomodo causam perorent *Athanasius*: Restat ut unum levemur quorundam scrupulum, qui egre tot visis, tot prodigiis, tot Dæmonum phantasiis & portentis, quot in hac vita leguntur habent fidem: sed hæc in re tria cum primis cogitanda sunt. (1.) Quicquid sit de visis illis, & Dæmonum phantasiis an vera scilicet sint nec ne, ex *Crisostomi*, *Rufini*, *Augustini* & *Socratis* testimoniis superius allatis compertum est, res ejusmodi multas in Vita *Antonii* ab *Athanasio* scripta fuisse recensitas, quare nullius id momenti est, ad eam *Athanasio* abjudicandum. (2.) Licet non temere cuique visa & Dæmonum spectra loquentis credendum sit, cum maxime multi fabulis ejusmodi recensendis gaudeant, temerarium prorsus foret sine delectu omnia explodere, cum potissi-

tempus, & quæ postea facta sunt, satis declaratum est. Ita Sozomenus. Eandem narrationem l. citato repetit Athanasius. At sine visionibus facile cognosci potuit, Arianos, in quos Orthodoxi primi sæviebant, siquidem emerfuri, atque Principes in suas partes pertracturi essent, par pari relatuos. Sane Ariani hanc visionem Antonii adversus ipsos orthodoxos interpretari poterant. Notius est quam ut dicam, inter dogmata hujus seculi perniciosissima fuisse: in errantes quibusvis pœnis

B b b b b 3

nis

nam ejusmodi plurima in Evangelio legamus, Demonum scilicet Legiones unicum aliquando hominem, aliquando porcorum bina millia invadentes, Diabolumque videamus ad Jesum accedentem forma (ut putant fere omnes) humana: cum prænotariit stem Deus fore, ut qui crederent in eum, in nomine ejus Demonia ejicerent, aliaque prodigia, etiam majora, quam ipse ederent: cum apud omnes ferme Patres etiam gratissimos Eruditissimosque passim enarrentur. Unde non prudens est res ejusmodi solum quia sunt præter consuetudinem, nulla habita narrantium ratione inter aniles fabulas computare. (3.) Quæ hic de Demonum phantasiis leguntur, eadem ipsa iisdem fere verbis expressa habentur in Epistola ad Episcopos Aegypti & Lybie sub initium; ubi bene multa reperies istis ideo similia, ut eandem facile Athanasium manum agnoscas. Ita Eruditi illi Monachi. Spatium chartæ non permittit, ut pluribus ostendamus quam frivola sit hæc Apologia. Concedimus V. Doctis Athanasium hujus *Προφητείας* esse auctorem. At inde colligimus eum aut mendacis delectatum, aut turpi & anili superstitione fuisse dementatum dum hæc scriberet. Cum vero quæ in S. Literis de ejectione Dæmonum per S. nostrum Soterem facta narrentur, testibus nitantur fide dignissimis & *Προφητείας* ὅτι πνεύματα ἀγία, hujus autem qua vixit Athanasius ætatis scriptores contesterent, miracula passim cessasse, multaque temere a maleficientis hominibus ad superstitionem alendam & promovendam fuisse excogitata, quis tandem sanæ mentis homo a nobis postulabit, ut narratiunculis ineptis fidem habeamus? Si hæc argumentandi ratio, qua Viri illi docti utuntur valet, putidissimæ Legendæ pro certissimis historiis in posterum erunt recipiendæ. (4.) Antonius non solum cum bestiis sermones mitteret, sed & videt animas aëra trajicientes. In monte cum federet (ita pag. 841.) Subiatis oculis vadit in aëre quemdam efferr, & magnum eorum gaudium, qui ipsi erant obviam. Admiratus ille, atque ejusmodi catum beatum prædicans rogabat, ut quid illud esset, ediceret. Voxque statim ad illum facta est, esse Amicus in Nitria Monachi animam. Is ad obitum usque in Ascetæ statu perseveraverat. Atque a Nitria distat mons in quo erat Antonius tredecim dierum itineris intervallo. Qui cum Antonio erant cernentes admirantem senem, rogabant quid id esset, audierunt: jam obiit Amicus. Erat quippe notus, quod frequenter isthuc se conferret, multaque per eum ederentur signa. Nisi Monachorum animæ alius plane sint quam cæterorum hominum naturæ, deceptus est hac sua visione bonus Antonius. (4.) Quod denique attinet ad visionem cujus Sozomenus facit mentionem, facile præter ea quæ diximus causæ hujus visionis dari possunt. Ipsemet Athanasius pag. 847. hujus libelli testatur, Antonium dissentientes omnes averſatum, imo maximo proſecutum fuisse odio. Ipse Literarum erat rudis, & tamen errantes relaturæ identidem voluit. Experientia nimirum omnium seculorum ostendit, eos omnium ad alios persequendos, & inſectandos esse paratissimos, qui nunquam per vitam momenta controversiarum Religionis rite expendunt. Hinc Monachorum semper, eorumque ignorantissimorum maximus fuerat, & adhuc est, contra dissentientes fervor. Quis ergo miretur, Antonium & vigilantem & somniantem cum Hæreticis pugnasse, & vidisse quod tanto expetierat semper desiderio?

nis & suppliciis animadvertendum esse. Quæ pestilens sententia *Augustini* postea auctoritate confirmata est. Quid mirum ergo *Arianos* violenter oppressos, vicissim insultasse *Orthodoxis*?

Sed mittamus visiones *Antonii*, & pergamus ad eas, quæ instante nece *Juliani* Imperatoris, quibusdam oblata dicuntur. *Sozom. Lib. VI. Cap. 2.* de morte Imperatoris agens, hæc narrat: Verum ut uno omnes consensu affirmant, vera ad nos pervenit narratio, Eum divina altione preceptum esse. Cujus rei argumentum est cælestis visio, quam a quodam ex ejus familiaribus visam accepi. Nam cum is ad illum, tunc in *Perfide* agentem, contenderet, in loco quodam viæ publicæ diversatus esse dicitur, & penuria tecti in Ecclesia illi posita decubuisse; ac sive inter vigilandum, sive in somnis vidisse plures Apostolos, ac Prophetas, qui in unum convenientes de Principis in Ecclesias contumelia quererentur, & quidnam agendum esset, deliberarent. Cumque hac de re diutius consultassent, ac veluti ancipites haberent, duo e medio surgentes reliquos bono animo esse jusserunt, & tanquam ad delendum *Juliani* Imperium festinantes, statim e concilio digressi sunt. At ille, qui res tam admirabiles viderat, captum quidem iter deinceps prosequi neglexit: formidans autem quemnam exitum habitura esset hæc visio, cum eodem rursus in loco somnum cepisset, eundem, quem prius cætum vidisse dicitur, ac repente duos illos, qui superiore nocte adversus *Julianum* profecti erant, velut ab expeditione redeunt in Concilium ingressos esse, ejusque necem reliquis nuntiasse. Eodem die *Didymus* quoque Ecclesiasticus Philosophus *Alexandria* degens, cum utpote Imperatore adversus Religionem peccante gravissimo dolore afficeretur, tum propter ipsum vano errore deceptum, tum ob contumeliam Ecclesiarum jejuniis & orationibus vacabat. Cumque præ nimia sollicitudine, ne superveniente quidem nocte cibum sumisset in cathedra sedens somno oppressus est, ac velut in mentis excessu positus, equos candidos per aërem discurrentes videre sibi visus est, virosque ipsi insidentes, ita clamantes audire: nuntiate *Didymo*, hodie *Julianum* hac ipsa nocte peremtum esse. Idque ille *Athanasio* Episcopo significet & surgens comedat. Et hæc quidem tum a familiari *Juliani*, tum a *Didymo* Philosopho visa fuisse accepi. Ita *Sozomenus*. Nisi Auctori huic, & aliis periisset de fronte pudor, visionibus fictis, rei turpi colorem aliquem conciliare aggressi nunquam fuissent. A vero non abhorret, a Christiano quodam, homine nequam, interemtum esse *Julianum*. Certe non solum id probat *Libanii* Sophistæ Oratio, sed & ipse *Sozomenus* id fateri videtur, dicens: Et *Libanius* quidem ita scribens, *Juliani* interfectorem Christianum fuisse innuit. Resque for-

fortassis ita se habet. Neque enim a vero abhorret, quempiam eorum, qui tunc temporis in Exercitu Romano militabant, id animo reputasse, Tyrannorum interfectores tum a veteribus Græcis, tum a reliquis mortalibus ad nostram usque ætatem summis laudibus efferi, ut qui pro communi omnium libertate, mortem oppetere non dubitarint, & civibus suis, & propinquis ac amicis alacri animo opitulati sint. Hisce adductis execrabilem hanc addit sententiam: Nemo certe, eum facile reprehenderit, qui propter Deum, & propter eam, quam colebat, Religionem strenuum facinus edidit. En Jesuitam ante Jesuitas! quis non exclamet!

*Tantum Religio potuit suadere malorum!*

Iniquam, execrandam, humanitati, æquitati, Religioni naturali & Revelatæ contrariam esse propositionem, nimirum licitum, imo fas esse, Principes a Religione publice recepta abhorrentes, propter Religionem duntaxat interficere, non opus est, ut pluribus probem. Et hujus tamen surfuris homines nobis persuadere videntur, Deum ipsum singularem ex ejusmodi detestabili flagitio cepisse voluptatem, atque bonum illum nuncium per miraculum attulisse. Certe sine visione homines cæco odio excecati ab iis, qui insidias struxerant Imperatori, quid mox futurum esset, scire potuerunt. (\*) De Juliano vero ejusque Religione pluribus agemus in *Disquisitionibus nostris de Viris Eruditis Atheismi suspectis*.

Revertamur autem ad Martyres hujus seculi, quibus visiones obtigisse dicuntur. Refert *Ruinartus* ad Annum 303. Martyrium *S Theodoti Ancyran*i, & *septem Virginum Auctore Nilo*. At (1.) visiones *Theodoti*, & adparitio *Tecuse* ad reliquiarum cultum probandum unice sunt directæ, quod satis probat cujus ponderis sint illæ visiones. (2.) *Pag. 342.* ait *Tecusa* corpus suum a feris, avibusque iri discerptum. Mox vero, postquam submersa erat, comparuit *Theodoto*, eum sic alloquens: *Dormis fili Theodote, & nulla te nostri cura tangit? Neque meministi adhortationum, quibus te juniorem instruxi, ac præter opinionem Parentum ad virtutem manu duxi? Et tu quidem viventem nunquam negligebas, sed colebas*

(\*) Plures alias fabulosas circumstantias quæ proxime ante mortem Imperatoris & post eam contigisse dicuntur mittimus. Dudum enim a Viris doctis sunt explosæ. Anonymus Gallus, cujus *Vita Juliani* 1735. Amstelod. prodit pag. 319. rumusculos illos vagos recenset & quam parum illis tribuendum sit, candide monet. *S. Basnage Annal. Tom. II. pag. 881.* Recensitis narrationibus, & Revelationibus, quæ de instanti nece Juliani factæ dicuntur, breviter ita judicat; *De Revelationibus ejusmodi fides sit penes Auctores,*

*colebas ut matrem : nunc vero, postquam obiit, oblitus es, quod usque in finem tibi ministrare debebas. Ne obsecro finas nostra corpora sub aquis lacu fieri escam piscium. Nam & post duos dies magnum te expectat certamen. Surge igitur accede ad paludem. Verum cave tibi a proditore.* Falsum igitur fuerat, quod dixerat antea, quod corpus ab avibus & feris sit discerpendum, ut nihil dicam quam visio sit ipsa suspecta. (3.) Sequuntur postea denuo miracula, & visiones ad inveniendā tandem illa corpora. (4.) Nilus ipse, qui testem oculatum se esse perhibet, varias ob causas fraudis est suspectus, quas adduxit *S. Basnage. Annal. Hist. Eccles. Tom. II. pag. 591.* (5.) Deus, qui per visionem monuerat *Theodotum*, corpora submerforum esse sepeliunda, scopo suo excidit; *Præses* enim, postquam ea terræ condita, & ex aqua retracta esse audiverat, comburi iussit. (6.) *Asina*, (pag. 350.) forte etiam amore reliquiarum tacta, procubuit supra locum, ubi jacebat corpus *S. Theodoti*. Plura non addo, sed miror *Ruinartum* hæc Acta digna judicasse, quæ numero sincerorum aggregarentur. Pag. 364. Actorum *Ruinarti* ad annum 304. refertur Martyrium *S. Vincentii*, descriptum ab *Anonymo*, homine, uti universa Acta docent, perquam credulo. Provocat equidem *Ruinartus* ad *Augustinum* & *Prudentium*, fidem *πατολογίας* conciliaturus. At præterquam quod & ipse *Augustinus* credulus valde fuit, ex ipso *Prudentio* adparet, jam tum Martyrum auxilium rebus in arctis advocasse credulos Christianos, imo existimasse, Martyres certorum quorundam locorum esse Patronos. Vide *Prudentii Hymnum primum v. 10. Ibid. Hymno II. v. 457. III. 311. IV. 175. & 196. V. 545. IX. 97. X. 1139. XIV. 124.* Idem confirmant disputationes *Vigilantii*, & *Hieronymi*, de quibus videatur ipsius *Hieronymi Oper. Tom. II.* & ea, quæ ad finem horum Actorum dicuntur: Tandem autem (ita loquitur compiler horum Actorum) cessante perfidorum credulitate, ac fidelium crescente devotione beatissimus Martyr ad sepulture honorificentiam inde levatus, digna cum reverentia deportatur, & sub sacro altari extra muros ejusdem civitatis *Valentie* ad quietem reponitur, ubi meritis ipsius divina multipliciter præstantur beneficia ad laudem & gloriam nominis Christi, &c. Nimirum totius narrationis scopus eo collineat, uti probetur, corpus B. Martyris per varia miracula eum in finem esse servatum, ut a Christianis reliquæ ipsius debito, id est divino honore adfici possint. Quo ipso satis jam patet, quam fidem mereantur visiones, & miracula, quorum mentionem injicit Auctor Actorum. Abjecte certe de Dei sapientia sentit, qui tantillæ rei gratia eum mira-

mira-



miracula patrare ait ; Ejusdem vero *sanctitati* detrahit, qui ad stabiliendum reliquiarum cultum quibusvis portentorum generibus uti eum statuit. Ut autem B. Lector recte judicare possit, cujus naturæ sint illa miracula, ad conservandum corpus B. Martyris *Vincentii* patrata, duorum saltem mentionem faciam. Postquam B. Martyr exquisitissima perpeffus esset, tormenta, nec tamen succubisset, *Dacianus* Præfectus ad apparitores ait : *Quærite locum tenebrososum, & oppressum urgente tellura, ab omni publica luce sepositum, perpetuæque nocte damnatum, reatui ejus peculiarem, extra videlicet carceres carcerem. Ibi fragmenta testarum exasperata passim congerite, ut quicquid jacentis corporis male incisa fractura tetigerit, illimatis infigat aculeis, & ipsa conversio laterum innovetur ad pœnam ; ut id scilicet, quod commutatis artubus membra quærunt evadere, semper offendant. Divaricatis præterea & distentis erucibus, ligno pedes ejus constringite, quatenus discissis pœna artubus rebellis Principum expiret. Inde Clausum relinquit in tenebris, ne oculis quidem respiret ad lucem. Nullus ibi hominum relinquatur, ne vel confortio alicujus sermonis animetur. Clausa & obserata sunt omnia ; solliciti tantum estote, ut, quando defecerit, nuntietur. Implent sine mora ministri, quod iudex preceperat, & Dei athletam fortissimum borrendo recludunt ergastulo. Sed cum prima quies fessos artus custodum somno vincente laxasset, quod *Dacianus* pro pœna gravissimæ mortis intulerat, divinitus commutatur in gloriam. Carceris illius nox æternam accipit lucem, flagrant cerei ultra solis fulgorem radiantes, laxatumque ligni robur dissiluit, ac testarum asperitas sit florum redolentium jucunditas & mollicitas. Quibus invidissimus Dei athleta refectus psalmum Deo & bymnum dicens, letus exultat. Sicque solitudo horribilis Angelorum relevatur frequentia, quorum caterva vallatus Martyr egregius, venerando fovebatur obsequio, & mulcebatur alloquio. Agnosce (inquiunt) o *Vincenti* invidissime, pro cujus nomine fideliter decertasti, ipse tibi revera coronam preparatam servat in cœlestibus, qui te victorem esse fecit in pœnis. Esto jam igitur securus de præmio, quia mox deposito carnis onere, nostro addendus eris Collegio. Dantur hinc laudes Deo, & resonante organo vocis angelicæ modulata suavitas procul diffunditur. Turbati vero subito expavere custodes, & ut vehementi stupore attoniti certius de miraculo explorare contendunt, clausas fores adeunt, & introspectantes per rimas, deitatis ministros siderea venustate cornescere cernebant : antrum tartareum tenebris pridem horribile immensa luce splendere, testarum aculeos multipliciter florere, sanctumque Dei Martyrem solutis cunctis nexibus deambulantem psallere.*

Ccccc

Qui

Qui mox divino terrore atque respectu compuncti, relicto gentilitatis errore Christianæ Religioni fideliter sese dedere, cupientes jam mutata devotionis suæ obsequia ei impendere, in cuius ante nece erant grassati. Postquam in lecto mortuus erat B. Martyr, Dacianus in cadaver ejus fœvire voluit, at ne sic quidem quicquam multa conando effecit. Audi narratorem hujus Nili & ingenium ipsius admirare: *Cognitio igitur, inquit, abscessu ejus jam victus atque confusus Dacianus dixit: si non potui superare viventem, puniam vel defunctum. Non est spiritus, qui repugnet, non est anima, quæ vincere contendat: cum vacuo corpore nullum est certamen. In exangues artus corporis desituti novis suppliciis debachabor. Projicite, inquit illum in apertum campum, nullo defendente obstaculo, ut cadaver exanime sepulture carens honore a feris & avibus penitus consumtum non compareat, ne forte Christiani tollentes ejus reliquias, Martyris sibi vindicent dignitatem: Expositum ergo ad supplicia sine tegmine venerabile corpus, angelicis rursus excubiis & obsequiis honoratur. Non illud aliqua hominum, quæ forte corrumpi potuisset, manus servabat; non ipsa licet pia sanctorum miseratio, quæ sibi tantum provenisse Martyrem in commune gaudebat. Et puto ob hoc divino instinctu humana negata esse obsequia, ut divina non deesse aliquatenus videretur custodia. Corvus itaque avis lenta, & pigerrima baud procul residens, quasi tetra sui specie lugentis habitum demonstrans, cum adventantes aves reliquas ac pernicibus metuendas alis quodam impetu eminus fugaret, advenientem subito immanem lupum in cursu etiam non segni abegit a corpore. At ille reflexa cervice in adspæctum sacri corporis stupefactus hærebat, & ut credimus, custodiam mirabatur angelicam. Reddita nunc nobis est antiquitatis histioria per avem similem. Nam qui ante Eliæ pleno ore cibos detulerat, nunc Vincentio Martyri jussa ministrat obsequia. Ita Nugator ille. Si talia inter Acta sincera Martyrum sint referenda, nescio tandem cujus argumenti futura sint Acta falsi suspecta, & ficta.*

In iisdem Actis sinceris Ruinarti ex Gregorio Nysseno refertur Martyrium Theodori, cujus in gratiam miracula, & visiones factæ. At ille sanctus scilicet, templum matri deorum sacrum incendit. Mirum quod non puduerit Gregorium hominem talem Martyrum numero adscribere, imo quod amplius est eum invocare. Vide verba Rhetoricatoris hujus pag. 485. Sect. VII. apud Ruinartum. Similis furfuris Martyr erat Abdas, vel Abdaa, templum Perfarum igni sacrum incendio vastans, de qua re vide Theodoretum Hist. Eccles. Lib. V. Cap. 39. quam recte id factum sit, quamque contra prima Juris Naturæ præcepta peccaverit ille

ille Episcopus Incendiarius, nemo non videt. Vide autem de hoc Bayle in Lexico voce *Abbas*, & *Barbeyracium*, *Traité de la Morale des Peres*, Cap. XVII. Sect. 3. sq. (\*) His adnumerari potest S. Leo, cujus Martyrium legitur apud *Ruinartum*, pag. 545. Hic insultans sacris Gentilium deprehensus, & ad necem, quam adpetebat, tractus est. Si quis inter Nostros sacris Pontificiorum insultaret, atque ideo poenas daret, sat scio Romanenses eum in numerum Martyrum non relatu-ros. At quicquid contra Gentiles fit, id jure quidam factum putant. Plures ejusmodi visiones quarti seculi ad superstitionem duntaxat, & reliquiarum cultum stabiliendum excogitatas, silentio transmittito.

Coronidis loco adjiciam visionem, quæ contigisse dicitur *Augustino*, Manichæorum sectæ hætenus addicto, sed visione aliqua subitanea ad Catholicorum partes pertracto. Rem ipsemet narrat *Augustinus Confess. Lib. VIII. Cap. XII.* Ego (inquit) sub quadam vici arbore stravi me nescio quomodo, & dimisi babenas lacrymis, & proruperunt flumina oculorum meorum, acceptabile sacrificium tuum. Et non quidem his verbis, sed in hac sententia multa dixi tibi: Et tu Domine usque quousque quo Domine irasceris in finem? Ne memor fueris iniquitatum nostrarum antiquarum. Sentiebam enim me ab eis teneri, & jactabam voces miserabiles: Quamdiu, quamdiu cras & cras? Quare non modo? Quare non hac hora finis turpitudinis meæ? Dicebam hæc & flebam amarissima contritione cordis mei. Et ecce audio vocem de vicina domo cum cantu dicentis, & crebro repetentis, quasi pueri, an puella nescio: TOLLE, LEGE, TOLLE, LEGE. Statimque mutato vultu intentissimus cogitare cæpi, utrum non solerent pueri in aliquo genere ludendi cantitare tale aliquid: nec occurrebat omnino audivisse me uspiam. Repressoque impetu lacrymarum surrexi, nihil aliud interpretans, nisi divinitus mihi juberi, ut aperirem codicem, & legerem, quod primum caput invenissem. Audieram enim de Antonio, quod ex Evangelica lectione, cui forte supervenerat, admonitus fuerit, tanquam sibi diceretur, quod legebatur: Vade, vende omnia, quæ habes, & da pauperibus, & habebis thesaurum in cælis; &

Ccccc 2

veni

(\*) Theodoritus loco citato ita de hoc facinore judicat: Εγὼ τῇ τῇ πυρεῖν καταλυσίῃ ἐν εἰς καίροις γιγνέσθαι φημι, ὅτι γὰρ ὁ θεὸς Ἀποστόλος εἰς τὰς Ἀθήνας ἀφικόμενος, καὶ τῇ πόλει κατειδυλὸν θιασμάτιος, τῶν βωμῶν τὴν καὶ τὴν ἐκείνῃ τερματίζον καταλυσίῃ, ἅλλα λόγῳ καὶ τῇ ἀγνοίᾳ ἡλεῖται, καὶ τὰς ἀλήθειαν ἰδούσιν. Ego Pyraeum quidem intempestive destructum fuisse fateor. Neque enim divinus Apostolus, cum Athenas venisset, & urbem Simulachrorum cultui deditam esse vidisset, aram ullam Deorum, qui ab iis colebantur, evertit, sed illorum errorem verbis coarguit, & veritatem demonstravit.

veni sequere me, & tali oraculo confestim ad te esse conversum. Itaque concitus rediit ad eum locum, ubi sedebat Alipius: ibi enim posueram codicem Apostoli, cum inde surrexeram. Arripui, aperui & legi in silentio capitulum, quo primum coniecti sunt oculi mei: Non in commestationibus & ebrietatibus, non in cubilibus & impudiciis, non in contentione & emulatione, sed induite Dominum Jesum Christum, & carnis providentiam ne feceritis in concupiscentiis. Nec ultra volui legere, nec opus erat. Statim quippe cum sine hujus sententia quasi luce securitatis infusa cordi meo, omnis dubitationis tenebrae diffugerunt. Tum interjecto aut digito, aut nescio quo alio signo codicem clausi, & tranquillo jam vultu indicavi Alipio. At ille quid in se ageretur, quod ego nesciebam, sic indicavit: Petit videre quid legissem, ostendi, & attendit etiam ultro quum ego legeram, & ignorabam, quid sequeretur. Sequebatur vero: infirmum autem in fide assumite. Quod ille ad se retulit, mihiq; aperuit. Et tali admonitione firmatus est. Commentarii loco in hanc Augustini visionem, & subitanam mutationem, non mea, sed Doctissimi Jacobi Bernardi verba, e Gallico Idiomate in L. Latinam conversa, quæ extant *Nouvelles de la Republique des Lettres* Mens. Mart. 1703. pag. 259. sq. adponam: Ipse Augustinus (ita loquitur V. D.) in suis confessionibus singulares circumstantias conversionis sue narrat. Illas non sine miraculis contingere potuisse quidam sibi persuadebunt, alii vero superstitione delusum Augustinum putabunt. Vox illa, quam sapiens audiebat, Tolle; Lege; ratio illa aperiundi primum, qui se offerebat, S. Scripture locum, consiliumque, actiones suas juxta illius sensum componendi, suspecta erit Viro cordato, haud ignoranti, Deum, si mentem hominis Spiritus S. gratia mutare vult, animo simul offerre, & insinuare rationes gravissimas, omnique exceptione majores. Sæpe ΦΙΛΑΥΤΙΑ inducitur homo, ut credat, Deum in sui gratiam leges nature mutasse, Exemploque Pauli insolita ratione ad Relig. Christiane confessionem perducti, ut suæ persuasioni pondus addat, utitur. Hec autem non eo animo dico, ac si credam Augustinum datâ opera fucum voluisse facere Lectoribus. Crediderim bona fide prout ipsi videbatur, quicquid hic contigerit, narrasse. At sanctissimi etiam ab omni erroris periculo immunnes non sunt. Decipere nos noluit, at ipsemet tamen decipi potuit. Ita Doctissimus Bernardus. Haud diffiteor valde mihi aridire sententiam hujus Viri docti. Ne tamen cæco adsensu eum sequi videar, alias rationes, quæ meditati de hoc argumento in mentem venerant, in medium adducam. Et (1.) quidem meminerit Lector, vocem illam cœlestem, cujus nutu Codicem S. aperuisse dicitur Augustinus, secundum ipsius

ipſius *Auguſtini* interpretationem hoc unum voluiſſe, ut pravis, quibus captus erat, voluptatibus valediceret, Chriſtoque non ſolum nomen daret, ſed & ut ſecundum ſanctiſſimæ & caſtillimæ diſciplinæ præcep-  
 tionem vitam, moresque ſuos conformaret. Nimirum inſepit *Auguſtinus* verſum 13. & 14. Cap. XIII. Epiſt. ad Romanos, ubi hæc ver-  
 ba: *ὡς ἐν ἡμέραις ἐνδοχρῶνως περιπατήσωμεν. μὴ κωμοῖς καὶ μεθαις, μὴ κοί-  
 ταις καὶ ἀσολυγίαις, μὴ ἐρίδι καὶ ζήλῳ. Ἄλλ' ἐνδύσασθε τὸν κυρίον Ἰησοῦν  
 χριστόν, καὶ τῆς σαρκὸς πρόνοιαν μὴ ποιεῖτε εἰς ἐπιθυμίαν.* Quis autem  
 credat *Auguſtinum* Religionis Chriſtianæ non ignarum, inque ſcriptis  
 philoſophicis veterum verſatum, ignoraffe, quam turpia, imo dete-  
 ſtanda ſint ſcelera, quorum mentionem facit Apoſtolus? Ipſimet Gen-  
 tiles, ſolius rationis ductu uſi, ſœditatem ejusmodi actionum depre-  
 henderant. Hinc quæ hoc commate vitia prohibentur, *Pythagoras* in  
 aureis carminibus inde a verſ. 9. ſq. damnavit. Quem in finem ergo  
 miraculo opus eſt, ad ea in mentem revocanda, quæ ſine longa medi-  
 tatione a quovis ſanæ mentis ſciri poſſunt? (2.) Augetur difficultas,  
 ſi perpendamus ea, quæ ipſemet de ſe in confeſſionibus narrat. Ni-  
 mirum fatetur ſe impuro amore fuiſſe captum, atque annum agenti  
 decimum oſtavum natum eſſe ſibi ex concubina puerulum, nomine  
*Adeodatum*. Vide Confeſſ. Lib. III. Cap. I. Hanc ob cauſam ſe jam  
 tum temporis, licet non ſatis ſincere, fuiſſe contriſtatum, imo ſe a  
 perditis ſcholæſticorum ætatis ſuæ moribus abhorruiffe? Quod ſi jam  
 tum *Auguſtinus* juvenis agnovit, male ſe egiſſe, quod impuris amori-  
 bus mentem corpusque contaminaffet, ſane vel ſine Revelatione extra-  
 ordinaria edoceri potuit de ſœditate ſclerum Paulo Apoſtolo memo-  
 ratorum. Denique (3.) ipſemet de moribus *Manicheorum* Cap. XIX.  
 & XX. pluribus exponit, quam ſœdis atque turpiſſimis ſcleribus ad-  
 dicti fuerint *Manichei*, atque hanc ipſam præcipuam diſceſſionis ſuæ ab  
 hac ſectâ cauſam fuiſſe conteſtatur. Non examinabo, utrum nihil  
 plane ex odio adſinſerit *Auguſtinus* Manichæis, quod aliquando factum  
 docet *Eruditiffimus Beaufobre Hiſt. Crit. du Manicheiſme* pag. 227. & alibi.  
 Annon inde per legitimæ conſequentiæ leges ſequitur, vel ſine mira-  
 culo *Auguſtinum* ſœditatem illorum ſclerum, quæ ab Apoſtolo dam-  
 nantur, deteſtari potuiſſe? Quid ergo opus erat inſolita illa voce:  
 TOLLE, LEGE, TOLLE, LEGE? Quod ſi quis dicat in citatis  
 Apoſtoli verſibus non ſolum damnari turpiſſima crimina, quorum ſœ-  
 ditatem facile potuerit agnoſcere *Auguſtinus*; ſed & conſiderandum  
 eſſe illud *ἐνδύσασθε κυρίον Ἰησοῦν χριστόν*, reſpondeo: ne id quidem pro-

bare, opus fuisse extraordinaria Revelatione. Quamvis enim Interpretes in explicatione phraseos metaphoricæ in diversa abeant, omnes tamen in eo consentiunt, postulari secundum verborum illorum vim, salutarem S. Soteris nostri cognitionem, cum amore ejus conjunctam. At & hoc non ignoraverat *Augustinus*. Primo enim (quod secundum nostrum argumentum est) jam a puero edoctus erat Mysteria Religionis christianæ. Audi quomodo *Doctissimi Monachi Benedictini vite Augustini Lib. I. Cap. 2.* de hac re loquantur: *Augustinus certe Christianam Religionem sibi puerulo a Parentibus insitam, & se Christianum Catholicum ante fuisse profitetur, quam in Manicheorum errores incidisset. Audierat adhuc puer de vita æterna, nobis promissa per mysterium incarnationis Domini Dei nostri, qui suberbiam nostram humilitate sua sanaturus advenit. Itaque jam tum credebatur in Christum, ut & ejus mater & omnis domus, uno excepto Patre, cujus tamen iniqua consilia & hortamenta juxta maternel pietatis evincere in ejus animo nunquam valuerunt. Secundo. Audierat ante mirabilem illam conversionem sermones sacros Ambrosii publice habitos, qui tantum in ejus animum valuerunt, ut a Manichæis discedere, atque in Ecclesia catholica catechumenus manere constituerit, donec certi aliquid sibi adfulgeat. Imo magis magisque audiendo publicas orationes Ecclesiæ catholicæ veritates intellexit & approbavit, ut pluribus iidem *Monachi docent Cap. II. & III. Lib. II. vite Augustini*. Hinc etiam, ut *Cap. IV.* hujus vitæ docetur, diligentissime incepit lectitare S. Literas, Pauli cumprimis epistolas. Quis credat autem *Augustinum*, a puero Religionis christianæ mysteria edoctum, *Ambrosii* orationibus sacris compunctum, & Lectioni S. Literarum intentum, sine miraculo capere & percipere non potuisse, requiri a veri nominis Christiano non solum fidem in Jesum Christum, sed & vitam sanctissimæ disciplinæ convenientem? Tertio. *Augustinus* ante suam hanc mirabilem conversionem non solum Mysteria Religionis christianæ cognoscebat, sed & *Manicheorum* sectæ addictus, acerrime fidem Christianam impugnavit: Post (verba sunt *Doctiss. Benedict. in Cap. VI.*) ubi *Manichæis* nomen dederat, nihil illi antiquius fuit, quam ut susceptæ a se hæreseos placitis atque institutis assatim imbueret. Illos igitur sedulo audiit, eorum figmenta omnia curiose indagavit, iis fidem temere præbuit, quin etiam instanter ea, quibus potuit, persuasit, & adversus alios pertinaciter animoseque defendit. Nec defuit consilio, & conatui temerario successus secundus, usque adeo, ut fidem catholicam miserrima ac furiosissima loquacitate vastasse se lugens agnoscat. *Cap. IX.* ejusdem*

Libri

Libri narratur, *Augustinum* collata argumentorum utriusque partis veritate, mox errores *Manicheorum* deprehendisse. At quomodo vocato potuisset *Augustinus* veritatem catholicam, uti tum temporis vocabatur, argumentis impugnare, aliosque in suam sententiam pertrahere, si ignorasset plane capitalia Religionis christianæ decreta? Si haud ignoravit, quid opus erat insolita luce ad ea demum percipienda? Accedit, quod ipsemet eodem loco, nimirum *Confess. Lib. VIII. Cap. 12.* ubi hujus conversionis meminit, fateatur, se ob commissa scelera, erroresque cordis fuisse compunctum, lachrymisque ora rigasse, quod jam, secundum ipsa principia *Augustini*, conversionis indicium erat. Denique ea ipsa, quæ de miraculis scripserat *Augustinus*, nos monent, ut sine gravissimis rationibus haud facile ejusmodi narrationibus fidem habeamus. Ab una enim parte plurimis in locis adseruit, miraculis, postquam veritas Religionis christianæ tantopere esset probata, opus non esse; ea suo tempore cessasse, neque veræ doctrinæ, præsertim ubi adversus *Donatistas* sermo erat, perspicuum, & infallibile signum esse, perhibuerat. Loca, quibus ita sententiam suam expromit, passim extant, & cumulatim a *Theologis Protestantibus*, in Disput. cum Eccl. Rom. doctoribus, sunt allata. Vide quid inter Recentiores, *Celeb. Paffius* in suis adversus *Scheffenmacherum Disputationibus*, de hoc argumento, *Epistola IV. monuerit*. Ab altera constat satis, *Augustinum* credulum nimis fuisse hoc in negotio, atque torrente superstitionis, quæ sua ætate vires adquisiverat, sæpe sese abripi passum. Exempla ex scriptis ejus plura adduci possunt. Vide quam vim tribuat miraculis, per reliquias quasdam factis *Libro XXII. Cap. VIII. de Civitate Dei*; de restitutione *Innocentii* pag. 90. *vita Augusti* per *Benedictinos* scriptæ; De laude reliquiarum in genere *ibid. pag. 448.* de curatione *Pauli*, & *Palladiæ* per *Stephani* Martyris reliquias facta; de dentium dolore, a quo non sine portento olim sese liberatum dicit *Cap. IX. Vita Augusti*: ut plura taceam. Confer ea, quæ de hoc argumento in medium protulit *Dodissimus Lensant, Préservatif contre la Réunion avec le siege de Rome Tom. III. Epist. XIV.* Quid ex hisce colligi pro nostra sententia possit, facile quilibet sentiet. Quod si enim conversionem *Augustini* sine ejusmodi miraculo facile explicare possumus; si ejus ætate vel nulla, vel paucissima miracula facta sunt; Si falsis narrationibus de miraculis, per reliquias factis, temere fidem habuit *Augustinus*, sperare possumus, eos, qui veri rectique amantes sunt, haud miraturos, si *Ipsius* narrationi temere non assentiamur, sed credamus,

cum

cum bona fide errasse, atque pium animi adfectum pro re extraordinaria habuisse. Ubi simul monemus, nimiam boni *Antonii*, & *Philosophie Platonice*, ad Enthusiasmum fovendum prorsus accommodatæ admirationem, ad arripiendam hanc opinionem, de conversione insolita, multum contulisse. In hac ipsa enim conversionis suæ narratione ait: *Audieram enim de Antonio, quod ex Evangelica lectione, cui forte supervenerat, admonitus fuerit tanquam sibi diceretur, quod legebatur: Vade, vende omnia, quæ habes, & da pauperibus, & habebis thesaurum in cælis, & veni sequere me, & tali oraculo confestim ad Te esse conversum.* Sed satis, & forte quorundam iudicio, plus quam satis, de Visionibus, quæ Christianis quibusdam, primis quatuor post Christi & Apostolorum excessum seculis, obtigisse dicuntur, disputatum est.

## ΕΠΙΜΕΤΡΟΝ

## Thesium Theologicarum.

I. Graviter errant, qui dicunt, perinde esse quamcunque tueamur Religionem.

II. *Distinctio Articulorum Religionis in Fundamentales & non fundamentales, quam Theologi Protestantes omnes facere solent, solida est, atque non solum S. Literarum auctoritate nititur, sed & ex indole & natura Religionis, ingenitque humani facile probatur.*

III. Cum Apostolus Paulus in Epistola ad Titum Cap. I. v. 1. Religionem Christianam vocet agnitionem veritatis, quæ secundum pietatem est, sequitur necessario articulos Religionis vel majoris vel minoris esse ponderis, prout vel magis vel minus ad pietatem excitandam, fovendam atque perficiendam faciunt. Errorem contra vel leviorum vel graviorem, prout pietatis studio magis vel minus officit.

IV. Hominem mera Dei gratia propter perfectissimum Christi meritum, per fidem iustificari, testatissima S. Scripturæ vox est. Vide Act. XIII. 38. 39. Rom. III. 24. 25. 28. Ibid. IV. 5. Ibid. V. 1. Galat. II. 16. Ephef. II. 4. 5. 7. 8. 9. 2. ad Tim. III. 15. &c.

V. Hanc fidem, veram illam atque salutarem, quam Theologi iustificantem vocant, utrum causam sine qua non, an virtutem divinam, vel causam



*causam instrumentalem, aut denique conditionem appelles perinde est, modo hæc duo firmiter teneantur: Prius est: Unicam, & solam justificationis nostræ causam esse perfectissimam & Soteris nostri obedientiam, & satisfactionem; Posterius: fidem illam non esse ejus dignitatis, & præstantiæ, ut per se meriti rationem habeat.*

VI. Cum autem vera illa, & salutaris fides sine penitentia seria, atque amore Dei, & proximi consistere non possit juxta Gal. V. 6. *ibid.* Cap. VI. 15. 1. Cor. VII. 19. Manifestum est, illos demum de tanti Boni possessione gloriari posse, quibus serium pietatis studium inest

VII. Quando optimus Doctor & Magister noster Jesus Christus discipulum suum Petrum, ut hodie loqui solemus pro S. Ministerio examinaret, hanc potissimum ei questionem proposuit, eamque ter repetiit. Petre amas me? Unde colligimus, sincerum Christi amorem primarium Pastoris requisitum esse. Vide Job. XXI. 15. 16. 17.

VIII. Quamvis haud negemus, impios V. D. Ministros infinitorum malorum in casu Christiano causas esse, merito tamen rejicimus eorum sententiam qui negant, Ministerium Ecclesiæ legitimum esse posse, nisi sit regentis. Hæc enim opinio ad pacem in Ecclesiâ turbandam, ejusque ordinem & unitatem dissolvendam aptissima est.

IX. Licet conscientia errans non minus obliget, quam recta; exinde tamen nondum sequitur, errantem semper culpa vacare.

X. Si tantum diligentia atque opera Christiani, Doctores præsertim publici infunderent, ad virtutes divinas ex opere Creationis, Providentiæ & Gratiæ manifestissime elucentes, mente, verbis, ac factis laudandas atque celebrandas, vitiaque passim grassantia ex animis hominum evellenda, quantum laboris & studii impendunt; ad singulas consiliorum divinarum rationes circa permissionem mali moralis & phisici pervestigandas, & Decreta Dei in ordinem redigenda longe melior & felicior esset Christianæ Reipublicæ status.

XI. Loca Job. I. 1. seq. Act. XX. 28, Rom. IX. 5. 1. ad Timoth. III. 16. 1. Job. V. 20. ut, alia taceam, divinitatem Jesu Christi clarissime probant.

XII. Contra metum mortis, & ingruentia hujus vite mala. optimum, & efficacissimum præsidium reperimus in Decretis, & præceptis Religionis Christianæ in genere: in specie autem, in seria, attenta, atque pia cruenta mortis Christi, Soteris nostri, meditatione.

# EXERCITATIO DE ATHEISMO PLATONI IMPACTO.

Clarissimo & Eruditissimo Viro JACOBO BRUKERO S. P. D. JACOBUS ZIMMERMANNUS.



Udicem Te posco, Vir Reverende, in controversia, quæ tuam maxime cognitionem requirit. Atheismi, pestilentissimi erroris, accusatur non unus e plebe, Philosophorum, sed ipse Plato, Veterum pariter ac modernorum laudibus in cælum elatus. Accusatur non ab obscuris quibusdam hominibus, qui uti sapere videantur, aliquando cælum ipsum stultitia petunt, sed a Viris Celeberrimis & acerrimi ingenii P. Baylio & N. H. Gundlingio. Contra hos causam Platonis in me suscepi tuendam. Quis autem de toto hoc negotio Te perspicacius judicare potest? Tu non solum omnes veteris Philosophiæ angulos perreptasti, sed Platoni ipsi longo usu conjunctissimus es; testantur id non solum cultissimus libellus, in quo sententias veterum & modernorum de ideis egregie explicuisti, sed & multæ dissertationes elegantissimæ Diariis Eruditorum insertæ. Tibi igitur Apologiam istam Platonis dijudicandam offero, tanquam specimen futuri laboris. Spero Te rigidissimo eam examini subjecturum, candideque, quid de ea sentias aperturum: nullo partium studio animus meus hac in disceptatione tenetur. Non ex eorum numero sum, qui veteres passim in suam sententiam pertrahere nituntur, omniaque quæ antiqua sunt mirantur. Sed & ab iis discedo, qui nova tantum & recentia stupent, existimantes, veteres fungos tantum fuisse: perinde

perinde mihi est, utrum verum detexerit Plato, Zeno, vel Lokius aliquis aut Leibnizius. Atheorum numerum uti augere nolo sic nec minuere. Apologiam equidem Virorum Illustrium falso Atheismi suspectorum in me conscribendam suscepi, sed ita, ut ab æternis veritatis legibus, quantum mihi perspectæ sunt, ne latum quidem unguem discedam. Et ne forte hac in parte errem, non unum specimen, quæ ratione Veteres & modernos defendam, Eruditis examinandum offeram cum in finem ut eorum observationibus admonitus, sicubi erravero, in posterum accuratius cuncta examinare possim. Tuum jam erit, *Eruditissime Brukere*, dispicere, utrum Platonem recte defendendum nec ne. Præsta igitur Te Judicem uti severum ita & candidum. Ego interiu illius Quintiliani memor ero. *De tantis Viris modeste & circumscripto Judicio pronunciandum, ne quod plerisque accidit, damnet, quæ non intelligunt.* Lib. 10. cap. 1. Sed jam ad rem ipsam venio.

II. Dixi Viros Eruditionis laude florentissimos P. Baylium & N. H. Gundlingium Platonem Atheismi & quidem Spinozismi arguere. Notum autem est, Spinozam adseruisse, unicam dari substantiam, eamque Deum esse. Ut igitur contrarium ostendam, probabo testimoniis cum aliorum tum ipsius Platonis, 1. *celebrem hunc Sapientie Antistitem Ens aliquod æternum, sapientissimum, quod Deum vocamus agnovisse*, 2. *Eum solerter Numen, illud a materia distinxisse*, 3. *nullo necessario vinculo cum materia conjunxisse*, 4. *Summam libertatem & imperium in materiæ Deo tribuisse*, 5. *tandem providam Dei sapientissimi in omnia curam professum esse*. Hisce rite probatis accurate & prolixè virorum doctissimorum, quos jamjam citavi, præcipue Celeberrimi Gundlingii, rationes in contrarium allatas examinabo.

III. Adferamus igitur primo loco testimonia Veterum, adferentium, *Platonem Ens aliquod æternum & sapientissimum, quod Deum vocamus, agnovisse*. *Plutarchus* de placitis Philosophorum Lib. 1. cap. 7. *Σωκράτης καὶ Πλάτων το ἐν το μονόφωες, καὶ αὐτοφωες, το μοναδικον, το ὄντως ἀγαθον. Πάντα δὲ ταῦτα τινον ἐνοματων εἰς τον γαν πεισδει, νος ἂν ὁ Θεος, χωρεῖσιν εἶδος, ταῦτασι το ἀμειγες πασης ὕλης, μη δεινι παθητω συμπαπλεγμενον.* *Socrates & Plato unum singularis & perse subsistentis nature, ac solitarium, revera bonum statuunt.* Omnia autem hæc nomina ad mentem referuntur. *Mens ergo est Deus, species separata, hoc est sincera ab omni materia mixtura; nec ulli rei, quæ pati aliquid possit, implicita.* *Apulejus* de dogmate Platonis pag. m. 368. de Deo sentit, quod sit incorporeus. *Is unus, ait, ἀπεριμετρος rerum-*

D d d d d 2

que

que genitor, omnium extortor, beatus & beatificus, optimus, nihil indigens, ipse conferens cuncta. Quem quidem caelestem pronuntiat, indiſtinctum, innominabilem, & uti ipse ait ἀγερτον, ἀκατανοήματον; cuius naturam invenire difficile est; si inventa sit, in multos eam enunciari non posse. Auctor Philosophumενων cap. 19. Πλατων ἀρχας εἶναι τὰ πάντος Θεον καὶ ὤλην καὶ παραδειγμα. Θεον μὲν τὸν ποτὴν καὶ διακοσμησάντα τὸδε τὸ παν καὶ προνομήμενον αὐτὰ. Diogenes Laertius Lib. 3. διὸ δὲ τῶν πάντων ἀπεφθῆεν ἀρχας, Θεον καὶ ὤλην, ἐν καὶ νῦν προσπαροῦμεν καὶ αἰτίον. pag. seq. τῆς μὲν ὅλης γενέσεως αἰτίον εἶναι τὸν Θεον, ὅτι πεφυκέν ἀγαθοποιον εἶναι τὸ ἀγαθόν. Maximus Tyrius tota dissertatione prima in eo est, uti probet ex mente Platonis & Deum esse, eundemque incorporeum. Nolo alia praecipue Patrum loca adducere eadem confirmantia, sed Platonem ipsum audiemus. Libro X. fere ab initio conqueritur de contemptu Numinis; *factum autem*, inquit, & dicunt impium aliquid in Deos, vel qui Deos esse negant, vel qui, si putant esse Deos, de rebus tamen humanis curare ipsos minime arbitrantur: vel tertio quamvis & sint, & de hominibus curam habeant, facile tamen placari eos votis & sacrificiis opinantur. Monet simul prudenter, cum ejusmodi hominibus, argumentis, non vi esse agendum. Argumentatur deinde pro existentia Dei ex Ordine universi, & communi omnium hominum consensu pag. m. 604. πρῶτον μὲν γῆ καὶ Ἥλιος, ἀέρα τε καὶ ζῦμπατα, καὶ τὰ τῶν ὡρῶν διακοσμημένα καλῶς ἄνω, ἐν αὐτοῖς τε καὶ μῦσι διαληγμένα, καὶ ὅτι, πάντες Ἕλληνες τε καὶ βαρβάροι νομίζουσιν εἶναι Θεας ἰ. e. primum quidem terra Sol fydera, ipsumque Universum, temporum quoque ornatissima varietas, annis mensibusque distincta, id ostendunt, Graecorum praeterea Barbarorumque omnium consensus, Deos esse fatentium. Pagina sequenti rejicit eorum opinionem, qui adserunt, omnia vel fortuna vel natura fieri. ATH. τοὺς ὅμνους nonnulli ajunt, quae fiunt, quae futura, quaeque facta sunt, vel natura vel fortuna vel arte fieri. CLIN. & probe quidem, ATH. quare sequamur ipsos inquiramusque, quid intellexerint CLIN. omnino. ATH. maxima, inquirunt, atque putcherrima natura fortunaque fieri; arte vero minora: eamque dicunt accepta a natura maiorum primorumque operum generatione, fingere, fabricareque minora omnia, quae artificiosa ab omnibus appellantur. CLIN. quomodo id alii? ATH. Sic planius dicam. Ignem, aquam, terram, aerem, omnia haec non arte, sed natura & fortuna esse dicunt. Corpora etiam quae posthaec sunt: rerum terrenarum, solis, luna, stellarum omnium ex istis anima prorsus carentibus facta fuisse ajunt: fortunaque quo unum quodque vis sua impu-

*impulsi lata, singula singulis, frigida calidis, sicca humidis, mollia duris, & omnino contraria contrariis, duce fortuna convenisse, ac necessario con-*  
*temperata fuisse. Hoc pacto cælum & quæ in eo sunt omnia, animalia*  
*quoque & plantas & anni tempora fuisse produca, non per intellectum,*  
*neque per Deum aliquem: sed natura, uti diximus & fortuna. Hanc au-*  
*tem opinionem rejicit Plato & contendit omnia potius arte facta esse, &*  
*quidem duplici argumento. Primum petit a natura corporum eorum-*  
*que dispositione, alterum ab origine motus. Primum extat pag. 606.*

ΑΘ. λεγοιμ' ἂν ὡς ἕισιν, ἥδη σχεδὸν ἕκ ἐκδοτα λόγον τινα τανδε. Ὁ πρω-  
 τον γενεσέως καὶ φθορας αἰτίον ἀπαντων, τατο ἂ πρώτον, ἀλλὰ ὕστερον ἐπε-  
 φηναντο εἶναι ἄσπερος, εἰ τὴν τῶν ἀσπερων ψυχὴν ἀπεργασσάμενοι λόγοι.  
 Ὁ δὲ ὕστερον, πρότερον, ὅθεν ἡμαρτηκασι περὶ θεῶν τῆς οὐτως ἑστίας. ΚΛ.  
 ἄπω μάνθανω. ΑΘ. ψυχὴν ὡς ἔταιρε ἡγνοῦσθαι κινδυνεύουσι μὲν ὀλιγονθυ-  
 παντες οἷον τὲ ὃν τυγχάνει καὶ δυνάμειν ἔχει. τῶν τὲ ἄλλων αὐτῆς  
 σπερὶ, καὶ δὴ καὶ γενεσέως ὡς ἐν πρώτοις ἐστὶ σωματικῶν ἐμπροσθεν παντῶν  
 γυνομένη καὶ μεταβολῆς τὲ αὐτῶν καὶ μετακοσμήσεως ἀπάσης, ἀρχαί παντός  
 μαλῶν. Εἰ δὲ ἐστὶ ταῦτα οὕτως. ἀρεὰ ἕκ δεξαναγκῆς τὰ ψυχῆς συγγενῆ  
 πρότερα ἂν εἴη γυγονοτα τῶν σωματικῶν προσικινετῶν ἕως ταύτης πρὸς βυτ-  
 τας ἢ σωματικῶν ΑΚ. ἀναγκῆ. ΑΘ. δεξὰ δὴ, καὶ ἐπιμέλεια καὶ νὰς καὶ τεχ-  
 νῆ, καὶ νόμος, σκληρὰ καὶ μαλακίων καὶ βαρεῶν καὶ καψῶν, πρότερα ἂν  
 εἴη. καὶ δὴ καὶ τὰ μεγάλα καὶ πρώτα ἔργα καὶ πράξεις, τεχνῆς ἂν γιγνοίτο  
 οὐτὰ ἐν πρώτοις. τὰ δὲ φύσει καὶ φύσις, ἣν ἕκ ὁρθῶς ἐπονομαζέουσιν αὐτὲ  
 τατο ὕστερα καὶ ἀρχομένα ἂν ἐκ τεχνῆς εἴη καὶ νῆ. ΚΛ. πῶς. ΑΘ. ἕκ ὁρ-  
 θῶς φύσιν βελονταὶ λεγὲν γενέσθαι περὶ τὰ πρώτα. εἰ δὲ φανήσεται ψυχὴ  
 πρῶτον, ἂ πῦρ εἰδὲ ἀήρ. ψυχὴ δ' ἐν πρώτοις γεγεννημένη σχεδὸν ὁρθοτάτα  
 λεγοίτ' ἂν εἶναι διαφερόντως, ὅτι φέσει ταυτ' ἐοθ' ἄτως ἔχοντα ἂν ψυχὴν  
 τις ἐπιδείξῃ πρὸς βυττέραν ἄσαν σωματικῶν, ἄλλως δὲ ἰδαμῶς, ΚΛ. Ἄλλῃς-  
 στα λεγεις. Hæc ita vertit Ficinus: dicam jam novam banc pene in-  
 auditamque rationem. Quod generationis corruptionisque omnium prima  
 causa est, non primum sed posterius factum sermones illi affirmarunt, qui  
 animos impios effecerunt. Quod vero posterius, id primum. Quare veram  
 Deorum substantiam ignorarunt. CLIN. nondum intelligo ATH. qualis  
 anima sit & qualem habeat vim, omnes ferme ignorasse videntur, tum  
 tam quoad alia, tum quoad ejus generationem, quod ante omnia corpora  
 nata sit, & transmutationis decorisque corporum ipsa sit omnium maxime  
 princeps. Si hæc ita sint, nonne quæ animæ ipsius propria sunt, necessario  
 priora bis erunt, quæ ad corpus pertinent, cum ipsa corpore sit antiquior.

CLIN. necesse est. ATH. Ergo opinio, cura, intellectus & ars, & lex

Dddd 3

duris

*duris & mollibus, gravibus atque levibus priora sunt. Quare ingentia & prima opera, operationesque ipse artis imprimis erunt : quæ vero natura sunt & natura ipsa, quam non recte sic appellant, posterius sunt, & artem intellectumque sequuntur CLIN. Cur non recte. ATH. quia naturam generationem circa prima dicere volunt, primaque ponunt corpora. Si autem non ignis nec aer, sed anima primo esse videbitur, anima ipsa corpore antiquior rectissime affirmabitur, & hæc ipsa ita natura constare, si animam corporibus antiquiorem esse constiterit : aliter vero nequaquam CLIN. Vera loqueris. Alterum argumentum petit ab origine motus. Brevitatis causa latina tantum dabo. Quando aliud ab alio movetur : idque rursus semper ab alio, eritne in talibus aliquid quod primo moveatur ? at quomodo id quod ab alio moveatur, eorum quæ moventur primum erit ? certe impossibile id est. Sed quando aliquid se ipsum movens, aliud quoque movebit, illudque aliud & sic deinceps plurima movebuntur ; an aliud totius motus principium erit, quam mutatio ejus quod se ipsum movit ? CLIN. egregie dictum id & concedendum est. ATH. præterea nos ipsos interrogemus & ipsi nobis respondeamus. Si quovis modo universa simul steterint, ut plurimi talium audent dicere, quem motum potissimum in ipsis fieri asseremus ? cum profecto quo quid seipsum movet : Motus enim dependens ab alio non prius incidet, quam alia quedam ipsis inciderit mutatio. Quapropter initium omnium motionum primumque motum, qui & instantibus factus sit & in his quæ modo moventur insit illum fateri necesse est, quo quid se ipsum movet : & hanc esse antiquissimam omnium potentissimamque mutationem : secundam vero illam, quæ quid ab alio mutatur & alia movet. Et paucis interjectis ita concludit. CL. a se ipso moveri asseris rationem esse illius substantiæ, quam nomine omnes animam appellamus ATH. assero equidem. Quod si ita est, an adhuc desideramus sufficientius demonstrari, idem esse animam & primam generationem ac motum rerum quæ sunt, quæ fuerunt, & quæ futuræ sint : omniumque rursus istis contrariorum ? quandoquidem transmutationis motusque omnis omnibus causa esse apparuit. CL. minime. nam sufficientissime monstratum est, animam omnibus antiquiorem esse, cum motus principium sit.*

IV. Possent hæc mea opinione sufficere ad demonstrandum, Platonem Rectorem sapientissimum Universi agnovisse. Sed intercedit hic P. Baylius & duo objicit, quæ prius examinanda sunt. Continuation des pensées diverses chap. 25. in eo est, ut argumentum illud ab universali gentium consensu desumptum infringat & inter alia monet, eadem ratione Polytheismum potius quam unius ejusdemque æterni Numi-

Numinis existentiam probari ; eum in finem profert testimonia Ciceronis, Senecæ, Maximi Tyrii & Platonis. *Il est clair (ait occasione testimonii M. Tyrii) qu'il considere la nature divine comme une essence, qui a sous soi un grand nombre d'individus, & qu'il pretend que c'est l'opinion de tous les peuples. & paucis interjectis. Savez vous bien comment Platon a combattu les Athées ? Ce n'est pas en leur prouvant qu'il n'y a qu'un Dieu, c'est en leur prouvant, qu'il y a des Dieux :* citat deinde Lib. X. de legibus, ex quo argumentatus sum. De argumenti hujus valore disputare nolo : hoc tantum dico & M. Tyrium & Platonem dicis causa Deos in scenam produxisse, quod ex methodo, qua probant Deos esse, satis patet. *Maximus ait εν τωσαυτη δη πολεμω και εαπει και διαφορια ενα ιδοις αν εν παση γη ομοφωνον νεμεν και λογον, οτι NB. Θεος εις παντων βασιλευς και πατηρ και Θεοι πολλοι, Θεε παιδες, συναρχοντες Θεω ? & paulo post. In eo Græcus cum Barbaro, mediterraneus cum Insulano, sapiens consentit cum stulto. Ut si ad extrema Oceani littora processeris, hic quoque Deos inventurus sis, τοις μεν ανιχοντες αγγελε μαλα, τοις δε καταδυμενοι, qui non procul ab aliis oriuntur, ab aliis occidunt. Vides hic sane Θεον τον παντων βασιλεα clarissime distingui, a Diis qui occidunt & oriuntur. Θεοι enim illi sunt sol, luna, stellæ. Hinc in fine primæ hujus dissertationis ait. In alto magnus Rex ille sedeat, populisque suis volentibus leges quibus facti testi maneant, præscribat. Regni autem consortes sint Dii multi, quorum alii videntur, alii oculis conspici non possunt. Vides denuo Magnum illum Regem clarissime a cætera Deorum turba distingui. Quinam autem illi Θεοι οραθοι aut αφανεις num forte, quod Baylius vult, individua ejusdem speciei ? respondebo verbis Eruditissimi Davissii. 'Οραθοι inquit, Θεοι sunt ασερων φουσεε. Deos cœlestes, inquit, Apulejus de Deo Socrat. p. 41. partim visu usurpamus, alios intellectu vestigamus. Ac visu quidem cernimus*

— Vos o clarissima mundi

*Lumina &c. In eodem visibilium Deorum numero, cætera quoque Sydera, qui cum Platone sentis locato. Stella etiam Alcinoos cap. 14. sunt νοερα ζωα και Θεοι. Philoni Judeo de Opif. mundi pag. 4. Θεοι αιωθητοι. Eas nempe censebant anima & quidem excellentissima præditas, unde Platon in Epinom. ait : Θειον γενοσ ασερων σωματος μεν τυχον καλλισε, ψυχης δε ευδαιμονεσατης. In hac sententia fuit Origenes v. P. D. Huetii Origen. Lib. 2. Quæst. 8. In αφανων vero Θεων numero erant illi duodecim situ nominum in duos versus ab Ennio coarctati, Juno, Vesta, Minerva, Ceres*

res &c. alique. *Apulejus de Deo socrat.* pag. 42. hæcenus *Davifius*. Patet autem hoc vel maxime ex toto disputationis *Maximi Scopo*; non solum probare vult Deum esse, sed & eundem ab omni re, quæ in sensus incurrit, longissime secretum esse, imo ne mente quidem satis capi posse: hinc dissertatione: 8. Deum vocavit ἀνωρυμον ρουθετην ob Majestatem & excellentiam divinæ naturæ. At vastissima illa corpora in cælo fluitantia non a Philosophis tantum, sed & quolibet plebeio videri possunt. Idem fere responderi potest de *Platone*: ille enim non solum solerter, quod infra probabimus γεννιτες Θεος a supremo universi Rectore distinguit, sed in citatis locis argumentatur, ab ordine universi, natura rerum corporearum, origine motus, quæ pluralitatem sane causarum æqualium minime inferunt. Alterum, quod *Baylius* objicit, extat eodem libro pag. 351. *On vous citera*, inquit, *d'excellens passages ou Platon a parlé de Dieu très sensément, mais cherchez les livres ou il a parlé en Physicien, & non pas en Moraliste ou en Politique. Vous trouverez un Galimatias, & des Impiétés épouvantables dans sa Theologie philosophique, si vous la poudés anatomiser & vous n'y trouverez l'unité réelle d'aucune chose.* Fateor lubens multa esse in *Philosophia Platonis* præcipue ubi de rebus divinis agit, in speciem sublimia, revera tamen aut trita, aut prorsus nihil significantia, multa adversa fronte inter se pignantia, sed existentiam tamen & Unitatem Supremi Numinis inde probari haud posse, hoc est quod nego. Verum præterea est, *Platonem* in libris de legibus physica haud tractare dogmata, sed argumentatur tamen in hoc ipso X. legum libro de existentia Dei, uti solent, omnes illi, qui capitalem hanc veritatem demonstrare nituntur, licet non eam ratiocinationis methodum sequatur, qua usi sunt moderni Philosophi *Clarkius*, *Wolffius* alique Philosophi artis recte ratiocinandi peritissimi. Sed ne forte illi, qui omnia Summi Viri, *Baylii*, decreta pro Oraculis habent, existiment, me examen refugere, provocho ad *Platonis Timæum*, quem respexisse præcipue *Baylium* existumo. Brevitatis autem causa pleraque ex versione latina *Ficini* adducam. pag. 708. incipit *Plato* loqui de omnium rerum Origine. Deos, inquit, Deasque precamur, in primis quidem ut ea dicantur à nobis, quæ illis placeant: deinde ut nobis ipsi constemus. Quantum ad Deos attinet sic a nobis oratum sit. Sed quod ad nos spectat, poscendum est, ut & vos facile adsequamini, & ego secundum mentis propositum rem ipsam qua de agitur transigam. Principio ita mihi distinguendum esse videtur, quid sit quod semper est carens generatione: quid vero quod gignitur quidem



quidem nec est unquam. Illud intellectu per rationis indaginem percipi potest, cum semper sit idem. Hoc opinione per irrationalem sensum attingi, cum gignatur, & intereat neque verè unquam sit. Quicquid autem gignitur, ex aliqua causa necessario gignitur. Sine causa vero quicquam oriri impossibile est. Quando igitur Opifex in operis alicujus constructione, ad id quod eodem modo se semper habet afficit, & hujusmodi quodam usus exemplo ideam vimque in opus educit, pulchrum fieri, tunc opus omne necessarium est, quando vero ad id quod factum est respicit, minime pulchrum. Univerſum igitur hoc, Cælum sive mundum, sive quo alio vocabulo gaudet, cognominemus. De quo primum consideramus, quod in questione de universo ante omnia investigari debet: Utrumne semper fuerit sine ullo generationis principio; an genitum sit ab aliquo principio sumens exordium. Id profecto cernitur tangiturque & corpus habet. Omnia vero hujusmodi sensus movent. Quæ sensus movent opinione per sensum percipiuntur. Hæc vero talia esse constat, ut gignantur & genita sint. Quicquid autem gignitur, ab aliqua causa necessario gigni asseruimus. Opificem quidem & Patrem mundi invenire difficile, & cum jam inveneris prædicare & eloqui vulgo impossibile est. Rursus considerandum est, utrum Mundi Faber sit imitatus Exemplar; id quod idem semper & simile est, an id quod genitum fuerit. Atqui si pulcher est hic mundus & Opifex mundi bonus, sempiternum certe Exemplar voluit imitari. Sin secus, quod ne dictu quidem fas est, generatum Exemplar pro æterno est secutus. Cum vero & mundus omnium genitorum pulcherrimus sit, & ejus Autor causarum omnium optimus, dubium non est, quin sempiternum secutus sit Exemplum. Sic igitur generatus, ad id est effectus, quod ratione sola comprehendere potest, & immutabile permanet. Ex quo efficitur, ut necesse sit hunc mundum alicujus simulacrum esse. Paucis interjectis aperit, quæ causa Deum tantum opus moliendi moverit. Dicamus igitur quam ob causam ille rerum Autor generationem & hoc Universum constituit. Ἀγαθὸς ὢν ἀειὶς περὶ ἀένους ἀδὲ ποτὶς ἐγγιγνέσθαι φθόνος. Τὰς δ' ἐκτος ὧν, πάντα εἰς μαλίστα ἐβλήθη γενέσθαι παραπλησία αὐτῷ. Ταύτην δὲ γεγενεώς κοσμον μαλὶς' ἂν ἴς ἀρχὴν κυριαστέην παρ' ἀνδρῶν φρονιμῶν ἀποδεχομένους, ὁρθοτάτα ἀποδεχοῦντ' αὐν. Βεβλήεις γὰρ ὁ Θεὸς ἀγαθὰ μὲν πάντα, φλαυρον δὲ μηδὲν εἶναι κατὰ δυνάμιν, αἶω δι' παντὸς ὅσον ἦν ὁρατὸν παραλαβὼν, ἐκ ἡσυχίας αἶον, ἀλλὰ κινεμενὸν πλημμελῶς καὶ ἀλακῶς, εἰς ἰσχυρὸν αὐτοῦ ἡγαγεν ἐκ τῆς ἀλακίας ἡγησάμενος ἐκεῖνο ἰσχυρὸν πάντως ἀμεινον. Θεμὶς δὲ εἴ' ἦν, εἴ' ἐστὶν αἰεὶς ὁρατὸν ἄλλο πλὴν τοῦ καλλίστου. pag. 711. Deum solum æternum catera fluxa & mutabilia esse ait. Dies porro & noctes & menses & annos,

Eccce

qui

qui ante cælum non erant, tunc nascente mundo, nasci iussit, quæ omnia temporis partes sunt. Atqui erat & erit, quæ nati temporis species sunt, non recte æternæ substantiæ adsignamus. Dicimus enim de illa, est, erat & erit. Sed illi revera solum esse competit. Fuisse vero & fore deinceps ad generationem tempore procedentem referre debemus. Motus enim quidam illa duo sunt. Æterna autem substantia cum eadem semper & immobilis perseveret, neque senior se ipsa sit unquam, neque junior, neque fuit hætenus, neque erit in posterum, neque recipit eorum quicquam, quibus res corporeæ mobilesque ex ipsa generationis conditione subjiciuntur. p. 712. Solem, stellas &c. ad certum finem esse productas pag. 713. & sq. Concedit quidem Deum quosdam ministros habuisse in exornando Universo, sed Eum tamen in Omnes Imperium habere. Hinc Deorum Patrem ita inducit loquentem pag. 481. Θεοι Θεων, ὧν ἐγὼ Δικαιογέτος, πατήρ τε ἐγγων, αἱ δὲ ἐμὰ γενομένα, ἀλυσθὰ ἐμὰ γὰρ Θελονίος. Το μὲν ἂν δι δέθεν παν λυθον. Τογς μὲν καλῶς ἀρμολθεν καὶ ἔχων ἐν, λυεν ἐθελεν κακκ, δι α καὶ ἐπειπερ γεγενηθε ἀθανάτοι μὲν ἐκ ἐσε. εἰδ' ἀλυσί ἰσπαμπαν, εἰ μὲν δὴ λυθισες γε, εἰδε ἰσυθεσθαι θανάτῃ μοιρας. Της ἐμης βελησσεως μειζονος ἐτι θεσμαι καὶ κυριωτερὰ λαχοντες ἐκέντων, οἷς ὁ ἐγγιγνεθε συνεδεεις. i. e. Dii Deorum, quorum ego Opifex & Pater sum, hæc attendite. Quæ a me facta sunt, me ita volente indissolubilia sunt. Omne siquidem quod vinculum est, solvi potest. Sed mali est, quod pulchre compositum est, seque habet bene, velle dissolvere. Quapropter quia generati estis, immortales quidem & insolubiles non estis. Nec tamen unquam dissolvemini, nec mortis fatum subibitis. Nam voluntas mea majus præstantiusque vobis est vinculum ad vitæ custodiam, quam nexus illi, quibus estis, tunc cum gignebamini, colligati. Pag. 715. sq. ex oculis, corde, pulmonibus &c. infinitam Dei sapientiam demonstrat, quæ brevitatis causa non transcribam. Ea tantum noto, quæ pag. 726. præclare asserit. Quemadmodum ait ab initio diximus, cum hæc ordine carerent, singulis Deus & ad se se, & ad alia invicem eatenus modum rationemque proportionis indidit, quatenus suscipere singula poterant. Tunc profecto nil erat ordinis, nisi forte casu aliquo particeps: nec quicquam tunc aqua, ignis vel aliud quicquam eorum, quæ modo apud nos nominantur, jure vocandum erat. Verum hæc primum omnia exornavit; deinde ex iis hoc Universum constituit animal unum animalia omnia in se mortalia & immortalia continens. Hæc nisi fallor quam maxime probant, Platonem Ens æternum, sapientissimum & Optimum agnovisse.

V. Probabimus ergo 2. loco, Platonem, Deum cum materia nec confudisse,

fudisse, nec unam substantiam tantum dari in Universo, statuisse. Patet hoc ex locis in quibus Deus ab omni materia longissime secretus esse dicitur. Præter locum Platonis & Plutarchi aliis jam testimoniiis hoc adstruimus. Max. Tyr. dissertat. 1. explicaturus quid sit ex mente Platonis Deus, incipit a natura rerum sensibilibus & deinde concludit Deum nihil ejusmodi esse, quod omnia corpora imperfecta, perpetuæ mutationi obnoxia sint: λέπεσαι δὴ ὡς περ εἰς ἀκροπολιν ἀναβιβασαµένους το λογιω ἰον Θεον, ἰδευσαι κατὰ τον νυν αὐτον ἀρχηγικῶς. Reliquum est ergo, ut tanquam in arce aliqua sublimi, in principe intellectu Deum statuamus. Alcinous cap. 9. totus in eo est, uti demonstret, Deum non posse esse corpus. Cum (ait ex versione Ficini) partes nullas habeat Deus, neque secundum locum, neque secundum alterationem movebitur. Etenim si mutationem patitur, vel a se ipso, vel ab alio quodam permutari necesse est. Si ab alio, illud utique validius erit. Sin a se ipso, aut in deterius, aut in melius transmigrabit; verum utraque impossibilia sunt. Quibus omnibus perspicuum est, ipsum incorporealem esse. Veruntamen ex iis que adjiciuntur, idem quoque patebit. Si corpus Deus esset, ex materia specieque constaret, ex eo quod omne corpus compositum quoddam est ex materia simul & specie, quod quidem idearum simile redditur, dum illis ineffabili quadam ratione participat. Absurdum autem est, Deum ex materia specieque constitui; Neque enim simplex, neque principium esset; quamobrem incorporeus Deus est. Præterea si corpus est, ex materia constat. Ideoque vel ignis est, vel aer, vel terra, vel aqua, aut aliquid ex iis constatum. At quomodocunque se habeat, principium minime erit, erit materia ipsa posterior, si quidem ex materia conficiatur, que quoniam nefaria sunt, incorporeum Deum esse necesse est. Etenim si corpus est, corrumpi potest, genitusque est, & transmutationi subiectus. Atqui eorum nihil in Deum cadit. Timæus Locrus, quem in hisce secutus esse videtur Plato, de anima mundi p. 449. Ed. Gale. Θεον δὲ, τον μὲν αἰωνιον νοος ὁρῇ μόνος, ἰον ἀπαντων ἀρχαγον καὶ γενελογα ἰαλεων. Deum porro sola mens videt in his omnibus sane rebus, principem autoremque & Parentem eorum omnium. At non solum Deum præstantissimam mentem esse adstruxit Plato, sed & a materia distinxit, quam eternam simul esse putavit, atque adeo non unam tantum dari substantiam credidit. Probat hoc frequentissima Platonis & sequacium distinctio inter ἰα νοητα, ὄντως ὄντα, ἀδιαλυτα, Θεα, & inter ἰα γιγνομενα, μὴ ὄντα, αἰσθηα. Priora solis divinis competere Plato ipse in Politico p. 174 asserit ἰο κατα ἴαυτα καὶ ὡσταυως ἔχειν αἰε καὶ ἰαυλον εἶναι ἰοις παντων Θεοῳἰαῖσις προσκειαι μόνοις.

σημαίος δε φυσίς ἔσται αὐτῆς τῆς λαξείως: Idem semper esse & secundum eadem, & eodem modo se habere, solis omnium divinitissimis convenit: corporis autem natura, hujus ordinis non est compos. *Laertius* ex mente *Platonis* Lib. 3. ἀποδείκνυσι μεγετοῖς ἐν τῷ ποιεῖν μηδὲ ποιεῖν διαμείνον, ἀλλὰ αἰεὶ ἔσθαι καὶ μεταβαλλόν. Νοήσον δε ἐξ ἑμὴν ἀπογινέσθαι μηδὲ προσγινέσθαι, 2. Inter principia *Platonis* omnium rerum referunt veteres Θεόν, ὕλην, ἰδέαν, nec enim *Laertium* curo, qui duo tantum statuit, Θεόν καὶ ὕλην. Deum autem & materiam non solum clarissime distinxit *Plato*, sed & eandem æternam esse perhibuit. Auctor Philosophumen. pag. 111. τὴν μὲν ἐν ὕλῃν ἀρχὴν εἶναι καὶ συγχρονον τῷ Θεῷ. *Plutarchus*, περὶ τῆς ἐν Θείῳ Κοσμογονίας pag. 1014. αἰτ' ἵπν δε ἔστιαν καὶ ὕλην, ἐξ ἧς γεγενον (sc. mundus) ἔσται γινόμενῃ, ἀλλ' ὑποκειμένην αἰετῷ Δημιουργῷ εἰς διαθήσιν καὶ λαξίαν αὐτῆς, καὶ προσ αὐτῇ ἐξομοιωσιν (ὡς δυνατόν ἦν παραχρῆν) ἔσται γὰρ ἐκ τῆς μὴ ὄντος ἡ γένεσις, ἀλλ' ἐκ τῆς μὴ καλῶς μηδ' ἰκανῶς ἔχοντος. Substantiam autem & materiam, ex qua factus est mundus, non natam sed semper subjektam Opifici disponendam se & ordinandam, atque ipsius similitudinem, quantum ejus fieri potest, effingendam præbuisse. Non enim ex eo, quod nihil esset, extitit mundus, sed ex eo, quod non pulchre, non recte, aut perfecte esset. Scio *Platonicos* juniores, *Plotinum*, *Porphyrium*, *Jamblichum*, *Hieroclem*, & inter recentiores *Cl. Cudworthum* adferere, mundum ex mente *Platonis* a Deo creatum fuisse; sed evidentissima loca jam in contrarium adtulere doctissimi Viri *J. Thomasmus* & *Ch. Wolfius*. Sufficiat nobis ostendisse, *Platonem* Deum ab omni materia secrevisse, atque adeo non unam tantum substantiam dari, asseruisse. (\*)

V I. Haud difficulter credo hæc mihi concedent illi, qui Philosophiz *Platonicz* periti sunt; sed hoc quam maxime in dubium vocabunt, utrum nempe Deum *Plato* nullo necessario vinculo cum materia conjunxerit; Probandum igitur 3. est, Deum ex mente *Platonis* nullo necessario vinculo conjunctum esse cum materia. Ut autem hoc demonstrarem probabo (a) Deum ex mente *Platonis* liberum esse (b) eum fines in exornatione Universi intendisse, (c) Deum necessitati imperare (d) mentem nostram liberrimam esse, pœnæ ac præmiorum capacem. (e) Destructionem mundi a liberrima Dei voluntate suspendi. Unde necessario sequetur, Deum cum materia nullo necessario & immutabili vinculo conjunctum esse. Antequam autem per partes hæc probem in antecedentem

(\*) Singulari & pererudita dissertatione probavit Magnificus Cancellarius Göttingensis *Mosheimius* Neminem inter Gentiles creationem Mundi ex Nihilo professum.

cessum hoc monendum est. *Platonem* nimirum concessisse, materiam esse æternam, & in eo cum plerisque veterum errasse; maximæ enim, posita materię æternitate, oriuntur difficultates circa operationem & Imperium Dei in materiam, præcipue si omnia, quæ inde sequuntur, urgentur. Haud tamen existimaverim, quenquam propterea inter atheos referendum. Qui enim Deum a materia solerter distinguit, mundi productionem soli Deo tribuit, Deo summam sapientiam cæterasque virtutes Numine dignas, quibus omnis Dei cultus, legumque reverentia nititur, adscribit, præterea mentem nostram liberriam esse pronuntiat, mea opinione ab Atheismo liber est. Inprimis si cogitemus, quam difficulter ratione sola probetur, Deum omnia ex nihilo creasse. At hæc omnia agnovit *Plato*. Probabo igitur (a) *Deum ex mente Platonis liberrimum esse. Patet autem hoc ex statu materie antequam Deus eam exornaret.* Nimirum materia, uti ex locis supra adductis patet, erat ἀνοργον ἢ ἀσוצατον, potuissetque adeo per omnem æternitatem in hoc statu manere, nulla rerum & creaturarum fuisset distinctio; potuisset etiam Deus ex mente *Platonis* per omnem æternitatem materiam illam a se distinctissimam contemplari. Cum autem variæ creaturarum species ortæ sint, quæ a materie natura repeti non possint ex mente *Platonis*, recurrendum est ad liberrimam voluntatem summi Rerum Moderatoris. Nec ullam ego hic umbram necessitatis video. Tolle materie æternitatem, & exigua, vel nulla erit inter *Christianorum*, *Platonisque* sententias opinionum diversitas, hac saltem in parte. Secundum nos sapientissimus & optimus Deus voluit extra se producere vel creare Universum, ad id nulla vel intrinseca vel extrinseca necessitate compulsus: Obversabantur Deo omnium rerum possibilitium ideæ, quarundam denique, quarum complexum mundum vocamus: existentiam voluit, convenienter illis ideis, quas semel sibi præformavit. Deus juxta *Platonem* discretus fuit a materia. Materiam vidit esse rudem indigestamque molem. Voluit Deus pulcherrimam efficere. Illam ergo sponte & bonitate naturæ motus, in ordinem redigit, quod fuscè *Plato* in *Timæo* recenset. Inde tandem Eodem volente oritur hic mundus, hæc pulcherrima rerum series. Quis autem in hoc systemate necessitatem videt? Sed ais, necessitas oritur propter æternitatem materie, Deus enim eam κατὰ δύναμιν, quoad illa pateretur, pulchram & perfectam effecit. Ita est. Sed antequam Deus manus operi admooveret, liber tamen erat, potuit materiam in statu illo confuso linq̃uere: materia Deum ad agendum cogere non

potuit, quod hætenus sufficit. Perpense nostrum systema. Deus liber fuit, utrum mundum condere voluerit nec ne; libere mundum produxit. Postquam semel perfectissima voluntas statuit mundum hunc producere, non potuit non convenienter ideis, quas de eo sibi præformavit, agere, licet præviderit imperfectionem quandam respectu nostri locum habituram. Nullus quidem dubito, quin Deus creare potuisset mundum, in quo nulla plane imperfectio locum habitura fuisset; potest enim omnia quæ contradictionem non involvunt. Ortus tamen est mundus Deo volente, in quo imperfectio aliqua locum habet. Quod si quæras, unde imperfectio orta? *Plato* ad materiæ jam præexistentis pravitatem confugit, quæ impedivit eum, quo minus omnia perfectissima conderet. Nos dicimus omnia a Deo perfectissime creata, sed partim variam materiæ concatenationem, partim prava mentium humanarum studia in causa esse, quo minus Mundus hic, quem incolimus, ab omni imperfectione liber sit. Dijudicandam tamen esse ejus pulchritudinem ex Harmonia Universi. Lubentes interim fatemur systema christianorum longe præferendum esse systemati *Platonis*. Patet tamen ex hisce, Deum ex mente *Platonis* cum materia necessario quodam nexu copulatum minime fuisse, quod hætenus nobis sufficit.

VII. Transeamus ad alterum argumentum, quo probatur Deum nullo necessario vinculo cum materia junctum fuisse. *Hoc autem petimus ex eo, quod Plato clarissime adseruerit, Deum ad certos fines omnia condidisse.* Qui antequam agit, prudens omnium rerum nexus contemplatur & fines sapientissimos intendit, ille agit liberrime: qui autem non potest non agere & sequitur rerum vim, trahi potius, quam libere agere dicendus est. Probabimus ergo allatis testimoniis, Deum ex mente *Platonis* in exornatione universi sapientissimos sibi præfixisse fines. Supra jam attulimus loca, in quibus *Plato* exerte negat, natura aut fortuna omnia facta esse; attuli loca, in quibus testatur oculum ad videndum &c. factum esse. Lib. X. Legum pag. 610. postquam asseruisset, Deum etiam minima curare, sic pergit: Πειθωμεν τον νεανιαν τοις λογοις, ως τω τῷ παντος ἐπιμελεσμενω προς την σωτηριαν και ἀρετην τῷ ὅλῳ, παντ' ἐς συντεταγμενα. ὧν και το μέρος εἰς δύναμιν ἑκάστῃ το προσήκον παρχει και ποιει. τῶτοις δ' εἰσιν ἀρχοντες προστεταγμενοι ἑκάστοις ἐπὶ το σμικροτάτον αἰε παθης και πράξεως. Εἰς μερίσμον τον ἑχάτον τέλος ἀπειργασμενος. ὧν ἐν και το



σοι ὡς χεῖλις μορίου, εἰς το παν ζυγνυται βλέπον αἶε καίπερ παν-  
 μικρον ον. σε δὲ λελυθε περὶ αὐτο ὡς γενεσις ἐνεκα ἐκείνη γιγνεται  
 πασα. Ὅπως ἡ τῶ τε παντος βιω ὑπαρχουσα εὐδαιμων ὅτια εἴχ  
 ἐνεκα σε γινομενη, συ δὲ ἐνεκα ἐκείνη. πας γὰρ ἰατρος καὶ πας ἐν-  
 τεχνος δημιουργος, παντος μὲν ἐνεκα πάντα ἐργάζεται πρὸς τα κοινῇ  
 ζυγνυτον βελτιστον. μέρος μὲν ἐνεκα ὅλα καὶ εἴχ ὅλον μέρος ἐνεκα  
 ἀπεργάζεται. συ δὲ ἀγανακτεῖς, ἀγνοῶν, ὅτι το περὶ σε ἀριστον τῶ  
 παντι συμβαίνει, καὶ σοι κατὰ δυνάμιν τὴν τῆς κοινῆς γενεσεως.  
 i. e. ex versione Ficini. Huic adolescenti persuadeamus, eum qui toti  
 providet, ad virtutem salutemque totius omnia ordinare, cuius pars quæ-  
 que pro viribus, quod sibi convenit agit, & patitur: atque his singulis præ-  
 positi principes sunt, qui minimarum etiam actionum passionumque per sin-  
 gulas & extremas Universi particulas distributione ad ultimum usque  
 peracta curam habent. Quarum una tua, o miser, particula est, quæ &  
 ad totum semper respicit, quamvis minima sit. Tu vero ignoras, omnem  
 singulorum generationem illius gratia fieri, ut universi ipsius beata vita sit.  
 Ejus substantia non tui gratia est, sed illius tu gratia factus es. Medicus  
 enim & artificiosus Opifex omnis, totius gratia singula facit, & ad com-  
 muniem perfectionem dirigit omnia: non totum ad partem sed partes ad  
 totum singulas referens. Tu autem moleste fers, quia ignoras quo pacto,  
 quod tibi optimum est, universo, simul & tibi pro communis generationis  
 viribus convenit. Sane elegantissimus ille locus clarissime ostendit,  
 Deum ex mente Platonis non solum singulari sapientia cuncta ordinal-  
 se, sed & ad totius Universi Harmoniam recte perficiendam animum  
 induxisse. Idem patet ex prolixo loco in Timæo p. 709. V. Ficini.  
 Volens ait itaque Deus omnium, quæ intelligi possunt, pulcherrimo & un-  
 dique absoluto mundum hunc simillimum reddere animal unum ipsum effecit,  
 aspectui subiectum, animalia cuncta nature sue convenientia intra suum li-  
 mitem continens &c. lege sequentia, quæ eodem spectant. Verum est,  
 semper Platonem materiæ æternitatem supponere, sed cum nexus re-  
 rum corporearum in Materia fundatus haud sit, Deus autem omnium  
 rerum concatenationem in mundo illo intelligibili non præviderit tan-  
 tum, sed & condere voluerit, exulat sane ferrea necessitas. Hinc &  
 factum, quod Platonici Juniores ad objectiones de origine mali ad  
 Harmonicam illam rerum dispositionem confugerint. Jamblichus de  
 Myst. Æg. Sect. I. cap. 18. Ed. Galei ita ait. Γενοίτο δ' ἂν τι καὶ το

τοῖσιν ἐν τῇ τῷ παντός ἀρμονία καὶ κρασεὶ ὡς τὰ αὐτὰ τῶ μὲν ὅλῳ καὶ παντὶ σωτηρία εἶναι διὰ τὴν τελειοτάτην τῶν τε ἰνόντων, καὶ οἷς ἐνεσι, τοῖς δὲ μερεσι βλαβερά διὰ τὴν μερίσιν ἀσύμμετρίαν, καὶ ἐν τῇ τῷ παντός κινήσει πασαι μὲν αἱ περιφοραὶ κατὰ πάντα κόσμον ὡσαύτως διαφυλάττεσθαι, ἐν δὲ τῇ τῶν ἐν μερεὶ πολλακὶς θλιβέται ὑπ' ἄλλῃ μερὲς, ὅπερ καὶ ἐν ὄρχῃσει ὁρώμεν γιγνομένων &c. *Quinimo in Universi harmonia & crasi evenire potest, ut eadem quæ sint salutaria toti Universo propter convenientiam & perfectionem receptorum & recipientium, partibus interim sint damnosa propter particulares ineptitudines. Omnes sane orbium circulationes (ut de universis loquar motibus) totum mundum similiter conservant; cum interim pars alia ab alia laudetur: quomodo sepe in saltationibus fieri videmus, ubi totius chori decor servatur, cum digitus aut pes interim offendatur.* M. Tyrius differt. XXV. in quaestione τῆς θεᾶς τὰ ἀγαθὰ ποικίλτος, ποθεν τὰ κακὰ, malum morale τῇ τῆς ψυχῆς ἐξέστια adscribit, physicum vero corruptæ materiæ adfectioni, quibus adlatis ita pergit pag. 259. Ed. Davisii: Ἰλὴν ὅρας ὑποβεβλημένην Δημιουργῷ ἀγαθῷ, ἥς το μὲν κοσμηθὲν, ἥκει παρὰ τῆς τεχνῆς. Εἰ δὲ ἴ, ἀκρατὴς ἑαυτῶν τὰ ἐν γῇ ἔχοντα, παρχει πλημμελες, αἰτίον μὴ τὴν τεχνὴν ἴδει. βουγῆσις γὰρ ἔδε-  
 μια τεχνίτης ἀτεχνός. ἔδε γὰρ νομοθετῆς ἀδίκος, ὁ δὲ θεὸς νῆς ἀν-  
 θρωπίνης τεχνῆς εὐτοχωτερός. Καθὰ περ ἔν ἐν ταῖς τῶν τεχνῶν χει-  
 ρουργίαις τὰ μὲν ἢ τεχνὴν προηγμένως δρᾷ σοχαζύμενη τὰ τέλος, τὰ  
 δὲ ἐπέται τῇ χειρουργίᾳ, ἢ τεχνῆς ἔργα, ἀλλ' ὕλης παθῆ, σπινθήρες  
 τε ἐξ ἀκμόνης, καὶ ἐκ βαυνῆς αἰθαλώσεις, καὶ ἄλλο ἐξ ἄλλης παθός,  
 ἀναγκαῖον μὲν τῇ ἐργασίᾳ, ἢ προηγμένον δὲ τῷ τεχνίτῃ. ὅτως ἀμ-  
 λει καὶ ὅσα περὶ γῆν παθῆ γίνεται, αἷς καλῶμεν κακῶν ἀνθρώπων  
 ἐμβολὰς ἐν ταυτῇ ἡγήσειον ἀναιρίον καὶ τὸν ἱεχνίτην, εἶναι δὲ ταυτὰ  
 τῆς τῆς ὅλης δημιουργίας ὡς περ τινὰς ἐπομενάς καὶ ἀναγκαίας, φυ-  
 σεις αἱ δὲ ἡμεῖς καλῶμεν κακὰ καὶ φθοράς καὶ ἐφ' οἷς ὀδυρομεθα,  
 NB. ταυτὰ ὁ τεχνίτης καλεῖ σωτηρίαν τῆς ὅλης. Ita eleganter Maxi-  
 mus. Scio Viros quosdam Eruditos existimare, Maximum hic a sen-  
 tentia Platonis deviasse, sed, qui allatum Platonis locum rite perpen-  
 derit, cumque iis quæ illic sequuntur contulerit, perspiciet, eidem  
 sententiæ addictum fuisse Platonem. Et hæc etiam est sententia Prä-  
 cellentissimorum Ævi nostri Philosophorum, Leibnizii & Wolfii. In



eo tamen dissensus, quod *Leibnizius* imperfectionis illius vestigia non in materia, sed ipsis æternis rerum possibilium ideis quærat, de quo jam non agimus. Sufficit Deum ex mente *Platonis* ad sapientissimos fines cuncta formasse, & ad totius Universitatis rerum Harmoniam respexisse, unde evidenter inferitur, Deum insolubili materiæ vinculo alligatum non esse.

VIII. (c) Tertium argumentum, quo probatur Deum ex mente *Platonis* materiæ vinculis constrictum non fuisse, desumimus ex eo, quod *Plato* adserat, Deum materiæ, & quæ inde oritur, necessitati, imperare. Si Deus vim & potentiam suam in materiam exerit, ab ea tamen ad hoc vel illud agendum non cogitur, sequitur eum nulla ratione cum materia conjunctum esse. Probabimus illud denuo verbis *Platonis*. Sed videamus primo, quid *Plato* necessitatis & *Fati* nomine intellexerit. *Plutarchus* de placit. Phil. Lib. 1. cap. 26. περι ἡσίας ἀνάγκης, de *Platone*. Πλάτων τα μὲν εἰς προνοίαν ἀγεί, τα δὲ εἰς ἀνάγκην. ibid. Πλάτων ὅτε μὲν τὴν ὕλην, ὅτε δὲ τὴν τὰ ποιητὸς προσ τὴν ὕλην ἔχουσιν. cap. 27. περι Ἑμμαρμένης Πλάτων ἐγκρίνει μὲν τὴν Ἑμμαρμένην ἐπὶ τῶν ἀνθρώπων ψυχῶν καὶ βίων, συνεισαγεί δὲ καὶ τὴν παρ' ἡμᾶς αἰτίαν. cap. 28. περι ἡσίας Ἑμμαρμένης. Πλάτων λόγον αἰδίδιον καὶ νόμον αἰδίδιον τὴν τὰ παντὸς φύσεως. Ex hisce locis patet 1. *Platonem* quædam tribuere mentis libertati, 2. necessitatem vocare, materiam ipsam in se spectatam & voluntatem sive operationem Dei materiam certis limitibus circumscribentis. Cum *Plutarcho* consentiunt *Apulejus* & *Alcinous*: prior de dogmat. Plat. p. 374. Ed. Lugd. B. *Plato* non omnia ad *Fati* sortem arbitratum esse ferenda. Ita enim definit, Providentiam divinam esse sententiam, conservatricem prosperitatis ejus, cujus causa tale suscepit officium: divinam legem esse *Fatum*, per quod inevitabiles cogitationes Dei atque incepta complentur. Unde si quid *Providentia*, geritur, id agitur etiam *fato*, & quod *fato* terminatur, *Providentia* debet susceptum videri. Ex quibusdam interjectis. Nec sane omnia referenda esse putat ad vim *Fati*: sed esse aliquid in nobis & in fortuna esse nonnihil, & fortunæ quidem improvidos casus ignorari a nobis fatetur. Instabile enim quiddam, & incurrens intercedere solere, quæ consilio fuerint, & meditatione suscepta, quod non patitur mediata ad finem venire. Clarius adhuc *Alcinous* cap. 26. Ἑμμαρμένη — λέγει, ὅτι εἰ τις ἀν ἑλθται ψυχῇ τοιούτων βίων, καὶ τα δὲ τίνα πράξει, τα δὲ

FFFF

δε γίνα, αὐτὴ ἐΐσται. Ἀθεσποτον ἂν ἡ ψυχὴ, καὶ ἐπ' αὐτὴ μεν  
το πράξει ἢ μὴ ταυτα. Καὶ ἔ' καταναγκασαί τῷτο. Το δὲ ἐπομε-  
νον τῇ πράξει, καὶ ἔ' ἐμαρμενὴ συντελεθεῖται. Οἷον τῷ Παρίσι ἀρ-  
πάσει τὴν Ἑλένην, ἐπ' αὐτῷ ὄντι, ἀκολοθήσει το πολέμησόνσι Τρω-  
εσσι περὶ τῇ Ἑλένῃ· οἱ Ἕλληνες. *Fatum dicit, quod si quæ anima  
vitam ejusmodi delegerit, atque talia fecerit, hæc illam consequuntur. Li-  
bera ergo anima est, atque in ejus potestate est situm, illa agere vel non  
agere: nec ad ea ulla necessitate cogitur. Quod autem in illo ordine sequi-  
tur, id fato perficietur. Veluti ex eo, quod Paris Helenam rapiet, (quod  
quidem illi erat liberum) consequens erit ut Græci pro Helena adversus  
Trojanos bellum gerant. Sed adferenda sunt loca ex ipso Platone, qui-  
bus hoc ipsum manifestum fiat. Postquam in *Timeo* pag. 716. dixisset:  
Oportet autem mentis & scientiæ Amatorem principales sapientis  
naturæ causas quærere: atque alias, quæ necessario ab aliis quidem  
moventur, alia vero movent secundas causas arbitrari. Post hæc, cur  
aures & oculi a Deo dati sint, explicat, & hæc p. 484. addit. Τα μὲν  
ἂν παρεληλυθότα των εἰρημενων, πλην βραχεων ἐπίδεδεικται τα δια-  
νῆν δεδημιουργημενα. Δεῖ δὲ καὶ τα δι' ἀναγκῆς γιγνομενα τῷ λογῷ  
παραθεδοῖαι. Μειγνυμένη γὰρ ἂν ἡ τῷ δὲ τῷ κοσμοῦ γενεσις, δ' ἐξ  
ἀναγκῆς τε καὶ νῆ συσσεως, ἐγενήθη. Νῆ δὲ ἀναγκῆς ἀρχοντος  
τῷ πείθειν αὐτὴν, των γιγνομενων τα πλεῖστα ἐπὶ το βελτιστον ἀγειν,  
ταυτὴ κατὰ ταυτα δι' ἀναγκῆς ἡττωμεναις ὑπο πείθης ἐμφρονος,  
ἔτω κατ' ἀρχαίς ζυνισατο τοδε το Παν. Hisce adductis pergit ad  
originem & naturam corporum explicandam, unde liquet, necessita-  
tem vocare Platonem ipsa corpora, Deumque in eam Imperium habe-  
re. In eodem *Timeo* pag. 709. Quoniam vero, (ait) corporeus spe-  
ctabilisque & tractabilis erat futurus mundus, ac sine igne videri nihil  
potest, nihilque sine solido tangi, & solidum absque terra nihil, ideo in  
operis hujus exordio Deus ignem primo terramque creavit. Sed duo sola  
absque tertio quodam commode coherere non possunt, mediumque aliquod  
vinculum utrorumque desiderant, & hoc aerem atque aquam esse dixit.  
Cum soliditatem mundus requireret, solida vero non uno sed duobus semper  
mediis copulentur, inter ignem & terram Deus aerem aquamque locavit,  
eque inter se invicem ita, quoad fieri poterat, comparavit, ut quemadmo-  
dum ignis ad aerem, ita aer ad aquam: ut aer ad aquam, sic aqua ad  
terram congrue conferatur, quæ ex conjunctione ita constitutus est mundus,  
ut*

*ut affici tangique possit. Ex quo se amicitia concordi complectitur, atque ita apte coheret, ut nequeat dissolvi ullo modo nisi ab eodem, a quo est colligatum. Ex quibus verbis non solum patet, Deum sapienter ex mente Platonis omnia inter se copulasse, sed & Deo summum esse in materiam imperium. Ibidem pag. 492. Θεος μὲν τὰ πολλὰ εἰς ἐν ζυγισθῆναι, καὶ πάλιν δ' ἐξ ἑνὸς εἰς πολλὰ διαλυθῆναι ἵκανος, ὡς ἐπισκευόμενος αἶμα καὶ δυνατός. ἀνθρώπων δὲ, ἀδελφοὶ ἀδελφεὰ τῶν ἱκανός, ἅτε ἐστὶ νυν, αἱ εἰσαυθὺς ποτ' ἴσαι. Πάντα δι' ταῦτα, τότε ταυτὴ πεφυκοτα δ' ἐξ ἀνάγκης, ὅ τε καλλίστη τε καὶ ἀρίστη Διμιχρός ἐν τοῖς γιγνομένοις, παρελαμβάνειν, ἥνικα τοῦ ἀνταρξίου τε καὶ τὸν τελειωτάτου Θεοῦ ἐγγέννα, χρωσμένος μὲν ταῖς περὶ ταῦτα αἰτίας ἥδη διορίσεσθαι, τὸ μὲν ἀναγκαιόν, τὸ δὲ Θεῖον. Καὶ τὸ μὲν Θεῖον ἐν ἀπάσι ζητῶν κήρυξεν ἕνεκα εὐδαιμονοῦ βίῃ, καθ' ὅσον ἡμῶν ἡ Φύσις ἐνδεχεται. Τὸ δὲ ἀναγκαιὸν ἐκεῖνων χάριν, & paucis interjectis: ὥσπερ γὰρ ἐν καὶ κατ' ἀρχὰς ἐλεχθῇ ταῦτα ἀπαντὶς, ἔχοντα, ὁ Θεὸς ἐν ἑκάστῳ τε αὐτῷ πρὸς αὐτὸ καὶ πρὸς ἄλλα, συμμετρίας ἐνεποίησεν, ὅσας τε καὶ ἔπη δυνατόν ἦν ἀναλογία καὶ συμμετρίᾳ εἶναι. Τότε γὰρ ἅτε τῶν ὅσον μὴ τυχεῖ τι μετεχεν, ἅτε τὸ παραπαν ὀνομασαι τῶν νυν ὀνομαζομένων, ἀξιολογὸν ἦν ἰδεῖν, ὅσον περ καὶ ὕδωρ, καὶ τι τῶν ἄλλων. ἄλλα πάντα ταῦτα πρῶτον δεικνύμεν, ἔπειτα ἐκ τῶν, παν τοδὲ ζυνεσθῆσθαι, ζῶν ἐν ζωῇ ἔχον ἅπαντα ἐν αὐτῷ, ὄντα τε ἀθάνατα τε. Hæc ita vertit Ficinus. Deus multa in unum colligere, rursusque multa in unum producere sufficiens est. Scit enim simul ac potest. Homo autem nullus qui alterutrum valeat, aut est nunc, aut unquam erit. Hæc sane omnia, ita naturaliter tunc effecta ex necessitate, ille pulcherrimi optimique Operis fabricator, in his que gignebantur, assumebat, quando Deum se ipso sufficientem & perfectissimum generabat: utens quidem causis ad hæc ministris, quod autem bene se habebat, ipse in singulis agens. Duas enim causarum species distinguere decet. Unam quidem necessariam, alteram vero divinam. Ac divinam in omnibus querere, ut beatam vitam, quoad nature nostre possibile est, adipiscamur, necessariam quoque causam illorum gratia perscrutari. Quemadmodum ab initio diximus, cum hæc ordine carerent, singulis Deus & ad sese & ad alia invicem, eatenus modum rationemque proportionis indidit, quatenus suscipere singula poterant. Tunc profecto nihil erat ordinis nisi forte casu aliquo, particeps; nec quicquam tunc aqua vel ignis, vel aliud aliquid eorum, que modo apud nos nominantur, jure vocandum erat. Verum hæc primum omnia primum exornavit, deinde ex his hoc universum constituit, animal unum, animalia in se omnia mortalia & immortalia continens. Probavi igitur, Deo, jure Platonem, jus &*

imperium in materiam competere, atque adeo sequetur, Deum nullo vinculo materiæ constringi.

IX. (d) Uti idem clarius adhuc pateſcat, duo addam argumenta. *Primum eſt, quod Plato non ſolum negaverit, Deum nulla ratione mali cauſam eſſe poſſe, ſed & adſeruerit, mentem noſtram liberrimam eſſe, pœnæ ac præmiî capacem.* Lib. X. de Republ. pag. 472. ἀρετὴ δὲ ἀδύνατον, ἢ τιμῶν καὶ ἀτιμαζῶν, πλεον καὶ ἐλαττον αὐτῆς ἕκαστος ἔχει. αἰτία ἐλομένη. Θεὸς ἀναιτιός. *Virtus inviolabilis ac libera. Quam prout honorabit quis, aut negliget, ita plus aut minus ex ea poſſidebit. Eligentis quidem culpa eſt omnis: Deus autem extra culpam.* Libr. II. de Republ. p. 430. ἂν δ' αἶρα (ἢν δ' ἔγω) ὁ Θεός, ἐπειδὴ ἀγαθός, παντῶν ἀνείη αἰτίας — ἀλλ' ὀλίγων μὲν τοῖς ἀνθρώποις αἰτίας, πολλῶν δὲ ἀναιτίας. πολὺ γὰρ ἐλάττω τ' ἀγαθὰ τῶν κακῶν ἡμῖν. Καὶ γὰρ μὲν ἀγαθῶν ἄδυνα ἄλλον αἰτιατεῖν. Τῶν δὲ κακῶν ἀλλ' ἢ τὸν Θεόν. Non igitur Deus, cum bonus ſit, omnium cauſa eſt, uti multi dicunt, ſed paucorum quidem hominibus in cauſa eſt, multorum vero extra cauſam. Multo enim pauciora nobis ſunt bona quam mala. Et bonorum quidem ſolus Deus cauſa eſt dicendus. Malorum autem quamlibet aliam præter Deum cauſam quærere decet. In ſequentibus poſtquam Homerum reprehendiſſet, Deum malorum bonorumque cauſam perhibentem, addit. Malorum autem alicui cauſam eſſe ipſum Deum, cum bonus ſit, reſellendum eſt omnino, neque permittendum hoc quenkumque dicere in ſua civitate, ſi bonis inſtitui legibus civitas debet, neque inſuper quemquam audire, ſive ille ſit Junior ſive Senior, ſive carminibus hæc inferantur, ſive ſoluta Oratione narrentur, tanquam quæ neque dicta ſancta ſint, neque nobis utilia, neque inter ſe conſona. Eandem ſententiam tuerentur Platonis ſequaces M. Tyrius diſſ. 30. pag. 313. ἂν δὲν τῶν καλῶν διδῶσι Θεός. Erudite nuper monuit Cl. Moſhemius in diſſertat. de turbata per recentiores Platonicos Eccleſia; Proclum, Plotinum, Ammonium acerrime contra fatum & neceſſitatem dimicaſſe, nullosque libertati hominum ampliorem poteſtatem dediſſe Platonickis. Nec juvat plura Exempla adduxiſſe. Sed regeret forſan quiſpiam, nos ſupra jam confeſſos, Platonem originem mali in materia quaſiſiſſe, & ita difficultatem non tolli. Deum enim ex ſententia Platonis materiam exornaiſſe cunctaque ex ea formaſſe. Reſpondeo, non quaeri, utrum Plato omnibus difficultatibus, quæ circa originem mali occurrunt, ſatiſfecerit, hoc enim cum non præſtituiſſe lubentes concedimus. Qui ex his perplexis dubitationum ambagibus facile ſe eluctaturum exiſtimat, legat ille ſubtiliſſimorum ævi noſtri Philoſophorum, Baylii, Leibniæii, Clarkii &c. de hoc argu-

argumento cogitata , & mitius forſan de *Platonis* errore judicabit. Sufficit nobis, quod *Plato* exerte adſeruerit , peccata originem ſuam a libera mentis voluntate habere , Deum nonniſi boni auctorem eſſe , mala quæ vocant phyſica, equidem a materia oriri, ſed & Deo volente hæc homini probo in bonum cedere. Sic enim clariffime Lib. 10. de Republ. pag. 670. loquitur. Sic igitur de juſto Viro exiſtimandum eſt, ſive paupertati, ſive morbis, ſive quibusvis aliis eorum, quæ mala videntur obnoxius ſit, huic demum vel viventi vel mortuo ad bonum aliquod iſta conducere. Neque enim a Diis unquam negligitur, quicumque juſtus evadere, virtutiſque officiis, quoad homini licet, Deo ſimilis fieri conabitur. Forſan *Plato*, qui creationem ex nihilo concipere non potuit , reverentia Numinis, materiam finxit æternam & mali originem. Ita quidem ſentit *Juſtinus M.* cohort. ad Gr. p. m. 19. ἀγεννητον τὴν ὕλην ἐφῆσεν εἶναι, ἵνα μὴ δοξῇ Θεον τὰ κακὰ ποιητὴν εἶναι λέγειν. Quanquam autem ex methodo philoſophandi, quam ſecutus eſt, neceſſario ſequatur mentem noſtram liberam eſſe, aſſeremus tamen quædam teſtimonia idem luculenter probantia. In *Epinomide* pag 639. ita ait : Τα ὄντα εἶναι δύο, τὸ μὲν ψυχὴν, τὸ δὲ σῶμα, καὶ πολλὰ ἑκάτερον, πάντα δὲ ἀλλήλων ἄλλα καὶ ἑκάτερα ἑκατέρων. Καὶ τρίτο ἄλλο ὡδὲν κοινὸν ἔδενι, διαφέρειν δὲ τὴν ψυχὴν τὰ σωματός, ἐμφερὲν μὲν περὶ τὸ δὲ ἄρρον θηρομεν, ἀγρον δὲ τὸ δὲ ἀρχομενον, καὶ τὸ μὲν αἰτίον ἀπάντων, τὸ δὲ ἀναιτίον πασης παθης. i. e. duo quedam eſſe animam atque corpus, & quæ ad utriusque genus pertinent eſſe multa : eaque ab aliis in genere ſuo diſferre, & utraque genera a ſe invicem eſſe diverſa: adeo ut tertium nihil utriſque ſit commune, Animam vero ita diſferre a corpore, quod illa mentem habeat, hoc non habeat. Illa dominetur, hoc ſubjiciatur. Illa omnium paſſionum corporibus, hoc nullius cauſa ſit. Agnoſcit equidem hoc ipſo in Dialogo, aliquam dari in mente neceſſitatem, ſed circa ea quæ evidenter ſunt, quæque vel unico, ut ita dicam, intuitu mens percipit. *Anime* (verba ſunt *Platonis*) vero intellectum habentis neceſſitas omnium neceſſitatum maxima eſt. Ducens enim non ducta gubernat. Quando autem anima quæ res optima eſt, conſilio ſecundum optimum intellectum perficitur, neceſſario eveniet, nec adamas ſolidius immobiliusque eſſe poterit. Vide in eodem *Epinomide* pag. 640. *Euseb. Præp. Evang.* Lib. 12. cap. 28. *Max. Tyr. diſſ.* 25. & quæ ſupra de fato & neceſſitate adduximus. Eandem autem mentem poenæ ac præmii capacem eſſe, non multis probabo, cum loca notiſſima ſint. Videatur *Apologia Socratis, Liber X. legum, Phædo.*

X. (e) Alterum argumentorum, idque ultimum, quo probamus Deum ex mente *Platonis* cum materia conjunctum nullo modo esse, desumimus ab opinione *Platonis* de interitu mundi. *Afferuit enim, mundum sola Dei voluntate, siquidem destruendus esset, interire posse.* In superioribus ostendi, rerum omnium originem, saltem materiæ jam existentis productionem ejusdemque sapientissimam dispositionem, soli Deo ex mente *Platonis* adscribendam, unde sequitur, machinæ hujus artificiosissimæ destructionem, si qua olim futura esset, eidem summo rerum Moderatori tribuendam. Si Deus inviolabili necessitatis vel materiæ vinculis constringeretur, frustra quæreretur, utrum voluntate Dei mundus destrui posset, omnia enim non possent non fieri, omnis libertas exularet; & quemadmodum omnia cæca quadam necessitate orta essent, ita non possent non ita manere. Talis omnium rerum necessitas locum habet in Systemate *Spinozæ*, minime vero *Platonis*. *Æque necesse fuit ex mente Spinozæ, ut Tiguri natus essem non alibi, ac necesse est, tres angulos trianguli æquales esse duobus rectis.* Non possum secundum Systema ejus destrui, cum mens mea & corpus meum partes sint æque necessario existentes ac existit Deus, cujus pars sum. In Systemate *Platonis* origo hominum omniumque Creaturarum liberimæ Dei voluntati, & ministris ejus tribuenda est. Eo igitur volente in antiquum Chaos cuncta referuntur: Eo nolente manent. Decantatus locus est *Platonis* in *Timeo* pag. 481. Θεοι Θεων, ὧν ἐγὼ Δημιουργος, πατήρ τε ἐργων, αἱ δὲ ἐμὰ γινόμενα, αἰλῶπι γε ἐμὰ θελοντος. Το μέν ἐν δὲ δεύει παν, λυτὸν. τογε μὴν καλῶς ἀρμόσεν καὶ ἔχον ἐν λυτῇ ἐθέλειν, κακῇ, διὰ καὶ ἐπειπερ γεγεννηθεῖ, ἀθανάτοι μὲν ἂν ἔσε, ἐδ' αἰῶνι το παμπαν. ἄτι μὲν δὲ λυθησεῖθε γε εἴδε προῖεσθε θανάτω μοιρας. τῆς ἐμῆς βαλῆσεως μεζονος ἐπὶ δεσμῇ καὶ κυριωτέρῃ λαχόντες ἐκείνων. εἰς ὅτ' ἐγίγνεσθε συνδεδεῖς. Dii Deorum, quorum Opifex ac Pater sum, hæc attendite. Quæ a me facta sunt, me ita volente, indissolubilia sunt. Omne siquidem quod vinctum est, solvi potest. Sed mali est, quod pulchre compositum est, seque habet bene, velle dissolvere. Quapropter quia generati estis, immortales quidem & indissolubiles omnino non estis. Nec tamen unquam dissolvimini, nec mortis fatum subibitis. Nam voluntas mea, majus præstantiusque vobis est vinculum ad vitæ custodiam, quam nexus illi, quibus estis tunc, cum gignebamini, colligati. Similem in modum loquitur in eodem *Timeo* pag. 709. Ed. Fic. quem supra pag. 25. & 26. adduximus locum. Ita etiam mentem *Platonis* explicat *Plutarchus* de plac. Philosoph. Lib. II. cap. 4. Πυθαγόρας καὶ Πλάτων γεννητὸν ὑπὸ θεῶ, τὸν κοσμον,

μὲν,

μον, καὶ φέρετον μὲν, ὅσον ἐπὶ τῇ φησὶ, αἰσθητὸν γὰρ εἶναι διότι σωματικόν, ἢ μὴν φθαρτομνον γέ, προνοία καὶ συνοχή Θεοῦ. i. e. *Pythagoras & Plato, mundum a Deo factum arbitrati sunt, & quod ad naturam attinet, obnoxium interitui, quia corporeus, ideoque sensibus sit expositus: non autem perituum, providentia cum & Deo continente. M. Tyrius disert. 29. pag. 309. probaturus, voluntate Dei fieri, ne mundus, in antiquum Chaos relaberetur, ita ait: ἀνευ τῆ ἀληθείας μὴδε μύθων ποιητὰ διαπιστευσης το παμπαν μητε φιλοσοφῆ λογῶ. Καὶ γὰρ Ἐπικυρεὸς λέγει μὲν λογῆς, ἀλλὰ μύθων ἀτοπώτερες, ὥς ἐγὼ γε πίσειω μαλὼν Ὅμηρῳ περὶ Διὸς λεγοντι, ὅτι ψυχῆαι δυοῖν ἀρίστεον ἐπὶ πλασιγῆος χρευσῆς ἐτάλαντευσ*

Τῇ μὲν Ἀχιλλῆος, τῇ δ' Ἐκτερος ἀνδροφονοία

ἀνατίνης τα ζυγα τῇ δεξιά, ὅρῳ γὰρ τῇν ἐμαρμενῆν τῶν ἀνδρῶν συναπονευσαντων τῇ Διὸς δεξιά

— ἢ γὰρ ἔμον παλιναγρετον ἢ ἀπάτηλον  
ἢ ἀτελευτήτον ὁ, π κεν κεφαλῇ κατανευσω

αἰσθάνομαι τῶν Διὸς νευματων. δια τῶν γῆ μινει, καὶ ἀναχενται θαλάττω καὶ αἶρ διαερεῖ, καὶ πῦρ ἀνωθεν, καὶ ἀερας περιφερεται, καὶ ζωα γιγνεται, καὶ δένδρα φυεται. Ex versione Heinsii. Sine veritate ergo nec fabulae nimis poeticae, neque, orationi credas philosophicae. Oratione enim Epicuri utitur, sed quae omnem fabulae absurditatem superet. Quo fit, ut magis ego Homero credam, cum Jovem ait duorum fortissimorum animas heroum lance aurea librasse.

*Heorikis atque tuam, fortissime Achilles*

*dextraque Jugum suffulisse. Video enim satum eorum pariter cum Jovis dextra nutare.*

— *Nec enim mutabitur unquam*

*Quod capite annuero, nec falsum sine carebit.*

*Nutum Jovis intelligo, cujus beneficio terra movetur, mare diffunditur, aer fluit, ignis sursum abit, caelum in orbem versatur, creantur animalia, nascuntur arbores. Alia loca infra adferam, ubi locum Platonis initio hujus Sectionis adductum vindicabo. Atque ita tertiam propositionem, qua adfero, Platonem nullo necessario vinculo Deum materiae alligasse, perspicuis argumentis, nisi fallor, probavi.*

XI. Restat uti ad ultimum argumentum, (quartum enim jam alla-

allatum) quo probare conor, *Platonem a Spinoza sententia recessisse deveniam, nimirum, Deum omnipotenti & sapientissima cura omnibus prospicere & Providentia sua omnia gubernare.* Præclarissimus extat locus Lib. V. Legum pag. 883. quem brevitatis causa latine tantum proferam. *ATHEN.* Sed nunc illi duo tribus nobis respondeant, qui licet Deos esse concedant, alter tamen facile placabilis, alter in rebus parvis negligentes putat; primumque sic interrogentur. *Ambo Deos asseritis scire, videre, audireque omnia: nihilque ipsos effugere posse eorum, quæ aut sensu, aut intellectu percipiuntur, hæcne ita se habere dicitis an aliter?* Sic. Deinde omnia eos posse, quæcunque mortales immortalesve possunt? *CLIN.* Absque dubio ita esse concedent. *ATH.* Bonos etiam imo optimos esse omnes quique confessi sumus. *CLIN.* Omnino. *ATH.* Nulla ergo pigritia, nulla mollitie eos capi possibile: quandoquidem tales sunt, quales esse consensimus. Nam a timiditate in nobis otium nascitur: pigritia vero ab otio atque mollitie. *CLIN.* Vera loqueris. *ATH.* Nullus ergo Deorum otio pigritiaque corruptus quicquam negligit. Nullus enim timiditatis Deus est particeps. *CLIN.* Probe. *ATH.* Ergo relinquitur, si parvas paucasque in Universo res negligunt, ut ita negligant; aut quia contemnenda illa esse sciunt, aut quidnam aliud reliquum est, quam hujus contrarium? *CLIN.* Nihil penitus. *ATH.* Utrum ergo, o Vir eximie, te dicere adfirmabimus, an quod propter ignorantiam, cum providere debeant, non provideant? an sicut improbos homines dicimus, meliora quidem videre, sed voluptate aut dolore fractos deteriora sequi, sic Deos, quamvis sciant providendum esse, similiter non providere? *CLIN.* Quomodo id fieri potest? *ATH.* Præterea res humane, viventis natura participes sunt: & homo ipse præ cæteris animalibus Dei cultor diligentissimus est. *CLIN.* Apparet. *ATH.* Quin etiam mortalia cuncta viventia, a Diis fieri possiderique, quemadmodum & cælum Universum dicimus. *CLIN.* Procul dubio. *ATH.* Jam ergo seu parva hæc sive magna quis dixerit Diis esse, nullo modo cum Providentissimi atque Optimi sint, negligenda sibi sua possessio est. Sed istud præterea consideremus *CLIN.* Quidnam? *ATH.* Num sensus & vires contrario inter se modo ad facilitatem, difficultatemque se naturaliter habent? *CLIN.* Quid ais? *ATH.* Parva quippe difficilius quam magna videntur & audiuntur, facilius autem tenentur ferunturque & Providentia gubernantur parva omnia & pauca, quam eorum contraria. *CLIN.* Certe multo facilius. *ATH.* Quid vero cum Medicus totum corpus curare velit ac possit, si magnis providerit, parva contemperit, an bene unquam se totum habebit? *CLIN.* Nunquam. *ATH.* Sed nec gubernatores nec Imperatores, nec Pa-

tres



*tres familias, nec civitatum Moderatores, neque ulli omnino tales, paucis parvis neglectis recte multa & ingentia gubernant &c. Videantur anteced. & conseq. hujus Dialogi. In Epinomide p. 638. ex magnitudine & constanti ordine astrorum argumentatur ad probandam divinam Providentiam. Λαβόμεν δὴ τῆς τροπῆς ἂν εἴη τούτων περιφέρειν ὄγκον ἵνα φύσιν τὸν αὐτὸν αἰεὶ χρόνον, ὅσον καὶ νῦν περιφέρεται. Θεὸν δὲ φημι τὸν αἰτίον εἶσεσθαι καὶ ἂ ποτ' ἕτερος εἶναι δυνατόν. Ἐμψυχον μὲν γὰρ ἂ ποτε γεννοῖτ' ἂν ἕτερος πλὴν διὰ Θεοῦ, ὡς ἡμεῖς ἀπεφνημαμέθα. ὅτε δὲ τὰ τοιοῦτος τε εἴσι Θεοῦ, ἅπαντα αὐτῷ ῥασιωνῇ γέγονε τὰ πρῶτον μὲν ζῶον γεγενῆσθαι πᾶν σῶμα καὶ ὄγκον συμπαντα. Ἐπειτα εἰπερ ἂν διανοηθῇ βελτίστα, ταυτὴ φέρειν. νῦν δὲ περὶ ἁπαντῶν ἰσίων ἓνα λόγον λεγομένη ἀληθῆ. ἂν εἴη γῆν τε καὶ ἄραν ἁπανταὶς τε ἀστέρας ὄγκους τε ἐκ τῶν ζυμπανταῶν, μὴ ψυχῆς πρὸς ἑκάστῳ γενομένης, ἢ καὶ ἐν ἑκάστοις εἰς ἀκριβεῖαν κατ' ἐνιαυτὸν ἔτω πορεύεσθαι κατὰ μῆνας τε καὶ ἡμέρας καὶ ζυμπαντα τα γιγνόμενα, ζυντασσὶν ἡμῖν ἀγαθὰ γιγνέσθαι. δεῖ δὲ ὅσω φαυλοτέρῳ ἐς ἄνθρωπος, μὴ τι ληρυντα γέ, σαφῶς δὲ τι λεγόντα φαίνεσθαι. i. e. Cogitemus igitur quomodo fieri possit, ut tanta magnitudo ab aliqua natura possit tanto tempore circumferri. Ego igitur assero, Deum causam esse, nec aliter fieri posse. Animatum enim non aliter quam propter Deum fieri posset, ut nos declaravimus. Quoniam ergo id Deus facere potest, facile ipsi fuit primum omni corpori magnitudinique vitam tribuere; deinde, qua ratione optime fieri cogitavit, hac ducere. Demum de his omnibus veram sententiam ferri volumus: impossibile esse cælum, terram, stellasque omnes, & quæ ex his constant moles, nisi anima singulis aut adsit, adeo exquisita ratione annis, mensibus, diebusque circumvolvi, nobisque omnibus bona omnia facere. Hominem vero decet quo utilior est, eo minus de ipsis nugari, sed conari potius certi aliquid dicere. Apparet equidem ex hoc loco, Platonem credidisse, singulis astris animas quasdam additas esse, sed Divina Providentia simul id unice factum evidens simul est. Hinc & præclare asseruit idem Plato, Deum hominum proborum summam habere curam. In Alcibiade ait: καὶ γὰρ δεῖνον ἂν εἴη, εἰ πρὸς τὰ θῆρα καὶ τὰς θυσίας ἀποβλεπασσιν ἡμῶν οἱ Θεοὶ, ἀλλὰ μὴ πρὸς τὴν ψυχὴν, ἀντὶς ὅσιος, καὶ δίκαιος ὢν τυγχάνῃ, πολλῶν γέ μαλλον, οἶμαι, ἢ πρὸς τὰς πολυτέλειαις ταύτας πεμπας τε καὶ θυσίας. Hac sapientissimi & Optimi rerum omnium Moderatoris cura fretus, spem futuræ felicitatis habuit. Χρὴ πάντα ποιεῖν, ὥς ἀρεστὴς καὶ φρονήσεως ἐν τῷ βίῳ μετασχεῖν. Καλὸν γὰρ το ἄλλοι, καὶ ἡ ἐλπίς μεγάλη. in Phædone. Similiter ex mente Platonis Apulejus de dogm. Platonis, pag 375. Et primum quidem Providentiam esse summi*

Exsuperantissimique Deorum omnium : qui non solum Deos celicolos ordinavit , quos ad tutelam & decus per omnia mundi membra sparsit ; sed natura etiam mortaleis Deos , qui præsarent sapientia ceteris terrenis animalibus , ad evitatem temporis edidit ; fundatisque legibus reliquarum dispositionem ac tutelam rerum , quas quotidie fieri necesse est , Diis ceteris tradidit . Unde susceptam Providentiam Dii secundæ providentiæ ita gnauiter retinent : ut omnia etiam , quæ cœlitus mortalibus exhibentur , immutabilem ordinationis paternæ statum teneant . Nec tamen putandum , quædam divinæ Providentiæ subtrahi , quod Plato statuat , Deum , non immediate omnia gubernare . Ipsi enim Cl. Viri , Cudworth , Clericus , Rajus , qui Naturas quasdam Plasticas dari tuentur , quibus Deus in regimine Univerſi , præcipue productione plantarum &c. utatur minime negant , omnia Dei imperio subesse , sed ministerio tantum earum uti . Similiter etiam Plato , quod ex citatis locis patet . Putabat enim , Majestate tanti Numinis indignum esse , omnia per se immediate sine quibusdam ministris efficere & curare : ita expresse loquitur Apulejus de mundo p. m. 353 . Quod si cui viro , ait , vel cuilibet Regi indecorum est , per semetipsum procurare omnia & perficere , multo magis Deo inconueniens erit . Eandem divinam Providentiam contra Epicurum tuetur M. Tyrius Platonius diss. XXV. pag. 257 . ὁ δὲ νῦν ἀρραγὴς ὢν καὶ ἀτρέτος , καὶ ἐπὶ πάσας ἐξικινῶμενος φύσεις ἀμνηχανὼν ταχέϊ , ὡς προσβολῇ ὀψέως , παν κοσμεῖ ὅτε ἂν ἐπαφῇσεται . Καθάπερ καὶ αἱ παρ' ἡλίου ἀκτῖνες προσπέσασθαι τῇ γῇ , λαμπρυνῶσιν αὐτῆς τὸ καβαλλήφθεν παν . Τίς δὲ ἐστὶν ὁ τῆς ἐπαφῆς ταύτης ἵσπος . ἐγὼ μὲν εἰπεῖν ἔκ ἐχω , ἥνιστα δὲ αὐτὴν ἥρεμα Ὀμηρος :

Ἡ καὶ κυανέησιν ἐπ' Ὀφρύσι νεύσε κρονίων .

Ὅμως δὲ τῷ Διὶ νεύματι γῇ ζυνεσι καὶ ὅσα γῆς τρεμμαῖα , καὶ θαλάττα ζυνεσι καὶ ὅσα θαλάττης γοννημαῖα , καὶ ἀῆρ ζυνεσι καὶ ὅσα αἰέρος φορηματά , καὶ ἔρανος ζυνεσι καὶ ὅσα ἐν ἔρανῳ κινημαῖα . Ταῦτα ἔργα τῶν Διὸς νευμάτων . Μεχρὶ τῶν ἀδελφῶν ἐμῶν χρησμάτων . Καὶ Ὀμηρῷ πειθόμεναι , καὶ Πίστευν πλάττωνι , καὶ οἰκτεῖρω τὸν Ἐπικύρην . i. e. Cujus mens solida & incorrupta , nusquam dividitur , sed incredibili velocitate , tanquam unico oculi intuitu , quodcunque tangit , ornat atque illustrat . Non secus ac radii solares in terram ubi inciderunt , quancunque ejus invasere partem , eam illustrent . Quomodo autem id fiat ,

*fiat, mihi nec promptum est dicere, Homerus tamen occulte innuit cum inquit:*

*Dixerat hæc, nigrisque Oculis Saturnia Proles Annuit.*

*Una cum nutu Jovis terra constitit, & quicquid terra educat; mare constitit, & quicquid mare producit: aer constitit, & quicquid aer fert: cælum constitit, & quidquid in cælo movetur. Omnia hæc opera Jovis nutus perfecit. Hactenus nullum oraculum requiro. Homero fidem habeo, Platonem credo, Epicuri me miseret. Atque ita, nisi fallor, per partes probavi, Platonem ab opinione detestanda Spinozæ longissime recessisse. Ut autem hoc clarius patefeat, ratiocinationis meæ summam breviter proponam, & adjectis ipsissimis Spinozæ verbis ostendam, quam adversa fronte inter se pugnent dogmata Spinozæ & Platonis.*

*1. Spinoza adseruit unicam dari substantiam. Eth. pag. 1. prop. XIV. præter Deum nulla dari, neque concipi potest substantia. prop. XV. Quicquid est, in Deo est, & nihil sine Deo esse, neque concipi potest. Plato præter Deum supremam mentem, materiam dari, demones item, aliasque substantias adseruit. 2. Plato credidit, libere Deum ad exornandum & condendum hunc mundum se accinxisse. Spinoza omnia ex necessitate divinæ Naturæ sequi. ibid. prop. 16. Ex necessitate, inquit, divinæ Naturæ infinita infinitis modis (hoc est omnia, quæ sub intellectum infinitum cadere possunt) sequi debent. 3. Plato professus est Deum fines sapientissimos habuisse in productione omnium rerum. Spinoza omnes fines rejicit. In appendice ad prop. 36. inter præjudicia hoc refert, dicens. Omnia, quæ hic indicare suscipio, præjudicia pendent ab hoc uno, quod scilicet communiter supponant homines, omnes res naturales ut ipsos, propter finem agere: imo ipsum Deum omnia ad certum aliquem finem dirigere. 4. Deus ex mente Platonis libere agit, non necessario. Spinoza Deus ferreo necessitatis vinculo confectus est. prop. 33. Si res, inquit, alterius naturæ potuisset esse, vel alio modo ad operandum determinari, ut naturæ Ordo alius esset: ergo Dei natura alia posset esse, quam jam est. prop. 35. Quicquid concipimus in Dei potestate esse, id necessario est. prop. 32. simpliciter ait. Deus non operatur ex libertate voluntatis. 5. Mens nostra in Systemate Platonis libera est, in Spinozæ necessaria. Eth. p. 2. prop. 48. In mente nulla est absoluta sive libera voluntas. Sed mens ad hoc vel illud volendum determinatur a causa, quæ etiam ab alia determinata est, & hæc iterum ab alia, & sic in infinitum. 6. In systemate Platonis locum habet divina Providentia, non item in Sy-*

*semate Spinoza.* Quia omnia ex necessitate divinæ naturæ sequuntur, nec ulla libertas in Deo locum habet. 7. Quemadmodum totum universum *Spinoza* Deus est; ita inviolabili necessitate ex eo omnia decurrunt, ut adeo necesse non sit probare ex mente *Spinoza* nulli mutationi & destructioni universum obnoxium esse posse. *Plato* destructionem mundi, si quæ futura esset, Dei voluntati adscribit. Ex quibus omnibus, simul junctis concludimus, *Platonem* a *Spinoza* sententia longissime remotum esse, atque adeo *Atheismi* nullo jure accusari posse.

XII. Examinemus jam argumenta, quæ Celeberrimus Vir N.H. *Gundling* in medium adtulit, uti probaret, *Platonem* in *Spinoza* castra abiisse. Rationes ejus partim extant in *Otiis* fasc. 2. partim in singulari dissertatione *novæ Bibliothecæ*, quæ Halæ editur, inserta. Cum *Otia* ejus ad manus non sint, rationes autem Cl. Viri fideliter, uti existimo, adduxerit Cl. *Wolffius* in *Manich. ante Manicheos* pag. 142. primo eas adducam & expendam, postea dissertationem Bibl. novæ insertam, examini subjiciam, *Bayliique* dubia, quæ hinc inde movit producam in medium. Cl. *Wolffius*, postquam loco citato dixisset, Eruditissimum *Gundling.* existimare Systema *Spinosificum* a *Platonico* non esse diversum, ita pergit. „Hanc vero habet ita sentiendi causam, quod *Spinoza* unam ex Deo & materia fingat substantiam, idem vero fiat, simulac *Platonis* Deus, cum materia se jungat, sive id plenissima, libertate summaque voluntate fiat, quod *Plato* vult, sive, quod „*Stoici* contendunt, necessario.„ Respondet Cl. *Wolffius*, Deum *Platonis* in Creatione & formatione hujus universi, non tam vi phrasium *Platonicarum* se cum materia conjungere & commisceri, quam ad eam effingendam ceu ἀπο μηχανῆς accedere. Et mea opinione rectissime ita respondet Cl. *Wolffius*; nulla enim ratione perspicui potest, qua ratione Deus cum mundo unica fiat substantia, simulac Deus ad materiam exornandam se accingit. Nemo mortalium dixerit, artificem, quo cum *Plato* Deum etiam confert, cum ædificio unicam fieri substantiam, quamprimum animum elaborandæ materiæ adjicit. In conjunctione mentis & corporis arctissima locum habet Unio, nemo tamen dicet mentem & corpus unicam ideo fieri substantiam. Materia, antequam Deus eam exornaret, fuit ex mente *Platonis* substantia & quidem æterna, Deus quin etiam excellentissimo gradu substantia erat. At quomodo res diversissimæ unica fieri possunt substantia? Sane si *Spinoza* adseruisset, materiam esse substantiam eamque æternam, Deum autem sapientissimum Ens liberrimum ad eam exornandam

dam animum applicuisse, nemo eum unquam omne Numen tollere, adfirmasset; sed cum omnia quæ existunt, unicam tantum absolvere substantiam professus erat, eamque substantiam Deum esse perhibuisset, in deridendum errorem prolapsus est. Imo mea opinione vel præstantissima modernorum Philosophorum systemata, purum putum *Spinozismum* involvere dicenda essent, si liberrima Dei conjunctio cum materia id probaret. In Systemate Christianorum conjunctio quædam Dei cum mundo locum habet, sed minime necessaria, libera vero quam maxime. Supponimus voluisse Deum mundum condere sive ex nihilo creare: adferimus in mente Dei fuisse ideas rerum condensarum: adfirmamus Deum secundum quasdam leges in materiæ natura haud fundatas, mundum gubernare, imo continua quadam, nec interrupta conservatione eum ita sustinere, ut sine perpetua ejus cura in antiquum Chaos sive potius nihilum relaberentur cuncta. Hinc Deus & materia sine dubio unica fierent substantia, si vel liberrima conjunctio, salvis quin etiam manentibus proprietatibus utriusque substantiæ, ad hoc sufficeret. Produximus autem supra, nisi fallor, evidentissima loca ex *Platone*, quibus probatur, liberrimam fuisse Dei voluntatem respectu materiæ effingendæ. „Pergit Cl. Gundling, „referente *Wolffio*, dicendo. Nullum inter Stoicorum Platonisque „systemata observari discrimen, nisi quod hic conjunctionem cum „materia animæ a summo Deo separatæ, illi autem ipsi Deo tribue- „rint. Hanc autem diversitatem nullam esse inde porro evincere co- „natur, quod a Platone anima judicetur esse a mente, hæc vero a Deo, „adeoque singula hæc re ipsa non differant, quod vel inde pateat, „cum Plato mundum Deum & animal appellet. Respondet Cl. *Wolffius* 1. phrasas Platonicas & Stoicas non temere inter se esse confundendas. Atque adeo tacite innuere videtur, systema Stoicorum merum *Spinozismum* involvere. Scio, utramque in partem disputari posse. Hactenus tamen argumentis evidentissimis nondum probatum esse credo, *Stoicos*, *Spinozæ* opinioni addictos fuisse. Diversimode ratiocinabantur, adeo, ut diversissima Systemata inde confici possint. 2. Respondet, animam mundi alio loco non habuisse *Platonem* ac Creaturam a Creatore distinctam, nec negare tamen audet, eam *Platoni* ex ipsa divina essentia decerptam videri. De anima mundi ex mente *Platonis* infra dicendi locus erit. Hoc tantum dico, si anima mundi, ab ipsa materia & Deo supremo distincta est, tum *Platonis* systema adversa fronte cum Systemate *Spinozæ* pugnat. Hic enim

unicam agnovit substantiam; ceteræ substantiæ, mentes, corpora &c. nonnisi modificationes sunt unice illius, quam fingit, substantiæ. Imo causa reddi non potest, cur *Plato* ejusmodi animam mundo præficeret, quam, ne Deum summum & excellentissimum arctius cum materia, quam par erat, uti existimabat, conjungeret. Sed ait Cl. *Gundling.* animam illam mundi esse a mente, mentem a Deo, adeoque singula non differre. Sed si vel maxime concederem, hanc fuisse *Platonis* mentem, de quo tamen, uti ex infra dicendis patebit, justæ dubitandi rationes adsunt, nondum video, qua ratione concessis istis omnibus sequeretur, unicam tantum dari substantiam, aut Deum necessario vinculo cum materia conjungi. Ponamus mentem per emanationem quandam a Deo ortam, animam ex mente, num inde sequitur, Ergo mens, anima & Deus unica tantum sunt substantia? quis nobis hætenus ex mente illorum Philosophorum modum hujus emanationis, quam Cl. Vir supponit, explicuit? Sane potest Deus uti Ens aliquod sufficientissimum considerari, ex quo mentes omnes emanaverint, quæque in Deo subsisterint, sed non ut partes essentia Dei, quibusve emanantibus essentia Dei discerpta quasi fuerit, sed uti res a Deo quidem distinctissimæ in infinita tamen & inenarrabili Natura Dei subsistentes. Sed quomodo, inquit, hæc intelligi possunt, aliquid in Deo esse, & tamen sine detrimento perfectionum divinarum, emanare posse. Fateor, me hujus emanationis modum non concipere evidenter & clare, neque tamen adeo periculosam & absurdam hanc opinionem esse, hætenus perspicere possum; facile quin etiam mihi persuadeo, veteres quosdam imo & modernos Philosophos emanationem aliquam statuere posse, quæ ipsorum judicio nullam in Deum imperfectionem inferret. Num melius & clarius nos percipimus qua ratione posita voluntate Dei, immensa rerum sensibilibus moles exorta fuerit, moveantur, crescant, & ad certos fines dirigantur? Quod si igitur quam maxime mens illa a Deo emanaverit, anima a mente, concedereturque, hæc aliquam imperfectionem involuere, constat tamen simul clarissime, mentem supremam a mundo distinctam esse; adeoque non erit una tantum substantia, sed diversissima & distinctissima, quod ex attributis duarum illarum substantiarum satis patet. Pone etiam, non animam, sed Deum cum materia conjungi, nondum tamen, quod Cl. Vir intendit, sequitur. Oritur enim questio de modo Unionis. In systematæ *Spinozæ* omnia, id est & mentes & corpora, simul juncta, unicam illam substantiam, quam Deum appella-

lat, efficiunt. At supra locis clarissimis ostendi secundum Platonem, mentem seu Deum a materia longissime secretum, Deumque liberissime ad materiam exornandam sese accinxisse. Unde sequitur, non obstante illa conjunctione, manere tamen Deum & materiam substantias, toto cœlo diversas. Afferenda ergo essent mea opinione loca, in quibus Plato assereret unicam tantum dari substantiam, aut mentes & corpora, modos tantum esse Dei, aut omnia absoluta quadam necessitate ex Deo oriri. At hoc præstari non posse, vel universa facies Philosophiæ Platoniciæ clamat. 3. *Ait Cl. Vir Platonem mundum animal vocasse.* Ita est, vocavit mundum animal pulcherrimum. Quo sensu id factum sit a Platone, satis constat attente *Timæum* Platonis legenti, vide pag. 708. & seq. vers. Ficini. Omnia huc redeunt. 1. Deum voluisse pulcherrimum opus efficere. 2. Substantiam ratione & sensu præditam præstare inanimatis. 3. Materiam, antequam Deus manum eidem admoveret, non solum fuisse rudem indigestamque molem, sed & omni sensu destitutam. 4. Ornasse igitur Deum mundum, astra præprimis, variis intelligentiis, hinc mundum animali similem, eumque pulcherrimum esse. Quid autem hæc faciant ad probandum, *Platonem* unicam tantum statuisse substantiam, aut necessario vinculo Deum cum materia conjungi, ego non video. Si Deus ab animali illo distinctus est ex mente *Platonis*, hoc nobis sufficere debet. Quod si vel maxime *Plato* Deum quatenus cum mundo conjungitur, Animal vocasset, nondum tamen malam in partem hæc appellatio accipi pateret, nisi evidentissimis simul rationibus probari posset, sensum subesse *Spinozæ*, aut summam saltem Deo ita tribui imperfectionem. At notum est, diversas sectas eodem vocabulo, diversimode uti; potuisset igitur *Plato*, si vel maxime animalis nomine Deum & mundum simul sumtum intellexisset, ab impia *Spinozæ* opinione abire. 4. *Objicit Cl. Gundling. Platonem mundum Deum vocasse.* *Cl. Wolfius* locum sibi ostendi postulat, & extat locus sane clarissimus in *Timæo* pag. 478. ubi mundum bis Deum vocat, εὖτος δὴ πᾶς ὄντος αἰε λογισμὸς Θεοῦ, περὶ τον ποτε ἐσσημενον θεον λογισθεν, λειον καὶ ὁμαλον πανταχὴ τε ἐκ μεσση ἰσον καὶ ὅλον, καὶ τελον ἐκ τελων σωματων, σωμα ἐποησε. Cum hæc igitur *Deus*, qui semper est, de aliquando futuro Deo cogitaret, levem eum effecit, æqualemque & a medio ad summum usque partem, corporibus totis & perfectis totum atque perfectis totum atque perfectum. Et paucis interjectis. Itaque, ait, omnibus hisce de causis, mundum Opifex ejus Deum beatum effecit. Sed ideo tamen

tamen nullum detrimentum patitur philosophia *Platonis*, præterquam enim quod vox Θεός diversas habeat significationes, & Θεόν omne, quod in genere suo eximium est, denotet, quod integro capite ostendit Vir Summus, *Joh. Clericus*. Art. Crit. P. II. Sect. 1. cap. 3. clarissime apparet, *Platonem* in hisce locis, Deum summum, ab eo, qui deum efficiendus erat, seu mundo non solum clarissime distinguere, sed & eundem summum mundi Rectorem, Opificem illius Θεὸν γεννῆσαι vocare, eumque Dei imperio subjicere. Unde sane satis constat, hanc appellationem nimium urgeri non posse. Et hæ sunt præcipuæ rationes Cl. *Gundlingii* uti eas adduxit Cl. *Wolffius*. Cum autem Cl. Vir in dissertatione, *Novæ*, uti vocatur, *Bibliotheca* inserta, accuratius & prolixius, sententiam suam proponat, juvat hæc accuratiori etiam examini subjicere, sed ita, uti memores simus, cum quo disputemus, Viro nempe Celeberrimo & Eruditissimo, quique libertatem philosophandi & sibi, & aliis lubens concedit.

XIII. Adferam autem ipsissima verba Cl. Viri, ne forte in materia difficili alienum ipsi sensum adfingam. Postquam p. 4. in genere dixisset; Est ineptum hujus Hominis, *Platonis* sc. συζημα, monstrum, horrendum, errorum atque ἀθεολητος plenissimum; eadem pag. sic incipit. „Id autem primo pono, statuisse *Platonem* Deum, quem „appellat, bonum, quia res, quas videmus, innumeris bonis cumu- „lavit: pulchrum, quia principium rerum omnium est: & in narra- „bilem denique, quia nihil in rerum natura invenitur, quod vel ge- „nere vel specie ei appareat ulla ratione conforme. Nemo non cre- „dat, nihil potuisse ab Homine Philosopho magnificentius proferri. „Saltem ejus generis sermo in tantam admirationem legentes addu- „cit, ut ad unum fere omnes ibi consistent: imprimis si Oratorium „schema accedat, & piperatæ facundiæ verba tam speciosa principia „convestiant. At quamprimum physicam *Academiæ* Conditoris do- „ctrinam serio & sine veste consideramus, & quemadmodum mun- „dus effloruerit, indagamus, alia vero omnia experimur. Statim enim „bina observamus principia: Θεόν καὶ ὕλην. Materia coætærna est, „ἀγέννητος quidem, uti *Timæus* Locus vult, sed a Deo per emanationem sempiternam coorta, utpote quam ἀρχαίῃσι καὶ ἀπειροῖσι in- „formem & infinitam e sinu expulerit suo. Quod posterius imprimis „observandum est, ut intelligatur tum Dei & materiæ æterna conjun- „ctio, tum etiam æterna emanatio. Recte namque rationes subdu- „cunt, qui *Platonis* Deum principem ac Regem ut Immobilem, &

in



in summo otio versantem mente concipiunt, e cujus fecundissimo  
 sinu effluerint omnia, atque ipsa etiam ὤλη, non tam tempore  
 quam conceptu posterior destillaverit. Quod quidem mollius feren-  
 dum sapientibus foret, nisi materię e visceribus Summi Parentis pro-  
 pulsę malignam adeo naturam tribuisset, ut ipse Deus summus eam  
 penitus corrigere ac restituere in integrum nequiverit. Unde non  
 male Jesuita Baltus conclusit, latere in hoc dogmate Manetis *μανίαν*,  
 de qua nunc quidem dicendi locus non est. Id notamus, fuisse  
 tandem Deum supremum e Platonis sententia, quę nuda mentis præ-  
 cisione nititur, permotum, ut materię sine forma jacenti auxiliares  
 manus adferret, eamque veluti sylvam densam atque asperam in me-  
 liorem statum redigeret. Quod cum sine ratione perfici non possit,  
 tertium, quod vocavit ideam, excogitavit, quam meo permisso ver-  
 bum internum appellites licet, quod itidem ex abundantia divinę  
 Majestatis effluxit. Neque vero Naturę divinę, utpote in otio &  
 tranquillitate fluitanti, congruere videbatur, ut ipsa manum operi  
 admooveret. Eo sine novum principium emergebat, quod per me  
 iterum verbum externum voces. Hoc mundum, qui Dei *μονογενής*  
 dicitur, intravit, ut *ψυχικός καὶ λογιστικός* evaderet, id est, animatus  
 & rationalis. Ex ratione seu intellectu innumerę ideę, quę intel-  
 ligentiarum, Spirituum, ac Deorum Nominibus insigniuntur, pro-  
 cedentes, medię quasi inter animas ex mundi anima permanentes,  
 & materiam extiterunt; illamque tandem scalam effecerunt, per  
 quam a materia ad animam, ab anima ad ideam seu intellectum,  
 ab intellectu ad primam illam unicam & optimam naturam ascen-  
 deretur, eaque ratione res generatę, cum Rege & Parente tam sensibi-  
 lium quam intelligibilium conjungerentur. Ex quo clarum fit,  
 Deum Platonicum sic componi e rebus intelligibilibus, sensibilibus,  
 corporalibus, ut Deus Spinozę, ex quo omnia & qui cum & in  
 omnibus. Quemadmodum enim Spinoza Numen suum, duabus  
 imprimis proprietatibus cogitatione & extensione instruxit: ita ad  
 latus Dei Platonici duę hypostases observantur, quarum una est ma-  
 teria extensa & animata, altera cogitans seu *λογική*. Quod Plato  
*ὑπόστασις*, seu principium oratorio more vocat, id Spinoza nude &  
 secundum Cartesii idioma adtributum nominat. Sat est, in eo con-  
 spirare Platonem & Spinozam naturam esse Unum; ex unitatis visce-  
 ribus prodiisse materiam, prodiisse intellectum, prodiisse animam  
 efficacem, inde adhuc prodire omnia & texti, quemadmodum ex  
 H h h h h  
 „ araneo

„araneo prodit tela affabre efficta, aut ex unitate numeri exsurgunt  
 „infiniti; quod nisi Atheismus sit, doceri sane percupio, quid iste sit.”  
 Haftenus Cl. Vir, ex cujus verbis quid sibi demonstrandum sumse-  
 rit patet. Possemus hæc omnia simpliciter negare, & ad superiora  
 provocare, nullis enim perspicuis Veterum locis munita sunt, quæ Cl.  
 Vir hic adferit, nisi forte excipias *Timæi Locri* locum, unde una cum  
*Baylio* (Continuation des pensées diverses p. 345.) hanc gravissimam  
 accusationem repetiit. Id unice haftenus ergo mihi incumbit, ut lo-  
 cum *Timæi Locri*, cui tota C. Viri accusatio innititur, uti ex sequenti-  
 bus patebit, accurate perpendam. Non possum tamen, quin prius  
 adducam prudentissimum monitum Viri Venerandi & doctissimi. J.F.  
*Reimanni*, quod extat *Hist. Univers. Atheismi* pag. 161. 162. Unico loco  
 (ita loquitur Cl. Vir) tantum innititur suspicio Celeberrimi Gundlingii,  
 & quidem loco ejusmodi, qui non Platonis est proprie, sed *Timæi Locri*  
*Pythagorici* quem l. c. loquentem introduxit Plato, & ex cujus libello hunc  
*Dialogum* dicitur compilasse, si *Timoni Sillographo* credimus apud *Gellium*  
 L. 3. N. A. c. 17. pag. 112. Cujus sententiam non magis fortassis pro  
 sua agnosceret Plato, si revivisceret, quam *Euripides Cyclops*, vel *Cicero*  
*Vellej*. Adde quod locus omnium in toto dialogo est obscurissimus, nec id  
 uera *πρὸς* in se comprehendit, quod Vir doctissimus Platoni tribuit, sed ex  
 eo elicitur tantum per consequentiam, quam *Timæus* fortasse non prævidit.  
 & si prævidit commoda interpretatione eandem credidit posse temperari.  
 Siquidem non omnis Dei cum mundo conjunctio Spinozismum involvit, sed  
 ea, quæ dicitur necessaria, essentialis, eterna. Et esto hunc locum ita  
 esse comparatum, ut ex eo aliquid possit exsculpi in Platonis præjudicium,  
 sexcenta tamen sunt alia quæ oppido docent contrarium, & in hac disserta-  
 tione *Timæi* nonnulla leguntur, ex quibus patet eum animam mundi a Deo  
 distinxisse, & toto, quod ajunt, cælo a Spinoza fuisse diversum. Equi-  
 tati autem est conveniens, de mente autoris non ex uno tantummodo loco,  
 sed ex pluribus & ejus duobus facilioribus & clarioribus aperire. & ea  
 etiam, quæ male dicta sunt, quoad ejus fieri potest, in meliorem partem in-  
 terpretari. Haftenus Cl. Reimannus. Hæc monita mea opinione vel  
 ideo non negligenda sunt, quod non agatur de errore nullius momen-  
 ti, sed Atheismo, qui nemini sine evidentissimis rationibus tribui de-  
 bet. Non quidem hac accusatione Platoni nocere possunt Viri Erudi-  
 ti, qui a me dissentiant, utpote qui jam diu ad plures abiit, sed ali-  
 quando exemplo suo nocere possunt viventibus. Dantur enim eheu!  
 vel hodienuum in tanta literarum luce multi, qui obscuriorem aliquam

& insolitam Viri Docti propositionem pessimum in sensum detorquent, & miras inde & periculosas neclunt consequentias, quod recentissimis exemplis, si veterem renovare dolorem juvaret, probare possem. At hi magnorum & Eruditorum Virorum exemplis se tueri solent. Sed examinemus jam præcipua loca *Timæi Locri*, quæ lucem huic contro- versæ accendere possunt. pag. 543. ed. Galei. principio opusculi ait: δύο αἰτίας εἰμὲν τῶν συμπαντίων. Νεὸν μὲν ἦεν κατὰ λογὴν γιγνομένων, ἀνάγκην δὲ τῶν βίᾳ κατὰ τὰς δυνάμεις τῶν σωματίων. *Duas esse rerum Omnium causas: mentem quidem, earum, quæ ratione aliqua nascuntur, & necessitatem earum, quæ existunt vi quadam, secundum corporum potentias & facultates.* Ταύτων δὲ τὸν μὲν τὰς τ' ἀγαθῶ Φύσιος εἰμὲν, Θεὸν τε ὀνομαίνεισθαι ἀρχὴν τε ἦεν ἀρίστων. *Harum rerum, id est, nature bono- rum, optimum esse quoddam rerum Optimarum principium & Deum vo- cari.* Habes hic primo *νοον* causam rerum, quæ intelligentia præditæ sunt, secundo τὴν ἀνάγκην, quo nomine materia, eaque quæ ex ejus diversâ dispositione oriuntur sensu Platonico notantur, tertio primam omnium & præstantissimam rerum causam Θεον. Confer. hic Viri Summi J. Clerici Epist. Crit. VII. p. 197. Tom. 3. Postquam hæc in genere dixisset, petgit ita: Τα δὲ ἐπομένῃ τε καὶ συνάμῃα ὡς ἀνάγκην ἀναγεσθαι. Τα δὲ συμπαντία, ἰδεῶν, ὕλων, αἰσθητῶν τε, οἷον ἐκγονὸν τε- τῶν; ea vero quæ consequuntur, & tanquam adjuvantes cause accedunt, ad Necessitatem reduci. Omnia enim esse ideam, materiam, sensile veluti earum sortum; ideam esse ait: νοῦτον παραδεγµα τῶν γενοµένων, ma- teriam ἀγενετον καὶ ἀκίνητον ingenitam & immobilem, nullibi ex essen- tia Dei vel natam vel expulsam, eandem ait esse ἐκµαγετον καὶ µατέρα, ἰθάναν τε καὶ γενναίικαν ἰας ἰεῖτας εἰσίας, porro ἀµερεφον καὶ ἀσχηµατῖσον eandem vocat. pag. seq. 545. denuo æternitatem eidem attribuit dicens πρὶν ὧν ὥρανον γενεσθαι, λογῶ ἤσῃν ἰδεᾶ τε καὶ ὕλῃ, καὶ ὁ Θεὸς ἀκµιερφὸς ἦε βελτιστός. Si omnes illas phrasas quæ a *Timeo* adhibentur, perpen- damus, facile patet, materiam *Timeo* æternam, passivam, inordina- tam videri, e sinu autem Dei tanquam partem Dei expulsam, nemo facile observare poterit. Consideratur uti aliquid non solum a Pa- rente rerum optimarum distinctum, sed & ab ipsa idea, seu mundo intelligibili. Præterea non Dei tantum Imperio subjicitur, sed & Ideæ, quam pag. 445. tanquam Patrem considerat. Mundus quidem con- sideratur οἷον ἐκγονον, Ideæ & materiæ, qui demum accedente singu- lari potentia & voluntate Dei liberrima ortus sit. Hinc eadem pag. 545. ita loquitur *Timæus* ex vers. Gal. Quandoquidem igitur antiquius

juniore præstantius est, & id quod ordinatum est, inordinato, Deus cum nimirum bonus sit & videret materiam recipere formam & alterari varie quidem, sed tamen inordinate: vidit quoque opus esse, ut eam ipse in ordinem reduceret, & ex indefinitis mutationibus ad certam definitamque constitueret: ut corporum distinctiones, mutua ratione inter se responderent, neque temere vicissitudines ultro citroque reciperent. Ἐποίησεν addit, ὡν ἴον δε κόσμον ἐξ ἅπασας τας ὕλας, ὅρον αὐτον κατασκευαζας τας τω ὄντως φυσίος, i. e. Hunc igitur mundum ex omni materia creavit Deus, universique naturam terminum ipsum circumscripsit atque definiit pag. 546. Quum igitur vellet Deus ἀρίστον γενναίωμα ποιῆσαι pulcherrimum fœtum producere, hunc effecit Deum genitum, nunquam corrumpendum ab alia causa, præterquam a Deo; de eodem mundo eadem pag. κρατῆρος ἐστὶ τῶν γενναίων, ἔπει ὑπο τῷ κρατῆρι αἰτίῳ ἐγένετο, ἀφορώντος ἐν χειροκματῶ παραδειγματῶ ἀλλ' ἐς τὰν ἰδεῖν καὶ ἐς τὰν νοῶσαν ἔστιν mundus optimus est rerum genitarum, quandoquidem ab optima causa existit, proponente sibi non exemplaria quedam manuum opificio edita, sed illam ideam intelligibilemque essentiam. Hic observari velim Timæum adserere, Deum mundum in ordinem redeigisse, mundum fecisse, illius voluntati & originem existentiae & continuationem tribui, ad perfectissimum denique Exemplar factum esse, quæ omnia minime significant expulsiōnem quandam, aut effluxum ex essentia Dei, quod Cl. Vir supponit. Pag. 548. de Origine Animæ mundi agit, ubi denuo nulla expulsiō locum habet. Τὰν δε, αἶτ, τῷ κόσμῳ ψυχὰν μεσοθεν ἐξαφας ἐπαγαγὼν ἔξω, περικαλύψας αὐτὸ ὅλον αὐτὰ, κραμα αὐτὰν κρατασμενος, ἐν τε τας ἀμερίους μορφὰς καὶ τας μερίδας ἔστις. ὡς ἐν κραμα ἐν δυο ταύτων ἔμεν, ὡ ποτεμιζε δυο δυναμῖς ἀρχὰς κινασίων, τας δε ταύτῃ καὶ τας τῷ ἑτέρῳ. i. e. Animam autem mundi in ipsius medio indidit Deus, & extra eduxit, ipsamque universum ipsa contextit certo quodam temperamento contemplatam, ex forma nimirum individua & ex dividua essentia, ut unum quoddam temperamentum ex his duobus existat, cui duas potentias immiscuit, motuum principia, ejusdem videlicet & alterius. De eadem pag. 549. ait. Hanc vero non ultimam ordinavit Deus post corpoream ipsam essentiam, sed antiquiorem creavit. Quamvis circa naturam hujus animæ quædam obscuriora sint, patet tamen 1. eam a Deo distinctam, 2. ad certos fines ab ipso Deo ordinatam & ipsius Imperio subiectam. Eadem pag. de Deo ita loquitur Timæus: Θεὸν δε, τὸν μὲν αἰώνιον νοὸς ὅρη μόνος, τὸν ἅπαντων Ἀρχαγὸν καὶ γενετὰν τέκτων. pag. 551. Deus autem tempus cum ipso mundo ordinavit. Non enim erant astra ante tem-

tempus ; neque proinde annus , neque anni tempestates , certis circuitibus distinctæ , quibus genitum hoc tempus definitur. Est autem tempus ingenti temporis imago , quod æternitatem vocamus. Quemadmodum enim hæc universitas ad intelligibilibus mundi Exemplar creata est , ita & hoc tempus ad æternitatem , veluti ad Exemplar quoddam cum mundo ab opifice fuit constitutum. Pag. 556. ait : post mundi constitutionem , mortalium animantium generationem , molitus est Deus , ut ad imaginem illam perfectus esset plane atque absolutus. Pag. 557. sensus nobis datos esse a Deo ad sapientissimos fines. Pag. 562. & seq. originem vitiorum in pravis animi adfectionibus , temperamento & consuetudine quærit. Præclarus locus est pag. 565. quem , ne prolixior sim , latine tantum adscribam. Intelligentia , ait , & antiqua illa Philosophia mentem mendacibus , inanibusque opinionibus expurgatam , & ex magna ignorantia revocatam scientiæ dedicarunt , eamque ad rerum divinarum contemplationem erexerunt. In quarum rerum cognitione si quis ita versetur , ut animum gerat si. forte contentum , humanosque casus sub se positos habeat , & in hac animi equitate quasi secundo sumine ad moderatam temperatamque vitam , aspiret , is profecto viam ingressus est veræ felicitatis. Et hæc præcipua sunt dogmata quæ in libello hoc *Timei Locri* continentur , invenire tamen , quæ mea est ingenii imbecillitas , non potui id , quod Cl. Vir inde deduxit , nimirum materiam e sinu Dei fuisse ejectam. Unde necesse esse non puto , ut multis ad ea , quæ ex hac hypothese deduxit , consecraria , respondeam , cum nullis apertis testimoniis munita sint. Crediderim Cl. Virum (quod si in eo erro , veniam mihi dabit Cl. Vir) non tam auctoritate *Timei Locri* , quam Baylii aut *Suveranii* ad sententiâ hanc tuendam motum fuisse. Baylius continuat. *des pensées sur les Comètes* pag. 342. cap. 68. probare vult , Platonem unitatem Dei non agnovisse. Provocat quam maxime ad *Suveranium*. Hic autem in Platonismo detecto pag. 93. ita loquitur. *Timeus Locrus* , d'ou Platon a puisé sa Doctrine , pose d'abord un principe très bon. Ensuite il distingue trois ordres des choses , 1. l'idée , ou la forme qui est éternelle en Dieu , & qui est l'Exemplaire perpétuel de toutes les choses engendrées & sujetes au changement : Voilà le premier verbe , le verbe interne & intelligible. 2. La matière , par où il entend cette substance , que Dieu pousse hors de son sein , destituée de forme , & que d'autres ont appelé le second verbe , ou le verbe proferré. 3. Ayant considéré l'idée comme le Père , & la matière comme la Mère , il prétend que de ces deux principes il s'en forme un troisième , qui en est le Fils , qu'il appelle le sensible , ou le monde

H h h h h 3

sen-

sensible , pour le distinguer de l'intelligible , & que d'autres ont appelé  
 l'Esprit qui anime le monde , & l'Ordre de la Nature. De là il conclut ,  
 qu'il n'y a qu'un monde , que ce monde est le fils unique de Dieu (μονογενής)  
 qu'il est parfait , qu'il est doué d'ame & de raison. Vides *Superanum* ,  
*Baylium* , *Gundlingium* provocare ad *Timeum* Locrum adferentem , ma-  
 teriam ex sinu Dei ejectam , omnes tamen locum , in quo perspicue  
 hæc dixerit *Timeus* , silentio præterire. Exinde tamen , Cl. *Gundling*  
 argumentatur , *Platonem* *Spinozæ* sententiæ addictum fuisse. *Baylius*  
 similiter , adductis locis *Superanii* , ita loquitur. Avez-vous jamais rien  
 de plus monstrueux ? Ne voilà-t-il pas le monde formé d'une substan-  
 ce que Dieu pousse hors de son sein ? Ne le voilà-t-il pas l'un de trois  
 Dieux ? Et ne faut-il pas le subdiviser en autant des Dieux qu'il y a des  
 parties dans l'Univers diversement animées ? N'avez-vous point là toutes  
 les horreurs , toutes les monstruosités de l'ame du monde ? plus de guerres  
 entre les Dieux que dans les Ecrits des Poètes ? les Dieux Auteurs de  
 tous les péchés des hommes ? les Dieux qui punissent , & qui commettent  
 les mêmes crimes , qu'ils ordonnent de ne point faire ? Audio hic quidem  
 Rhetorem belle declamantem , minime autem Philosophum accurate  
 ratiocinantem. Debuisset *Baylius* primo locum *Timei* , ad quem *Su-  
 veraninus* provocat , ad genuinas interpretationis regulas examinare ,  
 nec statim auctoritati *Superanii* credere ; secundo , cogitata *Timei* cum  
*Platonis* conferre , & solerter inquirere , utrum *Plato* idem senserit nec  
 ne , tumque demum licuisset confectaria alterutram in partem urgere.  
 Sed hoc minime præstat *Baylius* ; & statim provocat ad *Gassendum* ,  
 qui loca *Plutarchi* & *Plotini* attulerit ; Cum autem Cl. *Gundlingius* in  
 sequentibus ad *Gassendum* pariter & *Plutarchum* provocet , suo loco ea  
 exanimabimus. Patet autem , nisi fallor , hæcenus Cl. illos Viros mi-  
 nime demonstrasse , materiam ex mente *Platonis* ex essentia Dei pro-  
 pulsam fuisse. Facile autem prævidit Cl. *Gundling* , sine argumentis  
 & testimoniis clarissimis neminem opinioni suæ accessurum , accingit  
 igitur se ad majorem lucem huic opinioni affundendam pag. igitur 8.  
 ita ait. „ Constat inter omnes , *Platonem* materiam Deo suo junxisse  
 „ æternam. Id *Jacobus Thomasius* , *J. Clericus* , *J. Ch. Wolfius* alii-  
 „ que Viri Cl. fatentur. *Hieroclem* *Platonicum* non moramur , ut-  
 „ pote qui Christianorum opinionibus sæpe velificans *Platonis* dogma-  
 „ ta haud raro inflectit. Tantum inquirendum est , si ne illa materia  
 „ orta a Deo nec ne ? Multi qui eam ἀγεννητον describi observarunt ,  
 „ non etiam natam a Deo crediderunt : At quamlibet ea non sit secun-  
 „ dum

„dum Christianorum doctrinam & Stylum creata atque ex nihilo  
 „producta ; tamen permanavit e Deo. In Timæo equidem nihil  
 „certi invenitur ; utut jam doctissimus Galeus animadvertit in Phile-  
 „bo ejus rei vestigia comparere. Aperte quippe Socrates affirmat,  
 „Deum το μὲν ἀπειρον δεῖξαι τῶν ὄντων, το δὲ περὶς, hoc est, ex iis  
 „quæ sunt, alterum infinitum, alterum manifestasse finitum. Ἀπει-  
 „ρον seu ἀπειρία materiam primam significat: quod jam Serranus ante  
 „Galeum indicavit. Et ita vero materia manet ἀγεννατος, uti ipse  
 „Deus, etsi eam manifestavit, hoc est, ex se expulit, atque ita osten-  
 „dit: quemadmodum το δεῖξαι exposuit Ficinus multo doctior. Unde  
 „mirandum non est, Jamblichum ἀπο το πατρος τῶν πάντων eam deri-  
 „vasse ut etiam Damascius. Τλῆ, inquit, τις ἐκ Θεῶν, καὶ ἡ ὕλη ἀπο-  
 „τῆς αὐτῆς ἰσχύος, ὅθεν τὸ εἶδος. Damascius vero ab ore Simplicii pe-  
 „pendit; & Justinii Imperatoris ætate vixit: ut Julianum silentio præ-  
 „termittam, qui in Oratione V. ἐξ αἰδίας συμπροσλήψεως τῆς ὕλης τῶν  
 „Θεῶν meminit. Quod si autem, materia a Deo emanavit, in sinu  
 „sane ejus extitisse necesse est. Sin hoc, materia sine dubio cum Deo  
 „fuit conjuncta — „ hæcenus Cl. Gundling. Ex adductis Cl. Viri  
 verbis patet, omnia redire ad testimonium e *Philebo* citatum. Mirum  
 autem est, in *Timæo* Platonis nihil a Cl. Viro inveniri, quod ad senten-  
 tiam suam stabilendam facere possit, cum tamen simul cum *Baylio*  
 ad Physica Platonis dogmata provocet, in quibus tamen, uti notum  
 est, rerum omnium originem pandit. Testimoniis autem *Plotini*,  
*Damascii*, *Simplicii*, tot sæculis post Platonem natorum, non magis  
 crediderim, quam Judæis recentioribus dogmata Veteris Ecclesiæ Ju-  
 daicæ explicantibus, aut Monachis VIII. sæculi dogmata Christi &  
 Apostolorum ad suas opiniones detorquentibus. Afferenda sunt, cum  
 de *Platonis* Atheismo agitur, loca minime obscura ex ipso *Platone*. At  
 id minime præstat Cl. Vir. Quod jamjam ostendam. *Locus Philebi*  
 extat mihi p. 159. *Dialogus* ille agit de summo Bono, & simulque ad  
 explicandam illam materiam vel potius obscurandam multa adducun-  
 tur de uno & multis, finitis & infinitis: ad explicationem autem pro-  
 positi tentandam ita *Socrates* loco citato: Πάντα τα νυν ὄντα ἐν τῷ  
 παντὶ διχῇ διαλαβόμεν. Μαλλον δ' εἰ βέλαι, τριχῇ. Πρ. Καθ' ὃ, π  
 φραζοίς αὖν; Σω. λαβόμεν ἅττα τῶν νυν δη λογῶν. Πρ. Ποία. Σω. τὸν  
 Θεὸν ἐλεγόμεν πε, το μὲν ἀπειρον δεῖξαι ἴσιν ὄντων, το δὲ περὶς. Πρ. Παν-  
 μέν ἐν. Σω. Τῶν δη ἴσιν εἰδῶν τα δυο πῶς μετὰ, το δὲ ἴριπτον δεξ ἄμ-  
 φων ἴσιν ἐν τι ζυμμισγομένον. Ἐμὶ δ' ὡς εἴκειν ἐγὼ γαλοῖος τις ἰκανῶς

κατ' εἶδη διῆκας, καὶ συναριθμημένοις. Πρ. Τί φης ὦραθε. Σω. Τέλει μοι γένες αὖ προσδεῖν φαίνεται. Πρ. ἄγε τινας. Σω. τῆς συμμιξεως τῶν πρὸς ἀλλήλα τὴν αἰτίαν ὅρα καὶ τίθει μοι πρὸς τρισὶν ἐκείνοις, τεταρτῷ Ἰσῷ. i. e. Ex versione Ficini. *Omnia, quæ nunc in Universo sunt, bifariam distinguamus. Imo si vīs trifariam Pr. quonam pacto? Soc. Accipiamus nonnulla ex iis, quæ nunc a nobis sunt diſta Pr. Quenam? Soc. Deum dicebamus ex iis quæ sunt, alterum quidem infinitum, alterum vero terminum ostendiſſe. Pr. Omnino quidem. Soc. Has itaque Species duo illa ponamus: tertium vero unum ex utriſque commixtum. Ridiculus tamen videor admodum, dum per ſpecies dividere atque dinumerare iſta contendo. Pr. Quid ais, o bone Vir? Soc. Quarto adhuc genere opus eſſe conſtat. Pr. Quonam? Soc. Cauſam alterne commixtionis iſtorum conſidera; eamque præter tria illa, quartum ponito. Cum autem hæc minus perſpicua ſint, audiemus ipſum Platonem, mentem apertius in ſequentibus explicantem, optimumque verborum ſuorum Interpretem. Brevitatis autem cauſa ſequemur verſionem Ficini, quam ſatis accuratam Cl. Vir exiſtimat. pag. 87. Plato, quid finiti quid infiniti nomine intelligat explicat, ſaltem narrat. Quæcunque, inquit Socrates, magis ac minus vehementer atque remiſſe, nimisque & bujuſmodi quedam admittunt, cunſum in unum infiniti genus reducenda ſunt, quemadmodum ſupra diximus, aſſerentes omnia, quæ diſidia diſperſaque ſunt, in unum oportere colligi, ſecundumque vim unam, velut unam quandam naturam ſignari. Quæ vero talia minime, ſed horum contraria accipiant omnia, primo quidem æquale ipſum atque equalitatem, poſt æquale & duplum & ſingulas inde proportionēs quæcunque, ad numerum numerus & ad meſuram meſura habet, hæc inquā omnia in genus finiti merito referemus. Poſtea pag. 88. Socrates tertium explicat dicens; infinitam commiſce cum progenie termini. Pr. Quam dicis & quomodo? Soc. Æqualis & dupli progeniem & quæcunque diverſa quæ ſunt, contraria inſequæque eſſe non finit, ſed commenſurata, & conſona reddens numerum efficit. Pr. intelligo. Dicere namque mihi videris, ſi iſta miſcentur, generationes quasdam ex eorum ſingulis eventuras. Soc. Et recte videor. Tandem ad quartum etiam applicandum ſe accingit, ſimulque totam rem aperit. Vide enim, inquit Socrates, an non neceſſarium videtur, quodcumque gignitur, per aliquam cauſam gigni. Pr. mihi plane. Quomodo enim abſque ea feret. Soc. Et efficiens natura nomine duntaxat a cauſa diſfert, efficiensque & cauſa unum merito vocabuntur. Pr. Merito. Soc. Quin etiam factum ac genitum ſolo nomine diſcrepabunt. Pr. Certe. Soc.*

Præ-



*Præcedit quidem atque ducit natura semper quod efficiens est : quod vero factum est ab eo genitumque , ipsum sequitur. Pr. Prorsus. Soc. Non ergo idem, sed aliud est causa, & quod ad generationem cause servit. Pr. Quid prohibet? Soc. An non genita ipsa, & ex quibus gignuntur omnia, tria nobis genera præbuerunt? Pr. Maxime. Soc. Omnium autem istorum Opificem quartum ponimus, causamque vocamus, utpote aliud quiddam, quam illa ad sufficientiam demonstratum. Pr. Ponimus absque dubio. Soc. Verum jam decet, cum quatuor ista discreta sint, quo melius singulorum meminerimus, singulatim illa dinumerare. Pr. Utique. Soc. Primum igitur Infinitum dico, secundum terminum, tertium mixtam ex iis genitamque essentiam : postremum mixtionis generationisque causam, si quartum vocem numquid erravero? Prot. Nullo pacto. Hæc pag. 89. voluptati & Sapientiæ adplicat Plato, ostensurus, neque voluptatem omne bonum, neque dolorem omne malum. Paulo post ita pergit. Ultrum o Protarche dicendum est, universum hoc agi ab irrationali quadam temerariaque & fortuita potestate? an contra quemadmodum Majores nostri senserunt, ordine quodam mentis & sapientiæ mirabilis gubernari. Pro. Nulla est comparatio. Nam, quod modo dicebas, o Socrates, prophanum mihi videtur : fateri autem mente hæc omnia exornari, sententia quedam conspectu mundi solisque & lune cæterorumque syderum, & omnis denique cælestis circuitus digna est, nec ego unquam aliter de iis loqui aut sentire ausim. Idem adserit pagina sequenti. Judicent igitur Viri me perspicaciores utrum ex adducto Philebi loco firmiter concludi possit, materiam e sinu Dei expulsam fuisse. Ego, ut simpliciter dicam quod sentio, nec vestigium, nec umbram hujus rei video, nedum ut aliqua probabilitatis specie se se commendat objectio inde petita.*

XIV. Pergamus ad alias Cl. Viri objectiones. Pag. 10. postquam eos reprehendisset, qui Platonicam creationem cum Christiana confundunt, addit. *Qui vero materiam emanasse a Deo statuunt, forte a Spinozæ doctrina proxime absunt. Causa est, quod & hic principium unum, necessarium, æternum, per se subsistens, admittat, sed in quo lateant, & ex quo profluant procedantve universa. Unde merito rogantur Platonis cultores, ut edisserant, quomodo illa emanatio evenerit. Mihi nullum dubium hæret, quin aut Deum conceperit ut extensum & dividiuum, aut ut totum, quod motu quodam interno separaverit & diviserit materiam, veluti partem sui & matricem sensilium rerum omnium. Quod Spinoza modificatio-*

„nem, id Platonici emanationem appellant „ Breviter tria circa hæc moneo, primum est, existimare me, falli eos, qui credunt materiam ex nihilo creatam ex mente *Platonis*; interim tamen multa loca e scriptis *Platonis* adferri possent, ex quibus majore probabilitatis specie inferri posset, mundum ex nihilo creatum, quam omnia ex infinita Dei essentia orta esse. 2. Miror Cl. Virum statim ac negavit *Platonem* creationem ex nihilo credidisse, adferere, eum emanationem omnium rerum ex Deo professum esse. Datur enim tertium, nimirum duo æterna rerum principia statuendo, quod familiare veterum assertum fuisse, præter tot alios, ostendit Cl. ille *Wolffius*, a quo circa hanc controversiam, abit. Neceffe igitur non est, ut hujus Emanationis rationem Cl. Viro explicemus, hætenus enim nullo testimonio demonstravit, *Platonem* hanc emanationem materiæ credidisse; quod si vel maxime tamen nec *Plato*, nec alii modum explicare possent, num ideo sequeretur falsam esse? Minime crediderim. Nemo quæ ratione omnia e nihilo facta sint perspicue explicuit, firmiter tamen credimus. 3. Indubium videtur Cl. Viro, *Platonem* Deum uti extensum, aut ut totum &c. consideravisse. Mihi vero & aliis, ut sumus homines, non dubia tantum sed falsissima videntur. Deum *Platonis* non extensum, non solidum, tot loquuntur præclara Veterum loca, ut post ea, quæ supra adduxi, nil necesse sit addere. Certe, si *Plato* Deum concepisset instar totius, quod motu interno materiam separasset, quid opus erat fingere materiam per se ad motum esse ineptam? quomodo eam ex sinu suo depulsam exornare potuit? quem in finem mundum intelligibilem & animam mundi finxisset *Plato*? Si hæc, quæ adferit *Plato* de exornatione mundi, pura puta figmenta sunt, ostendendum ergo nobis est, quo tandem in loco clare ac perspicue de Emanatione illa locutus fuerit. Scio nihil tam absurdum quod non ab aliquo Philosophorum dictum & propugnatum fuerit, haud ignoro ingenium *Platonis*, ad miras *παρατολογίας* fingendas aptissimum. Sed sine evidentissimis argumentis tamen nemini absurdam quandam sententiam adscribendam puto. Cæterum quatenus *Ægyptii*, Stoicique cum *Platonis* decretis consenserint, disputare hic nolo, quæritur duntaxat *Platonis* mens & sententia. Pergit Cl. Vir pag. 12. dicendo. „Deus *Platonis* est cum *ὦλη*, sed quam *παρηγαγεν ἐξ αἰωνος* atque cum „ ea se iterum & ab æterno, veluti aranea cum tela conjunxit. Verba „ extrema ab æterno forte non allubescant contraentibus. In tem- „ pore, inquit, id factum est, libere. Sed vereor, ne qui sic ar- „ guunt

„guunt infelicitate decipiantur. P. Gassendus certe falli omnes haud  
 „temere adfirmat, qui Platonis materiam & animam ante mundum  
 „fuisse effectam credunt. Occurrit hic non tam tempore prius quam  
 „natura. Quicquid Platonici mente depingunt, mentis præcisionem  
 „indicat, verum nihil. Quod ut clarius percipias, fac te pedem  
 „in pulvere constituere, habebis, credo, vestigium æternum: Ec-  
 „quando? sed jam peto ad te, ne tempore prius cogites. Aristoteles  
 „sine circuitione edixit: mundum esse æternum: quod Plato sæpe  
 „sub mentis præcisionibus occultavit suis. Alcinoos rotunde cap.  
 „XIV. ὅταν δὲ λέγῃ γεννητὸν εἶναι τὸν κόσμον, ἢ καὶ ἄλλως ἀμαρτάνων, αὐτὰ ὡς  
 „ἔντοσ ποτε χρόνῳ ἐν ᾧ ἔχῃ ἦν κόσμος. ἀλλὰ διότι αἰεὶ ἐν γένεσσι ἐστὶ, καὶ ἐπι-  
 „φαίνει τῆς αὐτῆς ὑπόστασεως ἀρχικιότερον τὴν αἰτίαν. Καὶ τὴν ψυχὴν δὲ αἰεὶ  
 „ἔσαν τὰ κοσμοὺς ἔχει ποιεῖν ὁ Θεὸς, ἀλλὰ κατὰ κόσμῳ. Cum vero geni-  
 „tum vult esse mundum, non hoc eum voluisse putandum est; ut  
 „tempus fuerit aliquod, quo mundus non esset: verum quia semper  
 „in generatione persistit, essentiaque suæ præstantiorem aliquam ma-  
 „gisque principalem esse causam indicat. Anima præterea mundi,  
 „quæ semper fuit, non efficitur a Deo sed ornatur tantum. Simi-  
 „liter Apulejus Lib. 1. dog. Plat. mentem Magistrum pandit: Et hunc  
 „quidem mundum nunc sine initio esse dicit: alias originem habere,  
 „natumque esse. Nullum autem ejus exordium atque initium esse,  
 „ideo, quod semper fuerit: nativum vero videri, quod ex his totius  
 „natura & substantia constet, quæ nascendi sortita sint qualitatem.  
 „Ex quo apposite colligitur, quam parumtribuendum sit argumen-  
 „to eorum, qui quod Plato mundum γεννητὸν dixit, eundem in tem-  
 „pore fuisse factum contendunt. Ita Cl. Gundling post Baylium  
 „continuat, des pensées diverses. pag. 346. Ad hæc sequentia noto 1.  
 „est, materiam ab æterno cum Deo conjunctam fuisse, falsum esse, su-  
 „pra nisi fallor abunde ostendimus, nec Auctoritas Gassendi summi  
 „alias Philosophi, evidentissimis rationibus & testimoniis destituta,  
 „nos multum moratur. 2. Nec Apulejo & Alcinoos a Platonis genuina  
 „sententia recedentibus fidem habemus. Novimus Plotinum, Taurum,  
 „Porphyrium, cum Aristotelis argumenta pro mundi eternitate solvere non  
 „possent, nec sateri tamen vellent, rectius Aristotelem sensisse, quam Plato-  
 „nem, commentos esse rationem (verba sunt G. Vossii de Sectis Philosoph. cap.  
 „12. p. m. 70.) qua ambo viderentur idem sensisse. Ajunt enim, Plato-  
 „nem, cum mundum ait genitum, non loqui de mundo genito secundum  
 „principium temporis, quomodo Platonem accepere Aristoteles &c., sed de

principio secundum causam : ut sic mundus a Deo dicatur , uti lumen est a sole. Haëtenus *Vossius*. Idem observavit *Stillingfleet*. Orig. Sac. Lib. 3. cap. 2. pag. m. 868. Eleganti similitudine eorum mentem expressit Augustinus de Civit. D. Lib. X. cap. 31. Sicut enim inquit Platonici, si pes ex eternitate semper fuisset in pulvere , semper ei subesset vestigium : quod tamen vestigium a calcante factum nemo dubitaret. Nec alterum altero prius esset , quamvis alterum ab altero factum esset : Sic inquit *Ἔ* mundus atque in illo Dii creati *Ἔ* semper fuerunt ; semper existente qui fecit , *Ἔ* tamen facti sunt. Sed in ea fuisse sententia ipsum Platonem , probari vellem ; non solum enim Deus Platoni dicitur : Ο ποιητής καὶ πατήρ τῶ πάντος , sed & in specie de Republ. Lib. X. Ὁ γὰρ , ἄρᾶν , καὶ Θεός , καὶ πάντα τὰ ἐν ἄρᾳ , καὶ τὰ ἐν αἰδῷ , καὶ ὑπο γῆς ἅπαντα ἐργασάμενος. Clare autem mentem Platonis perspicimus , si attendimus ad ea , quæ de tempore dixit. Observavimus supra Platonem in *Timæo* plerumque secutum cogitata *Timæi* Locri. Is autem pag. 111. sq. ita de hac materia rationatur , χρόνῳ δὲ τὰ μερῶ , τῶς δὲ τὰς περιόδους λέγοντι , αἷς ἐκοσμήσεν ὁ Θεός συν κόσμῳ . ἃ γὰρ ἦν προ κόσμῳ ἄστρα . διόπερ ἃδ' ἐνιαυτός ἃδ' ὥραν περιόδοι , αἷς μετρεῖται ὁ γεννατός κόσμος (alii χρόνος). αὗτος . εἰκὼν δὲ ἐστὶ τῷ ἀγεννατῷ χρόνῳ ἐν αἰῶνα ποταγοευσόμες . ὡς γὰρ ποτ' αἰδίων παραδειγμα τὸν ἰδανικὸν κόσμον ὁδὲ ὥραν ἐγενναθῇ , αὗτος ὡς πρὸς παραδειγμα τῶν αἰῶνα ὁδὲ χρόνος συν κόσμῳ ἐγαμμεργεθῇ , i. e. sunt vero hæ temporis partes , quas circuitus vocant. Deus autem tempus cum ipso mundo ordinavit. Non enim erant astra ante tempus : neque proinde annus , neque anni tempestates certis circuitibus distinctæ , quibus genitum hoc tempus definitur. Est autem tempus ingeniti temporis imago , quod eternitatem vocamus. Quemadmodum enim hæc Universitas ad intelligibilis mundi Exemplar creata est ; ita *Ἔ* hoc tempus ad eternitatem , veluti ad Exemplar quoddam , cum mundo ab Opifice fuit constitutum. Clare satis hic *Timæus* astra simul cum tempore exorta esse ait , item tempus ad eternitatem ab Opifice fuisse constitutum. At in eandem sententiam concedit Plato in *Timæo*. p. 711. vers. Ficini. Dies porro , ait Plato , *Ἔ* noctes *Ἔ* menses *Ἔ* annos , qui ante cælum non erant , tunc nascente mundo nasci iussit , quæ omnia temporis partes sunt. Atqui erat *Ἔ* erit , quæ nati temporis species sunt , non recte eternæ substantiæ assignamus. Dicimus enim de illa est , erat , *Ἔ* erit. Sed illi revera solum esse competit. Et in sq. Tempus vero una cum cælo factum est , ut , una orta , una etiam dissolvantur , si qua his solutio unquam contigerit. *Ἔ* ad exemplar eternæ naturæ ideo factum , ut mundus hic illi præstantiori quoad

potest

*poteſt ſimillimus ſit.* Et hæc ſane ſententia cum reliquis dogmatibus *Platonis* amice conſpirat. Docet enim, materiam primo fuiſſe ἀμορφον καὶ ἀόργανον : docet ad exemplar æternum factam : argumentatur ab ordine rerum ad demonſtrandam Entis ſapientiſſimi exiſtentiam & Providentiam, æternitatem ſoli Deo competentem ſolenter diſtinguit a tempore. Quæ omnia mea opinione ſatis teſtantur, mundum ex mente *Platonis* non ab æterno ortum. Scio Cl. Virum cum *Baylio* ad præciſionem aliquam mentis confugere, ſed demonſtrandum prius eſt clariffimis teſtimoniis, ſententiam *Platonis* de hoc negotio ita eſſe comparatam, ut ſine ſuppoſita quadam mentis abſtractione intelligi non poſſit. 3. Quod ſi vel maxime Cl. viro concederemus, *Platonem* credidiſſe mundum ab æterno ortum, nondum tamen inde ſequeretur, *Platonem* Atheum eſſe. Aliud enim eſt adſerere mundum ab æterno per ſe exitiſſe, aliud mundum ab æterno voluntate & omnipotentia Entis Intelligentis exortum. Qui prius defendunt ſine dubio Athei ſunt, non item qui poſterius ; concedunt enim cauſam aliquam æternam eamque ſapientiſſimam mundi, licet ſimul ſtatuant eandem ab æterno mundum produxiſſe. Obſervavit hoc ante me Erudiſſimus, *Clarkius*, Vir hac in parte nemini ſuſpectus, in *demonſtrat. Exiſt. D. & R. Chriſt.* pag. 45. Tom. I. *Je conviens*, ait ille, *que l'opinion de l'éternité du monde eſt incompatible avec le ſentiment commun : cependant puis-que les deſenſeurs de cette opinion ne l'ont cru incompatible avec la croyance d'un Etre éternel, tout puiſſant & tout ſage, Auteur & Createur de l'Univers : & puis-que les argumens, dont ils ſe ſont ſervis pour défendre leur ſentiment, ſont beaucoup plus propres à renverſer l'exiſtence neceſſaire & l'indépendance du monde matériel, qu'à l'établir, qu'y a-t-il de plus injuſte & de plus deraifonnable que la prétention de nos Athées modernes, qu ſe parent de l'Autorité de ces Auteurs anciens, & qui les alleguent, comme ayant été de leur parti ? Qui ne voit en effet, que c'eſt en vain qu'ils allegueront ce que ces Anciens ont dit de l'éternité du monde, tandis qu'ils ne pourront pas faire voir, qu'ils ont auſſi nié l'exiſtence & le pouvoir ſuprême d'un intelligence éternelle ?* Ita *Clarkius*, quo nemo majori argumentorum pondere Atheiſmum ſubvertit.

XV. Pergit Cl. Vir pag. 13. ſeq. „ Scio quid impulerit pleros-  
 „ que ut de Ὁμολογία *Platonis* tam benigne ſentirent. Deprehende-  
 „ runt illi, multum de ſapientia, idea atque artificio, quod in mundo  
 „ apparet, diſſeruiſſe Magiſtrum. Inde conjecerunt, habere ejus mun-  
 „ dum Δημιουργον externum, magna ſapientia conſpicuum. Verum ob-

„ servavit jam doctissimus Vitrिंगa, non esse mundi Opificem a men-  
 „ te Dei diversum. Idem qui nunc Opifex, nunc itidem mens dici-  
 „ tur: addit porro, nec mentem esse reapse a mundi anima distinctam,  
 „ sed logica tantum præcisione concipi ut separatam: perinde ac quo-  
 „ tidie voluntatem & intellectum tanquam res separatas consideramus,  
 „ quamvis una mens sit, quæ intelligat atque velit. Hinc Plato eam  
 „ animum Spiritumque dixit, qui cum mente idem est. Distinctio  
 „ quæ hic occurrit, iterum commentitia videtur. Vocatur *νῆς*, cum  
 „ intelligit, exequitur, quemadmodum igitur voluntas sine corporis  
 „ interventu cerni non potest, ita anima mundi, cui propriam *ὑπόστασιν*  
 „ adjecit, nonnisi mentis & summi Dei Spiritus est, diffusus & extensus  
 „ per Universum, sicuti materia Cartesii subtilis. Quibus constitutis  
 „ consequitur sane, ut Deus Platonis, Universum, materia, mens,  
 „ anima, mundus, unius rei diversæ tantum denominationes videan-  
 „ tur. Quod ne a me credatur confictum, Plutarchum cito, qui in  
 „ libro de procreatione animæ nobiscum egregie consentit. *Ὁμαλως*  
 „ *δὲ πάντες ἔτι χρόνῳ μὲν οἰοῦνται τὴν ψυχὴν μὴ γεγενῆσθαι μηδὲ εἶναι γεν-*  
 „ *νητὴν, πλείονας δὲ δυνάμεις ἔχειν, εἰς αἷς ἀναλύνοντα θεωρίας ἐνεκα τὴν*  
 „ *ἔσται αὐτῆς λόγῳ τὸν Πλάτωνα γινόμενῃ ὑποπθεῖσθαι καὶ συγκεραντῦμε-*  
 „ *νῃ. Τα δὲ αὐτὰ καὶ περὶ τῆ κοσμοῦ διανοημένον ἐπιστάθαι μὲν αἰδίου*  
 „ *ὄντα καὶ ἀγενήτων. Το δὲ ὡ τρόπῳ συντετακταὶ καὶ διοικεῖται καταμα-*  
 „ *θεῖν ἑξ ἑαδίου ἐρῶντα τοῖς μητὲ γενεῖν αὐτῆς, μηδὲ τῶν γεννητικῶν συνοδόν*  
 „ *ἐξ ἀρχῆς προυποθεμένοις ταυτὴν τὴν ὁδὸν τραπεῖσθαι.* h. e. Isti omnes  
 „ æque ita sentiunt, animam tempore non esse ortam, neque originem  
 „ competere in eam: sed pluribus esse præditam facultatibus, in quas  
 „ eam Plato contemplationis gratia dissolvens, ponat natam esse &  
 „ commixtam. Eademque illum de mundo etiam sensisse: quem cum  
 „ sciret esse æternum & nunquam ortum, videret autem difficulter  
 „ considerari, quomodo compositus esset & gubernaretur, nisi quis  
 „ ortum ejus & causarum ipsum conficientium congressionem ab ini-  
 „ tio posuisset: isti vix ac rationi instituisse. Ita Cl. Gundling.

Ostendere vult Cl. Vir, Deum Platonis, Universum, materiam,  
 mentem, animam, mundum, unam eandemque rem esse, nonnisi di-  
 versis adpellationibus distinctam; & ad hoc probandum ad *Vitrिंगam*  
 & *Plutarchum* provocat. Probare hoc loco nolumus, universum &  
 materiam a Deo distinctum esse, probavimus enim hoc supra, nec  
 ullum testimonium manifestum hætenus a Cl. Viro allatum est, quo  
 constet, materiam aut ex essentia Dei emanasse, aut insolubili vinculo  
 cum

cum eo connexum, nedum uti Deus ipse corpus aliquod subtilissimum sit, adeo ut conclusio Cl. Viri non possit non vacillare. Hisce notatis tria ostendemus, *primum est*: hypothesein Cl. *Vitringæ*, si vel maxime certa effet, nihil tamen ad stabiliendam sententiam Cl. Viri facere. *Secundum*: animam illam mundi revera a Deo Opifice omnium rerum distinctam, 3. testimonium *Plutarchi* minus recte ad propositum trahi. Quod primum attinet, verum est, Cl. Theologum *Ἰωάννην τὸν ἀγιοῦ*, *Vitringam* existimasse, sententiam *Suaverii* de trinitate Platonica; qua statuit, *Platonem* designare voluisse tres excellentiores illius proprietates, quæ in Creatione hujus Universi eluxere, bonitatem nimirum, sapientiam & potentiam ejus, a vero haud abhorre. Legi diligenter libellum *Suaverii*, sed invictis rationibus & testimoniis e *Platone* petitis sententiam hanc munitam esse, perspicere haud potui. Ponamus tamen veram esse hanc sententiam, sequetur omnia, quæ de anima mundi dicuntur, convenienter huic sententiæ explicanda & interpretanda esse. Deus, quatenus ut Opifex omnium rerum consideratur, bonitate sua ex mente *Platonis*, ad exornandum hoc universum commotus est. Idem Universum, ad sapientissimos fines dirigit & tandem potentia sua omnibus, maximis & minimis non solum prospicit, sed & operatur efficacissime; quæcunque igitur de operationibus animæ mundi in hoc universo dicuntur, secundum hanc sententiam mollius explicari deberent: dicitur exempli gr. animam mundi materiæ infusam. Quod hac stantē hypothesi *Suaverii* aliter explicari non potest; quam Deum potentia sua infinita & imperscrutabili materiæ massam singulis momentis conservare, conservatam movere & fecundare. Solemus enim & nos phrasas, quæ prima specie duriores videntur, ex. gr. Deum in nobis habitare, nos in Deo esse, vivere, moveri &c. nonnisi de variis Dei in regno Naturæ & Gratiæ operationibus intelligere, tantum igitur abest, ut hoc Systema sententiæ Cl. Viri patrocinetur, uti potius eandem destruat. Erit enim Deus a materia distinctus & a mundo. Materia est æterna. Sed Deus eam exornat, dirigit, movet, quæ ab opinione *Spinozæ*, prorsus abhorrent. Sed conclusio Cl. Viri plane alia est. Nimirum supponit, hanc animam mundi materiam esse subtilissimam, eandemque cum Rectore Universi & *λογω* efficere unam substantiam. Sed unde hoc probat Cl. Vir? Certe si anima mundi nonnisi potentiam Dei denotat, actum est de materia subtilissima. Si vero anima mundi nonnisi subtilissima materia est, e diametro pugnat cum systemate *Suaverii*. Imo

argu-

argumentum Cl. Viri plus probat, quam probandum erat, & ideo nihil probat: probaret enim in Systemate *Platonis* plane nullas substantias intelligentes locum habere posse. Materia enim, si ei credimus, ex essentia Dei expulsa fuit, anima mundi subtilissima est materia, eademque cum primo & secundo principio unicam conficit substantiam. Ergo omnia quæ existunt, nonnisi corpora erunt. Quæ sententia clarissimis testimoniis Veterum repugnat. Cl. Vir diversas sententias tanquam concessas & rite probatas adsumit, & inde argumentatur, neglectis testimoniis clarissimis, quæ hic quam maxime exhibenda essent. Probandum est, animam mundi nonnisi materiam subtilissimam: probandum primum & secundum principium, ab anima mundinon distinctum: probandum primum & secundum *Platonis* principium, nonnisi materiam esse subtilem; sed nolumus hinc diutius inhaerere: Probabimus tantum *secundo loco* animam mundi ex mente *Platonis* substantiam esse a Deo diversam. Supra jam Sect. 13. adduximus clarissimum locum *Timæi Locri*, ex quo patet eandem Rectoris omnium rerum arbitrio subiectam & a Deo distinctam esse. Idem jam ex *Platone* ipso ostendemus. In *Timæo* pag. 478. ita loquitur *Plato*: ἄτος δὲ πᾶς ὄντως αἰεὶ λογισμὸς Θεοῦ, περὶ τὸν ποτε ἴσμεν ἔσθαι Θεὸν λογιζομέναις, λεῖον καὶ ὁμαλὸν, πανταχὴ τε ἐκ μέσων ἴσων καὶ ὅλων καὶ, τελεῶν ἐκ ἰσέλων σιματων, σωμα ἐποχῶς. Ψυχὴ δὲ εἰς τὸ μέσον αὐτῆς θείας, διὰ παντός δὲ ἔπειρος, καὶ ἐπὶ ἔξω τοῦ σώματος αὐτῆς περιεκαλυψέ &c. paucis interjectis. Διὰ πάντα δὲ ταῦτα, εὐδαιμονα Θεὸν αὐτὸν ἐγεννησατο. Τὴν δὲ δὴ ψυχὴν, ἃς ὡς νῦν ὑπεραν ἐπιχειροῦμεν λεγόν, ὅπως ἐμυχανησατο καὶ ὁ Θεὸς νεώτεραν. Pag. 470. denuo similem in modum. Postquam, ait, secundum Creatoris illius mentem tota anime constitutio absoluta fuit; mox omne corporeum intra ipsam effinxit, mediumque mediæ accommodans apto modulamine copulavit. At illa a medio per omne usque ad cæli extrema se porrigens, eique extrinsecus circumfusa, seque in se ipsa convertens, ita sempiternæ sapientisque vite in universum tempus divinum dedit exordium. Et corpus quidem cæli spectabile factum est, anima vero oculorum effugit obtutum, rationis & modulaminis compos ab auctore suo omnium, quæ semper sunt, & ad intelligentiam pertinent, optimo, ipsa quoque optima omnium, quæ genita sunt, effecta. Et postea hæc addit. Cum igitur hoc a se factum sempiternorum Deorum pulchrum simulacrum moveri & vivere Pater ille qui genuit, animadverteret, delectatus est opere, & hac ductus letitia opus suo multo etiam magis primo illi Exemplari simile reddere cogitavit. Ex quibus mea opinione satis apparet, ani-

ani-



animam illam mundi a Deo Autore omnium diversam, Imperioque ejus subditam esse, nihilque aliud esse, quam vim quandam omnia vegetantem, Naturæ Plasticæ, quam Cl. quidam Viri finxerunt, similem, quamque eleganter descripsit Virgil. *Æn.* 6to. Sed (quod ultimo loco nos probaturos diximus) nec locus *Plutarchi* Cl. virum juvat. *Plutarchus* initio hujus dissertationis verba *Platonis* de anima mundi & diversa ejus commixtione adfert, addit interpretes in diversa abire. Profert sententias duorum præstantissimorum Philosophorum *Xenocratis* & *Crantoris Solensis*, illum dixisse animum numerum esse se ipsum moventem, hanc animam misceri e duabus naturis, quarum altera mente cernatur, alia opinabilis sit, & sensibus inhærens: postquam mentem eorum clarius proposuisset, sequuntur verba citata a Cl. Viro. Sed statim ipse addit refutationem dicendo: Ἐμοὶ δὲ δοκεῖσι τῆς Πλατωνος ἀμφοτέροι διαμαρτυρεῖν δοξῆς εἰ κανὸν τῷ πιθανῷ χρῆσιν, ἢ ἰδίῃ δογματὰ περαινόμεναι, ἢ ἡ ἐκείνῳ π βυλομέναις λέγειν ὁμολογούμενον. i. e. *Mibi si probabilitas pro regula judicandi sit habenda, utrique videntur ab opinione Platonis aberrasse; Si non propria placita concinnare, sed consentientia Platonis sententia dicere sit propositum.* In sequentibus postea pluribus sententiam suam proponit & tueri nititur, de qua quid sentiendum sit, nolumus hic differere, sufficiat nobis, verba a Cl. viro citata a mente *Plutarchi* aliena esse. „Pergit Cl. Vir: Iterum atque „iterum moneo, Creationem Platonis non esse creationem ex nihilo, „sed ad summum emanationem. In quo apposite nobis subveniunt, „qui ideam a Dei intellectu non putant disjungi. Ita enim primum „& secundum principium coincidunt. Idea vero nonnisi attributum „supremi principii erit: etsi Plato de ea tanquam persona separata loquitur. Quocunque Te convertas, trinitas ejus aut monstrum evadet, aut nominalis tantum trinitas dicetur: fac enim ideam a primo „Ente diversam, tum omnes ideæ reliquæ ab idea & exemplo emanantes separatim existent: quod Aristoteles objecit Magistro & absurditatem continet. Quod si autem ideam ut attributum, exprimens sapientiam Dei, mente depingas, non duo sed unum principium habebis. Tantum dubitatur sit ne mundi anima a Deo & mente diversa? Ego non dubito, quin anima mundi sit ὁμοσιος Patri rerum omnium, vel sit etiam alterum ejus attributum potentiam indicans. Si prius, mundus erit divinus aut tertius Deus. Sin posterior, non terna habebis principia, sed unum connexum cum materia, eique implicatum aut commistum. De mixtione ipse Plato

11 in Timæo verba facit : 'Ο δὲ γενεσεν αἰτ , καὶ ἀρετὴ προτερὰν καὶ πρεσ-  
 12 βυτεράν ψυχὴν σωματός , ὡς δεσπότην καὶ ἀρχεσάν ἀρχομένην , συνεστήσα-  
 13 το , ἐκ τῶν δὲ καὶ τοιούτῳ τρόπῳ . Τῆς ἀμερείας καὶ αἱ κατὰ ἴαυτα ἔχουσης  
 14 ἁπλῆς , καὶ τῆς αὐτῇ περὶ τὰ σώματα γιγνομένης μερίδος τρίτον , ἐξ ἀμφοῖν  
 15 ἐν μέσῳ συνεκράσατο ἁπλῆς εἶδος , τῆς τε ἰαύλης φύσεως αὐτῇ περὶ καὶ ἴης τε  
 16 ἔτερε , καὶ κατὰ ἴαύλην ζυνεστήσεν ἐν μέσῳ τε τε ἀμερείας αὐτῶν , καὶ τε κατὰ  
 17 τὰ σώματα μερίδος . Καὶ τρεῖς λαβὼν αὐτὰ τὰ ὄντα συνεκράσατο εἰς μίαν  
 18 πάντα ἰδεάν , τὴν θαίρεται φύσιν συσμίχλον ἔσσαν εἰς ἴαυτο ζυναρμοττων βίαν .  
 19 Ille vero & generatione & virtute priorem animam corpore , quasi  
 20 Dominam & imperatorem parenti constituit , ex his videlicet atque  
 21 hoc modo . Ex substantia individua & quæ semper eadem ratione  
 22 se habet , & ea rursus quæ in corporibus dividua est , tertiam ex am-  
 23 babus mediam commiscuit , substantiæ speciem , quæ esset ejusdem  
 24 naturæ & alterius : eamque sic mediam constituit , inter eam illa-  
 25 rum , quæ individua est & eam quæ in corporibus est dividua . Cum-  
 26 que tria sumisset quæ erant , omnia miscuit in unam speciem , ejus ,  
 27 quod alterum diximus , naturam vix miscendam , cum eo , quod idem  
 28 dicitur vi conjungens . Respondeo 1. materiam ex Deo emanasse  
 secundum sententiam *Platonis* hæcenus equidem supponitur , sed non  
 probatur . 2. Utrum λόγος , idea , aliquid sit a Deo distincti , vel  
 Deus ipse , quatenus , uti moderni loquuntur , Deus vel sic vel aliter  
 cogitat , jam equidem definire nolim : stant ab utraque parte Viri Do-  
 ctissimi ; prius defendunt *Aristoteles* , *Plutarchus* , *Philoponus* , *Plotinus* ,  
*Petavius* alique : posterius *Proclus* , *Seneca* , *Cicero* , *Augustinus* , *Vossius* ,  
*Galeus* , Sc. *Agnellus* &c. Supponamus autem cum Cl. Viro , ideam  
 illam seu λόγον nonnisi attributum Dei esse , nondum tamen vel mon-  
 strosam , vel nominalem tantum esse perspicimus Trinitatem . Suppo-  
 namus *Platonem* dixisse ideas rerum omnium esse in Deo & quidem a  
 Deo ipso , tanquam singulares quasdam substantias , distinctas ; num  
 adeo monstruosa est hæc suppositio ? Mea opinione ignoramus prorsus ,  
 quid sint ideæ , nedum , uti qua ratione in Deo esse possint , definire  
 possimus . Forte illi , qui ideas nonnisi modificationes essentia Dei  
 esse dicunt , non minoribus difficultatibus urgentur , quam illi , qui  
 easdem immutabiles quasdam & a Deo ipso distinctas substantias esse ,  
 defendunt . Saltem ego non intelligo , quomodo essentia divina mo-  
 dificari possit , uti idea arboris , piscis , domus &c. oriatur . Quod si  
 autem λόγος ille , seu idea attributum Dei est , nondum tamen nomi-  
 nalis tantum est . Præsto enim est anima mundi , quam ob vim ,  
 quam

quam in hoc universo exerit, *Plato* uti *Θεν* 71 consideravit. 3. Clarissimus Vir non dubitat, quin anima mundi sit Patri rerum omnium *ὁμοιος*, vel alterum ejus attributum. Supra, eam esse substantiam Elemento Cartesii primo simillimam esse dixit, jam autem vel Rectori universi *ὁμοιος* esse statuit, vel attributum tantum ejus, adeo, ut, cui sententiae album calculum adjiciat, ignorem. Sed sit ita, intelligatur per animam mundi, substantia Deo *ὁμοιος*, quid inde? tum mundus, inquit Cl. Vir, aut erit tertius Deus aut divinus. Utrumque sensu *Platonis* dici potest. Mundum vocat in *Timeo*, ut supra adducta loca testantur: *γεννητον Θεον*, qui tamen a Deo ipso Rectore omnium rerum distinctissimus est; quod si & anima mundi *ὁμοιος* Deo sit, quis non videt *Platonem* eo ipso a systemate *Spinoza* longissime recedere? Divinus etiam mundus dici potest, quatenus materiam, divina sapientia in ordinem digessit Parens omnium rerum. Quod si ab altera parte ponamus, animam illam mundi attributum Dei esse, nondum sequitur, Deum cum materia connexum aut commixtum esse, nisi clarissime, in quo illa commixtio consistat, definiatur. Supra nisi fallor argumentis haud contemnendis ostendimus, Deum cum materia ineluctabili quodam vinculo connexum haud esse, quod si igitur anima illa mundi ipse Deus erit, sequetur eandem cum materia minime connexam & copulatam haud esse. Provocat Cl. Vir ad locum *Timæi*, sed qui revera non id probat, quod probandum erat. Probandum est, Animam mundi esse ipsum Deum, eamque insolubili vinculo materiae alligatam. *Plato* autem hic de anima mundi quidem loquitur ejusdemque cum materia copulatione: sed eam ab universitatis rerum omnium Parente apertissime distinguit, quod Superioribus Sectionibus adductis locis probavimus; imo nullum vestigium hic adest, quo probari possit, animam mundi aut Deo *ὁμοιον*, aut Deum ipsum esse; apertissime a mundo & Rectore omnium distinguitur illa anima & imperio Dei subijcitur. Præterea omnes, qui *Platonis* cogitata de anima illa mundi evolvunt, færebuntur, adeo perplexa ea esse, ut, quid sibi voluerit, explicatu, si non impossibile, saltem difficillimum sit. Ex principio autem vel propositione obscura, perspicuæ argumentationes elici non possunt; hoc videmus, animam illam mundi ex corpore, mente & tertia quadam substantia temperatam esse. Forsan quis cum *Cicerone*, *Epicurum* refellente dicet, quid sit mens, quid sit corpus scio, quid autem compositum illud ex tribus illis nominatis, nescio, Respondeo, quod simili occasione Cl. *Werenfelsius*,

Kkkkk 2

ater-

*æternum Helvetiæ nostræ Decus* reposuit objicientibus, atomum vel corpus esse vel mentem, nimirum atomum nec mentem esse, nec corpus, sed atomum. Similiter ego dico, animam illam mundi *Platonis* non corpus esse, non mentem, sed animam mundi, id est, aliquid quod ipse ignoravit. Præstitisset, si de iis, quæ ignoravit, locutus non fuisset. Sed aptius erat illius ingenium ad fragmenta cerebri proferenda, quam perspicua ratiocinatione veritatem in lucem proferendam. Sufficit interim nobis animam illam mundi a Deo ipso distinctam esse ex mente *Platonis*, cujus tamen contrarium hæcenus supposuit Cl. Vir.

XVI. Cl. Vir pag. 18. & seq. *Cudworthum* refellit, qui post *Proclum* duplicem animam mundi statuerat. Ejus opinionem tueri nolo, quamvis, si veterum testimoniis probari posset existentia duplicis illius animæ, non adeo in angustias conjectum putem *Cudworthum*, uti quidem existimat Cl. *Gundling*. Pag. 19. manet in ea, quam tuendam suscepit sententia, nimirum animam mundi esse ipsum Deum, hunc autem, cum materia confusum, mixtumque esse. Pluribus autem hoc refutare nolumus, partim, quod in antecedentibus satis hoc prælitum, partim, quod nullis testimoniis Veterum munita sit illa objectio. „Posterius (verba sunt Cl. Viri) incipias ire nemo poterit, qui *Platonis* *Timæum* legit & mixturam observans simul deprehendit, eum „arithmeticas nescio quas rationes excogitasse, secundum quas individuum, dividuum, materia vel vere, vel per mentis præcisionem „sint permixta. Ex quo prona tandem consequentia fluet, mundum „esse Deum, quem a *Platonis* & eorum Magistro tali appellari nomine exploratum est. Audiamus *Ciceronem* Lib. 1. de Nat. D. „cap. XII. Jam de *Platonis*, ait, inconstantia longum est dicere, „qui in *Timæo*, Patrem hujus mundi nominari negat posse, in legum „autem libris quid sit omnino Deus, inquiri oportere non censet. „Quod vero sine corpore ullo Deum vult esse uti græci dicunt *ἀσώματον* : id quale esse possit intelligi non potest; careat enim sensu „necesse est, careat prudentia, careat voluptate; quæ omnia una cum „Deorum notione comprehendimus. Idem & in *Timæo* dicit & in „legibus & mundum Deum esse, & cælum & astra & terram & animos & eos quos majorum institutis accepimus: quæ & per se sunt „falsa perspicue & inter se se vehementer pugnant.„ Diligentissime evolvi *Timæum Platonis*, nec semel, interim tamen eam, quam *Platoni* adscribit Cl. Vir sententiam, inibi detegere non potui: voluissẽm adeo,

adeo, ut quem locum indigitare vellet, monuisset. Observavi quidem animam mundi cum dividuo & individuo mire esse commixtam, sed præterquam quod Cl. Vir lubens fateatur, se verba, seu sensum Platonis non rite perspicere, sermo ibi est de anima mundi, quam a Deo distinctissimam, imo Dei Imperio subiectam, supra jam probavi. Mirum autem est Cl. Virum provocare ad *Ciceronem* Summum Platonis æstimatorem. Minime loco citato loquitur *Cicero*, sed *Vellejus Epicureus*, cujus iudicio si standum sit, *Socrates* etiam Incomparabilis Vir ejusdem erroris reus est. Vide Sect. 31. hujus libri I. D. N. D. imo potius objectiones *Velleji* ad defensionem Platonis faciunt. Audi cum Sect. 18. & seq. ita deblatterantem. Audite, inquit, non commentitias futesque sententias, non Opificem Ædificatoremque mundi Platonis de *Timeo* Deum: nec anum vaticinam, Stoicorum *πρωτοίαν*, quam latine licet Providentiam dicere, neque vero mundum ipsum animo & sensibus præditum, rotundum ardentem volubilem Deum, portenta & miracula non differentium Philosophorum, sed somniantium. Quibus enim oculis intueri potuit vester Plato fabricam illam tanti operis, qua construi a Deo, atque edificari mundum facit? quæ molitio? quæ ferramenta? qui velle? quæ machine? qui ministri tanti muneris fuerunt? quemadmodum autem obedire & parere voluntati Architecti aer, ignis, aqua, terra, potuerunt? Unde vero ortæ ille quinque formæ, ex quibus reliquæ formantur apte cadentes ad animum efficiendum, pariendosque sensus? longum est iter ad omnia, quæ talia sunt, ut optata magis, quam inventa videantur. Ita *Vellejus*, cujus & sequentia legi possunt. Quis non inde videt, revera Platonem & Summum Mundi Rectorem agnovisse, & ineptissimas simul esse objectiones discipuli illius *Epicuri*? Non igitur necesse est, uti de commentario Cl. Viri in verba *Velleji* solliciti sumus: quo sensu Deum *ἀνακτόν* esse dixerit, monuit dudum Cl. *Wolffius* in *Manich.* ante *Manich.* Curiosius non inquiri debere ejus naturam, recte dixit, cum nihil tam præclare de Deo dici possit, quin longissime adhuc ab excellentissima ejus natura remotum sit. In *Sophista* pag. 163. dixit? Ταῖς τῶν πολλῶν ψυχῶν ὁμότητι κατὰ τὴν πρὸς τὸ θεῖον ἀφορμήν αἰδουμένην, vulgarium animorum (addere debuisset sapientissimorum quoque & subtilissimorum) oculi divinitatis radios sustinere non possunt. Cæterum non negamus, Patres primitivæ Ecclesiæ recte inconstantiam Platonis reprehendisse, qui meliora edoctus, id tamen quod publice receptum esset, religionis normam esse debere statuit. In quo sane Religionis christianæ Professorum Excellentiam observamus. Illi enim

nec hostium minis, nec tormentorum æstu, nec sacrificulorum fraudibus a veritate strenue docenda & propaganda, se absterreri patiebantur.

„ Quod Platonis hypothefi (ita pergit pag. 21. Cl. Vir) decus conciliavit, illud est, quod de Deo & anima mundi veluti distinctis Personis loquitur. Eo sermone multos decepit, ut animam mundi ipsumque mundum genitos & supremi Dei opificia crederent. Ipse J. Thomasius, Vir alias longe doctissimus, in has insidias incidit. Sed potuisset is credo olfacere, occultari his sub involucris nonnihil monstri. Neque est fere quisquam, qui ideam, quam Plato sub peculiari hypostasi sistit, tanquam distinctam a supremo Deo contueatur. Quod de idea verum est, etiam de mundi anima verum, esse potest: imprimis si voces colligare, generare, facere, ita interpretemur, ut non tam creationem ex nihilo, quod forte plerique largientur, quam emanationem & continuam quasi atque immanentem elaborationem indicent. Ad hæc sequentia observo. Primum est; decus Platonice philosophiæ olim conciliasse doctrinam de trinitate, quam antiqui Christianæ Religionis Professores, quibusvis fideiculis ad stabiliendum dogma de SS. Trinitate pertrahere voluere, verum est. Sed & magnam eam fecerunt Viri Gravissimi, Cicero, Plutarchus alique magno numero. Quanti eam fecerit Illustris Leibnizius, æternum literati Orbis Ornamentum, passim ex opusculis ejus, præsertim Epistola ad doctissimum Hantschium data patet. Quamvis enim in illa multa sint *metewæ*, errores, figmenta multa, tamen etiam lectu longe dignissima. Fatemur interim nimios Platonis æstimatores, nobis quam maxime displicere. Vix sine risu aut indignatione legi possunt verba, Viri haud indocti, A. Dacerii quæ pag. 190. de doctrina Platonis protulit, dicentis: *Reconnoissons que Platon n'a pas seulement vû tout ce que la raison naturelle a pu découvrir de Dieu à un Philosophe, mais qu'il a été éclairé par une raison surnaturelle. Comme il avoit été instruit dans les livres des Hébreux, dans ceux des Prophètes, & dans les traditions des Egyptiens, il s'est trouvé favorablement disposé à recevoir les semences de ces vérités éternelles, & il a été aidé par la Grace, puisque S. Augustin assure, que Jésus Christ les lui avoit révélées.* Jacobum Thomasius (quod secundo loco observo) Virum sine controversia historiæ philosophicæ peritissimum, deceptum esse in explicanda doctrina Platonis circa ea quæ hic monnet Cl. Vir, nondum argumentis probatum esse perspexi; adfert ille clarissima loca, quibus probatur, Deum a materia distinctum, liber-

sime

rime tamen ad eam exornandam se se accinxisse. Hæc loca, qua ratione subverti, aut in alium sensum trahi possint, minime video. Mera Cl. Viri suppositio est, materiam ex Deo emanasse, tria illa principia *Platonis* nonnisi abstractione quadam mentis distincta esse, & denique Deum cum mundo ipso confusum & commixtum. Unde ergo fraudem olfacere potuerit *Thomafius*, ignoro. 3. Paucos esse, qui ideam illam Dei, pro principio a Deo distincto habeant, falsum esse exemplorum inductione probavi: nec sane nullis illi argumentis nituntur, quod Tu, *Eruditissime Brukere*, in historia philosoph. de ideis abunde ostendisti. Sed concedamus Cl. Viro, ideam illam ab ipso Deo non esse distinctam, num inde sequitur, ergo nec animam mundi a Deo distinctam? quod de idea verum est, inquit Cl. Vir, etiam de mundi anima verum esse potest; sed a posse ad esse, uti in scholis loquimur, nullam esse consequentiam, me non monente, pulchre novit doctissimus Vir. Denique quod phrasen quasdam *Platonis* attinet, dudum monuit Vir summus *J. Clericus Artis Crit. P. II. Sect. I. cap. XV.* passim in *Timæo Platonis* confundi voces γεννησαι, ποιησαι, τελευτῆσαι, μηχανησαι, δημιουργησαι, ἀπεργαζεν &c. adeo ut vi phrasium potius creationem e nihilo inde eliceremus, quam emanationem ex essentia Dei, nisi clarissima argumenta & testimonia confirmarent, *Platonem* materiam æternam credidisse. Ratiocinandum ergo est non ex hac vel illa phrasi seorsim sumpta, sed totius ratiocinationis nexu & universa facie philosophiæ *Platoniciæ*.

Pag. 22. Cl. Auctor nihil aliud agit, quam ut ostendat posita emanatione materiæ ex Deo, summas oriri difficultates. Quod minime negamus: Hoc tantum adstruimus, argumentis & testimoniis probari haud posse, eam omnium rerum a Deo emanationem, in *Systemate Platonis* locum habere. Pergit tamen pag. 23. „Unde elucet quoque, ait, non esse adeo absurdam *Plutarchi* opinionem, qui materiæ peculiarem animam adscripsit: Utut *J. Ch. Wolfius* in *Manich.* ante *Manich.* confutare *Plutarchum* satagit. Primum falsum, quod pace *Eruditissimi Viri* dixerim, in eo latet, quod materiam *Platonis* per se consistere credit: cum tamen, uti demonstratum est, ex ipso Deo profluxerit. Jam vero quod semel divinum est, divinum manet. In Deo *Platonis* Vis actiua est: hæc ab eo separari nequit. Quo ipso concidit idea, quam finxit *Professor Cl.* quasi materiam in se actuosam crediderit, uti quidam recentiores contendunt. Neque enim necesse est, ut eo se se recipiat. Retulit illa actuosum ejus „gene-

„generis principium e Sinu Parentis. Cui non obest, consequi hac  
 „ratione, ut contrarias inde facultates retulisse, vel accepisse dicenda  
 „sit: est enim id familiare Atheis, ut contraria & repugnantia admit-  
 „tant „ Cl. *Wolffius* asserentem materiam ex mente *Platonis* ab  
 æterno per se substituisse, falsum esse, nullo argumento probat Cl. Vir.  
 Attulit ille clarissima loca, quibus firmiter illa sententia probetur, re-  
 cte quin etiam mea opinione refutavit *Plutarchum* adserentem *Plato-*  
*nem* animam quandam statuisse, quæ materiam, antequam Deus ma-  
 nus operi admoveret, agitare; neque enim hæc opinio, vel testimo-  
 niis, vel principiis *Platonis* nititur. *Plutarchus* concipere non potuit,  
 qua ratione sine causa externa, materia illa vario & confuso motu agi-  
 tari potuerit, unde statim conclusit, *Platonem* causam externam, ani-  
 mam quandam ei assignasse. Sed infirma est hæc argumentandi ratio.  
*Plato* sibi non constitisset, si animam turbulentæ hujus agitationis cau-  
 sam non supposuisset. Ergo supposuit. Qui enim materiam per se  
 æternam statuere potuit, etiam principium aliquod motus eidem ad-  
 scribere potuit. E contra recte Cl. *Wolffius*, mentem *Platonis* inter-  
 pretatus est. Materia, antequam Deus eam in ordinem redigeret, ex  
 mente *Platonis* confuse mota fuit, nec tamen ex ullo simul loco patet,  
 eundem causam hujus motus, mundi exornationem antecedentis, ani-  
 mam dixisse. Unde necessario, Cl. *Wolffius* concludere debuit, *Plato-*  
*nem* credidisse materiam vi quadam se movendi præditam esse; nihil  
 igitur adfinxit *Platoni*, testimoniis tantum nititur, quibus in explica-  
 tione Veterum insistendum est. At, inquit Cl. *Gundling*, in Deo Vis  
 actiua est. Hæc intelligit Cl. Vir ex mente *Spinoze*, cuius addictum  
 fuisse opinioni *Platonem* existimat. Sed hoc supponit materiam ex  
 Deo emanasse, Deumque *Platonis* constare ex materia quadam subti-  
 lissima, quæ assertiones uti supra probavimus, clarissimis Veterum  
 testimoniis de Philosophia *Platonis* repugnant.

XVII. „Quicquid *Wolffius* (inquit Cl. Vir) ex Aristoclis Mes-  
 „senii apud Eusebium sententia in medium fert, ostendit solum Vi-  
 „rum Cl. *Platonis* Deum pro causa mundi externa ad modum Chri-  
 „stianorum habuisse; utut ipse alias ex Windeto hoc Grotii παρορ-  
 μᾱ detexit. Sane non unum testimonium apud *Eusebium* extat, quod  
 Cl. *Wolffii* opinionem stabilit, ad quæ tamen cur Cl. Vir attendere no-  
 lit causam non video. Nec Cl. *Wolffius* *Platonem* ex mente Christia-  
 norum explicat, dum adserit, Deum tanquam causam externam & li-  
 berissimam, ad exornandam materiam accessisse; apertissime enim ubi-  
 que



que testatur, *Platonem* credidisse materiam per se subsistentis aternitatem, quod minime Christiani profitentur. „Id non stringit, impossibile fuisse Platonis Opificem seu *Δημιουργον* id muneris animæ suæ, ut pervagaretur mundum: & eam vero derivari e mente, ac quod ob servandum probe, a mente nihilominus & Deo distingui. Ego etenim, ut ingenue, quod res est, fatear, non capio distinctionem: solum vocabulum percipio: nonnisi sonos cum Gassendo audio. Nihil me Proclus moratur; nihil testimonia undiquaque conquesta. Habeo segetem testimoniorum in contrarium euntium, quibus tamen non reor utendum, ratiocinatione opus hic est. Adfirmas enim Cl. Wolfi, animam mundi derivari a mente, mentem a Deo, prorsus ac Macrobius mentem Philosophi explicat. Quid derivatur quæso? Deus a Deo, divinum a Divino. An dividitur Deus? Sic erit extensus, partibilis: sic plures Dii sunt coorti: ita astra cælum, mundus, Dii vocantur: quamvis secundi, stilo tuo geniti, subordinati. Subordinatio vero illa nihil veri continet, sed uti in mente duntaxat Platonis, ita in tua est. Nec vinces etsi distinctionem, quam semel mente depinxisti retines. Ratum enim existimamus fixumque, id quod semel Deus fuit, manere Deum.,, Ad hæc sequentia repono. 1. Certum est, recentiores Platonicos adseruisse animam mundi ex mente *Platonis* a mente, mentem vero a Deo esse. Sed evidentibus locis e *Platone* desumptis id constare, nondum observare potui. Dicit quidem, animam illam antiquiorem mundo, sed emanasse e mente, non adeo perspicuum est. 2. Non adeo quaeritur, utrum Cl. Vir emanationem illam perspicue intelligat, sed utrum *Plato* eandem crediderit, & utrum posita hac emanatione sequatur, *Platonem* Atheum fuisse. 3. Si Cl. Vir in promptu habet tot testimonia, quibus sententia Cl. Wolfii convellitur, mea opinione bene fecisset, si ea protulisset: nisi enim ratiocinationes de veterum cogitatis, testimoniis roboratæ sunt, vanæ sunt. Quod si tamen testimonia adsunt, quibus sententia Cl. Viri confirmatur, tota controversia de Atheismo *Platonis* *λογωμαχία* erit, & sequetur, nos ignorare omnes, quid *Plato* senserit. 4. Supponamus autem, *Platonem* credidisse animam mundi a mente, mentem a Deo esse: Probavimus supra, Deum ex sententia *Platonis* perfectissimam mentem esse, eundemque Imperium aliquod in animam mundi habere, præterea Deum ad ideam perfectissimam tanquam exemplar aliquod mundum condidisse. Erit igitur Deus non solum a mundo, sed & a mente, & anima mundi distinctus, quod cum

*Spinozae* sententia pugnat : erit illa sententia adeoque erronea, sed non adeo periculosa. At emanationis modus *Cl. Viro* displicet, displicet & nobis. Sed quis tamen probare poterit, in Deo perfectissimo non posse esse substantias quasdam intelligentes Deo minores, nec tamen ad perfectissimam Dei essentiam pertinentes ? num essentiam Dei ejusque naturam adæquate novimus ? *Cl. & Eruditissimus Clericus* ajebat, Deum esse Ens, quod omnium rerum proprietates & corporum, & spirituum, & forte mille aliarum substantiarum, quæ nos latent, in se comprehenderet, ob quam definitionem *Cartesii sequaces* æterbe eum perstrinxerunt. Sed qui rite omnia perpendit, qui norit quam debilis sit nostra de rerum intima essentia, cognitio, ille nemini insultabit. Revera balbutimus tantum de natura Dei, & quid dicam de natura Dei, disputamus de natura mentis nostræ & ad finem seculorum disputabimus, quid mirum ergo, si abyssum perfectionum divinarum ignoramus, si nescimus qua ratione res in Deo esse, nec tamen ad Essentiam ejus pertinere possint. Forsan dicet *Cl. Vir*, hic non de natura Dei disputari, sed quæri, qua ratione imperfectius quid, quale anima mundi ex Deo emanare possit. Quid si concedamus, non minus *Platonem*, quam nos ignorare, num igitur jam probatum est, animam mundi esse partem Dei ? minime crediderim. Probandum est, Deum in infinita sua essentia nihil complecti posse quam quod ad essentiam ejus necessario pertineat, Quis scit, utrum Deus ab æterno voluerit, ut simul in se, modo nobis homuncionibus impervestigabili existant substantiæ quasdam intelligentes, demum suo tempore ex Deo emittendæ, non quidem uti partes Dei emanantes, quibus emissis Deus non minus perfectus esset, quam antea ? Communiter Philosophi omnium rerum ideas in Deo esse ajunt, eas esse æternas & immutabiles, sed tamen modernorum judicio, ab ipso Deo non distinctas. Continebit igitur Deus in se aliquid quod ad perfectissimam ejus Essentiam aliquatenus non pertinet. Deus quidem perfectissime cogitat, agit ; Sed si ideæ illæ sunt aliquid, non nihil, cogitatio Dei quatenus rem imperfectam refert v. gr. triangulum, eo ipso necessario ad Essentiam Dei non pertinebit. Quis enim dicet, Deum æque necessario ab æterno de hujus vel illius atomi productione cogitasse, ac ipsemet æternus est, & naturæ suæ necessitate existit. Si ideæ illæ sunt immediatum contemplationis Dei objectum, in Deo quidem non existentes, Deo tamen tanquam mundus aliquis intelligibilis, conjunctæ, haud facile concipere possumus & quid sint, & quomodo

modo æternæ esse possint, nec tamen ad Essentiam Dei pertinere. Sed juvat exemplo aliquo, quod propius ad rem pertinet, rem illustrare. Nos Christiani credimus S. S. Trinitatem nec nominalem, sed quæ aliquid distinctum involvat; dicimus filium esse a Patre ab æterno, & cum eo, Sp. Sanctum procedere ab utroque, æque tamen æternum & perfectissimum esse, quis autem modum hujus distinctionis explicet? Verbo. Quamcunque in partem se convertat Cl. Vir, vix probare poterit, Emanationem alicujus intelligentis substantiæ ex Deo, distractionem infinitæ Dei naturæ inferre. Oportet perspicuam & adæquatam naturæ Dei definitionem exhibeat, & demum hoc præstito de emanationis illius ratione rite differi potest. Quod si autem Cl. Vir adserat, animam illam mundi a mente ortam, Elemento *Cartesii* subtilissimi similem esse, adeoque corpus ex corpore ortum videri, provocabo ad omnia illa, quæ superius de natura corporis ex mente Platonis, de Deo item Sapientissimo conditore universi &c. diximus. Hisce in genere notatis respondebo Cl. *Wolffii* nomine ad quæstiones propositas. Quid derivatur quæso, quærit Cl. Vir; derivatur anima mundi essentia quædam intelligibilis a mente, & mens illa a Deo Rectore omnium rerum, divinum quid a Deo, sed non ut pars a toto, modum autem ignoro, quia Dei natura non intime mihi perspecta est. An dividitur Deus? minime inquam, Deus ex mente *Platonis* non corpus, non divisibile quid & quod partes habeat, sed mens illa sive idea, orta est a Deo, emanavit ex infinita Dei essentia, cujus infiniti cum ego capax non sim, creatura arctissimis limitibus circumscripta, modum determinare non possum, neque tamen eam impossibilem adserere. Puram putam autem mentis esse præcisionem hanc emanationis Platoni adfertæ rationem, credere vetant Veterum testimonia, quibus in explicatione Systematum philosophicorum unice insisto. Et ego operam do, ut distincte res concipiam, sed hic nec concipi posse satis illam rem & agnosco & profiteor. Disputare nolo, uti vincam tantum & semel arreptam distinctionem tuear: puerorum hoc est, non Virorum. Sed distinctionem aliquam dari graduum perfectionis in tribus principiis, quæ posuit *Plato*, negare non possum, licet non satis intelligam illam. Non intelligo, quomodo ex atomo vel monade oriatur extensio, scio tamen aliunde, revera inde materiam componi. Ratum & ego habeo, Deum semper manere Eundem id est, perfectissimum, licet aliquid ex infinita Dei Essentia emanet. Causam aliquam externam, Deum nempe, ad materiam exornandam

concurriffe, ex mente *Platonis* statuo, licet fimul ab eodem mentem, a mente animam mundi, poſtea producto mundo materiæ infulam & diverſimode temperatam, emanaffe credam. Ita ego Cl. Viro reſponderem, quamvis non dubitem, Eruditiffimum *Wolſium* & majori luce, & argumentorum pondere, ſiquidem calamum adripere voluiſſet, reſponſurum fuiſſe. Sed ſi deſint vires tamen eſt laudanda voluntas.

XVIII. Cl. Vir pag. 25. non eos tantum Atheos eſſe dicit, qui emanationem omnium rerum a Deo neceſſariam ſtatuunt, ſed & qui materiæ æternitatem defendunt. Profert dein teſtimonia Virorum ſine controverſia Doctiſſimorum, *Baylii* & *Basnagii*, aſſerentium, omnes, qui æternitatem materiæ defendunt, ſummis difficultatibus premi; ſpeciminis loco adfert quasdam a *Baylio* in medium prolatas, unde concludit, *Platonem* non materiæ æternitatem, ſeu duo æterna rerum principia, ſed emanationem omnium rerum ex Deo ſtatuiffe, atque adeo *Spinozæ* opinioni addictum fuiſſe. Deum tollere omnes, qui materiæ æternitatem adferunt, licet Rectorem Univerſi agnoſcant, qui rebus omnibus proſpiciat, Cl. Viro probandum incumbit. Ab altera parte concedimus, eum, qui omnia ex neceſſitate infinitæ naturæ neceſſario orta eſſe putat, omnem religionem ſubvertere. Sed huic opinioni addictum fuiſſe *Platonem*, iis argumentis non probavit Cl. *Gundling*, quæ me in adſenſum pertrahere poſſent. Minime probare poſſum Conclusionem Cl. Viri jamjam adductam: nimirum, opinio de duobus æternis principiis multis difficultatibus obſepta eſt, ergo *Plato* minime hoc Systema defendit, ſed emanationem omnium rerum ex Deo. Minime tuta eſt hæc ratiocinandi methodus; hæc vel illa ſententia abſurda eſt, ergo, neglectis etiam apertiſſimis teſtimoniis, negandum eſt, Virum Eruditum eam credidiſſe. Quot enim quæſto abſurdas & ſummis difficultatibus obnoxias hypotheſes, veteres pariter ac moderni literarum cultores non profeſſi tantum ſunt, ſed & acriter propugnarunt? Quot ſunt Viri haud indocti in Eccleſia Rôm. qui credunt, ſaltem ſe credere ajunt, ridiculum illud & monſtroſum Tranſubſtantiationis dogma, ut de aliis nil dicam? Potuit igitur etiam *Plato* duo rerum principia ſtatueri, licet hæc ſententia multis obnoxia ſit dubiis. Ipſe Cl. Vir emanationem omnium rerum ex Deo, non minoribus difficultatibus premi, affirmat, quid ergo neceſſe eſt, ut ad eam ſententiam amplexandam ſe converteret *Plato*? Si veterum teſtimoniis neglectis, ad nutum noſtrum philoſophiam *Platonis* interpretari velimus, haud ſine veri ſpecie Creationem ex nihilo eum credi-

credidisse probari posset, Sed ab æternis veritatis legibus recedendum non est. Nec etiam propter difficultates quasdam sententia argumentis solidis superstructa deferenda est. Credimus nos, Deum mundum ex nihilo fecisse, & recte quidem. Si vero hanc sententiam nostram perpendimus, multa sunt, quæ hic negotium faceffunt: turbant nos innumera mala, quibus orbis quasi inundatus est, quæ magno Eruditionis sane minime necessariæ apparatu urfit Eloquentissimus P. Baylius. Si ad Deum ipsum nos convertimus, haud perspicue videre possumus, qua ratione Ens perfectissime cogitans sola voluntate ingentem illam, & infinitam materiæ massam producere potuerit; incidit illud Spinozæ, quæ res secum invicem nil commune habent, in se invicem agere non possunt &c. Sed nec ideo sententiam illam evidentissimis argumentis roboratam deferimus. Putamus enim, & quidem summa cum ratione, Systema invictis demonstrationibus innixum, sed difficultatibus quibusdam, quæ ex ingenii nostri imbecillitate oriuntur, presum, constanter esse tuendum, Ita similiter Plato credere potuit, sententiam de duobus æternis principiis, multis obnoxiam dubiis, alii tamen, cum meliora non occurrerent, præferendam. Forte non omnes consequentiarum apices vidit, forte in multis mentem ejus haud rite intelligimus. Verbo, Systema duorum æternorum principiorum multis erroribus scatet, sed apertum tamen Atheismum haud involvit.

XIX. Tandem Cl. Vir ad Atheismum Platonis comprobandum, argumentum petit a fine mundi p. 28. „Negabat, inquit Plato, subruì a Deo tam pulchrum & affabre expictum Opus: placere id „omnium Parenti, & hinc ut subsistat, velle. Tantum id credibile „non fit, quod J. Thomafius conjectat, id Deum Platonis liberrime „facere. Neque enim hoc e principiis Philosophi sequitur. Ut ille „mundum necessario e Dei fecunditate, quod ostendimus, statuit „permanasse, ita etiam necessario, ut ut volente Deo, perdurat atque „hanc formam servat, uti mundus Spinozæ. Locus Platonis decanatus est atque clarissimus in Timæo. Θεοι Θεων ὡν Ἐγω Δημιουργοι „πατρὶ τῇ Ἐργων ἃ δι' Ἐμῆ γενομένα πάντα ἑμῶς θελοντος. Dii orti ex „Diis, quorum Opifex ego & Pater sum, hæc attendite. Operum „ea, quæ a me profecta sunt, insolubilia sunt, me volente. Quæ „verba satis declarant, Opera Dei perinde videri immortalia, uti sunt „orti ex Deo Dii immortales. Hoc vult ille. Sed voculæ Ἐμῶς „θελοντος non significant libertatem, sed perseverationem necessariam. „Qui conclavi inclusus est, vult quoque in eo manere, etsi libertas

„exeundi deficiat. Sed deficit vero hic libertas abeundi, quia alias  
 „forma Deo deamata peritura foret, atque anima mundi necessario  
 „emanans, retrahenda esset ad Deum. Quibus planum fit, recte  
 „Laetium inter *δοξας* Platonis retulisse *ἀφ' ἑαυτοῦ διαμνησθῆναι τὸν κόσμον*,  
 „*διὰ το μὴ διαλυεσθαι εἰς Θεόν*. Cæteras interpretationes coro scilicet,  
 „quia cum Platonis doctrinis reliquis non cohærent. Quicquid is  
 „de corruptione mundi naturali loquitur, iterum ad mentis præcisio-  
 „nem pertinet.” Tota ergo controversia huc redit, an mundus in-  
 solubili quodam vinculo ita cum Deo *Platonis* conjunctus sit, ut mun-  
 dus non possit non perpetuo existere, vel utrum mundus ille, ut li-  
 berrime a Deo conditus, ita & eodem volente duraturus sit. Prius  
 Cl. Vir, posterius nos defendimus. Ratiocinatur autem partim ex  
 principis supra positus, partim testimoniis. Principium Cl. Viri ex  
 quo ratiocinatur est, omnia ex Deo emanasse, mundumque cum Deo,  
 ex mente *Platonis*, unam eandemque substantiam absolvere, quo po-  
 sito sine dubio mundus æternus esset. Nisi fallor, supra satis ostendi-  
 mus, emanationem illam materię ex Deo, & necessariam ejus cum  
 Deo conjunctionem, frustra *Platoni* adscribi. Superiora igitur non  
 repetam, sed testimonia a Cl. Viro allata examinabo, aliisque ad stabi-  
 liendam sententiam meam, confirmabo. Pagina 708. *Timei*, causa  
 productionis rerum omnium sola statuitur *bonitas* non *necessitas*. *Di-*  
*camus*, inquit *Plato*, *quam ob causam ille rerum Auctor generationem &*  
*hoc universum constituit. Bonus erat. Bonus autem nulla unquam ali-*  
*qua de re invidia tangitur.* Et paulo post. *Si quis hanc gignendi mun-*  
*di causam præcipuam a prudentibus viris acceperit, rectissime profecto ac-*  
*cipiet.* Ibid. pag. 709. *mundi corpus nequit dissolvi ullo modo, nisi ab eo,*  
*a quo est colligatum.* Verba ad quæ Cl. Vir provocat, jam adduxi  
 Sect. IV. pag. 846. In quo loco observetur, primo appellatio Dei *Θεός*  
*Θεῶν, Δημιουργός.* 2. Omnia quæ condita sunt solubilia esse, sed Deo  
 volente non dissolvi. 3. Deum ideo ea non dissolvere, quod Deo mi-  
 nus conveniret, id quod pulcherrimum fecit, dissolvere. In *Syste-*  
*mate Spinozæ* hæc omnia locum habere non possunt, nullus hic est *hi-*  
*ber Δημιουργός.* Sed ut omnia ex infinita Dei natura orta sunt, ita  
 etiam non possunt non manere. Hinc maxime contorta est interpre-  
 tatio verborum *Ἐμὰ θελήματος*. Unde enim necessitas illa repetenda  
 est? bonitate sola motus rerum pulcherrimarum *Systema* efformavit,  
 voluntas, non bruta quædam necessitas causa perdurationis mundi di-  
 citur. Similitudo Cl. Viri allata litem lite resolvit; ubi enim adseri-  
 tur,

tur, Deum mundo inclusum esse? Qui conclavi exire non potest, licet vellet, improprie manere velle, dicendus est. Vult, quia non potest, vult, sed non libere, sed coacte. At secundum *Platonem* Deus libere ad mundum producendum se accinxit, mundus in se consideratus solvi potest, vult autem eum Deus propter pulchritudinem non dissolvere, aliud e verbis *Platonis* & totius Systematis nexu elici non potest. *Deficit, inquit Cl. Vir, libertas, quia forma deamata peritura esset*, sed hæc verba nihil aliud significant, quam nolle Deum ob pulchritudinem libere conditum mundum destruere; num autem ille, qui ob pulchritudinem operis, verbi gratia Poema aliquod elegantissime compositum delere non vult, num ille necessitate quadam compulsus, hoc fecisse dicendus est? ipsæ illæ rationes a pulchro desumtæ, sapientiam aliquam, minime ineluctabilem aliquam & ferream necessitatem innuunt. Nec altera ratio Cl. Viri magis quadrat, nimirum Deum non destruere velle mundum, *ne anima mundi retrahenda esset ad Deum*: nullum enim plane vestigium hujus interpretationis est, sed mera suppositione nititur, quam satis supra refutavimus. Et quomodo tandem anima mundi retrahi posset, si illa cum mundo unicam efficit substantiam? quis ille retrahens, num Deus? sed Deus idem cum mundo, si Cl. Viro credimus; quo retrahitur tandem, si Deus cum mundo insolubili nexu cohzret? mera etiam suppositione nituntur, quæ Cl. Vir de mundo ait, nimirum eum perinde esse immortalem, uti sunt Orti ex Deo Dii immortales, tacite supponens Deos illos, seu Dæmones, & astra ex necessitate naturæ Dei emanasse, atque adeo eodem modo, mundum non posse non manere. Hæc apertissimis *Platonis* verbis contraria sunt, ait enim eadem pag. 713. in *Timeo*. *Postquam orti sunt omnes, & qui cælo voluntur Dii, nostris oculis & qui eatenus nobis conspiciunt, quatenus ipsi volunt, tum ad eos mundi genitor ita fatur: Dii Deorum &c. & paucis interjectis. Quapropter quia generati estis immortales quidem & indissolubiles omnino non estis. Nec tamen unquam dissolvemini, nec mortis satum subibitis. Nam voluntas mea majus præstantiusque vobis est vinculum, ad vite custodiam, quam nexus illi, quibus estis, tunc cum gignebamini, colligati. Patet ex verbis illis, Dæmones & astra quæ dii dicuntur, dici mortalia & solubilia in se considerata, minime ex essentia Dei propulsa, ergo similiter mundus in se consideratus solubilis est, sed manet ita Volente Deo. Repetitur igitur causa hujus rei, non ex necessitate naturæ Dei, sed libera*

libera ejus voluntate. Nec moratur nos testimonium *Laertii*, quem lapsum fuisse, & contra mentem *Platonis* locutum dudum demonstravit *J. Thomafius* dissert. 3. de Exult. mundi Stoica pag. 48. seq. qui prolixè locum *Platonis* vindicat, cujus rationes ita mea opinione comparatæ sunt, ut a Cl. Viro infringi haud possint, ad eum igitur Lectorem amandamus. Duos tantum testes adferam, qui hac in parte, *Laërtium* facile superabunt, prior est *Timæus Locrus*, posterior *Plutarchus*. Ille pag. 546. ita ait Ed. Gale : *δηλοῦμενος ὡν ἄριστον γένναμα ποιῆσιν, τῶν ἐποιοῖ Θεὸν γέννατον, ἢ ποκα φθαρῆσομενον ὑπ' ἄλλω αἰτίῳ, ἐξίτω αὐτὸν συντίτταμενος Θεῷ, εἰ ποκα δὲλεπὶ αὐτὸν διαλυεῖν.* Hic autem de *Placitis philosoph.* Lib. 2. cap. 4. *Πυθαγόρας καὶ Πλάτων γεννηθὲν ὑπὸ Θεοῦ τὸν κόσμον, καὶ φθαρτὸν μὲν ἐπὶ τῇ φύσει, αἰσθητὸν γὰρ εἶναι διὰ τὸ σωματικόν, ἢ μὴν φθαρῆσομενον γὰρ προνοία καὶ εὐτοχίᾳ Θεοῦ.* Locum *M. Felicis*, quem adduxit *Cl. Thomafius*, vindicare nolo, cum simplice negatione opus sit, nonnisi præcisionem mentis in verbis *Felices* querendam. Cætera, quæ Ch. Auctor de emanatione omnium rerum ex Deo denuo repetit refellere nolumus, cum abunde in superioribus id factum sit. Concludit tandem dissertationem dicendo. „Mea sententia nihil in *Platonis* disciplina Venerabile, nihil solidi, nihil divini. „Errores undique circumstrepunt : ipsa *Ἀθεοτης* in his adytis latet. „Ad me quod attinet, lubens fateor, *Platonem* Philosophum fuisse vastissima imaginationis vi præditum, minime omnium accuratum ratiocinatorem ; eundem multa dogmata in speciem sublimia, ipso opere vero trita, sapissime erronea, in medium protulisse, & clarissima quæque abstruso & metaphorico dicendi genere tenebris involvisse, agnosco ; Atheum autem & apertum Religionis omnis Hostem fuisse nego. Quo jure id ad me factum fuerit, Tuum erit, *Clarissime Bruckero*, dispicere. Superest alterutra ex parte Judicium tuum. In quo mihi æque jucunda erit simplicitas dissentientis, quam Comprobantis Auctoritas. Vale.

*Dabam e Museo meo Tiguri  
d. 24. Maji 1728.*



Viro, Pietate, Eruditione, Nobilitate, Candore  
denique, Præcellentissimo

JO. CONR. ZIEGLERO,

Scaphusano, Amico Singulari.

Dissertationem hanc Apologeticam in Grati Animi *Τεκ-  
μνησιον* & Amicitiae Monumentum

D. D.

JACOBUS ZIMMERMANNUS.

**M**iraberis sine dubio, *Præstantissime Vir*, qui fiat, ut Apologeti-  
cam hanc Dissertationem TIBI inscribam. TU enim a litibus  
omnibus alienissimus es, & nihil magis in Votis habes, quam  
ut inanibus Disputationibus, quibus Eruditi misere tempus te-  
runt pretiosissimum, posthabitis, in id omnes eniterentur, ut de rebus  
momentosissimis persuasi, virtuti per omnem Vitam vacarent. TU  
in altissimo otio inquirendæ veritatis studio vacas, ita tamen, ut, quod  
difficillimum, in Sapientia modum teneas. TU summa ope niteris,  
ut per Virtutis acerrimum Studium, citis passibus ad beatam immor-  
talitatem grasseris; Hoc negotium tuum, hoc otium, hic labor tuus;  
hæc quies. In his vigiliam tuam, in his etiam somnium reponis.  
Merito ergo miraberis, cristicam hanc Disputationem, & rerum pon-  
dere & styli nitore destitutam, TIBI offerri. Ego vero mi *Zieglere*,  
TE laudo, atque beatum prædico, imo inter *Eminentissimas Tuas Virtu-  
tes* refero, quod vera rerum pretia noris. Neque enim ego, ut mul-  
ti, invideo aliis bonum, quo ipse careo, sed contra sensum quendam,  
voluptatemque percipio, si ea, quæ mihi denegantur, Amicis video  
supereffe. Paucissimi mortalium sciunt, quem in finem D. O. M.  
mentem, qua nihil præstantius nobis datum est, in exiguum hoc cor-  
pusculum conjecerit. Multi, vel ideo se natos putant, ut nihil pro-  
futuris tempus terant, ut cibos percolent, ut Ventri bene sit, &c. hic

M m m m m

humili-

humilium ingeniorum mos est. Qui excellentioris ingenii sunt, tum demum rite se suo officio defunctos putant, & vixisse arbitrantur, si multa, aut nihil, aut parum profutura sciant, si de omnibus loqui possint, si laudentur, celebrentur, atque per ora virum volitent, cæterosque, aut munerum dignitate aut Eruditionis splendore superent, Paucissimi animum a præjudicatis opinionibus, pravis studiis purgant: Paucissimi momentosissima rite cognoscunt, virtutisque, quæ omnibus etiam nobilissimis scientiis præstat, acri studio vacant, atque tempus illud breve & fluxum in ea sectanda atque excolenda collocant. Paucissimi denique, tum sibi videntur satis sapere, quando ea sciunt, quæ Magister Optimus nos scire voluit, eaque agunt, sine quibus beati esse non possumus. Hæc cum Tu diu noctuque mediteris: cum omnem curam meditationemque in eo reponas, quis Te vere Doctum, vere Sapientem, vere Felicem esse negabit? Quid igitur ad me Plato tuus, inquires, quid examen litium tuarum? Audi, mi Zieglere. Dudum est, ex quo in ære Tibi sum. Infinita sunt Tua erga me Beneficia, quibus me Tibi devinxisti. Amo Te, & possum dicere quare. Volui igitur, cum meliora ad manus non sint, tandem aliquod extare amoris mei in Te monumentum, leve illud quidem & exiguum; monumentum tamen. Lacte supplicare debent, quibus thura defunt. Respice igitur non tam ad rem ipsam quam animum meum. Et Parentes æquis oculis conatus liberorum aspiciunt, licet ingenii maturitas ubique desideretur. Præstat in minimis tentare, quid vires valeant, quid ferre recusent. Non omnes alto se mari credere audent: timidos juvat litus legisse. Interim, ut Beneficiorum Tuorum, sic & Monitorum, nulla me unquam capiet oblivio. Quoties de te cogito, cogito autem plurimum, toties ad virtutem animus meus accenditur. Plura, ut heic addam, prohibet decantata tua modestia, quam vel Hostis in Te admiretur. Accipe igitur serena mente, hoc qualecunque amicitiae Τεκμήριον & nunquam desine amare Zimmermannum Tuum.

Vale,

VINDICIÆ DISSERTATIONIS  
DE  
ATHEISMO PLATONIS

Contra ea, quæ Gundlingianorum part. 43. & 44.  
peracerbe monuit

D. NICOL. HIERON. GUNDLINGIUS,  
Jctus Halensis, & S. Reg. Maj. Boruff. Con-  
filiarius Intimus.

Celeb. SAMUELIS WERENFELSIUS  
Epigramm. LXII.

*Ut sentiant omnes idem  
in singulis minutiis  
fieri nequit, nec poscitur.  
Hunc ut feram, qui non potest,  
quodcunque credo, credere,  
fieri potest & poscitur.*

Señ. I.



Nnus est, & quod excurrit, ex quo *Dissertationem*  
conscripti de *Atheismo Platonis*; Eam *Conjunctissi-*  
*mus* mihi *Schelbornius*, pro suo erga me adfectu,  
nono Tomo *Amaritatum Litterar.* inseruit. Ani-  
mus erat specimine hoc quakcunque ostendere,  
qua ratione, veteres Atheismi postulatos, defensu-  
rus essem. Haud obscure simul significavi, gratif-  
simum mihi fore, si Viri Eruditi aut publice, aut privatim monituri  
M m m m m 2 essent,

essent, quid in hoc specimine desiderarent: neque enim tam mihi suffenus sum, ut existumem, me sine aliorum monitis & consilio, *opus*, quod meditor, *Apologiam* nempe, *Virorum Illustrium falso Atheismi suspectorum* rite perfecturum & exornaturum esse. Amplissimus enim hic se aperit campus. Neque enim ratiocinandum tantum est; sed Veterum Systemata Philosophica rite introspectenda; attendendum non minus ad res, quam ad verba. Evolvenda veterum monumenta aliquando obscurissima, & in summam eorum cogitata redigenda; legendi moderni, qui non sine cura veterum sapientiæ Consultorum decreta explicarunt; cavendum, ne Antiquitatis studio, præjudicatis opinionibus, mala interpretatione, amore sectæ, decipiamur; ut alia taceam. Hæc omnia magnam attentionem & indefessam lectionem postulare, nemo non videt. Nihil minus autem credidi, quam quod auxilii & consilii loco, aliorum iram & indignationem in me provocaturus essem. Animus non erat hoc specimine, quenquam lædere aut sine necessitate adversarios quærere. A *litibus animus meus alienissimus* est. *Θηξ* quadam *μοιρῃ* ab ipsa juventute moderati animi studium amavi & adhuc dum amo. Pretiosius etiam tempus esse existimo, quam ut nihil profuturis concertationibus teratur. Litium, logomachiarum, & controversiarum, plus satis est. Verum est, examinavi in secunda dissertationis meæ parte, *Cl. Gundlingii rationes, quibus probare voluit, Platonem Spinozæ sententiæ additum esse*. Putavi Virum doctum, & libertatis sentiendi amantissimum, modestum cogitationum suarum Examen malam in partem haud interpretaturum, sed levem hunc dissensum, æquo animo laturum, & sicubi lapsus fuero, sine acerbitate, causam erroris demonstraturum. *Æquissimum* hoc esse credidi, multas ob rationes. *Problema* est, de quo disputamus *fatente Gundlingio*. Non agitur de capitibus Religionis cum salute connexis; sed de quæstione non magni momenti. Nec cœtus sacri, nec Reipublicæ Litterariæ, nec mea maximopere interest, utrum *Plato* Atheus fuerit, nec ne. Perquam inficetum autem esse credo, in tali quæstione ita disputare, ita paratragediari, quasi de re omnium momentissima ageretur. Dudum est, ex quo viri sapientes, eos, qui ob levem dissensum in alios debachantur, in numerum eorum, quos Galli *des Pedants* vocant, retulerunt. *Æquissimum* hoc esse putavi, quod nec famæ, nec Eruditioni *Cl. Viri* detraxerim, quod modestissime cogitata mea in medium protulerim, quod titulos, quibus quorundam aures gaudent, suis locis non omiserim, paratissimum-  
que

que tandem me esse demonstraverim, meliora, siquidem errassem, audiendi, veritatemque ambabus, ut ajunt, manibus amplectendi. Sed opinio me fefellit. Examini quidem subjecit Dissertationem meam; sed ita, ut conquerendi de eo habeam justissimas causas. *Plena enim est dissertatio ejus criminationibus, dissidiis, inconditis salibus. Ignorantiam, stuporem, stultitiam mihi exprobrat; nihil denique eorum omittit, quæ impotentiam animi, & intolerandum fastum significare possent.* Utrum hæc meritis sim, atque hæc agendi ratio *Cl. Gundlingii etate, Eruditione, fama* digna sit, judicent Viri prudentes & a studio partium alieni. Hactenus ego existimo, nihil magis Litteras in contemptum adducere posse; quam si illi, qui cæteros *modestia, æquitate & prudentia* superare deberent, cerdones & rusticos imitantur, qui quod *argumentis* non possunt, *convitiis* nituntur consequi. Par pari non referam. *UMBRATICORUM DOCTORUM MORES* mihi displicent quamaxime. Examinabo *sine bile* rationes, quas contra meam sententiam in medium protulit; discutiam fundamenta, quibus systema ejus innitur, non obliviscar eorum, quæ ad rei summam quidem non pertinent, quibus tamen aut sententiam meam subvertere, aut in alienum sensum detorquere voluit; tandem si quis dignus vindice nodus in *Dissert. 31. Gundlingianorum* parti inserta, occurrit, ut solvam, non secem, operam dabo.

II. Antequam autem rem ipsam aggrediar, duo præmonenda sunt. Prius respicit ea, quæ circa finem *Dissert.* suæ monet D. Gundling. *Putat nempe is, minus recte illos facere, qui Veteres ab impio Atheismi crimine, omnibus viribus nitantur liberare; mirum esse, eos, qui quantum Viris in systemate Veterum lateat, offendere allaborent, improbari, cum tamen in cæteris dogmatibus omnium confessione turpiter lapsi sint; ipsum Apostolum Paulum dixisse, Sapientes inter Gentiles vanis Sophismatibus delusos fuisse; se eadem ratione, qua plurimi Veteres defendant, Spinozam ipsum purgaturum &c.* Cum hæc non me solum tangeant, sed Viros me longe excellentiores doctioresque, possem multis testimoniis *Cl. Virorum Cudworthi, Clerici, Fabricii* aliorumque uti, ad invidiam a me amoliendam. Sed cum brevitati hic studendum sit, hoc labore superfedeo, futuro Operi DEO dante illa inserturus, non quidem eo animo, ut errori aliquod pondus auctoritate aliorum addam; sed propter illos, qui a me dissentiant. Dantur enim homines adeo perversi, qui quamprimum audiunt Virorum male audientium patrocinium suscipi, maligne hoc institutum interpretentur: sunt qui exi-

M m m m ;

stimant,

stimant, quo magis Veterum Philosophorum Decreta deprimant, eo majus Religioni Christianæ decus ac ornamentum accedere; sunt denique, qui *P. Baylii*, Viri sane ingeniosissimi, nimia admiratione abrepti, in id omnibus viribus connituntur, ut omnes fere, eosque celeberrimos, *Orientis, Græciæ & Latii Philosophos* in censum Atheorum referant. Postremi isti, putant, cæteros, qui hac in parte dissentiunt, nec Veteris Philosophiæ cognitione, nec magno judicio, aut peritia Systema aliquod examinandi, instructos esse. Ut tamen aliqua ex parte hic *D. Gundlingio* satisfaciam, breviter dicam, qua ratione in hoc argumento versaturus sim.

III. Et primo quidem non probo illos, qui omnia ex antiquis Philosophis, Poëtis, &c. corradunt, quæ externa quadam verborum specie recte dicta videntur, paulo accuratius autem expensa, aut longe alium habent sensum, aut manifestam impietatem involvunt. Peccaverunt in eo non semel antiqui Patres Ecclesiæ, qui aut defectu examinis, aut stultitia partium, quæcunque ad opiniones suas tuendas facere poterant, hinc inde arripiebant. Notum quid factum sit in Disputationibus de Trinitate. Peccarunt etiam multi ex modernis, quos recensere nil attinet. Justa est igitur hac in parte Virorum Doctorem querela. Secundo improbo eorum sententiam, qui ideo tantum Systema eorum, qui plerosque Veterum in numerum Atheorum referunt, rejiciunt, quia certis quibusdam principiis, a Theologis quibusdam receptis, contrarium videtur. Sane nunquam ita argumentandum est: hæc sententia, si vera esset, hypothesebus nostris, causæ nostræ adversaretur, ergo neganda & refellenda est. Solidioribus fundamentis principia Religionis Naturalis & Revelatæ superstructa sunt, quam ut concessio etiam Atheismo illo plerorumque Veterum Philosophorum, in periculum adducantur. Male ratiocinati fuerint Veteres, deliraverint, in monstrosas prolapsi fuerint sententias; hoc rationes immotas, quibus Religionis Christianæ fundamenta, secundum rigidissimas rectæ ratiocinationis leges, probare possumus, minime tangit. Tertio: Neminem tamen sine urgente necessitate Atheismi, quo pestilentior error non datur, postulandum puto; sive antiquus sit, sive modernus, sive Gentilis, sive Christianus. Novimus enim, quæ cum hac accusatione mala plerumque conjuncta esse soleant: Sæpe Viri præstantissimi & innocentissimi, dulce Patriæ solum, uxorem, fidissima amoris pignora deferere, & in exilium, ad rogos vel ad metalla migrare debuerunt. Non quidem antiquis illis Philosophis hac ratione nocere possunt accusatores, sed

sed viventibus plerumque nocivum concitant periculum. Dantur enim-eheu ! litteratissimo hoc seculo multi, qui celeberrimos eosque innocentissimos Viros turpissimi erroris reos agere non verentur. Quarto: Tum autem nullam nobis necessitatem veteres Atheismi postulandi, impostam esse credo, quando (a) totius Systematis nexus non patet, aut (b) patet quidem, sed gravissimorum & Historiæ Philosophicæ peritissimorum, obstant perspicua testimonia in contrarium allata, quæque longè aliam Systemati induunt faciem, (c) aut ubi adest rationum utrinque allatarum æquilibrium, (d) vel unicum testimonium, cæteris rei alias peritis, altum silentibus, (e) aut tandem si verba, quibus utuntur Veteres, adeo perplexa sunt, ut quam potestatem habeant, nec ipsi definiverint, nec aliunde lucem adferre possimus. Ubi hæc manifeste deprehenduntur, æquitatis leges postulare credo, ut nihil temere adseramus. In Systemate Spinozæ hæc omnia locum non habent. Adhibuit is definitiones, axiomata, propositiones perspicuas, corollaria, ita ut totius Systematis nexum omnes, qui in alienum sensum studio cogitata ejus pertrahere nolunt, facile perspicere possint. At in examine sententiarum, quas veteres Philosophi in medium protulerunt, frequentissime ea, quæ dixi, occurrunt. Quod suo loco clarissimis exemplis demonstrobo. Addantur interim ea, quæ de hoc argumento erudite monuit Clarissimus & conjunctissimus Vir J. Brukerus Otii Vindelici parte prima.

IV. Diffiteri simul nolo, multas ob rationes mihi eorum sententiam displicere, qui neglectis illis cautelis, quas adduxi, plerosque Veterum Philosophorum in numerum Atheorum referunt. Nocet enim primo bonis litteris. Dudum conquesti sunt Viri præstantissimi, ab Adolescentibus quidem Historiarum Scriptores, Poëtæ, Comicos, legi; Philosophos autem plerumque negligi. Idem tamen simul fatentur, nihil Scriptis Platonis, Xenophontis, Stoicorum in univèrsum &c. excellentius apud Veteres legi. Quod si omnia illorum cogitata de Deo rebusque divinis, purum putum Atheismum involvunt, excutiendi hi libri e manibus ingenuorum Adolescentium; neque enim ad verba tantum, sed ad sensum præcipue, attendere debent. Præstat Græcæ & Latinæ Linguz imperitum esse, quam ab ipsa Juventute Atheismi venenum imbibere. Cum Harduinus omnia fere veterum monumenta paucissimis exceptis conficta, & nudius demum tertius nata, adfereret; non sine causa Viri docti, & inter illos Cl. la Croze existimarunt, Jesuitam illum, forte & alios consortes, id agere, ut antiqua illa veterum monumenta, quæ ad Religionis Christianæ confirma-

firmationem multum faciunt, e manibus Christianorum excutiantur, atque ita impietas & superstitio triumphet. Absit ut *Dodissimos Viros*, qui plerosque Veterum, in Catalogum Atheorum referunt, tanti flagitii reos habeam; haud tamen existimarim, prorsus vanum esse, metum illorum, qui putant, *elegantiorum Litterarum studium* aliquid detrimenti pati. Philosophiæ saltem accuratioris studium, mea opinione, non parum sufflaminatur. *Deerunt, qui suadebunt, si suavissime periculum sit*, inquit *Darius* apud *Curtium*. *Deerunt* sane, qui cum detrimento oculorum, voluptatum contemptu, omnibus viribus veritatis inquirendæ studio vacabunt, si post tot exantlatos labores, nullum fere aliud præmium expectare possunt, quam ut pestilentiissimorum errorum accusati, omnium invidiæ exponantur, præsertim si a receptis sententiis recedant paulo longius. Accedit, quod hac ratione *divina rationis vis*, non parum sine necessitate labefactetur. Concedo lubens, notiones de Deo rebusque divinis, Religionis Christianæ luce, & experientia mirum in modum emendatas, & collustratas fuisse: tam debilem tamen *rationis vim* esse, ut omnes fere *veteres Philosophi*, qui acerrimo per omnem vitam, veritatis studio tenebantur, in Atheismum prolapsi sint, nec elabendi rimam perpexerint, persuadere mihi non possum. *Injurium* mihi hoc videtur in *ipsum Auctorem Rationis*. Nescio qua ratione homines illi ἀναπελογησας dicendi sint, qui adhibita omni diligentia, Numen tamen dari, ab adspectabili rerum universitate distinctum, vix ac ne vix quidem perspicere potuerunt. Saltem consecrarium illud, quod magna eruditionis specie urfit *Baylius*, rationem nempe ita esse comparatam, ut in divinis omnia quidem subvertere, nihil autem certi invenire possit, mirifice confirmatur. Durissimum præprimis mihi videtur, cum *D. Gundlingio* adferere, omnes, qui creationem ex nihilo non statuunt, necessario ad emanationem omnium rerum ex divina essentia confugere debere. Novit ille quam pulcherrime, quantis difficultatibus obsepta sit, hæc ipsa doctrina, de creatione omnium rerum ex nihilo; novit *P. Baylii* conatus; haud ignorat inter ipsos Christianos multos dari, qui existimant, neque ex voce ברא, aut מלצח, neque aliis ex locis *V. & N. Testamenti* probari posse, omnia ex nihilo producta esse. At hi ipsi de Numinis existentia persuasissimi sunt. Non possum igitur dissiteri, me propter rationes adductas, in eorum esse sententia, qui putant, mitius cum antiquis illis agendum esse: meliora tamen docentes, ut hic, sic in cæteris, lubens audiam.

V. etc.



V. *Alterum, quod notandum, hoc est.* D. Gundlingius non semel conqueritur, me, quid *Atheismi* nomine intelligerem, nullibi in defensione Platonis definivisse. Verum hoc est. Sed minime necesse esse putavi, exhibere definitionem Atheismi in genere. *Questio est, utrum Plato Spinozæ sententiæ additus fuerit, nec ne.* Eum in finem Spinozæ sententiam ad duo revocavi capita, nimirum unicam dari substantiam, eamque Deum esse: probavi autem non solum, Platonem Deum a materia prorsus distinxisse, sed & nullo eandem vinculo cum Deo conjunxisse. Scio dari Atheos, qui a Spinozæ sententia recedunt, sed de hoc in præsentī disputatione non quærebatur. Quæritur tantum, utrum argumenta mea ita comparata sint, ut probent, Platonem a Spinozæ sententia alienum fuisse. Frustra igitur non semel ingeminatur, requiri causam quandam externam a materia & mundo diversam. Eum enim argumentorum meorum scopum esse, ipsa res clamat. Hoc tantum dico, me Athei nomen illi dare non posse, qui perfectissimum Numen, idque optimum ac liberrimum agnoscit, virtutes cæteras tanto Numine dignas extollit, Jus Deo in materiam concedit, & omni rerum Universitati prospicere ait; simul tamen materiæ æternitatem proficitur. Aut enim dicendum est, omnes errores de Dei natura & virtutibus omnem Numinis cultum subvertere, aut quosdam tantum. Prius plane durum est. Paucissimi mortalium mentem ad sublimia illa perfectionum divinarum Capita contemplanda evehere possunt. Cum ad illum mentis humanæ intentio, & acumen, & memoria pervenerit; quasi abductis, & consumptis omnibus viis, subsistit, hæret, deficit: nec est aliquid ulterius, quo progredi possit, ut eleganter loquitur Lactantius Lib. V. Sect. 7. Omnes præterea ratiocinationes nostræ de Deo, & perfectionibus ejus, nituntur comparatione quadam nostrarum perfectionum cum virtutibus divinis instituta. Quis autem nescit, quam facile hac in parte errare possimus? Ergo illi errores circa attributa divina exitiales sunt, qui directe impediunt, quo minus Supremum Numen venerari, & colere possimus. Ita v. gr. qui libertatem omnem Deo detraheret, eumque in causam quandam, cæco impetu agentem, transformaret, is sine dubio attributum aliquod subverteret, quocum omnis Religio, & legum reverentia simul tolleretur. Fateor illos, qui æternitatem materiæ supponunt, sententiam fovere, quæ cum virtutibus divinis per omnia rite conciliari haud potest; Ita tamen eam comparatam esse, ut omnem subvertat Numinis existentiam, probari rite posse, quammaxime diffido.

Nnnnn

VI. Pu-

VI. Putat tamen D. Gundlingius. hinc Sect. 97. ita loquitur. Ego haud immerito censui, eos qui æternitatem materie admittunt, ac defendunt, lapsu prono & facili, in *absoluta* incidere. Zimmermannus contra. Ratio quæ mihi sedet, eo redigitur, Deum sic iri compulsum, ut vel materiam attingat & fabricet, ceu faber lignarius, opusque relinquat levi vento periturum: aut sese infundat in materiam, ut in ipso consistat, & persistat. Deus opus periturum fabrefaciens, non est Deus, quia id perfectioni ejus infinite repugnat; ac Deus imperfectus interea non erit Deus. Quod si vero influat Divinitas, aut se se infundat in rem productam, Deus confundetur cum mundo; mundus erit ipse Deus, & Deus mundus: Q. E. D. ad hæc adjicit Elegantissimi Ingenii Vir: Quid Zimmermannus? loquiturne an tacet? Tacet; ac demum linguam solvens respondet contradicendo, nec se mihi adsentiri posse enuntiat. Videat D. Gundlingius utrum sequentia satisfaciant: & 1. quidem notari velim, me nullibi adseruisse, eos, qui æternitatem materie tuentur, in Atheismum facile prolabi haud posse: hoc tantum dixi Sect. 18. p. 958. Deum tollere omnes, qui materie æternitatem tuentur, licet Rectorem universi agnoscant, qui rebus omnibus prospiciat, Cl. Viro probandum incumbet. Quæritur igitur, non utrum in Atheismum prolabi possint, sed utrum veri Nominis Athei sint, Numenque eo ipso tollant, quia æternitatem materie tuentur. 2. Minime autem id probat Dilemma allatum. De posteriore membro, infusione nempe Dei in materiam nihil dicam. Examinemus tantum primam partem, de qua proprie sermo est. Deus, ait Gundlingius, compellatur, ut materiam fabricet, opusque relinquat levi vento periturum. Sed primo addere debuisset, Deum, antequam animum ad elaborandam materiam adjecisset, liberum fuisse; potuisse materiam illam æternam in confusione relinquere, nullaque adeo, vel intrinseca, vel extrinseca necessitate, compulsus fuisse, ad materiam exornandam. Quod si jam accedant rationes, vel ex bonitate vel sapientia Dei repetitæ, patet nullo modo dici posse necessitate quadam Deum compulsus fuisse ad materiam fabricandam. 2. Quod si Deus velit materiam æternam exornare, quæritur, quo jure agere possit in materiam æternam, & quomodo id jure exequi possit. Quod posterius attinet, quæstio huc redit: quomodo substantia intelligens, movere possit materiam, eamque exornare: hæc autem difficultas non minus in systemate eorum, qui æternitatem materie tuentur, occurrit, quam eorum, qui creationem ex Nihilo credunt. Nemo enim hætenus nexum illum, qui intercedit inter vo-

lunta-

Imitatem substantiæ intelligentis, & motum materiæ, explicare potuit. Quod vero prius attinet, major difficultas est in systemate eorum, qui materiæ æternitatem agnoscunt. Illi enim qui Deum ex nihilo cuncta produxisse, adfirmant, eo ipso adserunt, Deum jus habere in materiam, a se conditam. At qui materiæ æternitatem tuetur, causam dare non potest potestatis hujus, quam Deus sibi arrogat. Et hoc maxime urserunt, non minus Veteres, *Simplicius*, *Hierocles*, *Tertullianus*, quam *Recentiores*, *Baylius*, *Jacquelot*, alique. Producam unicum locum *Hieroclis* a *Baylio* jam, aliisque allatum. Τι γὰρ ἴι μαθὼν, inquit, ἂ μὴ ὑπάρχῃς, διατάττειν πειράται παντὸς πᾶ της εὐτυχίας αὐτοῖς ἐν τῇ ἀγεννησίᾳ της ἑαυτῶν φύσεως κειμένης; το γὰρ ἀγεννίτως καδ' ἑαυτο ὕφῃς εἶτι προσλαβοῖ, παρὰ φύσιν προσληφεται. Το δὲ παρὰ φύσιν διατεθῆναι κακὸν τῷ μετατρέπομένῳ, ὥς ἐκ ἀγαθὸν τῇ λεγόμενῃ ὕλῃ το κοσμεῖσθαι, ἔπερ ἀγεννητὸς εἶη μὴ ἀπο χρόνῃ μόνον, ἀλλὰ καὶ ἀπο τῆ αἰτίας. h. e. Quotsum enim ea, que non condidit, digerere conatur, cum omnino bona ordinatio in natura eorum ingenita consistat. Si quid enim ingenito, ac per se subsistenti, addatur, præter naturam fiet. Quod autem præter naturam efficitur, vitiat, quare dictam materiam ornari minime bonum, siquidem non solum in tempore, sed etiam absque causa ingenita sit. Baylius eandem difficultatem fortius adhuc urget; ipsa tamen ejus verba adferre nolumus. Patet igitur omnem difficultatem in eo subsistere, quod duorum æternorum principiorum adsertores ostendere non possint, quo jure Deus rem, per se æternam, mutare possit. Sed num ideo Athei illi sunt, qui hoc adserunt? num negant Deum elaborasse materiam, quia quo jure id fecerit, explicare non possunt? Plato, qui æternitatem materiæ agnovit, ex ordine universi, conclusit dari causam æternam, sapientissimamque, adseruit Deum sola bonitate commotum, ad materiam exornandam se accinxisse: agnovit igitur causam primam, sapientissimam, optimam; agnovit materiam per se esse inertem, licet æternam; agnovit omnem adspēctabilis hujus rerum omnium universitatis ordinem, soli Numini adscribendum. Hæc satis ostendunt, æternitatem materiæ, non obtinuisse, quo minus & Deum agnosceret, & virtutes excellentissimas eidem adscriberet. Credimus nos Deum materiam ex nihilo fecisse, & rectissime quidem. Sed quam primum ostendere volumus, qua ratione immensa illa rerum rerum sensibilibum moles exorta fuerit, seu quis sit nexus inter voluntatem entis intelligentis, licet infiniti, & ortum materiæ, ejusdemque exornationem, hæremus. Neque ideo tamen argumenta nostra pondus suum amittere,

Nnnnn a

tere,

tere, jure credimus. Verbo error est, & quidem gravissimus, adferre materiam esse æternam, Atheismus non item. 3. Sed directe contemplerur argumentum *D. Gundlingii*. Si Deus ait materiam æternam fabricet, tum necesse est, ut opus perituum levi vento permittat. Sed cur mundus ille dicitur periturus? num *respectu materie*, ex qua constat, num *respectu voluntatis* ejus, qui eum mutare & perire vult? at materia ex mente eorum, qui æternitatem ejus tuentur perire non potest. In nostro Systemate mundus in se spectatus perire potest, minime autem perit, ob voluntatem Conditoris. Plato mundum itidem non perituum dixit ob voluntatem optimam Numinis. At quomodo probabitur, Deum opus perituum fabricantem, non esse Deum? Deus manet perfectissimus, optimus, licet fabricaverit mundum, qui in se spectatus perire, & in nihilum redire posset. Quæritur igitur tantum, utrum Deus, qui materiam æternam fabricavit, eandem conservare possit, ne pereat. Sed quid obstat ex sententia eorum, qui Deum materiam exornare posse ajunt, quo minus eandem conservet? Supponit enim *Gundlingius*, Deum materiam æternam exornare posse; si hoc potest, eandem etiam exornatam tueri potest; num forte vult ejus nullam habere rationem? Sed unde hoc tandem probabit? Si *Baylii* rationes repetiisset asserendo, Deum in materiam, cui nec existentiam, nec essentiam dedisset, nullam habere potestatem, tum longe major futura fuisset difficultas. Sed in hoc quod adfert argumento, licet pro more μετὰ πολλῆς φαντασίας in medium prolatum, nulla plane est vis, ad probandum, eos, qui æternitatem materię asserunt, in censum Atheorum referendos. Non jam dicam, circa imputationem consequentiarum, dispiciendum, non solum, quid ex nexu systematis alicujus sequatur, sed & quamaxime, quid ex sententia ejus, qui ejusmodi systema defendit, fluat: nec repetam etiam, quod dudum alii monuerunt, quam difficile mens nostra creationem ex nihilo concipere possit; quot Viri optimi alias & sagacissimi crediderint, Deum ex materia quadam jam præexistente, mundum formasse; & in revelatione perspicue creationem è nihilo non tradi. Hæc enim sunt notissima.

VII. Sed veniamus tandem ad rem ipsam. Eum in finem primo argumenta, quæ in dissertatione mea attuli, denuo repetam, eaque ulterius explicabo, & vindicabo. 2. Systema *D. Gundlingii* directe examinabo. 3. Quædam ad materiam hanc illustrandam facientia adjiciam. *Platonem*, *Spinozæ* sententiæ addictum non fuisse, sequentibus probavi ratio-

rationibus : 1. Celebrem hunc Sapiētia Antifitem Ens aliquod æternum sapientissimum, quod Deum vocamus, agnovisse. 2. Eum solum Numen illud a materia distinxisse. 3. Nullo necessario vinculo cum materia conjunxisse. 4. Summam libertatem & imperium in materiam Deo tribuisse. 5. Tandem providam Dei Sapientissimi in omnia curam professum esse. Repetam igitur singulas propositiones easdemque contra D. Gundlingii exceptiones vindicabo. Quum autem Status Quæstionis huc redeat: *Utrum nempe Plato duas, æternas, & per se subsistentes substantias, Deum nempe, Ens æternum, Sapientissimum, Optimum; & materiam extensam, divisibilem, a Deo prorsus diversam, nullo vinculo connexam, nec ulla ratione essentiæ divinæ participem, agnoverit, nec ne?* Pluribus in ea excutienda laborabo. Negat enim D. Gundlingius materiam in systemate Platonis substantiam esse. Sect. 54. ait materia per se non est Ens, sed accidens, neutiquam substantia. Sect. 55. neque enim unquam Plato materiam pro substantia venditavit, qua nuda est materia, ac sine divinitate concipitur. Ut alia loca, in quibus idem repetit, taceam. Diligentissime igitur, quid de Deo, & materia Plato senserit, dispiciendum est; uti eo magis pateat, utrum materiam æque ac Deum, pro substantia Plato habuerit.

VIII. Velim autem primo ante omnia observari Platonem & Platonicos, ita de natura Dei loqui, ut aperte testentur, Deum omnem fere mentis nostræ captum superare, & ut cum scbola loquar, omnes categorias transcendere. Attuli in dissertatione mea notissimum locum Platonis ex *Timæo*, in quo sub persona Timæi Plato ita loquitur: Τὸν ποιητὴν καὶ πατέρα τῶν τε παντὸς εὐρεῖν τε ἔργον, καὶ εὐροντα εἰς πάντας ἀδυνατὸν λεγέιν. Non quidem negaverim Platonem ambigue, tectèque de hoc gravissimo capite loqui aliquando, ex more Veterum, qui nondum initiatos quædam celabant; ipsam tamen rei difficultatem, & impenetrabilem fere obscuritatem, multum etiam huc contulisse, nemo inficias iverit; imprimis si aliorum, eorundemque Philosophiæ Platonice peritissimorum cogitata perpenderit. Ita Proclus Lib. II. cap. 11. ὑμνησωμεν αὐτὸν, ὃ καὶ οἱ γῆν καὶ ἄρανον ὑπερῆσεν λεγοντες. ὃ δ' αὖ οἱ ψυχῆς καὶ ζῶων ἀπαντῶν γενεαὶς καὶ ταῦτα μὲν γὰρ, ἀλλ' ἐπ' ἐσχάτοις. πρὸς δὲ τῶν ὡς πάν μὲν το νοητὸν τῶν θεῶν γενος. πάν δὲ το νοερόν ἐγενήθη, πάντας δὲ τὰς ὑπὲρ τὸν κόσμον, καὶ τὰς ἐν τῷ κόσμῳ θεὸς ἀπαντας, καὶ ὡς θεὸς ἐστὶ θεῶν ἀπαντῶν, καὶ ἕνας ἐνάδων, καὶ ὡς ἀδύνατον ἐπεκείνα τῶν πρώτων, καὶ ὡς πάσης σιγῆς ἄρ' ῥητοτερον, καὶ ὡς πακῆς ὑπαρξέος ἀγνωστοτερον, ἅγιος ἐν ἁγίοις τοῖς νοητοῖς ἀποκακερημμένος θεοῖς. h. e. *Laudemus illum, non*

*dicentes ab eo cælum & terram creata, aut animas, & animalia progenita, nam hæc quidem progeniuit, sed inter ultima. Laudemus eum, quod ante hæc omne Deorum intelligibilem, omne intellectualem genus, omnes supra mundum, Deos omnes in mundo creaverit; quippe qui est Deorum omnium Deus, Unitas unitatum, supra prima impossibilia, omni silentio ineffabilior, omni existentia ignotior: Sanctus in Sanctis, & ipsis intelligibilibus absconditus Diis. Max. Tyrim dissert. 38. pag. 403. similiter de Deo loquitur. Ὁ μὲν γὰρ θεὸς ὁ τῶν ὄντων πατὴρ καὶ Δημιουργὸς ὁ πρεσβυτερός μὲν ἢ λίαν, πρεσβυτερός δὲ ἄρα, κρείττων δὲ χρόνῳ, καὶ αἰῶνος, καὶ πάσης ῥεσσης φύσεως, ἀνώγειμος νομοθετὴς, καὶ ἀρ' ἑνὸς Φοῦν, καὶ ἀόρατος ὀφθαλμοῖς. h. e. Deus enim omnium, quæ extant, Pater Conditorque, sole antiquior, antiquior cælo, omni tempore major, omni ævo & quicquid in natura mutatur; Legislator sine nomine, quem vox nulla, exprimit, nulla oculorum intuetur acies. Observat ibidem Doctissimus Davisius, veteres Christianos in eandem concessisse sententiam. Et confirmat hoc ingenti testimoniorum numero Petavius Dogmat. Theolog. L. I. Cap. VI. qui & Plutarchi, Plotini inprimis, perspicua de hoc asserto addit verba. Hæc loca clarissime ostendunt, Deum ex mente Platonis, & sequacium, substantiam esse, analogice quidem consideratam aliquid nobiscum commune habentem, quatenus propter egestatem sermonis, & rei ipsius sublimitatem, aliter loqui non possumus; revera tamen, si verum dicere velimus, omnem mentis nostræ capacitatem, superantem, quemadmodum omnes, quicunque de natura Dei accurate meditantur, mentemque ab omnibus, quæ in nobis cum aliqua imperfectiōe conjuncta sunt, abstrahunt, facile observabunt. Unde mea opinione rite inferri potest, Platonem non solum Deum pro substantia habuisse, sed & omnia, quæ præter Deum existunt, cum ipso collata, substantiæ nomen, ne mereri quidem existumasse; sequitur etiam tantum abesse, ut Plato Deum ex materia quadam subtili aut fluida constare dixerit, ut potius mente etiam nostra & facultatibus ejus, aliquid excellentius & nobilius esse, adseruerit. In Systemate Spinozæ Deus ex infinitis, imperfectissimis, abjectissimis, miserrimis, sensu omni destitutis, substantiis, componitur. Qualis enim ratio partium, talis etiam est totius.*

IX. Hunc autem Deum, supra omnia quod cogitamus evectum, substantiam esse, & quidem non tantum *sic* quadam mentis præcisione, sed distinctione reali, probabimus amplius ex vocibus, quibus Plato in hac materia utitur. Attendi igitur velim ad notissimam illam distinctionem

Ætionem Veterum, adserentium, *Platonem duo principia omnium rerum*  
*Θεον καὶ ὕλην, statuisse.* De tertio enim suo loco dicemus. Attuli eum  
 in finem testimonia *Plutarchi, M. Tyrii, Diog. Laërtii* aliorumque. Vox  
 autem ἀρχή hoc in loco, nihil aliud potest denotare, quam principium  
 aliquod reale, constitutivum, substantiam: ex duobus enim illis, Deo  
 nempe & materia omnem adparentem rerum omnium originem de-  
 rivant. Aliquando etiam αἰτίας vocabant. Sic *Plato in Timæo, δύο*  
*αἰτίαι, τὸ μὲν ἀναγκασίον, τὸ δὲ Θεόν.* Illas autem ἀρχάς ita explicant, ut  
 non possimus non duo diversa intelligere subjecta. *Auctor Philosoph.*  
 distincte de hac re loquitur. Deum vocat *τὸν ποιητὴν καὶ διακοσμη-*  
*σαντα τὸδε τὸ παν, καὶ προνοημενον αὐτὰ, materiam vero, πᾶσαν τὴν ὕλην*  
*ὑποκειμένην.* Porro Θεὸν adpellat *Plato ἀσώματον τε καὶ ἀνείδεον καὶ*  
*μονοὺς σοφοὺς ἀνδράσι καταλιπτόν, materiam vero ἀρχηματίζον καὶ ἀποιαν*  
*προσλαβέσων σχημάτων καὶ ποιοτήτως.* Hæc distinctionem aliquam non  
*rationis, quod D. Gundlingius contendit, sed realem & essentialem in-*  
*ferre, omnes vident, qui a partium studio alieni sunt. Plutarchus de*  
*placit. Philosoph. Lib. 1. cap. 2. clarissime, quid ἀρχῶν nomine intelli-*  
*gendum sit, ostendit.* Sumamus primum tantum exemplum, in quo  
 vox hæc adhibetur. *Θαλῆς ὁ Μηλεσιος ἀρχὴν τῶν ὄντων ἀπεφηνάτο τὸ*  
*ἰδῶν.* Quis autem non observat, vocem ἀρχὴν aliud denotare non  
 posse, quam principium constitutivum, seu substantiam? Novi quidem  
*Aristotelem Lib. 4. Metaphys. cap. 1. varias τῶν ἀρχῶν exhibere defini-*  
*tiones, sed qui argumentum, de quo quæstio est, rite inspexerit, fa-*  
*cile videbit, heic loci illam vocem alio sensu sumi non posse. Simi-*  
*liter vox αἰσία, qua usus est Plato, & discipuli, cum de Deo & mate-*  
*ria locuti sunt, satis ostendit, Platonem non minus Deum, quam mat-*  
*teriam pro substantia habuisse. Timæus Locutus pag. 548. corpus vocat*  
*μερίσιν αἰσίαν. Plutarchus περὶ τῆς ἐν Τιμαίῳ κόσμου. pag. 1014. de Pla-*  
*tone, τὴν αἰσίαν καὶ ὕλην ἐξ ἧς γέγονεν, ἢ γενομένην, ἀλλ' ὑποκειμένην αἰ τῷ*  
*Δημιουργῷ εἰς διαθεσὴν καὶ ταξίν αὐτῆς παραχρῆν. i. e. Substantiam & ma-*  
*teriam, ex qua factus est mundus, non natam, sed semper subjectam Opifici*  
*disponendam & ordinandam se præbuisse. Heic loci ergo materia dici-*  
*tur αἰσία, dicitur ex ea mundus factus, eademque distinguitur a Deo.*  
 Nulla hîc locum habet abstractio, neque enim ex accidenti totus mun-  
 dus factus est, sed veri nominis substantia. *Timæus Locutus pag. 544.*  
 non solum materiam tanquam eternam quandam substantiam considerat,  
 antequam NB. Deus ulla ratione se cum ea conjungeret; sed & ean-  
 dem materiam tanquam subjectum aliquod, quod varias formas seu acci-

cidentia admittere possit, describit. Ταυταν δε των ὕλων αἰδίων μὲν ἔφα, ἡ μὲν ἀκίνητον. ἀμορφον δὲ καθ' αὐταν, καὶ ἀσχηματίζον, δεχομένην δὲ πᾶσαν μορφᾶν. i. e. Hanc materiam aiebat esse eternam, non vero immobitem; Et ab omni forma atque figura per se immunem, Et liberam, quaslibet tamen formas recipientem. Diog. Laërtius in Vita Platonis pag. 86. postquam dixisset τὴν ὕλην ἀσχηματίζον & ἀπειρον fuisse, antequam Deus eandem in ordinem redigeret, addit τραπέσθαι δὲ τὴν ἔσian εἰς τετταρα ζοιχμα πυρ, ὕδωρ, ἀέρα, γην. Materia igitur substantia est, alias elementa ex ea oriri non potuissent. Plotinus Ennead. I. L. VIII. Sect. 10. expresse & totidem verbis asserit materiam non esse accidens, sed subiectum. ἡ δὲ ὕλη, inquit, ἐκ ἐν ἄλλῳ, ἀλλὰ το ὑποκειμενον καὶ το συμβεβηκος περὶ αὐτο. Materia non est in alio, sed est subiectum, circa quod accidens omne versatur. Ennead. Secund. Lib. IV. ab initio ait: τὴν λεγομένην ὕλην, ait, ὑποκειμενον τι καὶ ὑποδοχὴν εἰδὼν λεγοντες εἶναι, κοινον τινα τῶτον λεγον περὶ αὐτῆς πάντες λεγουσιν, ὅσοι εἰς ἐννοιαν ἤλθον τῆς τοιαυτῆς φύσεως, καὶ μέχρι τῆς τὴν αὐτὴν φερονται. h. e. Omnes, qui de materia disputant, si modo in notitiam ullam huius naturæ pervenerint, communi descriptione eam subiectum quoddam, Et susceptaculum Specierum esse, asserunt, atque bætenus consentire videntur. Plura loca non adducam. Evolvantur cap. I. L. IV. Tom. 2. Petavii Dogm. Theolog. Huet. Origen. p. 32. Clerici Epistola Criticæ. Quod si igitur standum est Veterum testimoniis, nemo non videbit materiam non minus, quam Deum pro substantia haberi Platoni, atque adeo mera suppositione niti D. Gundlingii assertionem, materiam nimirum accidens tantum esse Platoni, separatim consideratam. Nihil addam de voce ὑποστάσεως, qua Platonici usi sunt, & per quam veri nominis substantiam intellexerunt, cum dixerunt tres esse ἀρχικὰς ὑποστάσεις. Quæritur enim quid Plato fenserit, non alii. Videatur interim Tom. 2. Lib. V. cap. 2. Petavii & nota Eruditissimi Clerici.

X. Hactenus ex vocibus, quibus Plato veteresque utuntur, cum de materia loquuntur, probavimus, materiam substantiam esse: dispiciamus porro, quid de proprietatibus Dei & materia dicant; quod si enim proprietates Dei & materie inter se prorsus distinctæ sint ex mente Platonis, necessario concludendum est, Deum & materiam duas esse substantias prorsus inter se diversas. Audiamus igitur Veterum de hac re testimonia. In dissert. mea inde a pag. 832. usque ad pag. 849. non solum ex ipso Platone probavi, Deum ex mente huius Philosophi ab omni re corporea secretum esse, & distinctum; sed & argumenta ex ordine



ordine rerum, finibusque, ad quos creaturæ factæ sunt, eundem agnovisse, rerum omnium Auctorem, summa & excellentissima Sapientia præditum esse. Non commemorabo jam notissimam illam distinctionem Platonis in τα νοητα καὶ τα αἰσθητα, ex qua constat, illum omnem materiam a re intelligibili, solerter distinxisse. Priora enim illi vocantur τα θεια, τα ἀληθῆ, παντελώς, εἰδικρινώς ὄντα, αἰ ὄντα, νοητα, ἀδιαλυτα, posteriora τα ὁμονημώς ὄντα, γιγνόμενα, μὴ ὄντα, τα μεταξὺ των παντελώς ὄντων καὶ μὴ ὄντων. Ex quibus patet proprietates materie & rerum intellectualium secundum Platonem esse diversissimas, neque abstractione tantum mentis, sed realiter inter se distinctas. Huic inquam argumento non inhærebo, quamvis ita mihi comparatum esse videatur, ut nihil D. Gundlingius adferre possit, quod id subvertat; sed quid de Deo, & materia senserint Platonici solum hac vice explicabo, unde patebit, distinctionem inter Deum & materiam esse realem quammaxime & manifestissimam. M. Tyrinus Dissert. I. docturus, qua ratione ad cognitionem Numinis pervenire possimus, ita loquitur pag. 11. vers. Heinſii: Pervenimus eo hac ratione, ut semper id quod magis notum est natura, bifariam dividamus: atque ex his rursus, id quod præstantius est, secabimus, donec ad ejus perventum sit, de quo queritur, essentiam. Alia ergo animata, alia sine anima sunt. Sine anima, ut lapides, ligna, & id genus alia. Animata, ut plantæ & animalia. Jam animatum præstat ei, quod sine anima est. In animato aliud vegetativum, aliud sensitivum est. Rursus sensitivum, vegetativo est præstantius. In sensitivo aliud rationale, aliud rationis expers est. Rursus rationale id quod rationis expers est, antecedit. Sed & in anima rationali, quoniam tota quasi quedam congeries (nam & nutritivum in ea, & sensitivum, & motivum & passivum) illud excellit, quod intellectivum dicitur. Sicut ergo animatum ad illud, quod anima expers est se habet, ita intellectiva anima ad totam. Unde sequitur intellectivam præstantiorem esse ea, quæ ex omnibus constata est. In utro ergo Deum, de quo agimus, ponemus? an in multiplici illa congerie? ne Deus ipse siverit. Reliquum est ergo, ut tanquam in arce aliqua sublimi, in principe intellectu, Deum statuamus. Sed & intellectum duplicem video. Alter enim intelligere potest, quamvis non intelligat: alter etiam intelligit. Qui tamen nondum est perfectus, nisi & semper intelligat, & omnia, neque alias alia. Ut ille demum absolutissimus futurus sit, qui & semper & omnia simul intelligit. Hisce adductis exemplo rem illustrat pag. 15. ait. Scimus quidem pulcrum esse Deum, & pulchrorum omnium pulcherrimum: non tamen corpus pulcrum, sed id unde corpori

*sua pulchritudo venit. Nec pratum pulchrum, sed id unde ὁ prato sua pulchritudo est. Denique quicquid in fluvio, aut in mari, quicquid in cælo cælestibusque Diis pulchrum vocamus; id omne pulchrum tanquam ex perpetuo limpidissimoque fonte inde dimanat. Tantumque singula, aut pulchritudinis, aut stabilitatis, aut diuturnitatis inter se habent, quantum ex eo fonte trahunt, tantumque a pulchritudine recedunt & ad interitum suum tendunt, quantum ab eo abeunt. Si hec sufficiunt, Deum vidisti. Si nondum, qua tandem imagine commode exprimi poterit? addit εννοει γαρ μηδε μεγεθος, μητε χρωμα, μητε οχημα, μητε αλλο τε υλης παθος. Videmus Maximum, Philosophiæ Platonice peritissimum, omnia quæcunque in materiam cadere possunt, a Deo remove, & per continuam quandam Entium scalam ascendere, ad sublime illud contemplationis nostræ objectum, Deum nempe. Quis autem negabit, eum, qui omnium rerum proprietates, præcipue intellectualium, possidet, eminentissimo gradu substantiam esse? differt. 17. pag. 185. Edit. Dávijit: εγγαρ εις θεω, καθαπερ ανθρωπω, της ψυχης το μεν ερχον, το δε ερχομενον. αλλ απλαν το θειον αυτο, ο τι περ νεε και επισημη και λογος. i. e. Neque enim in Deo altera pars est que paret, altera que imperat, quod fit in homine. Est enim simplicissimum quid divinitas, id est mens, scientia ac ratio. Adde ejusdem Maximi integram differt. 38. Plutarchus de placit. Phil. Lib. I. cap. 7. asserit, Platonem statuisse, Deum esse Ens μονοφειες, μοναδικον, οντως αγαθον, ναν, χωριςον ειδος, τατεσι το αμιγες πασης υλης, μηδενι παθητω συμπεπλεγμενον. Innumera sunt loca in Plotini operibus, quibus idem probatur. Unicum tantum producemus, ut brevitati studeamus. Extat is Ennead. VI. Lib. VII. cap. 32. p. 725. quia autem prolixior est, latine tantum eum dabo. Hic jam fas est querere, inquit, hunc in modum. Age dic anima, ubinam ille sit, qui tam ingentem pulchritudinem creavit, qui tam excellentem progenit vitam, qui primam fecit essentiam? Cernis, o anima, ipsam in omnibus & variis speciebus pulchritudinem coruscantem? Pulchrum quidem est, ibi consistere. Sed opere pretium est animum in pulchro jam existentem, undenam hec sint, & unde pulchra fiant, investigare. Oportet sane ipsum pulchrorum omnium Audorem, eorum nullum penitus esse: alioquin si quid eorum sit, pars tantum quedam erit. Igitur neque forma quedam talis est, neque potentia quedam. Neque rursus est cunctæ, quæ ibi sunt existuntque, formæ atque potentie: sed oportet super omnes extare potentias atque formas. Est ergo principium ipsum specie vacans, non ita quidem, ut indigeat forma, sed potius a quo omnis forma intellectualis exoritur.*

Quod

Quod enim factum est, si modo fiebat, oportuit aliquid effici: ideoque propriam accepit formam: quod autem a nullo factum est; nimirum neque factum est aliquid. Hoc igitur nullum Entium est, & Entia cuncta: nullum quidem, quia posteriora hoc Entia sunt: cuncta vero, quoniam ex ipso nascuntur. Cum vero facere omnia possit, quam in se habeat magnitudinem? an forsitan erit immensum? verum si immensum, magnitudinem habet nullam. Magnitudo enim in rebus solum postremis habet locum. Jam vero oportet ipsum magnitudinis effectorem NB. non esse participem magnitudinis. Quin etiam ipsa, quæ dici solet essentia magnitudo, non est quantitas ulla. Habere procul dubio potest, quod post illud est, magnitudinem. Magnitudo vero illius est, nihil eo potentius esse, nihil equari posse, cum illo. Quo enim ex suis illi equari quis possit, cum nihil possideat idem? præterea quod dici solet, Deum per omnia secula perque universum ubique regnare, neque significat in Deo mensuram, neque vastam rursus immensitatem: alioquin quonam pacto reliqua metiretur? neque igitur figuram ullam in eo fingere decet. Hactenus Plotinus & cum his omnibus conspirat sententia Platonis. In Dissertatione mea de Atheismo Platonis probavi ipsius Platonis verbis, Numen quod causa est omnium sapientissimum, esse optimum, idem motum omnibus dedisse, atque ad certos fines cuncta disposuisse. Hæc omnia ita sunt comparata, ut substantiæ alicujus intellectualis proprietates clarissime pandant. Clarius adhuc mentem suam hac ipsa de re aperit Plato in Phædone pag. m. 31: Quæstio est de natura mentis: quærit Socrates utrum ejusdem naturæ sit mens cum corpore. Ἰωμεν, inquit, διὰ ἐπὶ ταῦτα ἐφ' ἅπερ ἐν τῷ ἐμπροθὲν λόγῳ. αὐτὴ ἡ ψυχή, ἥς λόγον δίδομεν τι εἶναι, καὶ ἐρωτῶντες καὶ ἀπεκρίνομενοι, ποτερον ὡσαύτως αἰεὶ ἔχει κατὰ ταῦτα, ἢ ἄλλοτ' ἄλλως; αὐτο τοῖσον αὐτο το καλον αὐτο ἱκασον, ὃ εἰς το ὄν, μη ποτε μεταβολὴν καὶ ἡντοχὴν ἐνδεχεται, ἢ αἰεὶ αὐτῶν ἱκασον, ὃ εἰς μονοειδὲς ὄν αὐτο καθ' αὐτο ὡσαύτως κατὰ ταῦτα ἔχει, καὶ ἔδεποτε ἔδαμῃ ἔδαμως, ἄλλοτεσιν ἔδεμειαν ἐνδεχεται. Ὁσαύτως ἐφ' ἀνάγκη ὁ Κεβης, καὶ κατὰ τα αὐτὰ ἔχεν ὁ Σωκράτης. i. e. Redeamus jam ad illa, ad quæ in superiore disputatione recessimus. Ipsa essentia, cujus interrogando respondendoque definitionem hoc ipsum quod est assignavimus, utrum eodem modo & secundum eadem se semper habet? an alias aliter? videlicet & ipsum æquale, ipsum pulchrum, ipsum unumquodque quod est Ens, utrum mutationem aliquam ipsa recipiunt, an ipsum unumquodque semper id quod est uniforme existens ipsum per se ipsum eodem modo & secundum eadem se habet, neque unquam, neque usquam, neque illo pacto mutationem aliquam suscipit? necesse, o Socrates, hæc,

*inquit Cebes eodem modo & secundum eadem se semper habere. Postea animam omniaque intellectualia inter ea refert, quæ simplicia, quæque eodem modo semper se habent, corpora vero inter ea, quæ tangi, videri, sensibus attingi possunt. Paucis interjectis Cebes ita pergit. Arbitror equidem, o Socrates, quemlibet vel indocilem prorsus & pertinacem ex hac discursione concessurum, animam per totum, ac per omne, similitudinem esse ei, quod semper eodem modo est, quam opposito. Quid autem corpus? alteri speciei. Considera rursus hoc passio. Quamdiu in eodem sunt anima atque corpus, hoc quidem servire atque subesse natura jubet; hanc vero præesse ac dominari. Secundum hæc rursus utrum tibi videtur, simile esse divino, utrum mortali? An non putas divinum quidem tale esse natura, ut præsit & ducat: mortale vero ut subjiciatur, ac serviat? puto equidem. Utri igitur horum anima est similis? Constat, o Socrates, animam quidem similem esse divino, corpus vero mortali. Tandem quæ inde consequantur, aperit: σκοπεῖ δὲ ἔφη, ὦ Κεβης, εἰ ἐκ πάντων τῶν εἰρημένων ταῦτε ἡμῖν συμβαίνει. τῷ μὲν θεῷ, καὶ ἀθανάτῳ, καὶ νητῷ, καὶ μονοειδὲι καὶ ἀδιαλυτῷ, καὶ αἰεὶ ὡσαύτως καὶ κατὰ ταῦτα ἔχοντι ἑαυτῷ ὁμοιοτάτων εἶναι ψυχὴν. τῷ δ' ἀνθρώπινῳ καὶ θνητῷ, καὶ ἀνοητῷ, καὶ πολλοειδὲι, καὶ μηδποτε κατὰ τὰ αὐτὰ ἔχοντι ἑαυτῷ ὁμοιοτάτων αὐτὸν εἶναι σῶμα. i. e. Animadvertite jam, o Cebes, num hæc ex omnibus, quæ dicta sunt, consequantur. Videlicet ipsi divino, immortalis, intelligibili, uniformi, indissolubili, semper eodem modo & secundum eadem seipsam habenti, animam esse simillimam; humano vero mortali, nec intelligibili, multiformi, dissolubili, nunquam eodem modo sibi met se habenti, simillimum esse corpus. Alia loca Platonis adducere nolo: universa enim facies Philosophiæ Platonice satis superque ostendit, τὰ νητὰ ἀ τοῖς αἰσθητοῖς prorsus esse diversa: quod si igitur loca adducta ad rectæ ratiocinationis leges exigamus, necessario ex iis colligere debemus, Deum, mentem præstantissimam, ab omni materiæ labe esse secretum. Quod si ab altera parte Platonis cogitata de materia evolvamus, patebit, proprietates corporum secundum Philosophi hujus mentem, prorsus esse diversas. Notum est Socratem & Platonem in sententiam Heracliti concessisse, adserentis, materiam in perpetuo fluxu esse, instabilem, neque eodem semper modo se habere. Præter allatum Platonis locum innumera adsunt hujus rei testimonia. Paucis tantum erimus contenti. Laërtius Lib. 2. de Sententia Platonis. αἰσθητὸν τὸ μηδποτε ἐν τῷ ποίῳ μηδ ποτὶ διαμεινον, ἀλλὰ αἰεὶ εἶναι καὶ μεταβαλλον, νητὸν δὲ ἐξ ἧς μηδὲν ἀπογίνεται μηδὲ προσγίνεται. In Timeo non semel de corpore tanquam re omnium imperfectissimā*

ma loquitur. *S. Empiricus* Lib. 3. cap. 5. pag. 142. Edit. *Fabricii* idem testatur : παρ' ὃ καὶ Πλάτων, inquit, γινόμενα μὲν, ὄντα δὲ ἀδε-  
ποτε καλεῖ τα σωματά. Unde & *Plato* vocat corpora que gignantur  
quidem, nunquam autem sint. Vide ibi *Cl. Fabricii* notas. Idem ex  
mente *Platonis* perhibet *Euseb. præp. Ev. Lib. XI. cap. 9. p. 523.* ut jam  
de cæteris *Platonica* Philosophiæ Sectatoribus nihil dicam. (\*) Quod  
si igitur hæc in *Summam* colligamus, & quæ de *materie natura* & *prop-*  
*rietatibus* in universam omnes testantur, perpendamus, nihil aliud  
inde concludere licet, quam *diversissimas esse substantias, intelligentes,*  
& *materiales*, atque adeo ex mente *Platonis* non unicam tantum dari  
*substantiam*, secus ac *Cl. Gundlingius* contendit.

XI. Antequam ulterius hanc ipsam thesin nostram probemus,  
audiemus, quid contra hanc assertionem nostram in medium adferat  
*D. Gundlingius* Sect. IV. *Distinctionem* illam *Platonis* intelligibilis &  
*sensibilis* nihil asserit probare, inde enim nondum sequi, *Deum Platonem*  
cum *materia* non confudisse; observandum intelligentiam dari in omnibus  
rebus, & *natura naturata*: *distinctionem* in sola ratione occurrere. Sed  
hac distinctione nolui probare, *Platonem* *Deum* cum *materia* non con-  
fudisse, sed hoc tantum, *Platonem* accurate τα νοητά, α τοῖς αἰσθητοῖς  
distinxisse, atque *diversis* illis apellationibus duas inter se distinctissimas sub-  
stantias denotare voluisse. Hoc cum ex ipsis vocibus αἰσίας, αρχων,  
*proprietatibus* item utriusque substantiæ ostendi possit, sequitur ne-  
cessario, duo illa substantiarum genera ex mente *Platonis* distincta  
esse. *Distinctio* illa *natura naturantis*, & *natura naturate*, quam *D.*  
*Gundlingius* inculcat, nititur sensu *Spinoze*, qua usus est. Cum autem  
*materia* in systemate hujus Viri, pars sit ad *Essentiam Dei* pertinens,  
& præcissione mentis tantum a *Deo* separata, aliunde probandum est,  
*Platonem* *materiam* eo sensu a *Deo* distinxisse. Utrum autem *Plato*  
cum *Spinoza* omnia in unam massam, seu substantiam confuderit,

Ooooo 3

infra

(\*) Præter ea, quæ infra Sect. XV. de phrasi *Platoniorum*, qua *materiam* aliquando in-  
ter τα νοητά referunt, dicuntur, confer Windetum de vita functionum statu p.  
24 Ed. Crenii. dignus etiam est locus *Cl. Alexandr. Stomat. Lib. V. pag. 591.*  
αἱ δὲ ὕλην ἀπὸ φύσεως οἱ φιλοσοφοῦντες ἐν ταῖς ἀρχαῖς, οἱ τὴν Στοικῶν, καὶ Πλάτων,  
καὶ Πυθαγόρας, αἱ δὲ καὶ Ἀριστοτέλης ὁ Περιπατητικὸς. εἴη δὲ μὲν ἀρχὴν, ἰσχυ-  
σαν ἐν τῇ κατὰ μῆκος ὕλῃ ἀπείρῳ καὶ ἀσχετικῶς λεγόμενῃ, πρὸς αὐτὴν καὶ τὰ  
μεγεθῆς ὡς καὶ ἐν πρὸς ταῖς Πλάτωνος ἐπερώται, i. e. *Materiam* ponunt *Philosophi*  
& *Stoici* & *Pythagoras*, quin etiam *Aristoteles Peripateticus*; non autem unum prin-  
cipium. Sciunt ergo eam, quæ vocatur, *materia*, quæ ab ipsis dicitur *expers qua-*  
*litatis* & *figure*, audacius quoque a *Platone* dictam esse, id quod non est.

infra dispiciemus. *Scđ. CII. D. Gundlingius* probare vult, *Deum Platonis ex ignea constare substantia*, provocat ad *Justinum M. Laërtium*, fragmentum *Attici* apud *Eusebium*, & *Eruditum Gallum*. Examinemus singula. *Justini M.* locus extat *cobort. ad Gentes. p. m. 6.* in quo *B. Martyr* ita ait : Πλάτων μὲν γὰρ, ὡς ἀνωθεν κατεληλυθώς, καὶ τὰ ἐν ἑρμῶνις ὅπαντα ἀκριβῶς μεμαθῆναι καὶ ἑωρακῶς τὸν ἀνώτατον θεὸν ἐν τῇ πυρῶδεϊ ἅτις εἶναι λέγει. i. e. *Etenim Plato, perinde ac si cœlitus descenderit, atque ea quæ sursum sunt, accurate didicerit, ac perviderit omnia, summum Deum in ignea essentia esse dicit. Sed aliud mea opinione est, dicere, Deum esse seu habitare in ignea substantia, aliud Deum constare ex igne.* Prius, non posterius dixit *Justinus*. Hinc idem pag. sq. asserit, *Platonem tria principia adstruxisse, Deum nempe, materiam & ideam.* Deum interim in ignea quadam habitare substantia, crediderunt quidam Orientalium. *S. Scriptura* ait, Deum habitare in luce inaccessibili. *1. Tim. 6. v. 16.* ad quem locum conferatur *Vitringa Obs. Sacrar. L. V. cap. 16. pag. 216. Spanhem. ad Callimach. pag. 612.* Si *Jamblicus* credimus, *Ægyptii & Chaldei* (verba sunt *Viri Summi Job. Clerici* in notis ad *Exod. cap. 3. v. 2.*) inter alias species, sub quibus humana præstantiores nature se se hominibus conspiciendas præbent, igneam esse & varia flammæ discrimina pro nature sub ea latentis præstantia observarant. Sic ille inter alia *scđ. 11. cap. 4. de Mysteriis* : τὸ μὲν τῶν Θεῶν πῦρ ἁλομον, ἀφθελῆλον ἐκλαμπεῖ, καὶ πληροὶ τὰ ὅλα βαθεῖα τε κοσμοῦ, ἰὸ δὲ ἰὼν Ἀρχαγγέλων ἀμερίζον μὲν, ἔχον δὲ περὶ ἑαυτοῦ, καὶ περὶ ἑαυτῶν προπομπέουσιν, καὶ μετ' ἑαυτοῦ συνεπομένον πολὺ πλῆθος θεωρεῖται. Τὸ τῶν Ἀγγέλων διηρημένον πῦρ, πλὴν ἐν ταῖς γε τέλει ταῖς ἰδέαις διαφαίνεται. i. e. *Deorum ignis individuus ineffabilisque emicat, impletque totum cœli profundum. Archangelorum vero ignis etiam individuus, habens circa se, aut ante se præeuntem, vel post se sequentem magnam multitudinem cernitur. At angelorum ignis divisus est, attamen in perfectissima specie adparet.* Nimirum Veteres contemplatione solis & astrorum in admirationem rapti, credebant nihil his excellentius esse ; probabile igitur esse, Deum ejusmodi splendidissima luce, tanquam vehiculo quodam ornatum. Forte etiam putabant, nullas esse substantias, ab omni prorsus vehiculo corporeo liberas, quæ modernorum etiam quorundam sententia est. Ita nuper demum *Eruditissimus mibique faventissimus Vir, Lud. Bourget in Epistolis Philosophicis Amstelodami editis, existumat, omnes substantias intellectuales, excepto Deo, subtili aliquo corpore vestitas esse.* Hæc, uti nollem temere rejicere,

cere, sic nec adprobare vellem. (\*) Quod si igitur *Plato* credidisset, Deum, ab omni materia secretum, splendidissima tamen quadam luce, tanquam vehiculo, instructum esse, asseruisset quidem aliquid, quod probare perspicuis argumentis non potuisset, sed ideo Deum cum materia haud confudisset. *Diog. Laërtii locus*, ad quem *D. Gundlingius* provocat *Lib. 3. p. 87.* in quo *Laërtius* adserit, *Platonem* dixisse, Θεὸς μὲν ἐν ἔχον το πολὺ πυρίνης, Deos quidem majori ex parte igneos ipsum continere. Sed qui antecedentia & consequentia legit, facile videbit, hunc locum prorsus nihil ad rem facere. Sermo ibi est de astris, quæ *Plato*, ut notum est, Θεὸς adpellavit. Hinc statim in sequentibus ait, γὰρ πρεσβυτάτην εἶναι τὴν ἐν τῷ ἄρᾳ Θεῶν. Ut jam non dicam, *Laërtium* Deum a materia, ex mente *Platonis*, clarissime distinxisse. Tertio provocat *Cl. Gundlingius* ad *Anonymum Gallum*, qui adserit *Platonem* cum *Heraclico* professum, Deum ex igne constare. Utrum testimonia attulerit doctus ille *Gallus*, nec ne, ego quidem nescio. Sine illis autem auctoritas nihil valet heic loci. *Heraclitum* credidisse materiam & mundum ex minutissimarum, & rapidissimarum particularum compositione constare, equidem certum est; sed nullum aliud adjecisse principium, hoc est, quod negamus. Hactenus saltem nondum vidi subversa argumenta, quæ in medium adtulit *Clarissimus Theologus Olearius* ὁ νῦν ἐν Ἀγγλίῃς. *Baylius* equidem in *Continuat. des pensees sur les Cometes* p. 495. idem cum Erudito illo Gallo & *Gundlingio* sentit, imo ad marginem dissertationum *Cl. Olearii* meminit, sed sicco pede transmittit tamen rationes a *Celeberrimo Viro* adductas. Ultimus tandem locus extat apud *Euseb. præp. Evang. LXV. cap. 8. p. 806.* disputat ibi *Atticus Platonius* contra *Aristotelem*. Inter alia dicit: ὁ μὲν (*Plato* scilicet) φησὶ τὰ κατ' ἄρᾳ ἐν τῷ πλεῖστον ἰδεῖν ἐκ πυρός ἔχειν. Cælestium quippe rerum speciem maxime *Plato* facit ex igne. Sed nemo non videt, de Dei natura sermonem non esse, sed de astris. Hinc in notis ad h. l. *Doctissimus Vigerus* sequentia addit: *Plato* in *Timæo* pag. 530. quatuor animantium ideas constituit: primam ἄρᾳιον θεῶν γένος. Secundam πτηνὸν ἢ ἐξοπτέον. Tertiam ἐνυδρὸν εἶδος. Quartam πτερόν ἢ χερσέσσιον. Tum

(\*) Non alienus a nostra sententia videtur *Doctissimus Mosheimius* in notis ad *Cudworth* pag. 1011. dicens. Certus ego sum, *Platonem* ab hac crassa & mutabili, ex quibus corpora constant, materia Deum prorsus abstraxisse; nec ut illis assentiar, a me impetro, qui contrarium nobis persuadere volunt, quo commodius in *Atheorum* numerum *Philosophum* hunc referant. At idem nihilo tamen minus vix dubito, quin Eum subtilissimæ, simplicissimæ, ac individuae cujusdam materiæ participem fecerit. Vide reliqua in hoc loco.

*Turn de prima.* τα μεν αν θειη , την πλειην ιδεαν εκ πυρος απειραζετο ,  
 όπως οι λαμπροτατον ιδεν τε καλλισον ειη. *Addunt Proclus & Alcinous,*  
*Platonem sentire, ex Elementorum flore ac veluti deliciis, excellentissimum*  
*illud corpus esse conflatum, sic tamen, ut in hac temperatione principem*  
*ignis locum obtineret.* Hactenus *Vigerus.* Ex quibus patet loca a *D.*  
*Gundlingio adducta minime probare Deum ex igne constare.*

XII. Antequam probemus, Deum ex mente *Platonis* cum materia conjunctum non esse, ulterius probabimus *Platonem* non unam tantum dari substantiam credidisse. *Spinoza* quidem adseruit unicam dari substantiam, unicum Numen, sed hæc ipsa substantia ex infinitis substantiis, in unam quandam massam confusis, constat. Omnia singularia corpora, & substantiæ intellectuales, sunt modificationes tantum, magnæ illius substantiæ. Potius igitur dicendum, infinitas numero substantias conficere Deum *Spinoza*, quam unicam dari. Unicum autem dari, præstantissimum, optimum, sapientissimum Numen, ex mente *Platonis*, probavi in *Dissert. mea.* *Auctor Gallus de l'Histoire de la Philosophie payenne, Hæge Comitum* ante aliquot annos editæ p. 119. multis testimoniis *Plutarchi, Jamblichi, Plotini, Porphyrii, Hieroclis* idem probat. Loca ipsa adducere nolo. Probavi insuper, Deum ex mente *Platonis* ab omni materiæ labe secretum esse. Hoc posito sequitur necessario, *Platonem* plures una credidisse substantias. Ab hoc unico Numine enim solertissime distinguit materiam, & ita quidem, ut æternam subsistentiam eidem adtribuatur. Possem hoc probare testimoniis *Plutarchi, Diog. Laërtii, Auctoris Philosophumena*: sed sufficit unicum *Timæi Locri* testimonium, quod extat p. 544. *Opusc. Myth.* Ιαυλαν δε Ιαν υλαν αιδιον μεν εφα, & μεν ακινατον, ακορπον δε και αυλαν, η αρχαισιον, δεχομεναν δε πασαν μορφαν. Hanc materiam dicebat esse æternam nec vero mobilem, & ab omni forma & figura per se immunem & liberam, quaslibet tamen formas recipientem. Quod si igitur Deus a materia a Platone non solum distinguitur, sed & eidem æterna tribuitur existentia & subsistentia, per se sequitur necessario, non unicam tantum dari ex mente *Platonis* substantiam. Si enim Deus a materia nonnisi quadam mentis abstractione secretus esset, cur omnes in universon, qui *Platonis* dogmata explicarunt, tam solerter materiam a Deo distinxerunt? cur illa omnium rerum corporearum receptaculum dicitur, ex qua mundus conflatus est, si a Deo distincta non fuit? & quomodo tandem materia, quæ ab æterno substriit, demum postquam Deus eam exornare voluit, substantia facta



facta est? 2. de Legib. Lib. X. pag. 880. & sq. pluribus probat Plato, motum originem suam habere a mente, & quidem præstantissima; corpora vero per se ad motum inepta esse; distinguit igitur corpora a mentibus. Si enim Deus a materia nonnisi mentis quadam abstractione ex mente Platonis distinctus esset, tum sequeretur necessario materiam etiam vim movendi habere ex mente Platonis: atqui impossibile hoc quammaxime ex mente Platonis: prius igitur falsum etiam esse necesse est. 3. Idem probari potest ex opinione Platonis de origine mali. Deo id adscribere ausi non sunt, quippe quem optimum, sanctissimumque esse pulchre noverant. Rejiciebant igitur originem & causam mali in materiam. Idem fecit Plato, quod multis testimoniis probarunt Viri Eruditi, Thomafius, Wolfius, Brukerus, alique. Audiendus ipse Plato in Timæo clarissime dicens: βέλτερος ὁ Θεὸς ἀγαθὰ μὲν παντὶ, Φαῦλον δὲ μὴδὲν εἶναι κατὰ δύναμιν. Voluit Deus bona facere omnia, malum autem nullum esse, quantum natura sive materia pateretur. Idem in Theæteto Tom. I. Op. p. 176. ἀλλ' ἂν ἀπολεσθαι ἴα κακὰ δυνατόν, ὑπερναντίον γὰρ ἴα ἰσὺ ἀγαθῶν αἰε εἶναι ἀναγκη. Fieri non potest, ut mala pellantur, contrarium enim aliquid bono semper esse necesse est. Hæc satis superque ostendunt, materiam, quæ origo mali Platoni est, a Deo prorsus discretam, atque adeo non unicam tantum dari substantiam. Quod si enim materia nonnisi præcisione mentis a Deo esset distincta, cur omnes in universum fere Philosophi, cur Plato imprimis ad materiam confugeret? cur adeo solerter ille το ἀγαθὸν ἴα ἴη ἀναγκη distinxisset? annon Deus æque ac materia dici potuisset causa omnium malorum, si realiter illa duo principia inter se distincta non fuissent? Scio D. Gundlingium regerere, Platonem Numinis reverentia adductum, negasse, Deum malorum causam esse. Sed reverentia illa sine dubio innixa erat notionibus, quas de Numine habebat. Cum autem ipse non semel ita de Deo loquatur, ut nihil præcellentius ab homine Revelationis luce destituto, dici possit; necessario concludendum est, id inter alia ab eo eam ob causam factum, quod materiam rem viliorem esse agnovit, quam ut ad naturam Dei pertinere possit. Probavimus igitur, nisi fallor, perspicuis argumentis, Platonem plures una substantias agnovisse, atque adeo a Spinozæ sententia alienissimum esse.

XIII. Progrediamur igitur & ostendamus, Platonem Deum cum materia prorsus non confudisse. Dissertat. mez Sect. VI. pag. 851. sequentes adduxi rationes. 1. Deum ex mente Platonis liberum esse.

P P P P P

2. Eum

2. *Eum fines in exornatione totius universi intendisse.* 3. *Deum necessitati imperare.* 4. *Mentem nostram liberam esse, pœna ac præmii capacitatem.* 5. *Destructionem mundi a liberrima Dei voluntate suspendi.* Contra singula argumenta quædam in medium adfert D. Gundlingius, quæ examinanda sunt. *Señ. 5 ait: Quin nihil probat contra me, Deum Platonis voluisse materiam exornare, fingere, formare: In hoc conspirabit isdem Spinoza cum Platone. Sed decipitur Zimmermannus, dum voluntatem cum libertate, quemadmodum nos definimus, miscet, ac pro Synonymis venditat. Sed vellem quammaxime, ut D. Gundlingius ostendisset perspicue, qua ratione voluntatem cum libertate confuderim. Neque enim vestigium hujus erroris mei deprehendere possum. Probavi, Deum & materiam esse duas substantias, & quidem secundum Platonem cœternas: Probavi, originem motus, secundum Platonem, non a corpore repetendam; probavi, ex contemplatione materie, æternum per se subsistentis ex mente Platonis, necessario sequi, Deum potuisse a materia exornanda animum cobibere; exornasse tamen eam, quod consilium non potest non liberum dici quammaxime. Per libertatem igitur intellexi eam mentis divinæ facultatem, secundum quam potest aliquid agere vel non agere, efficere vel non efficere; facultatem adeoque ab omni interna, & externa necessitate remotam. Talem autem in Deo fuisse ex mente Platonis, universa Systematis Platonici facies ostendit. Materia erat æterna, per se subsistens, ἀσυνκίνητος. Deus mens præstantissima ab omni materie labe secreta. Non potuit igitur ab ipsa materia ad agendum necessario impelli, quæ ne motum quidem habet secundum Platonem. Exornavit tamen materiam Deus ex mente Platonis, & quidem ad παραδερμα, quod erat in intellectu divino. Sed quemadmodum nuda contemplatio objecti non infert necessitatem, ita nec voluntas rationibus permota subvertit libertatem. Cum igitur animum Deus ad exornandam materiam adjecit, libere hoc fecisse dicendus est, quamvis non sine rationibus. Παραδερμα nobilissimæ menti obversabatur. Accessit secundum Platonem bonitas. Rationes igitur fabricandi mundi, repetitæ sunt a decentia virtutum divinarum. Has rationes Dei intellectui obversantes si quis necessitatem inferre asserit, aut sine ratione Deum agere tueri debet, aut omnes rationes animum ad agendum inclinantes absolutam inferre necessitatem statuere? quorum utrumque absonum est. Nescio ergo, ubinam tandem voluntatem cum libertate miscuerim. Eleganti similitudine mentem meam expressit Jac. Thomasmus, Vir Hist. Philosoph. peritissimus, de Stoica mundi exustio-*

exfione Differt. 2. Sect. 10. Platonius, inquit, *Deus Fabro similis est, a sylva sua per vastam viarum intercapedinem distracto. Hic ergo quamdiu volet, quiescit; ubi cupido veniet exercende artis, armatus ascia movebit se ad sylvam, & illi suas ideas, quantum permittet ejus aptitudo, imprimet. Ex comparatione sententiae de creatione rerum omnium ex nihilo, forsitan lux accendetur huic ipsi, de qua agimus, quaestioni. Deus ex nostra sententia liberrimus erat, nulla naturae necessitate compulsus ad mundum e nihilo creandum. Deus similiter ex Platonis mente a materia longissime disjunctus, libere ad exornandum mundum animum adjecit. In mente Dei, secundum nos, erant omnium rerum possibilium idearum, & ita etiam possibilium mundorum. Deus in se habuit, ex mente Platonis, saltem aspexit pulcherrimum omnium rerum intelligibilium παραδειγμα, ad quod omnia erant exigenda. Deus secundum nos potuisset per omnem aeternitatem tanquam perfectissimus & sufficientissimus sine mundo subsistere, voluit tamen virtutum suarum ostendere ὑπεροχήν. Creavit igitur mundum ex nihilo. Platonis Deus contemplantur rudem illam & indigestam molem, bonus tamen cum esset, voluit ad pulcherrimum exemplar materiam, quantum poterat, exornare. Tandem etiam hoc fecit, uti integer Platonis Timaeus evidentissime hoc ostendit. Quemadmodum autem Deus secundum nos non sine causa mundum fecit, sed rationibus sapientissimis adductus, minime vero necessario; ita nec Platonis Deus vel sine causa vel necessario materiam fabricavit, sed bonitate sola commotus. Libere igitur Deus ex nostra sententia mundum e nihilo fecit, libere etiam Deus Platonis mundum fabricasse dicendus est. Verbo: tolle materiae aeternitatem, & quantum ad rei summam pertinet, nullum in utroque systemate discrimen erit. Non hic quaeritur, quo jure Deus Platonis, materiam fabricare potuerit; sed quid ipse Plato senserit ex testimoniis Veterum, quibus insistendum est. Neque etiam quaeritur, utrum Deus Platonis, pro lubitu semper materiae imperaverit; fatemur enim, materiam minime semper voluntati divinae obsecundasse, sed hoc tantum; utrum Deus libere nulla necessitate coactus ad materiam disponendam accesserit, quod in Systemate Platonis locum habere asserimus. Quemadmodum enim Artifex libere animum elaborandae materiae adicere potest, licet postea obfervet, non ex quolibet ligno Mercurium fieri posse: sic Deus Platonis liberrime, & sola naturae Bonitate commotus ad materiam exasciandam accessit, licet in progressu, ipsa materiae ineptitudo obliterit, quo minus omnia, quae vellet, efficere potuerit; quae quidem assertio*

P p p p p 2

cum

cum Omnipotentia Dei pugnat, sed primam illam Dei, mundum exornandi voluntatem necessariam minime facit. Ex hisce adeo patet, me *voluntatem & libertatem* minime confudisse. Sed Spinoza, inquit, D. Gundlingius, idem sentit cum Platone. Vellem hoc demonstrasset. Spinoza Propos. XIV. ait: *Præter Deum nulla dari, neque concipi potest, substantia*. Propos. XV. *Quicquid est, in Deo est, & nihil sine Deo esse neque concipi potest*. Propos. XVI. *Ex necessitate divine nature, infinita infinitis modis (hoc est, omnia, quæ sub intellectum infinitum cadere possunt) sequi debent*. Propos. XVII. *Deus ex solis sue nature legibus, & a nemine coactus agit*. Demonstrat hanc Propositionem ita: *Ex sola divine nature necessitate, vel (quod idem est) ex solis ejusdem nature legibus, infinita absolute sequi, modo Prop. 16. ostendimus, & Prop. 15. demonstravimus, nihil sine Deo esse, nec concipi posse; sed omnia NB. in Deo esse, quare nihil extra ipsum esse potest, a quo ad agendum determinetur, vel cogatur, atque adeo Deus ex solis sue nature legibus, & a nemine coactus agit*. Q. E. D. Nemo non videt, Platonem & Spinozam diversissimas fovere sententias: Spinoza unicam agnoscit Substantiam; Plato Deum & materiam. Spinoza ait, omnia necessario ex Dei natura sequi, atque adeo mundum ipsum; Plato sola bonitate commotum Deum inducit, ad materiam fabricandam. Observasse tamen mihi videor causam, quæ D. Gundlingium induxerit ad adserendum, me *voluntatem cum libertate* confudisse. Nimirum existumavit, me hac in parte sententiam Cl. & Excellentissimorum Philosophorum, Leibnizii & Wolfii secutum, de qua ipse pessime sentit. Sect. enim I. *Dissertat. sue*, ait: Spinoza, Plato, & Leibnizius cum sequacibus hac parte conspirant: quorum neuter indifferentiam in definitione libertatis comprehendere existimat, puta ut sine causa prævia mens nostra sese determinet & ἀνεξαρτητος. Sed ea in re falsus est D. Gundlingius. Libertatis definitionem adhibui, quam rigidissimi libertatis defensores tuebantur, ne causam sine necessitate adversariis præberem vitiligandi. Cæterum item illam meam facere nolo. Injuriam tamen fieri Eximiis Viris credo, quando cum Spinoza in eandem referuntur classem. Poterit autem D. Gundlingius hac in parte congruere cum Illustri Wolfio, qui, quibus fundamentis superstructa sit Leibnizii de hoc argumento sententia, optime omnium novit.

XIV. Secundum argumentum, quo probavi, Deum ex mente Platonis cum materia nullo modo conjunctum esse, desumsi ex eo, quod Deus Platonis in fabricando mundo fines intenderit. Contra hæc quæ-

quædam monet Sect. LI. Permittendum, inquit, Spinozam negare, Deum omnia propter hominem fecisse. Jam ut diversum ab eo Platonem sistat, locum Libri X. de legibus p. 610. excitat Apologeta, in quo reperitur, Deum universum non propter hominem fecisse, sed hominem tanquam particulam, propter universum. Nihil hic intellexero, nisi hic paralogismum deprehendam insignem. Plato namque idem dicit, quod Spinoza, mundum non esse conditum propter hominem, & tamen regerit: Plato existimat, hominem conditum esse propter universum. Egregia defensio! Id enim nihil aliud sonat, quam homines singulos pertinere tanquam partes ad universum, idque εἰς. Respondeo 1. D. Gundlingius sententiam meam & scopum argumenti mei sciens volensque pervertit. Sect. VII. uti inspectio docet, probare aggressus sum, Deum in exornatione universi fines sapientissimos intendisse. Provocavi inter alia ad locum Platonis de legibus Lib. X. eoque adducto sequentibus usus sum verbis: Sane elegantissimus ille locus clarissime ostendit, Deum ex mente Platonis non solum singulari sapientia cuncta ordinasse, sed & ad totius Universi harmoniam recte perficiendam animum induxisse. Plane igitur nulla quæstio erat, utrum universum propter hominem, an hominem propter universum Deus Platonis fecerit. In cerebro igitur Doctoris Gundlingii, non meo hæret ille Parallogismus. 2. Si locum Platonis rite introspectisset D. Gundlingius, vidisset, locum citatum probare, quod probandum suscepi, nimirum Deum Platonis non solum singularum rerum, sed & totius rerum universitatis rationem habuisse, atque adeo in exornatione universi fines intendisse. Plato Lib. X. p. 610. supponit, Deum non solum ad harmoniam totius universi respicere, sed & singula ita moderari, ut ad totum relata, pulchritudinem summam efficiant. Hinc Ath. Hospes ita loquitur: Sed nunc illi duo tribus nobis respondeant, qui licet Deos esse concedant, alter tamen facile placabiles, alter in rebus parvis negligentes putat, primumque sic interrogentur. Ambo Deos asseritis scire, videre, audireque omnia; nihilque ipsos effugere posse eorum, quæ aut sensu, aut intellectu percipiuntur; hæcne, ita se habere dicitis? An aliter? Sic. Deinde omnia eos posse, quæcunque mortales immortalesve possunt? CLIN. Absque dubio ita esse concedent. Athen. Bonos etiam imo optimos esse omnes quique confessi sumus. CLIN. Omnino. Athen. Nulla ergo pigritia, nulla mollitie capi eos possibile: quando, quidem tales sunt, quales esse consensimus. Nam a timiditate in nobis otium nascitur: pigritia vero ab otio atque mollitie. CLIN. Vera loqueris. Athen. Nullus ergo Deorum, otio pigritiaque corruptus, quicquam negligit. Nullum enim timidi-

tatis particeps est Deus. CLIN. Probe. Athen. Ergo relinquitur, si parvas paucasque in universo negligunt, ut ita negligent, aut quia contemnenda illa esse sciunt, aut quidnam aliud reliquum est, quam bujws contrarium? CLIN. Nihil penitus, Athen. Utrum ergo, o Vir eximie, te dicere affirmabimus? an quod propter ignorantiam, cum providere debeant, non provideant? an sicut improbos homines dicimus, meliora quidem videre, sed voluptate aut dolore fractos deteriora sequi, sic Deos quamvis sciant providendum esse, similiter non providere? CLIN. Quomodo id fieri potest? Athen. Præterea res humane, viventis nature participes sunt: & homo ipse præ ceteris animalibus Dei cultor diligentissimus est. CLIN. Apparet. Athen. Quin etiam mortalia cuncta viventia a Diis fieri possiderique, quemadmodum & cælum universum dicimus. CLIN. Procul dubio. Athen. Jam ergo seu parva hæc sive magna quis dixerit Diis esse, nullo modo cum providentissimi atque optimi sint, negligenda sibi sua possessio est. Paucis interjectis quærit Athen. Quid vero? cum Medicus totum corpus curare velit ac possit, si magnis providerit, parva contemserit, an bene huic unquam se totum habebit? CLIN. Nunquam. Athen. Sed nec Gubernatores, nec Imperatores, nec Patresfamilias, neque civitatum moderatores, neque ulli omnino tales, paucis parvis neglectis recte multa & ingentia gubernabunt. Nam lapides quoque magnos sine parvis bene strui negant Architecti. CLIN. Certe. Athen. Caveamus autem, ne Deum mortalibus opificibus viliorum putemus. Isti sane quanto peritiores sunt, tanto arte una in propriis eorum operibus & parva simul & magna exquisitis absolutiusque perficiunt, Deus vero, qui Sapientissimus est & curare potest ac vult: magnis quidem providebit solum, parva autem, quæ facilius gubernari possunt propter pigritiam & ignaviam negliget? CLIN. Nullo modo hanc Hospes de Diis opinionem admittendam putamus. Post pauca jam sequitur ille locus in Dissertat. mea citatus. Ubi observandum Juvenem hunc existumasse, Deum rerum parvarum, adeoque sui ipsius nullam curam gerere. Nullam igitur causam esse, cur credat, sui Deum curam unquam abjedurum. ἡ γὰρ ἀμελῆσις, inquit, ὑπ' αὐτῆς, ἔχ' ἑτὼ σμικρὸς ὢν δοσὴ κατὰ τοῦ τῆς γῆς βᾶθος, ἂν ὑψηλὸς γενομένος εἰς τὸν ἕρανὸν ἀναπτῇ. i. e. Nunquam ab eo negligetis, nec si ita parvus sis, ut in terræ profundum progrediaris, nec si adeo sublimis fias, ut pennis elatus in cælum voles. Præterea observandum, quod in hoc loco monet Plato. Nimirum Deum non solum singulorum hominum curam gerere, sed & actiones ipsorum neque bonas neque malas ipsum fugere. Rex ille noster, inquit Hospes Atheniensis,

nientis, actiones omnes hominum animatas esse perspexit, multamque ipsas in se virtutem, multam etiam pravitatem habere, quodve factum est, animam & corpus, perditionem non pati, neque tamen æternum esse, qua lege Dii sunt: nam si alterutrum horum perderetur, omnis cessaret animalium generatio: præterea quod ipsius anime bonum est juvare, quod malum contra nocere: hæc inquam omnia quoniam perspexit, excogitavit, ubi pars quæque locata maxime, optime, facillimeque virtuti victoriam, vitio vero, ne vincat, impedimentum in universo præbere posset. Quod si igitur hæc omnia ex rectæ ratiocinationis legibus dijudicemus, patet evidentissime, Platonem adseruisse 1. In Deo fuisse παραδειγμα rerum pulcherrimarum. 2. Ad id Exemplar voluisse mundum condere. 3. Deum Sapientissimum fines intendisse, respiciendo, tum ad totius universi harmoniam, tum ad singularium actionum & hominum statum, quatenus ad universi salutem singula facere possunt. Hinc etiam Deum Medico confert, qui παῖδας ἐνέκω παντα ἐργάζεται πρὸς τὰ κοινὴν εὐντηκων βελτίῃα. Num autem talis fines intendere dicendus est? putaverim equidem. Verum est, Platonem in hoc loco adserere, hominem esse particulam universi. Idem potest dicere Spinoza, sed non eodem sensu. Plato hominem considerat tanquam substantiam prorsus a Deo diversam, substantiam ad certos fines conditam, substantiam, cujus curam gerat Deus non minus quam univerforum. In Systemate Spinozæ homo non est nisi modificatione quadam, uti loquuntur Scholastici, a Deo distinctus, pars est Dei æque necessaria ac ipse Deus, necessario talis, qualis est; duo ergo cum idem dicunt, non idem tamen sentiunt. In Epinomide pag. 638. idem, quod in loco citato legum proficitur Plato: nam postquam dixisset, solem terra longe majorem esse, addit: λαβωμεν δὴ τὴν ἡσπερας αὐτὴν εἶναι, ἵσταντο περιφερειν ὅγκον ἵνα φουσιν τὸν αὐτὸν αἰὲν χρόνον, ὅσον καὶ νυν περιφερῆσαι. Θεὸν δὴ, φημι, ἵστω μὲν αἰὼν ἐσεσθαι, καὶ ἂν ποτ' ἐλευσὶν εἶναι δύνατον. ἐμφυχον μὲν γὰρ ἂν ποτε γένωι' αὐτὴν ἐλευσὶν, πληρὴν διαθεῖν, ὡς ἡμεῖς ἀπεφηνάμεθα. ὅτι δὲ ἴστω οἷος τὸ εἶναι θεός, ἀπαντα αὐτῷ ῥαῖσωνη γέγονε, καὶ προῖα μὲν ζῶων γεγενῆσθαι πᾶν σῶμα, καὶ ὅγκον συμπανία. ἐπειδὴ εἰπερ αὐτὴν διανοσθῇ βαλίσκα, ταυτὴν φερεῖν. νυν δὲ περὶ ἀπαντῶν ἴστων εἶνα λόγον λογοῖμεν ἀλήθῃ. ἀκ εἰσι γὰρ τὰ καὶ ἔρανον, ἀπαντίας τὸ αἶσρας, ὅγκας τὸ ἐκ ἴστων συμπανίας μὴ ψυχῆς πρὸς ἐκάστω γενομένης, ἢ καὶ ἐν ἐκάστοις, εἰς ἀκριβεῖαν κατ' ἐνιαυτὸν αἶω πορευεσθαι, κατὰ μηνᾶς τὸ καὶ ἡμέρας, καὶ συμπανία τὰ γινόμενα, συμπασιν ὑμῖν ἀγαθὰ γιγνεσθαι. δεῖ δὲ ὅσω φαιλοτερον εἶναι ἀνθρώπου, μὴ τι ληρυντα γέ, σαφὲς δὲ τι λεγόντα φαινέσθαι. ἔρως μὲν ἂν εἰ τις αἰτίας πινᾶς ἐρεῖ σωμάτων ἢ φύσεις, ἢ τι τοιαῦτον ἔδω σαφές ἐστι. i. e.

Cogite-

Cogitemus igitur, quomodo fieri possit, ut tanta magnitudo ab aliqua natura possit tanto tempore circumferri: Ego igitur assero, Deum causam esse, nec aliter fieri posse. Animatum enim non aliter, quam propter Deum fieri posset, ut nos declaravimus. Quoniam ergo id Deus facere potest, facile ipsi fuit primum omni corpori magnitudinique vitam tribuere: deinde qua ratione optime fieri cogitarit, hac ducere. Demum de his omnibus veram hanc sententiam ferri volumus; impossibile esse terram, cælum stellasque omnes, & quæ ex his constant moles, nisi anima aut singulis adsit aut insit adeo exquisita ratione annis, mensibus diebusque circumvolvi, nobisque omnibus bona omnia facere. Hominem vero decet, quo vilior est, eo minus de ipsis nugari; sed contrari potius certi aliquid dicere. Si quis autem impetus corporum aut naturas, aut huiusmodi quicquam ordinis huius agitationisque causam esse dicet; perspicuum nihil adducet. Idem sentiunt Platonici Juniores. Plotinus Ennead. III. Lib. 2. cap. 1. Sect. 3. argumentatur ab ordine universi, & insipientes eos pronuntiat, qui ex parte de toto iudicant, Deumque cuncta ordine non digessisse dicunt, quod in hac vel illa parte eum non observent. Idem Ennead. 4. Lib. 4. cap. 9. ita ait: ὁ δὲ δὴ πάντα κοσμεῖν Ζεὺς, καὶ ἐπιτροπεύειν καὶ διαπθεῖς, εἰς αἷα ψυχὴν βασιλικὴν καὶ βασιλικὸν νῦν ἔχων, καὶ προνοεῖν ὅπως γυγνοῖτο καὶ γινόμενον ἐπιστασίαν, καὶ ταξὶς διοικῶν. καὶ περιοδὸς ἐλπίτων πολλὰς ἡδὲ καὶ τελεσὰς, πῶς ἂν ἐν τέτραις ἀπασι μνημὴν ἔκ ἔχει, ἀποσαι τε ἐγένοντο καὶ οἶαι αἱ περιοδοί, καὶ ὥς ἂν καὶ ἐπεῖτα γένοιτο, μηχανώμενος ἢ συμβαλλὼν ἢ λογιζόμενος, μνημονικωτάτος ἂν εἴη πάντων, ὅσῳ ἢ Διμειγρὸς σοφώτατος. i. e. Jupiter autem exornans omnia & moderans, & disponens, semper animam regiam mentemque regiam possidens, & qua ratione unumquodque fiat, providentiam & in ea quæ fiunt, Imperium. Præterea circuitus multos evolvens, multosque inceptos jam ad finem usque perducens, cur non in his omnibus memoriam habeat, recordatus scilicet, quot & quales revolutiones astra jam fuerint: rursusque quemadmodum imposterum fiat, machinans & conjiciens & excogitans, atque ita maxime omnium memor erit, eoque magis quo & sapientior Architectus. Hactenus Plotinus. Aliorum loca brevitatis causa omitto. (\*) 3. Si cum his jam conferamus Spinozæ cogitata de finibus, patebit, Platonem & Spi-

(\*) Addam hæc Causæ finalis definitionem, quam in Gorgia pag. 467. Plato exhibet: αἱ ἀρεταὶ ἢ ἔτη καὶ περὶ πάντων; ἵνα τις τι πράττῃ ἔκκα τῷ. ἢ τὸ τοῦτο βέλτεται ὁ πράττει, ἢ δὲ ἵνα τοῦτο ἢ ἔκκα πράττει, i. e. Nonne & hoc de omnibus constituendum est? Si quid agat alicujus causa, non hoc vult, quod agit, sed illud cuius causa agit.



Spinozam plane diversissima hac in parte sentire. Propos. XXXII. ait : *Voluntas non potest vocari causa libera, sed tantum necessaria. Hinc sequitur per Corollarium primum Deum non operari ex libertate voluntatis.* Sequitur 2. *voluntatem & intellectum ad Dei naturam ita se habere, ut motus & quies; & absolute ut omnia naturalia, quæ (per Propos. 29.) a Deo ad existendum & operandum certo modo determinari debent.* Prop. XXXIII. *Res nullo alio modo, neque alio ordine a Deo produci potuerunt, quam productæ sunt.* Prop. XXXIV. *Dei potentia est ipsa ipsius essentia.* Prop. XXXV. *Quicquid concipimus in potestate Dei esse, id necessario est.* Prop. XXXVI. *Nihil existit, ex cuius natura aliquis effectus non sequatur.* Hanc autem Propos. ita demonstrare vult. *Quicquid, inquit, existit, Dei naturam, sive essentiam certo & determinato modo exprimit (per Propos. 25.) hoc est (per Prop. 34.) quicquid existit, Dei potentiam, quæ omnium rerum causa est, certo & determinato modo exprimit, adeoque (per Propos. 16.) ex eo aliquis effectus sequi debet.* Q. E. D. His Propositionibus subjecit appendicem, in quo varia (uti ait) præjudicia subvertere vult. Inter illa autem pag. 34. refert communem hominum opinionem adferentium, omnes res naturales, ut ipsos, propter finem agere; imo ipsum Deum, omnia ad certum aliquem finem dirigere. Hanc deinde sententiam subvertere argumentis quibusdam nititur, & tandem pag. 35. ita loquitur : *Ut jam autem ostendam, naturam finem nullum sibi præfixum habere, & omnes causas finales nihil nisi humana esse fragmenta, non opus est multis.* Credo enim, id jam satis constare, tam ex fundamentis, & causis, unde hoc præjudicium originem suam traxisse ostendi, quam ex Proposit. 16. & Corollario Propos. 32. & præterea ex iis omnibus, quibus ostendi, omnia NB. naturæ æternæ quadam necessitate, summaque perfectione procedere. Ex allatis Spinozæ dictis meridiana luce clarior est, omnes fines ab eo proscripti, cunctaque ex mente hujus Athei necessario ex natura divina exorta esse, atque eum plane a Platone dissentire. Hæc mea opinione sufficere possent ad probandum, Deum Platonis fines intendisse, non item Spinozæ. Sed ut vel reluctantes vim argumentorum meorum sentiant, loca quædam ex Platonis Timæo addam, quæ clarissime idem probant. Pag. 709. Vers. Fic. ita inquit : *Volens itaque Deus omnium, quæ intelligi possunt, pulcherrimo & undique absoluto mundum hunc simillimum reddere, animal unum ipsum effecit, aspectui subiectum, animalia cuncta naturæ suæ convenientia intra suum limitem continens.* Ibid. paulo infra. *Ex omni igne, aëre, aqua, terra, ipsius Faber ita ipsum composuit, ut nullam cuiusquam istorum par-*

tem aut vltm extra relinqueret. Idque ea ratione fecit, primum quidem, ut totum hoc animal, quammaxime perfectum ex perfectis partibus esset. Deinde, ut esset unum, cum nihil extra relictum fuerit, ex quo alterum generetur. Postremo, ne quis ipsum morbus, aut senectus attingeret. Pag. 711. Cum igitur hoc a se factum sempiternorum Deorum pulchrum simulacrum moveri & vivere Pater ille, qui genuit, animadverteret, delectatus est opere, & hac ductus letitia opus suo multo magis primo illi exemplari simile reddere cogitavit. Itaque quemadmodum illud sempiternum animal est, ita universum hoc pro viribus tale facere statuit. Illius quidem animalis eterna natura est, quod genito operi congruere omnino non potest. Idcirco imaginem evi mobilem effingere decrevit, ac dum cælum exornaret, fecit eternitatis in unitate manentis eternam quandam in numero fluentem imaginem, quam nos tempus vocamus. Dies porro & noctes & menses & annos, qui ante cælum non erant, tunc nascente mundo nasci iussit, quæ omnia temporis partes sunt. Pag. 712. Hac ratione consilioque Dei tempus creare volentis sol & luna, & alie quinque stellæ, quæ vocantur erraticæ, factæ sunt, quo temporis numerus distinguatur atque observetur. Eadem pag. paucis interjectis. Sed quia mundus hic nondum animalia omnia inter suum ambitum continebat, ex ea parte deficiebat ad illud Exemplar imaginis hujus similitudo. Hoc igitur quod deerat, superni illius exemplo Deus explebat. Quot igitur & quales mens ideas, in eo quod est animal inspicit, totidem & tales hoc mundo contineri oportere excogitavit. Pag. 713. Ad hominis progenerationem progreditur. Nunc vero, inquit, de prima hominis compositione exactius differendum ac probabili ratione monstrandum, qua causa & Providentia Deorum singula membra corporis ad singula animæ officia sint accommodata. Pergit deinde ad singula hominis membra. Si hæc non ostendunt, Deum ex mente Platonis fines intendisse, frustra ad Veterum monimenta provocamus. Allatis enim testimoniis nihil potest adferri evidentius. Hinc quid de assertis D. Gundlingii sentiendum sit, satis constat. Spinoza, inquit, pag. 252. omnia perfectissime condita a suo affirmat Deo: nec quidquam offendi in natura naturata, quod non inveniat ac trabat aliquid ad sui commodum, sed prorsus esse diversum thema, an ea commoda primario sibi proposuerit Deus, hicque finis eum determinaverit ad agendum? posterius Plato inficiatur non minus quam Judeus ἀθεός. Sed quid sibi volunt illa verba Cl. Gundlingii, omnia ex mente Spinozæ perfectissime a Deo condita? num ille Deum ab universo distinxit realiter? num sejunctus fuit a materia & mundo, antequam hoc consilium caperet? num fines

fines aliquos intendit, & res ita, non aliter, voluit efficere? num verba *Spinoze*, omnia ex necessitate divinæ naturæ necessario oriri, significant, Deum liberrime ad materiam elaborandam accessisse? aut vera rerum prorsus vocabula amisimus, aut nihil potest esse Cl. Gundlingii assertione falsius: ut non dicam, nullum perspicuum locum e Platone adferri, quo sententiam suam probet. Sed pergit *Sect. LII. D. Gundlingius*. Inter alia etiam provocavi ad consilium, rationesque, quas tribuit Plato Deo in exornando universo. Contra hæc excipit pag. 254. *Præterquam enim quod in Deo consilium ac deliberatio cessare videtur: omniaque tanquam species & ideae æternæ in Deo sunt: etiam claret, actiones omnes divinas ita dici ab eo institutas, illoque ordine, ut videantur ratione certa ac consilio institutæ, cum tamen solum ab eminenti bonitate & perfectione manent.* Sed quid sibi volunt hæc verba, omnia tanquam species & ideas æternas in Deo esse? aut significant, omnium rerum ideas in mente divina esse, quod ex mente Platonis verum est, sed tantum abest, ut hoc probet, Deum sine ratione egisse, nullosque fines intendisse, ut nihil magis hoc ipsum confirmet. Aut per *omnia, species, & ideas* intelligitur ipse mundus in Deo existens & cum Deo conjunctus; sed tum manifesto supponitur, quod in questione est. Verum est insuper, Deum Platonis bonitate ad universum construendum commotum fuisse. Sed num inde sequitur, ergo sine causa, sine ordine, sine finium intentione egit? qui asserit hominem benignitate commotum ad aliquid præstandum inductum esse, is non solum voluntatis adfectum adesse innuit; sed rerum etiam, seu hominum, quibus bene cupit, cognitionem. Quo major autem est cognitio, eo præstantius etiam est beneficium. At Deus Platonis *παγεδερμια* rerum efficiendarum contemplatus est; ad illud mundum effecit, bonitate inductus: Ergo non solum bonitas aderat, causa impulsiva, sed & ratio, consilium, verbo fines. Ergo non videntur tantum omnia ordine digesta, sed ipso opere Deus Sapientissimus ita voluit.

XV. *Tertium argumentum, quo probavi, Deum ex mente Platonis cum materia conjunctum baud esse, desumsi ex eo, quod Plato adferat, Deum materie, & quæ inde ortur necessitati, imperare.* Probavi hoc testimoniis Platonis, Plutarchi, Apuleji, Alcinoi. Verum est, Platonem hæc in parte non per omnia sibi constare. Concedit enim, Deum *κατὰ δύναμιν*, quoad illa pateretur, materiam exornare, quod sine dubio cum quadam imperfectione conjunctum est. Interim idem Plato, uti ex *Timæo* constat, proficitur, Deum cuncta in ordinem digessim,

materiamque Imperio Dei subiectam esse. Omnia huc redeunt: materiam esse æternam; Deum materiam exornasse, non tamen omnia ex materia Deum efficere potuisse, eam tamen certis limitibus circumscriptam Dei Imperio subesse. Patet autem hoc clarissime ex eo, quod Deus ex Platonis sententia *motum dederit materie*, quod illa *antiquior sit, eamque exornaverit*. Locum Platonis, in quo hæc adserit, attuli in anteced. *Señ. Extat. Lib. X. de leg. p. 606. Laërtius Lib. 3. p. m. 86.* ait, mundum ex mente Platonis a Deo κατασκευασμενον. In *Epinomide* pag. 638. postquam adseruisset, Deos esse & omnium rerum curam gerere, ita pergit: *εἰ δὲ μνησθε γέ, ὦ Κληνία, ἐλάβετε μὲν γὰρ δὴ καὶ ὑπομνηματα: καὶ γὰρ ἦν τα ῥηθέντα τότε καὶ μάλα ἀληθῆ. τοῦδε δὲ αὐτῶν ἦν το μᾶλιστα, ὅτι πρεσβύτερον εἴη ψυχῇ σώματος ἅπαντα παντός. ἄρα μνησθε; ἢ πάντως πᾶ τετυγῆ. ὁ γὰρ ἀμείνων καὶ παλαιότερον καὶ ἰσοειδέστερον, πῖθαιον ὅτι τὰ χερότερος καὶ νεώτερος καὶ ἀτιμώτερον, πανταχὴ τε ἄρχον ἄρχομενα πρεσβύτερον, καὶ ἄγον ἀγομενα παντὴ. λαβόμεν δὴ ταῦτο γέ, ὡς ψυχῇ πρεσβύτερον ἐστὶ σώματος. εἰ δ' ἔχει ἄτω, τυγῆ πρῶτον ἡμῖν τὰ πρῶτα τῆς γενέσεως, πεθανότερον ἂν εἴη χερόν ὑπὲρ γέναιον. καὶ ὅμως δὴ τὴν ἀρχὴν τῆς ἀρχῆς εὐαγγέλιον ἔχον. καὶ τῶν μεγίστων σοφίας περὶ ὧν γενέσεως ὁρῶντα ἐπιβαίνειν ἡμᾶς. i. e. ex versione Ficini: *Recordamini, hæc dicta esse, o Clinia! profecto ita tunc accepistis, ut meminisse debeatis, præsertim, quia maxime vera esse constitit. Omnium vero maximum illud habitum est: antiquiorem omni corpore omnem animam esse. Num recordamini? Vel maxime id quidem. Nam quod melius, id est antiquius, atque quod divinius est, id inferiore ac viliori prius est. Et similiter Dux ducto est princeps subiecto natura prius est. Id igitur admittamus, animam corpore antiquiorem esse. Quod si ita habet, quod in generatione primi primum est, verisimile profecto est, prævisse. Quare ponamus principatum principiumque, principii decentius se habere, sic rectissime est sapientiam de Deorum generatione nos ingredi. Doctissimus Gallus, qui ante aliquot annos *Historiam Philosophiæ pagane Hæge Comitum* edidit, postquam partem huius loci Platonis citasset, ita ratiocinatur pag. 253. *Ceci ne peut se concevoir qu'en admettant un tems, ou il n'y avoit point des corps, à moins d'entendre par corps les corps arrangés: mais comme la matiere avant son arrangement n'est pas moins corps, qu'après que Dieu l'eut formée comme elle est, on peut dire avec raison, que si Platon ne pensoit pas exactement, du moins il s'exprimoit exactement, lors qu'il disoit que Dieu étoit avant qu'il y eut des corps. Si ce Philosophe eut suivi ses principes, il auroit cru que tout ce qui est sensible, a été tiré du neant.***

Assen.

Assentior *Dodissimo Viro*. Interim cum ab æternis veritatis legibus nunquam *Viro* candido recedendum sit, fateor, testimonium adlatum nihil aliud probare, quam Deum ex *materia præjacenti* corpora fecisse; quod ipsum tamen sufficit ad probandum, Deum *materiæ* vinculis nullo modo constrictum fuisse. Idem potest probari ex *origine motus*, quam in *Timæo* præprimis, Deo in solidum adscribit *Plato*. Testimonia notiora sunt, quam ut ea in medium proferam. Audiamus ergo, quid contra hoc argumentum moliatur *D. Gundlingius*. *Señ. LIV. pag. 257.* ita insurgit: *Quamvis*, inquit, *fingeremus materiam a Deo separatim extitisse, aut separatam demum fuisse statueremus: Zim-mermanno profecto presidium nullum obtinget. Est enim divinum iterum cum materia conjunctum: quod perinde erit, ac si semper mansisset materiæ affixum. Nec patrociniabitur illi, quod Deum Platonice exornasse omnia disclitit. Hoc enim nec Spinoza abnuit. Agnoscit is pulchritudinem mundi, quæ est ornatus sane exquisitissimus. Queritur, quomodo exornet? utrum tanquam causa immanens, an tanquam causa externa efficiens omnipotente sua virtute? posterius perspicue falsum est; siquidem persistat in opinione recta, Deum Platonice ex nihilo mundum non creasse. Igitur illa διακοσμησις et principio manabit interno & necessario, quod accessit materiæ, quæ per se est non ens, hoc est accidens, neutiquam vero substantia. Postremum hoc probare aggreditur loco *Porphirii Sentent. XXI.* in quo Platonice ille ita loquitur: *Materia variabilis, infinita (ἀπείρος) impotens, propterea neque ens, sed ἔ(ἐν ὄν) non ens. Neque ita non ens uti motus, sed verum non ens (ἀλθινον μὴ ὄν) simulacrum & phantasma molis, quia id est, quod primo subest moli impotens & appetitio substantiæ ἐφεσις ὑποστάσεως.* Ergo tum demum materia substantiam constantem & certam accipit, quando forma ex virtute divina insluit. Unde Platonice eam appellarunt per se ἁπλοῦς, quæ observatio *E. Græbii ad Irenæum pag. 28.* Hactenus *D. Gundlingius*. Ad hæc sequentia noto. 1. Est, *Cl. Gundlingium* identidem supponere, quod in quaestione est, nimirum materiam in Deo fuisse, & ex eo emanasse. Nullibi enim perspicuum locum ad hoc probandum attulit, quod conferenti differt. patebit. Mera itidem & precaria suppositio est, Deum, postquam ad materiam fabricandam accessit, unum cum materia totum consecisse. Probavimus enim, Deum & materiam in *Systemate Platonis substantias esse diversissimas, Deumque libere, nulla necessitate vel intrinseca vel extrinseca coactum, ad eam exornandam accessisse, quod nullam confusio-* nem sane insinuat. 2. Cum Deum materiam exornasse dixi, eo ipso*

fatis clare & quidem Veterum testimoniis munitus, probavi, materiam tanquam *substantiam* a Deo prorsus *diversam* considerandam esse; dixi Deum *artifici similem*, qui sponte ad materiam fingendam accedit. Atqui artifex ex omnium hominum sententia una cum materia non fit una substantia, licet in ea perficienda & elaboranda occupatus sit. De *Spinoza* Deo idem dici posse, nemo credet, qui systema ejus intelligit. Ille enim aperte fatetur, ex necessitate naturæ omnia orta esse. *Plato* supponit *παράδειγμα* Deo obversans ante mundum conditum, supponit *Bonitate* sola commotum supremum omnium Dominum, ad materiam effingendam. Ergo rejicit aperte causam immanentem.

3. Materiam ex mente *Platonis* non substantiam esse, sed accidens probari non potest. In superioribus jam hanc sententiam *D. Gundlingii* perspicuis locis falsam esse ostendimus. Verum est, *Platonicos* materiam aliquando *ἐκ ὧν* adpellasse, sed non eo, quem fingit *D. Gundlingius* sensu. Nimirum ad intelligibilia collatam materiam *ἐκ ὧν* dixerunt, quod in perpetuo fluxu & mutatione esset; quod absque causa externa definitam formam non haberet. Hanc autem *Platoniorum* mentem esse vel ipse citatus locus *Porphirii* docet. Ad eum enim provocat *Plotinus Ennead. III. Lib. VI. Sect. VII. pag. 310.* postquam enim hæc ipsa citata verba *Porphirii* adduxisset, immediate subdit: καὶ ἐση-  
κος ἐκ ἐν στασει, καὶ ἀερατον καθ' αὐτο, καὶ Φευγον το βυλομενον ἰδεν. καὶ  
ὅταν τις μὴ ἰδῇ, γιγνομενον, ἀτενισαντι δὲ ἔχ ὁρωμενον, καὶ τα ἐναντία ἀει  
ἐφ' ἑαυτὴ φανταζομενον. μικρον καὶ μεγα, καὶ ἥττον καὶ μαλλον, ἐλλειπον τε  
καὶ ὑπερехον, εἰδωλον. ἢ μενειν ἢ δ' αὖ Φευγειν δυναμενον. i. e. Stans qui-  
dem non in statu: secundum se indivisibile & videre volentem effugiens:  
& quando quis non videt, tunc quodammodo præsens: quando vero quis  
intentius inspicit, non perspicuum. Rursus in se ipso contraria semper appa-  
rens, parvum, magnum, minus, magis deficiens, superexcedens, simula-  
chrum, neque manens, neque rursus aufugere valens. Idem *Sect. 10.*  
hujus libri asserit, materiam accedente qualitate fieri ποίαν ὕλην. i. e. Certam ac definitam formam, qua antea carebat. Similiter *Plato* in *Pol-  
itico* p. 174. το κατὰ τ' αὐτὰ καὶ ὁσαυτὼς ἔχεν ἀει, καὶ ταῦτον εἶναι,  
τοῖς πάντων θεοτατοῖς προσκει μόνους. σωματος δὲ φύσις, ἢ ταυτὴς τῆς  
ταξέως. i. e. Idem semper esse & secundum eadem, & eodem modo se ba-  
bere, solis omnium divinissimis convenit: corporis autem natura hujus  
ordinis non est compos. *Diog. Laërt.* idem asserit *Lib. 3. Seg 9 10.* quem  
locum supra adduximus. Adhuc clarior extat eodem *Lib. 3. pag. 84.*  
χρηται, inquit, δε καὶ ταῖς ἐναντίαις φωναῖς ἐπὶ τα αὐτὰ. το γὰρ αἰσθη-  
τον

τον καὶ ὃν καλεῖ καὶ μὴ ὄν. ὃν μὲν δια το γένεσιν αὐτὰ εἶναι. μὴ ὃν δὲ, δια τὴν συνεχὴ μεταβολήν. i. e. *Quin etiam contrariis vocibus utitur ad idem significandum. Itaque quod sensui subjicitur, id ἔσσε dicit, ἔσσε non esse: esse quidem propterea, quod ejus est ortus, non esse, quia perpetua in mutatione versatur.* Ex quibus locis satis patet, materiam ἐκ ὄν dictam, quod *perpetua mutationi ἔσσε fluxui obnoxia esset*, formaque destituta. Hinc Aquila illud ἡπὶ ἡπὶ transtulit per κενώμα καὶ ἄδεν, *Theodotion κενον καὶ ἄδεν.* Nemo autem ignorat, rudem ἔσσε indigestam molem substantiam esse. Τὴν ὕλην a Platoniciis aliquando ἀσωμάτων dici, certum est, sed non alio sensu, quam quod *definita quadam forma destituta sit.* Hinc corporibus in certam quandam formam redactis vocabulum σώματος, materiae vero indigestae ὕλης tribuunt. ὕλη ergo ἀσωματος idem est ac ὕλη ἀρχηματισος. (\*) Hinc Plotinus pag. 310. εἰς μὲν ἐν (ὕλη) scilicet ἀσωματος, ἐπειπερ το σώμα ὕπερον καὶ συνθετον, καὶ αὐτὴ μετ' ἄλλας ποιεῖ σώμα. ἔτω γὰρ τὰ ὀνοματος τετυχηκε τὰ αὐτὰ κατὰ το ἀσωματον, ὅτι ἕκαστερον το, τε ὄν, ἥτε ὕλη ἑτέρα των σωμάτων. i. e. *Est igitur incorporea, quoniam corpūs posterius est atque compositum, ἔσσε ipsa una cum alio complet corpus.* Sic enim eandem appellationem secundum incorporeum genus sortita est, quoniam utrumque sc. Ens atque materia a corporibus diversa sunt. Quod si igitur materia substantia est, vel antequam eam Deus in ordinem digessit, & libere a Deo exornata fuit, sequitur, Deum cum materia nullo necessario vinculo conjunctum esse. (\*\*)

## XVI. Quar.

- (\*) Plane ad nostram mentem locum Irenaei citat Cl. Grabius, unde denuo Exemplum habemus, quam ingenue Gundlingius ad aliorum testimonia provocet. Ita enim inter alia Grabius pag. 38. in notis, Edit. Massueti. Neque de dicta lectione dubitabit, qui respexerit fontem ex quo Valentiniani hanc suam hypothesein derivaverunt, doctrinam inquam Platonis, quem Origenes in φιλοσοφαις nondum editis dicit tria statuisse principia, Deum, materiam & ideam: & de materia ex mente ejus, ita inter alia scribit ἡπὶ δὲ ὕλην δύναμις μὲν σώμα, ενεργεία δὲ ἰδέα, (ecce ἀσωμάτοις ὕλην Valentinianorum) ἀρχηματισος γὰρ αὕτη ἔστι καὶ ἀπειρος, προλαβόντων σχημάτων καὶ ποιοτήτων γινώσθαι σώμα. id est, materiam potentia quidem esse corpus, actu autem minime: sine figura enim & qualitate ipsam existentem, accepta inde utraque, corpus factam esse. Similiter D. Laërtius Lib. 3. pag. 86. ex sententia Platonis ait: εἰσι δὲ τὴν ὕλην ἀρχηματισος καὶ ἀπείρος, εἴη ἢ γινώσθαι τὰ συγχεύματα: materiam, figurarum expertem atque immensam fuisse, ex ea vero facta esse concreta, sive composita corpora.
- (\*\*) Si Cl. Gundlingius verba, quae immediate excipiunt locum ex Porphyrio citatum, adducere voluisset, pulchre perspexisset, quo sensu Porphyrius dixisset, materiam esse ἄκ ὄν. Ita enim in hac ipsa sententia XXI. loquitur: μικροὶ καὶ μέγα, καὶ ἥττο καὶ μέζον, ἐξείρισ καὶ ὑπερέχον. αἱ γινόμενοι καὶ ἂ μείον.

XVI. *Quartum argumentum, quo probavi Platonem Deum materiæ vinculis non constrinxisse, desumptum est, ex eo, quod mentem nostram liberrimam esse dixerit, pœne ac præmii capacem, Deumque insuper ab omni mali culpa longissime removerit. Probavi denuo hanc meam thesin locis Platonis, M. Tyrrii, Justinii M. Eusebii. In syllemate autem Spinozæ omnem libertatem exulare simul ostendi. Quid ad hæc D. Gundlingius? Sect. L. multa contra argumentum hoc objicit, quæ ordine expendemus. Verum tamen menti libertatem adscribit Plato. Sic enim pergit. Spinoza Deum libertate privat. Postremum non prorsus veritati congruit. Spinoza absolutam libertatem menti denegat, determinari inquit a causis, ut ut possitis causis pluribus, ad hoc sese accingit, vel istud. Mirum est a Cl. Viro negari, quæ luce meridiana clariora sunt. Adeo certum est, Spinozam omnem libertatem menti detrachere, ut nemo hæctenus præter Gundlingium id in dubium vocarit. Non jam dicam, Spinozam adserere, unicam dari tantum substantiam, ex qua necessario omnia emanaverint; sed ipsissima tantum Athei hujus verba adponam adeo clara, ut sine manifestissima detorsione alium in sensum torqueri non possint. Eth. part. 2. Propos. 48. ait: *In mente nulla est absoluta, sive libera voluntas; sed mens ad hoc vel illud volendum determinatur a causa, quæ etiam ab alia determinata est, & hæc iterum ab alia, & sic in infinitum.* In Scholio Demonstrationi subiecto ita loquitur: *Eodem hoc modo demonstratur, in mente nullam dari facultatem absolutam intelligendi, cupiendi, amandi &c. Unde sequitur, hæc & similes facultates vel prorsus ficitias, vel nihil esse præter Entia metaphysica sive universalia, quæ ex particularibus formare solemus. Adeo ut intellectus & voluntas ad hanc & illam ideam, vel ad hanc & illam volitionem**

ὁ δὲ αὐτὸς φησὶν διὰ τὴν ἀποκρίσιν, ὁ ἀποκρίσας πᾶν τὸ ἐν ὁσόν, δι' ὃ καὶ ὁ ἀποκρίσας, ἡ ἀποκρίσας, καὶ μὴ αὐτὴ ἀποκρίσας, μικρὸν ἴσως, i. e. Parvum & magnum, item minus & majus: deficiens & excedens: quod semper sit, nec unquam permanet, neque tamen effugere elabique potest: defectus omnis entis. Ideoque quicquid promittit, mentitur, & si magnum esse videatur, parvum est. Clarius adhuc mentem suam aperit Porphyrius Sect. 33 ita enim ex versione Holstenii loquitur: *Hæc de sensibili & materiali vere affirmantur: esse omnino extensum seu diffusum, esse mirabile, subsistere in alteratione, esse compositum, ipsum per semetipsum existere, in loco & mole corporea conspici, aliaque his similia. At de vero Ente & per se ipsum subsistente hæc prædicantur: semper in semetipso situm esse, eodem modo atque secundum idem se habere, ipsa substantia, in identitate consistere, esse immutabile secundum substantiam, non compositum, nec dissolubile, nec in loco, nec mole diffusum. Ita Porphyrius plane ad mentem meam. Hinc Doct. Jesuita Mourges Epistola 8. non solum exinde concludit, Deum ex mente Platonis nihil cum materia commune habere; sed & ex hac ipsa Platoniorum definitione materiæ probari posse, causam aliquam sapientissimam materiam in ordinem digessisse.*



nem eodem modo sese habeant, ut lapideitas ad hunc & illum lapidem, vel ut homo ad Petrum & Paulum. Idem Schol. Propos. 35. inquit: Falluntur homines, quod se liberos esse putant, quæ opinio in hoc solo consistit, quod suarum actionum sint conscii & ignari causarum, a quibus determinantur. Hæc est ergo eorum libertatis idea, quod suarum actionum nullam cognoscant causam. Hæcenus Spinoza. Si hæc non sufficiant ad probandum, Spinozam omnem prorsus libertatem sustulisse, nescio quid sufficiat. Quid Plato? (ita pergit D. Gundlingius) illius anima, tum universalis, tum quæ est in singulis, subjacet fato, cum sequitur propensione a corporis temperamento prodeuntes: quod eodem fere reddit. Temperamentum causa est actionum multarum & res objectæ temperamento corporis convenientes. Etiam cogitatio cogitationem excitat & novam operationem generat: quin etsi mens vincat fatum ex accidenti, aliquid sane in causa est, quare vincat. Unde Spinoza, Plato & Leibnizius, cum sequacibus hac parte conspiciunt: quorum neuter indifferentiam in definitione libertatis comprehendendi existimat, puta ut sine causa prævia mens nostra sese determinet & αὐτεξισίως. Resp. 1. Expectavi testimonia Veterum, quibus probetur, Platonem omnem libertatem menti nostræ ademisse sed frustra. Contraria eaque evidentissima loca adduxi, quæ subvertenda fuissent.

2. Si concedam animam mundi mentemque nostram, fato, ex sententia Platonis obnoxias, nihil tamen lucrabitur Cl. Gundlingius; nisi prius probaverit, Platonem per fatum intellexisse, inevitabilem quandam & necessarium omnium rerum nexum, quo omnis contingentia subvertitur. At loca in Dissertat. mea adducta aliud plane probant.

3. Temperamentum multum conferre ad actiones nostras bene aut male exercendas, nemo nescit: locum hoc habet non minus in systemate Platonis, quam Gundlingii. Omnes nos vi temperamenti, ad quasdam actiones peragendas aut magis aut minus proclives sumus; quaeritur tantum, utrum libertas omnis propter temperamentum exulet & utrum inclinationibus istis prorsus nulla ratione resistere queamus. Hoc autem nec ex nostra, nec Platonis sententia sequi adserimus. Recte Plotinus Ennead. II. Lib. 3. Sect. XV. pag. 145. & γὰρ δὴ νομίζουσιν, τοιοῦτον εἶναι ψυχὴν, οἷον ὅτι ἂν ἐξῶθεν παθεῖ, ταύτην φύσιν ἰσχεῖν, μόνην τῶν πάντων, οἰκίαν φύσιν ἂν ἔχουσιν. ἀλλὰ χρη πρῶτον αὐτῇ, ἢ ταῖς ἄλλαις, ἀτὲ ἀρχῆς λόγον ἔχουσιν, πολλὰς οἰκίας δυνάμεις πρὸς ἐνεργείας τὰς κατὰ φύσιν ἔχειν. & γὰρ δὴ οἷον τε ἄσταν ἄσαν μὴ μετὰ τὰ εἶναι καὶ ὀρεξεις καὶ πράξεις καὶ τὸ πρὸς τὸ ἐν κεντηθῆναι. i. e. Non enim existimandum est, animam esse talem, ut ipsa duntaxat qualemcunque ab externis acce-

perit passionem, talem reportet naturam, perinde ac si propriam naturam non possideat; sed oportet ipsam multo priusquam alia, utpote quæ principii habeat rationem, multas merito vires proprias ad naturales actiones explendas habere. Fieri namque non potest, ut cum essentia sit, non possideat insuper una cum esse appetitiones & actiones, facultatemque ad bene vivendum. Taceo alia loca, quæ magno numero adduci possent, si necesse esset. Quod si Cl. Gundlingius putat, ex totius Philosophiæ Platonici nexu demonstrari posse, omnem libertatem subverti, audiam lubens rationum illarum pondera. Sed cogitationem cogitatio excitat, inquit D. Gundlingius. Sed quid hoc ad rem? num propter collationem & successionem cogitationum libertas tollitur? num agere possumus convenienter rationi, sine ratiocinatione id est idearum collatione? 4. Supra jam dixi, me litem, quæ quibusdam intercedit cum Illustribus Philosophis Leibnizio & Wolfio, meam facere nolle, injuriam tamen iis fieri credo, quando cum Spinoza idem sentire perhibentur. Quæstio mihi est de Platonis & Spinozæ circa libertatem sententia, non item aliorum. Interim dum Cl. Gundlingius probare vult, Platonem Spinozæ sententiæ addictum contrariantia loquitur: nimirum asserit, mentem aliquando vincere fatum ex sententia Platonis, annon autem hoc idem est ac dicere, mentem aliquando libere agere, aliquando non item? num in systemate Spinozæ mens fatum vincere potest? an aliter agere, quam uti ex natura divina omnia necessario sequuntur? an inevitabilis rerum omnium necessitas locum habet secundum ejus sententiam, qui asserit, mentem aliquando fatum vincere? Sed ad alia confugit D. Gundlingius: quod Spinoza inquit decretis divinis, id Plato cum suis fato tribuunt, quod est decretum & verbum mentis superæ, ab anima mundi, seu mente inferiore executioni dandum. Ab hoc decreto immutabili pendet animarum in corpora descensus: ubi necessario peccant ob corporis & sensuum illecebras, etsi aliquando sibi, ob varias causas intervenientis, ab illis temperent. Si per Decreta Dei intelligantur libera mentis, altantissimæ Consilia suo tempore executioni danda, tum probari vellem, eo sensu a Spinoza admissa fuisse decreta. Qui enim asserit omnia necessario e natura divina sequi, ille libera decreta admittere nullo modo potest. Quod si Plato Fati nomine intellexit Decretum mentis superæ; uti contendit ipsemet Gundlingius, tum prorsus diversum sentit a Spinoza, sive jam Deus immediate exequatur voluntatis suæ decretum, sive per animam mundi aut dæmones præstari velit, quod vult. Neque quicquam etiam ad libertatis destructionem facit,

facit, quod vi alicujus Decreti mentes in corpora descendant ex mente Platonis; nos etiam statuimus, mentes aut simul cum mundo creatas, aut noviter in lucem editas vi Decreti Divini in exigua nostra corpulcula immitti; sed inde minime efficitur, mentes ideo libertatem suam amittere. Neque etiam *necessario*, quod contendit D. Gundlingius, ob corporis & sensuum illecebras, peccant; & nos corpus habemus, qui plenissimam libertatem tamen menti concedimus, cujus illecebris mens sæpe præpeditur, quo minus verum cernere & virtutem amare possimus. Sed nec ideo mentis libertate privati sumus: sponte enim sequimur ea, quæ pravis animi studiis grata sunt; & variis mediis, quo minus iis obsecundemus, uti licet. Quod si mentes corporis servitio prorsus subjacerent, quomodo aliquando libertate omni destituta, sibi ab illecebris ejus temperare possent? & quem in finem illæ purgationes, quas tantopere commendat Plato, si alienis nervis mobili ligno similes essent mentes nostræ? cur τῶν νοητῶν jugem contemplationem, abstinentiam a corporis nimia cultura, virtutis studium, mathematicarum disciplinarum amorem inculcaret, tanquam purgandæ mentis præstantissima adminicula? sed quid opus verbis, ubi adfunt perspicua Veterum testimonia. Max. Tyr. Dissert. 25. p. 263. edit. Davif. τῶν θεῶν ἀνθρώπων ἐνδεῖα πρὸς τὸ θεῖον ἐξέυρε θεὸς τρόπον, ἐπιθεὶς τὴν ψυχὴν γῆνιν σωματι, ὡς ἡνιοχὸν ἀματι, καὶ παραδὼς τὰς ἡνίας τῷ ἡνιοχῷ, ἔφηκε θεὸν. ἐχούσαν μὲν παρ' αὐτῆς ῥῆμην τέχνης, ἔχουσαν δὲ καὶ ἀτεχνίας ἐξουσίαν. ἡ δὲ ἐπένδαν ἐπιβῆ ἀρμάτων, καὶ λαβῆται μὲν ἡνίων, ἡ μὲν εὐδαιμόνων καὶ μακάρια ψυχῇ, μεμνημένη τε ἐπὶ τὸ ὄχημα ταύτην ἐπιβιβασαμένη θεῶν καὶ ἡνιοχῶν προσταγάντας, ἐχεται τῶν ἡνίων καὶ ἀρχει τὰ ἀρματα, καὶ κολάζει τὰς τῶν ἵππων ὀρέας. i. e. Id vero quo humana a divina vinceretur natura, tale excogitavit Deus. Animam mortali corpori imposuit, tanquam aurigam plaustro: traditisque aurige in manum habentis, cursu suo ferri permisit, vim ille præterea roburque addidit, ut vel arte sua uti posset, si vellet, vel abuti, si mallet. Ibi felix, & quam vere beatam dicas, anima memor illius a quo plaustro imposita est, frenosque accepit, nimirum Dei, habenas manu arripit, currum regit, impetumque castigat equorum. Ita similiter loquitur Plato de Republ. Lib. II. pag. 430. Jambl. Sect. VIII. cap. VII. Idem in Protrept. pag. 8. Plotinus pag. 735. 737. 233. Hierocles apud Phot. Cod. 251. p. 1385. alique, quorum testimonia adducere in re clarissima non lubet. Enim vero (ita pergit D. Gundlingius) nec Plato alia visione melior videtur. Humana enim anima divina soboles est. Quæres igitur, quare divinum non domet

mortale? & aqua hærebit veteris *Academiae* Conditori, quemadmodum *Spinoza*, cum interrogationibus urgetur. Adde, quare itaque puniantur animæ, quæ ipsemet sunt *Deorum* & mentis inferioris portio? despero, responsum me percepturum, quæ satisfaciatur. Respondeo 1. de origine mentis humanæ ex sententia *Platonis* hic loci quæstio non est. Nec *Timeus* *Locrus*, nec *Plato* adserunt perspicue, mentes ex divina natura primi principii decerptas esse, sed per animam mundi in corpora immisissas. De quo infra accuratius inquiremus: quod si ex Deo vel anima mundi ea orta sit ex mente *Platonis*, tum quæritur, quomodo illa libertate abuti potuerit ad malum perpetrandum; supponitur itaque jam mentis libertas, de qua proprie quæstio est; quando enim de mali moralis origine *Plato* & sequaces loquuntur, tum ad liberam mentis a bono, rectoque, secessionem confugiunt, corpus item, sensuum deceptiones, adfectuum æstum, in causa dicunt esse depravatæ mentis. Non domat itaque divinum mortale, quia mens illa divina libera est, & ad bonum non minus, quam malum inclinare potest, puniuntur denique mentes cum libertate sua abusæ sunt. Sed ita, ais, Deus se ipsum puniret; at probandum prius est, mentes a Deo ortas ex sententia *Platonis* partes esse *Essentiæ* divine divisibilis, & partibus constantis. Sed de hac re mox infra pluribus agemus. Hoc tantum dicimus, *Plotinum* *Ennead.* IV. part. 3. cap. 1. & sequentibus negare, animam nostram animæ mundi partem esse. Hinc *Seçt.* VII. pag. 376. ita ait: Quod autem in *Philebo* dictum suspicionem inducit, ne forte animæ omnes sint mundanæ animæ partes, non id quidem sibi vult, quod aliquis opinatur, sed quod potissimum tum ei conducebat, scilicet animatum esse mundum. Hoc enim comprobare studens, inquit, absurdum esse, cælum inanimatum dicere, cum nos, qui corpus mundani corporis partem habemus, Quo enim pacto pars animam habuisset, si totum esset inanimatum? sententia vero *Platonis* liquet potissimum in *Timeo*: ubi facta jam anima mundi, deinceps aliæ oriuntur in eadem patera: quæ & ille commixtæ, eique conformes, differentia vero illorum, per secundos tertiosque gradus assignat. Quod autem in *Phædro* dicitur, omnem animam totius inanimati curam habere: quid mirum? nam quid aliud naturam corporis gubernat, ordinat, facit, nisi anima? Hactenus *Plotinus*. Quemadmodum igitur nos malum morale repetimus ex notione substantiæ, quæ natura sua libera est; ita similiter *Plato*, & sequaces argumentabantur. Ortus vero mentium humanarum in omni fere systemate plane obscurus est.

XVII. Nec præsidio est *Zimmermanno* (ita in eadem pag. 250. pergit

git D. Gundlingius) Platonem non ausum Deum venditare pro peccati auctore. Id enim Chrysippus ausus est neutiquam, Stoicus Severus, Jovem alioquin ipsum fati legibus subiciens. De Stoicorum circa hoc caput sententia, hic agere nolo: prolixè hanc materiam excussi, in Dissert. de Fato Stoicorum primo tomo Musei Bremensis inserta. Cum autem quidam, mentem meam haud rite ceperint, & male interpretati sint, hoc loco dicam, quis scopus fuerit meus. Minime scilicet probare volui, Stoicos hac in parte ab omnibus erroribus immunes esse. Nolui etiam hoc specimine ostendere, quæ ratione divinæ Providentiæ bonitas, & justitia, secundum opinionem meam probari & defendi possit: Sed hoc tantum: communem & receptam Virorum Doctorem sententiam, adferentium, omnia inevitabili necessitatis vinculo secundum Stoicos restricta, non esse superstructam certis & immotis rationibus, atque adeo ex ipsis Stoicorum decretis & principiis parum accurate & diversimode positis duo contraria systemata confici posse, in quorum uno, ferrea illa necessitas exularet, alterum, quod a Spinozæ sententia circa hanc materiam remotum non esset. Et prioris quidem systematis specimen exhibere volui in dicta Dissertatione. Cæterum ab eorum opinione, qui irrevocabilem omnium rerum necessitatem inducunt, omnemque libertatem Dei & mentis nostræ tollunt, per omnem vitam abhorruì, & adhuc dum abhorreo. Platonem interim Deum nulli necessitati subjecisse, clarissimis testimoniis probavi, quæ, cum nihil contra ea adferat Gundlingius, repetere nolo. Interim contendit, Platonem dixisse, Deum non esse Auctorem peccati metus causa, si nexum autem systematis inspiciamus, sequi durissimam hanc consequentiam. Vellem ut Cl. Gundlingius perspicuis hoc argumentis demonstrasset. Fateor me adhucdum nondum perspicere posse, quomodo ex principiis Philosophiæ Platoniciæ hic error sequatur. Malum est vel Morale vel Physicum. Physici Auctor Deus Platonis non est; sed materia. Quandoquidem enim materiæ æternam subsistentiam agnovit, & in eam κατὰ δύναμιν, quoad illa pateretur, tantum vim suam exeruit, sequitur necessario materiam, non Deum, causam mali physici dicendam, quæ, quominus, quæ vellet, efficere posset, obstitit. Neque adeo aliter Plato in dialogis physicis locutus, aliter cum de legibus ageret. Malum morale vero ubique repetit ex mentis humanæ prava indole, & inclinatione ad vitia. Spinozæ autem systema ita comparatum est, ut quamcunque in partem te vertas, libertatem tamen nullibi deprehendas.

XVIII. *Quintum argumentum Dissertat. meæ Sect. 10. allatum, ad probandum, Platonis Deum cum materia conjunctum baud esse, desumpti ab opinione Platonis de interitu mundi. Afferuit enim, mundum non necessitate naturæ suæ, sed voluntate Dei permansurum. Ad hoc probandum evidentissima Platonis, Plutarchi, M. Tyrii adduxi loca, eaque Sect. XIX. contra exceptiones D. Gundlingii vindicavi. Hanc meam argumentationem enervare vult Sect. CCL. Existimat is, (ita Gundling.) Platonis mundum, sicuti liberrimo arbitrio conditum, ita eadem libertate illum iri dissolutum, idque Sopbum suum in Timæo clarissimis verbis stabilivisse. Ego si libere sonet, nemine cogente, ambabus manibus largior, quod dicitur: sic enim libere quoque mundum productum agnoscit Spinoza; sin contra consultatio tribuitur Platonis Numini, atque hanc consequens arbitraria electio, repugno. Resp. Eadem D. Gundlingius repetit semper, perspicua tamen loca Veterum omittit, quasi de themate, quod sola ratiocinatione esset solvendum, quæstio esset. Platonis Deus, uti supra jam probavi, libere pulcherrimarum rerum seriem, quam mundum vocamus, fecit, libere, inquam, nulla vel intrinseca vel extrinseca necessitate coactus, libere, ita, ut potuisset immensam illam, & indigestam molem, per omnem æternitatem negligere. Hæc autem sine prævia mentis nobilissimæ consultatione, nequidem concipi possunt. Erat Deo præsens mundus aliquis intelligibilis, hunc mundum contemplabatur Deus. Vidit materiam rudem esse, & indigestam molem; ordinem confusione præstare existumavit; bonitate denique commotus animum ad materiam hanc in ordinem redigendam adjecit. Hæc totidem fere verbis in Timæo extant. Ubi autem est idearum jugis contemplatio, voluntatis libera ad exequendum opus inclinatio, ibi sane omnium hominum consensu consultatio locum habet. At nec respectu Dei, neque respectu æternæ materiæ ulla condendi mundi fuit necessitas; ergo causam conditi hujus mundi præter liberam Dei voluntatem, ex mente Platonis, ostendere non possumus. Inspiciantur jam loca in Dissertat. citata & persuasissimus sum, ea probare hanc meam sententiam. Illa bonitas (sic denuo pergit D. Gundling.) quam potissimum urget defensor, necessarium Dei attributum est, eaque, si impulit eum, necessario impulit ab æterno, cum nunquam non sit bonitas in ipso, nec momentum concipi queat, quo a bonitate possit deficere, aut eam non exercere. Unde potius concludendum, mundum Platonicum esse necessario atque ab æterno conditum, quia fieri nequit, quin Deus sit optimus, perfectissimus, nemini noxius, nulli invidus, omnibus*

com-

*commodus*. Ludit *Cl. Gundlingius* in vocabulo *Bonitatis*: hæc vox apud Philosophos aliquando sumitur pro attributo divino essentiali, aliquando autem & plurimum *relativo*. Denominatio petita est ab hominibus, qui ardenti studio feruntur, aliorum commodis inserviendi. Et notat idem, quod *Benignitas*, *Beneficentia*. Quod si Deus nullum mundum, nullos homines creare voluisset, sed in summa, qua gaudet, felicitate permanere, *vulgari sensu bonus* dici non potuisset, nullum enim fuisset objectum extra Deum, cui benefacere potuisset. Deinde sumitur hæc vox pro *Omnisufficientia* Dei, per quam omnis perfectionis fons est. Et hoc sensu sine dubio bonitas Dei essentialia attributum est. Quocunque sensu hoc vocabulum sumat *Cl. Vir*, nihil tamen ad sententiæ suæ defensionem aut præsidium facit. *Plato* supposebat materiæ æternitatem, eam uti rudem indigestamque molem contemplabatur; ordinem confusione præstare iudicabat; aderat pulcherrimum exemplar, animus item efformandi mundi pulcherrimi. At his omnibus tamen positis, nulla absoluta aderat necessitas, ab æterno jam bonitatem suam demonstrandi. Voluntas Dei attributum Dei est essentialia, adeoque necessario ad Dei naturam pertinens; sed uti voluntatis suæ decreta exequatur ab æterno necesse non est. Libertate enim & sapientia instructus est suo tempore omnia efficiendi. Secundum nos Deus in tempore creavit mundum, erat tamen ab æterno bonus, optimum etiam ab æterno voluit. Quod si omnia, quæ tanquam bona consideravit, necessario ab æterno facere debuisset, mundus cum omnibus creaturis etiam & quidem necessario fieri debuisset. Sed pone mundum ex mente *Platonis* ab æterno conditum nihil tamen hoc ponderi argumenti nostri detraheret. Quæritur, utrum *voluntate Dei optimi* mundus siquidem destruendus esset, destruat, aut si permanens est, *Deo volente* conservetur. Quod si *voluntate Dei* alterutrum horum futurum contendas, patet, mundum *non necessario* aut perituum, aut permanens, sed *volente Deo*. Atqui *Plato* adserit, mundum *Deo volente* permanens, duratio igitur ejus non in absoluta mundi æternitate, sed perpetua, constantissima & optima voluntate, ejus quærenda est, qui fecit mundum vel in tempore, vel ab æterno. *Plato*, ita pergit *Antagonista*, ut *historiam rerum naturalium* posset contexere, ἀποπροπαῶς omnia effert, & per circuitum, quod *Spinoza* apertius explicat, perfectionem loco bonitatis subjiciens, unde necessario omnia profluxissent. Sed mera est hæc suppositio, quam multis refellere nolo; adparet enim, auctorem sine necessitate τῇ ὑποθέσει δυνάμει. Eadem ratio-

ratione probabo, mundum ex mente Christianorum absolute æternum & necessarium esse. Deus nempe habuit omnium rerum ideas, habuit notionem mundi optimi, optimum bonitate naturæ adpetit & vult, Moyses ἀνθροποννάτως omnia describit. Ergo mundus ab æterno secundum sententiam Christianorum conditus, imo æque necessarius est, ac bonitas Dei necessarium ejus attributum est. Sed quis non perspicit imbecillitatem hujus ratiocinii? ablegat me D. Gundlingius ad Sect. 149. dissertat. sue. Pareamus ei. Ceterum, inquit ibi, idem Spinozæ Deus omnium rerum est causa, isque ex absoluta libertate voluntatis operatur, a nemine coactus, sed a se solo determinatus: quæ libertatis apud Spinozam reperitur definitio: cui dein innititur Propos. XVI. ubi omnia ex necessitate divine naturæ sequi dicuntur. At superficialia attentione Spinozam legit iste, eumque vix intelligit. Nam in Prop. XVII. indicat Judæus, ex necessitate divine naturæ sonare ex perfectione divine naturæ. Ex quo confit, Spinozam adseverare, Deum libere non coactum, ac sola perfectione sua impulsum egisse, & dum egit, decrevisse. Idem Plato cantitat in Timæo: egit, inquit, Deus quia bonus est: nihil eum extrinsecus movet: sed sola perfectio fecit ut ageret; & simul decerneret. Decreta autem ejus sunt immutabilia, hinc manat Proposit. Spinozæ XXXIII. Deum aliter non potuisse creare mundum, quam decrevit. Causalis Spinozæ locutio est: quia decrevit sic creare, aliter non potuit creare, ne Deus fiat mutabilis, aut plures oriantur Dii, diversa volentes. Jam videat Zimmermannus an Plato crediderit, alium potuisse a Deo suo effici mundum, quam voluit? Hætenus Gundlingius. Crediderim Illustri Polyhistori, aut aliud Exemplar Ethicæ Spinozæ quam id quod vulgare est, ad manus fuisse, dum hæc scriberet; aut nimio vincendi studio abreptum, lectores, qui raro inspicunt testimonia, ad quæ provocatur, decipere voluisse. Inspectione solum opus est ad falsitatem dictorum redarguendam. 1. Ait Spinozæ Deum ex absoluta libertate voluntatis operari, & huic adsertioni inniti Proposit. XVI. At hoc aperte falsum. Inter definitiones, quas Ethicæ suæ præmisit, septima hæc est: *Ea res libera dicitur, quæ ex sola suæ naturæ necessitate existit, & a se sola ad agendum determinatur.* Hujus autem libertatis dein ne verbo quidem meminit, usque ad Coroll. Proposit. XVII. quæ autem Propositionem XVI. antecedit, aliter longe sonant, quam vellet D. Gundlingius. Propos. XIV. ita sonat: *Præter Deum nulla dari, neque concipi potest substantia.* Propos. XV. *Quicquid est, in Deo est, & nihil sine Deo esse, neque concipi potest.* XVI. *Ex necessitate divine naturæ infinita infinitis modis (hoc est omnia, quæ sub-*



*sub intellectum divinum cadere possunt) sequi debent. Ex Propositionibus illis constat, demonstratio Propos. XVII. quæ talis est : Deus ex solis sue naturæ legibus & a nemine coactus, agit. Demonstratio. Ex sola divina naturæ necessitate, vel (quod idem est) ex solis ejusdem naturæ legibus, infinita absolute sequi, modo Propos. 16. ostendimus, & Propos. XV. demonstravimus, nihil sine Deo esse, nec concipi posse; sed omnia in Deo esse; quare nihil extra ipsum esse potest, a quo ad agendum determinetur, vel cogatur, atque adeo Deus ex solis sue naturæ legibus, & a nemine coactus agit. Q. E. D. Coroll. 1. Hinc sequitur 1. nullam dari causam, quæ Deum extrinsece vel intrinsece, præter ipsius naturæ perfectionem, incitet ad agendum. Coroll. 2. Sequitur 2. solum Deum esse causam liberam. Deus enim solus ex sola sue naturæ necessitate existit, & ex sola sue naturæ necessitate agit, adeoque solus est causa libera. Quis non videt, naturæ necessitatem, naturæ leges, naturæ perfectionem idem denotare, atque adeo omnia ex naturæ necessitate clarissime repeti, quæ omnem libertatem subvertunt? Ubi autem Plato unquam talia dixit? Voluntatis sane bonitas, & naturæ necessitas, non idem sunt. Nihil extrinsece Deum Spinozæ ad agendum stimulat, quia ipse solus omnia est; solus substantia. Extra Platonis Deum erat æterna materia. Deus Platonis bonitate inductus egit: Deus Spinozæ perfectione naturæ, id est, ut ipse explicat, naturæ necessitate. Nulla igitur libera decreta in Deo locum habent ex mente Spinozæ. Falsissimum igitur denuo Propos. Spinozæ XXXIII. superstructam esse decretis divinis. Propos. XXXII. ita sonat: *Voluntas non potest vocari causa libera, sed tantum necessaria.* Coroll. I. Hinc sequitur, *Deum non operari ex libertate voluntatis.* Coroll. II. Sequitur secundo voluntatem & intellectum ad Dei naturam ita sese habere, ut motus & quies; & absolute ut omnia naturalia, quæ a Deo ad existendum & operandum certo modo determinari debent. Proposit. XXXIII. autem ita sonat: *Res nullo alio modo, neque alio ordine, a Deo produci potuerunt, quam productæ sunt.* Quis autem est, qui non candorem in D. Gundlingio desideret, dum ait, Propos. XXXIII. ita sonare: *Deus aliter non potuit creare mundum, quam decrevit? Si hæc citandi ratio valet, quidlibet probandum suscipiam.* De adplicatione Proposit. illarum nihil dicam. Satis enim superque ostendi, Platonem hac in parte a Spinoza longissime recedere. Nam quod Sect. CI. urget, plane ostendit, impossibile esse per legitimas ratiocinationis leges ostendere, mundum ex mente Platonis necessario permanfurum vi naturæ suæ. Dissolutio; inquit, mundi nec eventura est, nec fieri potest.*

S s s s s

Cur

Cur tandem? Est enim, inquit, hoc opus Platonis opinione pulcherrimum; quo nihil perfectius possit excogitari. Perfectissimum autem τᾶγαδον non certe destruet, quod ipsum illud est perfectissimum: eoque necessario consistet, atque existentiam retinebit suam. Ex quo claret, nimis molestum esse Zimmermannum, nimis litteralem, dum illud ἐμὰ θελοντος pertinaciter urget. Neque enim potest Platonium Numen velle, ut præstantissimum destruat. Si omnia hæc concedam D. Gundlingio, nihil tamen hoc ad sententiæ meæ destructionem facit. Fac permanfurum mundum, neque unquam ex mente Platonis destructum iri, num ideo sequitur, hoc necessario futurum, & sine voluntate Dei? Aperte dicit Plato, permanfurum mundum Θεῷ θελοντος: aperte Deus Πατὴρ καὶ Δημιουργός rerum omnium dicitur: aperte omnia illa opera dicuntur πάντα αὐτῷ θελοντος; dicitur voluntas Dei, præstantissimum illud vinculum, quod colligaturum esset mundum. εἰς μὲν ὧν ὁδὸς ὁ κοσμοῦ δαιμονίων δόξα τοῦ ἀνθρώπου ἐστίν. i. e. Unus igitur hic mundus felicitis cujusdam & plane divini vinculi proportionem consistit, inquit T. Locrus de Anima Mundi, p. 555. Non litteræ igitur inhereo, sed sensum Platonis sequor. Sequor præstantissimos Viros T. Locrum, Laërtium, Plutarchum, M. Tyrium, omnesque, qui dogmata Platonis explicuere. Jubet me ita explicare Platonice Philosophiæ universa facies: In systemate Spinozæ nil tale locum habet. το πᾶν, quod Spinozæ Deus, uti necessitate quadam inevitabili ortum, sic omnia permanebunt. Nullus est in hoc systemate ab aspectabili rerum universitate longe discretus Mundi Reitor, cujus beneficio permanere possit. Christiani, ita pergit D. Gundlingius, aliter rationes ineunt, qui novum & meliorem orbem a Deo iri conditum, persuasum habent, quod Plato non credidit in formosissimo animali suo mentem oculosque mirifice desigens. Sed quid inde? num quod Plato de novo cælo terrisque nil novit, asseruit mundum vi naturæ suæ permanfurum? non putaverim. Quemadmodum pulcherrima illa rerum series ex mente Christianorum futura est volente Deo, sic mundus itidem Platonis a Deo libere conditus, permanfurus est volente Deo. Quæ res facit, (denuo loquitur D. Gundlingius) ut ex hypothetica necessitate minimum sit constitutus mundus, atque interitus nunquam. Quod si vero necessitate absoluta conditus foret, absoluta quoque necessitate permanfurus esset. Mira hæc est ingeniosissimi Viri ratiocinatio. In antecedentibus voluit probare, mundum necessario extitisse, materiam e sinu Dei propulsam, Platonemque idem cum Spinoza sentire. Jam autem mundum necessitate hypothetica ex mente Platonis indissolubilem fore tue-

tuetur. At hæc ipsa assertio cum Spinozæ sententia e diametro pugnat: Is enim absolutam necessitatem mundi profitetur. Quod si igitur hypothetica necessitas locum habet, sequitur quam clarissime, mundum a Deo originem habere; sequitur mundum absolute necessarium haud esse: sequitur mundum cum Deo unicam substantiam non absolvere, atque adeo totum D. Gundlingii systema falsum & effectum esse. Hypotheticam enim necessitatem a voluntate Dei dependere omnes norunt. Quæ de anima mundi adjicit, nihil plane ad rem faciunt. Quærit enim, quid factura esset anima mundi adaptata & destinata huic universo, Deo volente mundum perdere. De hoc ego sollicitus non sum; curent hæc nostri, si velint, Nepotes. Sufficit, quod mundus, Deo ita volente, ex sententia Platonis permanens sit. Quo anima mundi mentesque migraturæ essent, quæque domicilia habituræ essent, destructo mundo, querendum esset ex Platone ipso.

XIX. *Ultimum tandem argumentum, quo Spinozam a Platone dissentire probavi, petitum est a provida & sapientissima Dei cura, qua Deus ex mente Platonis huic universo prospicit. Adduxi ad hanc assertionem confirmandam, loca Platonis, Apuleji, Max. Tyrii. Sect. VIII. differt. meæ clarissima simul adduxi Veterum loca, adferentium, Platonem aliquid materiæ necessitati, aliquid libertati nostræ tribuisse. Omnia tamen simul unius ejusdemque sapientissimi & potentissimi Rectoris Imperio subjecisse: ea loca denuo in medium proferre, & dicta repetere nolo. Præsertim, cum D. Gundlingius, neglectis perspicuis locis, quæ semper adducenda essent, ex meris ratiocinetur suppositionibus. Omnia ex sententia Platonis Fato fieri probare vult, neque interim loca Veterum de fato ex Platonis mente adducit. Per Providentiam (utor verbis Apuleji de Dogmat. Plat. p. 374.) intelligit Plato, divinam sententiam conservatricem prosperitatis ejus, cujus causa tale suscepit officium. Fatum divinam legem esse, per quod inevitabiles cogitationes Dei, atque incepta complentur. Unde si quid Providentia geritur, id agitur etiam Fato, & quod Fato terminatur, Providentia debet susceptum videri. Per necessitatem intellexerunt, desinente Plutarcho; οἷς μὲν ἦν ὑλὴν, οἷς δὲ ἦν ἡ ποικίλος πρὸς ἦν ὑλὴν ὄρεσις. de Plac. Philosoph. Lib I. cap 26. Agnoscit igitur Plato 1. Mentem sapientissimam a mundo discretam. 2. Eam secundum λόγον, seu rationes & leges agere. 3. Rerum progressum radicatum esse in provida Dei Cura. 4. Materiam ipsam divinæ Providentiæ nutui obtemperare. Hæc sane inevitabilem & cæcum rerum omnium nexum prorsus tollunt. Unde*

quid de definitione Gundlingii, quam pag. 241. Sect. 46. adfert, iudicandum sit, facile patet. *Fatum*, inquit, *est decretum mentis divinæ, ad quod tanquam causam remotam, omnia redeunt, etiamsi proxime quedam sunt ab hominibus, & libere fieri creduntur, aut etiam fortuito.* Mera hæc nituntur suppositione, nullis testimoniis firmata: innuere vult, omnia ex Deo sequi, & libertatem dicis causa a Platone asseri. Sed hæc assertio & cum testimoniis Veterum, & cum Systematis Platonici harmonia pugnat. Testimonia Veterum adduxi pag. 862. in quibus clarissime asserunt, Platonem non omnia fato tribuisse, sed libertati multum concessisse. Idem omnes Platonici ingeminant. Ita Plotinus pag. 274. 145. 141. 735. 734. Hinc pag. 231. Astrologorum fatum rejicit, quod libertati inimicum sit. *Pugnat cum universa Philosophiæ Platonice indole.* Omnia enim circa quæ divinæ Providentiæ cura ex mente Platonis versatur, vel ad corpora, vel ad mentes referri possunt. *Mentes* secundum Platonem ad male agendum necessario impelli non possunt, sed intrinseca sua natura, vim habent, pro objectorum & desideriorum varietate, agendi. In corpora Deus ex mente Platonis non tantum, quantum vellet, imperium habet. Ergo nulla hic absoluta locum habet necessitas. Provocat tamen ad Cic. Acad. Lib. I. Sect. VII. de anima mundi ex mente veteris Academiæ ita loquentem: *Partes autem esse mundi omnia, quæ insint in eo, quæ natura sentiente teneantur: in qua ratio perfecta insit, quæ sit eadem sempiterna. Nihil enim valentius esse, a quo intereat, quam vim animum esse dicunt mundi, eandemque esse mentem sapientiamque perfectam: quem Deum appellant, omniumque rerum, quæ sunt ei subiectæ, quasi prudentiam quandam, procurantem cœlestia maxime, deinde in terris ea, quæ pertinent ad homines: quam interdum necessitatem appellant: quia nihil aliter possit, atque ab ea constitutum sit, inter quasi fatalem & immutabilem continuationem ordinis sempiterni: nonnunquam quidem eandem fortunam, quod efficiat multa improvisa hæc, nec opinata nobis propter obscuritatem, ignorantemque causarum. Ita Cicero.* Sed quid tandem ex hoc loco Ciceronis sequitur? audi D. Gundlingium: unde, inquit pag. 242. consequitur, ut illa mens inferior, quæ est in mundo, ejusque partibus, provideat cunctis, cui iterum aliæ ministræ sunt; demones, atque intelligentiæ, etiam infra lunam. Sed si hanc consequentiam admittam, quid lucrabitur *Illu- stris Vir*? num inde sequitur, ergo in systemate Platonis omnia brutæ subjacent necessitati? num libertas omnis exulat? num quod animus mundi Rectori omnium rerum subjacet, ejusque Decreta exequitur provi-

provida Dei cura cessat? num ideo omnia necessaria sunt, quod mens illa mundi perfecta, sapiensque aliquando necessitas appellatur? Sed video, quæ Cl. *Virum* induxerint, uti putaret, animum illum mundi Platonis necessitatem quandam inferre. Nimirum animum mundi tanquam partem Dei considerat, necessario a Deo ortum & necessario agentem. Sed præterquam, quod solus ille *Ciceronis* locus, quem ipsemet adduxit, huic opinioni contrarius sit, infra ostendam, prorsus falli Cl. *Gundlingium*. Sect. 47. ita pergit *Doct. Vir*: *In eo enim te maxime fugit ratio, Zimmermann, quando Spinozam negare Dei providentiam opinaris. Quod te decipit, hoc est forsitan. Qui Deum existere negat, providentiam divinam nequit admittere. Spinoza in hac perniciosissima hæresi versatur, postremum verum erit igitur: Sed neque verum est posterius, neque prius. Spinoza non inficiatur, Deum existere, sed Deum cum mundo conjungit, ac mundum & Deum pro uno habet, ceu Plato. Maxime obstrictus sum insigni Polybistori, quod præter morem tantam mihi attribuit perspicaciam. Sect. XI. dissertat. mea pag. 885. negavi Providentiam ullam in systemate Spinozæ locum habere, quia omnia, (hæc erant verba mea) ex necessitate divinæ naturæ sequuntur, nec ulla libertas in Deo locum habet. Perspicuum igitur est, quare negaverim, in systemate Spinozæ providentiæ locum dari. Nescio igitur, qua fronte negetur, Spinozam & Deum & Providentiam sustulisse. Quando enim Spinozam Deum sustulisse dixi, omnes æqui rerum arbitri vident, me Dei nomine intellexisse Numen sapientissimum, sensu recepto, minime unam illam substantiam Spinozæ. Eo enim sensu Spinozam Deum admisisse, pueri sciunt. Probandum igitur *Gundlingio*, Spinozam providam curam Entis supremi & a mundo adspectabili distincti prorsus agnovisse. Audi autem, quomodo id probet! *Vin*, inquit, ipse te Spinoza doceat, errorisque convincat. Provocat non ad Ethicam Spinozæ, aut *Tractat. Theologico-Politicum*, sed cogitata metaphys. in quorum Parte 2. Cap. IX. p. m. 126. ita loquitur Spinoza: *Dividimus itaque potentiam Dei in ordinatam & absolutam. Absolutam potentiam Dei dicimus esse, cum ejus potentiam, ad ejus decreta non attendentes, consideramus; ordinatam vero, cum respicimus ad ejus Decreta. Porro datur potentia ordinaria & extraordinaria Dei. Ordinaria est, qua mundum certo ordine conservat: extraordinaria, cum aliquid agit, præter naturæ ordinem, ut e. gr. omnia miracula. Hucusque verba Spinozæ adduxit D. Gundlingius, sed immediate sequentia omisit. En illa! Qualia sunt locutio afina, apparitio Angelorum & similia: quamvis de hac postrema non**

*immerito valde dubitari possit; cum majus videatur esse miraculum, si Deus mundum semper uno eodemque certo atque immutabili ordine gubernaret, quam si leges, quas ipse in natura optime, & ex mera libertate sancivit, propter stultitiam hominum abrogaret. Verum hoc decernere, Theologis relinquimus. Apparet ex citato loco, Spinozam non suam sententiam candidè protulisse, sed in gratiam discipuli sui ita locutum. Quis enim nescit in Tractatu Theologico-Politico omnia miracula exhiberi, & in Ethica id eum agere, ut demonstret, unicam dari substantiam, ex qua omnia necessario orta sint? fatetur hoc candidè Ludov. Mejerus in Refutatione Principiis Cartesii, & Cogitat. Metaphys. præmissa. Animadverti, inquit, vel imprimis velim in his omnibus, nempe tam in 1. & 2. princip. partibus, ac fragmento tertiæ, quam in Cogitatis suis metaphysicis Auctorem nostrum meras Cartesii sententias, illarumque demonstrationes, prout in illius scriptis inveniuntur; aut quales ex fundamentis ab illo jactis, per legitimam consequentiam deduci debent, proposuisse. Cum enim discipulum suum Cartesii Philosophiam docere promississet, religio ipsi fuit, ab ejus sententia latum unguem discedere, aut quid, quod ejus dogmatibus, aut non responderet, aut contrarium esset, dicere. Quamvis enim quedam vera judicet, quedam de suis addita fateatur; multa tamen occurrunt, quæ tanquam falsa rejicit, & a quibus longe diversam fovet sententiam. Locum hunc L. Meyeri non adduxissem in re clarissima, nisi tanta confidentia ad locum hunc Spinozæ provocasset Gundlingius. Quo jure factum fuerit, judicet Lector. Et hætenus igitur eodem ordine, quem in Dissertat. mea observavi, probavi Platonem a Spinozæ sententia recedere.*

XX. Sed contemplemur jam ipsum systema Cl. Gundlingii, videamusque, utrum immotis rationibus veritas ejus demonstrari possit. Hoc unicum, antequam ad examen sententiæ D. Gundlingii accedo, præmoneo; nimirum notum est, veteres non minus, quam modernos Philosophos disputasse, utrum *ideæ* ex mente Platonis sint substantiæ, per se subsistentes, an vero mentis tantum præcisione a Deo distinctæ. Nolo rationes utrorumque hic adferre. Clarissimus, mihiq; conjunctissimus Brukerus in Historia Philosophica doctrinæ de Ideis fortissimis argumentis eorum defendit sententiam, qui putant, *ideas* illas Platonis substantias fuisse, per se existentes. In præsentī disputatione ejus argumentis non utar, ad systema Cl. Gundlingii subvertendum. Hoc tantum dicam, omnes qui hanc controversiam sine studio partium examinant, confessuros, difficulter nos cognoscere posse, quid Plato hac

de re senserit. *Quod si hoc est, sane systema Cl. Gundlingii dubium est, solidoque fundamento destitutum.* Definitio substantiæ, qua utitur *Spinoza*, satis clara est, clarissimeque patet, unicam eum admisisse substantiam, neque adeo dubitasse, utrum plures dari possint. Putavi autem hætenus eum, qui Atheismi aliquem postulat, evidentissimis & immotis rationibus instructum esse oportere. Sed his non immorabor; perpendam rationes, quibus systema suum fulcire, & tueri vult, Cl. Vir. Argumentatur autem partim ex locis quibusdam *Platonis*, partim rationibus ex *Philosophia Platonica* petitis. Contendit, *Platonem* credidisse, totum universum simul sumtum efficere illam substantiam, quam Deum adpellamus; seu ut ipse hoc systema delineat pag. 354. *Est, inquit, 1) ejus Numen in ignea substantia, quod nominare non est ausus, 2) unum ὅλον evolvens se denique, & 3) fluens ac se ipsum dividens & gignens sibi similia, quæ 4) in materiam ab uno & toto separatam, sese nove infundit, adeoque res omnes 5) rationis ac divinitatis participes reddit, in qua 6) tum sensilia subsistunt, atque ab illa ultimum sui complementum tum accipiunt, tum intelligentia permanent: Indequè est 7) quod mundum totum vocavit, tandem Deum.* Ad hoc probandum autem innititur quammaxime loco *Platonis* in *Philebo* pag. 23. Ed. Serrani, in quo *Socrates* dicit: *Θσον το μεν ἀπειρον των ὄντων δεῖξαι, το τε περας. i. e. Deum ex iis, quæ sunt, ostendisse infinitum & finitum.* Irascitur Cl. Vir, quod dixerim, locum hunc obscuriorem esse, quam ut inde solidum fundamentum defendendæ suæ sententiæ petere possit; probat *Platonem* non solum in *Timæo*, sed & *Philebo*, aliisque dialogis, physica docere dogmata. Posterius non negavi, licet tribus tantum verbis significaverim, *Platonem* in *Philebo* de summo bono agere. Et sane vel ipsa lectio hujus dialogi, quemvis edocere potest, *Platonem* hypothesebus quibusdam physicis uti ad doctrinam moralem explanandam. Hinc non solum *Diog. Laërtius*, sed & *Marfil. Ficinus*, eum de moralibus agere adserunt. Sed hæc tanti non sunt momenti; hoc tantum urgi, locum hunc obscuriorem esse, quam ut totius systematis moles illi inædificetur; & quæ mea est ingenii imbecillitas, adhuc in ea sententia persisto, licet lucem adfundere voluerit, huic loco controverso. Omnia reducuntur ad vocabulum *δεῖξαι*, cujus genuina interpretatione nititur sensus loci controversi. Et hic mire se torquet *D. Gundlingius*, ut sensum, quem quærit, inveniatur. pag. 200. *το δεῖξαι* hoc loco significare effundere, contendit. Num autem *δεικνυει* sonet effundere, inquit, illi judicent, qui *Græci Idiomaths* sunt gnari,

gnari, tacite supponens, eos omnes hujus linguae imperitos esse, qui hoc in dubium vocent. *Jamblicum de mysteriis Aegyptiorum*, ait, loco vocis δεξαι, usum esse vocabulo παρργαγς; quid vero, addit, sit παρργαθαι, forte *Zimmermannus* cum scientissimis cognoscet. (\*) Pag. 281. ait,

(\*) Quo jure Cl. Gundlingius provocet ad *Jamblicum*, patebit ex sequentibus observationibus; 1. Contendit Doctissimum Galeum observasse, in loco illo contro- verso Platonis, vestigia emanationis materiae in Deo esse. Verba *Jamblichi*, ad quae respicit Cl. G. extant Sect. V. Cap. XXIII. pag. 138. Ed. Galei. sonant au- tem ita: πρῶτον αἱ ἀκρετάων ἡ περισσὴ τῆς δυναμικῆς καὶ ἐν ἡδὲ ὑπερχειν ἴσιν ὧν, ἐν τῇ παρρησίᾳ παύειν ἐξ ἑκ τῆς αὐτῆς ἀειμπεδικῆς. ἡ μακροὶ ἰσὺν κατὰ τούτοις τοὺς λόγους, καὶ τοῖς ἐχάτοις τὰ πρῶτα, καὶ παρῆσι αὐλῶς ἴσιν ἐνυλῶς τὰ αὐλῶς, μη δὲ ἴσιν θαυμάζειν, ἵα καὶ ὕλην ἴσα καθαρὰ καὶ ἴσιν εἶπε λεγόμεν. ἀπὸ γὰρ τῆς Πατρὸς καὶ Δημιουργῆς ἴσιν ὧν καὶ αὐτὰ γίνονται, ἴσιν ἡ- λαιότητα ἰαυτῆς ἐπὶ ἡδὲ κινήται πρὸς ἴσιν ὑποδοχῆν, καὶ αἶμα ὕλην διιργῆν τὰ κριττοῦ πρὸς τὸ δύνασθαι τὰ κατὰ δὲ ἴσιν αὐτῶν ἡ μακροὶ, ἡ. e. In causis uni- versis supremis ea est exuberantia potestatis, ut cum in aliis, tum etiam in hoc uni- versa exuperet, videhret quod omnibus ex aequo una eademque sine impedimento praesens sit. Hac igitur ratione ipsa illa omnium prima ultimus usque affligent, & im- materialia principia materialibus adjunt immaterialiter. Sed nec mirum cuiquam videatur, si & materiam aliquam puram & divinam esse asseramus: nam ipsa quoque materia, cum ab Opifice Patreque omnium facta sit, merito perfectionem sui quan- dam accepisse censenda est, aptam ad Deos suscipiendos. Quam etiam nihil est, quod prohibet superiora diffundere lumen suum ad inferiora. Audiamus iam D. Galeum ad h. l. ad verba ἀπὸ γὰρ πατρὸς τῶν ὧν ita commenatur. Tangit, vexatissi- mam inter Platonis quaestionem. Si materia sit ἀγνιστος, erunt duo primae prin- cipia; si genita a Deo, unde turpis & mala? quae porro fuerit Platonis sententia de materia, sane in *Timaeo* non satis liquet; videtur quippe materiam *Demiurgus* op- ponere, & contradistingui ab eo: in *Philebo* vero disertim dicit, Deum τὸ μὲν πρῶτον δεῖξαι τῶν ὧν, τὸ τε ἀπείρον. Constat per ἀπείριον intelligi materiam. Sed is NB. Deus Platonis non est *Demiurgus*, sed superioris ordinis. Haesitans Galeus, qui simul addit cum *Jamblichio* facere *D. mascium* & *Julianum*. Legendum in- terim suadet *Simplicium* & *XXI. Sentent. Porphyrii*. Quis autem non videt, D. Galeum existimare, *Jamblichum* a sententia Platonis recedere? 2. Nemo non, qui Gundlingium, locum *Philebi* explicantem audit, existimaret, *Jamblichum* ex professo locum *Philebi* explicasse, & τὸ δεῖξαι Platonis per τὸ παρργαγνι expli- casse. Sed nil minus est, si textum ipsum inspiciamus. Locus enim ille, in quo vox παρργαγνι a *Jamblichio* adhibetur Sect. 8. cap. 3. p. 159. ita sonat: ὧν δὲ παρργαγνι ὁ θεός, ἀπὸ τῆς ὕψιστης ὑπερθετικῆς ὑλοτικῆς, ἢ παραλαβὴν ὁ δημιουργὸς ζωτικῆν ὕλην, τὰς ἀτάλας καὶ ἀπαθείας σφαίρας ἀπ' αὐτῆς ἰδμεν- γαται, τὸ δὲ ἴσιν αὐτῆς ἴσιν τὰ γινώσκει καὶ φάσκει εὐμετά δεικνύει, ἡ. e. Materiam quod attinet, Deus eam produxit dividendo materialitatem ab essentiali- tate: hanc materiam Opifex Deus accipiens vitalem, ex ea simplices incorruptibi- lesque sphaeras fabricavit, ipsius vero quod erat postremum, ad corpora generabilia corruptibilia facienda transfudit. Ex quo patet, D. Galeum vocem παρργαγνι non per ex se eiecit, emanare fecit; sed produxit transfuisse. Ipsa vero verba prima specie paulo difficiliora eruditus Galei notis haud parum elucidantur. Pro- fert



ait, se ex Procopii Commentariis in Genesin, cujus fragmentum adduxit Petavius Dogm. Theolog. Tom. III. pag. 121. adnotasse ἀναδενυσθαι significare, demonstrare, efficere, instituire, ostendere, parere. pag. 283. optionem mihi relinquit, utrum το δεξιαι Platonis vertere velim, per eduxit, in lucem egit, an per expulit. Pag. 120. Dissert. Gundlingiam parti 31. inserta ait, το δεικνυσθαι & ἀποδεξαι non raro significare, edere, creare, efficere. Adducam ipsa verba Petavii, ut quo jure ad Procopium provocet in vocabuli Græci explicatione, omnes videant. Petavius in hoc capite de creatione, de vocabuli ἀνα significacione agit; contendit, eam vocem non denotare creationem ex nihilo. Inter alia Procopii Commentarii in Genesin mentionem faciens, ita ait Petavius: Procopius Commentario in Genesin bebraicam vocem ait significare, idem quod ἐποίησεν, i. e. fecit ὁ θεός, i. e. creavit ὁ ἀναδεξαι, quod est instituire, quam postremam notionem magis convenire dicit. Etenim quoniam fecit, de his etiam dicitur, quæ aliqua ex materia sunt, ut e ferro falcem, aut aliud tale fecit artifex, occasionem illud quibusdam dedit asserendi, Moysen ab Ægyptiis edodum, ex materia primæ exstante, totum hoc universum esse factum, merito dixisse fecit: Quorum ignorantes calumiam, Interpretes dixerunt, fecit, cum oportuit dicere, instituit. Quæ Procopii, ita addit Petavius, λεπτολογία non est nauci, neque enim ἀναδεικνυσθαι quod

fert ille primo locum Procli in Timæum Lib. II. dicentis: θεὸς ἰαμβλικὸς ἰσχυροῦ, ὅτι ἔρχεται ἐκ τῆς αἰσθητικῆς τῆς υἰότητος παραγινώσκων βελτίαι, 2. Observat secundum Ægyptiorum doctrinam ἑνίαν continere in se ζωὴν, hanc mentem, hanc corpus. Probat hoc loco Simplicii in 1. Physicorum, ubi ita: ἀνευρηθὶς ἡ τοῦ πρώτου ζωῆς, ἣν οὐκ συμβολικῶς ἐκάλουν, οὐροσθαι τῆς ὕλης ἐλάνου. Et conjicit tandem Ægyptios aliquid de Spiritu aquis incubante audivisse. Videtur ergo hoc sibi velle Jamblichus: Deum nempe ex mente Ægyptiorum, subtiliores, & vita quadam instructas particulas, ad Deorum id est astrorum corpora formanda; crassiores, quæ κατ' ἐξοχὴν ὕλη dici possunt, ad terrestria corpora fabricanda; adhibuisse. 3. Si vel maxime concederemus, Jamblichum credidisse, materiam quandam ex Deo oriri posse; nemo tamen definire posset, utrum suam an Ægyptiorum sententiam in medium proferat. Platonem certe in ea sententia non fuisse clarissima loca de materiæ eternitate & subsistentia per se testantur. Et quis nescit, Jamblichum in hoc libro innumera ex suo ingenio proferre? 4. Opinioni s Jamblichio Jamblichum ipsissim. Ita enim de Deo Sect. 8. cap. 2 p. 158 ex versione D. Galei loquitur. Ante eas res, quæ vere sunt, & ante principia universi salum est Deus unus, prior etiam primo Deo & Rege (ὁσπερ) est ille immobilis, in solitudine suâ unitatis permansens, neque enim intellectuale ei immiscetur. neque aliquid aliud, esseque Exemplar ipsius, qui est sui Pater, & de se genitus & Unipater Deus, & vere bonus. Est enim majus quid & prius, fons omnium, & r. dix intelligibilem idearum primarum Entium &c. Confessantur ad h. l. Eruditæ Equitoris notæ.

T t t t t

quod est demonstrare & efficere, significat ex nihilo rem producere. Hactenus doctissimus Jesuita. Nemo non videt, potius hoc in loco quaestionem esse de genuina interpretatione vocis ברא, quam de nativa indole & significatione vocis ἀναδείξαι.

XXI. Videamus itaque, quid vocabulum illud δείξαι significet. Sine dubio primo attendendum est, ad primariam ejus significationem, antequam ad tropicam nos convertamus. Primaria hujus vocis significatio est, ostendere, sive jam de objecto corporeo, sive veritate mente percipienda sermo sit. Exemplis hoc demonstrare necesse non est. 2. Notat multis verbis declarare. Ita Hesiod. op. & dier. v. 502. pag. m. 34.

δεικνυε δε δμωεσσι, θερος ἐτι μεσση ἔοντος  
ἐκ αἰεθρος ἐσσεύεται, ποιηθε καλίας.

i. e. Dic (declara) servis, estate adhuc media existente;  
Non semper aestas erit, exstruite casas.

Eandem significationem vocabulum ostendere apud Latinos habere docuit Grævius Lect. Hesiod. pag. m. 63. Ita Cicero Epist. ad famil. Lib. V. epist. 12. Cum mihi saepe ostenderis, te accuratissime nostrorum temporum consilia & eventus litteris mandaturum, hoc est, dixeris, declaraveris. Ita Herodian. Lib. 3. cap. 13. Sect. 9. p. 166. θησαυρος τε καὶ νεως, παντα ἐδεικνυε χρημάτων πληρη, verbis declarabat, thesauros, templeaque pecuniis plena esse. 3. significat exhibere, edere, facere. Ita Aelianus Var. Histor. Lib. XIV. cap. 37. p. 765. Edit. argent. φιλω δε μηδς ται ἀγαλματα, ὅσα ἡμιν ἡ πλαστικη δεικνυσι, μηδς τας εἰκονας ἀργυρος ὀραν. i. e. Statuas & imagines, quas fictorum nobis ars exhibet, non oscitanter aut obiter spectare soleo. Lucianus in Somnio. Tom. I. Edit. Grævii pag. 6. καὶ Φειδίας ἐκαστος ἐδείξεν τον Διαν. i. e. Phidias ille Jovem spectandum exhibuit. Etiam Sacris Scripturis hoc sensu hoc vocabulum sumitur. Ita Job. X. v. 32. πολλὰ καλὰ ἔργα ἐδείξα ὑμιν ἐκ τῆ πατρός μου. Quæ verba Castalio ita transtulit: Multa vobis preclara opera, meo Patre auctore, edidi. Conf. Joh. II. 18. V. 20. & Versionem LXX. viralem Psalm. LX. v. LXXI. 20. Imo eodem sensu, iidem LXX. Num. XVI. 30. vocem ברא per το δείξαι interpretati sunt. Verba Hebraica ita sonant: בראיה ואם יהוה ברא LXX. αὐτὸν ἐν χάσματι δείξει κυριος. Eruditissimus Clericus vertit: Si rem novam fecerit. Similiter interpretati vocem ברא Esaj. XLV. 26. XLI. 20. XLIII. 15. Ita το ἐνεδείξατο 2. Tim. IV. 14. recte transfertur, exhibuit, fecit. Quod si jam locum Philebi attente

attente consideremus, patebit, nihil aliud vocem *δειξαι* denotare, quam *speñandum seu visendum exhibere*. το *ἀπειρον* est infinitum, *περας* finitum. *Tertium* aliquid ex utroque mixtum, το *δε* *τρίτον*, inquit Plato p. 159. hujus Dialogi, δὲξ *ἀμφοιν* *ταύτων* ἐν *τι* *ξυμμιςτοιγόμενον*. *Quantum* vocat *της* *συμμιξείως* *ταύτων* *προς* *ἀλλήλα* *αἰτίαν* *commixtionis* *alienae* *causam*. *Primum* ergo istud *ἀπειρον* est *materia* hactenus indigesta, confusa. *Finitum*, *materia* certis limitibus circumscripta. *Tertium*, *Mundus* ipse per *animam* *mundi* *temperatus* & *vita* *donatus*. Ita enim pag. 160. latius describit. ἀλλὰ *τρίτον* *φασί* *με* *λέγειν*, ἐν *ταύτῳ* *τεθέντα* *το* *ταύτων* *ἐκγονόν* *ἀπάν*, *γενέσιν* *εἰς* *ἐσίαν* *ἐκ* *τῶν* *μετὰ* *τὰ* *περάτος* *ἀπειραγμένων* *μετρώων*. i. e. *Sed tertium* scito me dicere *unum* *hoc* *quodcunque* *ex* *iis* *nas**citur*, *generationem* *scilicet* *in* *essentiam*, *ex* *mensuris* *una* *cum* *termino* *constitutis*. *Quantum* erit *Deus*, *causa* *efficiens*, qui *mundum* *ex* *finito* & *infinito* *constantem* *adspēctabilem* *fecit*. Hinc *Socrates* eadem pagina adductis tribus illis ostendit, necessarium esse, ut *quantum* accedat. ἀλλὰ *δη* *προς* *τρεῖσι*, inquit, *τετάρτον* *π* *ποτε* *ἐφάμεν* *εἶναι* *γένος* *σκεπτεόν*. *κοινὴ* *δὲ* *ἡ* *σκεψίς*. ὅρα *γὰρ* *εἰ* *σοι* *δοκεῖ* *ἀναγκαῖον* *εἶναι*, *πάντα* *τα* *γινόμενα* *διὰ* *πῆνα* *αἰτίαν* *γίνεσθαι*. *Πρ.* ἐμοίγε *πῶς* *γὰρ* *ἂν* *χωρὶς* *ταύτων* *γίγνοιτο*; *Σω.* ἔκκεν ἡ *τα* *ποικντος* *φύσις*, ἔδεν *πλὴν* *ἐνοματι* *της* *αἰτίας* *διαφέρει*, *το* *δε* *ποιεῖν*, *καὶ* *το* *αἰτιον* *ὄρθως* *ἂν* *εἴη* *λεγομενον* *ἐν*. *Πρ.* ὀρθῶς. *Σω.* καὶ *μὴν* *το* *γε* *ποικνμενον* *αὐ* *καὶ* *το* *γινόμενον* *ἔδεν* *πλὴν* *το* *ἐνοματι*, *καθὰπερ* *το* *νυν* *δη* *διαφέρων* *εὐρησόμεν* *ἢ* *πῶς*. *Πρ.* ἔτιος. *Σω.* ἀρ' *ἂν* *ἡγείται* *μὲν* *το* *ποιεῖν* *ἀεὶ* *κατὰ* *φύσιν*, *το* *δε* *ποικνμενον* *ἐπακολουθεῖ* *γινόμενον* *ἐκείνω*. *Πρ.* παννυγς. *Σω.* ἄλλο *ἄρα*, *καὶ* *ἔ* *ταυτον* *αἰτία* *τ'* *ἐστὶ* *καὶ* *το* *δελευον* *εἰς* *γενέσιν* *αἰτία*. *Πρ.* π *μὴν*. *Σω.* ἔκκεν *τα* *μὲν* *γινόμενα* *καὶ* *δὲξ* *ὧν* *γίγνεται* *πάντα* *τα* *φύσια* *παρεχόντο* *ἡμῖν* *γενῆ*. *Πρ.* καὶ *μάλα*. *Σω.* *το* *δε* *δη* *πάντα* *ταῦτα* *διμικρῶν*, *λεγωμέν* *τετάρτον* *τὴν* *αἰτίαν*, *ὥς* *ἰκανῶς* *ἔτερον* *ἐκείνων* *δεδηλωμένον*. *Πρ.* λεγωμέν *γὰρ* *ἂν*. i. e. *Ceterum* *quid* *preter* *hec* *tria*, *quantum* *genus* *sit*, *discutiendum* *restat*. *Communis* *autem* *ista* *disceptatio* *est*. *Vide* *enim*, *an* *non* *tibi* *necessario* *videtur*, *quodcunque* *gignitur* *per* *aliquam* *causam* *gigni* *Pro*. *Mibi* *plane*. *Quomodo* *enim* *absque* *ea* *fiet*? *So*. *Et* *Efficientis* *natura* *nomine* *duntaxat* *a* *causa* *differt*, *efficiens* *que* & *causa* *unum* *merito* *vocabuntur*. *Pr*. *Merito*. *So*. *Quin* *etiam* *factum* *ac* *genitum* *solo* *nomine* *discrepabant*. *Pr*. *Certe*. *So*. *Præcedit* *quidem* *atque* *ducit* *natura* *semper*, *quod* *efficiens* *est*: *quod* *vero* *factum* *est* *ab* *eo* *genitum* *que*, *ipsum* *sequitur*. *Pr*. *Prorsus*. *So*. *Non* *ergo* *idem*, *sed* *aliud* *est* *causa*, & *quod* *ad* *generationem* *causæ* *servit*. *Pr*. *Quid* *prohibet*? *So*. *An* *non* *genita* *ipsa*, & *ex* *quibus* *gignuntur* *omnia*, *tria* *nobis* *genera*

præbuerunt? Pr. Maxime. So. Omnium autem istorum Opificem quartam ponimus, causamque vocamus, utpote aliud quiddam, quam illa ad sufficientiam demonstratum Pr. Ponimus absque dubio. Quod si igitur hæc, quæ attulimus, rite perpendantur, sensus verborum controversorum is est: Deus tanquam causa efficiens in mundi fabrica infinitum & finitum, id est, materiam rudem certis limitibus circumscriptam visendam exhibuit. Hæc explicatio convenit cum nativa significatione vocis δειξαι, verbis Platonis ante allatis, totiusque tandem systematis Platonici nexu. Quod si jam explicatio D. Gundlingii cum mea conferatur, perspicuum erit, neque ex indole vocis δειξαι, neque verbis Platonis, sensum, quem tribuit verbis Platonis, erui posse. Contendit ille, vocem δειξαι significare effundere, expellere, i. e. facere, emanare. Probandum igitur hoc est perspicuis exemplis. Adducit ille duo loca, primum e Diod. Sculo, sed nec caput, nec paginam notat, ut possit accuratius perpendi. Ponamus autem, ὁμῶρον ἀπο Διὸς δειδρυμένον significare, imbrem a Jove effusum, vel quod idem est editum, nondum tamen vox δειξαι significaret ex se, vel suo quasi sinu expulsum vel effusum, patet enim το δειδρυμένον ab Interprete redditum esse effusum, quandoquidem de imbre sermo est. Non autem videndum est solum, quid vox cum aliis mista significet, sed & quid separatim denotet. (\*) Alter locus sane ex Homero petitus nihil prorsus probat, nam utut φαῖος εἰδείξας idem esset ac εἰς φῶς ἤγαγε, non tamen idem significaret, ac ex sese eduxit, seu provel extulit. Non convenit cum verbis Platonis, in eo enim, quem adduximus, loco, causa efficiens adeo clare a finito & infinito, & quod ex utroque constat, distinguitur, ut unum cum iis esse & fuisse dici non possit. Non convenit cum principiis Platonis. Is enim materiam aliquam æternam ἀρχαίαν a Deo diversam ubique ponit, quod luculenter, ni fallor, supra demonstravimus. Non possum non igitur repetere verba, quibus, examinato Platonis loco, dissert. meæ pag. 917. usus sum. Judicent igitur Viri me perspicaciores, utrum ex adducto Philebi loco firmiter concludi possit, materiam e sinu Dei expulsum fuisse. Ego, ut simpliciter dicam, quod sentio, nec vestigium, nec umbram huius rei video, nedum ut aliqua probabilitatis specie sese commendet objectio inde petita. (\*\*)

## XXII.

- (\*) Patet hoc ut alia omittam ex ipso loco Lucæ, Act. 2 v. 22. in quo Christum vocat ἀνδρα ἀπο τῆς Θεοῦ δειδρυμένον.  
 (\*\*) Cl. Mosheimius locum Platonis in Philebo paulo aliter ac ego explicuit in dissertat. de Creatione ex Nihilo Sect. XVII. quæ si valeant, magis inepta & contorta erit explicatio Gundlingii.

XXII. Alter locus, ad quem D. Gundlingius provocavit, petitus erat ex *Timæo Locro*. Contendit post *Souveranum* & *Baylium*, T. illum *Locrum* adferere, *materiam e sinu Dei expulsam*. Dixi, Gundlingium potius *Souveranum*, aut *Baylium* secutum, quam T. *Locrum*. Omnes ad eum provocant, locum tamen, in quo hæc reperiantur verba, nullibi designant. Haud diffitetur D. Vir, se duos illos Viros consuluisse; sed evoluisse se simul *Philebum Platonis* & *Jamblicum de Myst. Egypt.* atque ita observasse *decisionem e Philebo Platonis* repetendam. Et hic esse ille locus in antecedenti Sectione examini subiectus, qui totius ædificii fundamentum est; expendi in dissertat. mea inde a pag. 900. usque 909. libellum T. Locri, & ostendi nullum præsidium Gundlingio in eo esse. Omnia, quæ *Locrus* in exiguo hoc libello tradit, ad sequentia possunt revocari capita: 1. *Deum esse mentem præstantissimam*. 2. *Materiam infinitam* & *eternam*. 3. *λογον dari seu παν*, in quo mundi sensibilis *παράδειγμα*. 4. *Dari mundi animam imperio Dei subiectam*. 5. *Voluisse Deum Optimum materiam ἀρχημάτων fingere* & *pulcherrimum inde efficere animal*. 6. *Factum hoc esse ita volente Deo per ministros quosdam*. 7. *Hunc mundum Deo ita volente æternum futurum*. Hæc capita fere *ἀντολεξαι* in hoc libello traduntur. Quæ qua ratione cum æterna quadam materię effluxione e sinu Dei, consistere possint, nemo non videt. Videamus tamen, quid ex eo, quod momentum trahat, contra nos adferat. Sect. LX. pag. 273. seq. ita loquitur. *Vix Atheus non erit, qui materiam Dei participem facit, quæ est περί τα σωματα ται θατερω φυσιος*: Altera natura *Locro* materia est, sicuti *ταυτον* divinam naturam exprimit. In quo *Apologeta* haud dubie nobis consentiet. Adde rerum naturalium *δικονομιαν* formam, materiam, sensibile. *Vis vero* & *ἐνέργεια* unde forma insuat in materiam, & materia sese accomodet forme, est in mente Dei, a qua ceteræ res prodeunt tanquam *foetus*, quas is appellat *γεννηματα*. Quod non creatur, ex nihilo non fit. Quod ex nihilo non fit, aliunde pullulat, similisque est soboles patri matrique secundum essentiam. Respondeo 1. Materiam Dei participem esse, nullibi dicitur in hoc libello. Principio ponit *δυο αιτιας των παντων*, *νοον*, *των κατὰ λογον γιγνομενων*; *ἀναγκαν των βια καττας δυναμεις των σωματων*, mentem quidem earum, quæ ratione quadam nascuntur; & necessitatem earum, quæ existunt vi quadam, secundum corporum potentias & facultates. Harum naturalium causarum Deum summam & principem causam ponit, quem *ἀρχαν των ἀριων*, *ἀρχαρον παντων*, *Δαμιουργον* *τῷ βελτιονος* appellat, de materia dicit, eam esse *ἀμορφον*, *ἀρχημάτων*,

δεχομεναν δε πασαν μορφαν, addit ταν δε περι τα σωματα, μερισαν εμεν και τας θατερον φυσιος, circa corpora dividuam esse materiam, & alterius nature participem, id est, materiam in se spectatam, rudem esse & infinitam, spectatam autem, ut in ordinem digestam, dividuam. Nimirum cum materix accedit η idea, particeps fit τας θατερω φυσιος.

2. Frustra urget D. Gundlingius vocabulum εκγονον foetum, qui ex Deo, si illum audias, prodierit; pag 544. mundum considerat T. Locrus οιον NB. εκγονον τατερον, quasi foetum illarum, scilicet, materix & ideæ. Nimirum materiam considerat ut μητέρα και ιδεαν, matrem & nutricem, αιδιον praterca αμεσφον, δεχομεναν δε πασαν μορφαν. το ειδος vero, inquit pag 545. λογον εχει αρρενος τε και πατρος, maris & patris, ιδεα δε, inquit εμεν ια εκ ιδων εκγονα. Tertia vero est essentia ea, que ex his, ut foetus, nascuntur. Ex quibus patet, mundum dici εκγονον, quia ad materiam informem accessit Dei operatio, quæ, per ideam materiam in certam formam redegit, unde materia παραγμενη dicitur. Nullibi autem dicitur, foetum illum ex Dei sinu expulsum, imo ne quidem ex idea, quæ parentis ad instar consideratur. Ergo si quis effluxus locum habet, το αιωτητον e materia, matre nimirum, prodiit, speciebus ornata per ideam; Deus vero ab idea, materia & mundo totius diversus est. Hinc pag citata ait: αγαθος ειν ο Θεος, ορν δε ταν υλαν δεχομεναν ταν ιδεαν και αλλοικμεναν. i. e. Deus, quum nimirum bonus sit & videns materiam recipere formam, & alterari varie. Deus ergo ex mente Locri ideam adhibuit ad formandam materiam; materiam minime ex suo sinu expulit; & cur, quæso, opus esset idea, si in sinu Dei latuisset jam materia? si omnia inevitabili quadam necessitate e natura Dei emanassent? verum est, foetum illum non e nihilo prodierisse, sed nondum inde sequitur, cum e divina essentia Dei expulsum esse; adest enim mater hujus foetus, nimirum æterna illa & αρχηματιος materia. Similis est foetus ille Parentibus, qui originem dedere, corpore seu materia similis matri, ordine, dispositione vero Ideæ seu νοατω παραδειγματι. Ultra comparatio illa urgeri non potest. Quæ causa est, ita pergit D Gundlingius, quod in nature universitate aliquid statuit divinum, quod maneat, & generationum & vicissitudinum in rebus singulis sit νοατον τε παραδειγμα. Quod est in singulis rebus, non est extra illas. Sed unde tandem hæc ratiocinatio petita est? Timæus, inter causas adjuvantes, p 544. ιδεαν, υλαν, αιωτητον ponit. Ideam autem illam ita definit, και το μεν εμεν αγενατον τε και ακιναλον, και μενον τε, και τας ταυτω φυσιος ικατον τε και παραδειγμα των γεννωμενων, οκοσα εν μεταβολα οντι

Ιουλιω

τοιαύτον γὰρ ἵς ἰσὺν ἰδεῖν ληγεῖσθαι ἵς καὶ νοεῖσθαι. i. e. *Esse præterea in hac rerum universitate quiddam, quod maneat, & intelligibile sit, rerum genitarum, quæ quidem in perpetuo quodam mutationum fluxu versantur, exemplar.* Hujusmodi nimirum in his rerum singularum vicissitudinibus constans, & perpetuum exemplar ideam dici & mente comprehendendi. Nemo non videt, hoc παραδειγμα mente sola percipiendum, diversum esse a rebus fluxis, quæ extra illud παραδειγμα existunt, & nullo modo cum eo conjunctæ sunt. Dicitur illa idea παραδειγμα τῶν γεννωμένων, ὅκοσα ἐν μεταβολῇ ὄντι, id est, omnes res fluxæ, seu corpora omnia, quæ in perpetua mutatione sunt, facta sunt ad immutabiles ideas in mundo illo intelligibili representatas. Quicquid igitur in singulis rebus τεταγµενον, illud repetendum est ab Exemplari illo νοατῷ. Negat præterea, materiam dici ἀγεννατον; nec, inquit, Cl. Gundlingius, conciliandus sibi foret, materiam si ἀγεννατον proprie credidisset, cum omnium rerum, tum mentis, & quæ a mente, tum materie, quæque illum consequuntur, secundum Locri dictata, principium sempiternum sit, quod vocatur Deus. Ergo idem ille Deus & materiam genuit, ac tanquam sætum a se expulit ἐκ τῆς ἀγεννατον, ἀμορφαν τamen καὶ ἀσχηµατισον. Verum est, materiam non dici hoc in loco ἀγεννατον, dicitur tamen μητρὶς, mater, nutrix rerum omnium, dicitur ἀίδιος, mundus dicitur γεννατος, & tanquam sætus aliquis consideratur; ergo, antequam eam Deus exornaret, ἀγεννατος erat, nondum nata, seu in ordinem digesta. Nasci enim mundus dicitur, cum τεταγµενος, in certum definitumque ordinem reductus est. Nec hoc obstat, quo minus Deus omnium rerum simul auctor sit; cum enim ipsemet materiam in ordinem digesserit, materiamque ἀσχηµατισον in certas species diviserit, dici potest, eum mundum generalle. Hinc pag. 545. ait: Deus, cum videret, materiam recipere formam, & alterari varie quidem, sed tamen inordinate: vidit quoque opus esse, ut eam ipse in ordinem reduceret, & ex indefinitis mutationibus ad certam definitamque constitueret. Ubi ergo vel umbra adest æternæ illius ex essentia divina expulsiōis? si vocabulum illud γενναν tantopere D. Gundlingio displicet, sumat vocabula ἐς ταξιν ἀγειν, vel ποιεῖν, quæ in hac ipsa pagina 545. a Timæo adhibentur, & evanescet ille metus. (\*)

Quæ-

(\*) Jam dudum eruditi observarunt, γενναν & ποιεῖν apud Græcos promiscue sumi. Audiatur Doctissimus Clericus in Commentar. ad Genes. 2 v. 4. Ut γῆ, inquit, primario genuit, atque inde quidvis fecit significat: ita quoque derivatum, quo hic utitur Moyses, primo quidem generationem, deinde quamvis procreationem signat. Apud Græcos similiter γενναν, quod generare est, passim EFFICERE, CREARE sonat,

Quærit Cl. Gundlingius, quomodo materia sit mobilis secundum Timæum, vel antequam a Deo in ordinem sit digesta. Sed quid hoc ad rem? supposuit Plato multa, quæ probare non potuit. Quæritur quid senserit. Timæus ille eum Pythagora sentiebat, corpora omnia in perpetuo fluxu esse. Ego te oro, inquit, ut patefacias, quomodo factus prodeat, qualis est materia. Ignoras regeris. Es rursus qui ignorat, ajo, nec adfirmat, nec negat. Quare igitur negas expulsam, aut secretam? Rogo vicissim Cl. Polihistorem, ut explicet, quomodo volente Deo, sensibilibus rerum moles exorta sit, explicet nexum, qui est inter voluntatem Entis intellectualis, & existentiam, motumque corporum, & explicabo illi, quomodo Deus ex materia æterna potuerit fabricare mundum. Fateor, me nescire, quomodo mundus ex mente Platonis a Deo conditus sit; sed quanquam lubens hac in parte meam confitear ignorantiam, adserere tamen jure possum, materiam e sinu Dei non esse ejusdem. Cur tandem? quia nec vola, nec vestigium hujus rei in Timæo; quia nec ex principiis Timæi sequitur. Quod igitur scio, affirmo; quod nescio, in dubio relinquo. Licet enim, ni fallor, D. Gundlingio tueri, materiam ex sententia Christianorum non esse æternam; non e sinu Dei propulsam, quanquam nec ipse, nec alius explicare possit, quomodo posita æterna Numinis voluntate corpora exstiterint, & adhuc, eodem volente, moveantur.

XXIII. Afferui in Dissertat. mea, ex hoc Timæi libello clarissime patere, Platonem non unicum tantum dari substantiam, sed plures adseruisse; recipit igitur se D. Gundlingius ad animam mundi, probaturus inde, Platonem unicum agnovisse substantiam. Eam (mundi animam) inquit, Platonis Deus ἐκταράξεν ἐξω eduxit extra: quod indicio est, eam latuisse intra sinum divinitatis: dein eo contextit αὐτὸν ὅλον ipsum universum, deditque ei nonnihil ex forma individua & dividua essentia: Illa est divina & individua: hac materia atque dividua, ut sic interveniente motu, fieret alterum, maneretque interea unum atque idem. Zimmermannus

nat, & γέννησις GENERATIO, alio qua quidvis fit vocatur. Plato quidem in Timæo ubi de creatione mundi disputat passim γέννησις & παῖσις, γέννησθαι & γίνεσθαι, γέννηται & γίνεται, γέννησις & παραγωγή confundit. Mundum vocat γέννητον, & Deum Πατέρα non minus ac μήτηρα. Hactenus D. Clericus. Quod ipsum probat etiam translatio Ciceronis. Ita enim in libello de universo notissimum locum Platonis transfert. Tum ad Deos is Deus, qui omnia genuit, satur. Hac vos, qui Deorum satū orti estis, attendite. Quorum operum ego Parens, Effectorque sum, quæ per me facta, non sinit dissoluta me invito &c. Ubi quem Genitorem adpellavit, statim Effectorem vocat.



nus hanc descriptionem obscuram vocat, quanquam Platonis menti convenit, ut ovum ovo. Verum est, dixi, & adhucdum dico, obscurissimum esse, quid *Timeus* & Plato animæ mundi nomine intelligant; ex iis autem, quæ omnium fere consensu obscura sunt, rite ratiocinari nos non posse, hæcenus existimo. Verum est, descriptionem animæ mundi, quam exhibet *Timeus*, exacte convenire cum descriptione Platonis: sed hoc idem est mea opinione, ac si quis dicat, voci *βλῆρι*, non minus perspicuam significationem subjectam esse, ac *Aristophanis pblattotratopblattotrat*. Nimirum æque obscura est *Timæi* ac *Platonis* animæ mundi descriptio. Celeberrimi & *Historiæ Philosophicæ* peritissimi Viri dudum fassi sunt, obscurissimum ea in re Platonem esse. Fatetur hoc *Plutarchus* Vir πολυμαθές ατος initio *Commentarii de Procreatione animæ mundi*, quæ in *Timeo* Platonis describitur. *Sext. Empir.* Lib. I. cap. 13. advers. *Grammat.* pag. 283. ait: πε γαρ τις δυναται των ωφρωνμενων γραμματικων Ηρακλειτον συνειναι και Πλατωνι παρακολυθησαι λεγοντι της και αι κατὰ ταυτα έχουσης ιδεας, και της περι τα σωματα μεριους τριτον εξ αμφοιν συνεκραςατο ιδεας ειδος, της τε ταυτα φυσικως, και της θαυτης. i. e. Ubi enim est ex superciliosis *Grammaticis*, qui *Heraclitum* possit intelligere, vel *Platonem* assequi, qui dicit: Ex individua & quæsemper similiter, & eodem modo, se habet essentia, & ex ea, quæ est in corporibus dividua, tertiam ex utrisque speciem constituit essentia, nempe & nature ejus, quod est idem, & nature ejus, quod est alterum. Ex Recentioribus unicum citabo *Burnetum Archæiolog. Philosoph.* Cap. 13. p. m. 439. ita loquentem: Hanc animam Platoniam, inquit, multis explicuere *Platonis Interpretes*, *Chalcidius*, *Proclus*, & quotquot in *Timeum* commentati sunt. Præterea *Plutarchus* tractatu singulari fusc disse-ruit de procreatione animæ secundum Platonem. Sed his lectis omnibus, nihil proficies: nisi quod id forsitan magis persuasum habueris, operam prorsus lusisse, quotquot sudarunt in hac arena. Nihil aliud mihi videtur illa *Ψυχογονία* Platonica, quam lus ingenii: vel regia magica in aëre constructa, cujus fundum frustra querimus. Cui notus est ille dialogus *Timæi*, satis erit apponere non meam, sed nuperi *Philosophi*, ea de re expostulationem. Si *Plato* suam illam, de animæ natura, communibus verbis exposuisset sententiam: Ecquid putas grande, aut quod certo possit probare, dicere visus fuisset? Et fac jam illum in vivis esse: fac rogari, ut sese clare explicet: ut suum illum *Chiasmum* declaret? ut quid sit idem, quid diversum, quid tertia ex dividuo individuoque natura, exponat. Qui ille *Geometricæ Harmonicæque* proportionēs in anima agnoscantur, aperiat.

V V V V V

O quam

O quam aberit, ut propterea animæ naturam nobis perspectam faciat : quæ & illiusmet auditores, quos inter etiam fuit acutissimus Aristoteles, latuit & manet etiamnum incomperta. Sed nempe, quia suam sententiam miris implicuit ambagibus, idcirco obtinuit, ita quod velle potuit, ut puta quod illam propterea miremur, suspiciamusque & revereamur, tanquam insigne mysterium, opinemurque, nisi perfecte animæ naturam noscamus, causam esse, quod non in mentem divini Viri penetremus : nobisque imputemus, quod homunciones cum simus, tantum consequi Heroem non possumus : Et cum nobis oculi Noctue, illi Aquilæ fuerint, ad illud Jubar caligemus, quod ipse clare perspexerit. Hactenus Burnetus. Testimonia illia adducta satis testantur omni tempore doctissimis & perspicacissimis Viris, obscuram valde animæ mundi Platonice descriptionem visam esse. Sed videamus tamen, utrum probari possit, illam animam in sinu divinitatis fuisse, atque postea expulsam. Audiamus ipsum Timæum. Is p. 549. ita hanc rem proponit. παν δε τω κοσμῳ ψυχὰν μεσθεν ἐξαψας ἐπαγαγεν ἐξω περικαλῆψας αὐτο ὅλον αὐτα, κρατὰ αὐτὴν κερασάμενος ἐκ τε τὰς ἀμεριζω μορφὰς καὶ τὰς μεριζὰς ἔστιας. ὡς ἐν κρατὶ ἐκ δύο τῶντων εἶμεν. ὡς προτεμὶς δύο δυνάμεις, ἀρχὰς κινασίων, τὰς τε ταῦτω καὶ τὰς τῷ ταῦτερω. ἃ καὶ δυσμίκτος ἔασα, ἐκ ἐκ τῷ ῥασιῳ συνσκραίωτο. i. e. Animam autem mundi in ipsius (sc. mundi) medio indidit Deus, & extra eduxit: ipsumque universum ipsa contexit, certo quodam temperamento contemperatam, ex forma nimirum individua, & ex divindua essentia : ut unum quoddam temperamentum ex his duobus existat : cui duas potentias immiscuit, motuum principia. Ejusdem videlicet & alterius. Quæ quidem anima, cum difficulter suscipiat mixtionem, neque facile etiam ad hujus temperamenti formulam coaluit. Ex hoc loco nec videmus, unde anima illa mundi orta sit, nec quid sit. Illud ἐπαγαγεν ἐξω frustra urget Gundlingius. Deus dicitur eam mundo indidisse, consideratur igitur tanquam aliquid, quod Dei imperio & voluntati prorsus obnoxium sit : quam enim potestatem haberet in id, quod cum essentia sua indivulso nexu cohæreret, & ejusdem esset perfectionis ? eduxit illam animam extra, sed an inde necessario sequitur ergo latuit in ipsa essentia divina ? indita primo fuit mundo, & demum extraeducta est. Ubi autem, antequam mundo infereretur, fuerit, nec vola, nec vestigium adest in Timeo. Non licet autem ad defendendam hypothesein quilibet ex quolibet elicere. Si conjecturæ locus sit, crediderim, illud ἐπαγαγεν ἐξω nihil aliud denotare, quam animam illam mundi medio insertam a Deo extraeductam, i. e. ad exornandas omnes

nes etiam extremas mundi partes, missam; postea vero hoc facto, denuo in prius domicilium coniectam. (\*) Illa contemperatio ex *dividuo* & *individuo*, nihil aliud videtur denotare, quam mundum ex corporibus & principio quodam fecundante constare. Sed quicquid dicas, nihil, quod omni ex parte satisfaciat, adferre poteris. Sufficit, quod tanquam ministra quædam, Dei Imperio obnoxia confideretur. Hinc. pag. 549. ait: *ὃν ἔχ' ὑπεραν τὰς σωματικὰς ἰστίαις συνταχάτω ὁ Θεός, ἀλλὰ πρεσβύτεραν ἐποίησεν*, hanc vero non ultimam ordinavit Deus post corpoream ipsam essentiam, sed antiquiorem creavit. Eam mundi animam (ita pergit D. Gundlingius) Locrus pag. 556. nominat alteratricem, *φύσιν ἀλλοιοτικήν*, ut Opificis vicem obiret in mortalibus & diurnis animalibus efficiendis, quibus illa, quasi per fluxum quendam animas instillabat, *ὡς τὰς ψυχὰς ἐπιψυτῶς ἐνεσχεῖ*, partim a sole, partim ab aliis astris, ubi oberrabant, deductas. Unam animam humanam eadem potentia præditam mansisse, qua est illa ipsa mundi anima, quam in parte rationis particeps admiscuisset. Ita D. Gundl. Afferam ipsa verba Locri, ut, utrum illa necessario fluat inde consequentia, Lector dijudicare possit. Quoniam autem prolixiora sunt, latina tantum dabo. Jam vero, inquit pag. 556. post mundi constitutionem, mortalium animantium generationem molitus est Deus, ut ad imaginem illam perfectus esset plane atque absolutus. Humanam igitur animam ex iisdem rationibus atque potentiis contemperatam, atque divisam distribuebat, nature alteratrici hoc tributo ministerio: quæ acceptis barum rerum mandatis, ipsius Opificis quasi vicem obivit in mortalibus & diurnis animalibus efficiendis, quorum animas NB. quasi per fluxum quendam instillabat: ita alias quidem a luna, alias a sole, alias a ceteris, quæ in alterius parte oberrant, astris, deducebant. Unam animam exceptit, quæ ejusdem potentia prædita est, quam in parte illa rationis particeps admiscuit imaginem sapientie bis, qui bono fato utuntur. Et paucis interjectis triplices animarum facultates esse vult. Circa cor το θυμοειδές; circa jecur το επιθυμητικόν; in cerebro tandem esse το ἡγεμονικόν. Quod si in summam Locri verba redigamus, sequentia exinde patent. 1. Deum distingui ab anima

V V V V V 2

anima

(\*) Ita explicat ipse Plato in Timæo pag. 711. Edit Ficini: Postquam igitur, ait, secundum Creatoris illius mentem tota anima constitutio absoluta fuit, mox omne corporeum intra ipsam effinxit, mediumque media accommodans, apto modulamine copulavit. At illa a medio per omne usque ad cæli extrema se porrigens, eique extrinsecum circumfusa, seque in se ipsa convertens, ita sempiterna sapientisque vita in æternis temporibus divinum dedū exordium: conferatur Plutarchus de Animæ Procreatione pag. m. 635.

*anima mundi ceterisque substantiis.* 2. *Animam mundi Dei ministram esse, animasque in diversa loca, ita volente Deo, deduxisse, & in corpora immisisse.* 3. *Animas illas circa solem & astra oberasse.* 4. *Animam mundi a ceteris animabus diversam esse.* 5. *Animas humanas diversis facultatibus instructas esse.* Exinde tamen concludit D. G. pag. 277. *Unde in omnibus rebus invenitur divinum & idem : cui agglutinatur illud celebre non ens, quod non per se subsistit, sed a divino sustentatur.* Sed quis tam lynceus est, ut hujus illationis vim videre possit? materiam non esse substantiam ex mente Platonis, mera suppositio, supra satis, ni fallor, refutata. In omnibus rebus invenitur divinum, id est, dantur intellectuales substantiæ in homine, circa astra sunt dæmones, sunt idæ, est denique Deus ipse. Sed quo argumento probatur, aut testimonio, omnes illas substantias unam efficere, imo cum ipso mundo ita necessario conjunctas, ut nonnisi mentis præcisione distinguantur? clarissime hic mundus a Deo, Deus ab anima mundi, animæ ab astris & corporibus distinguuntur. Asserere, hæc omnia per abstractionem mentis interpretanda, nihil aliud est, quam sine ratione τῇ ὑποθέσει δαλεῖν. Unde necesse non puto, ut multis conseq. Gundlingii Sect. LXII. adductam subvertam. Ex his vero, inquit, claret, unicam substantiam esse τὸ Θεῖον, cetera non esse, nisi per participationem, κατὰ μετοχὴν unius substantiæ, quæ insuit, in homines & animalia. Quo enim in loco dicitur, animas illas in animalia deductas ex Deo repetitas? ne quidem ex gremio animæ mundanæ prodiisse dicuntur. Solum hoc patet, animam mundi cæteras animas corporibus indidisse. Cur denique ab astris, & a sole, revocantur illæ animæ, si pars sunt essentia divinæ? Argumenta insuper ex hoc *Timei* libello attuli, ad probandum, Deum ex Locri sententia fines intendisse in condendo mundo: Respondet, loqui Locrum tanquam physicum; Deum Pythagoræ autem γεωμετρικόν. Finis considerationem in abstractionem mathematicam non cadere. Sed quid opus multis verbis, ubi adsunt testimonia, Plato in *Timeo*, & Locrus de anima mundi, uti *Physici* simul & *Theologi* loquuntur. Pandunt rerum initia, simulque quomodo & quem in finem cuncta exornata sint, edocent. De abstractionibus sane hic sermo non est. Deus & ex nostra sententia γεωμετρικὸς, quia omnia certo pondere & mensura condidit. Pag. 554. Locrus ait: Deum Elementis usum ad mundum construendum. Pag. 555. εἰς μὲν ὧν ὁδε ὁ κόσμος δαίμονιο δεσμοῦ τὸ ἀνάλογον ἐστίν. Unus igitur hic mundus felicitis cujusdam & plane divini vinculi proportionem consistit. p. 557. τὰν δ' αἰωμάτων τὰν μὲν ὅψιν ἀμμὶν τὸν Θεὸν ἀναψάσκει

αἰσθῆναι εἰς θεῶν τῶν οὐρανίων καὶ ἐπιστάτας ἀναλαβῆναι. i. e. *At vero ex sensibus visum quidem nobis accendit Deus ad verum cœlestium contemplationem scientiamque comparandam.* p. 549. λόγοι δ' εἰ πάντες ἐντὶ κατ' ἀριθμῶς ἀρμονικῶς συγκεκραμένοι. ὡς λογῶς κατὰ μοῖραν διαίρηται καὶ ποτ' ἀπισταμὴν. i. e. *He autem rationes omnes sunt temperate ad numeros harmonicis, quas & ipse rationis Opifex congruenter distinxit, certis scientiæ afficiis.* Libellum suum sic claudit. εἰς ὁ πάντων ἀγέμων Θεὸς ἐπέτερεψε διοικῆσθαι κόσμον, συμπεπληρωμένον ἐκ Θεῶν τε καὶ ἀνθρώπων. τῶν δὲ ἄλλων ζῶων ὅσα δὲ δαμνιυμένη καὶ ποτ' εἰκόνα τῶν ἀρίστων εἰδὼς ἀγγελάτω καὶ αἰώνιω. i. e. *Quibus humanarum rerum inspectionem summus ille Deus, omnium Imperator atque pater attribuit. Quibus etiam gubernationem mundi commisit. Qui quidem mundus & Diis, & hominibus, & ceteris animantibus constat, absoluta plane omnibusque numeris cumulata ratione. Et hæc quidem omnia ad optimam illam ingenitæ, æternæ, intelligibilis formæ, imaginem fuerunt creata. Hæc loca mea opinione probant quam clarissime, Deum ex mente Locri fines intendisse. Cum autem in superioribus satis clare demonstraverim, Spinozam omnes fines negare, constat, Platonem, qui Timæum secutus est, cum Spinoza non idem sentire.*

XXIV. Hactenus ergo abunde docuimus, nulla perspicua loca a Cl. Gundlingio allata esse, ad Systema suum defendendum. Videamus jam utrum alia argumenta in promptu habeat, quibus suam sententiam tueri possit. *Seç. VIII. Dissert. suæ* incipit systematis sui ponere fundamenta; omnia huc redeunt: Materiam Platonis (\*) secundum me esse æternam, minime a Deo e nihilo creatam, eandem ab æterno fuisse in confuso motu; motum autem materiam non habere a se, non item a Deo creatum, necessario igitur ad emanationem confugiendum; ubi autem emanatio, ibi fluxum locum habere, materiam igitur a Deo ab æterno emanasse. Hæc sequentibus thesibus identi-

V v v v v 3

dem

(\*) B. Lector facile deprehendet, dissertationem hanc apologeticam, vivo adhuc & spirante Cl. Gundlingio, ab Auctore conscriptam. Cum enim jam ad prelum parata esset, fama ad ipsum delata est, Illustrē Virum ad plures abiisse. Hæsitabat igitur, utrum illam luci publicæ expositurus esset, nec ne: verebatur, ne quibusdam mortuo Leoni insultare, uti proverbium habet, videretur. Cum autem amici, quibus multum tribuit Auctor dissertationis, monerant, apologiam istam, ad illustrationem hujus thematis, aliquid conferre posse, desiderio illorum satisfacere voluit. Quod si beati Viri admiratores putent, verbum aliquod duriusculum Apologetæ excidisse, illud non dictum quam maxime vellet, simul tamen rogat, ut illi, qui manes ejus venerantur, velificationem B. Viri legant diligenter, antequam apologetica hæc dissertatio acerbius quam par esset exceptum esse Defunctum, judicent.

dem repetit , atque ad ea tanquam principia mathematica provocat. Sed tota illa suppositio falsa mihi videtur. Confundit enim perpetim *questionem juris cum questione facti*. *Quæstio inter Cl. Virum & me hæc est : Utrum Plato Spinozæ sententiæ addictus fuerit , nec ne ?* asserit ipse , ego nego. Provocamus ergo jure ad testimonia , ex quibus sententiam *Platonis* cognoscere licet. Adduxit ille duo loca , quibus probare voluit , materiam e sinu Dei propulsam. Ego non solum directè alia huic sententiæ opposita adduxi testimonia ; Sed ostendi etiam , illa ipsa ex *Philebo* & *Locro* adducta prorsus nihil probare. Existumo autem , in explicatione veterum perspicuis testimoniis insistendum esse , sive illa vera vel falsa , nostram sententiam confirmatura , aut subversura. *Tota autem moles ratiocinationum Gundlingii ex meris conjecturis & consequentiis constat*. Absurdum est , inquit , *Platonem* materiam æternam per se subsistentem , confuse motam credidisse. Ita est. Sed num ideo sequitur : Ergo *Plato* id non professus est ? ergo clarissima testimonia neganda , aut alium in sensum torquenda ? cedo consequentiam. *Non enim queritur , quid sentire debuerit , aut quomodo potuerit ratiocinari , sed quid senserit ?* ab hac quæstione si discedimus , *mere surgent tenebræ*. *Hierocles* alique inter veteres agnoverunt , absurdum esse , materiam aliquam statuere æternam , hinc nimio tandem amore *Platonis* abreptus *Hierocles* adseruit , *Platonem* creationem materiæ e nihilo professum. Sed vapulavit ille. Quare ? quia , quid dicere debuisset *Plato* , ostendit , non item quid senserit. Si ad *Spinozæ* Systema oculos mentis convertamus , non minores difficultates occurrunt , sed potius errorum monstra. Quid ergo faciendum ? mea opinione , positis omnibus præjudicatis opinionibus , legendus ipse *Plato* , neque unus aut alter locus evolvendus , sed totius Systematis nexus , quantum fieri potest , introspectiendus , & tum demum quid senserit , verum an falsum , absurdum vel solidum , dicendum. Hoc pro viribus præstiti , *apertissimaque adduxi loca* , quibus probatur , *Platonem* materiam æternam a Deo prorsus diversam , nulloque modo cum Eo conjunctam agnovisse. Sed fluxionis materiæ e Deo nullum est vestigium. Num autem propter motum materiæ , quem *Plato* in materia illa indigesta supponebat , contra evidentissima illa testimonia & nexum Systematis , asserendum est , fluxionis illius causam in Deo querendam , *Platonemque* unicam substantiam agnovisse ? non putaverim. Eadem ratione , si ita veteres interpretari liceat , probabo , *Platonem* Creationem e nihilo agnovisse. Exaggerandæ tantum erunt difficultates , quæ in

in Systemate duorum principiorum & *Spinozæ* locum habent, & adferenda quædam loca, quibus hoc probari videtur, & habeo, quod volo. Sed ita frustra me esse, omnes rerum æqui arbitri judicarent. Hinc puto, inutilem esse illam *questionem* Sect. 10. alibique *toties totiesque* repetitam, quomodo materia a Deo moveri exornarique potuerit, si per se extiterit? quodnam jus habeat Deus in materiam? Neque enim ego absurdæ sententiæ a *Platone* assertæ explicationem dare vel possum, vel debeo. Si *D. Gundling.* interrogarem, quomodo admirabilis ille ordo a causâ necessario agente secundum *Spinozam* exoriri potuerit? sine dubio responderet, quæri, quid *Spinoza* senserit, non item, quid statuere debuerit. Sibi ergo habeat idem responsum. Nullus ex iis, qui absurdum *Transsubstantiationis* dogma defendunt, hoc *σὺν προϋλῶν* explicare potest, nec minus tamen constanter defendunt. Sufficit igitur probasse, *Platonem* materiæ æternam subsistentiam probasse, licet, qua ratione eam probare, aut cum aliis assertis conciliare potuerit, explicare non possimus. Hæc cum jam in dissertat. mea dixissem, *D. Gundling.* Sect. 98. hanc meam responsionem *absurdam* vocat, & *nescire me leges verisimilitudinis.* Sed ego pro mea simplicitate hæcenus credidi, summum gradum verisimilitudinis efficere *aperta testimonia*, in *questione* nimirum *fæiti.* Utrum autem testimonia adulerim perspicua nec ne, aliorum, qui extra partes sunt, judicium esto. Neque enim, addit *D. G. omnes, quas nos cernimus oriri inde periculosas conclusiones ex emanationum doctrina, comprehendit Plato.* Sed probandum primo, *Platonem* emanationem ex Deo statuisse. Deinde majori jure eam responsionem meam facio. Ego non conjecturis, sed argumentis probo, *Platonem* materiæ æternitatem agnovisse, & hoc posito, ajo, frustra absurditatem hujus dogmatis urgeri, quandoquidem omnes consequentias inde orituras forsân non perspexit. *Plato* ordinem universi contemplans, summum mundi Rectorem esse conclusit, dum autem ad materiam se convertit, creatio ex nihilo illum turbabat. Afferuit igitur, materiam esse æternam, de modo, quo Deus in eam ageret, aut quod jus in eam haberet, interea sollicitus non erat. Exornata est secundum eum a Deo materia, ergo hoc fieri etiam potuisse conclusit. At *Chaldei, inquit, Egyptii, Pythagoras, Heraclitus, Socrates* aliique *ἀπὸ ἑρῶς* statuerunt, *hæc seculus est Plato.* At ego hæc omnia mihi probari vellem. Scio, *Heraclitum, Pythagoram* aliosque asseruisse, *materiam in perpetuo fluxu esse.* Sed materiam illam in perpetuo fluxu existentem ex Deo tanquam *substantia corporea* emanasse, hoc inquam

inquam probari vellem. Scio, *P. Baylium* jam ante *Gundlingium* talia perhibuisse; sed suo tempore ostendam, non iis argumentis superstructam esse hanc assertionem, quæ veri amantem in adsensum pertrahere possit. Sed pone, hos omnes *Spinozæ* sententiæ addictos fuisse, tum quæstio gravissima superesset, utrum *Plato* hac in parte ab iis secesserit nec ne? & ita denuo ad perspicua loca *Platonis* omnis controversia devolveretur. Cum autem hæctenus e *Platone* perspicue consensus ille cum *Spinoza* probari haud possit, jure adsero, eum in alia omnia ivisse.

XXV. Cl. *Gundling. Sect. XI. & sequentibus ingeminat, veteres quidem æternitatem materiæ professos, sed simul tamen eandem materiam fluidam ex essentia divina emanasse, perhibuisse. Nullo autem cum hoc probet testimonio, opus non est, ut multis huic objectioni inhæream. Sect. XVIII. & XIX. eandem cantilenam repetit, & rogat, ut explicem, quomodo ergo materia æterna ordinari potuerit a Deo? quam potestatem habeat Deus in materiam æternam? unde motus ille confusus materiæ? Sed supra satis respondi, ad has quæstiones interrogandum esse *Platonem* ipsum. Probandum saltem, posita illa materiæ æternitate, Deum tolli, aut unicam effici substantiam. Sect. XX. denuo ad *Ægyptios, Chaldeos* &c. provocat ἀποδείξεις defendentes. Novi, *Chaldeos* de intellectualibus Sectionibus & ἀποδείξεις loqui, siquidem standum est fragmentis illis, quæ restant. Sed earum nomine intellexisse proprie dictum aliquem fluxum, partiumque divulsionem, probandum esset. Materiam interim certo sensu γενναίον & γενναίον dici posse, supra jam monui. Provocat ad *Stillingfleeti Orig. Sacr. Lib. III. p. 846.* in quo *Illustris* ille *Praeful* ostendit, *Thaletis* ὕδωρ & *Platonis materiam confuse motam* idem esse. Concedo hoc, sed probetur, *Thaletem* dixisse, materiam illam, quam ὕδωρ vocat, e sinu Dei per fluxionem emanasse. Non quaeritur enim, utrum *Platonis* materia æterna in perpetuo fuerit fluxu? sed utrum ex divina Essentia Numinis effluerit? Vellem, ut Cl. *Gundling. antecedentia etiam Stillingfleeti* perpendisset. Pag. enim 843. ex *Laërtio* docet, *Ægyptios* mundo originem dedisse. Pag. 845. testimonio *Plutarchi* docet, *Pythagoram* duo principia omnium rerum ποιητικὸν αἴσιον (ὅπερ ἐστὶ νῆς) & παθητικὸν καὶ ὕλικον, agnovisse. Sect. XXI. quaerit, quomodo Dii illi, quorum mentionem facit *Plato* in *Timæo*, orti sint? Dixi in *dissert. mea*, deos illos esse *Solem, Lunam*, imo etiam *Dæmones*. Vocantur θεοὶ γεννητοί. Quomodo *Platonis* Deus vastissima illa corpora exornare potuerit, dicam, quam-*



quamprimum Cl. Vir mihi explicabit nexum, qui intercedit inter substantiam spiritualement & corpoream. Hoc scio, *Platonem* adseruisse, Deos illos a mente nobilissima fuisse factos, & imperio ejus obnoxios. Sect. XXII. rursum quærit, quid sit *generari*? Dicam. *Plato*, ut ex *Timeo* *Locro* audivimus, materiam tanquam *matrem*, ἡὲν ὡς ἱστορίας Parentis alicujus consideravit. Quamprimum igitur Deus, tanquam nobilissima mens, aut vix ipse materiam hæcenus confusam in ordinem redigit, dicitur *Platoni* mundus generari. Quod si, missis hisce, urgere vellem vocem γενεῶν, facillime probarem, potius ea denotari creationem, quam rei jam existentis productionem. Sect. XXIII. probare vult, animam mundi esse ἀποσπασματικὴν quoddam essentia divine. Provo-  
 cat ad locum *Platonis*, qui extat p. 710. vers. *Ficini*; Eum autem attulisse, refutasse est. Sonat autem ita. Ille vero tam generatione, quam virtute priorem antiquioremque animam corpore constituit, utpote que obedienti corpori esset imperatura. Ex his videlicet, atque hoc pacto. Ex ea substantia, que individua & semper eadem similisque est, & ex ea, que circa corpora dividua sit, tertiae substantiae speciem commiscuit mediam, que rursus esset naturæ ipsius ejusdem, & naturæ ipsius alterius particeps, eamque per hæc mediam constituit inter individuum substantiam & eam, que circa corpus dividitur. Ea cum tria sumpisset, in unam speciem omnia temperavit. Quid inde concludat *Gundlingius*, audi. Taliigitur modo infusa est anima mundo toti, que Spiritus est divinitatis ipseque Deus. Sed quis non videt, nullum hujus consequentia vestigium in hoc loco esse? nimirum anima mundi ex re corporea & spiritali contempera-  
 rata fuit a Deo, Ergo prodiit, vel emanavit e sinu Dei, ut pars a toto. Quis dubitet? Ut nihil jam dicam, in sequentibus *Platonem* aperte satis significare, hanc animam tanquam Creaturam (\*) prorsus a Deo diversam, ejusque obnoxiam Imperio considerandam. Pag. 711. vers. *Ficini* ita loquitur. Postquam igitur secundum Creatoris illius mentem tota animæ constitutio absoluta fuit, mox omne corporeum intra ipsam effinxit, mediumque mediæ accommodans, apto modulamine copulavit; & paucis interjectis: & corpus quidem cæli spectabile factum est, anima vero oculorum effugit obtutum, rationis & modulaminis compos ab auctore suo omnium, que semper sunt & ad intelligentiam pertinent optimo, ipsa quoque optima omnium, que genita sunt, effecta. Nemini sane, nisi aliunde jam præconceptis opinionibus imbuto, in mentem venit, hanc animam divinæ essentia partem esse, ab illa divulsam. (\*\*)

XXXXX

XXVI.

(\*) Sensus Platónico.

(\*\*) Perspicue de hac materia loquitur Doctissimus *Porphyrus* περὶ ἀποχρῆς pag. m. 80.

XXVI. Ut autem Cl. Gundling. per partes probet, tria illa principia Platonis Θεον, νεν seu λογον, & animam mundi inter se conjuncta, & arctissime materiæ alligata esse, Sect. XXIV. probare primo contendit, τον νεν, seu λογον Platonis progeniem esse Dei, seu effluxisse & emanasse a primo: *A summo Deo Θε ανασιω inquit, supraessentiali mens venit, sicuti a mente illa anima mundi egressa est.* Et paucis interjectis ita argumentatur. *Aut mens illa Θε Opifex summus erit Deus, aut non. Si prius, sat erit probasse, animam mundi esse decerptum istius, sin substantia nova, causa sane ejus erit, unum illud ανασιον, quod nominari ac percipi nequit. Si hoc, quomodo igitur orta est mens? utrum ex nibilo, an ex summo illo Divinitatis sinu? Provocat ad Philebum Platonis pag. 90. vers. Ficini, in quo Socrates: η δε γε εμη Ζηησει παπορικως αποκρισιν, οτι εστι γενεσης των παντων αλιστα λεχθεντος των ιεσσεων, ων ην ημιν εν τω i. e. μετ' vero petitioni responsum porrigit, quod mens est progenies quedam ejus cause, que causa dicitur omnium, quæque est ex quatuor istis, que relata sunt, unum quiddam. Ubi autem progenies, ita concludit D. G. ibi generatio, & generatio sine effluentia concipi nequit, quia creatio ex nibilo vanescit. Resp. 1. de λογω seu secundo principio diversimode ratiocinantur Plato & discipuli. Aliquando τον νεν tanquam aliquid per se subsistens, æternum, considerant, æque ac την υλην seu materiam; aliquando illam mentem, originem suam a Deo habere, gradibusque perfectionis tantum a primo Ente distinctam esse perhibent. Aliquando Deo soli Imperium in omnia adscribunt; Mox tamen λογον illum tanquam Parentem omnium, quæ καλα λογον facta sunt, inducunt, adeo ut tuto ex hisce ratiocinari non liceat. 2. Ponamus autem cum D. G. τον νεν esse progeniem mentis divinæ, nondum inde sequitur, ergo locum habet proprie dicta effluxio (\*), emanatio;*

partium

m. 80. ο μεν πρωτος θεος ασωματος η ον και ακινητος και αμεριστος, και υδε εν τωιν ων, ετι ενδεδιμενος εις εαυτον, χρηζει υδινος τω εξωθεν, ωσπερ ειρηται, ε μην υδ' η η κοσμου ψυχη, εχουσα μεν το ηριχη διαταλον και αυτοκινητον εκ φυσικης, προκειμενη δε πεφικυκα ην καλωσ και ευκατως κινησθαι και κινηει το σωμα ην κοσμου καλα ης αριστος λογος. διδιναι δε το σωμα εις εαυτην και περιεληφει, και περ ασωματος υσα και παντος παθος αμιλτος, i. e. Deus supremus incorporeus cum sit, & immobilis & indivisibilis, nec in aliquo existens, nec in se ipsum actus, nulla re, quæ extra illum est indiget, ut diximus: sed nec anima mundi; triplicem quidem habens divisibilitatem, & potestatem a natura sese movendi, ita tamen ab eadem facta, ut eligat bene & ordinate moveri, & mundi prolem secundum rationes præstantissimas concitare. Sibi autem corpus adscivit, & circumdedit, licet incorporea sit, & nullius passionis particeps,

(\*\*) Quæ scilicet partium evolutionem & cum alio communicationem, vi vocis proprie sum-

*partium a partibus separatio*, de quo tamen quam maxime quaestio est. Vocem γενεαν de rebus divinis usurpat Plato, & sine dubio locutus est de rebus, quarum perspicuas notiones minime habebat; hoc certum, quod licet nonnunquam adserat, difficile esse naturam Dei invenire, eum ἀνασσειν, & supra omnes, uti in Scholis loquuntur, categorias evectum, semper tamen intelligentis & perfectissimæ naturæ Deum esse tueatur. In Timæo pag. 528. ait: ἕως δὲ πᾶς ὄντως αἰελογισμός Θεοῦ λογισθεὶς, hæc omnis vere existens ratiocinatio Dei — ratiocinata. In Epinomide vero pag. 702. λογον adpellat, ubi de mundo, ὃν ἐταξέ λογος ὁ πάντων Θεοῦ λόγος ὁραῖον, ut de aliis locis, quæ supra adtuli, nihil dicam: at hoc posito quaeritur, quomodo generatio quædam in divinis locum habere possit sine effluxione, & intellectualia ab intellectu- libus oriri. 3. Igitur attendamus ad ipsam mentem nostram, cum omnes nostræ ratiocinationes de Deo repetitæ sint ex iis, quæ in mente nostra deprehendimus. Cognoscimus autem naturam mentis nostræ potius ex intimo quodam sensu, quam perspicua notione animo obversante. Idearum circa mentem perpetuus quidam fluxus, seu itus & rexitus est; utrum illæ a mente oriantur nec ne, & quomodo insint menti, prorsus ignoramus. Videntur quidem omnes ideæ ope voluntatis nostræ, vel certe non sine ea, progenerari: sed quomodo intercedente voluntate illæ accedant, denuo nescimus. Quod si jam ad Deum convertamus oculos mentis nostræ, tanti Numinis Majestate animus absorbetur. Quomodo mens illa nobilissima cogitet, imaginetur, ratiocinetur; quomodo omnium rerum præsentium, præteritarum, futurarum, contingentium, necessariarum, præsentissimas semper habeat notiones, ignoramus. Nescimus, quomodo posita voluntate Dei, omnia & orta sint & conserventur. Verbo, naturam Dei introspicere mortalium non est. Quem in finem, inquit D. Gundling, hæc adferuntur? Dicam. Ex his sequitur, nos prorsus nescire, quomodo a Deo aliquid oriri possit: sequitur, temerarium esse, definire, a Deo, & ex Deo, nihil oriri posse, quam per emanationem

— X x x x x 2

pro-

sumtæ indicat. Talem enim emanationem, quæ materialitatem in Deo supponit, admisisse & statuisse Platonem, supponit semper V. C. non probat, nisi per circulum. Quod si vero emanatio sensu latiore sumta, indicet tantum essentiae communicationem, naturæ rei convenientem, & ita nihil amplius dicat, quam æternum Patrem ex se, modo spirituali produxisse Mentem, tunc admitti quidem ista vox potest, cadunt vero objectiones D. Gundlingii, quia nec inde ulla in Deo materialitas, ut ita dicam, evincitur, nec essentiae communicatio hypostasim propriam αὐτῆς καὶ αὐτῆς, quæ Platonis locutio est, excludit: Certe ex mente Platonis excludere non potest.

proprie dictam & fluxum. Mallem ego hac in parte meam confiteri ignorantiam. *Sed Plato*, ait, *tanquam Philosophus hæc explicare voluit*. At ego dico: primo, nos ignorare, quæ ad sententiam ejus rite intelligendam facere possent, cum & ipse & discipuli varie rem explicent. *Secundo non Plato tantum*, sed & nos, qui meliora edocti sumus, nihil hac in re certi possumus definire, ob rei ipsius obscuritatem. *Theologi Christiani olim & nunc locuti sunt de æterna quadam generatione filii*, nemo tamen modum se explicare posse contendit. Dicit, hoc *mysterium esse*. Non nego; sed nulla tamen proprie dicta emanatio, nullus fluxus locum habet, sed intellectualis quædam, & ineffabilis, secundum eos generatio est. Non ignoramus, quid sit alias generare, seu quid hoc vocabulo denotetur; sed cum de divinis sermo est, phrasæ illæ rite rei, quam ignoramus, aptari non possunt; *Plato* quidem hæc non tanquam mysteria cælitus revelata proposuit, hætenus tamen res eodem recidit. Si enim vere putavit, *λογον* a Deo ortum, non magis rem illam explicare potuit, quam nos generationem æternam filii Dei. Debuisset, verum est, hæc tanquam Philosophus perspicue explicare aut tacere: sed quis ignorat, non minus *Philosophos* aliquando, quam alios loqui de rebus, quas minime intelligunt. (\*) *Tertio*: Quicquid tandem sit de *λογω* & ejus origine, nulla ratione probari potest, proprie dictam emanationem locum habere. Deus enim ex mente *Platonis* nunquam tanquam Ens aliquod extensum & fluidum describitur. Neque etiam vox *γενεαν* ultra modum hic urgeri potest. *Theologi Veteres* cum de ineffabili mysterio *Trinitatis* locuti sunt, voce *ἀπο᾽ ἐξουίας* frequenter usi sunt, diligenter tamen cavendum esse injunxerunt, ne lectores sibi persuadeant, emanationem proprie sic dictam locum habere. Juvat hoc testimoniis quibusdam probasse, quæ magno numero apud *Petavium*, *Huetium*, *Bullum*, inveniuntur. *Athanas.* Lib. de Decretis pag. 409. inquit: *Aliter se habet hominum generatio, aliter filius a Patre oritur. Etenim progenies hominum partes sunt quodammodo gignentium. Quoniam natura ipsa corporum non est simplex, sed fluida & ex partibus composita: effluuntque cum generant homines: & vicissim, cum aluntur, cibi in eos & potus influunt, quam ob causam multorum per tempora filiorum Patres fiunt homines.* *Ὁ δὲ Θεός, inquit, ἀμερής*

(\*) Accedit, quod *Plato* ingenio quam judicio excellentior, ideas rerum claras & distinctas non tantum sibi ipsi non formaverit, sed & occultandi tam difficilem doctrinam studio obscurius subinde rem expresserit, sibi ipsi quidem haud raro non constans; unde ex hac re argumentum sumi non potest.

ἀμερὲς ὡν ἀμεριώως ἐστὶ, καὶ ἀπαθὲς τε Ἦν κατὰ. ἄτε γὰρ ἀπὸ ῥέου τε σω-  
ματος ἐστὶν, ἄτ' ἐπὶ ῥέῳ τις εἰς αὐτὸν γίνεσθαι. Eodem loco pag. 410.  
Theognostus filii generationem explicaturus ait: ἀλλὰ ἀπὸ ῥέου τῆς τε  
πατρὸς ἑστίας, ἡ μερισμὸν ὑπομεινάσης τῆς τε πατρὸς ἑστίας. i. e. Sed  
effluxio est substantiæ Patrís, non ut divisionem passa sit Patrís substantia.  
Eusebius in Epístola de Synodo Nicæna apud Socrat. Eccles. Hist. Lib. 1.  
cap. 8. Cum hæc ab illis dictata esset formula (nempe formula, quæ ho-  
die Symbolum Nicænum dicitur), id quod ab illis dictum erat, ex  
Substantia Patrís & Consubstantialis, non absque examine prætermisimus.  
Hinc igitur variae questiones ortæ sunt, & responsiones: & quenam esset  
eorum verborum sententia, accurate expendebatur. Καὶ δὲ καὶ τὸ ἐκ τῆς  
ἑστίας ὁμολογητὸ πρὸς αὐτὸν, δηλωτικὸν εἶναι τε ἐκ μὲν τε πατρὸς εἶναι,  
ἡ μὴ ὡς μέρος ὑπαρχειν τε πατρὸς. Ταῦτα δὲ καὶ ἡμῖν ἐδοκεῖ καλῶς  
ἔχειν συγκαταπνεῖσθαι τῇ διανοίᾳ. i. e. & hæc quidem voces, ex substan-  
tia, falsi sunt hoc significare, filium quidem esse ex Patre, sed non tanquam  
partem ipsius Patrís. Hunc sensum ut nos quoque amplecteremur, equum  
omnino videbatur. Supra in eadem Epístola dixerat Eusebius, ipsum  
Constantinum Episcopis quibusdam de vocabulo Homousii querentibus satis-  
fecisse his verbis: ὅτι μὴ κατὰ τὰ τῶν σωμάτων πάθη λέγει τὸ ὁμοῦσιον,  
ἄτε ἢν κατὰ διαιρέσιν, ἄτε κατὰ πᾶν ἀποτομὴν ἐκ τε πατρὸς ἀποσθῆναι. μή-  
τε γὰρ δύνασθαι τὴν αὐλὸν καὶ νοστρον καὶ ἀσώματων φύσιν σωματικὸν τι πα-  
θος ὑφίστασθαι. Θεοῖς δὲ καὶ ἀπὸ ῥέοις ῥημασι προσκεῖται τὰ τοιαῦτα νοεῖν.  
i. e. Consubstantiale a se dici, non juxta corporum affectiones: neque per  
divisionem, aut per Sectionem quandam filium ex Patre subsistere. Fieri  
enim non posse, ut materiæ expers natura, intellectualis atque incorporea,  
corpoream ullam affectionem admittat: Sed divinis arcanisque rationibus  
id esse intelligendum. Hinc doctissimus Bullus defens. Fid. Nic. pag. 197.  
postquam Origenem contra Illustrem Huetium defendisset, quid similitu-  
dine Solis & radiorum, qua frequenter utebantur veteres, denotare  
voluerint, ita explicat: Verbo dicam, Origenes atque Catholici Patres,  
simile illud Solis & radii, lucis & splendoris usurpantes, hæc tantum signi-  
ficare voluerunt, neque aliud quicquam ipsis in mentem venit. 1. Patrem  
esse πηγὴν θεοτικῆς fontem divinitatis, quemadmodum Sol fons est splendoris  
ex ipso emissi. 2. Filium esse ejusdem naturæ ac substantiæ, cujus est  
Pater: utpote de ipsa Patrís essentia genitum, ut lumen ex lumine manat.  
3. Filium neutiquam a Patre suo divisum ac separatum existere, quemad-  
modum nec radius a Sole, nec splendor a luce disjungitur. 4. Denique  
filium sine alteratione & diminutione divinæ essentiæ ex Patre nasci. Equi-

dem bos animi nostri conceptus de adoranda generatione filii Dei, mirum in modum adjurat similitudo ista, unde & Patribus Nicenis in ipsa confessione sua adhibita fuit. Placuit eadem comparatio Reverendissimo in Christo Patri, Tillotsonio, viro ut aliis Dotibus & Virtutibus præcellentissimo, sic acuto præprimis & perspicaci. Is enim in Sermone 45. de divinitate Jesu Christi Tom. 6. Ed. Gall. pag. 29. & seq. ita loquitur de Servatore nostro: *il étoit Dieu, en ce qu'il participoit à la Nature & à la Felicité divine, conjointement avec le Pere, & en ce qu'il procedoit du Pere comme la Lumiere procede du Soleil. Je me sers de cette comparaison après les anciens Peres de la primitive Eglise, & peut-être est cela plus propre à expliquer le mystere: Car il ne faut pas se mettre dans l'esprit de trouver parmi des Etres finis aucune ressemblance exacte avec ce qui est infini & par consequent incomprehenfible. La chose est impossible, parce que tout ce qui est infini, est par cela même au-dessus de la portée d'une intelligence finie, & quiconque voudra l'entreprendre, s'appercvra bientôt qu'il se perd dans cet abyme.* (\*) Ex adductis locis patet, veteres voce ἀπορροιας lucis, radii &c. usos, dum de æterna filii progeneratione locuti sunt: interim tamen omnem emanationem proprie dictam longissime removisse, quia cum Intellectuali & præstantissima Dei natura ejusmodi emanatio consistere minime possit. Quod si igitur Plato vel maxime τὸν λόγον Dei progeniem esse dixisset, nondum tamen probatum esset, fluxionem aliquam, aut partium separationem hic locum habere, nisi aliunde clarissimis testimoniis probaretur, Deum Platonis Ens aliquod fluidum esse, & ex partibus compositum. Cæterum locus, ad quem provocat Gundlingius, potius probat, mentem nostram progeniem esse Dei, quam τὸν λόγον. Extat is pag. 161. Ed. Græc. Basil. ubi postquam sub Persona Socratis diu disputavit Plato, quod corpus nostrum ex universi corpore sit decerptum, eadem asserit de anima, & ex Protarcho quaerit: Το παρ' ἡμῖν σωμα ἂν ἢ ψυχὴν φησομεν ἔχειν. Cui Protarch. Δηλον ὅτι φησομεν. Tum Socrates: πῶθεν, ὡ φίλε πρωταρχε, λαβὼν, εἴπερ μὴ τοῦτε τε παρτος σωμα ἐμψυχον ὅν ἐτυγχανε ταῦτα γε ἔχον ταῦτω, καὶ ἐπὶ καλλίονα; Cui mox ille: Δηλον ὡς εἰδικομένον ἀλλοθεν, ὡ Σωκράτης. i. e. Nonne affirmabimus, nostrum corpus habere animum? perspicuum sane est. Unde vero, mi Protarche, aliunde susceperit, nisi illud universi corpus animatum sit? quippe quod hæc eadem ipsa habeat, quæ corpus nostrum, & præstantiora etiam? manifestum, quod nequaquam aliunde. Hinc paucis interjectis pergit Socrates:

(\*) Paria passim Theologi & Commentatores ad Ebr. 1. 3. inculcant,

es: *Quamobrem, inquit, rationem illam ulterius persequentes licebit asserere, ea quæ sæpenumero diximus, infinitum prorsus in hoc universo consistere, sufficientemque terminum causamque illis baud ignobilem semper adesse ornantem disponentemque horas & menses & annos, mentem & sapientiam merito nuncupatam. Pro. Merito. Soc. Sapientia vero ac mens absque anima nunquam sunt. Pr. Nunquam certe. Socr. Ergo in Jovis ipsius natura regiam animam regiamque mentem inesse propter vim causæ fateberis, & in aliis item alia pulcra, ut illorum cuique dici placeat. Pr. Maxime. Socr. Præcedentem, Protarche, sermonem nequaquam temere inducūm putes: his enim, qui olim mentem omni mundo præsidere ostenderunt, adminicula præbet. Pro. Præbet sane. Soc. Mææ vero petitioni responsum porrigit, quod mens est progenies quædam ejus causæ, quæ causa dicitur omnium, quæque est ex quatuor his, quæ sunt relata, unum quiddam. Habes jam nostram expositionem. Ex hoc loco patet, Socratem ex antecedentibus concludere, quod, quemadmodum mundus est animatus, sic etiam corpora nostra mentem sapientiamque a Deo accepisse. Quod si tamen de λόγῳ sermo esset, idem tamen locus doceret, originem ejus nonnisi intellectuâli ratione intelligendam, cum Dei naturæ regiam animam, regiamque mentem inesse perhibeat.*

XXVII. Jam progreditur D. Gundling, ad animam mundi, probaturus, eam itidem ex 2. principio emanasse. Num vero mundi anima, inquit Sæc. XXVI. e mente divina sit coorta, tanto minus dubitari potest, quanto certius constat, eam participare mentem: quæ participatio sine emanatione profecto concipi non potest. Provocat ad locum Timæi. Nam cum de illo, inquit, Demiurgo, qui est ἄρς verba fecisset, ostendit is quoque, quemadmodum mundi anima sit ab ipso, tanquam συναιτιον, Genita. Ψυχὴν δὲ εἰς τὸ μέσον αὐτῆς θεῖς, διὰ παντός δὲ ἐταίρεν καὶ ἐπὶ ἔξω τὸ σῶμα αὐτῇ περιεκαλύψε, καὶ κυκλῶ δὴ κυκλον σφερόμενον ἕρπονεν ἓνα μόνον ἔρρημον κατεσηκς. i. e. animum autem ut in medio ejus collocavit, ita per totum tetendit. Deinde eum circumdedit corpore, & vestivit extrinsecus, cæloque solivago & volubili & in orbem concitato complexus est. Ita D. G. Si concederem, animam mundi, a mente originem habere, quod Juniorum Platoniorum adsertum est, nihil tamen hoc faceret ad thesīm Cl. Viri adstruendam. Probare vult, animam mundi effluviū aliquod esse divinæ naturæ, proprie ita dictum. At mera suppositio est, Deum Platonis constare ex materia fluida: mera suppositio est, λόγον principium aliquod esse ex partibus compositum. Si igitur anima

anima mundi orta est ex 2. principio, nonnisi ea ratione oriri potuit, quæ conveniens est naturæ hujus principii. At *Platonici omnes* consentiunt, τον λογον intellectualem principium esse. (\*) 2. Locus ille ex *Timæo* adductus nihil probat, Si *antecedentia* & *conseq.* adduxisset *Cl. Vir*, omnes perspexissent, nec de 2. principio sermonem esse, neque etiam dici, animam illam mundi ex mente vel Deo emanasse. Locus extat pag. 478. proxime præcedunt hæc verba: εἶπας δὲ πᾶς ὁντος αἰετὸς λογισμὸς Θεοῦ περὶ τὸν ποτὲ ἐσομένον Θεὸν λογιῶντος, λείον καὶ ἑμᾶλλον, πανταχῇ τε ἐκ μέσων ἴσον καὶ ὅλον καὶ τέλειον ἐκ τέλειον σωματικῶν, σῶμα ἐποίησε. i. e. cum hæc igitur Deus ille, qui semper est, de aliquando futuro Deo cogitaret, lenem eum effecit, æqualemque, & a medio ad summum usque parem, corpūque ex corporibus totis & perfectis totum atque perfectum. Post hæc verba immediate sequuntur, quæ citavit D. G. sequuntur autem hæc. Itaque omnibus bis de causis Opifex ejus beatum Deum effecit: Sed animam baud ita, ut modo dicere cœpimus, tum denique cum corpū ei effecisset, procreavit. Ex hoc loco clarissime patet, Deum, primam illam mentem, fabricasse mundum; illum & animam quidem mundi ab eodem mundo inferam esse, sed minime ex essentia divulsam fuisse. Altum etiam hac de re filet T. Locrus, qui sane hic minime negligendus est. 3. Si cum Platonicis tria principia statuamus, quorum secundum a primo, tertium a secundo, ortum sit, quæque inter se gradibus perfectionis distincta sint, tum ne hoc quidem juvat D. Virum. Primum enim a Platone & sequacibus semper describitur tanquam perfectissimum, eminentissimum, & quod supra omnem intelligendi vim positum est. Secundum semper tanquam νοῦτον παραδεγµα. Tertium ex dividuo & individuo compositum, tanquam causa omnia fecundans. Nullibi autem Plato, trium illorum principiorum originem perspicue explicuit. Interim cum aliunde notum sit, Deum & λογον in systemate Platonis semper principia quædam νοερα denotare, animum ab omnibus rebus, quæ in sensus cadunt, revocare debemus,

(\*) Nemesius περὶ φύσεως ἀνθρώπου cap. 2. pag. 81. clare docet animam mundi non esse corpus. Ita enim ex versione: Plato & unam & multas esse animas affirmat. Unam esse hujus universi animam, esse etiam alias rerum singularium, ut universum, universi anima separatim animatum sit: itenique separatim res singulæ, sua quæque sint anima prædita dicit enim universæ naturæ animam porrectam a centro orbis terræ, usque ad cœli summitatem: non equidem ut locum ista notet porrectio, sed extensionis quendam modum quem mens & ratio assequatur atque hanc esse animam, quæ in orbem rerum universitatem contorqueat, mundique corpus contineat, atque constringat. Egere enim corpora vi aliqua, a qua contineantur, idque præstare animam, quæ speciem efficit, supra ostensum est,



mus, neque quicquam ei imputare, quam quod vel *diserte* professus est, aut per *evidentissimam consequentiam* ex principiis ejus sequuntur. Sed animam illam, inquit, Θεον γεννησομενον vocavit. Sit ita. Et mundum non semel ita adpellavit in Timæo, constat tamen, materiam a Deo secretam fuisse, nec e sinu ejus expulsam. Θεος dicitur illa anima, quia non solum ex re corporea, sed & spirituali composita est. *Sed expandit se illa anima*, inquit. Ita est. Sed supra jam observavimus, hanc animam ex divido & individuo nescio quomodo contemperatam esse: quæritur igitur, utrum ipsa quatenus intelligibilis est, proprie loquendo dici possit fluere, se se expandere. Ex natura ejus, quatenus νοσρον τι, hoc minime sequitur. (\*) Si a mente originem habet, nec sic expansioni locus. Quatenus corpore induta est, hoc efficere potest. Vero enim quam maxime simile, animam illam mundi vehiculo quodam corporeo vestitam, uti omnes possit mundi pervadere partes. (\*\*) Quod si *Timæum Locrum* legamus, non prorsus evanida hujus rei vestigia adparent: cum enim pag. 656. de anima humana loquitur, ait: τας μὲν γὰρ ἀνθρώπινιας ψυχὰς το μὲν λογικὸν ἐστὶ καὶ νοσρον, το δ' ἄλογον καὶ ἄφρον. Τῷ δὲ λογικῷ το μὲν κρῆσσον, ἐκ τας ταυτω φυσιος. Το δὲ χρεῖον ἐκ τας τῷ ἐτέρῳ, i. e. nam humane anime altera pars rationis est particeps & intelligens: altera rationis experts atque

(\*) Porphyrius, Platonice Philosophiæ peritissimus, sentent. XXIV. ita de hac materia loquitur, ex versione Holstenii: omne genitum ab alio generationis causam habet, siquidem nihil sine causa producitur. Quæcunque autem rerum genitarum per compositionem essentiam suam obrinent, utique eam ipsam ob causam sunt corruptibilia. Quæcunque vero simplicia & incomposita, in simplici substantia essentiam suam habent, cum sint indissolubilia, sunt etiam incorruptibilia. Genita vero dicuntur, non quod composita sint, sed quia ab aliqua causa dependent. Corpora igitur bifariam sunt genita; cum quatenus a causa producente dependent; tum quatenus composita. Sed anima & intellectus genita solummodo, quatenus a causa dependent; non autem ut composita: quocirca corpora quidem genita & solubilia & corruptibilia. Sed hæc ingenita quidem, tanquam incomposita, & proinde etiam indissolubilia ac incorruptibilia: genita autem, ut dependentia a causa

(\*\*) Premebant non Platonem tantum, sed & eos, a quibus hoc dogma accepit, omnino difficultates, qua ratione τὸ νοσρον per omnes partes materiæ se diffundere, easque permeare possit. Cui tollendæ Plato animæ mundi naturam non ex individuo tantum, id est, intellectuali, sed divido quoque, id est materiæ, aliquid dedit, quod Plutarchus de νομονομίᾳ Platonis manifeste fundamentum ponit. Zeno vero, qui & hac ratione difficultates augeri, non minui cernebat, ad principium mere materiale confugit, Deumque fecit non tantum cum anima mundi prorsus eundem, sed re ipsa quoque materiale, ignem scilicet purissimum & ætherium: quo quidem istas difficultates evitavit, sed in majores errores & ἀνίσταται in natura Dei describenda delapsus est.

Yyyy

que insipiens. *Ejus vero que rationis est particeps, melior potiorque pars de ejusdem natura est: deterior vero, alterius.* Pag. autem 548. simili modo de animæ mundi origine loquitur. Ex quo patet, animam mundi, quatenus tenui quodam vehiculo induta est, aptam esse ad celerissimas operationes in corporibus efficiendas, unde tamen minime infertur, ipsam *quatenus vespov τὴ ἐστ*, fluxui etiam & divisioni obnoxiam esse. *Sed*, (ita porro pergit) *ita Deus tamen sese expandit.* Nego, si Dei nomine primum aut secundum principium intelligas. Utrumque enim nec ex partibus constat, nec cum anima mundi necessario copulatum. Concedo, si tertium intelligatur. Nec nobis obstat, vocabulum Θεός, nam & Diis, Dæmonibus, altris, terræ, mundo hoc tribuitur, unde tamen nemo jure concludat, eandem potestatem & vim illa habere, quam habet Deus summus. At secundum tamen principium a primo, tertium a secundo ortum est. Jam dixi in *Platone* & *Locro* perspicua testimonia vix reperiri. *Sed* pone tamen hoc ita esse. *Probandum*, ego inquam, tria illa principia nonnisi *mentis quadam præcisione distincta*, aut *tanquam partes solidas a se distincta*: *Probandum*, plane contradictorium & impossibile esse, aliam in divinis gradationem dari, quam quæ per effluxum & partium separationem fit. Ipsemet Cl. Vir. pag. 217. ait, *ex re incorporea nihil effluit, vel si aliquid gigneretur, & permaneret, istud itidem simile.* At nullo ullibi testimonio probavit, Deum ex mente *Platonis* principium fluxum esse. Ergo si principia illa tria a se orta sunt, per fluxionem id factum non est: emanationes ergo hoc sensu nullam impietatem involvunt. Eadem tamen pag. 217. *verba mea turpiter detorquet.* Pag. 887. seq. Dissertat. meæ dixi: *Non quamlibet conjunctionem Dei cum mundo Spinozismum involvere. Mea opinione* (ita verba mea sonant,) *vel præstantissima modernorum Philosophorum Systemata, purum putum Spinozismum involvere dicenda essent, si NB. liberrima Dei conjunctio cum materia id probaret.* In *Systemate Christianorum* conjunctio quedam Dei cum mundo locum habet, sed minime necessaria, libera vero quammaxime. *Conjunctionem autem ibidem in eo consistere dixi, quod Deus secundum quasdam leges, in materiæ natura haud fundatas, mundum gubernet, imo continua quadam, nec interrupta conservatione, eum ita sustineat, ut in antiquum Chaos, aut Nihilum potius, relabi non possit.* Ille vero ait, me dixisse, quod etsi Deus cum materia conjunctus foret, nondum tamen sequi *Athium*. Sect. XXX. pergit consequentias ex principiis nondum probatis neclere. *Ea vero differentia, inquit, ut una res sit prima, altera*

tera secunda & sic porro, an contenti esse possint homines acuti & harum rerum periti equidem vehementer dubito. Sed fac contentos, erit tamen pars Divinitatis sat magna communicata cum anima mundi, quæ se in omnes oras cæli, tum terræ expandit, atque ubique invenitur vario habitu conspicua. Resp. primo, non quæritur, utrum viris acutis satisfaciatur Platonis illa cogitatio de tribus principiis eorumque gradatione; præstitisset sine dubio, si de iis, quæ non intellexit, silentium tenuisset; Sed quandoquidem Plato, uti cæteros sapientia superare videatur, de tribus hisce principiis locutus est; quæritur tantum, quomodo illa explicanda. 2. Confitemur igitur, animam illam mundi a Deo originem habere, licet nec Plato, nec T. Locutus distincte modum tradant originis illius. Communicatio illa divinitatis, ut supra diximus, nobis ignota est. Cl. Vir fluxum, emanationem, supponit, sed non probat. Probandum nempe, animam illam mundi proprie loquendo partem esse divinitatis, (\*) adeo ut necessario sequatur, Deum ipsum cum omnibus plantis, animalibus, conjunctum esse. Hoc autem vel ex secundi principii natura repetendum, vel demonstrandum, in rebus intellectualibus, nullam emanationem (liceat hoc vocabulo uti) locum habere posse, præter eam, quæ per partium fit separationem. Posterius hoc probari non potest; neque prius; omnibus enim testimoniis veterum repugnat, τον λογον esse principium fluxum, expansum. 3. Si igitur anima illa mundi omnes cæli terræque partes pervagatur, nondum sequitur, Deum aut secundum principium idem facere, aut Deum ipsum cum rebus confusum esse. Imo nequidem probari potest, animam illam mundi unam fieri cum corporibus, quæ sæcundat, substantiam. Illa enim operatio in corpora nondum efficit commixtionem cum iis. Deus singulis momentis omnia conservat, nec ideo tamen ulla ratione cum creaturis commiscetur. Adversantur etiam Platonici ipsi. Plotinus Ennead. II. Lib. 2. cap. 1. pag. 108. ἡ γὰρ ψυσις, τοῦ ὑπο ψυχῆς ἀπασις ταχθέν, ἐπὶ πανταχῇ ἔσται ἡ ψυχή ὅλη, καὶ ἂν διὰ λημνῇ, ἢ τε παντός κατὰ μέρος, διδῶσι καὶ τῷ ἄρῳ, ὡς δύναται πανταχῇ ἵσται. i. e. Id namque ipsum natura est, quod ab anima universi est ordinatum; Præterea mundi anima ubique existens, non divisa per partes, sed ubique tota, dat & cælo, ut & ipsum, quoad potest, sit ubique. Vide eundem Ennead II. Lib. IX. cap. 7. pag. 205. Ennead. III. Lib. I. c. 10. p. 230. Clarissima sunt ejus verba Ennead. IV. Lib. IV. c. XI. p. 405.

Yyyyy 2

(\*) Et ita quidem, ut pars sit totius, & non nisi in toto subsistat. Nam hoc infert una substantia Spinoza.

ἡ γὰρ δὴ, ὅτι ποικίλα καὶ διαφόρα τα γινόμενα, δεῖ συνυπομένειν ταῖς τε γινόμεναι μεταβολαῖς, καὶ το ποιῶν ἡγεῖσθαι. ὅσον γὰρ ποικίλα τα γινόμενα ποσάτω το ποιῶν ὡσαύτως μένον. i. e. *non enim ex eo, quod varia sunt & diversa, que fiunt, putandum est, etiam Effectorem cum ipsis eorum, que fiunt, mutationibus habere communionem.* Quatenus enim varia sunt que fiunt, eatenus effectōr ipse eodem tenore consistit. Neque igitur vel argumentis vel testimoniis probari potest, animam mundi omnia corpora pervadentem in unam cum corporibus coalescere substantiam, nedum ut hoc Deo, nobilissima mente, dici possit. (\*)

XXVIII. Eadem quidem de fluxu & Emanatione principiorum illorum repetit, Sect. 30. & sequentibus. Sed cum locus nullus adducatur, non juvat idem semper repetere. Sect. XXXIV. non sine indignatione docet, se postulare, ut qui alium ab Atheismo absolvere vult, probet, accusatum causam Externam admisisse, quæ a rebus productis diversa sit. Probavi autem, ni fallor, id ipsum, & in dissertat. mea, & in his ipsis vindiciis. Licet enim Deus Platonis materiam non creaverit, sed exornaverit tantum, potest tamen dici Causa efficiens mundi, æque ac faber, qui fingit ex materia instrumentum. Sed acrius imitat *Illustris Vir.* Sect. 35. quærit ex me, quomodo Deus ille Platonis cuncta formare potuerit. Permittam tibi, inquit, paulisper, materiam Platonis extitisse ab æterno: Dabo, illam non fuisse animatam sed immotam, sed aptam pati tantum; modo edisseras, qua ratione igitur sit formata, animata? An Deus illam adtiguit? quibus instrumentis est usus? quibus dolabris? Ex nihilo nunc aliquid prodiiisse, vel materie adjectum fuisse, affirmare non potes. Ergo nolens, volens, itemque vivus vidensque fatearis necesse est, vitam esse materie infusam, quam Plato tuus vocat animum mundi, ob quem ipsum mundum appellavit denique Deum. Si ad hæc responderem, ignorare me, quomodo Deus ex mente Platonis materiam exornaverit, num haberet, quod taxaret? num inde sequeretur, me causâ cadere? Non putaverim. Ut autem hoc probem, eadem utar interrogandi libertate, quam sibi vindicat *Cl. Vir.* Quæro ex illo, quomodo Deus mundum creaverit, & conservet? Supponit *Cl. Vir.* & recte quidem, mundum ex nihilo creatum esse. Quæro igitur, utrum Deus, postquam universam materie molem produxit, curam ejus abjecerit, & nudus tantum spectator sit, vel an mundum adhuc jugiter conservet, & gubernet. Prius non adseret, sed

(\*) Conferantur ad hanc Sectionem Eruditæ annotationes *Cl. Clerici ad Hebræos cap. 1. v. 3.*

sed posterius. Quod si igitur Deus, nobilissima mens, mundum conservat, velim mihi explicet rationem, qua id fieri possit. Ostendat mihi nexum inter voluntatem nobilissimæ mentis, & cursum æquabilem Planerarum, plantarum, animaliumque productionem, & explicabo statim, quomodo Deus *Platonis* materiam exornaverit. Non sufficit dicere, Deum *jus habere in materiam*; quæritur enim, *qua ratione hoc suum jus exequatur*. Persuasissimus sum, *Illustrem Virum* modum hunc explicare non posse. Credit tamen sine dubio mecum, Deum huic mundo prospicere, eum gubernare, & quidem rectissime. Quod si enim illæ demum propositiones essent admittendæ, quæ *ad idem*, uti in Scholis loquuntur, nobis explicarent, paucissima credenda essent. Amplius dico, ne ipsam quidem Creationem e nihilo admittere teneremur, si *Cl. Viri* philosophandi ratio valet. Agnoscit mecum, Deum esse perfectissimam mentem, & eum solum ab æterno per se extitisse, voluisse autem, ut existeret mundus, pulcherrimarum rerum series; rogo igitur *Illustrem Virum*, ut mihi explicet modum hujus Creationis, explicet, qua ratione factum sit, ut, posita voluntate Dei, innumerabilis corporum multitudo exorta fuerit. *Fortè dicet, Deum esse mentem infinitam*. Sed præterquam quod infiniti perspicuam notionem non habeamus; *aliud est infinitum extensione, aliud perfectione*. De priori hic non est questio, sed de posteriore. Perfectione Deus est infinitus, quia omnia possibilia efficere potest. Sed ego postulo, ut mihi explicetur, quomodo illa possibilia, illa corpora v. gr. per mentem infinitam producta sint, quæ sit connexio inter voluntatem & rerum existentiam. *Diffido hac in parte summe Cl. Gundlingii perspicaciae*. Quod si tamen hæc non obstant, quo minus mecum Creationem ex nihilo & Conservationem omnium rerum credat, quid causæ est, cur credere nolit, Deum *Platonis* materiam exornasse, præsertim post tot præclarissima adducta loca. Afferuit *Plato*, Deum materiam in ordinem digessisse, ergo credidit, hoc fieri potuisse, licet interrogatus, quomodo id fieri potuerit, non minus ignorantiam suam debuisset fateri, quam nos de Creationis modo interrogati. Quid igitur de consequentia *D. Gundlingii* sentiendum sit, vel me tante omnes vident.

XXIX. *Cl. Gundling*. Sect. 63. & sequentibus probare contendit, non tantum animum mundi, sed & mundum ipsum, astra, terram, *Ætæ* vocari, & quidem eo sensu, quo *Spinoza* intellexit, nimirum Dei naturam per omnes mundi partes diffusam esse. Concessi in Dis-

ferat. mea, mundum, astra, terram, Θεός dici, sed eo sensu, quo vult Spinoza, negavi; in Timæo enim Plato clarissime semper Θεός γεννητὴς a summo omnium rerum moderatore distinguit, quem τῶν πάντων Διευρργον, πατερ, vocat; unde patet, nonnisi diluto quammaxime sensu vocabulum Θεὸν sumendum esse. Neque adeo opus fuit provocare ad locum Ciceronis de N. D. in quo *Vellejus* Platonem inconstantiæ accusat, quod modo Θεός terram, astra, mundum, esse dixerit; modo rerum omnium gubernatorem; probandum enim, Deos illos, terram, astra &c. unum cum Deo optimo rerum omnium Moderatore efficere, in unam substantiam compingi; non hoc, vocari tantum Deos, de quo nulla est quaestio. Provocat autem ad Librum X. Platonis de legibus, in quo Plato adserit, animam solem agitantem Deum appellandam, imo Deorum omnia esse plena. Sed hæc omnia facile concedo. Plato non animam solum, solem agitantem, sed & cæteras intellectuales substantias, syderibus certis præfixas, Θεός adpellat, atque adeo innumeras agnoscit substantias inter se diversissimas; causam adpellationis autem hujus nullam aliam invenimus, quam quod illæ substantiæ omnium excellentissimæ sint; ita enim omne in suo genere excellens adpellari, integro capite docuit Doctissimus Clericus in arte Critica. Hinc Cicero Platonem Philosophorum Deum adpellat. Ideo autem Θεός dici illas animas stellis præfixas, quod partes sint ab Essentia divina divulsæ & discerptæ, nullo perspicuo probare poterit testimonio. Vel ipse locus Platonis, ad quem Cl. Vir provocat, aliud insinuat. Ita enim integer ex versione Ficini pag. m. 882. sonat? Ath. Quid si Solem, Lunam, ceteraque Sydera anima ducit cuncta, nonne singula quoque? CLIN. quidni? Athen. de uno igitur verba faciamus, quæ astris omnibus possunt accommodari. CLIN. de quo? Athen. Solis quidem corpus omnes homines vident, animam nemo, nec etiam alterius animalium corporis, nec vivi, nec mortui. Idque genus cum nullo corporis sensu percipiatur, sola mente comprehenditur. Quare & nos de ipso hoc sola intelligentia capiamus. CLIN. quidnam? Athen. cum solem anima moveat, si trium modorum aliquo ab ea fieri hoc asserimus, fortasse non aberrabimus. CLIN. quos dicis modos? Athen. quod vel intus in hoc rotundo corpore inest, & quo libet ipsum transfert, quemadmodum nos anima nostra quo libet ducit. Vel ipsa foris quidem est, & corpus aliquod ignis vel aeris nata, ut quidam ajunt, per vim corpus corpore pellit. Vel tertio, quamvis ipsa nuda corpore sit, quia tamen alias vires, supra modum mirabiles, habet, facile ducit. CLIN. certe uno isto.

istorum modorum ab anima agitari cuncta necesse est. Athen. prestat autem, ut sive curru quodam intrinsecus teneat corpus illud ejus anima, lumenque ita cunctis effundat, sive foris sit, seu quomocunque quis excoget, Deum esse ipsam omnes arbitremur. An aliter? CLIN. Ita certe, nisi quis extrema dementia teneatur. Athen. de universis præterea stellis, & luna, & annis, mensibus, cunctisque temporibus, quid aliud quam hoc ipsum dicemus? Quoniam anima & animæ omnibus virtutibus præditæ illorum omnium causæ demonstratæ sunt, Deos eas esse affirmabimus: sive in corporibus sint, & tanquam animalia quædam cælum totum exornent: sive quoromodocunque aliter agere id dicantur. CLIN. omnino. Athen. ita ergo istis concessis, poterint aliquis negare, plena Deorum omnia esse. CLIN. nullus adeo mente captus est, hospes. Ex hoc Platonis loco patet, 1. animas illas, stellis præfixas, prorsus inter se diversas esse. 2. easdem Θεὸς dici, & pro Diis cultu quodam ex mente Platonis prosequendas. 3. Platonem ipsum, qua ratione cum cælestibus conjunctæ sint, definire noluisse. Ubi manet autem consuetudinem illud, quod inde elicere vult D. G. nimirum, animas ipsas ex divina essentia emanantes unum cum mundo efficere, & propterea Θεὸς dici? Provocat ad Cic. Acad. Lib. 1. cap. 8. in quo Cicero ex mente Platonis animum mundi Deum vocat: Hæc enim eodem etiam sensu locum Ciceronis intellexisse; & inde ita ratiocinatur: De cætero optionem tibi relinquo, ipsum supremum Deum Platonis animum mundi esse credas, sicque eum mundo includas; an animum secundo genitum post Demiurgum, aut ex mente divina ac Monade ortum credas? Si primum, actum est de te; si secundum, non vinces certe. Ille enim Ortus emanationem stabiliet secundam, cum fieri nequeat, ut ortus in Systemate Platonis aliter, quam per emanationem explicetur: Quia omnia, quæ de animo mundi prædicantur ποιότητα, seu qualitatem inveniunt divinam & sempiternam. Quocunque te veritas, circumscriptus eris captusque.

Ita illustris vir triumphum ante victoriam canit. Quod ut pateat, sequentia observo. 1. Verum est, Ciceronem dixisse, animum mundi Deum esse, unde tamen minime inferri potest, animum mundi supremum illud Numen esse, quod Plato tantopere laudibus extulit, nisi simul & cælum & terram, & astra supremum Numen dicas Platoni fuisse, quod absonum. 2. Animum mundi supremum Deum Platonis non esse, supra jam clarissimis locis Platonis & Timæi Locri probavi. 3. Omnis igitur controversia redit ad questionem de origine animæ mundi, utrum nempe ex Deo sit nec ne, & hoc posito, utrum id factum per

per fluxum proprie ita dictum. Diximus supra, Platonem & Locrum perspicue nihil de origine hujus animæ mundi adserere, Platonicos cæteros illam a λογῶ ortam tueri. Habebimus igitur præter Numen præstantissimum, Patrem omnium rerum, τὸν πᾶν, & τὴν τῶ κόσμου ψυχὴν. 4. Quod si anima illa mundi vel a Deo summo vel a mente orta sit, probandum Gundlingio, id aliter fieri non potuisse, quam per proprie ita dictam partium Secretionem, quod ipsum universæ Philosophiæ Platonica principiis contrarium est, quæ perhibet, ὀρίρι ἀπο τῶ ἐνὸς τῆς ἰδέας ἦτοι τῶ νοῦτα εἶδη, τῇ νοῦσει μὲν γινώσκας, quod præter alios multos eleganter docuit Cl. Bruckerus in *hist. philosoph. de Ideis*, & elegantissima dissertat. de convenientia Numerorum Pythagoræ cum ideis Platonis Sect. XI. Tomo VII. *Amœnitatum* Cl. Schelbornii inserta (\*). Non juvat dicta igitur repetere. Dixi jam supra, ipsos Christianos in æterna filii generatione explicanda defudantes, voce ἀπορροίας usos, omnem tamen fluxionem proprie dictam aspernatos esse. Evolvi autem nuper Cl. Fabricii *Bibl. Græcæ* Vol. 8. & observavi Eunomium olim simili argumento usum ad æternam Filii generationem subvertendam. Ita enim ratiocinatur ille pag. 272. 'Εἰ γὰρ πῆς κοινοποιεῖν πρὸς ἑτέρον ἢ μεταδίδοναι τινὶ τῆς ὁσίας ταύτης ἐβέλθεσεν, ἦτοι κατὰ διασασιν καὶ μερισμον, ἢ κατὰ συγκρίσιν τὰτο κατασκευάσεν αὐν. Ὅποτερον δ' αὖ λέγεται τῶτων, πολλαῖς ἀσπαιαῖς, βλασφημιαῖς δὲ μαλὸν ὁ λόγος ἐνεχθῆσεται. 'Εἰ τε γὰρ διαίρετο καὶ μερίζοιτο, ἐκ' ἐτ' ἀγεννητος εἴη, ὁ μὴ πρεσβεῖον ἦν τὰτο ἐκ τῆς διαίρεσῆς γινόμενος, ἀλλὰ μὲν ἐτ' ἀφθαρτος τῶ μερισμῷ το τῆς ἀφθαρσίας ἀξίωμα λυμαινόμενος. i. e. Si quis enim Essentiam hanc communem reddere cum aliqua re alia, vel de hac essentia alicui aliquid impertire voluerit, necessarius hoc facere attentabit, vel secundum similitudinem & comparisonem. Utrum autem ex his asseratur, multas profecto secum futilitates vel potius blasphemias trahet & inferet ipsa assertio. Etenim siue dividatur, aut in partes secetur, non amplius illa esse potest ingenita, cum videlicet ipsa illud, quod antea non erat, ex tali divisione fiat: imo hoc pacto corruptionis experta illa esse nequit, siquidem portio ipsa totam Incorruptibilitatis Majestatem labefactat. Ad hæc Eunomii verba ita commentatur Cl. Fabricius: Hoc palmarium Eunomii argumentum ac prope unicum, fieri non posse, ut ex ingenita Divina Essentia similis ipsi Filius generetur. Unde quicquid de generatione Filii in sacris Literis dicitur, ille de Creatione accipit. Sed non majoris illa

argu-

(\*) Præcipue, quæ §. X p. 216. seqq. & in Otio Vindelico §. XIV. Mel II. pag. 186. seqq. prolixè dicta sunt.



argumentatio mihi videtur esse ponderis, quam si neges, ab increata divina Essentia aliquid potuisse creari ac produci. Causam autem adsertionis transfert in superbiam Eunomii, qui ab Aëtio Magistro edoctus non dubitavit proferre stulta hæc verba, τοσαύτον αὐτὸν ἐπισταμαι καὶ οἶδα, ὥς μὴ εἶδεναι ἑαυτὸν, ὥς θεὸν μάλλον ἐπισταμαι. i. e. Tam perspicue Deum, qualis sit, novi, ac tantam illius notitiam sum consecutus, ut ne me ipsum quidem melius quam illum noverim. Commentarium hunc Cl. Fabricii vel ideo adduxi, uti pateat, Cl. Viro haud impossibilem videri generationem aliquam æternam in divinis, absque omni partium divisione. Unde simul etiam liquidum est, si vel maxime certum esset, animum mundi a Deo ortum, nondum sequi, Deum ipsum ex partibus constare, aut cum anima mundi unicam efficere substantiam. 5. Quod si concederem, animam mundi a Deo ortam, & ætissime cum Deo connexam, nondum tamen captus essem, ut quidem Illustris Antagonista putat. Converterem enim memet ad duplex principium coëxistens, & materiam a Deo origine non dependentem, sed inhabitatam tantum, ut corpus ab animo, domus ab Hospite inhabitatur, atque ita evaderem. Sed cum priora sufficiant, metus nullus est. Illud vero (ita pergit acutissimus Professor) admodum foret Scholasticum, ac simul ridiculum, negare effluxum, ubi agnoscitur & numerantur fontes Deorum, lumen ac Splendor mentis divine, secundeque abundantia, profunditas & fecunditas & perfectio in res omnes derivata. Mihi vero plane videtur Viro Docto indignum, sine cessatione adserere, Platonem, Platonem inquam, credidisse, Deum ex partibus constare, essentiam divinam in varias partes scissam esse, neque tamen perspicuis hoc probare veterum locis. Oraculorum Chaldaicorum Auctores, Platonicosque juniores de ἀπορροιαῖς, & similibus, frequenter locutos scio; Sed cum in Platone, atque T. Locrō, talia non inveniam, diffido inanibus ratiociniis, quæ illi in medium proferebant. Eruditissimi Viri dudum agnoverunt, Jamblibum, Proclum, Plotinum, ceterosque Scholæ Platonice Professores, non quid Plato senserit, sed quid eum sensisse putaverint, dixisse. (\*) Cl.

Z z z z z

Fa-

(\*) Christianorum scilicet objectionibus ad angustias compulsi & ad incitas redacti, viamque non invenientes, quia ratione Platonice philosophiam stabilirent & defenderent, ea, quæ deformia & absurda deprehendebant, longe alia ratione explicabant, immo divino Trinitatis mysterio capti, & tamen revelationi, quæque eam exhibebat, Christianæ religioni honorem deferre recusantes, ipsi ratiocinariunculas ejusmodi & vacuos sine sensu sonos effinxerunt, ut voces saltem Nihili, ut ita dicam, haberent, quas præstantissimis Christianorum doctrinis opponerent; quod istorum temporum literariam historiam percurrenti erit longe clarissimum. Et tamen eos per Deum & intellectualia materiale quid intellexisse, nemo asseret, qui vel duas Oraculorum lineas legerit.

*Fabricius*, Vir harum rerum peritissimus, *Bibl. Græcæ Tom. 8. pag. 516.* ita loquitur occasione *Commentarii Procli in Theologiam Platonis*: Hoc solenne, inquit, recentioribus a Plotino usque Platoniciis, ut mille aliena dogmata Philosophi illius doctrina sive adtexant, sive substituant, Et tamen pro genuino universa venditent Platonismo, quasi Plato, si non ita sensit, certe debuerit ita sentire, ut ipsi comminiscuntur. Idem sentit *Eruditissimus Cudworth* apud eundem *Fabricium pag. 524.* quibus calculus suum præter alios addit *Vir summus Job. Clericus in notis ad Oracula Chaldaica pag. 1198. Ed. Olearii. & Bibl. Select. Tom. 3. pag. 89. Ipsemet Cl. Gundling. in Hist. Philosoph. Moralis pag. 20. Oracula Chaldaica recentioribus adscribit Platoniciis, & se ista non intelligere scribit; Ipsemet, Procli adserctionem de Creatione ex nihilo Platoni credita commentum esse putat, quæ ergo omnia, quæ a recentioribus credita sunt Platoniciis, Platoni ipsi adscribere vult? pleraque de ἀπορρηταῖς & intellectuālibus Sectionibus, fonte fontium, paterno abyssō, inventa & commenta recentiorum illorum Platoniorum sunt, quæ admittere tum demum possumus, quando cum perspicuis Platonis decretis conspirant; quamprimum vero ab iis recedunt, & pro lubitu Platonem interpretantur, causa adest nulla cur pertinaciter eorum dictis inhæreamus, aut adseramus, Platonem non aliter interpretandum esse. (\*) Hinc satis jam patet, quid de locis Procli & Plotini Sect. 40. & 41. allatis dicendum sit. Multis illi loquuntur de fluxionibus divinis & fonte idearum, unde omnia oriuntur intellectuālia, nullibi tamen hi ipsi perspicue denotant hæc omnia per fluxum proprie dictum explicanda. Saltem quicumque oracula Chaldaica attente legit, perspicit, tam obscuris vocibus pleraque expressa, uti firmissime persuasus sim, ne ipsos quidem Auctores horum Oraculorum, quid dixerint, scivisse. Sic loca ipsa quæ citat Cl. Vir, obscuriora sunt, quam ut emanationem proprie dictam & effluxum denotent. Proclus Theolog. Plat. Lib. VI. cap.*

2. in-

- (\*) Loquatur de hoc argumento ipse Plato. In Phædone pag. 78. ita mentem suam pandit: αὐτὴ ἔστιν, ἥς λόγοι διδόνται, τὰ ἴσμεν, καὶ ἐρευνῶμεν καὶ ἀποκρίνομεν, ποτερὶν αὐτῆς αἰεὶ ἔχει κατὰ ταῦτα ἢ ἄλλῃ ἄλλως. αὐτὸ τοῖς αὐτὸ το καλόν, αὐτὸ ἑκάστον, ὃ ἐστὶ τὸ οἷ, μηποτε μεταβολῇ καὶ ἡτιοῦν ἰνδίδχεται. ἢ αἰ αὐτῶν ἑκάστον, ὃ ἐστὶ μοιροῖδες δὲ, αὐτὸ κατ' αὐτὸ, ὡς αὐτῆς κατὰ ταῦτα ἔχει, καὶ ὅποτε ὕδατος ἀλλοίωσιν ὕδατιν ἰνδίδχεται, αὐτῆς, ἴση, ἀνίσκη, ὃ κίβητ, καὶ κατὰ τὰ αὐτὰ ἔχουσιν, ἢ. c. Ipsa illa essentia, quam interrogationum respon- sionumque vi definivimus, quod revera existat, utrum æqualiter semper eodem modo habet, an alias aliter? ipsum nimirum æquale, ipsum pulchrum, ipsum singulum (id est, id quod revera existit) nunquamne ullam mutationem suscipit? eodem, inquit Cebes, modo & similiter habere necessum est.

2. inquit : *μία σείρα καὶ τάξις ἀδιαλύτος ἀνώθεν καθήκει δια τὴν τῆς προ-  
πῆς αἰτίας ἀνυπερβλήτων ἀγαθοτήτα καὶ τοῦ ἐνιαίου κρατὸς αὐτῆς. i. e. unica  
catena & ordo indissolubilis superne descendit, propter eximiam primæ  
causæ bonitatem, & singularem ejus potentiam. Ad quæ verba Cl. Cleri-  
cus : Existimabant, inquit, ab occultissima unitate intelligibili, hoc est a  
summo Deo, per varios gradus proprietatum manasse naturas omnes, adeo  
ut minùs præstantes præstantioribus subjacerent. Ex hisce autem verbis  
nondum patet, quod putat Gundlingius, omnia nimirum necessario ex  
divina essentia tanquam fonte emanasse ; sed hoc tantum, a Deo & in-  
tellectualibus substantiis omnia orta ; modum autem non explicat.  
Et quomodo tandem emanatio illa necessaria omnium rerum ex Deo  
locum habebit, si Deus ex mente Procli materiam ipsam creavit? quo-  
modo Deus cum mundo connexus erit, si secundæ menti gubernationem  
universi tradidit Deus summus? Ita enim ipse Proclus in Theo-  
log. Lib. V. cap. 23. Socrates ὑποτίθεται νῦν τα πάντα διακοσμεῖν, ὥστε  
οἱ πρὸ αὐτῶ σοφοί, καὶ τὸν τε ἥλιον, καὶ τὴν σελήην, καὶ πᾶσαν τὴν περι-  
φορὰν διακυβεύειν : i. e. Socrates statuit, a mente omnia disponi, ut sa-  
pientes, qui ante eum fuerunt, & solem, & lunam, & universam circum-  
actionem ab eadem regi. Hinc idem Vir summus, Clericus nempe, ad  
verba illa Sect. II. Seipsum rapuit Pater, ita loquitur : Hoc est interprete  
Plethone : Εαυτὸν τῶν ἄλλων πάντων ἐξαιρετὸν ἐποίησεν, se ab omnibus sub-  
duxit & segregem fecit, quod Essentia suprema illius Unitatis sit plane ἀμε-  
τεκτός, imparticipabilis, ut toto libro II. Theologiæ suæ multis probat Pro-  
clus, qui post Parmenidem eam vocat ἐν, quod neque est in se ipso, neque  
in alio, ὅτε ἐν αὐτῷ εἰσιν, ὅτε ἐν ἄλλῳ. Hanc (ita addit Doctissimus Vir)  
esse Platoniorum mentem certo norunt, qui eam expenderunt, licet omnes  
eorum ratiocinationes non adsequamur ; quod ne ipsi quidem, ut sit, præ-  
nimia subtilitate satis scirent, quid sibi vellent. Provocat præterea Gund-  
lingius ad Plotini Ennead. V. Lib. VIII. cap. XII. in quo doceatur, in  
prima causa omnes fuisse ab æterno, atque inde προελθεῖν. Sed nihil  
hic extat, quod ad scopum Gundlingii ulla ratione faciat, quod inspi-  
cienti patebit. Idem dico de loco Ennead. IV. Lib. III. cap. 9. ad  
quem provocat, probaturus, mundum ab effectore suo non esse sepa-  
ratum. Ne γὰρ quidem ibi de hac re extat. Quæritur ibi, quot mo-  
dis insinuetur anima corpori, & qualis sit anima mundi, & quomodo  
faciat mundum & dimensionem ejus, & quomodo sit ubique. Si verba  
ipsa, quibus nititur, adduxisset, tum statim adparuisset, quam vim habeat  
argumentatio inde petita. Sect. 41. provocat denuo ad duo loca Plotini,*

persuadurus Lectori, se adsertiones suas firmissimis superstruere testimoniis, probe gnarus, plerisque loca illa non inspicere. Prior extat *Ennead. II. Lib. I. cap. 2.* atque ex eo probare vult, mundum conservari ex mente *Platonis per continuum fluxum.* Quod si hoc vel maxime concederem, nihil tamen lucraretur *D. Vir*: probandum enim esset, *conservationem mundi ex mente Platonis in eo consistere, quod omnia continuo ex necessitate divina natura fluant.* At nec prioris, nec posterioris hoc in loco mentionem facit *Plotinus.* In duobus prioribus capitibus hujus libri quærit, utrum cælum sit sempiternum, tam in qualibet singulari ejus substantia, quam in specie; & statim quidem initio capituli, mundum perpetuum fore ait, *διὰ τὴν τὰ θεὰ βάλαντιν*; non per perpetuam quandam ex Deo fluxionem. Initio autem capituli secundi dubitanter tantum de modo perpetuæ conservationis cæli rerumque sublunarium loquitur, dicens: *Si opinionem banc admiserimus, dixerimusque, cælum quidem & cælestia omnia secundum singularem cujusque substantiam sempiternam habere perseverantiam: quæ vero sub luna sunt, id ipsum duntaxat secundum speciem possidere, demonstrandum erit, quomodo possit, quod habet corpus, eandem semper sub singulari proprietate servare naturam, cum ipsius corporis natura continue persuat.* Vetus enim hæc sententia est, cum aliorum, qui de natura disputaverunt, tum *Platonis* ipsius, non solum circa alia, verum etiam circa cælestia corpora fluxum esse perpetuum. (\*) Ex quo patet, fluxum quidem corporum concedi, nullo verbo autem vel Dei, vel aliarum naturarum intelligentium mentionem fieri. Alter locus *Plotini* extat eodem *Libro cap. IV. p. 99.* Adhuc dum in ea quæstione solvenda occupatus est *Plotinus*, quomodo cælum perpetuo manere possit: idem, explicationem redditurus ita incipit: *Si quis enim adjunxerit potissimam causam, scilicet animam una cum corporibus adeo puris omninoque melioribus: quandoquidem & in cæteris animalibus natura pro membris principalibus eligit meliora: is certe solidam de immortalitate cæli sententiam in medium adduxisse videbitur.* Recte enim & *Aristoteles* ait, *flamam esse fervorem quandam & ignem velut,*

- (\*) Id quod *Plotinus* ex mente *Platonis* recte urget, qui, cum *Heraclitæ* Doctrinæ, quæ corporeum omnium naturam fluidam asserbat, adhæsisset, nec itam vel scientiæ vel rerum durationi locum dare metueret, æternas & per se duraturas substantias materiæ oppositas invenit, monente *ARIST.* *Met. lib. XIII. cap. 4.* quæ tantum abest, ut fluxui materiali sint obnoxie, ut potius naturam eis adscribat e diametro contrariam; quod clare probat, in intellectualibus *Platonem* nihil admisisse, quod cum fluxu proprie dicto, qualem putat *V. C.* ullam habet communionem,

velut, ob satietatem injuriosum atque luxurians. Ignis autem cælestis equalis est, atque quietus, naturæque astrorum accommodatus. Quod vero maximum est, cum anima optimis proxima, mirabili potentia prædita sit, quam via quicquam eorum, quæ in ea semel posita sunt, hanc ipsam versus interitum subterfugere poterit? Hisce in medium prolatis sequuntur verba, ad quæ D. G. provocat. Si quis, inquit, animam ex Deo manantem non judicaverit omni vinculo fortio rem, is quoque profecto causam omnia continentem ignorare videtur. Absurdum certe est, opinari, animam, quæ ad tempus cælum continere potest, non etiam id semper efficere. Ex his Plotini verbis adparet, nihil aliud eum velle, quam vinculum, quo cælum alias fluidum contineatur, animam illam mundi esse. Quid autem fluxus celi facit ad probandum, omnia ex Dei natura perpetuo fluere, atque adeo Deum & corpora ex diversis partibus constare? Interim tamen Cl. Gundling. Sect. 42. ait: Platonis & Platoni conjunctio mundum Deo in unum Numen substantiamque coactum, adjicit; & Sect. 43. Est enim DEUS Platonis mundus, & mundus Deus. Hæ assertiones, ut nullis testimoniis superstructæ sunt, & pugnant cum omnibus, qui Systema Platicum explanarunt; ita ex meris sopbismatibus constant. Nimirum ratiocinatio de conjunctione animæ mundi & mundo ipso, aut prorsus vana est, aut huc redit: Si anima mundi Deus est, Deus habitat in materia immanenter. Atqui verum Prius. E. & Post. Sed male sic infert Acutissimus Vir; inhabitatio enim, (ut Scholæ terminis utamur) animæ mundi, nondum innuit informationem, ad quam requiritur, ut inhabitatum & inhabitans sint formæ unius, & inhabitans inhabitato det formam, essentiam & naturam, uniusque adeo sint essentie: sin minus, assistit tantum, ut mens nostra habitat in corpore, illud tamen non informat. Vis aperta testimonia, quibus meam sententiam probem, & ratiocinium D. Gundlingii subvertam? En verba ipsius Plotini, cui tantum tribuit Antagonista. Ennead. III. Lib. 2. cap. 9. pag. m. 262. ita loquitur: ἡ γὰρ δὴ ἔτιω τὴν προνοίαν εἶναι θεῖ, ὥς μὴδὲν ἡμᾶς εἶναι. Πάντα δὲ ἀσῆς προνοίας, καὶ μόνῃς αὐτῆς, ἡ δ' ἂν εἴη. Τίνας γὰρ ἂν ἐπὶ εἴη; ἄλλα μόνον ἂν εἴη τὸ Θεῖον. Τὰτο δὲ καὶ νῦν ἐστὶ, καὶ πρὸς ἄλλο δὲ ἐληλυθεν, ἔχῃ ἵνα ἀνέλῃ τὸ ἄλλο. ἀλλ' ἐπίονται οἷον ἀνθρώπων ἢ ἐπ' αὐτῷ τρεῖς τὸν ἀνθρώπου ὄντα. i. e. Non oportet autem ita Providentiam esse, ut nos omnino nihil simus, alioquin si Providentia ipsa sit omnia, ipsaque sola, non erit amplius Providentia. Cujus enim ulterius Providentia foret? Profecto sola Divinitas esset. Nunc vero Divinitas quidem est, sequo confert ad aliud, non tamen ut ipsum aliud auferat: sed accen-

*dens exempli gratia ad hominem, servat in eo, quod est esse hominem. Vis ratiociner ex ipsis principiis Philosophiæ Platonice? Tum ad duo æterna & independentia principia, ad distinctionem celeberrimam τὸν νοῦν καὶ αἰσθητὸν, ad originem animæ mundi, prout a Platone & T. Locro describitur, recurram. Dein verba illa Gundlingii: Deus Platonis est mundus, & mundus Deus, involvunt fallaciam compositionis. Dici potest Platonis Deus, mundus συνεσθικώς propter partem præstantiorem, animam nimirum mundi, non vero propter eandem sententiam: Deinde est Deus Platonis, mundus constans animo, (ut ita dicam) & corpore, sed non materia: quemadmodum homo animo & corpore constans, est creatura rationalis, denominatione a potiore desumpta, non vero corpus, absonumque esset, ideo asserere, statui corpus rationale, quod homo dicatur rationalis, cum mens & corpus essentialiter differant. Nemo dixerit membra corporis mentem esse, membra corporis & membra mentis unum esse, quia mens operatur in toto corpore. Judicent igitur æqui rerum arbitri, quo jure solidis rationibus & argumentis destitutus, Elegantissimi Vir Ingenii Sect. 43. exclamaverit: Qui clariorem probationem petiturus est, illi ego bonam mentem apprecari non desistam, oculosque vividiores. Cætera, quæ ad Sectionem usque 47. dicuntur, mera sunt repetitiones nullis argumentis aut testimoniis superflue; supra autem satis superque, ni fallor, refutatæ. Unicum tantum addendum de materia, quam contendit Sect. 54. seq. non-Ens esse, simul tamen ex Dei natura decerptum. Dixi supra, quo sensu materia non inter τὰ ὄντα referatur. Observemus tantum, hanc ipsam hypothesein Gundlingii subvertere illam de origine materiæ ex Deo sententiam. Si enim materia ex Deo, ut ideæ, mens, anima mundi & alia νοεῖα, erit etiam ὄν, quia participat ἀπο τὰ ὄντος, ut illa ὄντα vera sunt. Quod cum non sit ex mente Gundlingii, materia quoque a Deo esse non potest. Ideo vero nondum sequitur, materiam non esse, quia οὐκ ὄν; sed tantum, esse nihil stabile, quæ nec ipse negaverit Gundlingius, consideratis iis, quæ pag. 77. affert, & pluribus adserit Jamblicus in Nicomachum. (\*) Alterum concernit locum Platonis in Philebo p. m. 88. vers. Fic. Contendit Gundlingius, Platonem in citato loco dilucide fateri, animam humanam & corpora omnia esse universi partes, & unius illius substantiæ decerpta. Verbo, unicam dari, quemadmodum in syllemate Spinozæ, ex mente Platonis substantiam. Verba ita sonant ex versione Ficini. Soc. Et efficientis natura nomine duntaxat*

(\*) Et PORPHYRIUS in sententiis.

*xat a Causa differt, efficiensque & causa unum merito vocabuntur. Pr. Merito. Soc. Quin etiam factum ac genitum solo nomine discrepabunt. Pr. Certe. Soc. Præcedit quidem atque ducit natura semper quod Efficiens est: quod vero factum est ab eo, genitumque, ipsum sequitur. Adferamus solum antecedentia & proxime sequentia, ut pateat vis illationis Gundlingii. In antecedentibus locutus est Plato de infinito, termino, & quod ex hisce duobus constat. Dein Socratem ita inducit loquentem: Ceterum, inquit, quid præter hæc tria quartum genus sit, discutiendum restat. Communis autem ista disceptatio est. Vide enim, an non necessarium tibi videtur, quodcumque gignitur, per aliquam causam gigni. Pro. Mibi plane. quomodo enim absque ea fieret? Tum sequuntur verba citata, quibus adductis ita Socrates pergit: non ergo idem, sed aliud est causa, & quod ad generationem cause servit. Pro. Quid prohibet? Soc. An non genita ipsa, & ex quibus gignuntur omnia tria nobis genera præbuerunt. Pro. Maxime. Soc. Omnium autem istorum Opifcem quartum ponimus, causamque vocamus, utpote aliud quiddam, quam NB. illa ad sufficientiam demonstratum. Tantum abest, ut hic locus cause Gundlingii inferuiat, ut potius prorsus eandem destruat quam evidentissime. Tria enim illa, terminus nempe, infinitum, ac quod ex illis componitur, inter facta & genita numerantur; Opifex autem illis tanquam Causa, tanquam Efficiens præficitur, & ab ipsis genitis factisque distinguitur. Quomodo igitur Deus & materia cunctaque alia una tantum erunt substantia, quod contendit Gundlingius? Et tamen pag. 268. exclamat: Audi Zimmermannne, genitum differt ab Efficiente & causa nomine, sicut differunt efficiens & causa. Num audiendus est Gundlingius, qui provocat ad Platonem alia plane, quam vult, dicentem? Plato ait, efficiens a facto genitoque distingui. Gundlingius nomine tantum. Ultri ergo fides adhibenda sit videat Lector. Imo si vel maxime ex hoc loco probari posset, causam efficientem & effectum in genere emanationis non differre essentia, nondum tamen sequeretur, id quod intendit Gundlingius. Quod si enim ponamus, mentes nostras a Deo emanasse, sequetur, eas esse ejusdem cum Deo essentia; Si corpora omnia orta ex materia, nostra item corpora erunt ejusdem cum materia essentia. Verum id ostendendum, *diversas istas partes, Deum nempe & materiam, unum esse*: dici possunt essentia; ratione unum Deus, genitum, NB. in *spiritualibus*. Unum materia, genitum, forma NB. in *materialibus*, & tamen *duæ* manent *diversissime substantia.**

XXX. Sectione 66. aggreditur Cl. G. materiam de mundi eternitate.

nitate. In dissertatione mea clarissima Platonis & T. Locri adduxi loca, quibus probatur, Platonem credidisse, tempus non esse æternum, sed simul cum mundo tempus exortum. Hæc autem longe aliter & contra clarissimorum testimoniorum lucem interpretatur D. Gundling. p. 284. Postquam enim, quæ circa hanc materiam observanda sint, injunxit, sententiam suam ita proponit: *Certum habeo, materiam Platonem dixisse æternam cum Timæo Locro, eamque extitisse interveniente λογῷ; quod Ab. Gravius non male exponit, ab hoc λογῷ seu mente illam esse prolatam, non creatam ex nihilo; sed δεδεργμενην, nec prorsus exornatam, sed informem, ἀρχηματος; siquidem in ipsa productione gradus ponantur in signo rationis, per quos major ei perfectionis & ornatus incrementum accessisset καὶ ἐπινοίαν.* Sed hæc aperte cum testimoniis Veterum pugnant. *Materia* quidem dicitur αἰδίας, imo etiam ἀρχηματος, sed antequam Deus ad intelligibile illud παραδειγμα eam formaret, & hæcenus quidem, si materiam respectu originis suæ consideres, mundus, quatenus ex æterna materia constat, est æternus. Sed cum clarissime Plato, T. Locrius alique magno numero testentur, materiam illam ἀρχηματος a Deo fuisse exornatam, & in diversas species formasque mutatam, Deo per bonitatem suam ad hoc commoto, liquidum est, prout putum inventum esse Cl. Gundlingii asserentis, materiam illam æternam non exornatam, sed ἀρχηματος ab æterno fuisse prolatam, & in signo, ut ait, rationis tantum exornatam in tempore. Quid enim clarius evidentiusque est verbis T. Locri, quem hac etiam in parte Plato sequitur, quæ leguntur pag. 552. ed. Galxi: χρόνῳ δὲ τα μερὲα ταῦδε τὰς περιόδους λαγόντι, αἷς ἐκοσμήσεν ὁ Θεὸς συν κοσμῶ. ἢ γὰρ ἦν προ κοσμῶ ἄστρα. διόπερ ἂν ἑνιαυτὸς ἂν ὡραν περίοδος, αἷς μετρεῖται, ὁ γενναυτὸς κοσμὸς αἷτος, εἰκων δὲ ἐστὶ τῷ ἀγεννατῷ χρόνῳ, ὃν αἷωνα ποταγορένομας. ὡς γὰρ ποῖ αἰδίου παραδειγμα τὸν ἰδανικὸν κοσμον ὁδε ἡράνος ἐγενναῖη, αἷτως ὡς πρὸς παραδειγμα τὸν αἷωνα ὁδε χρόνος συν κοσμῶ NB. ἐδαμμεγρήθη. i. e. Sunt vero hæc temporis partes, quas circuitus vocant. Deus autem tempus cum ipso mundo ordinavit. Non enim erant astra ante tempus, neque proinde annus, neque anni tempestates, certis circuitibus distinctæ: Est autem tempus ingeniiti temporis imago, quod eternitatem vocamus. Quemadmodum enim hæc universitas ad intelligibilis mundi exemplar creata est, ita & hoc tempus ad eternitatem, veluti ad Exemplar quoddam, cum mundo ab Opifice fuit constitutum. Aperte in hoc loco Deus dicitur mundum κοσμήσας, aperte mundus cum tempore initium habuisse; aperte tempus dicitur τῷ ἀγεννατῷ χρόνῳ imago. Hæc qua ratione possint eludi, & in alium



alium sensum torqueri, fateor me nescire. Sed cur, inquit, materia illa æterna non item ab æterno exornata fuit? Non ita voluisse Deus dicitur ex mente Platonis. Bonus tamen est, regeat, ab æterno. Imo vero. Sed nulla adest necessitas, quæ Deum impellat semper suam demonstrandi bonitatem. Omnes Christiani Deum bonum esse clamitant, simul tamen cuncti fatentur, Deum mundum in tempore condidisse. Sed si Deus noluit (ita pergit) primum mundum condere, postea vero voluit, videtur Deus esse mutabilis. Deus etiam ex Christianorum sententia noluit mundum citius condere, quam condidit, neque tamen mutabilis est, licet ab æterno divina mente hoc agitarerit. Deus ab æterno constituit me creare: sed non ab æterno voluit consilii sui Decretum exequi; neque enim, quæ vult, ab æterno fieri vult, alias mundus cum omnibus Creaturis æternus esset. His non obstantibus, putat tamen D. G. verisimilius esse, mundum esse æternum ex mente Platonis, quam in tempore genitum. Sed quomodo hæc cum verbis Platonis & T. Locri conciliari possunt? Audi. Sicuti Moyses, inquit, distincta rerum creaturarum intervalla non impediunt, quo minus omnia simul condidisse existimantur: ita animum induxerim, non repugnare similiter, quin, materia ab æterno apparente, omnia simul ornata putaverit & facta Philosophus Atheniensis: etsi sigillatim recensuit genita, earumque ordinem delineavit. Sed hoc nihil aliud est, quam conjecturas conjecturis tegere, ne perpluant. Cur enim hic a simplicitate literæ recedamus? Sufficit, quod Moyses æque ac Plato & T. Locrus adferant, in tempore conditum esse mundum, sive jam per intervalla hoc factum sit, sive in momento. Sed graviores rationes promittit Antagonista meus pag. 287. Plato, inquit, nunquam ad questionem de mundi æternitate respondit rotunde; sed reposuit duntaxat, cum primis in Timeo, mundum esse genitum. Quæ responsio non satisfacit sollicito lectori. Semper enim ζητῆμα recurrit: an κατὰ χρόνον? Itemque an genesis æterna ejus sententiis ratis repugnet. Quid ergo tandem sibi volunt verba antea e T. Locro citata? an non rotunde adferit Timeus, una cum mundo demum tempus exortum, tempus εἰκὼνα tantum esse χρόνου αἰωνίου? num hæc interprete indigent aut Oedipo quodam? sed audiatur ipse Plato in Timæo rotunde ita loquens p. 480. Ὅς δὲ κινήθῃ τε αὐτο, καὶ ζῶν ἐννενοήσῃ τῶν αἰδίων θεῶν γεγονός ἀγαλμα, ὁ γεννησας πατὴρ ἡγαδή τε καὶ εὐφρανθεὶς ἐπὶ δὴ μάλλον ὁμοίον πρὸς τὸ παραδείγμα ἐπενενοήσεν ἀπεργασαδαι. Καθὰπερ ἐν αὐτο τυγχάνει ζῶν αἰδίων, καὶ τοδὲ πάν ὅτως εἰς δυν

ναμιν ἐπεχειρήσῃ τοιαύτον ἀποτελεῖν. ἡ μὲν ἔν ζωῇ φύσις ἐτυγχάνει  
 ἥσα αἰώνιος, καὶ τὸ τοῦ μὲν δὴ τῷ γεννητῷ παντελῶς προσάπτειν, ἔκ  
 ἣν δύνατον εἰκῶ δ' ἐπίσσειν κινήτην τινὰ αἰῶνος ποιῆσαι, καὶ διακοσ-  
 μῶν ἅμα ἔρανον, ποιεῖ μενοντος αἰῶνος ἐν ἐνί, καθ' ἀριθμὸν ἰσοῦσαν  
 αἰώνιον εἰκόνα, τῆτον ὃν δὴ χρόνον ὠνομακαμεν. ἡμέρας γὰρ καὶ  
 νυκτας καὶ μηνάς καὶ ἐνιαυτῶς. NB. ἔκ ἐντας πρὶν ἔρανον γενεῶσαι,  
 καὶ το τε ἅμα ἐκείνῳ ξυνισαμνεῶς τὴν γενεσὶν αὐτῶν μηχανάται,  
 ταῦτα δὲ πάντα μέρος χρόνου. Καὶ το τ' ἦν το τ' ἔσαι. χρόνος γε-  
 γονοτος εἰδῆ φεροντες λανθανομεν ἐπὶ τὴν αἰδιον ἔσῃαι ἔκ ὁρθῶς.  
 λεγομεν γὰρ δὴ ὡς ἦν, ἐστὶ τε καὶ ἔσαι. Τῇ δὲ το ἐστὶ μόνον, κατὰ  
 τὸν ἀληθῆ λόγον προσήκει. Το δὲ ἦν, το τ' ἔσαι περὶ τὴν ἐν χρόνῳ  
 γενεσὶν ἰσοῦσαν πρέπει λεγεῶσαι. Κινήσεις γὰρ ἔσονται. Το δὲ αἰε κατὰ  
 ταῦτα, ἐχὼν ἀκινήτως, ἔτε πρεσβυτερον, ἔτε νεωτερον προσήκει γι-  
 γνεῶσαι ποτε. ἔδε γεγενεῖν νυν, ἔδ' εἰς αὐτὴς ἔσεῶσαι, το παρὰ-  
 παν δὲ ἔδεν ὅσα γενεσίς τοις ἐν αἰδιῳσσει φερομενοις προσήψεν, ἀλλὰ  
 χρόνῳ ταῦτα αἰῶνα τε μιμήμενῶς, καὶ κατ' ἀριθμὸν κυκλωμενον γε-  
 γονεν εἰδῆ — χρόνος δ' ἔν μετ' ἔρανον γεγενον, ἵνα ἅμα γεννηθεντες  
 ἅμα καὶ λυθῶσιν, ἂν ποτε λυσις τις αὐτῶν γένηται. Καὶ κατὰ το  
 παραδειγμα τῆς αἰωνίᾳ φύσεως, ἵν' ὡς ὁμοιοτατος αὐτῷ κατὰ δύνα-  
 μιν ἦ. Το μὲν γὰρ δὴ παραδειγμα πάντα αἰῶνα ἔστιν ὄν. Ὁ δ' αὖ  
 δια τῆς τὸν ἀπάντα χρόνον γεγενῶς τε καὶ ὦν καὶ ἔσομενος ἐστὶ  
 μόνος, δὴ ἔν λογῇ καὶ διανοίᾳ θεῶ τοιαυτῆς πρὸς χρόνῳ γενεσὶν,  
 ἵνα γεννηθῇ χρόνος, ἥλιος καὶ σελήνη, καὶ πεντε ἄλλα ἀστρα, ἐπικλῆν  
 ἐχόντα πλανηταὶ εἰς διορισμὸν καὶ φυλακὴν ἀριθμῶν χρόνῳ γεγενε.  
 i. e. Cum igitur hoc a se factum sempiternorum Deorum pulchrum simula-  
 crum moveri & vivere Pater ille, qui genuit, animadverteret, deletus est  
 opere, & hac ductus letitia opus suo multo etiam magis primo illi Exem-  
 plari simile reddere tentavit. Itaque quemadmodum illud sempiternum  
 animal est, ita universum hoc pro viribus tale facere studuit. Illius qui-  
 dem animalis aeterna natura est, quod genito operi congruere omnino non  
 potest. Idcirco imaginem eui mobilem effingere decrevit, ac dum caelum  
 exornaret, fecit eternitatis in unitate manentis eternam quandam in nume-  
 ro fluentem imaginem, quam nos tempus vocamus. Dies porro, & no-  
 ctes, & menses, & annos, qui ante NB. caelum non erant, tunc nascente  
 mundo

mundo nasci jussit; quæ omnia temporis partes sunt. Atqui erat, & erit, quæ nati temporis species sunt, non recte æternæ substantiæ assignamus. Dicimus enim de illa, est, erat, & erit. Sed illi revera solum esse competit. Fuisse vero & fore deinceps ad generationem tempore procedentem referre debemus. Motus enim quidam duo illa sunt. Æterna autem substantia cum eadem semper & immobilis perseveret, neque senior se ipsa sit unquam neque junior, neque fuit hactenus neque erit in posterum, neque recipit eorum quidquam, quibus res corporeæ mobilesque ex ipsa generationis conditione subjiciuntur. Nempe hæc omnia temporis imitantis ævum, sequæ numero revolventis, species sunt. — Tempus vero una cum cælo factum est, ut una orta, una etiam dissolvantur, si qua his dissolutio unquam contigerit. Et ad Exemplar æternæ naturæ ideo factum est, ut mundus hic illi præstantiori, quoad potest, simillimus sit. Ille enim mundus hujus Exemplar omne per ævum est. Hic vero perpetuo per omne tempus fuit, sitque solus, & erit. Hac ratione consilioque DEI, tempus creare volentis, sol & luna, & alia quinque stellæ, quæ vocantur erraticæ, factæ sunt, quo temporis numerus distinguatur atque observetur. Locum illum prolixum ideo adduxi, uti omnibus pateret, quam nullo fundamento D. G. conjectura nitatur. Verbum ad illum addere nolo, cum nemo non videat, adversa fronte pugnare sententiam Gundlingii cum adsertis Platonis. Sed quæritur, inquit, an genesis æterna ejus sententiis ratis repugnet? nam materiam is certe genitam, eamque simul αἰδιον appellat. Ita est, materia dicitur αἰδιος, genita non item, nisi intelligas mundum ornatum, quæ non repugnant. Genesin æternam sententiis Platonis repugnare, omnia docent, quæ supra de origine mundi & liberrima Dei voluntate materiam in ordinem redigendi diximus; imo locus ille jamjam citatus haud obscure insinuat, quid Plato & de origine mundi & temporis ortu senserit. Nec negligendum, (ita pergit) Platonem cælum ac totum mundum pro Deo habuisse. Deus vero est æternus, habetque essentiam & existentiam æternam; similiter mundus igitur. Provocat ad Platonis Epinomidem, in quo cælum Θεός adpellatur, p. m. 636. Sed infirma est quammaxime illa ratiocinatio: Cælum Deus vocatur, ergo cælum est Ens perfectissimum. Novimus enim, & terram Dei nomine adpellatam, licet nemo forte sit, qui credat, terram esse Ens perfectissimum. Vocat Θεός cælum, quia animæ singulis astris attributæ sunt. Hinc idem Plato eodem in dialogo p. 922. vers. Ficini: Cogitemus igitur, inquit, quomodo fieri possit, ut tantamagnitudo ab aliqua natura possit tanto tempore circumferri. Ego igitur

adfero, Deum causam esse, nec aliter fieri posse. Animatum enim non aliter, quam propter Deum fieri posset, ut nos declaravimus. Quoniam ergo id Deus facere potest, facile ipsi fuit primum omni corpori magnitudinique vitam tribuere: deinde, qua ratione optime fieri cogitavit, hac ducere. Denum de his omnibus veram hanc sententiam ferri volumus: impossibile esse, terram, cælum, stellasque omnes, & que ex his constant moles, nisi anima singulis aut adsit aut insit, adeo exquisita ratione annis, mensibus, diebusque circumvolvi, nobisque omnibus bona omnia facere. Hominem vero decet, quo vilior est, eo minus de ipsis nugari, sed conari potius certi aliquid dicere. Ita Plato. Ex quo patet ratio, cur cælum inter Θες referatur, simulque Deum distinguere a cælo stellisque. Imo ipse articulus ostendit, de Ente perfectissimo Platoni sermonem non esse, τινα δὲ, inquit, καὶ σεμνυνων ποτε λεγω θεον, ὃ Μεγαλλε τε καὶ Κλεινια, ἡγεδον ἔρανον, quem vero Deum laudibus, o Megille & Clinia, effero? cælum ferme.

XXXI. Misere se torquet D. Gundling. Sect. 68. & 69. ut consequatur, quod intendit. Ita enim loquitur Sect. 68. *Id verum: Plato nihil pulchrius existimavit mundo: & Deus semper vult pulcherrimum, quod intelligit. Velle Dei nunquam non est actus: quin potentia in Deo est actus; itaque inde potius consequitur, pulcherrimum intelligibile esse quoque appetibile. Voluntas Dei non est vaga, sed definita: igitur nisi creasset illico mundum, definita voluntas non fuisset, sed incerta. Ita Gundlingius. Nescio, utrum D. Vir suo hic, an Platonis nomine loquatur. Certe non ita sentit Plato, sed Spinoza. Propos. 34. Spinoza rotunde ait: Dei potentia est ipsa ipsius essentia: Propos. XXXV. quicquid concipimus in Dei potestate esse, id necessario est. Propos. XXXII. voluntas non potest vocari causa libera; sed tantum necessaria. Et hinc emergunt duo Corollaria, quorum primum est, Deum non operari ex libertate voluntatis. 2. Voluntatem & intellectum ad Dei naturam ita sese habere, ut motus & quies, & absolute, ut omnia naturalia, quæ a Deo ad existendum & operandum certo modo determinari debent. Propos. XXXIII. Res nullo alio modo, neque alio ordine a Deo produci potuerunt, quam produci sunt. In Scholio Propos. XVII. pag. 17. & seq. absurdam sententiam vocat eorum opinionem, qui putant, DEUM per potentiam suam multa facere posse, quæ tamen non fiant. Unde facile patet, quid de propositionibus illis sentiendum sit. Sane si potentia Dei est actus, sequitur, omnia, quæ existunt, necessario existere, nihil amplius fieri posse, Deumque non causam liberam, sed necessariam esse. Voluntas Dei*

Dei non est vaga, sed nec necessario agens. Eodem argumento Gundlingii probarem, Deum ab æterno mundum & omnes Creaturas produxisse. Deus nimirum ab æterno intellexit, quæ creare voluit, vult ergo ab æterno, quod intelligit esse pulchrum. Mundum hunc pulcherrimum esse vidit; ergo ab æterno creavit; insuper: Deus potest mundum producere, ergo ab æterno creavit, quia potentia est ab æterno eadem cum actu. Porro, voluntas DEI creandi mundum, non est vaga, ergo ab æterno creavit mundum, quia alias voluntas non esset definita, sed vaga. Non opus est, ut quam falsa sint hæc ratiocinia ostendam. Si Deus Platonis, ita pergit, voluit facere mundum voluntate interna, cujus mundi *παράδειγμα* erat in mente Dei: voluit certe producere ab æterno, & nunquam potuit non velle, quemadmodum ab æterno est, nec potuit non esse. Si aliquando non voluisset, sed cœpisset velle; consequeretur, ut 1.) vel non fuisset aliquando, quod est contrarium sempiternitati & necessitati, qua Deus existit; 2.) vel ejus discreparet voluntas ab essentia, quod evertit Numinis divini simplicitatem: vel denique 3.) Mutationis non esset expertus, quod repugnat perfectioni. Respondeo, 1. a voluntate Dei, quatenus pro attributo Dei essentiali sumitur, ad executionem æternam ejusdem voluntatis, nulla est consequentia. Deus ab æterno voluit, seu constituit me creare: sed nec ideo ab æterno formatus sum. 2. Quid juvat, tempus aliquod distinguere, quo noluit, tempus item, quo voluit mundum condere? voluit, seu constituit ab æterno, suo tempore condere mundum. Voluntas Dei & res, quas vult facere, uti sunt natura sua distinctæ; sic nulla est prorsus inter voluntatem & res, quas vult, necessaria connexio. Voluntas attributum Dei æternum est, & eo respectu etiam hoc vel illud ab æterno velle dicitur; sed res, quas vult efficere, non ideo tamen æternæ sunt, quandoquidem voluntas est facultas libera, quæ, prouti infinita sapientia jubet, agit. 3. Sine dubio si Plato Deum mox volentem mox nolentem induxisset, vel non fuisse eum aliquando, vel mutabilem esse, sequeretur. Sed cum hæc suppositio in cerebro Gundlingii, non item Platonis, nata sit, non opus est, ut de absurdis, quæ inde sequuntur, quicquam dicamus. D. G. Systema absurdum primo fingit, deinde magna vi subvertit, quod facillimum est. Non sum ego ex iis, qui consequentias cuiquam imponere velim, quas ipsemet detestatur. Indignum enim hoc est Viro bonesto & sapientiæ studioso. Nescio interim, quomodo Cl. Vir in sententiam prolapsus sit, quæ periculosissimis consecrariis obnoxia est. Potentia in Deo semper est actus. Velle Dei nunquam

non est *actus*. *Voluntas* eadem est cum *essentia*. Ex quibus propositionibus necessario sequitur, *Deum nihil amplius creare posse, omnia, quæ sunt, necessario esse, & quidem æterna, voluntatem in Deo non liberam esse, sed necessariam*. Quæ quam absurda sint, nemo non videt. Non tamen, (ut denuo repetam) eum hæc credere puto, sed *nimio me refellendi ardore* abreptum crediderim, cum hæc scripserat. Si ego hæc dixissem, sine dubio vapulasissem. Sed præstat ἀλλήθως ἐν ἀγάπῃ. Postquam illa consecratoria, quæ ex sententia *Platonis*, vel potius ipsius, manare dixisset, in medium attulit, supponit hæc omnia *Platonem* tanquam ἀπὸ τοῦ περσέξαι, atque adeo causam non esse, quominus mundum æternum finxerit. De consecratoriis illis jam diximus; nimirum, illa nituntur hypothese *emendicata & a Gundlingio efficta*. Sine dubio mundus esset ab æterno, si ab æterno eum voluisset condere *Optimus Maximus*. Impediens nullum fuit. *Materia* est res ad utrumque parata. Non prohibuit internum quid. *Voluntas* enim *Dei libera* est, non est defectus virtutis, nisi dicas, *Deum imbecillum esse*, quod nos non creaverit ab æterno, quod ἀπόρον. *Voluntas Dei* non ideo est temporaria. Non enim in arena capit consilia. *Voluntas respectu essentia suæ æterna* est, sed libera executio voluntatis in tempore demum locum habere potest. Neque ex nolente factus est volens. Voluit exornare rudem & indigestam molem, sed definito suo tempore. *Qui voluntatem* (ita pergit Cl. Gundlingius pag. 291.) *Essentiam divinam diversam autumat, simplicitatem Dei subruit, eumque compositum efficit*. Nescio, quid cogitaverit subtilissimus *Vir*, dum hæc scripsit. *Voluntas* enim *Dei*, licet ad *Essentiam Dei* pertineat, *facultas tamen est liberrima*; *Essentia vero divina est necessaria*; ergo quod *Deus* vult, non necessario vult, sed libere quamaxime. *Spinoza* adserit, voluntatem non esse causam liberam, sed necessariam, uti supra jam ipsa ejus testantur verba. *Necessaria sine dubio est voluntas*, quatenus ad naturam *Eutis perfectissimi* necessario pertinet; sed quatenus considerata respectu rerum, quas vult, minime necessaria est, sed liberrima. At hic quaestio est de mundi Creatione. Quod si igitur voluntas *Dei* æque necessaria esset, ac ipsa *Essentia Dei*, sequeretur, mundum ab æterno necessario extitisse, nulla esse contingentia, nulla possibilia, *Deum Ens esse non libere, sed necessario agens*. Hæc, inquam, ex sententia *Gundlingii* sequerentur. Cum autem illa absurda non admitat, patet, quid de fundamento, cui inædificata est adfectio Cl. *Viri*, sentiendum sit. Scio, illos, qui dicunt, *Deum libere ab æterno mundum*

pum condere voluisse, in *Spinoza* castra non transire. Sed aliud est, dicere, Deum ab aeterno libere voluisse mundum condere, aliud potentiam Dei esse ipsum actum; velle Dei nunquam non esse actum; voluntatem Dei esse ipsam essentiam. Prius nullam involvit contradictionem; posterius autem mundi necessariam existentiam aliaque absurda inferret. Utrum *Pythagoras*, *Parmenides* mundi aeternitatem professi sint, hic inquirere nolo. Quæritur quid senserit *Plato*. Perspicuis locis probavi, eum mundi aeternitatem negasse, hoc sufficit. Non semel, dum hæc scripsi, mihi in mentem venit illud *Poëtæ*: Quo se nunc proripit ille?

XXXII. Sed redit tandem D. G. ad T. Locrum, probaturus, eum sententiam de aeternitate mundi adstruere. Sect. enim 73. ita loquitur: Sed age, ad T. Locrum redeamus, de tempore differentem, qui istud *ἔκονα καὶ παραδείγμα* aeternitatis nominat. Si quid video, Locrus ait, tempus ratione nostri ad exemplum aeternitatis esse conferendum. Ut enim aeternitas est infinita existentia, & tota simul vita, hoc est, ipse Deus: ita tempus similiter est infinitum a vita Dei profluens, qui Deus, dicente *Boëtio*, infinitum temporis iter arripuit, ut continuaret eundo vitam, quæ nunquam finietur: eoque mundus animatus hac vita, initium non habet, nec finem. Adeo verum est, invenire quemque, quod querit. Locum non adduxit, ne inspicere queat. Adduximus eum Sect. XXX. hujus dissertat. qui cum dicendis conferendus. Nimirum dies & nox temporis partes dicuntur, quas Deus *ἐκοσμήσεν συν κόσμῳ*. Quemadmodum mundus dicitur *γεννατός*, ita & *χρονός*, quod infra textum non solum Editor observat, sed & ipsa rei natura docet; cum enim tempus simul cum mundo ortum sit, mundus autem *γεννατός*, sequitur, idem de tempore dicendum. Probat præterea idem comparatio, quam instituit Locrus. Mundus hic *γεννατός*, factus esse dicitur ad *παράδειγμα* aliquod αἰδίων, *ἔκονα αἰώνος*. Sequitur itaque, *παράδειγμα* illud esse æternum, mundum vero factum; aeternitatem distinguere a *χρονῷ*, ut *παράδειγμα* illud æternum distinctum est a mundo, ad illud factum. Aeternitas igitur secundum Locrum competit illis solis, quæ necessario existunt, tempus autem rebus non necessariis, sed factis, & ab alio dependentibus. Atqui mundus secundum *Platonem* & T. Locrum incepit: astra, ad quorum cursum tempus metimur, cum mundo facta, ergo tempus etiam cum mundo exortum; mundus igitur initium habet, ergo etiam tempus: quod initium habet, neque infinitum, neque æternum dici potest; at habet mundus & tempus secundum T. Locrum initium, ergo & mundus & tempus finita sunt. Vita Dei &

conti-

continuata ejusdem nec unquam interrupta existentia, nonnisi mentis abstractione inter se differunt; mundus vero una cum tempore, ut sine contradictione tanquam non existens concipi potest; ita postquam semel existere cœpit, finitus est, æque ac tempus fluxum est ac manebit. Quid ergo sibi volunt illa D. Gundlingii verba, mundum vita Dei animatum? aut hac propositione intelligitur, Deum ab æterno se cum mundo conjunxisse, adeo ut, posita æterna Dei vita, ponatur simul æterna mundi duratio; aut Deum jugiter & æternum actuosum voluisse mundum condere simul cum tempore. Prior sensus aperte contrariatur Locri verbis; is enim tempus demum cum mundo & stellis ortum esse perhibet. Si posterius, mundus in tempore conditus est, & tempus cum mundo exortum. Tempus itaque non a vita Dei seu continuata existentia fluit; Sed ut mundus a liberrima voluntate Dei originem habet secundum Timæum, ita similiter tempus non a vita Dei, sed voluntate ejus originem suam habet. At instat Cl. Vir dicendo: *Inquis: mundus est genitus, genitum est posterius; mundus igitur, tanquam genitus, erit posterior gignente. Ego: qui posterius dicit, ponit prius. In Deo non est prius, quia in ipso non est posterius, nec præteritum, sed tantum EST, ac præsens: quare consequitur, ut, DEI contemplatione, mundus non sit posterior, quia Deus alioquin fingeretur prior & posterior. Mira hæc est subtilitas!* nimirum mundus conditus est secundum Locrum, *ἐξ αἰωνίου*, ergo mundus est æque æternus ac ipse Deus. In Deo non est prius & posterius, nec præteritum, sed præsens; Ergo in mundo a Deo condito non prius etiam est & posterius. Si in mundo prius esset ac posterius, sequeretur, Deum, qui mundum contemplatus est, se ipso priorem esse & posteriorem. Quis autem non videt rationum istorum vim & incredibilem efficaciam? nimirum hæc omnia nituntur suppositione de necessaria omnium rerum emanatione a Deo, quæ adfertis Timæi evidentissime contraria est. Quocirca mundum (ita pergit D. G.) nihilominus existimare Plato potuit genitum a Deo æternum, quia est actus & vita infinita, sic, ut vita mundi concipiatur tanquam linea continuata, tanquam radius lucis perpetuo coruscantis. Cum vero lux ista divina non unum emiserit radium, sed plures; hinc nunc demum, ratione nostræ contemplationis, oritur tempus, quod dimetimur ad aliud mente gradusque consingimus, dum metimur. Si hæc Veteres explicandi ratio valet, nihil non in posterum probabo. Vellem etiam, ut metaphoricis locutionibus abstinuisset V. D. Omnia huc redeunt; mundum a Deo ab æterno emanasse, & hujus emanationis intervalla nos tem-



pus vocare. Sed falsum esse prius, abunde jam supra ostendimus; *mere ergo sunt hariolationes*, quæ de tempore ex mente *Timei* & *Platonis* dicuntur. Qui loca solum inspicit supra citata, quam *hec omnia contorta* sint, videbit. *Supponit* identidem res omnes a Dei natura emanasse, *nec tamen probat*. Non disputamus autem hic de abstractis quibusdam veritatibus, sed sententia *Platonis*, quæ veterum testimoniis proponenda & explicanda. *Locrus* mundum γεννατον dixit, & tempus simul cum mundo initium habuisse. Quid igitur verbis opus est? cur testes nulli adsunt, quos magno numero se adducturum minatur? tædet eadem semper repetere. *Locri* & *Platonis* verba *clariora sunt*, quam ut a *Gundlingio* in alium sensum trahi possint. Hæret semper *Cl. Vir* in voce γεννατ, gignere, & inde argumentatur. Sed cur displicent verba κοσμειν, δημιουργειν, ποιησαι, quæ *T. Locrus* adhibet, cum de mundi origine loquitur? num *Δημιουργος* idem fit cum opere, simulac ei elaborando animum adjicit? quæ *Seçt. 76. in me effudit diætèria*, lubens silentio transeo, laudes, quas *ibidem* sibi tribuit, ei non invideo.

XXXIII. In transitu, non argumenti alicujus loco, sed illustrationis causa, occasione animæ mundi, dixi, Viros quosdam Eruditos, naturam quandam Plasticam dari, probare contendisse, eam causam esse multorum effectuum, quos in plantis, animalibus & homine ipso observemus. Ille ait, hanc naturam plasticam ex mente doctorum illorum Virorum creatam esse. Hoc minime ignoravi; sed eo tantum fine ejus mentionem feci, ut ostenderem, minime ex eo, quod natura animæ mundi divina dicatur, atque per omnes mundi partes diffusa, sequi, aut eam Deum ipsum esse, aut cum mundo prorsus conjunctam. Tribus insuper verbis dixi, *Virgilium Æneid 6. eleganter animam illam mundi describere*. Occasione hujus citationis proluxa adfert loca ex *Bibliotheca Critica R. Simonis*, qui contrarium sentit. Imo *Seçt. 80. vehementer letatur, me in illa incidisse retia*, putans me circumventum, elabendi rimam nullam videre; animam enim illam mundi a *Virgilio* descriptam esse ipsum Deum omnibus partibus materiæ infusum, & mille in partes scissum. Jam ante *R. Simonium* idem senserat *P. Baylius* continuat. *des pensées sur les Comètes* pag. 119. seq. Imo *Illustris Leibnizius*, *Vir philosophiæ Veteris* longe peritior *R. Simone*, in eandem etiam concessit sententiam. Sed his non obstantibus, puto, in tantas angustias me conjectum non esse. Rationes, quas habeo, sequentes sunt. *Primo* fatebuntur omnes, qui *dissertat. meam* legerunt, me in

Bbbbb

tran-

*transitu tantum* mentionem loci Virgiliani fecisse. Quodsi igitur vel maxime locus ille mihi contrarius esset, nihil aliud sequeretur, quam *me frustra ad Virgilium* provocasse. Sæpissime fieri solet, ut ad sententiam nostram confirmandam provocemus ad eos, qui verbis, non sensu, nobiscum conspirant. Theologi sæpissime citant loca, quæ adversa sunt propositionibus, quas tueri volunt. Num autem inde sequitur, ergo omnia, etiam firmissima, quæ adduxerant, aut loca, aut argumenta, vana sunt? non putaverim. Quodsi igitur vel maxime frustra *ad Virgilium* provocassem, argumenta mea supra allata *pondus suum* non amitterent. Secundo, non puto tamen, perspicuis locis probari posse, excellentissimum Poëtam Spinozæ sententiæ addictum fuisse. Nihil dicam jam de locis, in quibus præclarissime de Deo sentit; sed provocabo tantum ad quædam loca, quæ probare videntur, potius eum Epicuri in castra transgressum esse. In Ecloga 6, ebrium Silenum inducit secundum principia Epicuri de rerum omnium origine ita carentem:

*Namque canebat, uti magnum per inane coacta  
Semina terrarumque, animæque, marisve fuissent,  
Et liquidi simul ignis: ut his exordia primis  
Omnia, & ipse tener mundi concreverit orbis.*

Libro vero 2. Georg. culturam Philosophiæ celebraturus ait:  
v. 475.

*Me vero primum dulces ante omnia Musæ,  
Quarum sacra fero ingenti percussus amore,  
Accipiant: cœlique vias & sidera monstrent.*

Hinc versu 490.

*Felix, qui potuit rerum cognoscere causas,  
Atque metus omneis & inexorabile Fatum  
Subjecit pedibus, strepitumque Acherontis ævari.*

Conferamus cum his verba Virgilii, ad quæ provocat R. Simon: extant illa partim Georg. Lib. 4. v. 220. partim Æneid. VI. v. 724. In illo de apibus ita loquitur: (\*)

(\*) Si, qui hos antecedit, versiculus consulatur, ubi Poëta ita.  
*His quidam signis, atque hæc exempla secuti &c.*

*Esse apibus partem divinæ mentis & haustus  
 Aetherios, dixere : Deum namque ire per omnes  
 Terrasque, tractusque maris, cœlumque profundum.  
 Hinc pecudes, armenta, viros, genus omne ferarum,  
 Quemque sibi tenues nascentem arcessere vitas.  
 Scilicet huc reddi deinde, ac resoluta referri  
 Omnia : nec morti esse locum ; sed viva volare  
 Sideris in numerum, atque alto succedere cœlo.*

In hoc *Anchisen* ita inducit loquentem :

*Principio cœlum, ac terras, camposque liquentes,  
 Lucentemque globum lunæ, Titaniaque astra,  
 Spiritus intus alit, totamque infusa per artus  
 Mens agitat molem, & magno se corpore miscet.  
 Inde hominum pecudumque genus, vitæque volantum,  
 Et quæ marmoreo fert monstra sub æquore Pontus.  
 Igneus est illis vigor, & cœlestis origo &c.*

*Priora* loca cum *Epicuri Philosophia* conveniunt, *posteriora* cum *Platoniorum*, si *Gundlingium* audias, & *Spinoza*. At *Spinoza* sententia de unica substantia, ex qua omnia inevitabili necessitate orta sint, e diametro pugnat cum *Systemate Epicuri*, omnia fortuito atomorum concursui attribuentis. Quemadmodum autem ignoramus, utrum *Virgilii* *Eclog.* sexta in honorem *Q. Vari* (quocum sub *Silone philosopho* *Seçta* *Epicuri* operam dederat) hæc recitet ; an vero animi sui sensa proferat : Ita pariter ignoramus, quorum sententias sequatur in posterioribus locis. *Tertio* : Pone autem, *Virgilium* posterioribus hisce in

Bbbbbb 2.

locis

patebit, *Virgilium* minime de sua, sed de aliorum loqui sententia. Posito itaque, ipsum *Epicuri* additum fuisse *Seçta*, quid impedit, quo minus per rō quidam *Stoicos* intellexisse putetur ? Ita enim clare non tantum omnia, sed totius etiam textus ratio cohæret : quæ in sequentibus clarissime innot, *Stoicos* intelligi, ubi additur :

*Scilicet huc reddi deinde, ac resoluta referri  
 Omnia : nec morti esse locum, sed viva volare  
 Sideris in numerum, atque alto succedere cœlo.*

Germanissima hæc *Stoicorum* decreta sunt, nihil mori, cuncta reduci in primam materiam, & animam mundi seminales rationes comprehendentem, locumque ista capere circa sidera. Res in *Stoicorum Scholis* notissima, quam planam fecere *LIPSIUS* & *GATAKERUS*, quos vide. Nihil itaque *Virgilius* ad *Platonem*,

locis *Platonem secutum*, & per mentem illam omnia pererrantem *animam mundi* intellexisse, tum nondum sequitur, animam mundi & Deum unicam efficere substantiam. Provocarem igitur ad ea, quæ satis superque de hoc argumento supra dixi. Probandum igitur incumberet *Gundlingio*, partes *R. Simonii tuenti*, Deum ipsum cum Materia confusum & commixtum esse. Quarto: In gratiam tamen *Gundlingii* supponemus, Dei nomine *Virgilium* ipsum Numen præstantissimum intelligere. Probandum postea esset, verba, quibus utitur Poëta, *non-nisi sensu Spinozæ sumi* debere. At hoc probatu quammaxime difficile esset; Quodsi enim sententiam Auctoris alicujus explicare volumus, præsertim in rebus maximi momenti, tum, antequam consecraria inde deducamus, aut verba debent ita perspicua esse, ut aliter intelligi non possint, aut aliunde nobis constare de mente Auctoris illius. At neutrum hic locum habet. Ergo secundum omnem sensus latitudinem verba ejus sumi non debent. Exemplo rem illustremus. Ponamus, nos aliunde nescire, quem Deum nobis *S. Scriptura* colendum offerat, nosque incidere inter legendum in verba, quæ duriora prima specie videntur, v. gr. *nos in Deo esse, vivere & moveri, Spiritum Dei omnia pervadere, nos templum esse Dei, divinæ naturæ participes factos, ex Deo natos &c.* facile possemus in eam sententiam delabi, quam *Spinoza & Tolandus* inde eruerunt. Quamprimum autem aliunde constat, Numen aliquod sapientissimum, liberrimum, sanctissimum, a mundo & materia prorsus diversum, colendum nobis offerri, videmus, verba ista non esse ad vivum rescanda, sed aliter interpretanda. Cum autem nesciamus, quid *Virgilius* de natura Dei senserit, saltem cum nulli animi sui cogitata hac in parte expresserit, certo non scimus, quam potestatem singulis vocabulis & phrasibus tribuere debeamus. Sic quomodo Spiritus ille *intus alere, & totos per artus diffusus esse* dicatur; qua ratione *mens illa toto corpore se miscere, & per omnes terras ire* dici possit, definire non possumus. Sano possent hæc sensu intelligi: nemo enim non novit, *phrases Poëtarum* minime semper urgeri posse: *ignoramus* præterea, utrum *Virgilius suam*, an *aliorum Philosophorum* exprimat mentem. Ponamus autem, aliunde nobis perspectam esse mentem *Virgilii* circa hoc negotium, & Dei nomine intellexisse Numen præstantissimum, ab omni Materiæ labe longissime remotum, tum omnes clamarent, verba ipsius secundum totam significationis amplitudinem sumenda haud esse, sed convenienter ipsius decretis explicanda. Ponamus, eum putasse, Deum esse nobilissimam mentem, sed subtilissi-

tilissimò quodam vehiculo indutam, cujus ope omnia pervaderet, non tamen ita, quasi ipse in partes scissus, sed quod ope *rapidissimi illius vehiculi* omnia pervaderet, moveret &c. tum sine dubio & hoc sensu non nimis urgenda essent. Quis autem, cum hæc omnia nesciamus, non videt, tutius longe esse, a *periculosis consuetudinibus abstinere*, quam præstantissimo Viro absurdam sententiam tribuere? Accedit, quod gravissimi Theologi, cum de *Immensitate & Ubiquitate* Dei locuti sunt, phrasas adhibuerint, quæ, si *omnem vim verborum urgere vellemus*, *du-riores sunt*. Legatur cap. VII. & VIII. *Dogmat. Theolog. Petavii Lib. III.* in quo *Patrum* non minus, quam *Ebnicorum* de *Immensitate & Ubiquitate Dei* cogitata profert; heic multa observantur loca, quæ *prima fronte asperiora sunt*; *mitigata* autem, *innoxia* videbuntur, si ad *Scopum* eorum, qui hæc dixerunt, & *sententiarum*, quas profitebantur, nexum attendamus. (\*) *Præstantissimus Theologus*, οὐ μὴν ἐν ἁγίοις, H. A. Roëll, probaturus, Deum mentem esse præstantissimam, provocat ad consensum Gentilium; & inter alia etiam locum Virgilii: Spiritus intus alit &c. profert, pag. 64. dissertat. de *Religione rationali*. Nemo tamen crediderit, eum *Spinozæ* sententiæ addictum fuisse. Quinto: Multum tribuo R. Simonio, Viro linguarum Orientalium & artis Criticæ peritissimo; difficulter tamen eum probaturum, si viveret, credo, quod contendit; nimirum, Veteres Sapientiæ Antistites in *universum omnes*, cum de Spiritibus locuti sunt, nonnisi materiam aliquam subtilem intellexisse. Hoc verum, quod Spiritus ejusmodi substantiis assimilaverint, quod item corpore subtili & pellucido, tanquam vehiculo quodam, instructos crediderint; (\*\*) quemadmodum plerique Ecclesiæ Patres idem asseruerunt: Sed quod omnem substantiæ intelligentis naturam subtilissimarum partium compositione absolvi putaverint; hoc in universum perspicuis testimoniis probari posse, diffido. Sic per *verum Anaxagoræ* nonnisi ignem intelligi, quod *Simonius* contendit, probandum est quamaxime. Verbo; licet D. Gundlingius magna pompa contra me adducat testimonium Simonii; patet tamen ex locorum adductorum inspectione, *Simonium* quidem dicere, minime

Bbbbbb 3

autem

(\*) Confer cum nostris, *Cudworthum* Tom. I. pag. 593. & notas Cl. *Mosheimii*.

(\*\*) Nequæ tamen omnes, quibus plena manu adductis hoc præcipue accedit, Veteres plerosque materiæ mentem e diametro tum ratione naturæ, tum ratione dependentiæ opposuisse, uti tota philosophorum historia clamat, nec negabit, nisi cui perfida fons est. Unde non potuit illis mens esse materialis, quod recentiorum tantum inter Græcos commentum fuisse videtur, & forte Zeno Citteus primus fuit, qui ita philosophatus fuit, inter eos, qui præter materiam aliud principium sive severa, sive verbotenus admiserunt.

autem probare, nisi excipias locum *Servii*, cujus tamen Scholiastæ auctoritas tanta non est, ut dicamus, & *Platonem* & *Virgilium* ad sensum *Spinozæ* esse torquendum. Verum est, *Servium* ad versum 219. *Eclog.* IV. *Virgili* dixisse, & apes habere partem divinitatis. Sed quæritur adhuc, quo sensu hoc intelligendum sit. *Θεον hoc idem esse, quod præstantissimum, multis locis probat Cerda* ad hunc locum. *Didymus* opificium apis *Θεον* vocat: idem videtur adferere *Plutarchus*, cum ait: *ἀλλὰ τὴν μελλίαν ἡμεῖς σοφὴν καλῶμεν.* Ex Commentario ejusdem *Servii* ad Lib. VI. *Æneid.* patet, cum potius suam sententiam adferre, quam unde hæc petiverit *Virgilius*, exponere. Ad versum enim 724. principium cælum ac terras &c. ita loquitur: *Interrogatus Anchises, quare animæ velint reverti ad corpora, quasi aliud dicit, tamen illuc recurrit, quod Græce το πᾶν dicitur, id est, quod omne est. Quatuor sunt Elementa, terra, aqua, ær, æther: & Deus. Præter hæc nihil est aliud: & hoc mundum non possumus dicere. Nam mundus non est totum. Ergo Deus est quidem Spiritus divinus, qui per quatuor infusus Elementa, gignit universa. Igitur si de Elementis & Deo nascuntur omnia, unam originem habent, & par est natura omnium. Sed videamus, quid in nobis est a Deo: & quid a quatuor Elementis. Quantum datur intelligi, ab elementis habemus corpus, a Deo animam: quod ideo probatur, quia, quod est in corpore, terra, humor, anhelitus, calor (quæ omnia videntur, sicut etiam Elementa) animus invisibilis est, sicut etiam Deus, unde originem ducit. Illa præterea irrationabilia sunt, sicut corpus. Contra Deus habet consilium, sicut etiam animus. Deinde elementa mutari videmus, quorum perire mutari est; ergo nec animus perit, qui inde originem non ducit. Nam pars semper sequitur genus. Huc igitur tetendit primam intentionem suam, ut animos immortales diceret. Hæcenus *Servius*. Ex quo patet, ipsum minime sensum *Virgili* collatione locorum & Philosophorum decretis petitorum explicare, sed simpliciter in sensum inquirere, qui sensus etiam ita comparatus est, ut *Spinozæ* sententiæ prorsus conformis non sit. Sexto: quodsi tandem *Gundlingio* concedam, *Virgilium* loqui ex mente *Platonis* de anima mundi, nihil tamen lucrabitur. Non enim Rectorem Universi, sed animam mundi, nescio, quomodo ortam & temperatam, mundi partibus infusam esse, asserit *Plato*. Probandum igitur, Deum ipsum ex mente *Virgili* & *Platonis* in unam substantiam confusum esse. Sed testimonium sane *R. Simonis* hoc non conficit. Unde patet, quid de *Illustris Viri* verbis, quæ Sect. 81. initio fudit, sentiendum sit, Adducto enim testimonio *R. Simonis*, ita loquitur: Quo te*

NUNC

nunc veritas, fere nescio, nisi in R. Simonium excandescens, eum vilipendere incipias, quod soles facere, quando Scriptores Juniores aliter, quam tibi sedet, Platonis doctrinas intelligunt, itemque exponunt. Non irascor Celeberrimo Critico, non perspicacissimo Gundlingio propter dissensum illum in re levissimam, nedum ut tantis viris dicam scribam. Facere enim hoc solent Doctores Umbratici. Imo æquissimo animo fero, quæ Incomparabilis Gundlingius in hac ipsa Sectione contra me effudit pleno borreo dictoria. Quod ut pateat, ipsissima Elegantissimi Viri verba adponam. Ita Te (loquitur Illustris Doctor Gundlingius) in gyrum volvit presumpsit error, ut nec videas, nec audias, sed sensibus quibusque repugnes, nihilque argumenti admittas; utut putes, te audire, atque aliquando cogitas, te cupere doceri; cum interea nec contrarias Demonstrationes assensu tuo digneris unquam, quia te intus agitat Spiritus Vertiginis, & mens tua magno se corpore miscet Doctorum, quos idem afflavit Sydus & contra veritatem obduravit; semper recolendo toties vanissime prolata, mentem nimirum divinam & animam mundi a materia separari. Hactenus Excellentissimus Gundlingius. De re ipsa iudicium esto penes eruditum Lectorem. (\*)

XXXIV. Cl. Gundling. dissert. Sect. 82. locum Plutarchi, quem frustra adductum dixeram, vindicare nititur. Nimirum ex illo voluit probare, Deum Platonis, Universum, materiam, mentem, animam, mundum, unius rei diversas tantum denominationes esse. Ostendi dissertat. mee pag. 933. Plutarchum in citato loco aliorum Philosophorum referre sententias, & adduxi ipsa Plutarchi verba, in quibus eorum opiniones refellit. Quamvis hoc negare haud possit Cl. Vir, contendit tamen, Plutarchum sententiæ suæ favere; In causâ primaria, inquit, Cberonenfis ingenue fatetur, omnes res singulares constare ex intelligente & sensili: intelligens esse formam, sensile materiam. Forma vero sicuti naturæ cuique complementum dat; ita claret, divinam istud efficere substantiam, cuius particeps sit materia: mundi vero animam amplius aliquid continere præter intelligibile ac sensile, quod est in rebus universis. Sed verba ipsa Plutarchi adterenda fuissent. Plutarchus recensuit Celeberrimorum Philosophorum, Crantoris & Xenocratis sententias de procreatione & natura animæ mundi; quibus adductis, ita ait: Mibi, si probabilitas pro regula iudicandi sit habenda, utrique videntur

(\*) Mire sibi plaudit Gundlingius ob testimonium R. Simonis, quod non solum heic, sed & contra Cl. Trillerum urisit, contendens Veteres de substantiis intellectualibus scivisse nihil, quam falsa autem sit hæc assertio vel illa sola docent quæ Cudworthius Lib. I. cap. I. Sect. XLX. sq. attulit. quem vide.

tur a Platonis opinione aberrasse: Si non propria placita concinnare, sed consentientia Platonis sententiæ dicere sit propositum. Addit jam rationem pag. m. 490. ἡ μὲν ἐκ τῆς νοητικῆς καὶ τῆς αἰσθητικῆς ἑσίας λεγόμενη μίξις, ἢ διασπαρῆς πῃ ποτε ψυχῆς μαλλόν, ἢ ἰσὺν αἰσθῶν, ὃ, ἵε αὐτῆς εἶπη, γενεσις ἐστίν. αὐτὸς τε γὰρ ὁ κόσμος εἶδος, καὶ ἰσὺν μερῶν ἕκαστον αὐτῆς, συνεστῆκεν ἐκ τῆς σωματικῆς ἑσίας καὶ νοητικῆς. ὣν ἡ μὲν ὕλην καὶ ὑποκειμένην, ἡ δὲ μορφήν καὶ εἶδος ἰσὺν γενομένου παρεχε. Καὶ τῆς μὲν ὕλης ἰσὺν μέλοχῃ καὶ ἐκαστοῦ τῶν νοητῶν μορφωθέν εὐθύς ἀπτόν καὶ ὀρεκτόν ἐστίν, ἡ ψυχὴ δὲ πᾶσαν αἰσθησὶν ἐκπεφευγὼν. i. e. quippe illa e mente comprehensibili & sensibili natura mixtione, quam dicunt, non declaratur, qui anima magis, quam aliarum quarumvis rerum sit procreatio. Nam cum ipse mundus, tum qualibet ejus pars, ex istis duabus constat naturis: quarum hæc materiam & subiectum, illa formam & speciem rei nascenti præbuit; & quicquid materie informatum est, participatione atque adfimatione intelligibilis (sic enim liceat vocare eam, quæ sola mente percipitur) nature hoc statim consequitur, ut tangi viderique possit. Anima autem omnem sensum subterfugit. Ex hoc loco Plutarchi patet, minime eum existimare, ἵε νοητὰ καὶ ἵε αἰσθητὰ in unam massam seu substantiam confundi, nedum Deum ipsum cum mundo misceri; sed hoc tantum vult Plutarchus, frustra Philosophos quosdam, naturam animæ mundi ejusque originem explicaturos, provocare ad commixtionem animæ & rei sensibilis. In omni enim definita corporum specie occurrere materiam & formam, quæ forma aliunde accesserit, re nimirum intelligente; animam autem mundi jam in confusa illa materie mole præextitisse; quæ postea latius exequitur. Pag. m. 635. expresse ait: Qui vero materiam corpoream misceri cum individua volunt, errant. Primum in eo, quod nullo corporeæ materie nomine heic utitur Plato: quam alias receptaculum, omnium rerum capacem & nutricem solet dicere, non circa corpora dividuam, sed ipsum corpus, quod in singularia dividatur. Deinde, quid intenderit inter mundi & animæ procreationem, si utrumque ex materia & intelligibilibus est constitutum? Ipse quidem Plato, quasi abominans animæ ex corpore ortum, ait, intus in ea corporeum fuisse a Deo collocatum, forisque ab illa occultatum: cumque totam animam ratione absolvisset, deinde argumentum de materia proponit, qua ante, cum animam crearet, nihil opus habuerat, utpote sine materia natam. Idem, ut notum est, pag. m. 630. duplicem animam effingit, ut causam inveniat turbulenti illius motus in materia prima. Adeo ut præter Deum habeamus duplicem animam una cum materia, Eas autem substantias in unum confusas, nullibi



nullibi docet; adeo ut cætera, quæ in hac Sectione profert Gundlingius, *vera sint figmenta, nullo testimonio subnixæ*. Sect. 83, denuo urget tria illa Principia Platonis, &, quocunque demum modo intelligam, putat, necessario inferri, Deum cum mundo unicam efficere substantiam. Non semel in superioribus de hac re dixi; dixi in Platone & T. Locro Deum describi tanquam Ens excellentissimum; *ver* tanquam *παράδειγμα* æternum, & per se subsistens; animam mundi tanquam causam quandam ex divisibili & indivisibili temperatam, omnia tamen in mundo visibili pervadentem & fecundantem, ejus autem originis vestigia certa in *Timæo* haud reperiri; recentiores autem Platonicos adserere, *lov ver* a Deo, animam mundi a secundo principio ortas esse, omnes autem propriam subsistentiam habere. Urget igitur D. G. & priorem & posteriorem sententiam. *Quod si igitur, inquit, proprietates unius Dei tantum hypostaticis nominibus sunt convestite, Deus unus erit in omnibus rebus, earumque ultimum complementum constituet, pervadetque omnia, velut materia Cartesii subtilissima*. Argumentum ergo Gundlingii huc redit: *Anima mundi & Deus unum idemque sunt: anima mundi omnia pervadit, atque cum mundo commiscetur: Ergo Deus etiam cum mundo commiscetur*. Nihil jam dicam de *majori propositione*. Supponam, illam veram esse. Omnis quæstio redibit ad *minorem*. Quæretur nimirum, utrum anima illa mundi, vel Deus cum mundo, unicam efficiat substantiam. Ad nauseam usque dixi, hanc propositionem non esse supponendam, sed probandam. Velim igitur præter dicta observari. Primo, apud T. Locrum & Platonem non solum describi materię in confusione jacentis statum, sed & *clarissime doceri*, astra, terram, solem &c. extitisse, vel antequam ulla mentio fit animæ mundi. Mentio etiam fit substantiarum intelligentium, quas anima mundi in corpora humana deduxit. Vide T. Locrum pag. 556. Erant igitur ante ministerium illud animæ mundi infinitæ jam substantiæ. Neque enim Sol, astra, terra &c. accidentia sunt. Quod si dicas, Deum hæc in ordinem digessisse, animam autem mundi unum cum Deo esse; tum velim mihi explicari verba T. Locri, quæ pagina jamjam citata ita sonant: *Jam vero post mundi constitutionem, mortalium animantium generationem molitus est Deus, ut ad imaginem illam perfectus plane esset atque absolutus. Humanam igitur animam ex iisdem rationibus atque potentiis temperatam atque divisam distribuebat, naturæ alteratrici hoc tributo Ministerio: quæ acceptis barum rerum mandatis ipsius Opificis quasi vicem obivit in mortalibus & diurnis animalibus efficien-*

ciendis, quorum animas quasi per fluxum quandam instillabat. Hæc-  
 nus T. Locrus. Si autem Deus idem est cum anima mundi, cur tam  
 clare a se invicem distinguit Deum a Ministro illo Secundo? videā-  
 mus autem distincte, utrum Deus cum mentibus, corporibus inani-  
 matis, sese conjungens fiat unica tantum substantia. Quod mentes  
 nostras attinet, dicuntur illæ circa astra fuisse vel antequam ab anima  
 mundi in corpora deducebantur; erant igitur substantiæ: non enim  
 potest accidens migrare de subiecto in subiectum. De earum origine  
 ne verbo quidem meminit *Locrus*. Quomodo igitur fieri potest, ut  
 mentes illæ, quamprimum Deus in illis operatur, substantiam suam  
 propriam amittant? De hac re prorsus silet *Plato*. Corpora, ante-  
 quam in ordinem redigerentur, Deusque ea elaboraret, erant sine  
 dubio substantiæ. Rudis enim indigestaque moles non minus est sub-  
 stantia, quam pulcherrime fabrefactum corpus. Quemadmodum  
 igitur prima Dei operatio in materiam non obstitit, quo minus ille a  
 mundo secretus sit; ita pariter nec conservatio illius & gubernatio  
 obstat, quo minus Deus & materia diversæ sint substantiæ. Quod  
 corpora animata tandem spectat, certum est, ea vivere. Ita vivunt  
 animalia, homines. Quæritur, utrum Deus immediate hoc efficiat,  
 an vita illa a substantia intelligenti repetenda sit, an natura quædam  
 plastica, corporibus inserta, hoc efficiat, an ex mechanicis hæc omnia  
 legibus repetenda sint. Nullibi de his quæstionibus perspicue men-  
 tem suam aperuit *Plato*. Quando igitur vel maxime verum esset,  
 Deum ire per omnes terras, tractusque maris, Deum vitam omnibus  
 dare, nondum tamen pateret, quousque hoc extendendum sit. Deus  
 ex nostro Systemate singulis momentis vitam meam conservat. Vox  
 conservationis non est vocabulum sensu vacuum. Ipsius conservatio-  
 nis perseverantia, & constans effectus, nexum aliquem intercedere  
 probat inter voluntatem Dei & vitæ meæ prorogationem. Deus ex  
 sententia mea non est extensus, sed nobilissima mens, intelligendo, &  
 volendo actiuosa. Intellectus Dei res non producit, sed voluntas.  
 Voluntate ergo Dei fit, ut vivam. Hæc voluntas non est nuda vellei-  
 tas, sed voluntas cum potentia & effectu conjuncta. Quomodo au-  
 tem probabitur, Deum, sive animam mundi, vitam omnibus largien-  
 tem, unam cum hominibus & animalibus substantiam fieri? Quibus  
 ex principiis hoc demonstrabitur? Num forsan adsunt testimonia me-  
 ridiana luce clariora? Proferantur ergo; anima illa mundi vel Impe-  
 rio Dei obnoxia, *Locro* tamen §48. dicitur *δυσμικτός*, difficulter susci-  
 piens

piens mixtionem : & pag. seq. *ἀν συνέλαστο ὁ Θεός*, quam ipse Deus exornavit. Demonstrandum igitur est vel *testimoniis* vel *ex principiis Platonis*, Deum alia ratione se cum mundo conjungere non posse, quam per commixtionem & coalitionem in unam eandemque substantiam.

XXXV. Ostendimus hactenus, minorem propositionem non inferre id, quod contendit Illustris Vir. Sed nec major propositio probari potest. Quod si enim *Platonis* & Platoniorum Scripta diligenter evolamus, clarissimum erit, non unum in divinis dari principium, sed tria diversa, gradibus perfectionis inter se distincta. Invenimus *Deum των παντων Δημιουργον*; *τον νυν*, seu æternum aliquod *παράδειγμα* rerum intellectualium; *animam mundi*, substantiam a primo & secundo diversam. Primum excellentius secundo, & secundum tertio; singula tamen *Platoni Θεός*. Quid autem ex hac sententia sequitur? Tum, inquit pag. 315. *Plato erit Tritheita*. Sit ergo *Tritheita Plato*. Ergo non est *Spinofista*. Qui enim tres per se subsistentes naturas agnoscit, non unicam dari substantiam fatetur. Tu vero (inquit,) tandem fateri cogeris, tertium Deum esse conjunctum cum rebus omnibus, nisi simul & primus sit & secundus. Imo vero fateor, animam mundi, tertiam illam substantiam, quam *Θεον* etiam appellat *Plato*, omnia fecundare, ire per omnes terras, tractusque maris, cœlumque profundum &c. num igitur probatum est, etiam Deum vel mentem idem præstare? Dedi enim, quod jubet D. G. pag. 316. cuique principio suam hypostasim. Deus, nobilissima mens, per se existit; *νῦν* per se existit; anima mundi omnia transiens per se existit. Deus ergo, seu mens prima, non est conjunctus cum materia; secundum principium non est conjunctum cum mundo; ergo restat tertia substantia anima mundi. Optet (ita pergit,) sententiam quæ placet: det cuique principio suam hypostasim: adimat rursus, & ex tribus unum conficiat: omni a latere nil lucrabitur. Erit *Deus in omnibus*, & cum omnibus, sive mundi animum dicat, sive cum Spinoza Deum simpliciter nomet. Liberalitate Cl. Viri usus sum. In priore argumentatione supposui, Deum & animam mundi unum idemque esse; neque tamen probatum esse vidi, Deum ideo cum mundo unicam fieri substantiam. Hoc in loco tria illa principia a se distincta esse posui. Probandum igitur est, primum & secundum principium etiam cum mundo conjungi, quando animam mundi materiæ aliqua ratione conjunctam concessero. Petitur, inquit, ut hac singula probem distinde, inane est ac

Cccccc 2

pban-

*phantasticum*. Mihi vero illi deridendi videntur, qui non sine supercilio *Dictatorum* instar quælibet effutiunt, & onus tamen probandi a se rejiciunt. Sine dubio vinceret *fortissimus Antagonista*, si tria illa principia in unum conjungerem, & postea *ardissime cum materia* copularem. Sed testimoniis, testimoniis inquam perspicuis opus est ad utramque suppositionem probandam. In transitu heic mentionem faciam retorcionis, quam Sect. 84. a se amoliri conatur *D. Gundlingius*. Pag. 931. *dissertat. mee* inter alia contra ipsum hoc usus sum argumento: Si materia ex sinu Dei expulsa fuit, & anima mundi subtilissima est materia, idemque cum primo & secundo principio, quod contendit *D. Vir*: tum falsissima est hypothesis *Gundlingii*, quia argumentum plus probaret, quam probandum erat: probaret enim, in *Systemate Platonis* intellectuales substantias nullas dari, quod universæ philosophiæ Platonice contrarium est. Hanc *argumentationem injustam* esse, ait, quoniam animam mundi materiæ Cartesii primæ similem esse dixerit, non ipsam materiam subtilem. Et ut immane hoc discrimen capiam, ita sese explicat *Humanissimus Vir* pag. 317. Similitudo minime facit, ut comparatum cum re fiat illa ipsa res, ad quam componitur. *Conferat natus dilectæ Sponse a Solomone turri, quæ se extollit in monte Libanon*: propterea vero natus iste, utut egregius, non est turris in Libanon. Puto me a te iri intellectum: nec nasum Sponse te commixturum esse cum turri. Σοφως. *Elegantissimi Vir Ingenii* hæc dicere non potuisset, nisi in re tanti momenti ad *Sacras Literas* provocasset. Ad rem ipsam quod attinet, perinde est, utrum hoc argumentum admittat nec ne; neque enim illi innitor. Hoc tantum dicam, *me bis in dissertat. mea* dixisse, *Cl. Virum* animam mundi materiæ subtilissimæ Cartesii similem esse perhibere, quod tacendum non fuit. Interim fateor, me nondum videre, in quo peccaverim. Statuit, a Deo ☿ ex Deo omnia emanasse, effluxisse, materiam e sinu Dei projectam, ubi emanatio sit, ibi fluxum proprie dictum locum habere, adprobat sententiam *R. Simonii*, *adherentis*, veteres per intelligentias substantiam igneam intellexisse, λαγανον Platonis (pag. 350.) in igneam abire substantiam, mentes nostras decerptas esse ex divinitate, ☿ ex his omnibus unicam fieri substantiam. Nescio igitur, ubi maneant substantiæ intelligentes. Et quod animam attinet, comparavit illam materiæ subtilissimæ Cartesii, vel respectu corporis subtilis, vel respectu rapidissimæ agitationis; quocunque sensu summat, anima illa mundi corpus erit. Si dicat, illam quaquaversum rapidissime ruere, mentem tamen esse a materia secretam, tum frustra

toties

toties totiesque ad fluxum, ad separationem provocaret. Sed uti dixi : huic argumentationi non inhæreo, licet nihil, quod alicujus momenti sit, regerere possit *Doctissimus Vir*. Interim ut suspicionem a se amoliat, Sect. 86. aperit, quid de animis & intelligentiis Platonice sentiat ; fatetur, eas esse divinæ naturæ consortes, decerpta animæ mundi, sive Dei ; provocat ad quæstiones Platonice *Plutarchi*, unde concludit, differentiam inter animam mundi, & inter Deum talem esse, qualis inter totum & partem. Proferamus autem locum *Plutarchi* integrum, uti de conclusione rite judicare possimus. Pag. 406. quæstionem illam proponit : Τι δη ποτε τον ανωτατω Θεον πατερα παντων και ποιητην προσειπεν ; — ή διαφερε πατηρ τε ποιητη, και γεννησεως γενησεις. ως γαρ το γενηνημενον, και γεγονεν, ε μιν αναπαλιν, ετιως ο γεννησας και πεποιηκεν. εμψυχη γαρ γενεσις ή γενεσις εστι. Και ποιηται μεν, εις οικοδομος, ή υφαντης, ή λυρας δημιουργος, ή ανδριαντος, απηλλακται τε γενομενον εργον. ή δε απο τε γεννησαντος αρχη και δυναμις εγκεκραται τω τεκνωθεντι, και συνεχει την φυσιν, αποσπασμα και μοριον εσαν τε τεκνωσαντος. επει τοιουν ε πεπλασμενοις ο κοσμος, εδε συνημωσμενοις ποημασιν εοικεν, αλλ' εστιν αυτω μοιρα πολλη ζωοτητος και θειοτητος, ην ο Θεος εγκατεσπερεν εφ' εαυτε τη υλη και κατεμιξεν, εικотως αμα πατηρ τε τε κοσμη ζωη γεγονοτος, και ποιητης επονομαζεται. Τυτων δε μαλιστα της Πλατιστος αποτομωμων δοξης, επισησον ει κακει λεχθησετωι πιθανως, οτι δυοιν οντων, εξ ων κοσμος συνεστηκε, σωματος και ψυχης. Το μιν εκ εγεννησε Θεος, αλλα της υλης παραγωγμενης, εμορφωσε και συνημωσε, περασιν οικεισις και σχημασι δησας και ορισας το απειρον. ή δε ψυχη, νε μεταρχασα και λογισμα και αρμονιας, εκ εργον εσι τε Θεο μορον, αλλα και μερος. εδ' υπ' αυτε, αλλ' απ' αυτε και εξ αυτε γεγονεν. i. e. cur supremum Deum omnium Patrem *Ὁ Opificem* appellavit ? — aut interest aliquid inter Patrem ac Opificem, procreationem *Ὁ ortum* ? Sicut enim quod procreatum est, id omnino etiam ortum est, non vicissim : ita qui genuit, is etiam fecit. Ortus enim animati, est procreatio. Tum Opus ab Opifice confectum, ut edificatore, textore, lyre fabro aut statuario. prorsus ab Authore suo abscedit. Vis autem *Ὁ principium* procreantis insita est progenies, ejusque continet naturam, portiuncula quedam a genitore avulsa. Quando itaque mundus non efficitur aut compactis operibus similis est, sed magna ei inest pars vitæ atque divinitatis, quam a se Deus materie inseruit atque admiscuit : haud injuria juxta *Ὁ Pater* mundi, qui vivens extitit, *Ὁ Opifex* appellatur. Hæc cum maxime ad Platonis sententiam accedant, considera, an *Ὁ hæc* probabiliter dici possint. Cum mundus constet e duabus

partibus, corpore & anima; corpus quidem non genuit Deus, sed a materia exhibitam conformavit ac concinnavit, suis terminis ac figuris devinciens definiensque infinitum. Anima autem mentis, rationis, concentusque particeps, non opus modo, sed & pars Dei est, neque ab ipso facta, sed de ipso extitit. Ad hoc testimonium Plutarchi sequentia noto: Primum; explicationem vocis Patri subtiliorem videri quam vererem. Innumera sunt Græcorum & Latinorum Poëtarum testimonia, in quibus Jovem omnium rerum Parentem dicunt, licet de generatione tali ne cogitaverint quidem. Imo si voci huic inhærendum esset, causam non viderem, cur ad corpora hæc generatio sese non extenderet. Secundo; quamvis multum tribuam Viro *πυγμαίεστος*, major tamen penes me est *αὐθόρις* Platonis & T. Locri. Plato in *Timæo* & *Locrus* ex professo originem rerum omnium describunt, hujus tamen emanationis animæ mundi ex Deo mentionem non faciunt. Nemo igitur mihi vitio vertere possit, si de explicatione Plutarchi, *Viri alias doctissimi & Platonicæ Philosophiæ peritissimi dubitarem*. Dicit Plato in *Timæo*, Deum animum in medio mundi collocasse, corpore circumdedit, originem non pandit; imo verba adfert, quæ nullam ejusmodi suspicionem in nobis excitant: *Τὴν δὲ δὴ ψυχὴν*, inquit, *ὥς νῦν ὕστερον ἐπιχειρήμεν λεγὲν, ὅτως ἐμυχανήσατο καὶ Θεὸς νεώτερον*. i. e. *Sed animum haud ita, ut modo locuti sumus, molitus est posteriorem & juniorem*. Vox sane *ἐμυχανήσατο* nullam emanationem denotat. Iterum: *Ὁ δὲ Θεὸς καὶ γενέσσι καὶ ἀρετῇ πρότερον καὶ πρεσβύτερον ψυχὴν σώματος ὥς Δασμοπὴν καὶ ἀρεξυὸν ἀεζόμενα συνεστήσατο*. i. e. *Deus autem & ortu & virtute antiquiorem genuit mundi animum, eumque ut Dominum & Imperantem obedienti præfecit corpori*. Provocat quidem Cl. Vir ad vocem *γενήσας*. Sed respondi jam dissertat. meæ pag. 947. voces *γενήσας, ποιήσας, τεκταίνεσθαι, μηχανήσας, δημιουργήσας* frequenter & promissue quidem adhiberi a Platone in hoc negotio. Et ne videar solus pertinaciter huic meæ adferti in inhære, provoco ad Ab. Gravium, quem Sect. 28. sententiæ suæ testem esse perhibet. Is Lib. III. Cap. XI/III. pag. 569. ita de mundi anima loquitur: *Hæc vere mens omnia bætenuis de animo dicta tuetur: Dei scilicet consilium fuisse, naturam perfectam formare, quam excellentissima virtute circumdaret exornaretque, ita ut quemadmodum & ipse divina sua virtute creasset naturam, ita & ipsa natura, velut Dea quedam, creatum illum ordinem atque potestati suæ reliquum efficax gubernaret*. Distinguens naturam, quam & improprie aliquando Deum vocat, a *Δημιουργῷ* sive Opifice Philosophus, ut in *Philebo*

pag. 28. legere est non uno loco, nec separat naturam a Dei Imperio, aut eternam simpliciter constituit, sed naturæ vim mirabilem & constantem agnoscit, cujus nutu & imperio res singulares quotidie procreentur, ita ut inter omnes mutationes ipsa immobilis maneat. Nequaquam, inquam, eam naturam et rerum creaturarum numero eximit; sed toties inculcat, eam esse a Deo factam & ejus esse ministrum, nec non causam propriam, sed συνάρτιον. Neque veram ei Divinitatem, sed ἐπισκευασθην in Politico tribuit; que mens ejus e vocibus subinde γεννησόμενα & γεννητα, νεωτερα & oppositis τα αει, αυτοαι & &c. additis patescit, & ipse Timeus in Autographo Deum formæ & materie principium, naturæ autorem vocat. Ita Gravius. Tertio: Si Plutarcho concedam, eam esse sententiam Platonis, tum nihil aliud sequitur, quam hoc, intellectualem quandam substantiam a Deo & ex Deo ortam modo nobis hominibus imperiscurabili. Probandum, hanc animam dein cum mundo ita esse connexam & copulatam, ut unam eandemque cum mundo efficiat substantiam. In eadem Sectione Plutarchus haud obscure hoc ipsum negat. Quivis nostrum, inquit, intus vitalem vim mortali ac dissolubili corpore continet. In mundo contra a principe parte, & semper eodem modo se habente, corporea perpetuo conservatur natura in medio sita. Et vero diversis modis sensibile & sola mente perceptibile dicuntur individua esse, nullamque admittere partitionem. Illud ob exiguitatem, hoc ob simplicitatem ac sinceritatem, & quod omnis privationis expers est atque differentia. Quin & alioquin solidum est corporeis rebus judicare de incorporeis velle. Quarto: Verba illa Plutarchi corpus non genuit Deus &c. satis superque ostendunt, Plutarchum adseruisse, duo dari ex mente Platonis æterna & per se subsistentia principia; igitur non una tantum datur substantia.

XXXVI. Cl. Vir Sect. 88. & 89. detorquet sententiam meam, ut habeat, quod exagitet & carpat. Cl. Viri verba hæc sunt: Quocunque te convertas, trinitas Platonis aut monstrum evadet, aut nominalis tantum Trinitas dicetur. Fac enim ideam a primo Ente diversam, tum omnes idee relique ab idea & emanantes separatim existent, quod Aristoteles objecit Magistro, & absurditatem continet. Respondi pag. 937. ita: Supponamus, Platonem dixisse, ideas omnium rerum esse in Deo & quidem a Deo ipso, tanquam singulares quasdam substantias, distinctas. Num adeo monstruosa est hæc opinio? Queritur itaque, utrum sententia de subsistentia τα λογικα & idearum monstruosa & absurda sit. Ille vero initio Sect. 88. ita ait: Id vero penitus absurdum est, quod Apologeta κατ' ἀνθρώπων in me obvertit. Nam cum scripisssem, ambiguum videri, an Plato attributa ipsa

ipsa descripserit ὑποστατικῶς, ac λόγος, ἰδέα, ψυχή, designent tantum sapientiam, voluntatem ac potentiam divinam: quærit is, sit ne hæc opinio adeo monstruosa? in quo, quam is κεινομενον ignoret, suo se indicio prodit. Ita patet, quam candide mecum egerit Vir Illustris. Interim dum carpit, docet. In eadem enim Sectione præclare monet, attributa Dei esse ipsum Deum, potentiam Dei ipsum Deum; sapientiam Dei ipsum Deum. Vix tamen hoc monuit, denuo meam ignorantiam circa ideas in apicum profert. Sect. 89. *E simili penu, inquit, venit, quod Apologeta de ideis foris dat. Mox etenim de ideis divinis nihil se intelligere, mox extra Dei intellectum eas positas facilius putat defendi, mox quomodo eadem res diversa ratione ita modificari possit, ut sit aliquando arbor, planta, anima, capi posse negat: ipse baud dubio infans, quid loquatur scribatve. Quamvis facile pati possim, ut alii me errasse dicant, humanum enim est errare; abjecti tamen animi esse puto, ferre, ut quæ recte dicta sunt, sine ratione in alienum sensum trabantur. Ei, qui pendet a rebus levissimis, (non mihi, non sapientiæ amanti) plausum immortalitatem, sibi solum mortem videri necesse est. Quæstio erat, utrum λόγος attributum Dei sit, an vero substantia per se existens. D. Vir posterior negat; inde enim sequi, ideas omnes per se existere, quod monstruosum & absurdum. Respondi, non adeo absurdam mihi videri hanc sententiam. Addidi pag. 937. dissertat meæ: mea opinione ignoramus prorsus, quid sint ideæ, nedum uti, qua ratione in Deo esse possint, definire possimus. Necessario hæc mihi addenda videbantur, quandoquidem adeo absurda visa est singularium idearum subsistentia. Dixi itaque in genere, mihi videri, nos ignorare, quid sint ideæ. Dixi insuper, illos, qui communem sententiam, nimirum omnes ideas in Deo esse modificationes mentis divinæ, defendunt, forte, forte inquam, iisdem difficultatibus involutos, ac illos, qui ideas extra mentem Dei existentes, Deo tamen ab ætero arctissime conjunctas tuentur. Non igitur hanc sententiam probabiliorẽ priore esse dixi, uti contra mentem & aperta verba mea hoc mihi imputat. Verum, est addidi: perspicere me non posse, qua ratione divina & nobilissima mens ita modificari possit, ut arborem, piscem &c. referat. Existimavi hæcenus, omnes nostras de ideis Dei ratiocinationes niti analogia, quam instituimus cum ideis mentis nostræ. Dux autem sunt præcipue (cæteras jam non moror) Philosophorum de idearum natura sententiæ. Quidam putant, ideas esse modificationes mentis nostræ: alii, ut Lockius, Clericus, eas a mente distinguunt, dicuntque, eas esse immediatum contemplationis nostræ objectum;*



ctum ; interim nos, quid sint, nescire. Argumenta utriusque partis non referam. Transferamus hæc ad Deum. Aut ideæ Dei sunt perfectissimæ mentis modificationes ; aut aliquid ab Essentia Dei remotum, sed quod Deus ab æterno jugiter contempletur. Si prius, vellem mihi modum ostendi, qua ratione mens nobilissima ita modificari (liceat sermone Scholasticorum uti) possit, ut plantam, animal quoddam, referat. *Non nego*, in Deo esse, seu Deum ideas omnium rerum, etiam corporearum, habere ; *neque absurdam esse illorum*, qui hæc profitentur, *sententiam* ; sed *hoc tantum*, *abstrusior* esse illam *materiam*, quam ut *distincte explicari possit*. Si vero extra Deum sunt, & contemplationis divinæ objectum sunt, atque per se existunt, quid sint, & quomodo æternæ esse dici possint, nemo perspexerit. Quod si tamen *subtilissimus Vir* majorem lucem huic argumento adferre possit, quam hæctenus *Arnaldus, Malebranche, Lockius* attulerunt, quammaxime sibi devinciet *Orbem Eruditum*. Si autem, quid sint ideæ, ignoramus, neque definire possumus, utrum in mente nostra sint, an extra mentem, existimo etiam de ideis Dei certi nihil adferri posse, atque adeo *majori argumentorum robore opus* esse ad probandum, *sententiam* illorum, quid ideas per se subsistentes tuerentur, *monstruosam esse*. Hæc addenda erant, ut Lector sentiat, quo jure *D. G.* adserat, absurde doctrinam de idels ad hoc argumentum tractam esse. Interim perseverat in opinione sua, nimirum τὸν λόγον *Platonis* nonnisi abstractione mentis a Deo & anima mundi distingui, atque adeo ipsum Deum cum omnibus substantiis mundi sese conjungere. De quo, ut verbum addamus, necesse non est. Verbo tantum meminisse juvat eorum, quæ de *Cudworthi* sententia dixeram. Statuit ille cum *Proclo* *duplicem animam mundi*, quarum *una* nihil commercii habeat cum rebus terrestribus, *altera* vero omnia pervadat corpora. Contendit *Cl. Gundlingius*, quod si vel maxime vera esset *Cudworthi* sententia, nihilominus tamen systema *Platonis* iisdem implicitum fore difficultatibus, quia anima illa superior etiam ex Dei essentia emanaverit. Ad hæc respondi p. 940. differt. meæ sequentia: *Cudworthi opinionem tueri nolo, quamvis, si Veterum testimoniis probari posset existentia duplicis illius anime, non adeo in angustias conjectum putem Cudworthum, uti quidem existimat Cl. Gundling.* Hæc mea verba Sect. XC. ita Interpretatur ; *putat is, Cudworthum non adeo fore spernendum, si sua e Platonis voluminibus probasset. Quod idem est, ac si dicerem, Zimmermannum victoriam reportaturum, nisi in proba-*

tione defecerit. Mirum non est, plerosque ab Eristicis Scriptis legendis abhorre: paucissimi enim disputantium candide adversariorum sententias in medium proferunt. Gundlingius dicit: Cudworthum, etiamsi probasset duplicis illius animæ existentiam, Platonem tamen ab Atheismo liberare non posse. Ego: si probare posset existentiam testimoniis veterum, in tantas angustias conjectum haud fore. Num autem hoc idem est ac dicere, Cudworthum victoriam reportaturum, nisi in probatione defecerit, cum vel allatis veterum testimoniis nil tamen lucrari Cudworthum supponat D. G. (\*) Socratem, quem D. Gundlingius æque ac Platonem Sect. 91. Atheismi postulat, defendere nolo. Dudum enim summi Viri innocentiam hac in parte demonstrarunt doctissimi Viri. Expectabo, quæ de Theologia hujus Viri in medium prolaturus sit Gundlingius. Dixi quædam huc facientia in dissertat. de præstantia Religionis Christianæ collate cum Philosophia Socratis.

XXXVII. Cl. Vir Sect. CXII. conqueritur, me hinc inde evagari, & committere vitium ratiocinationis, quod Logici vocant ignorantem τὰ ἐλεγχῶν. Videamus de utroque. Cl. Vir dixerat, τον λόγον ex mente Platonis a Deo ipso non diversum. Respondi, Eruditissimos Viros ad hucdum dissentire, utrum λόγος Platonis sit substantia per se existens atque æterna, an vero attributum tantum Dei. Conclufi inde, non posse Gundlingium sententiam eorum, qui ideam a Deo ipso non separant, tanquam certam supponere, & in præsidium causæ suæ trahere. Num hic evagatus sum? Nescire nos pergit, (ita loquitur D. G.) quæ sit cogitatio divina; eoque recentiorum quorundam opinionem refellit, qui ideas Dei ab ejus natura non putant distinctas: siquidem refellendi vocula congruat inaniter ratiocinanti. Nam eos putat hoc argumento in fugam dari, quod triangulus, de quo Deus cogitat, ad essentiam ejus pertinere minime possit. Exemplum de Triangulo attulli pag. 955. non vero 936. & ibi de alia re sermo est. Ibi enim quæritur, quomodo anima mundi, aliquid Deo imperfectius, a Deo tamen oriri possit. Dixi, probandum esse, Deum in infinita sua natura nil completi posse, quam quod ad Essentiam perfectissimam necessario pertineat. Ad-

didi,

(\*) De duplici anima mundi, quam post Juniores Platonicos finxit Cudworthus, vide erudite differentem Cl. Mothemium ad Cudworth. Tom. I. pag. 680. seq. negat ille Platonem duplicem ejusmodi animam admisisse, causasque ostendit, cur Platonici in hanc sententiam descenderint; interim nobiscum consentit, illam animam mundi non ejusdem cum Deo naturæ esse; sed illam a Deo progeneratam, Imperioque Dei subiectam esse.

didi hæc verba : *Communiter Philosophi omnium rerum ideas in Deo esse ajunt , eas esse æternas & immutabiles , sed tamen a Deo non distinctas , continebit igitur Deus in se aliquid , quod ad perfectissimam ejus essentiam aliquatenus non pertinet. Deus quidem perfectissime cogitat & agit. Sed si idea illæ sunt aliquid non nihil , cogitatio Dei , quatenus rem imperfectam refert , v. gr. triangulum , eo ipso necessario ad essentiam Dei non pertinebit. Hæc autem non attulli ad sententiam illorum , qui ideas Dei ab ipso Deo non separant , refellendam , sed ut pateat , non adeo absurdam esse eorum sententiam , qui putant , aliquid in Deo esse posse , quod ad perfectissimam tamen naturam necessario non pertineat. Interim patet simul , inde a pag. 936. ad pag. 955. saltum fecisse Cl. Virum. Forte hoc est evagari ? Sed veniamus ad rem , & audiamus , qua ratione D. G. probaverit , me ignorantiam τῆς ἰδεῶν commississe. Ignorat , inquit , bodiernos Philosophos id solum velle , cogitationem Dei esse ipsum Deum , seu supra scripsimus de potentia ejus. Istud vero , quod Dei potentia producit , nemo unquam divinæ naturæ adglutinavit. Itaque exemplum trianguli vane adducitur. Quantum est , quod ignoramus ! Quæritur , utrum nostro concipiendo modo aliquid in Deo esse possit , quod ad perfectissimam essentiam Dei non pertineat. Dixi , modernorum judicio omnium rerum ideas in Deo esse. Videri autem , hanc vel illam singularem ideam , seu divinæ mentis modificationem , ad essentiam Dei non pertinere : quandoquidem perfectissima Essentia Dei sine hac vel illa idea concipi potest. Non igitur quæritur de cogitatione Dei in genere , quatenus Deum tanquam substantiam perfectissime cogitantem consideramus , sed de hac vel illa singulari modificatione mentis divinæ. Neque etiam quæritur , utrum hæc vel illa res singularis a Deo producta ad essentiam Dei pertineat , quod nemo sanus unquam creditit ; sed utrum repræsentatio illa sive idea , v. gr. trianguli , ad essentiam divinam constituendam necessario requiratur. Res objectæ , inquit , de quibus Deus cogitat eminenti modo , non pertinent ad ejus naturam & vim , sed cogitatio divina in genere est , veluti reliqua ejus attributa , ipse Deus. Sed nec hic questionis statum intelligere vult Gundlingius. Non enim quæritur de objectis extra Deum existentibus , sed de ideis seu repræsentationibus illis , quæ res singulares referunt. Nemo non novit , Leonem non pertinere ad naturam Dei , licet ipsius Leonis ideam habeat Deus. Quæritur duntaxat , utrum idea Leonis æque necessario ad perfectissimam Dei naturam pertineat , ac pertinet infinitus in-*

tellectus, aliaque attributa, sine quibus Deus ne quidem concipi potest. Rem exemplo, ut non possim non intelligi, illustrabo. Cogito jam de *D. Gundlingio*: hæc cogitatio, quæ animæ meæ observatur, dicitur idea. Idea hæc est modificatio quædam mentis meæ, (ex horum enim sententia hic loquimur.) Hæc autem cogitatio in specie ad naturam mentis meæ non pertinet. Licet enim *D. Gundlingium* existere nunquam cogitarem, nihilominus tamen habuisset mens mea facultatem intelligendi. Cogitatio autem in genere, sive attributum essentialiale mentis nil distincti refert. Transferamus hæc ad Deum. Deus est nobilissima mens: inter attributa ejus est perfectissimus Intellectus: ejus intelligendi rationem ad analogiam mentis nostræ referimus: dicimus, Deum omnium rerum ideas habere: quumque aliunde sciamus, eas nec per sensus, nec per reflexionem ortas esse, dicimus, eas in Deo semper existere. Deus igitur habet, ut omnium rerum ideas, sic in specie etiam *Gundlingii*. Quæritur itaque, non utrum perfectissimus intellectus ad naturam Dei pertineat, neque an Deus rerum singularum, ita & *Gundlingii* ideam habeat; sed utrum singillatim idea *Gundlingii* ita necessario ad perfectissimam Dei essentiam pertineat, ut hoc negato Deus non sit Deus, seu perfectissima mens. Sed majus profert. *D. G. ignorantia meæ specimen p. 332. Sic imperite, inquit, idem de idearum æternitate rationes init, quam prorsus negat, nisi omnes idee in singulari ad Dei essentiam referantur. Nunquam enim bene perpendit, quid intelligant Philosophi nostri ævi, ideas rerum æternas & immutabiles pronuntiantes. Neque enim male docent, ideam Leonis qui statuunt æternam; sed absurde inferrent; ergo Leo est æternus, ergo est essentie divine, aut Dei de Leone cogitantis portio. Gratias ago quantum possum maximas subtilissimo Viro, quod me edocuerit, quid sibi velint Philosophi, quando dicunt, essentias rerum esse æternas: gratias ago, quod Exemplum adduxerit, quo res illa illustratur, ostendendo in specie ideam leonis & leonem ipsum quammaxime differre, neque sequi, æternum esse leonem, quia idea leonis æterna. Interim vellem, ut *D. Vir* locum ostendisset, in quo idearum divinarum æternitatem in dubium revocaverim. Tria de hac materia dixi. Primum est, difficile conceptu esse, quomodo hæc vel illa singularis idea, quæ in Deo esse dicitur ab æterno, æque NB. necessario ad Essentiam Dei pertineat, ac perfectissimus intellectus. Secundum, cum ideæ rerum corporearum in Deo sint, difficulter intelligi posse, quomodo mens divina ita modificari possit, ut arborem, piscem &c. referat. Quomodo mens nostra rerum*

rerum corporearum ideas habeat, nemo explicare poterit, multo minus igitur certi quicquam definire licet in rebus divinis. *Tertium* ita exprelli p. 955. *Si idea ille sunt immediatum contemplationis Dei objectum, in Deo quidem non existentes, Deo tamen tanquam mundus aliquis intelligibilis conjunctæ, haud facile concipere possumus, & quid sint, & quomodo æternæ esse possint, nec tamen ad essentiam Dei pertinere. Non negavi igitur æternitatem idearum, ut earum immutabilitatem, sed rationcinatus sum partim ex opinione eorum, qui ideas modificationes mentis nostræ esse putant: partim eorum, qui extra mentem eas esse dicunt; concludendo, ex utraque sententia sequi, nos nescire, quomodo ideæ in Deo esse possint, imprimis rerum corporearum, & quomodo, tanquam divinæ mentis modificationes, res singulares referre, & tamen ad perfectissimam essentiam Dei necessario pertinere dici possint. Hæc non tanquam propositiones mathematicæ evidentie proposui; sed dubitanter tantum, eumque in finem, ut ostenderem, quammaxime debilem esse cognitionem nostram de ideis divinis, neque Platonis sententiam adeo monstrosam esse, uti quidem putavit D. G. Utrum autem Plato ejusmodi ideas per se subsistentes dari crediderit, alia est quæstio, quæ perspicuis testimoniis probari debet. Cl. Vir non tam solidum (ita enim loquitur p. 333.) Platonem fuisse putat, ut crediderit ideas per se subsistentes; & licet J. Thomasi centum loca adferret, quibus hoc probaret, se sexcenta in contrarium allaturum. Nimirum ita sapiens fuit Plato, ut ideas res per se subsistentes esse, credere non potuerit; sed tamen ita desipere, ut omnes creaturas, plantas, arbores, felos, canes, lapides &c. divinæ essentie partes esse crediderit, imo omnes hujus mundi partes simul sumtas Deum, unicam illam substantiam, absolvere; quæ Spinozæ, & Platonis etiam, si Gundlingio credimus, sententia fuit. Quodsi interim sex perspicua loca sexcentorum loco D. Gundling. allaturus est, quibus probetur, Platonem λογον, & ideas per se subsistentes substantias non credidisse, locaque in contrarium allata solverit, tum in posterum cum eo firmissime credam, τον λογον & ideas ab ipso Deo ex mente Platonis non differre.*

XXXVIII. Sequitur jam maximum ignorantie meæ indicium, adeo ut tandem cum uxore illa Terentiana mihi exclamandum sit:

— — Nunc hoc te obsecro,  
Ut meæ stultitiæ in justitia tua sit aliquid præsidii:

Pag. enim 334. ita ait *Vir summus* : *Emanationem is admittere detreſcat, creationem non audent ſubjicere ; igitur heſitat, & tandem ad modum incomprehenſibilem ſaltu inſolito ſeſe tranſfert. Quid ſi concedamus, inquit, p. 954. non minus Platonem, quam nos ignorare, qua ratione imperfeſtius quid, quale eſt anima mundi, ex Deo emanare poſſit. In quo ſe admodum deridendum propinat Apologeta. Cum diſputatio ſit de origine trium illorum principiorum Platonis, conceſſi gradationem quandam locum habere in principiis illis tribus. Primum eſſe *τον παντων Δημιουργον*, ſecundum *τον λογον*, tertium *animam mundi*. Platonici Juniores plerumque aſſerunt, ſecundum a primo, tertium a ſecundo ortum eſſe. Dixi, in *Timeo* Platonis & *Locro*, ubi ſedes præcipua hujus argumenti eſt, aſſertum hoc de trium principiorum emanatione nullibi perſpicue deſigniri ; conceſſurum me tantisper liberaliter hoc aſſertum, & viſurum, utrum ea abſurdorum portenta inde emerſura ſint, qualia neceſſario inde deduci poſſe putat *D. G. Fundamenti* loco poſui, tria illa principia eſſe ſubſtantias intelligentes, a materia alienas, adeo, ut in illa emanatione omnis partium compoſitio & ſecretio ſeparanda ſit : hoc ſuppoſito dixi, etiamſi a mente divina anima mundi emanaret, nondum tamen inde ſequi abſurda illa conſectaria : addidi dein illa verba jamjam adducta ; quid ſi concedamus, non minus nos quam Platonem ignorare &c. Hoc vocat *Cl. Doſtor Illepidum & riſu dignum aſſertum*. Quare tandem ? Quia, inquit, loquitur de illis progreſſionibus, tanquam ipſe omnia ſciret, & creationi omnium rerum interfuſſet ; igitur ad ignorantiam Platonis confugere me non poſſe. Hoc illud eſt, cur riſum non teneant amici. Non jam dicam, *Cl. Gundlingium* perſpicua loca e *Platone*, Platone inquam, non attuliſſe, quibus ſuam ſententiam probaret ; annon potuit Plato aliquid ſtatueret & garrere, quod ipſemet tamen explicare non potuit ? quot ſunt, qui tranſubſtantiationem defendunt, neque tamen monſtroſam propoſitionem explicant ? Num confidentia, qua quidam, etiam Philoſophi, ſua decreta proferunt, ſignum eſt, eos recte ratiocinari ? Si *Systema Spinoze* defendit *Plato*, uti exiſtimat *D. Vir*, num explicare poterit modum, ſecundum quem omnia certo numero, pondere, & meſura condita ſunt ? Debuiffet ſine dubio *Plato* modeſtius loqui, atque tacere de iis, quæ ignorabat ; ſed cum hoc factum non ſit, & eum de rebus obſcuris locutum eſſe, in aprico ſit, nemo a me poſtulare poteſt, ut explicem, quod ipſemet ignoravit. Licet enim *Philoſophus* & *Polyhiſtor* etiam, ſi antiquis credimus, fuerit, hoc tamen non impedit, quo minus multa ignoraverit, de quibus*



bus tamen, ut sapere videretur, loqui voluit. Verissimum enim est sæpe illud Ingeniosissimi Moth. Vayerii dictum: *Dans ce grand Hôpital des incurables, il n'y a point de plus foux, que ceux, qui veulent guerir les autres.* Sed pergit Illustris Vir: *Quin magis adhuc insicetum videtur, dum probationem exigit; Deum in infinita sua essentia nihil completi posse, quam quod ad ejus essentiam necessario pertineat. Probandum enim foret, Deum non esse compositum. Quod si id serio postulet, ne in philosophia æque ac Theologia tenuissimos fecisse profectus videbitur.* Unde sequentia: *quis scit, utrum Deus ab æterno voluerit, ut simul in se, modo nobis homuncionibus impervestigabili, existant substantiæ quedam intelligentes, deum suo tempore ex Deo proditura non quidem uti partes Dei emanantes, quibus tamen emissis, Deus non minus perfectus esset, quam antea? majorem adhuc vanitatem, an insicetiam dicam, arguunt.* Velim Lectorem observare, me egisse de tribus intellectualibus principiis Platonis, præcipue vero de anima mundi. Ut quam insiceta sit assertio mea, quam non instar Doctoris, sed dubitanter & conjiciendo tantum, proposui, velim sequentia observari. Primum est; *hec ad controversiæ nostræ summam haud pertinere; quæritur, utrum ex sententia Platonis unica tantum detur substantia, quæ Deus sit. Ostendi, materiam esse per se subsistentem & æternam, neque ullo vinculo necessario cum Deo connexam. Secundum; dixi, juniores præcipue Platonicos adserere, tria illa principia a se invicem orta; perspicua tamen hujus rei testimonia in Platone & Loco non observari. Tertium; illam ipsam emanationem ex Deo ita comparatam, ut omnem partium separationem, quæ in corporibus tantum locum habet, excludat. Quartum; nos naturam rerum Spiritualium obscurissime tantum nosse, proprietates quasdam mentis nostræ nobis cognitæ, cætera omnia ἀδύνα esse; debilem præprimis esse nostram cognitionem de natura Dei, quæ infinita & inenarrabilis est. Non possum sine dubio testem invenire ad hoc probandum meliorem ipso Gundlingio. Is autem Gundlingianorum parte 14. pug. 327. & seq. ita de hac re loquitur: *Homo finitus est, Deus infinitus: ratio ædis terminis circumscripta, Deus nulli termino inclusus. Et pugnant tamen illi, & omnem movent lapidem, & tuentur omni modo, Deum posse comprehendere. Quomodo? Fac videam. An ratione, an imaginatione? Quicquid intelligimus finitum est; quicquid imaginamur finitum est, divisibile in partes magnitudine præditum finita. Quo ruis Luci? an capis infinitam vim, infinitam potentiam, infinitum tempus? Sin minus, cur insultas mortuo Leoni, cur vellis barbam? Audi, in Deo concipimus æternum nihil.**

Putas

*Putas te aliquid percipere, percipis nihil* (quibus tamen verbis pag. seq. in notis substituere jubet hæc : *nos in Deo nihil concipere positive, aut quid sit Deus specialiter & perfecte atque integre.*) Omnis Theologia naturalis, quam jactas, in demonstrationibus de Dei existentia subsistit. Critbro aquam hauriunt, qui ulterius se proripiunt, & in vias Scholasticorum perfectionis & negationis se recipiunt. Quid sentis, queso, cum ais, Deum esse immortalem, falli nescium, corruptionis omnis expertem? num tibi propterea essentia ejus nota? Si scio, te non esse Bucephalum, non Hippocentaurum, non Chameleontem, non Elephantem, non Cajum, non Titium, an exinde scio, te esse Paulum? Et si hoc cognoscam, quid est tandem, quod te constituat Paulum? an hæceitas, illeitas, isteitas? An forte Paulitas? Nolo cruentis Realium & nominalium misceri pugnis. Prosteor, NB. me nihil de Dei essentia nosse; vocabula sunt, quibus ludimus, termini meri, quibus fruimur. Eadem superlativorum ratio est. Hi propterea adhibentur, quia per partes non cognoscimus, quod volumus cognoscere. Hætenus Gundlingius. Quis autem unquam confidentius de hac re locutus est? Et tamen ridiculum & inficetum est, quando ego dixi, & quidem conjectando tantum, posse in inenarrabili natura Dei aliquid concipi, quod ad essentiam ipsius necessario non pertineat. Quintum; Deus potest, quicquid nullam repugnantiam involvit; seu quicquid nos tanquam possibile concipere possumus. Sextum; ut æternitas Dei, ita infinita ejus natura nobis est parum cognita; absorbetur quasi mens contemplatione infinitæ & æternæ ejus naturæ. Septimum; quicquid existit præter Deum, non necessario existit, sed voluntate ejus omnipotentissima. Octavum; Deus potest ab æterno velle, ut existat aliquid præter se, natura sua imperfectius. Nonum; per mundum intelligo non solum omnia corpora simul sumta, sed & omne spatium. Decimum; Deus potest ab æterno velle, ut existant quædam intellectuales substantiæ, quæ cum nec locum, nec spatium requirant, & mundus demum in tempore conditus sit, sine confusione aut loci repletionem sunt, ubicunque sunt. Undecimum; Deus ergo velle potest, ut ab æterno in infinita & inenarrabili substantia, modo nobis hominibus imperperutabili, existant intellectuales quædam substantiæ voluntate sua productæ, & prorsus ab ipso diversæ. Duodecimum; potuit igitur & animam mundi in se continere, & demum suo tempore aliis vestitam proprietatibus mundo præficere. Decimum tertium; hæc anima mundi, uti clarissime ex *Timeo* & *Locro* patet, imperio Dei submittitur, & tanquam substantia a DEO distincta consideratur: po-

tuit



tunc igitur etiam a Deo ab omni aternitate habere suam originem, neque tamen cum Deo Unum esse. Ostendendum ergo *Cl. Viro*, hanc aternam substantiarum intelligentium subsistentiam, *meram involvere contradictionem*. Hæc tamen non eo animo dico, ac si mentem illam adfingam Platoni, aut omnia hæc animo illius obversata, minime omnium quasi credam, e modo res in Deo revera subsistisse. Hoc tantum volo, cum Plato tria principia agnoverit, gradibus perfectionis inter se distincta, neque tamen perspicue, qua ratione hæc orta putet, definiverit, subsistendum hæctenus esse, neque absurdas consequentias inde deducendas. Cum autem *Cl. Vir* ex concessis Platoniorum principiis ad absurdum argumentetur, existumans, hæc omnia per emanationem proprie dictam facta, adeoque naturam divinam in partes esse scissam, atque cum materia copulatam, neque modum aliquem concipi posse, quomodo divinum a divino oriri possit, dixi, nos debilem & quammaxime inadæquatam de Dei infinita natura habere cognitionem; neminem apodictice demonstrare posse, nil in Deo esse posse, quam quod ad perfectissimam naturam necessario pertineat; ex æterno illius Naturæ abyssu quasdam intellectuales substantias oriri posse sine detrimento naturæ divinæ. Hæc omnia dubitanter tantum, ut modestum decet, proposui. Si quando enim *suspensio gradu* in ratiocinando procedendum est, tum maxime id fieri debet, cum de *natura Dei infinita* & *eius attributis* sermo est. Videamus tamen, quomodo modestam illam meam conjecturam absurditatis convincat. Pag. 335. ait: *Aut Deus continet illas substantias tanquam a se distinctas, & aliunde vitam ac naturam suam indeptas, aut a se vita, ratione & motu animatas*. Si prius, a Deo non omnia sunt producta, quod absurdum. Sin posterius, Deo similia sunt, atque ex eo, qui continet, & prodierunt, & sunt, & in eo consistunt, atque aliquando in lucem emittuntur. Ita subtilissimus Gundlingius. De priore propositione sermo non est, sed de posteriore: probare igitur debuisset, posteriolem contradictionem involvere. Sed nil probat, nisi hoc, Deo ita similes fore illas substantias intellectuales. Similes sunt, quatenus sunt substantiæ intellectuæ, sed non sunt ex essentia divina ortæ, sed, ut supposui, Dei voluntate productæ; ex eo igitur non ortæ, sed per eum, voluntatem nimirum divinam, quæ causa esset existentiz eorum & essentiz. Hoc postremum, inquit, quam absurdum sit, multo tolerabilius tamen videtur, quam primum, oppido crassum commentum: Deum in se completi substantias per se & a se existentes. Hæc nunquam mihi in mentem venerunt, & figmentum est

Eeeee

Gund-

Gundlingii. Aperte dixi, quæri, utrum Deus voluerit, ut existant &c. Ita cum magna minatur Excellentissimus Vir, extricat tamen nihil.

XXXIX. Pergamus ad Sect. 94. dissertat. meæ: pag. 955. ita locutus sum. Nos Christiani credimus S. S. Trinitatem non nominalem, sed quæ aliquid distincti involvat; dicimus, filium esse a Patre ab æterno, & cum eo. Spiritum Sanctum procedere ab utroque, æque tamen æternum & perfectissimum esse; quis autem modum hujus distinctionis explicet? Probare hoc exemplo volui, adeo naturam Dei nobis perspectam non esse, ut quamlibet distinctionem & emanationem in Deo impossibilem dicere liceat. Quid ad hæc Excellentissimus Gundlingius? In quo quam sit simplex, (& talis sum sensu latinissimo) rursum apparet dilucide, Recte enim atque integre affirmatur, Filium esse Deum, Spiritum S. esse Deum; ac sola hypostasis distinctionem efficit. Ego vero non dixi, in quo distinctio illa sita sit; ignoro enim, ut verum fatear, quomodo Pater, Filius & Spiritus S. inter se distinguantur; distinctionem tamen aliquam intercedere, nos dubitare non sinunt oracula divina, quibus merito adsentimur, licet modum non explicant. Firmissime interim persuasus sum, doctissimum Gundlingium nescire, quam potestatem habeat hoc in loco vox ὑποστάσις. Denotat enim aliquando substantiam. At tres substantias a se diversas non habemus. Si dicat, illam denotare subsistentiam, tum distincte explicare non potest, utrum hæc diversitas ὑποστάσεως sit solius rationis, an realis inter substantiam & substantiam, substantiam & proprietates, proprietates & proprietates & modos. Verbo, dicimus in Deo esse tres personas, neque tamen distincte, quid sint personæ, definire possumus: aut si definimus, ad hoc mysterium explanandum nullo modo transferre possumus. Voce igitur ὑποστάσεως nil aliud voluit, quam distinctionem aliquam in Deo locum habere. Idem ego asserui. Sola differentia in eo posita est, quod ego ingenue fassus sum, distinctionem illam mihi prorsus ignotam esse. Ille vero, ut ignorantiam tegeret suam, adhibuit vocem ὑποστάσις. An tu, vero, inquit, enuntiabis sine pudore, aves esse Deum, lupum, arborem aliaque animalia? Ubinam gentium sumus? quæstio est de tribus principiis, (liceat ob rei impenetrabilem naturam hac voce uti,) quæritur, utrum distinctio quædam in Deo locum habeat, & ille me interrogat, utrum credam, aves &c. esse Deum. An ego omnes creaturas hypostasi tantum seu modo subsistendi inter se distinctas esse dixi? an ullibi adfirmavi, talem esse in rebus Creatis distinctionem, qualis in divinis locum habet? Odi consequentiarum fabricatores

*Es arceo. An sola bypostasi (ita me interrogat summus Vir) Elephas, Paulus, Petrus & J. Zimmermannus differunt? Respondeo: aliud est, Excellentissime Doctor, cum de substantiis creatis loquimur, aliud cum de Deo loquimur. Sine dubio Wolfius, Gundlingus & Leibnizius differunt, tanquam tres substantie per se subsistentes, diversissimis proprietatibus distincte, non solum a se invicem, sed & a Deo. Sed talis distinctio, realis quammaxime & substantialis, in divinis locum non habet; neque vox illa tua υποστασις distinctionis modum patefacit. Cum Platonici tres υποστασεις αληχικας esse dixerunt; tres substantias gradibus perfectionis distinctas intellexerunt; talis autem non est in Trinitate Christianorum. Sed mysterium hoc est, inquis. Imo vero, quis negat? sed hoc mysterium non est, si dicam, in inenarrabili natura Dei dari aliquam distinctionem, licet distinctionis illius modum ignorem. Loquuntur Christiani de eterna quadam generatione filii, & processione Sp. S. nemo tamen hactenus hoc explicuit, quia mysterium est. Hæc generatio tamen, hæc processio, nullam contradictionem, nullam alterationem aut partium divisionem in Deo efficit. Annon inde sequitur, etiam sensu Christianorum in infinita Dei natura dari aliquam distinctionem, & varietatem, ut ita dicam? Quando vero D. Vir ait: Ego vero cum aliis me acutioribus maxime perspicue cognosco, divinum seu Deum non solum sustentaculum rerum sensilium non esse, sed & ab intelligentibus rebus omnibus consistere separatam & naturam & υποστασις: prorsus me habet consentientem. Quando enim haud impossibile esse adserui, ut in infinita Dei natura quadam substantiæ intelligentes subsistant, manifestissime supposui, eas a Deo productas & ab eodem distinctissimas esse. Ac sicuti (ita pergit D. G.) vero immanis error est, Christum dicere creatum, non generatum; ita non minor est insipientia, omnia adfirmare generata, cum generatio contineat emanationem, emanatio inducat similitudinem rationem naturæ omnimodam. Loquimur jam de mysterio S. S. Trinitatis; filius dicitur ab æterno generatus. Sed cum ita loquimur, difficulter, quam potestatem habeat vocabulum generare, explicare possumus. Nullum enim est in rebus humanis exemplum, quo hæc explicare possimus. Sufficit, quod omnem, quæ in rebus humanis circa generationem occurrit, imperfectionem removeamus. Alio vero sensu hoc vocabulum sumimus, cum de rebus humanis sermo est. Ad nauseam dixi, Platonem, quando mundum γινωσκον dixit, non intelligere emanationem ex divina essentia, sed productionem, exornationem. Neque ullo argumento probavit D. G. mundum ex mente Platonis*

tonis, vel materiam, e sinu Dei ejectam. Cum autem idem Plato de tribus principiis loquatur, & aliquam gradationem in iis locum habere adferat, licet quid sibi velit minime explicet, tantisper iudicium cohibendum esse puto, usquedum naturam Dei, & sententiam Platonis magnus aliquis Doctor clarius, quam hactenus factum, explicuerit. Supra docui, primitivæ Ecclesiæ Patres in mysterio divinitatis Filii explicando diversis vocibus usos, quæ in sensum alienum trahi possent, nisi ipsimet præsidium quasivissent in infinita Dei natura. Quando Illustris Leibnizius, æternum Germaniæ Ornamentum, in princip. Philosophie, Actis. Erudit. Lips. Tom. VII. Supplem. Sect. XI. insertis, inter alia ita locutus est: *Deus solus est unitas primitiva, seu substantia simplex, originaria, cujus productiones sunt omnes monades create & derivativæ, & nascuntur, ut ita loquar, per continuas divinitatis fulgurationes, per receptivitatem creaturæ limitatas; Viri Eruditi phrasin illam, per continuas divinitatis fulgurationes, deteriorem in sensum non acceperunt. Doctissimus Crellingius in Examine eorum principiorum ita de hac Illustris Viri propositione loquitur: Elegantissime Autor cum antiquissimis Philosophis Deum unitatem primitivam & creaturas omnes derivativas appellat, simul autem in sequentibus modum productionis creaturarum, seu creationis, quantum ex lumine rationis indagari potest, ostendit, ajens: Creaturas oriri per continuas Divinitatis fulgurationes. Loquitur autem auctor noster de emanatione quadam generatim ita dicta, vel quasi, (ne putes aliorum Systematis Emanationis Patronorum somnia & omina hic recipi) quam per fulgurationem quandam imaginationi & per eam intellectui vult sistere clariorem. In nostro quippe orbe sol radiorum suorum perpetua emissionem quandam quasi divinitatis aduossimæ imaginem & Christianis & Gentilibus Philosophis præbuit, ipseque S. Literæ Deum lucem adpellant. Ita Crellingius interpretatur modestissime inusitatam Illustris Viri sermonem. Ita faciunt Viri Candidi, & ignorantie nostræ circa divina memores.*

XL. Circa finem dissertationis meæ Celeberrimi Wolfii, Viri sane doctissimi, partes in me suscepi tuendas contra Illustræm Gundlingium. Respondi quin etiam ad singulas quæstiones Gundlingianas. Responsiones autem meæ inficetæ denuo videntur Viro perspicacissimo. Videamus paulisper quo jure, licet Doctissimus Wolfius auxilio meo minime indigeat. Repetam autem quæstiones summi Viri. Quid derivatur quæso? Respondi: derivatur anima mundi, essentia quadam intelligibilis a mente, & mens illa a Deo, Rectore omnium rerum, divinum quid a Deo, sed

*sed non ut pars a toto ; modum autem ignoro , quia Dei natura non intime mihi perspecta est . Cur autem displiceat hæc responsio Excellentissimo Viro ? Audi : quando enim , inquit , primum respondere molitur , nihilne emanare possit a Deo nisi divinum , ad silentium citatis passibus currit , & modum emanationis se ignorare trepide fatetur , ne in insidias querentium incidat . Quæstio est de tribus principiis Platonis , & quidem ex mente eorum , qui primum secundo , secundum tertio originem dedisse contendunt . Putavit autem Illustris Vir , interrogationes illas ita esse comparatas , ut Doctissimus Wolfius nihil prorsus reponere possit . Ego non ita sentio . Respondi igitur directe , animam mundi oriri a mente seu secundo principio , divinum quid a divino : modum me ignorare dixi , & adhuc dico . Quæ enim ignoro , lubentissime fateor . Plato , si ea fuit ejus sententia , explicare non potuit , ejus igitur non minus , quam Cl. Wolfii nomine respondi . Sequitur quæstio secunda Ingeniosissimi Viri . An dividitur Deus ? Respondi minime . Deus ex mente Platonis non corpus , non divisibile quid , & quod partes habeat ; sed mens illa sive idea orta est a Deo , emanavit ex infinita Dei essentia , cujus infiniti cum ego capax non sim , creatura arctissimis limitibus circumscripta , modum determinare non possum , neque tamen illam impossibilem adserere . Num forte hæc responsio placet subtilissimo Viro ? Minime . Eadem , inquit , *Φλυαρία* deprehenditur , quando is ad quæstionem , utrum divinum , quod emanat , sit dividuum , an individuum ? reponit , emanare aliquid ex divina essentia , sed modum latitare . De quo interea sententiam nondum est rogatus . Mirum est , me ideo vapulari , quod plus regefferim , quam æquissimus Vir postulavit . Respondi , Deum non esse ex mente Platonis dividuum , & hoc ex me quærebat : addendum autem putavi , me modum ignorare , quia dixi λόγον esse a Deo : cujus originis & derivationis modum ignoro . Necesse igitur putavi , ignorantiam meam fateri . Et hoc tam liberale additamentum adeo displicet Moderatissimi Ingenii Viro , ut dicat pag 339 . Ignoscet , spero , si hunc morem dicam morum , atque hunc respondendi modum valde arbitrer infestum . Imo vero ex animo ignosco . Perspecta enim mihi dudum est Illustris Viri urbanitas & ingenii Elegantia . Ignosco igitur , ignosco . Sed nondum satis est disputatum . Sect. 96. de novo me ad pugnam provocat . Adesdum Zimmermann , paucis te volo , ut quam miserum defenso-  
rem in te nactus sit Cl. Wolfius tute intelligas . C'en est fait , mon heu-  
re est venuë . En adsum tamen Vir Excellentissime ! dedo aures in di-  
tionem tuam !*

*Tuus enim, quid optes,  
Explorare labor, mihi iussa capeffere fas est.*

*Putas quippe, (ita me homuncionem alloquitur Amplissimus Vir) Deum permanere eundem, tametsi aliquid ab ipso emanet: quod ferri tantisper posset. Illico autem os illidis in scopulum (adeo nil tutum ab infidiis) præacutum, quando causam per emanationem venum exponis pro causa efficiente exornante externa: quin periculosius laberis, cum permanens a Deo, quod est mens, & simili ratione a mente procedens, quod est anima mundi, infusum rebus sensibilibus ac diversimodis temperatum credis, sine suspitione discriminis, quod impendet religioni. Ita enim divinum peccat &c. Mihi sane vel reluctanti incidit illud Poëtæ: Parturiunt montes. Mera enim sunt repetitiones supra jam ad nauseam allatæ & refutatæ. Tædet tandem repetitionum; breviter ergo dico: Gundersium non probasse ex Platone, duo illa principia, mentem & animam mundi, a Deo orta; non probasse, animam mundi nonnisi abstractione mentis a primo principio distinctam; non probasse, animam mundi omnia pererrantem in unam cum mundo substantiam transmutari; non probasse, emanationem in intellectualibus sine partium divisione locum habere non posse. Hec omnia cum nondum probaverit Ingeniosissimus Vir, mirum non est, si repetitiones illas parvi æstimo. Admitto tamen Doctissimi Viri conclusionem: Quamobrem bene conjecit Zimmermannus, Cl. Wolsium responsurum forte accuratius. Adhucdum enim in ea sum sententia, Cl. Wolsium, Virum solide doctum, majori argumentorum pondere Subtilissimi Viri objectiones refutaturum, siquidem in arenam descendere vellet. Est enim is, (non ego) ex numero illorum militum, quibus triplex circa pectus æs est. Cum talibus enim, non aliis, congregari optat fortissimus Antagonista, uti patet ex ultimis Difsertat. ejus verbis. (\*)*

XLI. Et hæc sunt, quæ ad Cl. Viri dissertationem, contra me conscriptam, adnotare volui. Nullus dubito, quin multi judicaturi sint, examen hoc meum prolixius esse, quam rei momentum postulat; agi enim de re non magni momenti: parum interesse cætus sacri, Republicæ Litterariæ, utrum Plato *Athens* fuerit nec ne. Ego vero non diffiteor, potuisse me *horas* huic argumento *impensas* longe melius collocare.

(\*) Conferantur cum iis quæ de Theologia Platonis hæc disputata sunt, Celeberrimorum Virorum, Cudworthi, Moshemi, Brukeri & aliorum eruditæ meditationes, præsertim quæ ad Trinitatem Platonice examinandam faciunt. Nos in multis respectu hujus quæstionis breviores fuimus, data opera.

*locare.* Sed quandoquidem placuit *Cl. Gundlingio*, dissertationem meam *prolixo examini* subicere, non potui multas ob causas, quas hic recensere nolo, prorsus silere. Postquam autem semel animum ad scribendam apologiam appuli, *necessitatem* mihi impositam esse perpexi, cuncta accurate examinandi. Nolui igitur perituræ parcere chartæ; sed cuncta, quæ alicujus momenti videbantur, perpendere; nolui *Cl. Viro* ansam dare *conquerendi*, me *fortissima*, quibus innititur, *argumenta* silentio præteriisse. Has enim querelas frequentissime moveri audimus in *mutuis Eruditorum concertationibus*: *rara est enim fides disputantium*: non minus hic *stratagematibus locus*, quam in bello. Veniam igitur dabit Lector prolixitati meæ, & repetitionibus, quas evitare non potui. *Cl. Autor* identidem ex arrepta semel hypothese argumentabatur, testimoniaque, ut fieri solet, eo trahebat, hinc repetitiones non semel ortæ. De re ipsa judicium sit penes *eruditum & candidum Lectorem*. Illi, qui extra partes sunt constituti, melius poterunt de controversia nostra judicare, quam nos, quos *partium studium* aliquando impedit, quo minus *verum* cernere possimus. Ego quidem quammaxime operam dedi, ne præjudicatis opinionibus locum aliquem concederem. *Sed homo sum, nihil humani a me alienum puto*: omnes sumus contentiosi homines: omnes semel arreptas opiniones lubentes defendimus, & difficulter adducimur, ut fateamur, nos errasse: *Sydis illud pestilentissimum, ambitio, nos omnes adflavit*. Non igitur victoriam ante triumphum canam; lubens aliorum judicia audiam, & meliora edoctus *retractationes* cum *Augustino* scribam. Perinde mihi est, utrum *Cl. Gundlingius* meæ sententiæ album calculum adjiciat, nec ne. Licuit semper incolumi dissentire amicitia. Quod si denuo placeat *D. Viro* in campum descendere, per me licet. Hoc unicum rogo, ut in posterum, posita omni *verborum acerbitate*, mecum agat. Velim sibi persuadeat, sibi rem esse cum homine *non quidem erudito*, nedum *superbo*, sed *veritatis & pacis amantissimo*. *Disseria* animum ad iram & æstum provocant. Ut *innocenti*, sic *irato* verba *invenire*, quibus se tueatur, facile est. Non opus est *excellenti ingenio* ad alios perstringendos & *Italico aceto* perfundendos, sed ad *injurias illatas* *equo animo* perferendas. *Habet & musca splenem*: est & *formice sua bilis*: etiam *mitissimi ingenii homines*, cum alii *lapides loquuntur*, non possunt semper *byssina reponere verba*. Et quid lucramur tandem *disseriis*?

*Cedimus inque vicem præbemus crura sagittis;*

*Ludi-*

*Ludibrio nos exponimus Viris sapientibus, & Eruditionem in contemptum adducimus. Poterit igitur & hanc Apologiam Cl. Vir examini subijcere, argumenta argumentis, siquidem eum errare putavero, opponam, & equitate, modestia, candore cum eo certabo de palma, adeo, ut quæ modo pugnabant, jungant sua rostra columbæ. Eum in finem heic publice Cl. & Historiæ philosophicæ peritissimum Virum rogo, ut si quæ habeat ad Institutum meum promovendum facientia liberaliter communicet. Ego omni officio; ac pietate me Ei devinctum esse; testabor.*





MEDITATIO SACRA,  
 COMPLECTENS SALUTARIA QUÆDAM  
 MONITA, AD VERUM ET LEGITIMUM  
 S. CŒNÆ  
 USUM PERTINENTIA.

PARS PRIOR.

SECT. I.



Um non perinde sit, qua ratione Sectatoribus Jesu Christi Soteris nostri, Articuli Religionis christianæ & Cærimonix Sacræ explicentur & tradantur; simul vero certum sit, multos Christianos angustissimo S. Cœnæ Sacramento abuti, sinistrasque de legitimo usu ejus fovere opiniones, Doctorum publicorum

Proponitur  
 in medium  
 Scopus Au-  
 thoris.

est, eo conniti, ut S. M. Candidatis mature satis ostendant, non solum quæ natura sit hujus Sacramenti, & quis finis ejus scopusque, sed & ut ipsos edoceant, qualis sit S. Cœnæ efficacia, quidvel efficere vel non efficere possit in animis piorum & impiorum; quantum utilitatis ea adferre possit legitime hoc Sacramentum usurpantibus; qualis sit genuinæ præparationis ad S. Cœnam ratio, & sic deinceps. Atque hoc eo magis necesse est, quoniam eheu! quotidiana experientia constat, multos Christianos vitiis immerfos plane, contra conscientiæ vocem & testimonium, S. Cœna tanquam antidoto, ad peccata sua excusanda, uti; alios vero a S. Cœna plane abstinere, quia sinistras de præparationis ad augustum hoc Sacramentum indole, statuque eorum, qui digne eam celebrare tenentur, habent opiniones, quarum origi-

F f f f f

nem

nem infra detegam. In animum igitur induxi, in gratiam Auditorum meorum, quædam de hoc argumento in chartam conjicere, ipsisque certas quasdam *cautelâs* præscribere, quarum, si memores erunt, cavebunt, ne, si quando S. Ministerio admovebuntur, sinistras de usu S. Cœnæ fovendi opiniones occasionem Auditoribus suis suppeditent, contra vero operam omnem dabunt, ut omnia, quæ ad hoc argumentum spectant, Auditoribus suis dilucide exponant, eaque inculcent, quæ ad legitimam & rationi & Evangelio convenientem celebrationem hujus Sacramenti facere possunt. Duo vero, antequam ad rem ipsam progredior, in antecessum moneo. Prius est: In hoc loco nullam habitum iri rationem concertationum, quæ occasione verborum institutionis S. Cœnæ inter Protestantes ortæ sunt, quoniam quæstiones hæc toties sunt, (& utinam semper ita, uti Theologos Christianos deceret) ventilatæ, & a Reformatis Doctoribus in tanta luce collocatæ, ut nihil ad plenam demonstrationem, quantum nempe natura hujus negotii permittit, addi posse videatur. Et profecto, nisi præjudicatæ opiniones, & quarundam formularum rigor obstarent, persuasus sum, plures dissentientium fratrum, illos saltem, qui animo tranquillo & veritatis cupido negotia Religionis tractare solent, nostræ sententiæ album adjecturos calculum. Interim in laudem fratrum Lutheranorum fatendum, plerosque hodie Theologos huic familiæ addictos, mitius de nostra sententia sentire, & a durioribus verbis, quibus plerique olim contra Nostros disputantes, usi erant, prorsus abstinere. Posterius est: Nos *Cautelas* illas non in gratiam Veteranorum Theologorum & V. D. Ministrorum, qui meditatione & praxi melius, quam nos de hoc argumento edocti sunt, in medium protulisse. Hi enim consiliis nostris opus non habent; sed monita hæc dare volumus Studiosis Theologiæ, & V. D. Ministris Junioribus, quoniam in prælectionibus publicis ob angustias temporis non omnia tradere possumus, quæ pio & prudenti Ministro circa hoc negotium observanda sunt.

Agitur de  
præstantia  
& dignitate  
hujus argu-  
menti.

II. Cum omnes articuli Religionis motiva ad pietatis studium suppeditare debeant, singillatim monstrandum est, idem dici etiam posse de cærimoniis N. Testamenti. Jam vero ante omnia manifestum est, Sacramentum Sacræ Cœnæ sua sese simplicitate commendare. Sane Religionis Christianæ præstantia ex eo etiam probatur, quod paucissimis ritibus & cærimoniis contenta est. Quo magis enim homines ab iis, quæ in oculos incurrunt, abstrahuntur, & contra ad amo-

rem

rem rerum cœlestium commoventur, eo fortiora sunt ad cultum rationalem Deo præstandum Incentiva. Jure autem de S. Coenæ usu affirmari potest, quod non solum ritus ille sit simplex valde, sed & sua natura aptus, ad veram pietatem christiano homini instillandam. Hic non reperias magnum cærimoniarum apparatus; non lingua ignota natura hujus ritus sacri exponitur; nullæ insolitæ Ministrantium gesticulationes & demurmurationes; sed brevi & perspicua oratione ex ipsius cærimoniæ indole & natura, finis hujus Sacramenti traditur. Et quid tandem simplicius, & captu facilius est; quam hoc; nimirum, panem, quem edimus & vinum quod bibimus, denotare passionem cruentam Domini nostri Jesu Christi, qui pro nobis mortem oppetiit? Patet autem eo magis præstantia hujus sacri ritus, si ad dignitatem personæ, quæ eum ritum instituit, attendimus: Ritus certe ille non traditioni obscuræ, non Patrum antiquæ Ecclesiæ beneplacito, multo minus superstitioni, sed sapientissimæ Soteris nostri voluntati debetur. Hic vero, dum cœlestem suam missionem, doctrinæ excellentia & miraculis variis comprobari, nihil mortalibus præscribere potuit, quam quod rationi consentaneum, utile, & divinæ suæ sapientiæ conforme esset. Cum homo sapiens nihil agat sine ratione, quis credat divinissimum nostrum Doctorem & cœlitus missum Prophetam, ad observandos ritus nihil profuturos homines obstricturum? (\*) omnes insuper Christiani, si *ἀπὸ τοῦ* religionis christianæ præcipuos articulos expendere velint, fateri tenebuntur, in morte Jesu Christi, ejusque ad expianda peccata efficacia, medullam, ut ita dicam, Religionis hujus positam esse. Jam vero ritus ille S. Coenæ rem illam augustissimam ante oculos quasi præsentem sistit, causasque mortis Jesu Christi, ejus efficaciam & insignem usum, pandit. Ex quo sane præstantia hujus Sacramenti satis superque manifesta est. Hinc dubitari etiam non potest, quin homo Christianus, si ad finem illum scopumque S. Coenæ attendit, piaque & devota mente ritum illum celebrat, insignem utilitatem ex eo percepturus sit. Quamvis enim, ut ex infra dicendis patebit clarius, nemo ex ipsa fruitione panis & vini, vel etiam ex commemoratione sola mortis Christi pius evadat; certum tamen est,

F f f f f f 2

usum

(\*) Huc facit egregium testimonium Lactantii quod extat Institut. Div. Lib. IV. cap. XXIII. *Philosophi (inquit) putant, neminem adhuc perfectum extitisse sapientem, id est in quo summa doctrina ac scientia summa virtus & perfecta justitia consenserint; quod quidem verum fuit. Nemo enim post mundum conditum talis extitit, nisi Christus, qui & verbo sapientiam tradidit, & doctrinam præsentis virtute firmavit.*

usum legitimum hujus Sacramenti, fortissima ad pietatis studium suppeditare Incentiva. Quo meliora autem illa sunt, quo frequentius homini in memoriam revocant ea quæ præstantissima sunt in Religione, quo magis eum ad officia sua præstanda obstringunt, eo magis attentione omnium, qui Christum Magistrum suum & Dominum esse fatentur, res ista digna est.

Ridiculi sunt, qui dicunt, Reformatorum sententiam de S. Cœna, veris ad pietatem Incentivis destitui.

III. Ex iis, quæ in antecedenti thesi dicta sunt, patet, quam inepta sit objectio eorum, qui, quoniam Reformati carnalem manducationem in S. Cœna non admittunt, clamant, destitui Eos solido fructu mortis Christi, & perceptione præstantissimorum Bonorum, quæ exinde emanare solent; quasi vero nulla ad pietatem adessent Incentiva nisi mens, vel potius corpus, nescio quò cibo vel quasi corpore pascereetur. Imo contendimus contra, legitimum usum S. Cœnæ secundum interpretationem verborum Domini ex mente Reformatorum, motiva ad pietatem excellentissima suppeditare, quia Christianis objectum Religionis Christianæ præstantissimum Jesum Christum Soterem nostrum, eumque crucifixum, vivide repræsentat, ad amorem ipsius impellit, & ad præstanda omnia officia hominis christiani quasi trahit. At quid melius a Cærimonia divinitus instituta expectare possumus, quam hoc? Respondemus insuper hunc ritum celebrandi S. Cœnam ad essentiam religionis non pertinere, sed libere institutum, ad id quod essentiale est in in Religione repræsentandum; unde communiter Theologi dicere solent, non privationem Sacramentorum, sed eorundem contemptum, damnare Christianos. Ponamus per momentum Christum S. Cœnam non instituisse in sui memoriam, quid tandem hoc posito, nos impediret, quo minus Jesum Christum Soterem nostrum sincero corde amare, pretium redemptionis pro nobis factæ deprædicare, & omnibus pietatis officiis rite defungi possemus? Cum vero idem scopus sit celebrantium memoriam Jesu Christi in S. Cœna, quis, cum aliqua specie veri contendere auit, Reformatos destitui solido fructu, qui ex salutari usu S. Cœnæ oriri potest? Denique hoc argumentum dissentientium plus probat quam probandum erat, atque adeo nihil probat. Nemo infitiabitur, salutarem Dei cognitionem, amorem, fiduciam in eo repositam, Zelum pro gloria Dei, abnegationem sui ipsius, cæterasque virtutes christianas, actiones esse Deo placentissimas. Jam vero hæ actiones omnes morales duntaxat sunt, voluntatis nimirum operationes. Si vero, ubi corpus inusitata quadam ratione non pascitur, vera pietatis incitamenta defunt, dicendum,

dum, has ipsas recensitas virtutes actionum Deo placentium nomine indignas esse, quod nemo, qui Religionem admittit, tuebitur. Et utinam tam verum esset, omnes Christianos Reformationis sententiæ addictos legitime hoc Sacramento defungi, quam certum est, pium & devotum S. Coenæ usum plurimum ad pietatis studium conferre posse. Qui vero amplius de hoc dubitaverit, ei perpendendam dabo compendiosam & nervosam verborum Domini nostri Jesu Christi, hoc est corpus meum, &c. interpretationem, quam concinnavit i Manassis; Celeb. Werenfelsius: Existimamus (inquit) & persuasi sumus nos veram significationem & vim verborum Christi non modo non infringere, sed usque adeo retinere, ut credamus, Christum nihil significantis, nihil ad scopum suum accommodatis, nihil ad magnitudinem amoris sui, quem pro nobis patiendo & moriendo testatus est, nobis ante oculos ponendam, & nostrum vicissim erga se amorem accendendum efficacius dicere potuisse, aut unquam in vita dixisse, quam cum panem fractum discipulis edendum tradens dixit: Hoc est corpus meum, quod pro vobis frangitur, si verba nostro sensu intelliguntur. Hoc enim nobis dixisse videtur: Cum panem hunc ante vestros oculos modo fractum, accipitis a me, & editis; omnes cogitationes vestras, charissimi discipuli defigite in contemplatione corporis mei; quod jam jam pro vobis in cruce morietur, & instar hujus panis pro vobis frangetur: cogitate, me hanc mortem ignominiosam pro vobis pati, ut æternum vivatis, quemadmodum pane, qualem modo vobis fregi, ad vitam vestram temporalem indigetis: contemplamini animo suspendum hunc meum erga vos amorem, quo accensus, tantundem nunc pro vobis, ut vivatis in æternum beati, facio, quantum faceret Amicus aliquis Amico jam jam fame morituro, qui pane, quem ei frangeret, destitutus, sese ipsum panis loco, frangi & mactari juberet, ut propria sua carne amico morienti vitam conservaret. Tantum vero, tam incredibile meum erga vos amorem, ut quasi oculis cernatis, manu palpetis & ore degustetis; existimate nunc, panem hunc, quem modo pro vobis fregi, quem vobis edendum tradidi, esse ipsissimum illud corpus meum, quod mox instar panis pro vobis frangetur, crucifigetur, & in mortem tradetur. Neque vero hic subsistite, sed hoc, quod nunc vos facere jubeo, cum in cælum ascendero, vos, & qui vobis succedent Christiani, in hujus mee mortis & passionis memoriam facere pergite; pergite sancto hoc epulo hujus ineffabilis mei erga vos amoris recordari: pergite hac recordatione & tam vivida ejus representatione vicissim ad amorem mei vos inflammare: idque tam diu continueate, donec tandem ipse vivos & mortuos judicaturus, ad vos rediero. Ita eximius ille Theologus.

Ufus S. Coenae veritatem Religionis Christianae confirmat.

IV. Pondus iis, quæ jam jam diximus, addere potest observatio, quod nimirum S. Coenæ usus, simul veritatem Religionis Christianæ confirmet. Usus S. Coenæ inde ab antiquissimis, & ævo Apostolico proximis seculis receptus, & ab Ecclesiis Christianis omnibus ad nostram usque ætatem continuatus est, quod ostendit, Christianos omnium temporum existimasse, non solum insignem habere piam S. Coenæ celebrationem usum; sed eo ipso universi fatentur, verissimum, & extra omnem dubitationis aleam positum esse, Christum Jesum non solum vixisse, sed & cruentam mortem obivisse. Et profecto sæpe miratus sum, Theologos & Oratores sacros, ubi de natura, fine, & usu S. Coenæ agere solent, argumentum pro veritate Religionis Christianæ, quod ex ritu hoc sacro antiquissimo, peti potest, non trahisse, cum tamen inter argumenta historica, quibus Religionis Christianæ veritas probari solet, non infimum obtineat locum. Quamvis enim certum satis sit, primos Doctores Ecclesiæ Christianæ, quos Patres appellamus, obscurioribus verbis suam sententiam de hoc Sacramento expressisse, adeo ut *Lutherani*, *Pontifici*, & *Reformati* in suas quique sententias trahere velint Patres illos: in eo tamen conveniunt omnes, Christum Jesum in terris vixisse, passum fuisse, & in sui memoriam S. Coenam instituisse. Ipsæ illæ calumniæ contra Christianos sparsæ, undecunque ortæ, de quo hic differendi locus non est, quæ in Patrum Apologiis leguntur, probant, christianos ritu hoc sacro usos in memoriam sanctissimi Soteris nostri. Debent igitur Increduli, qui veritatem ipsam Religionis Christianæ negant, certis & ex antiquitate Ecclesiastica petitis testimoniis probare, aut ritum hunc sacrum a Christianis usurpatum non fuisse, aut aliam esse ritus hujus sacri originem, quam quæ in Scriptis Evangelistarum, Apostolorum, & primævorum Patrum perhibetur; aut concedere, ritum illum celebrandi S. Coenam, niti universali & certa persuasione de Jesu Christi dignitate, & passione. Fateor, me cernere non posse, qua ratione Deistæ causam suam tueri possint. Unde ego optarem, ut V. D. Ministri quando de fine & usu S. Coenæ agunt, etiam ad originem illius ascenderent, hæcque detecta, simul argumentum, quod ad probandam veritatem Religionis Christianæ desumi potest, urgerent fortiter. Adesse vero talia testimonia in Antiquissimorum Patrum Scriptis, nemo Eruditorum dubitat. Vide inter nostros *Albertinum*, *Larroquanum*, *Claudium*, & *J. Basmage*, qui fusissime hæc loca adduxerunt, & contra Romanenses vindicare conati sunt.

V. Quam-

V. Quamvis autem Sacramentum S. Coenæ a Servatore nostro sapientissimum in finem sit institutum, & in memoriam nobis revocet rem maximi momenti, nimirum cruentam Soteris mortem, atque adeo gravissima ad pietatem suppeditet incentiva, fatendum tamen hoc Sacramento plerosque Christianos Religioni Reformatæ (de aliis judicare nostrum non est) addictos, turpiter abuti, adeo ut exiguam efficaciam in animos multorum habeat. Sunt, sed numero pauciores, qui subterfugere celebrationem hujus Sacramenti solent. Et hi duplicis generis homines sunt. Dantur qui profano id faciunt animo. Sunt deinde homines pii, sed qui ob quosdam scrupulos conscientiae injectos, celebrationi S. Coenæ interesse nolunt. Priores ut plurimum homines sunt, qui exigua Religionis tacti sunt cura, & Deistarum vel Indifferentistarum turbæ nomina dederunt sua. Hi, nisi prius crassioribus de Religione præjudiciis valedixerint, & de veritate Religionis Christianæ, aliorumque articulorum ad veram naturam Religionis hujus cognoscendam facientium fuerint persuasi, celebratio S. Coenæ frustra commendatur. Dantur vero etiam homines pii, quorum animus variis scrupulis est per tempus obseptus. Unde illi oriantur infra disquiremus. Cum his vero familiarissime loqui debent V. D. Min. & dispiciendum, ut variis argumentis in viam reducantur, cavendumque ab una parte, ne usus S. Coenæ ultra modum extollatur, ab altera vero ostendatur, characteres pietatis, quos ipsis inesse scire possunt V. D. Ministri, non impedire debere, quo minus frequenter utantur S. Coena, quæ ad confirmandam pietatem plurimum confert, & ut celebretur a Christo est injunctum Christianis. Eum in finem legant S. Literarum Studiosi, Reverendissimi in Christo Patris *Tillotsonii*, *Archiepiscopi olim Cantuariensis* dignissimi, Sermonem Sacrum de *frequenti usu S. Coenæ*. Longe vero maxima pars Christianorum, qui S. Coenam celebrare solent, sunt Hypocritæ & homines vitiis dediti. Hi pietatis naturam & indolem, præstatione cultus externi putant absolvi, & licet vitiis nuntium mittere nolint, simul tamen inepte existimant, peccata sua, modo diligenter celebrationi S. Coenæ intersint, hocque Sacramento utantur, elui. Hinc ubi adire S. Coenam cogitant, dicere solent, se id facere, ut de salute consequenda reddantur certi. Quasi usus panis & vini, cum qualicunque recordatione mortis Christi conjunctus, hominibus certam & immotam fiduciam reconciliationis cum Deo factæ, daret. Hac periculosa valde opinione imbuti, ubi tempora celebrandi S. Coenam adesse sciunt, evolvunt libellum

Frequentissimus est hujus Sacramenti inter Christianos abusus,

bellum aliquem asceticum, viam ad salutarem celebrationem S. Coenæ monstrantem, peccatorum etiam suorum sunt memores, non ita tamen, ut ea detestentur, & serio iis valedicere velint, sed quia existimant recordatione ejusmodi opus esse, si quis certo sibi remissionem peccatorum promittere velit. Pane igitur & vino utuntur, adhibitis certis quibusdam verbis, quibuscum tam certo remissionem peccatorum conjunctam esse credunt, ac certum est, eos panem & vinum degustasse. Hoc facto, læti domum redeunt, & legunt ut plurimum eas precum formulas, in quibus pro remissione peccatorum Deo gratiæ aguntur: interim quo coeperunt pede pergunt, vitia, quibus dudum dediti erant, amare non desinunt, & ita sæpe per 30 & plures annos S. Coenam celebrare solent: quo cum fructu, cernunt omnes, quotquot in Religione Christiana non plane sunt hospites.

Inquiritur  
in mali hu-  
jus, de quo  
jamjam  
mentionem  
injecimus,  
causas. Re-  
præsentatur  
prima.

VI. Juvat autem in causas hujus mali, cujus mentionem facimus, inquirere, ut Sacri Ministerii Candidati, mature discant ea omnia evitare, quæ erroribus circa hoc argumentum occasionem suppeditare possunt. Causæ autem illæ partim sunt *externæ*, aliunde advenientes; aliæ in *fundo cordis* quærendæ. Inter causas externas primum refero *falsos conceptus de natura & finibus S. Coenæ, per auditum & lectionem acceptos*. Nimirum sæpe & Catechetæ, Concionatores, & Auctores Libellorum, in quibus de legitima præparatione ad S. Coenam consilia & præcepta suppeditantur, multis metaphoricis & mysticis expressionibus utuntur, quæ minus recte intellectæ non solum efficiunt, ut simpliciores naturam & scopum S. Coenæ non rite percipiant, sed & ut in externo usu Symbolorum toti sint defixi, atque putent, nescio quam insolitam fruitionem cum usu hujus Sacramenti esse conjunctam. Nullus equidem dubito, quin Auctores metaphoricarum illarum Phrasium bono animo id faciant, ut nimirum devotionem in animis Auditorum & Lectorum excitent. At nisi natura rei, ut in aliis Articulis Religionis, sic in hoc præcipue argumento, rite intelligatur, veri nominis devotio locum habere non potest. Ad veram pietatem ingenerandam opus est claris & distinctis notionibus: notionibus vero obscurioribus verbis expressæ verum sensum interceptiunt. Hoc certe simplicioribus evenire necesse est. Interim hoc non obstante multi sunt, qui tum demum se rite officio suo se defunctos, & partes doctorum Oratorum implevisse existimant, si innumeris flosculis oratoriis dogmata Religionis exornare, uti putant, possunt. Sæpe ego miratus sum & adhuc miror, qui fieri possit, ut nostra ætate, qua ad supremum culmen philosophicæ disci-



disciplinæ, inprimis ars cogitandi & loquendi eveſtæ fuerunt, multi tamen viri haud indocti ſingularem voluptatem capiant in ſermonibus ſacris multis metaphoris variegatis. Tales vero metaphoricæ & myſticæ expreſſiones reperiuntur in multis libris aſceticis, in quibus de legitima Hominiſ Chriſtiani ad S. Coenam præparatione agitur. Ita, ut de aliis nil dicam, ejusmodi phraſeologiis ſcatet libellus *Drelincourtii*, quo populares noſtri communiter utuntur. Nihil ego pietati & Eruditioni præſtantiſ Viri detractum volo. Melius tamen inſtituto ſuo conſuluiſſet, ſi clariore & magis perſpicuo ſermone uſus fuiſſet, quoniam ejusmodi libelli omnium captui debent eſſe accommodati. Hinc viri pietate & ſapientia præſtantes ſæpe optarunt, ut ejusmodi libelli brevitate & ſimplicitate ſeſe commendantes, extarent. Inter eos fuerat ô *Maximilien Celeb. Werenſelſius*, qui teſte Venerabili *Oſterwaldio* in literis ad me datis, dicere ſolitus erat: *Il eſt facheux que l'on n'avoit point de livre ſur la Communion, qui ſoit ſimple, populaire, clair & propre pour l'édiſication.* Et, quæ ſeculi noſtri felicitas eſt, huic virorum optimorum deſiderio ſatiſfecerunt viri ſagacitate ingenii & pietate eminentes. Prior eſt Celeberrimus *Hoadly Episcopuſ* hodie *Wintonienſis* in egregio plane libello, cui tituluſ: *Traité ſur la Nature, le but & les Effets du Sacrement de la Sainte Cene.* Alter eſt Venerandus *Oſterwaldiuſ*, *Pastor Eccleſiæ Gallicanæ Baſileenſis digniſſimuſ*, Venerabiliſ *Seniſ J. F. Oſterwaldii*, Filiuſ. Hic edidit ante bienniuſ libelluſ cui tituluſ: *Les Devoirs des Communians.* Hic ſane libelluſ ſermonis ſimplicitate, brevitate, & argumenti pondere ſeſe commendat, omniuſque ingeniiſ eſt attemperatuſ, atque eo nomine commendandus valde. Non deſuturoſ tamen ſemper, quibuſ metaphoricæ & obſcurioſe illæ loquendi formulæ vehementer placeant, perſuaſuſ ſum, quia hac ratione & pietatem ſuam & eloquentiam probari, animoſque ad ſingularem devotionem excitari exiſtimant: in quo tamen eoſ, qui artem cogitandi & diſſerendi rite intelligunt, ad conſenſuſ non adducunt. Argumenta, argumenta, inquam, ſola, perſpicuo ſermone propoſita & omnium ingeniiſ attemperata lucem veram adferunt menti. Quod ſi Scriptoreſ Sacri obſcurioſiſ paulo phraſibuſ in hoc argumento uterentur, docentiuſ eſſet clarioſa ſubſtituere, præſertim in catecheticis inſtitutionibuſ & orationibuſ ſacris, quæ publice de hoc argumento haberi ſolent. Ubi enim ſemel animuſ quando de religione agitur, in vocibuſ obſcurioſiſ acquieſcit, vix poſtea medicinam admittit. Simplicioſe certe, verba, quibuſ notioneſ obſcurioſe ex-

Gggggg

primere

primere solent, eripi sibi haud patientur. *Mature igitur S. Literarum Studiosi operam debent navare, ut de hoc argumento accuratam habeant cognitionem, & ubi ad instituendam juventutem animos adjiciunt, omnem curam atque sollicitudinem adhibere debent, ut clarissimis verbis Sacramenti hujus naturam explicant, neque ante quiescant, quam iteratis questionibus & responsionibus persuasi sunt, discipulos suos, vel Auditores, claram & genuinam habere hujus Sacramenti ideam. In concionibus sacris iisdem vestigiis est insistendum. Hoc si negligitur, fieri aliter non potest, quam ut simpliciores existiment, cum usu panis & vini nescio quam physicam & insolitam vim esse conjunctam, quæ animas miratione pascat. Hac vero opinione, si quis imbutus est, fieri aliter non potest, quam ut existimet, in ipsa externa fruitione Sacramenti hujus, præsidium & verum solamen quærendum; ad veros characteres vero, ex quibus cognoscimus, nos mortis Christi participes factos esse, parum attendet.*

Utrum liceat æquivocis & obscurioribus verbis uti in explicatione S. Cœnæ, ad unionem inter Protestantem promovendam.

VII. Dum in eo sumus, & ostendamus, quam necessarium sit, ut V. D. Ministri, in catecheticis suis institutionibus, & orationibus sacris clavis & perspicuis verbis naturam hujus Sacramenti exponant, incidit hic quæstio, ab instituto nostro non aliena, utrum nimirum ad Unionem Protestantium toties expetitam resarciendam, & promovendam, in materia de S. Cœna phrasibus generalioribus & æquivocis, quibus utraque pars dissentientium subscribere posset, uti expediat. Notissimum est, inter causas infelicitis Schismatis, quod inter *Lutheranos & Reformatas Ecclesias* intercedit, articulum principalem, exorta Reformatione Sacrorum, fuisse doctrinam de S. Cœna. De hoc articulo sequente ætate tot Volumina scripta fuere, ut ea vix integre ædes caperent. Non jam dicam, quanta verborum acerbitate, quidam usi sint, in æstu hujus disputationis positi. Non enim juvat vulnus hoc refricare, postquam præstantissimi inter Fratres, benignius de nostra sententia sentiunt. Ad sedandas illas graves funestasque lites, viri quidam docti & moderati ingenii, omnes ingenii nervos impenderunt, inter quos eminuit *Bucerus*. Hic vero ad scopum felicissime se perventurum existimavit, si operam daret, ut utraque pars subscriberet certis quibusdam formulis, generalioribus verbis conceptis, talibusque, quæ utriusque partis sententias exprimerent. *B. Zwinglius* vero noster, de verbis institutionis, & natura S. Cœna loquens, usus est clavis & rotundis verbis; laudatus propterea a *Celebri Bossueto* in *Historia variationum Ecclesiarum Protestantium* Lib. III. Sect. XIV. Idem

Idem vero Doctissimus Ecclesiæ R. Præsul, non solum in hac ipsa Historia, sed & in *expositione Fidei Catholicæ*, ex Catechismo Reformatorum, ad mentem *Calvini* adornato, probare vult, aut nescivisse Auctores Catechismi quid dicant, aut eos realem & substantialem Christi præsentiam cum Ecclesia Romana admittere. Juvat quædam adduxisse Celebris Viri, verba: Utor autem versione latina hujus Expositionis, quæ 1736. *Göttingæ* recusa fuit. Postquam Sect. 117. pag. 69. monuisset, Reformatos contendere, se nuda signa, & nudas figuras in S. Cœna non admittere, hæc addit: Perinde ac nos adserunt, Christum in Sacra Cœna propriæ substantiæ nos participes facere, Eundem nos alere, & vivificare corporis sui sanguinisque substantia. Provocat ad Dominicam 52. & 53. hujus Catechismi. Sect. 120. inquit: Nullius hic Auctoris privati testimonium adducam, sed ipsissima Catechismi verba, quo loco exponit, quæ ad Cœnam pertinent. Ibi disertis verbis ait, non solum vere nobis in Cœna Christum dari, & quoad propriam ipsius substantiam; Sed licet nobis vere & per Baptismum, & per Evangelium communicetur, tamen ex parte tantum ibi & non plene communicari. Ergo in Cœna plene & non ex parte datur. Ex parte quid, an plene accipitur, mirum quantum interest; Quare si alibi Christus semper ex parte tantum, in Cœna plene recipitur; sequitur, Adversariis consentientibus, atque ultra præeuntibus, querendam in Cœna eam participandi rationem, quæ ita sit ejus Sacramenti propria, ut neque Baptismo, neque predicationi conveniat. At simul id quoque sequitur, participationem illam a sola fide non pendere, cum fides in omnes omnino christiani hominis actus diffusa, & in predicatione, & in Baptismo, æque ac in Cœna reperiatur. Sect. 120. ad Dominicam 59. provocat, in qua hæc verba extant: Corpus Domini Jesu in quantum semel oblatum est in Sacrificium, ut nos Deo reconciliaret nobis nunc dari, ut certiores nos faciat, nos illius reconciliationis esse participes. Hæc verba Catechismi postquam adduxisset, ita pergit: Si quis his vocibus sensus inest: si non ille sonitus inanis sunt, vanumque ludibrium, id profecto significant, non nudum nobis a Christo symbolum, sed proprium corpus dari; quo certiores nos reddat oblatis ab ipso Sacrificii, ibique cum genere humano reconciliatæ amicitia nos esse participes. Hinc Sect. 130. Reformatos taxat, quod cum a Romana Ecclesia circa hoc argumentum longissime videri velint discedere, iis tamen utantur phrasibus, quæ videntur Decretis Ecclesiæ Romanæ consentaneæ. Equidem sæpe miratus sum (inquit) planiori eos via suam non exposuisse doctrinam: quid ni pergerent remotis tot ambagibus dicere, Christi

sum sui pro nobis factam sanguinis effusionem ita adumbrare voluisse, ut duo corporis sanguinisque signa daret; Eum porro bis signis rei ipsius nomen tribuere voluisse, atque ea sacra signa loco esse pignoris; quo certiores simus mortis dominicæ gratiam nobis communicatam, sacrique nos corporis & sanguinis virtute spiritualiter resciri. Postquam tanto molimine conati essent id confirmare argumentis, signa rei ipsius accipere nomen, ideoque corporis signum corpus dici potuisse, ibi consistere, neque ulterius progredi, ipsa propositæ doctrinæ series ex sese compellebat. Hactenus Bossuetus. Et profecto negare non possumus humani aliquid passos Viros in cæteris præstantissimos, Bucerum, Calvinum, aliosque, quod clarius & magis rotunde suam de natura S. Cœnæ sententiam non aperuerunt. Hinc enim novis rixis & contentionibus occasio data fuit. Successu tamen temporis factum est, ut plerique Reformati explicationem *Zwinglii*, qui sine verborum involucris, suam sententiam aperuit, amplecterentur, licet illa in summa rerum, a *Calvini* sententia non discreparet, Anglis tamen & Gallis, loquendi ratio *Calvini* aridebat. Nostra ætate tamen incipiunt etiam hi magis aperte suam sententiam aperire, prout id ex citato *Celeb. Hoadly* libello patet, qui in eodem libello etiam phrasés obscuriores de natura & indole S. Cœnæ, quibus usus est Auctor Liturgiæ Anglicanæ, explicuit. Novi quidem lites ea occasione inter Theologos exortas, atque quosdam Anglos nativam illam Reverendissimi Episcopi explicationem repudiassé, licet in summa rerum cum omnium Reformatorum sententia conspiret. At hoc mirum non est. Dudum enim experientia constat, dari Theologos, qui, ubi vident, alios clarioribus, & magis aptis verbis quam vulgo receptum est, dogma aliquod explicare, ita commoveri, ac si res ipsa in dubium revocaretur. *Hoadlyum* secutus est *Eruditissimus S. Clarkius*, prout id patet ex *Tom. IV. Sermonum Sacrorum*, quos edidit. Neque dubium mihi est, quin cæteri Theologi Angli in posterum vestigia magnorum horum Virorum pressuri sint; ubi enim disciplinæ philosophicæ, ut de Anglia notum est, florent, & ubi cuivis cordato Viri licet animi sui sensa modeste aperire non possunt non viri ingenio præstantes lucem & simplicitatem amare. Quod si jam quæratur, utrum recte fecerint *Bucerus* & alii, quod obscurioribus ejusmodi phrasibus usi sint, ad controversiam illam inter Protestantes tollendam: respondemus, nos quidem pacis studium virorum præstantissimorum laudare, neque dubitare, quin Zelo pro gloria Dei ad componendam hanc litem inter fratres inducti fuerint, finemque habuerint optimum &

& Theologis pacificis dignum ; at medium quo usi sunt , ad id quod intendebant , obtinendum , non probamus ; praterquam enim quod sinceritati christianæ minus conveniat , in re gravi æquivocis uti phrasibus , tantum abest , ut hac ratione pax sit obtenta , ut potius ex una controversia plures sint ortæ , & rixandi lubrici nova materia subministrata : ut jam non dicam , plebem , metaphoricis & mysticis ejusmodi expressionibus , confundi . Ut , quæ hic dixi , Theologorum præstantissimorum consensu confirmem , adduco multorum instar verba Celeberrimi Viri S. Werenfelsii , Theologi , omnium , qui sapiunt , judicio Sagacissimi . Hic vero postquam in dissertatione de controversiis Theologicis rite tractandis taxasset Celeberrimum Bossuetum , quod in expositione sua fidei Catholicæ minus candide doctrinam Romanensium repræsentasset , sequentem in modum disserit . Cavendum nobis etiam atque etiam est , ne artes istæ , cum candore pii & gravis Theologi pugnantes , quemadmodum illas in aliis merito culpamus , ita & nobis ipsis aliquando jure objici possint . Objecta certe sæpe nobis fuerunt a Fratribus compluribus Augustanæ Confessionis , qui vulgo Lutheranorum nomine a nobis distingui volunt . Et sane nisi in hunc ipsum , quem tantopere commendamus , candorem peccare velimus , diffiteri omnino non possumus , fuisse superioribus Seculis quosdam ex Theologis nostris , qui animo quidem optimo & plane pacifico , sed hac in re non satis circumspecte & provide agentes , semel atque iterum fratribus modo dictis majorem in nobis candorem desiderandi occasionem dederunt . Quod factum est , cum Theologi isti , ut pacem tam optabilem tamque necessariam inter nos & fratres Lutheranos conciliarent ; existimarunt , inveniendas esse hunc in finem formulas loquendi vagas , generales , ambiguas , quibus , servata qualicunque opinionum diversitate , tam Lutheri , quam Zwinglii & Calvinii discipuli baud difficulter subscribere possent . Sed si , quod res est , dicere licet , hac methodo Ecclesie Christi , plus nocuerunt quam profuerunt . Præterquam enim quod ita se magis Adversariis suis suspectos atque adeo invisos reddiderunt : quis non videt , veram pacem & concordiam neutiquam consistere , in earundem vocum syllabarum & literarum pronuntiatione , sed aut in pleno circa omnia , aut quia hoc cum ratione in hac animorum caligine sperari nequit , in sincero consensu circa fundamentalia fidei christianæ dogmata , simulque in mutua & christiana tolerantia , quoad illas opinioniones , quæ naturam & essentiam Christianismi minime constituit . Et paucis interjectis : Non possum quin hic laudem & vehementer probem quod ipse B. Lutherus quondam de S. Cœna inter se disputantibus præscripsit : *questio est* , (inquit) *an*

homo Christianus præter nudum panem & vinum ore nil accipiat, & quid ei manibus Ministri porrigatur? Hic non decet pulmentum in ore volvere, & num respondere, vel obscuris involucris venditare. Nec etiam decet sub pileo ludere, aut tenebrionem agere. Ita est, ut ais, Luther: Nihil horum graves & pios Theologos decet. Hi clare semper, aperte & candide sententiam suam proponere debent: Nunquam sucum, nunquam colores querere. Hac ingenuitate, hoc candore viros bonos alterius partis magis sibi conciliabunt, eosque ad veriore sententiam amplectendam, proniores & doctiores reddent, quam nescio quibus sententie sue pigmentis & involucris. Laudatus olim fuit, & merito, iste candor in Petro Martyre, cum in colloquio Possiaceno formula adornata fuisset, in qua tum Pontificii tum Reformati possent convenire de præsentia corporis Christi in S. Cæna, huicque formulæ collocutores ab utraque parte subscripsissent: Ipse, una cum Beza, & reliquis Collocutoribus Reformatis huic formulæ, in quibusdam ambiguae, brevem declarationem adjecit, ut, remota ambiguitate, Pontificii viderent, quam sua sententia esset. Quæ quidem declaratio etiam nunc in locis communibus Petri Martyris, in qua inter alia hæc verba leguntur, extat: Allatas formulas consensus ea ratione admitto, quia referuntur vel accommodari possunt, ad sensum jam explicatum: contra quem, si quis illas vel rapiat vel interpretetur, ab eo me profiteor dissidere. Hactenus Eximius ille Theologus. (\*) Pessimum hoc est, quod plebs, auditis illis phrasibus mysticis & metaphoricis, in eam prolatabatur sententiam, quasi cum ipsa fruitione panis & vini nescio quis inusitatus plane effectus physicus sit conjunctus. Patet hoc ex sermonibus & actionibus multorum Reformatæ Ecclesiæ membrorum.

Ex

(\*) Idem consilium suppeditat Clarissimus Limborchius extra partes in hoc negotio constitutus. Ita enim in suis Institutionibus Theologicis loquitur Lib. V. Cap. LXXI. Sect. IX. Reformatorum Sententia est: in Cæna Domini verum dari panem ac vinum, eaque esse Symbola ac signa corporis Jesu Christi a nobis fracti ac sanguinis pro nobis effusi. Hæc fuit sententia Zwinglii. Sed Bucerus, Calvinus, eorumque sequaces postea addiderunt: licet panis & vinum accipiat membrum & sensibus corporis, ipsum tamen corpus & ipsum Sanguinem Christi, vere illic esse præsens & exhiberi, ac recipi fide. Videtur illud excogitatum a Bucero, qui pacis studio ut Lutheranos & Zwinglianos inter se conciliaret, excogitavit modos loquendi ambiguos, quibus utraque pars subscribere posset, salva unicuique sua sententia. Sed conatus ille male cessit. Conqueruntur enim Lutherani de fraude Reformatum, qui, quod una manu porrigunt, altera rursus auferunt. Et reversa ut pax & concordia obtineatur, præstat proprie absque ambiguitate loqui, ac qui intercedit dissensum fateri, interimque illius momentum inquirere, quo pateat, tantum id non esse, ut propterea in partes abire oporteat: quam verbis generalibus & ambiguis dissensum dissimulare, atque interim peculiari ac diversâ verborum acceptione rursus dissensum suum prodere.

Ex *actionibus* : quando enim forte particula panis in terram cadit, miro horrore corripuntur, & sæpe in magnam propterea mæstitiam incidunt. Ex *sermonibus* : ita enim loquuntur, postquam Cœnam Sacram celebrarunt, ut manifestum sit, eos existimare, nescio quod vehiculum cum usu S. Cœnæ esse conjunctum, & tale quidem, ex cuius fruitione remissio peccatorum antegressorum necessario consequatur. *Monendi ergo V. D. Ministri, ut verborum institutionis S. Cœnæ genuinam notionem vocibus simplicissimis tradant, genuinæ celebrationis mortis Christi indolem representent, atque ostendant, quis demum verum usum ex Celebratione hujus Sacramenti capiat.*

VIII. Ut autem V. D. Minister scopum suum obtineat, cavendum, ne is phrasas vel Patrum Ecclesiæ vel Theologorum, qui nonnisi metaphorice locutionibus & rethoricis exaggerationibus, institutionis verba proposuerunt, usurpet, sed potius opera danda, ut quantum fieri potest, iis insistat loquendi formulis, quæ a Christo & Apostolis usurpatæ fuere. Cum Christus Jesus ipse sacram hanc cærimoniam instituerit, iisque usus sit verbis, quæ naturam & scopum hujus Sacramenti clare satis & sufficienter pandunt, cur hominum, qui lucem majorem dare non possunt, sectaremur phrasas & loquendi formulas, inprimis cum experientia docuerit, quo magis a verbis, quibus Christus & Apostoli usi sunt, recesserunt Christiani, eo magis etiam argumentum hoc per se simplicissimum, obscuratum fuisse? Si IV. Evangelistas, & Paulum ad Corinthios de hoc argumento agentes legamus, nihil aliud exinde discimus quam hoc : Christum Soterem nostrum, morti proximum panem & vinum discipulis suis dedisse eum in finem, ut ipsi, & secuturi omnes Christiani passionem suam cruentam religiose & grato animo sibi in memoriam revocarent, seque hac ratione ad officia pietatis & charitatis obstringerent. Ex simplici tamen hoc ritu monstroræ, ut notum est, exortæ sunt opiniones. Prudens ergo V. D. Minister, & homo christianus iis duntaxat insistet verbis, quæ a Christo & Apostolis de hoc argumento tradita sunt. Ineptum plane est, eorum velle sequi auctoritatem & decisiones, qui pluribus demum post Christi & Apostolorum discessum annis, pro arbitrio suo multa addiderunt, quorum vestigia nulla in libris sacris reperiuntur. Recte hoc observavit Reverendissimus Hoadly loco supra citato pag. 29. *Je laisse à tout Chrétien (inquit) qui agit sincèrement & de bonne foi, s'il il de la comprehension la moins heureuse, à juger, si l'on ne doit pas s'en rapporter plutôt à notre Bienheureux Sauveur lui-même dans une affaire,* qui

Phrasibus,  
quæ in N.  
Testamento  
a Christo &  
Apostolis  
usurpatæ  
sunt, insi-  
stendum est.

qui depend entièrement de sa volonté, qu'à aucun de ceux, qui ne sauroient prétendre avoir reçu leurs instructions de lui immédiatement. Qu'ils voient eux-mêmes, s'il n'y a pas plus de piété, aussi bien que de raison à croire, que Jésus Christ a suffisamment déclaré sa pensée à ses Disciples immédiats sur un établissement, qu'il faisoit lui-même, qu'à s'imaginer, qu'il a laissé se soigner à des hommes, qui vivoient cent, ou cinq cents, ou mille ou près de deux mille ans, après la première institution de ce devoir. Abstinendum ergo in hoc argumento a phrasibus, quibus Patres usi sunt, naturam S. Cœnæ explicaturi. Satis hodie constat, Eos non optimos fuisse artis cogitandi Magistros, & S. Litterarum Interpretes. Ut de aliis Religionis Articulis, sic etiam de hoc argumento sæpe rethorici sunt pluribusque obscuris & mysticis phrasibus usi sunt, atque adeo potius hoc argumentum obscurarunt, quam vero explicarunt; hinc coacti fuerunt viri docti ingentia volumina conscribere de sensu Patrum circa naturam S. Cœnæ. Quod si illi nihil adiecissent verbis Christi & Apostolorum; si rotunde & clare mentem Jesu Christi S. Cœnam instituentis, repræsentassent, si comparationes varias & metaphoricæ phrasæ omisissent, portentosum illud Transubstantiationis dogma natum nunquam fuisset. Solenne autem Patribus esse, res verbis in majus extollere, & rethoricari, ubi planissimis verbis esset utendum, integro capite ostendit Cl. *Dallaus* in egregio libello de usu Patrum. Quædam huc facientia juvat hic adduxisse. Cap. V. p. 147. sic loquitur præstantissimus Vir. Cum disputant (Patres nimirum Ecclesiæ) adversus Valentinianos aut Manicheos, videntur cum Pelagianis facere. Eadem ratione sicubi manus cum Pelagianis conferunt, videntur cum Manichæis sentire. Si adversus Arium feruntur, videntur a Sabellio minus esse alieni. Vicissim cum Sabellium adoriantur ad Arium accedere videntur, ut animadvertit Episcopus Bitontinus de Augustino inprimis. Id ipsum quotidie accidit iis, qui ad populum verba faciunt: si in avaros invebuntur, parum abest quin prodigos commendent, ubi vero prodigos ac nimium profusos insectantur, putes eos sordibus & tenacitati velificari. Sic apud Protestantes, qui inanes & evanidas illas figuras, quos Romani Sacramentarii nescio quibus commentitiis tribuunt, a se amoliantur, ii ita interdum agunt, ut prima fronte videri possint Eucharistiæ realitatem, quam vocant, statuere. Cum autem adversus Transubstantiationem, realemque inclusionem disputant, ipsos a Sacramentariis istis stare jurares. Idem de Patribus falsus est inter Pontificios Petavius Jesuita Eruditissimus, in notis ad Epiphanium p. 141. *Multa sunt*



sunt (inquit) a sanctissimis Patribus, præsertimque a Chrysostomo in homiliis aspersa, quæ, si ad exactæ veritatis regulam accommodare volueris, boni sensus inania videbuntur. Et quis nescit, rem eo devenisse, ut multi Christiani S. Cœnam usurparint, tanquam medicamentum, adversus morbos singularem vim habens. De quo argumento, i. e. usu medico S. Cœnæ singulari differtatione egit, Vir pl. Reverendus & Amicissimus, D. Gerdesius Theologus hodie Gröninganus Clarissimus. Quod de recentioribus quibusdam Concionatoribus monuit Dallæus, verissimum est. Quando enim S. Cœnæ usum commendare volunt, multa de epulis & ferculis spiritualibus, de nutrimentis mentalibus, de hospitio Christi in hominibus S. Cœnam celebrantibus fermocinantur, totque flosculis utuntur, ut simpliciores confundantur, & de fruitione S. Cœnæ ita loquantur, ac si vel sola celebratio S. Cœnæ cum aliquo pietatis affectu usurpata, solum, certissimum, & evidentissimum signum esset, hominis vere Christiani: de quo tamen infra plura. Prudens ergo V. D. Minister, ubi de institutione & usu S. Cœnæ agit, sequatur Christum, & Apostolos duntaxat, neque Patrum, aut recentiorum Theologorum rethorantium, & mysticas valde phrasas usurpantium, insinuat vestigiis; contra vero tam clavis ac perspicuis utatur phrasibus, ut Auditores etiam simplicissimi non possint non rem intelligere.

IX. Sed sunt aliæ phrasæ, & locutiones, in hoc argumento, quæ cum nimis vagæ & minus distinctæ sint, multis christianis ansam suppeditant, talia sibi attribuendi, quæ nulla ratione ipsis competunt. Sic quoniam multi audiunt S. Cœnam esse sigillum gratiæ divinæ & reconciliationis nostræ cum Deo, ex eo colligunt, S. Cœnæ usum, certissimum & infallibile signum esse animi pii, & cum Christo Jesu conjuncti; & quemadmodum per sigilla homines certi reddantur, rem aliquam ad se pertinere, sic dubium non esse, quin illi, qui participes facti sunt hujus Sacramenti, id est panis & vini, certi & persuasi esse possint omnia beneficia, quæ passione Soteris parta sunt, jure sibi competere. At valde errant hi homines. Sigillum dicitur S. Cœna aut quatenus respicimus ad fruitionem panis & vini, aut quatenus hæc elementa ipsam mortem & passionem Christi repræsentant. Priore sensu si sumas, nulla ratione usus panis & vini sigillum veræ fidei & gratiæ divinæ dici potest, quia impii & Hypocritæ æque fruuntur his Elementis quam pii. Non potest igitur igitur fruitio panis & vini certum esse signum, beneficia morte Jesu Christi parta ad eum, qui iis utitur, spectare. Ita si mihi litteræ sigillo munitæ tra-

H h h h h

dan-

Disquiratur  
quo sensu  
Sacramen-  
tum S. Cœ-  
næ dici pos-  
sit sigillum,

dantur, in quibus opima hæreditas mihi addicitur, mille autem alii easdem monstrant, iisdem sigillis munitas, colligere sane non possum, me solum legitimum esse possessorem hujus hæreditatis. Si respicias ad significationem panis & vini, denotatur mors Christi cruenta, & ejusdem meritum. Jam vero dici non potest, contemplationem hujus mortis, & persuasionem de mortis Jesu Christi efficacia, certum esse sigillum, ex quo cuilibet S. Cœnam usurpanti constet, ad se nominatim pertinere beneficia morte Jesu Christi parta. Nam etiam impii & hypocritæ possunt occasione usus S. Cœnæ de morte Christi cogitare & credere, Jesum pro hominibus cruentam mortem subiisse. Et quod ad pios attinet, possunt illi aliquando propter causas morales & physicas usu S. Cœnæ destitui; quis autem dicet, eos propterea sigillo gratiæ divinæ carere & mortis Christi participes non esse? hoc autem affirmandum esset, si repræsentatio mortis Christi in S. Cœna certum, & infallibile sigillum esset veræ pietatis, & amoris Jesu Christi. Possunt etiam pii, quemadmodum in aliis officiis christianismi, sic etiam in usurpatione S. Cœnæ aliquando peccare; possunt aliquando non ea devotione, quæ hic postulatur, S. Cœna uti, quo ipso tamen notis verorum christianorum non privantur. Sed pone, homines pios religiose celebrare memoriam mortis Jesu Christi, non tamen propter hoc solum, sigillo veræ pietatis eos munitos esse dici potest. Secundum enim Reformatorum sententiam veri christiani certissimi characteres sunt salutaris fides, pœnitentia sincera, & mandatorum divinorum observantia. At hi characteres; hoc sigillum, homini christiano inesse debent ante celebrationem S. Cœnæ. Proprie loquendo sanguis Jesu Christi, vel potius mors ejus, sigillum est novi fœderis: at de hoc non est quæstio; fatemur enim cruentam mortem Jesu Christi esse sigillum reconciliationis: hoc tantum quæritur, ex quo indicio nobis constet, fructus hujus mortis ad nos certo pertinere. Jam vero ex sola recordatione hujus mortis sive id fiat in Celebratione S. Cœnæ, sive extra eam, non possunt Christiani colligere, beneficia per passionem Jesu Christi parta ad se pertinere, nisi aliunde de hoc edocti sint. Ponamus principem per litteras sigillo munitas suo, offerre spartam, nullo tamen addito nomine personæ, quæ oblatam spartam exornaret; an quisquam sane mentis sibi nominatim soli hanc spartam oblatam contendere posset? Ita pariter neque ex usu panis & vini in S. Cœna, neque ex recordatione mortis Jesu Christi, neque ex publica vel privata confessione, mortem Jesu Christi esse

esse veram reconciliationis nostræ causam scire possumus, fructus mortis Jesu Christi nobis certo competere; sed certa illa persuasio demum oritur ex certis characteribus animi; nimirum ex sanctificationis studio, & amore Dei. Ex eo enim evidenter constat, regenerationem esse certum consequens fructuum meriti Jesu Christi; per id enim factum est, ut mens nova vita donata sit. Quod si quis voci sigilli inhærere velit dicam quosensu S. Coenæ usus ita appellari possit. Nimirum quando homo pius, occasione S. Coenæ cum ad mortem Jesu Christi religiose respicit, tum vero ad præsentem mentis suæ sanctificatæ statum attendit, recordatur, præsentibus illis externis signis in oculis incurrentibus, mortem illam cruentam Soteris sui efficaciam suam in se exeruisse, conversionemque suam Jesu duntaxat crucifixo deberi, atque ita nova quadam ratione incitatur, ad Jesum supra omnia amandum, & ad officia hominis christiani sedulo præstanda. Hoc sensu pii possunt dici accepisse *sigillum justitiæ fidei*. Atque hæc interpretatio ex principiis Reformatorum necessario fluit. Afferunt enim solam reconciliationis nostræ cum Deo causam esse meritum Jesu Christi: Hujus beneficii homines participes fieri per justificationem, sanctificationem & regenerationem: certos esse characteres, ex quibus homo cognoscere possit, utrum Sanctificatione illa, atque adeo etiam reconciliatione ditatus sit nec ne: hos characteres certos & infallibiles esse seriam poenitentiam, salutarem fidem & mandatorum divinorum observantiam: Sacramenta non esse miracula, non medicamina, non vehicula, neque causas tandem gratiæ. Ex quibus per legitimam consequentiam sequitur, propriè loquendo characteres illos animis fidelium insitos, esse sigillum illud, quo certi reddimur, beneficia per mortem Jesu Christi parta ad nos pertinere. Et profecto nisi clare & perspicue explicetur, quid sigilli nomine significetur, multi Christianorum existimabunt, aut solum usum externorum symbolorum, aut transitoriam illam meditationem mortis Jesu Christi per symbola excitatam, sigillum illud, id est, certum indicium esse, ex quo certo colligere possint, se veri nominis Christianos esse, beneficiorum quippe morte Christi adquirentium ita participes factos. Erunt fortasse quibus hæc, quæ de hoc argumento notavi, levia videantur; sed mihi leve non videtur, quod perspicuas de Religione notiones suppeditare, & homines a præcitis erroribus revocare potest. Is certe qui credit, vel usum panis & vini in S. Coena, vel recordationem cruentæ mortis Christi, conjunctam cum professione publica Soterem nostrum morte sua remissionem

H h h h h 2

pec-

peccatorum nobis adquisivisse, certum illud signum & sigillum esse suæ reconciliationis cum Deo, & certæ persuasione de remissione peccatorum, de habitu vitiorum exuendo, & de emendanda mente parum erit sollicitus. Plane ad mentem nostram de hoc argumento locutus est B. *Zwinglius* noster multis in locis. In Expositione Christianæ fidei pag. m. 14. Sic loquitur: *Quid Sacramenta sive Symbola in Cæna faciant aut possint, acriter certatum est aliquandiu inter nos: istis contententibus, quod Sacramenta fidem dare, Corpus Christi naturale adferre & ut præsens edatur efficere soleant: nobis diversum quid non sine auctore sentientibus. Primum quod fidem, quæ in Deum fiducia est, nemo nisi Spiritus S. dat, nulla res externa, quamvis faciant fidem Sacramenta, sed historicam. Omnes enim Panegyres, tropæa, imo monumenta & statue fidem historicam faciunt, hoc est, monent olim aut quiddam esse factum, cuius memoria refricetur, si est aut Panegyris Paschatis apud Hebræos & ἡγεῖα apud Athenienses, aut victoriam isthic loci partam esse, sicut est lapis adjutorii. Hoc ergo modo Cæna dominica fidem facit hoc est certo significat Christum esse natum & passum. Sed quibus hoc significat? fidelibus & perfidis ex æquo. Universis enim significat, quod ad Sacramenti virtutem pertinet Christum esse passum, sive recipient sive minus: at pro NOBIS esse passum, id vero piis & fidelibus tantum significat. Nemo enim pro nobis esse passum scit aut credit, nisi quem Spiritus intus docuerit agnoscere mysterium divinæ bonitatis. Is enim solus Christum recipit. Fiduciam ergo in Deum nil nisi Spiritus dat. Nemo enim pervenit ad Christum nisi Pater eum traxerit. Deinde Paulus quoque omne hoc dissidium uno verbo tollit, cum dicit: probet autem seipsum homo, ac demum de pane isto edat & de calice bibat. Cum ergo antequam accedat, fidem suam explorare debeat homo, jam nequit fieri ut in Cæna fides detur: adesse enim oportet priusquam adeas. Vide Ejusdem subsidium Eucharistia; Responsum ad Rellicani & Regii Epistolas, & Exegesi Eucharistici negotii. Pariter ita locutus est B. Oecolampadius. Sic v. gr. in Responsum ad Billibaldum Byrkbaimerum ita disserit de hoc argumento: In cruce satisfactum est pro peccatis, remissaque ac ablata sunt peccata, non mea tantum sed & totius mundi. Verum satisfactionis & remissionis tunc capax esse incipio, quum fidem habuero. Roboratur mens fide in meritum Christi in cruce, memoria autem in Cæna nobis commendatur. Prudens ergo V. D. Minister ubi de hoc argumento differendum est, moneat, Christum Jesum pro peccatoribus esse passum: in usu S. Cæna memoriam bujus beneficii representari animis; recordationem illam esse quidem*

dem laudabilem & necessariam, at solam illam recordationem & confessionem non esse certum sigillum, beneficia morte Christi parta ad eos pertinere, qui memoriam illam recolunt: necesse igitur esse, ut quicunque mortis Christi fructibus gaudere velint, ante fruitionem panis & vini & recordationem mortis Christi, persuasi sint certis characteribus, meritum Jesu Christi efficaciam suam in mentibus suis exeruisse. Certos autem characteres illos esse, pœnitentiam seriam, salutarem fidem, & exercitium virtutum christianarum: Hos characteres piis ante & in celebratione Cœnæ sigilli loco esse posse, ex quo certo colligant, se beneficiorum mortis Christi participes factos.

VII. Sunt qui ex loco 1. ad Corinthios Cap. X. v. 16, 17. De sensu Loci Prioris Epistolæ Pauli ad Corinth. c. X. v. 16, & 17. colligunt sed perperam, quod cum usu publico S. Cœnæ, ipsa participatio omnium fructuum mortis Jesu Christi sit conjuncta. Juvat ergo locum illum paucis examinare: verba Pauli ita sonant: Το ποτήριον ἡς εὐλογίας ὁ εὐλογῶν ἐκὶ κοινωνία τοῦ αἵματος χρεῖς ἐστὶ. Τὸν ἀρτον ὃν κλῶμεν ἐκὶ κοινωνία τοῦ σώματος τοῦ χρεῖς ἐστίν. ὅτι εἰς ἄρτος, ἐν σῶμα, οἱ πολλοὶ ἕσμεν, οἱ γὰρ πάντες ἐκ τοῦ ἑνὸς ἄρτου μέσυχουμεν. Animus non est data opera contra eos disputare, qui hic aut præsidium transubstantiationi, vel reali Corporis Christi participationi insolite & verbis non exprimendæ præsidium quærunt. Pontificii ex his verbis miraculosam illam transubstantiationem extundere non possunt ex voce κοινωνία τοῦ αἵματος, & τοῦ ἄρτου. Dicuntur enim v. 20. 21. qui idolothyta comedunt, cum idolis communicare, & qui hostiæ participant, altaris esse participes: Sicut ergo exinde concludi nequit, Idolothyta in Dæmones aut hostias in altaria esse mutata: ita neque exinde concludi potest panem & vinum in corpus & Sanguinem Domini esse mutata. Idem fere dixerim de sententia fratrum Lutheranorum, quia hoc posito dicendum esset, Gentiles altaribus & idololatricis conviviis adsistentes, ipsos Dæmones comedisse, quod absolum est dicere. Cum vero hac occasione aperuissem τοῦ Μανασίου Cl. Wolfii Curas, perspexi, *Celeb. Theologum G. Olearium* singulari dissertatione probare voluisse, Gentiles existimasse, se comedere cum Sacrificiis Dæmonum ipsorum Substantias, latentes sub Sacrificiis, atque hac ratione stabiliri sententiam orthodoxam, ut illi putant: Cl. Olearius v. 16. sic interpretatur: Vos de victimis Gentium Deastris oblati eodem ore editis, quo Domini sumitis Cœnam. Jam Gentilis affirmat, victimas illas a Dæmonibus suis inhabitari, iisque plenas esse: Vos autem nostis, quod quancumque visibilia Elementa panis & vini eucharistici, que ore accipitis

sacro illi usui precibus dedicata sint, eadem sibi presentia habeant corpus & sanguinem Christi. Fierine igitur potest, ut Demon victimis illis junctus & Christi sanctum corpus & sanguis sub pane & vino in eodem ore habitet & inveniatur? Hanc suam sententiam testimonius Firmici, & Jamblichi probare voluit Cl. Vir. Sed mea opinione recte ostendit, vir Celeb. J. Elsnerus, S. Theologiæ Professor Doctilissimus, in suis ad h. l. observationibus, non solum testimonia allata id non probare, quod probandum esset, sed & Gentiles ab hac opinione abhorruisse. Afferit inter alia locum Ciceronis ex Lib. III. de N. D. ubi ait: *Ecquem tam amentem esse putas, qui illud quo vescatur, Deum credat esse.* Pagina deinde 110. observat: in hunc locum, ostendit, in quo illa κοινωνία cum Dæmonibus consistat. Κοινωνία illa cum Dæmonibus (inquit) non est aliter exponenda, quam Apostolus exposuit, qui eam statuit ἐν τῷ μετέχῳ τραπεζῆς δαιμονίων καὶ πίνεσσι τοῦ ποτήριον δαιμονίων dum participes fierent mensæ & crateris Daimonum in conviviis sacris de reliquis Sacrificiorum comedentes. Quemadmodum homines eadem mensa utentes κοινωνοὺν τραπεζῆς frequentissime dicuntur Auctoribus, inter quos est κοινωνία, nempe τραπεζῆς. Conf. Act. 11: 42. & esse creditur, certe esse debet animorum quoque voluntatumque κοινωνία, quomodo Apostolus ἐν τῷ ἑνὸς ἁγῶνι μετέχοντος dixerat esse ἐν σαρμᾷ v. 17. ita fieri non poterat quin Idololatriæ cum Dæmonibus κοινωνία intercederet, cum in conviviis sacris fierent mensæ Dæmonum participes. Hactenus rectissime Cl. Elsnerus. Deinde ego scire vellem, utrum Viri Docti, qui explicationem Cl. Olearii defendunt, credant vere inconspicuos quosdam Dæmones non solum Sacrificiis Gentilium interfuisse, sed & iis sese insinuasse, atque adeo cum Sacrificiis ipsos Dæmones comestos fuisse. Vix a me impetro, ut credam, eos hoc affirmaturos. Quod si negent hoc factum fuisse, videant an bene causæ suæ consulant, & an non manifestum sit, eos hac ratione contra regulas Logicorum, id pro vero ponere, quod in quæstione est. Sed satis disputatum est de hoc argumento. Ut igitur verum sensum versum illorum eruamus, ad scopum Apostoli, qui ex universo capite satis patet, est attendendum; voluit nimirum Christianos ab Idololatria revocare, & impedire, quo minus conviviis idololatricis interessent; argumentum inter alia petit ab eo, quod christiani Cœnam sacram celebrantes, hoc ipso publice testentur, se communionem habere cum carne & sanguine Christi, id est sibi in memoriam revocare mortem Jesu Christi unicam reconciliationis nostræ cum Deo causam; Indignum igitur esse, ut illi, qui esu panis & vini in Cœna communionem suam cum Christo testentur,

stentur, etiam cum Dæmonibus communionem habeant. Ideo ait v. 20, 21. *Non potestis calicem Domini bibere & calicem Dæmoniorum: non potestis mensæ Domini participes esse & mensæ Dæmoniorum.* Hinc miratus sum Celeb. Mosheimium v. 16. de reali aliqua participatione corporis & sanguinis Christi interpretari, & existimare v. 17. de alia re agi ac in antecedente v. 16. Præterquam enim, quod natura rei docet, inter hos vericulos, manifestum esse nexum, ipsa particula *ὅτι* mihi id insinuare videtur. Sed mittamus hæc, & videamus quisnam horum duorum versuum sensus sit. Ego eos ita παραφραζω: *Quando S. Cœnam celebramus, vinumque cum gratiarum actione bibimus, an non hoc ipso publice testamur, Christum Jesum sanguinem suum pro nobis effudisse: & quando repetita gratiarum actione panem frangimus, publice contestamur corpus Domini Jesu Christi pro nobis in cruce fractum fuisse, nosque Christianos qui invicem Symbolis his utimur, unum aliquod constituere corpus? & veluti ex multis granis unus conficitur panis, & ex uvis multis unum exprimitur vinum; ita etiam testamur nos, multos licet, unum tantum esse Corpus in Christo Jesu.* Ex quo Apostolus colligit, Christianos, si una cum Ethnicis adcumbant Idololatricis mensis, ad eandem massam pertinere, & cum iis coaluisse censer, quod tamen Christianis, qui unum tantum corpus in Christo Jesu conficiant, faciendum non sit. Ex hoc constat, in versibus illis nonnisi de spiritali quadam Communione Christianorum cum Christo, & aliorum membrorum Ecclesiæ inter se agi. Est autem spiritalis illa conjunctio duplex, quod probe in explicatione hujus argumenti est observandum. Prior est, qua Christiani S. Cœnam celebrantes rem absentem, nimirum mortem Jesu Christi, ejusque meritum, mente sibi repræsentant, seque tanquam membra unius corporis considerant: Posterior est, qua Christi discipuli, salutari fide donati, non tantum occasione S. Cœnæ, sed & extra usum S. Cœnæ certi, persuasique sunt, se mortis Jesu Christi, & omnium beneficiorum, quæ morte illa parta sunt, vere participes esse redditos. Ad priorem autem in hoc loco respicitur, non ad posteriorem. Quando enim junctim Christiani externis illis Symbolis utuntur, considerant sese mutuo tanquam unum corpus, quod mortem Jesu Christi concelebrat. At ex hac communi mortis Christi confessione, nondum constat, eos vere pios, & regenitos esse, atque adeo ad se pertinere fructus salutare mortis Jesu Christi. Debent enim, antequam memoriam Jesu Christi recolant, jam persuasi esse ex certis characteribus, nimirum salutari fide & virtutum christi-

narum

narum exercitio , se cum Christo vere conjunctos esse : unde etiam Theologi Reformati omnes fatentur, Johannis capite VI. ubi de fruitione carnis & sanguinis Christi sermo est, non agi de usu S. Cœnæ , partim quia Christus nondum tum temporis mortuus erat , partim quia cum hac fruitione conjunctam certo fore vitæ æternæ possessionem, Christus fatetur : at paucissimi Christianorum, S. Cœnam celebrantium, certam hanc fiduciam habere possunt, quia accedentes ad S. Cœnam salutari fide , ejusque fructibus carent. Verissimum quidem est , intimam esse inter Christum & fideles conjunctionem ; sed conjunctio illa non fit per solam S. Cœnæ participationem, sed conjunctio spiritualis per fidem debet præcedere, & est conditio sine qua Christianus, mortis, & beneficiorum per mortem Soteris adquisitionum, particeps esse non potest. Quemadmodum vero ante usum S. Cœnæ veri nominis Christianus persuasus est, se vere cum Christo per fidem conjunctum esse: ita in S. Cœna non solum beneficii hujus accepti memor est, sed & nova ad Christum super omnia amandum adduntur motiva, mensque hac occasione in memoriam sibi revocans insignem fructum mortis Christi, singulari lætitia perfunditur. Prior autem illa S. Cœnæ fruitio de qua in hoc loco ad Corinthios agi existimamus, omnibus Christianis communis est, adeoque externa tantum est, licet rem invisibilem, i. e. mortem Jesu Christi, ejusque dignitatem conjunctim celebrent. Eundem fere in modum hos duos versiculos exposuit Reverendissimus Hoadly, Episcopus hodie Vintoniensis. Ita enim pag. 43. seq. citati libelli hos duos versiculos παραφραζει : *Quand nous, qui sommes Chrétiens, participons en commun dans nos Assemblées religieuses à la coupe de benediction ou d'action de grâces, à cette coupe sur laquelle nous prononçons des paroles, qui expriment les louanges que nous rendons à Dieu, & la reconnaissance, dont nous sommes pénétrés pour ses bienfaits, buvons nous comme un Vin qui est destiné à servir de memorial du sang que Jesus Christ a versé pour nous. N'est-il donc pas clair, qu'en le faisant nous participons en commun à ce qui nous rappelle le souvenir de son sang & qui porte en effet ce nom dans l'institution du Sacrement ? Lorsque dans la même solennité nous rompons du pain, & que nous le mangeons, n'est-ce pas là participer conjointement, à ce qui est établi, pour nous faire souvenir de son corps, & que pour cette raison il appelle son corps dans l'institution & non pas manger du pain comme dans un repas ordinaire. v. 17. Je dis, participer conjointement, parce que telle est la nature de cette cérémonie, que l'est une action, qui se fait dans une Assemblée*



semblée & non pas une chose, que chacun puisse faire dans son particulier. Et comme c'est à un seul & même pain que nous participons ainsi en commun, c'est cela même qui fait que quoique nos assemblées soient composées de plusieurs particuliers, de plusieurs Individus, nous déclarons néanmoins par là, que nous ne faisons qu'un seul corps, & que nous ne formons qu'une seule & même Société. On peut dire aussi, que comme c'est une marque d'union parmi les hommes que de manger ensemble; de même quand nous nous essemblons de compagnie pour participer à un même pain, nous reconnoissons par cette action solennelle, que nous ne faisons tous qu'un seul corps & en qualité des Chrétiens nous déclarons par là que tant nous, que les autres Chrétiens formons une Société, distincte du corps des Païens soumise & devoiée à Jesus-Christ comme à notre commun Chef. Hunc loci istius sensum esse, pluribus deinde ex Scopo Apostoli, antecedentibus & sequentibus probat. In eandem sententiam concedit Eruditissimus Clarkius, Vol. IV. Orat. Serm. VII. Postquam enim monuisset, Paulum in hoc capite præcipue id egisse, ut Corinthios a congressibus & conviviis gentilium retraheret, quia facile imbecillioribus hac ratione anam præbere possent credendi, eos, qui his locis interesse solent, participare cultui Deorum vel Dæmonum, ita pergit secundum versionem Germanicam: *Denn gleich wie (sagt er) die Genießung der heiligen Communion und Gemeinschaft mit denen Christen eine öffentliche Bezeugung ist, man sey selbst ein Christ: und gleichwie die Genießung der Opfer vom Altar der Juden eine öffentliche Bekennung ist, daß man der Religion nach ein Jude sey: so möge es einem Christen, wann er vom Götzenopfer isset, von anderen also ausgeleget werden, als wann er mit den Heyden in ihrer Abgötterey Gemeinschaft hätte, ob er gleich bey sich erkennete, daß ein Götz nichts sey in der Welt. Dieses ist offenbarlich die wahre Verbindung der ganzen Rede des Apostels: Meine Liebsten, fliehet die Abgötterey: Als zu den Weisen rede ich, urtheilet ihr, was ich sage: das ist, urtheilet und gebt Achtung, da ich euch dieses durch eine leichte Vergleichung erkläre: Der gesegnete Kelch, den wir Christen segnen, ist der nicht die Gemeinschaft des Bluts Christi? Das Brod, das wir brechen, ist es nicht die Gemeinschaft des Leibes Christi? das ist: Ist es nicht eine öffentliche Erklärung unserer gemeinschaftlichen Übereinstimmung und Gemeinschaft unter einander, indem wir die Liebe unseres allseitigen Heilands zusammen erwegen. Dann ein Brod ist: so sind wir viel ein Leib: dieweil wir alle eines Brods theilhaftig sind. Und also, spricht er, indem er eben diese Gleichnuß fort-*

setzet: Israel nach dem Fleisch, sind die, welche vom Opfer essen in der Gemeinschaft des Altars: das ist: Sind sie nicht in der Gemeinschaft der Jüdischen Religion? Bekennen sie nicht dadurch ihre Gemeinschaft mit ihnen. Also, was die Heiden opferen, das opferen sie dem Teufel, und nicht Gotte: und ich wolte nicht, daß ihr mit den Teuffen Gemeinschaft haben soltet. *Diese Worte sind nicht abgebrochene und gar nicht zusammenhangende Ermahnungen. wie sie bey dem ersten Anblick scheinen möchten, wenn man auf der Absicht des Apostolischen Schlußes nicht sorgfältig merket; sondern sie sind mit dem vorübergehenden ausdrücklich verbunden, und sind offenbarlich eine Fortsetzung einerley Gleichnisses, daß, gleichwie so wohl unter Juden als Christen, die Theilnehmung und Gemeinschaft an einerley öffentlichen Religions- Handlungen eine Bezeugung der Einigkeit, Gemeinschaft und Übereinstimmung ist: Also wurde das Essen bey den Heyden vom Götzenopfer, einen allzu starken Grund des Argwohn, daß man mit ihnen in ihrer Abgötterey übereinstimme, abgeben.* ita Celeb. Clarkius. Ex dictis simul patet, Christum inter alia etiam S. Coenam instituisse, ad unionem inter Christianos conservandam & alendam. Unde etiam Viri Docti ostendunt, Israëlitas pariter & Paganos diebus festis convivia instituisse, ad mutuam concordiam & societatem arctioribus vinculis adstringendam. vide *Vtringam Observ. S. Lib. V. cap. VII. Gürtlerum de Epulis Sacris, & Elsnerum Observat. Sacrarum Tom. II. pag. 106. sqq.*

Confirmatur hæc explicatio testimoniis B. Zwinglii & Bullingeri.

VIII. Quamvis autem explicatio horum versuum supra data, & simplicitate sua se se commendat, & cum Scopo Apostoli amice conspiret, tamen, quia apud quosdam plus valet Auctoritas Virorum eruditione insignium quam argumenta, juvat ad sententiam nostram confirmandam adduxisse duo testimonia Theologorum Tigurinorum Excellentissimorum, nimirum H. Zwinglii, & H. Bullingeri. Prior in Commentario ad v. 16. sequentem in modum differit: *Primum voces deinde sensum explicabimus: Benedixit pro gratias egit, & benedictionem pro gratiarum actione poni in Genesi sæpe ostendimus. Deinde κοινωνία, quam communicationem vertit Interpres, commodius hic per communionem redditur. Non enim significat κοινωνία distractionem ipsam corporis & sanguinis Jesu Christi, sed nos, qui sumus corpus Christi, puta Ecclesia ipsius, populus, Concio, communio. Verba erga sic habent; poculum gratiarum actionis quo gratias agimus, nonne communio sanguinis Christi est? panis quem frangimus nonne communio corporis Christi est? ut sit sensus; poculum gratiarum actionis quo nos gratias agimus, quid queso*

*quæso aliud est quam nos ipsi? Nos enim quid aliud sumus quam ipsa communio, ipse cætus & populus, consortium & sodalitas sanguinis Christi, hoc est ille populus, qui sanguine Christi ablatus est? Et sanguinem Christi vocat eos, qui sanguine ejus fidunt, quemadmodum Philippens. V. circumcisionem vocat, qui Spiritu Deo serviunt. Sic & hoc loco communio sanguinis Christi sunt, qui in eadem Societate gratulantur, & exultant, se Christi sanguine in libertatem adsertos esse. Quasi diceret Paulus: Non dico quod poculum sit sanguis seu quod panis sit corpus Christi, sed quod nos omnes qui de uno pane & uno calice participamus sanguis simus Christi & corpus Christi. Panis est ergo quod edimus, vinum quod bibimus quod ad substantiam & naturam attinet: corpus & sanguis quoad significationem. Neque tamen panis vulgaris est, sed quo gratias agimus Deo pro morte filii, non quo ventrem pascimus. Hunc esse sensum horum verborum ex argumento quod hic Paulus tractat, deprehendemus. Deterrēt enim Corinthios ab idolorum cultu, quod longe fortius ac vehementius sit, cum dicit: Vos multo alius nobiliorque cætus estis, quam qui debeat cum Idololatrarum caterva coire: Quam si diceret, vos communicatis corpus & sanguinem Christi, quapropter non debetis communioni Idololatrarum in eorum sacris interesse: Fortius urget, cum dicit. Quum rememorationem, collaudationem sive gratiarum actionem celebratis, nonne jam communio sanguinis Christi estis? nonne Christi populus & concio? quam si solum diceret: Quum sic benedictum panem editis, nonne corpus Christi distrahitis? omnem enim movet lapidem Paulus, ut ab Idololatrarum Societate Corinthios avellat, quod aptius non potest, quam si ostendat eos in pietatem ipsam peccare &c.*

*Ad sequentem versum sic disserit M. Vir: Causas reddit Apostolus, imo exponit cur Ecclesiam & populum Christi corpus & sanguinem vocaverit: visus nimirum sibi propter troporum densitatem locutus esse paulo obscurius. Claris ergo verbis rem proponit, ac si diceret: Quum tali vos epiphonemate adorior, quum poculo gratiarum actionis gratias agimus nonne ille cætus est communio, hoc est populus, Ecclesia, concio sanguinis Christi? Vos enim estis communio sanguinis Christi (nam istud membrum de poculo reliquit ἀναλοποδοίον, sed pani addidit, parium autem idem est judicium) qui de uno calice gratiarum actionis bauritis. Et panis quem frangimus nonne communio sive corpus. cætus, populus, Ecclesia, concio corporis Christi est? Nos enim qui de uno pane participamus & de uno poculo bibimus, in unum corpus coimus. Nemo ergo miretur, quod hanc panegyrim celebrantes communionem sanguinis Christi appellavi,*

hoc est eam Ecclesiam quæ sanguine Christi abluta est. Nos enim omnes Auctore Apostolo ipso, unus panis sumus & unum corpus, non carneum Christi corpus, sed Christi Ecclesia. Hactenus B. Zvinglius: Bullingerus vero noster, Zvinglii dignissimus Successor, ad hunc locum ita commentatur. Quasi de novo novam confirmationem orditur clarius firmiusque probaturus, quod Christianus nullo jure peregrinis possit communicare sacris. -- Vobiscum nunc mihi sermo, qui ob multarum rerum peritiam prudentiores estis, omniumque mysteriorum gnari. Expendite qualia sint, quæ dico; opinor autem ea fore ejusmodi, ut facile vos, nisi contentiosis esse libeat a sacris abstrabat profanis. Figuratur autem interrogationibus omnia, quo essent vehementiora. Sensus hic est: nil moror quid hic expectent contentiosi quidam, mentem Pauli aperiā: Sacramenta, quæ præcipua Christianorum Sacra sunt, Christo & Religioni Christianæ nos incorporant, ut corpus Christi, imo membra efficiamur. Et postquam locum quendam Augustini ad confirmandam suam sententiam adduxisset, pergit, dicens: Sed quid Augustinum citamus cum hoc loco ipse Apostolus Paulus minime obscuris verbis dicat, poculum benedictionis quo benedicimus i. e. quo gratias agimus (nam id nunc vel mediocriter versatis in scripturis notum est, quod benedicendi verbum & pro laudare, & gratias agere, ponatur ad morem hebraicum) nonne novissima communio sanguinis Christi est? & panis quem frangimus nonne communio corporis Christi est? quod quid aliud est, quam si dixisset: Qui de pane & poculo Domini participant, communio sanguinis Christi, hoc est cætus & Ecclesia sanguine Christi ablutorum, adeoque corpus sive membra Christi fiunt. Sed quid dicemus hic de impiis & hypocritis: num & illi per Sacramentorum participationem efficiuntur membra Christi & Ecclesie? Id omnino: Quod & Augustinus Lib. XIX. adversus Faustum Manich. cap. 12. affirmat dicens: Veruntamen quia visibilia Sacramenta pietatis inesse etiam possunt impiis, sicut habuisse S. Baptismum etiam Magum Simonem legimus, sunt tales, quales Apostolus ait, habentes formam pietatis virtutem autem ejus abnegantes &c. Eadem aliis, sed copiosioribus & planioribus idem tractat libro de Civitate Dei XXI. cap. 25. Alii vero hunc locum aliter interpretantur: sed sententiam expositionemque, quam adduximus, comprobant consequentia; Quoniam unus panis, unum corpus οἱ πολλοί tota nos multitudo sumus. Omnes enim ex eodem pane participamus, id est; ideo dixi panem esse communionem corpus in Christi, quod nos tota illa multitudo, id est tota Ecclesia, qui de uno pane participamus unum efficiamur corpus spirituale scilicet corpus Christi, alterum vero membrum de poculo

omit.

omittitur, quod par sit ratio utriusque. Hunc sensum non primi huic inferimus loco, sed & eundem agnoscit Augustinus Tractat. in Joannem. Haftenus Bullingerus. Ex testimoniis hisce constat, sententiam insignium horum Theologorum constare sequentibus propositionibus:

- 1) Christianos celebraturos S. Coenam, facta gratiarum actione, panem frangere & vinum bibere in memoriam passionis Christi.
- 2) Eos hac ratione testari, quod Religioni Christianæ sint addicti.
- 3) Communionem illam Christianorum in eo positam esse, quod integer coetus commemorationem mortis Christi celebrans, tanquam unum corpus spirituale considerari possit
- 4) Non decere ideo Christianos Sacris Gentilium interesse, quia ita viderentur communionem habere cum Diis Gentilium, non vero cum Christo Jesu, cui soli nomen tamen dederint.
- 5) Pios pariter & impios panem frangentes & vinum bibentes passionem Christi contestari posse. Ex quo sequitur, per solam celebrationem S. Coenæ, Christianos non participes reddi beneficiorum morte Christi partorum, sed ex aliis rationibus de hoc persuasos esse debere.

IX. In Antecedentibus ostendimus, neminem ex solo usu S. Coenæ, & mortis Christi facta commemoratione colligere posse, se veri nominis esse Christianum, beneficiorumque, quæ morte Jesu Christi parta sunt, certo redditum participem. Quæritur hac occasione, utrum gratia quædam specialis & inusitata cum usu S. Coenæ sit conjuncta nec ne. Dantur inter hypocritas pariter & pios qui hoc affirmant. Non quæritur, utrum Deus occasione fruitionis panis & vini, & commemorationis passionis Domini nostri Jesu Christi, hypocritæ & improbo oculos mentis aperire, & gratiosa sua voluntate ad sui communionem perducere possit. Nemo de hoc dubitat, cum innumeræ viæ & occasiones sint, quibus initia conversionis hominibus suppeditare potest. Sed de hoc quæstio est; utrum cum ipsa fruitione panis & vini, mortisque Christi recordatione, insolitus aliquis Numinis favor, vel gratia quædam specialis conjuncta sint. Hypocritæ tale quid somniant nullis tamen inducti rationibus. Gentium omnium historiæ docent, homines existimasse, Deos diebus festis quammaxime propitios esse, atque eo nomine hilares fuisse. vide *Celeb. Elsnærum* ad Cap. I. v. 16. posterioris Epistolæ Petri, & citata inibi Veterum Testimonia. Idem eheu multis hodiernum contingit

Christianis; multi Christianorum, veri nominis cultum religiosum ignorantium, ubi singulari quadam ratione beneficia divina per Christi mortem parta, enarrantur, lætitia quadam perfunduntur, quod insoliti favoris divini signum esse putant. Cumque post fruitionem S. Cœnæ audiunt in publicis precibus Deo gratias agi, quod beneficium redemptionis communicantibus concesserit, læti cum universo cœtu canunt: *Nos omnes Domine credimus &c.* cum vero veri cultus divini notitia destituantur, finem & scopum S. Cœnæ perspectum non habeant, omnibusque characteribus, quibus veri nominis Christianus ante usum S. Cœnæ instructus est, careant, inane est illud gaudium, quod occasione usus S. Cœnæ ortum est. Quod ad pios & regeneritos spectat, sunt viri quidam pii & docti, qui putant, occasione fruitionis S. Symbolorum, Deum piis & regeneritis singulari quodam & inusitato plane auxilio adesse. In ea sententia præter alios fuisse videntur viri *Reverendi & Celeberrimi, Calvinus & Claudius V. D. Minister Charentonienfis.* Calvinus enim *Institut. Lib. IV. cap. XVII.* agens de modo præsentia corporis Christi in S. Cœna ait: cum esse tam admirabilem, ut mens plane cogitando nec lingua explicando par esse possit. Rursus in eodem capite: *De modo (sc. præsentia) si quis me interroget, fateri non pudebit sublimius esse arcanum, quam ut vel meo ingenio comprehendendi vel enarrari verbis queat, atque ut apertius dicam, experior magis quam intelligam. Itaque veritatem Dei, in qua adquire scere tuto licet, hic sine controversia amplector. Pronuntiat ille carnem suam esse animæ meæ cibum, sanguinem esse potum. Talibus alimentis animam illi meam pascendam offerro. In Sacra sua Cœna jubet me sub Symbolis panis ac vini corpus ac sanguinem suum sumere, manducare ac bibere. Nihil dubito, quin & ipse verè porrigat & ego recipiam. Imo idem M. Vir alicubi asseruerat, in Sacra Cœna fieri miraculum, quod omnes naturæ limites & omnem sensuum capacitatem superet. Cum ad hæc ultima verba provocasset Jesuita Nævus, transubstantiationi præsidium quasiturus, sequentem in modum respondit Cl. Claudius, in libro huic Jesuitæ opposito pag. 161. Quant à cette pretendue difference entre Calvin & nous, elle ne subsistera plus, dès qu'on aura distingué l'ambiguïté du terme de miracle, qui se prend quelque fois pour un oeuvre de la grace faite au dessus des loix, ou de forces de la nature, & qui est digne de l'Admiration des hommes; & en ce sens tous les Mysteres de l'Evangile & toutes les actions du saint Esprit en nos âmes sont des Miracles, comme le don que le Pere nous a fait de son fils, la Redemption que le Fils a faite de nous,*

nom, la conversion des pecheurs, le Zele & l'Esperance des fideles, la constance des Martyrs & autres choses de ce meme ordre. C'est dans cette signification, que Calvin a dit, qu'il se fait un Miracle en la Cene: & en effet c'est un miracle incomprehensible que Jesus Christ daigne se communiquer a des miserables creatures, indignes de son amour. C'est un miracle aux dessus des Lois & des forces de la Nature, que notre foi soit capable de le recevoir, réellement, c'est a dire, veritablement, afin que nous le possedions avec tous ses biens. C'est un miracle que son l'Esprit descendant en nos consciences, y apporte toute la vertu de sa chair, & de son sang en qualite des causes satisfaitoires & meritoaires. Enfin c'est un grand miracle, que tout cela se passe par le ministere du pain & du vin de son Sacrement, qui sont des creatures infiniment eloignees des ces grands effets. Hactenus Cl. Claudius. videntur præstantissimi viri ea quæ de unione mystica Christi & fidelium Joh. cap. VI. & alibi docentur, confundere cum recordatione mortis Jesu Christi, quæ fit in usu S. Cœnæ, & nescio quam gratiam particularem aut operationem insolitam Spir. S. adjungere ipsi fruitioni hujus Sacramenti. Cœteri enim Reformati de hoc argumento agentes asserunt, conjunctionem per fidem cum Christo usum S. Cœnæ præcedere debere & testari Christianos S. Cœnam celebrantes & vere tales, se communionem cum eo habere: certe ea, quæ memorantur a Cl. Claudius beneficia, obtingunt fidelibus non in celebratione ipsius Cœnæ etiam legitima; sed per Redemptionem Jesu Christi, aliaque beneficia, quæ ex tanto beneficio manare solent. Quod vero ad singularem illam gratiam Spir. Sancti in usu S. Cœnæ oblatam spectat, non negamus posse Deum aliquando ejusmodi beneficium piis concedere. At semper hoc cum usu S. Cœnæ conjunctum esse nego. Nescio certe, qua ratione hi aliis persuadere vellent, hoc beneficium subimetipsis obtigisse: argumentantur illi ex serenitate mentis, & gaudii spiritualis, quo nonnunquam, utentes S. Cœna, perfunduntur, perceptione: sed potest hæc serenitas oriri ex causis naturalibus & moralibus, sine inusitato illo auxilio: pii enim pro statu mentis & corporis etiam, extra usum S. Cœnæ diversimode animati sunt. Tantum vero abest, ut semper læto sint affecti animo, memoriam mortis Christi recolentes, ut potius singularem sæpe sentiant tristitiam, quando memoriam passionis Christi in usu S. Cœnæ celebrant. Quemadmodum vero ex tristitia hac colligere non possunt & debent, ac si Deus gratiam semel donatam reuaxisset, aut indigni essent, qui memoriam Christi recolerent; ita pa-

riter

riter ex gaudio, quod sæpe hac occasione percipiunt, inferre non possunt, Deum insolito auxilio illis adfuisse. Hoc certum, ad essentiam veræ & salutaris celebrationis S. Cœnæ non pertinere illam lætitiā, quia aliās semper adesset piis, utentibus S. Cœnā. Præterea notum est, neminem sibi beneficium aliquod spirituale arrogare, aut certam de eo consequendo fiduciam habere posse, nisi Deus in verbo suo expressis verbis id se oblaturum promiserit: at nullibi promisit, se gratiā quādam inusitata adfuturum rite utentibus S. Cœnā: digne celebrantes possunt esse certi de favore Dei, quia characteribus verorum Christianorum sunt instructi ante usum Cœnæ, & in ipsa Cœnæ celebratione; quo ipso tamen negare nolumus, Deum aliquando singulari lætitia piorum animos hac occasione perfundere. Quis enim gratiosæ Dei voluntati ponet limites? Hoc certissimum est, gaudium quo aliquando occasione usus S. Cœnæ superfunduntur pii, diversissimum esse a lætitia, qua se affici jactitant hypocritæ. Hypocritarum gaudium vanum est, quia nullis fundamentis est superstructum. Neque enim usus S. Cœnæ, vel commemoratio mortis Jesu Christi, certa signa sunt, ex quibus colligere possunt, Deum se habere sibi propitium: nonnisi pœnitentibus, sincere credentibus, & studio virtutum intentis reposita sunt beneficia fœderis gratiæ. His notis cum distinguantur hi homines, stulte lætantur sibi aliquid concessum esse. Pii vero sive singulari lætitia perfundantur, sive ea careant, causam tamen lætandi solidam semper habent, dum rationes lætitiæ suæ perspectas habent. *Hæc probe tenenda sunt V. D. M. monstrandumque clarissime omnibus occasionibus, imprimis in concionibus, uti appellantur, parascevesticks, stultam esse & vanissimam lætitiā Impiorum & Hypocritarum, quod sibi aliquid vindicent, cujus tamen possessione plane sint destituti. Ostendendum contra, quales characteres esse debeant eorum, qui veri nominis Christiani esse volunt extra cœnæ usum.* In id enim maxime intentus semper esse debet V. D. Minister, ut, quantum in se est, falsos prætextus, & spurios Christianismi notas ex animis Auditorum radicitus evellat; hoc enim factō demum spes est, homines, ut alios articulos Religionis, sic doctrinam de usu S. Cœnæ rite trutinatos, & ad salutarem usum revocatos esse.

Sed hæc sufficiant,

The-



## Theſes quædam Theologicæ.

I. Si quis quæreret, quare Roma ante Romulum & Remum a nemine fuerit occupata, cauſa in promptu eſt, quia ante hos nondum fuit condita: Ita pariter ſi quis quærat, cur Tranſubſtantiatio primis VIII. ſeculis ab Hæreticis, qui nullum fere Religionis Myſterium intactum reliquerunt, impugnatum haud fuerit, reſpondetur, quia ignotum tum erat hoc dogma, ſi tamen dogmatis theologiци nomine digna eſt propoſitio contradicторia.

II. Dux potiſſimum falſarum S. Scripturæ interpretationum cauſa mihi eſſe videntur. Prior eſt ſtudioſum partium & amor Sectæ, Poſterior in eo poſita eſt, quod, quæ in S. Literis certo quodam perſonarum circumſtantiarumque reſpectu dicta ſunt, pro generalibus venduntur propoſitionibus.

III. Abſurdum eſt dicere Scripturæ auctoritatem ab Eccleſiæ teſtimonio dependere, cum tota Eccleſiæ auctoritas non aliunde, quam ex Scripturæ teſtimonio probari poſſit. Ita vero dum ratiocinantur Doctores Eccleſiæ Romanæ, manifeſte circulum committunt.

IV. Si Doctores Eccleſiæ Romanæ perſpicuis argumentis probare poſſunt, Traditiones, quas venditant, a Chriſto vel Apoſtoliſ reſerta ortum ducere, eaſque tales eſſe, quæ ad conſequendam ſalutem cognitu ſint neceſſariæ, eaſ lubenti animo admittent Proteſtantes.

V. Qui pro arbitrio ſuo ubique in S. Literis venantur allegorias, non male aſſimilantur iis, qui ſibi quorumvis animalium figuras in nubibus depictas imaginantur.

VI. Qui errantes minis, vi, ac ſuppliciiſ ad cognitionem veritatis adducere volunt, non minus ridicule agunt ac illi, qui urbem probe munitam Syllogiſmiſ expugnare vellent.

VII. Quæſitio, num poſt hanc vitam homineſ vel feliceſ vel infeliceſ futuri ſint, huc redit: an detur Deuſ & religio.

VIII. De uſu & abuſu Syſtematum theologicorum ſubſcribo iſ, quæ de hoc argumento diſſerit *Clariffimui Tübingenſium Theologi Ch. Eb. Weismannuſ Inſtitut. Theolog. Dogmatico-Exeget. p. 27.* verba ita ſonant: De methodo ſyſtematica & artificiali certum eſt, eam habere ſua commoda & incommoda. Commoda eſt docentibuſ & diſcentibuſ collectio veritatum ad certa capita & locos, & ipſiuſ nexus

Kkkkkk

veri-

veritatum inter se inspectio. Incommoda vero & mala sunt hujus methodi, cum nimis quæsitæ est & affectata; cum magnam farraginem curiosarum & inutilium admiscet, quæstionum, cum terminis & phrasibus difficilibus ac spinosis simplicitatem ac perspicuitatem Theologiæ turbat, cum denique vel nullam, vel non sufficientem habet rationem discenium gradatim ad veritates revelatas deducendorum, ac nimia sua vastitate & amplitudine distrahit eorum animos, nondum sæpe in minoribus fideles & exercitados.

IX. Sententia Spinozæ de Deo & rerum omnium origine tam est absurda & monstrosa, ut capi non posset, qua ratione quis illi subscribere serio animum induceret, nisi dudum compertum esset, nihil esse tam absurdum, quod a quibusdam Philosophis defensitatum non fuerit.

X. In rebus ad salutem æternam pertinentibus unusquisque sibi metipso Theologus esto.

XI. Recte laudat ó Μακαρίτης *Celeb. Heideggerus* Hist. Patriarch. Parte II. Exercit. VIII. verba *Hakspanii*, qui notis ad Genes. XIX. v. 24. occasione *Calvini Judaizantis* *Egidii Hunnii*, ita scripsit. *Possumus, imo debemus ferre alios Christianos modeste vel ambigentes, vel dissentientes, neque Judaismus aut Turcismus in re tam perplexa aliis objici debet. Abundet potius quilibet suo sensu. Vix in manifestis aliquid obtinemus contra præfatos Judeos, quid fiet in re tam obscura, Subi non sine exemplis Hebraismus jactare possunt. Mihi hac occasione in mentem venerunt verba P. Baylii, qui in Lexico suo voce Hesusius postquam mentionem fecisset libelli Hunnii, sequentem in modum pronuntiat: C'est une injustice impertinente, que d'imputer à un homme les Hérésies dont ses Adversaires l'accusent dans la chaleur de la dispute. Hunnius, Auteur Lutheran, n'a-t-il pas fait un assez gros Livre, où il se vante, de convaincre de Judaïsme Jean Calvin? Ne faudroit-il pas être sous pour en conclure que Jean Calvin a judaïsé.*

XII. Recte scripsit *Cel. Placette* in Tractatu de Justificatione: Tantum adest, ut liceat concludere: sum justificatus; ergo quantumvis non habeam sanctificationem, tamen salvabor: ut potius ita sit arguendum: Non sum sanctificatus. E certum est me nec justificatum.

XIII. Utrum serio an per jocos *Nobilissimus Steele* asseruerit, dissensum inter Ecclesiæ Rom. Doctores, & inter Protestantas de infallibilitate Ecclesiæ in eo consistere, quod nimirum Pontificii Doctores asserant Ecclesiam suam esse infallibilem; Protestantes vero contendunt, Ecclesiam suam non quidem esse infallibilem, sed tantum eam nunquam errare, prudentioribus discutiendum relinquo.

*Adspira*

---

*Adspira tu rerum omnium Conditor Domine ac Pater, & omnes ignorantiae passionumque nebulas ab utraque parte sic discute, ut aliquando grassantes aquas, adducto vehementi vento in fugam vertisti, ac almae telluri fecisti pullulandi germina sua copiam. Satis sit oro dissensum: satis tumultuatum: satis sevitum: Orere gratissime Lucifer, protinus iustitiae sol emica. Cum enim contenditur negligitur sanctimonia, quam unice a nobis requiris. Vides ut a contentione nunquam redeamus meliores: est enim carnis opus, a qua nemo regredi citra maculam potest. Contra, qui ab ea sunt alieni nunquam non fuerunt optimi. Ab eo igitur nos abstine, ut ne vos omneis, quos alioquin ad certandum intendimus, ad virtutis opus accingamus. Ita B. Zvvinglius in Præfatione Expositionis Eucharistiae negotii ad M. Lutherum.*

MEDITATIO SACRA,  
 COMPLECTENS SALUTARIA QUÆDAM  
 MONITA, AD VERUM ET LEGITIMUM  
 S. CŒNÆ  
 USUM PERTINENTIA.  
 PARS POSTERIOR.

SECT. XI.

Repræsen-  
 tatur secun-  
 da causa ex-  
 terna, quæ  
 impedit, quo  
 minus multi  
 rite S. Cœ-  
 nam cele-  
 brent.



Ræter primam illam causam externam supra allatam, qua homines inducuntur, quo minus rite S. Cœnæ Sacramento utantur, accedit *secunda*, per quam non solum efficitur, ut multi minus recte S. Cœnam celebrent, sed & sæpe aliquando prorsus ab ejus usu abstineant. Atque hæc in eo posita est, quod nimirum sæpe oratores Sacri, vel asceticorum libellorum Auctores, optimo quidem fine, sed mea opinione minus prudenter, ubi de statu digne communicantium, aut de requisitis eorum, qui rite præparati ad usum S. Cœnæ accedere volunt, agunt, ita negotium hoc exaggerent, ut homines rite S. Cœnam celebraturi sibi persuadeant, tales nulla plane peccatorum labecula oportere esse contaminatos. Et profecto tam incaute sæpe differunt quidam & scribunt, ut putares, Deum hominibus, sincere recordationem mortis Jesu Christi in S. Cœna celebraturis, insidias ubique & quasi laqueos parasse. Hinc tantus sæpe piis incutitur terror, ut vel plane S. Cœnæ celebrationem omittant, aut si ea utuntur, aut exiguum, vel nullum solatium ex mortis Christi contemplatione, quæ gaudium tamen maximum in animis verorum Christi Sæctatorum excitare deberet, percipiant. Perperam quidem illi, qui propterea ab usu S. Cœnæ sese absterreri

sterreri patiuntur, agunt : at qui sine prudenti circumspectione ita de hoc argumento differunt, ansam huic errori suppeditant. Sunt enim inter pios plane multi qui exacta rerum divinarum cognitione carent : sunt quidam natura timidiores, & atra aliquando bile laborantes. Hi ubi audiunt, tam exaſciatam & omnibus numeris abſolutam requiri pietatem ab iis, qui rite S. Coena frui velint, terrentur, & præſtare putant, ſi eam non celebrent. Quo ipſo tamen contra diſertum Chriſti præceptum, qui S. Coenam in ſui memoriam inſtituit, peccant, & impediunt, quo minus commemoratione mortis Jeſu Chriſti, quæ in uſu S. Coenæ præcipua quadam ratione recolitur, ad majus pietatis & amoris Chriſti ſtudium excitentur. Verum eſt, Incumbit verbi divini Miniſtris, ut quavis data occasione Chriſtianis officia pietatis tam generalia quam ſpecialia rite repræſentent, Religionis Chriſtianæ dignitatem & præſtantiam vivis coloribus depingant, omnibusque qui religionis amore tacti eſſe debent, oſtendant, quanta pericula ſibimetipſis concitent illi, qui frequenter ſine devotione S. Coenæ Sacramento utuntur. Recte hæc omnia dicuntur : at ſemper tamen etiam in gratiam vere piorum & characteribus verorum chriſtianorum inſtructorum monendum eſt, pietatem & virtutem hominum regenitorum in hac vita eſſe imperfectam, neque eam tamen impedire, quo minus illi vera membra Chriſti ſint, atque adeo alacri animo ad S. Coenam celebrandam accedere & poſſint & debeant.

Hæc porro nimis rigida Chriſtianorum, digne S. Coena utentium repræſentatio, non ſolum terret ſæpe multos pios, & ab uſu S. Coenæ arceſcit, ſed & efficit, ut homines vitiis dediti, vel celebrationem ejus publicam omittant, vel eam minus digne celebrent, atque ita mediis, quibus ad virtutis ſtudium excitari poſſent, ſe ipſos privent. Homines eſti vitiis multis contaminati ſunt, ubi tamen ad S. Coenæ uſum accedendum eſſe norunt, conſcientiæ quibusdam ſtimulis terrentur, quibus vocibus, ſi vacivas aures præberent, induci poſſent, ut in ſe deſcenderent, & de vitæ mutatione ſerio cogitarent. Quemadmodum enim per præconium Evangelii & lectionem ſermonis ſacri, Deus homines ad ſe revocare poteſt, gratia ſua accedente ; ita etiam per uſum S. Coenæ hoc idem præſtare poteſt. Dum vero impij Coenæ S. celebrationi intereſſe nolunt, Conſcientiæ ſtimuli magis magisque negliguntur, & callum ſæpe obducit mens eorum ; præterea, dum audiunt, tantam tamque perfectam requiri in iis, qui recte S. Coena uti volunt pietatem, ſimul vero ad aliorum hominum mores,

vitamque attendunt, putant, impossibile esse, ut quisquam in eo statu esse possit : unde colligunt, perinde esse, sive S. Cœna utantur vel non utantur, aut qua ratione tandem eam usurpent. Hoc experientia certum, testimoniisque Virorum præstantissimorum, qui quid praxis pietatis & prudentia Ecclesiastica deponat, accurate perspectum habent, ne quis forte, quæ dicta sunt, opinationi mex tribuat, confirmatum est. Juvat igitur eorum adduxisse testimonia. B. Bullingerus ad verba illa Pauli I. Corinth. XI. *probet se ipsum*, postquam qualis illa præparatio esse debeat, brevibus, sed nervosis verbis exposuisset, ita pergit. *Sunt qui hisce verbis abutentes, miseros mortales nimium terriant, adeoque ab ipsa Cœna prorsus abigunt, quorum imprudens perversaque severitas, nemini cordato probari potest. Nam ut Clementia & Beneficentia Dei hæcenus commendanda est hominibus, ne illam in peccandi licentiam convertant ; sic justitia & ira Dei eo modo inculcanda est, ne quem infirmum ad desperationem abripiat.* ΠΑΥΤΩΝ ΜΕΘΩΝ ΑΡΙΣΤΩΝ. *Prædicanda ergo peccatorum remissio, erigenda infirmorum mentes, confirmandaque vacillantium. Interim vero & timor & reverentia Numinis omnibus inferenda est, ne quid temere, ne quid agant negligam, ne quid insituant, quod institutioni Christi adversum sit, vel non omni parte respondeat. Posteaquam animus integer, & uni Deo in Christo addictus, atque ad hunc modum fuerit institutus, tametsi morbo, infirmitate carnis nonnihil laboret, in fide tamen bonitatis divine cum reverentia accedere licet. Acerba enim illa in eos dicuntur, qui ut peregrinis Sacris erant commaculati, ita luxu confuscabant Cœnam Christi, & diffidiis conturbabant totam Christi Ecclesiam. Proinde Incredulitas magis, quam infirmitas peccatorum exploditur. Reverendissimus Archiepiscopus Cantuariensis Tillotsonius in Sermone de frequenti Communione, pag. m. 232. Tom. III. ita de hoc argumento loquitur. Il est d'autant plus nécessaire de leur (de Christianis loquitur) donner une juste idée de leurs devoirs sur cet article, que les discours imprudens de quelques personnes de notre siècle, sur la nature de l'Eucharistie, & sur le danger de la recevoir indignement, ont fait naître dans les esprits des craintes & des scrupules, jusques à empêcher plusieurs personnes de communier jamais & en rebutter beaucoup presque tout le monde. Et pag. 149. in eodem sermone ait : Entre plusieurs suites fâcheuses des desordres passés de notre Nation, celle-ci n'est pas la moins déplorable que dans plusieurs Assemblées religieuses du Royaume, les Chrétiens ont été généralement desaccoutumés & rebuttés de la Sainte Cène, sous prétexte, qu'ils n'y étoient pas assez bien préparés, & qu'ainsi ils cou-*

roient

roient grand risque de la recevoir indignement : d'où l'on a conclu, qu'il valoit mieux ne point communier du tout. Delà il est arrivé, que dans un grand nombre de lieux on a presque entièrement oublié cette grande & solennelle Institution de la Religion Chrétienne, comme si elle n'étoit plus de saison. His succedat Venerandus Oſterwaldius ante paucos menſes Coelitum choro adſcriptus. Is in libello optimæ frugis pleniffimo, cui titulus : *Source de la corruption &c.* capite ultimo, ſequentem in modum de hoc argumento pronuntiat. Je ne crois pas me tromper, ſi je dis, qu'une des choſes, qui fait, que bien des Gens communient & vivent mal, c'eſt l'idée trop ſevère, que quelques livres donnent de la Communion. C'eſt une choſe affligeante, que l'on ait rempli l'eſprit des Chrétiens de tant de ſcrupules à l'égard du S. ſacrament par des diſcours inconfidérés, & par des maximes outrées. Les Auteurs & les Prédicateurs parlent quelquefois du St. Sacrament, comme ſi tout étoit plein des pièges, comme ſi l'enfer & la damnation y étoient préparés. Ils repréſentent la communion comme une action ſi extraordinaire, ſi difficile, ſi périlleuſe, que ceux qui liſent, ou qui entendent ces diſcours, ſont tentés de s'éloigner de la ſainte table, & deſeſpèrent d'y participer comme il faut. En ſorte qu'au lieu que tout devoit être dans la joye, lors que l'Eucharistié ſe celebre dans l'Egliſe, pluſieurs ſont dans des inquiétudes, & dans des frayeurs extrêmes. Cette ſévérîté indiſcrete eſt cauſe, que pluſieurs gens de bien communient ſans conſolation ; parce qu'ils ont la conſcience travaillée de divers ſcrupules que la lecture de ces livres a fait naître. Il y a un grand nombre de bonnes ames, qui ne communient jamais ſans être dans des allarmes & dans des frayeurs inconcevables, juſques-là que pluſieurs croient communier à leur condamnation. Cela fait même, que pluſieurs pécheurs qui auroient quelque diſpoſition au bien, & quelque deſir de travailler à leur conversion, s'en degoûtent. On doit ſe donner garde de flâter les pécheurs dans leurs vices & de leur propoſer une Devotion ou une Morale relâchée. J'approuve, qu'on leur donne une grande idée de la pureté, qui eſt requiſe, dans une action auſſi ſainte & auſſi ſolennelle que la Communion, & de l'état ou doit être un vrai Chrétien. Mais, comme on ne parvient à cet état de pureté & de ſainteté que par degrés, cette idée, toute juſte qu'elle eſt, pourroit effrayer un pécheur, qui eſt dans le commencement de la conversion ; parce qu'il ne trouvera pas d'abord en lui tous les caractères d'une véritable repentance, & d'une ſincère régénération. Il faut donc l'avertir, que les commencements de la repentance ſont foibles ; qu'elle a ſes degrés & ſes progrès ; qu'ainſi il ne doit pas perdre courage, & que Dieu agréera ſa

sa Devotion & ses efforts, moyenant que sa repentence s'augmente dans la suite, & qu'il renonce de bonne foi à ses péchés. On oïtre les choses en matiere de Devotion ou de Morale, non-seulement quand on debite des maximes trop rigides, mais aussi lors, qu'en ne disant rien, qui ne soit vrai & conforme à l'Evangile, on ne s'accommode pas à l'état des personnes, à qui on parle. Hactenus præstantes illi Theologi. Ex quibus sine monito meo V. D. Ministri colligere possunt, quid cavendum & quid contra agendum sit.

Monita  
quædam ad  
locum Pau-  
li ad Corin-  
thios c. XI,  
v. 27 - 33.

XII. Ea quæ in antecedenti thesi dicta sunt, nobis in memoriam revocant commemorabilem locum Apostoli Pauli, in prima sua ad Corinthios epistola Cap. XI. Hunc vero, cum pii tum impii minus recte sæpe interpretentur, quædam ad eum monenda esse putamus. Solent nimirum Oratores sacri, ubi de necessitate præparationis ad sacram Cœnam agere solent, ad metum incutiendum iis, qui indigne S. Cœna utuntur, provocare ad locum hunc Pauli, idque non sine ratione, cum quia de necessitate explorationis, tum vero etiam de pœna agit extraordinaria, Corinthiis Cœnam sacram indigne utentibus, inflicta. Animus autem non est, versiculos illos omnes singillatim explicare, quia id satis ab Eruditis factum est Interpretibus. Quædam dumtaxat ad Institutum nostrum facientia, adducemus. Nimirum aliquod monendum de pœnis indigne S. Cœnam usurpantibus in inflicta; de voce ἀναξινς, & de δοκιμασία, quæ instituenda est rite hoc sacramentum usurpaturis. Ex versu trigésimo constat, Deum extraordinaria quadam ratione per morbos, & quidem uti B. Zwinglius, J. Altingius & alii existimant, per pestem, manifestum facere voluisse, quam male agant illi, qui indigne ad S. Cœnæ usum accedant, imo quosdam repentina nece e vita fuisse sublato vox κοινῶνται ostendit. Vocem κοινῶνται non tantum Græcis & Latinis, sed & Hebræis denotare mortem, viri docti dudum probarunt: vide loca collecta a Cl. Vorssio de Hebræismis N. T. pag. 198. seq. Eo autem fine, uti ex versu 33. hujus capituli constat, hæ pœnæ inflictæ, ut nimirum Christiani cæteri celebraturi S. Cœnam, in se descendant, remque attentione dignissimam esse memoriam mortis Jesu Christi persentiscant, factaque seria resipiscentia ob peccata commissa, devota postmodum mente tanti beneficii memores sint. Quamvis autem negare nolumus, Deum etiamnum indigne celebrantes S. Cœnam, morbis afficere posse, id tamen ordinario non fieri, ostendit quotidiana experientia. Habuit sine dubio Deus sapientissimas suas rationes, cur pœna adeo gravi indigne



digne utentes S. Cœna, adficeret. Primo illo Apostolico ævo Deus Apostolis multa extraordinaria ut dona, sic & pœnarum genera concessit, ut omnibus manifestum esset, Evangelium de Christo Jesu, rem esse divinissimam & attentione dignissimam, Apostolosque Viros esse Deo probatos, ut quos religionis ipsius præstantia commovere non posset, sensus ipse persuaderet.

Tales autem pœnæ infligebantur iis, qui ἀναξίως S. Cœnam celebrabant. Quæritur autem in quo peccatum illud constiterit: Duplici respectu dici potest, quod quidam Corinthiorum ἀναξίως accesserint ad mensam Domini. In genere quidem, quod non ea religione & mentis devotione, quam dignitas ipsius rei, id est mortis Jesu Christi commemoratio, deposcebat, Sacram Cœnam celebrarent. In specie vero, uti ex versu 27. 18. 21. & 22. hujus capituli constat, in eo potissimum peccabant, quod nimirum in agapis, quibus utebantur, varii excessus fuerint commissi, quod pauperes, qui ad celebrandam una S. Cœna accedebant, despexerint, quodque litibus & contentionibus inter se mutuo fuerint distracti. Ad phrasin δοκιμασθῆναι ἑαυτοὺς hoc unum notamus, quod illa δοκιμασία non solum sui explorationem sed & approbationem denotet; frustra enim illa exploratio institueretur, si facta exploratione, qualiscunque tandem conscientię & mentis futurus fuisset status, nihilominus tamen secure ad S. Cœnam accedere licuisset. Paucis hisce breviter explicatis, quædam sunt adjicienda monita, quia pii pariter & impii circa hoc argumentum aliquando errare solent:

Et (I) quidem homines, quibus Religio parum curæ cordique est, eo, quod hodiernum indigne Sacra Cœna utentes, nullis externis adficiantur pœnis minime colligere possunt, se se impunitos propterea abituros. Certe ex versu 27. clare patet, abutentes S. Cœna peccare contra J. Christum, pretiosumque meritum sanguine suo partum. Quod si nihil disertis verbis de hoc extaret in S. Literis, naturam tamen rei doceret, homines S. Cœnam modo indigno celebrantes, graviter peccare. Omnes Christiani, qui naturam Religionis christianæ rite perspectam habent, fateri tenentur, mortem Soteris nostri præcipuum illud Religionis christianæ dogma esse, quod sanctitatem & præstantiam illius patefacit. Notum insuper est, ex illo dogmate excellentissima & ponderosissima ad veram pietatis studium peti incitamenta. Ex quo manifestum est, eos, qui ἀναξίως idque frequenter, S. Cœna utuntur, nullo amoris J. Christi tactos esse desiderio, & memoriam

mortis Jesu Christi, ejusque efficaciam, parum pie recolere, adeoque id, quod ad veram pietatem necessario requiritur, turpiter negligere. Neque enim hic tam ad externa signa, quam vero ad objectum, ejusque dignitatem est respiciendum. Præterea fieri aliter non potest, quam ut is, qui frequenter sine devotione affectuque pietatis S. Cœna utitur, sensim sensimque habitum contrahat, sanctissima quæque Religionis officia transgrediendi. Credibile insuper non est, hominem vera pietate ornatum esse posse, qui negotium, quod Optimus Soter ad optimum, sanctissimumque finem instituit, adeo parum æstimat. Unde etiam videmus eos, qui sine pio cordis affectu S. Cœnam celebrare solent, non tantum in hac parte religionis peccare, sed & aliis esse deditos vitiis. Ex quo manifeste sequitur, eos, qui minus digne & religiose S. Cœnam celebrant, animos suos data opera adversus pietatis studium obfirmare, atque ita æternum exitium sibi metipsis, nisi resipiscant, attrahere.

(II) Quædam etiam de hoc argumento monenda sunt propter pios, vero Dei amore incensos. Nimirum solent illi aliquando vehementer angere, quando S. Cœnam celebraturus non adest ille mentis vigor, quem desiderant, neque criteria regenerationis tam vivide, uti quidem vellent, sentiunt. Hi edocendi sunt, obtingere ipsis in hoc negotio posse, quod in præstatione aliorum pietatis officiorum sibi metipsis evenire sciunt: nimirum ob rationes physicas & morales, pii etiam, languore quodam mentis corripri possunt, quod tamen non impedit, quo minus inter veri nominis Christianos referantur, cum radix amoris divini altissime cordibus infixæ sit, & post aliquod temporis intervallum, redeat in præcordia pristina illa & mascula virtus. Tales, si modo certo tales sunt, oratione gravi & circumspecta erigendi. Nam si quis æternum sibi exitium propterea attraheret, quod semel vel bis minus devote ac par erat, & ipsemet obtasset, sacra Cœna usus esset, pauci essent numero pii, qui certam consequendam remissionis peccatorum spem habere possent. Accedit, quod pii non tantum a habitu vitiorum sint liberati, sed & quod per universam vitam ad actiones suas attendentes, si qua in re deliquerunt, a Deo remissionem peccatorum petant, & in posterum ab illis peccatis sibi caveant. Hinc dubium non est, quin, si aliquando minus rite parati memoriam mortis Jesu Christi celebrarunt, veniam a Deo obtenturi sint. Hæc vero caute & circumspecte a V. D. Ministris insinuari debent, ne impii & Hypocritæ inde anam arripere possint, abusum S. Cœnæ excusandi.

sandi. Quemadmodum enim nimius rigor, pios potest terrere & in maximos conjicere animorum angores: ita contra minus circumspice adhibita solatia multos in vitiis obfirmare possunt; quod illis potissimum obtingere solet, qui in transitoria quadam mortis Christi meditatione, asceticorum libellorum lectione & externa tantum honestatis observantia sine fixo & firmo proposito, vitiis nuntium mittendi, piam S. Coenæ celebrationem positam esse existimant.

(III) De *δοκιμασία*, quam Apostolus Corinthiis commendat, pluribus non agam; quandoquidem illi qui libellos de vero usu S. Coenæ scripserunt, prolixè hanc materiam tractare solent. Unum tantum aut alterum observasse non inutile erit. Et (1) quidem crediderim *δοκιμασίαν* illam Corinthiis injunctam, distinguendam a *δοκιμασία* illa speciali, quam Christiani omnes, qui salutis suæ certi esse cupiunt, instituire debent. Ex iis quæ Paulus narrat, apparet, fuisse homines quosdam inter Corinthios exiguo amore religionis tactos & parum de divina origine institutionis S. Coenæ persuasos. Ritus forte ille nimis simplex videbatur hominibus, qui apparatu splendorum Cærimoniarum olim delectabantur. Paulus igitur vult, ut debita in posterum cum reverentia ad mensam Domini accedant, atque probe ad dignitatem rei, per symbola representatæ, attendant. (2) Pro certo ponunt Reformati, idque integro capite probat Vir Ethicæ Christianæ callentissimus B. Placetta, nonnisi regenitos & vere pios, rite S. Coena uti. Quando vero & hi seipfos jubentur *δοκιμαζέσθαι*, videndum est, in quo illa consistat: mea opinione distinguenda est *δοκιμασία* illa in *generalem* & *specialem*. Generalis præstita est facilis, neque longam illam & operosam in libellis asceticis præscriptam requirit disquisitionem & exercitationem: Cum enim pii certo sciant, se iis a Deo esse ornatos dotibus, quæ a veri nominis Christianis postuluntur, neque sine hac persuasionem certum de statu suo felici ferre possent judicium, manifestum est hoc examen facile absolvi posse. Ad specialem vero *δοκιμασίαν* instituendam, majori mentis attentione, & contentione opus est. Nimirum pii inter se diversi sunt, cum respectu cognitionis rerum divinarum, tum respectu progressuum in studio pietatis. Priores sedulo attendere debent, utrum curam aliquam habuerint aliquos in solidiore rerum divinarum cognitione faciendi progressus, nec ne: utrum firmiter adhæreant iis veritatibus, sine quibus salutis fides consistere non potest. Qui vero in cognitione & virtutum Christianarum exercitio altius sunt progressi, attendere sedulo debent utrum subtilioribus

bus vitiis, desideriis, & tentationibus fortiter resisterint nec ne; utrum eos forte non aliquis occuparit languor. Solet enim optimis etiam aliquando obrepere somnus. Quocunque autem in statu sunt pii, firmum debent habere propositum, mortem Jesu Christi pia mente recolendi, Christum Soterem suum occasione usus S. Cœnæ supra omnia magis ac magis amandi, & sanctissima Ejus præcepta sincere & sedulo custodiendi. (3) Ubi V. D. Ministri de præparatione ad S. Cœnam verba faciunt, ad Auditorum diversitatem probe attendere debent. Sunt enim in cœtibus omnibus Viri vere pii & masculino amore Soteris incensi; sunt debiles valde, tum respectu cognitionis, tum progressuum in pietatis studio; sunt securi, sunt vitiis omnis generis dediti, sunt tandem qui uni alicui vicio adhærescunt. Quæ vero circa hoc argumentum extrema vitanda sint, pie, prudenter, & doctè monuit Ill. Tillotsonius in sermone sacro supra laudato. Quomodo agendum in specie cum piis, qui scrupulis conscientiæ commoti, sacram cœnam sumere nolunt, doctè & prudenter ostendit, *Venerandus & Doctissimus Roques Pastor Ecclesiæ Gallicæ Basileensis dignissimus*, in libro, cui titulus: *Tableau de la conduite du Chrétien*.

Agitur de  
fine & usu S.  
Cœnæ.

XIII. Cum S. Cœna a Christo ipso, tanquam ritus inter Christianos usurpandus, sit instituta, non melius de vero ejus usu possumus edoceri, quam si ad finem, propter quem Sacramentum illud instituit Servator, attendamus. Jam vero non perplexis, sed clarissimis verbis affirmat, S. Cœnam ad memoriam mortis suæ celebrandam potissimum esse institutam. Idem affirmat Apostolus Paulus. *Præcipuus* igitur usus S. Cœnæ in debita mortis Jesu Christi commemoratione consistit. Mirum est igitur, quosdam asseruisse, nimis diluta esse ea, quæ pag. 17. & 21. dissertationis meæ, de fine S. Cœnæ dixeram. Debuissent homines, qui tot se systemata theologica legisse jactitant, memores duntaxat esse eorum, quæ olim juvenes legerunt in Medulla Heideggeri loco XXV. ubi de Sacramentis agit. Ibi enim totidem verbis dicitur; *principalem* finem S. Cœnæ esse mortis Christi memoriam. Et ante eum B. Bullingerus in Commentario ad 1. Epist. ad Corinth. cap. XI. v. ita inquit: *Sacrum hoc quod hic instituit, in memoriam instituit mortis suæ. Hinc enim toties, ingeminat, hoc facite in mei memoriam, mei inquam, qui pro vobis in mortem traditus sum: recte ergo meminit ejus temporis & notis, in qua traditus est. Primas enim in hoc sacro mystico tenet mors Christi.* Et de Cœna Domini Decad. v. Sermon. IX. ita loquitur: *Institutam dicimus a Domino Cœnam,*  
*ut*

ut ea mortem suam retineret in memoria, ne unquam oblivione obliteraretur. Est autem mors Christi compendium omnium beneficiorum Dei. Ergo vult in memoria retineri beneficium Incarnationis, passionis, redemptionis, amoris seu dilectionis. Licet autem memoria peragatur rei præteritæ, nempe mortis, ea tamen ad nos maxime pertinet & vivificat. Neque putabimus hunc esse postremum finem. Nullus enim NB. tam diligenter ac hic est expressus. Semel enim & iterum dicit Dominus; hoc facite in mei memoriam. At ritus ille sacer & actio illa sacra verbis vel prædicatione de morte Christi & redemptione humani generis conjuncta, mirum est quam renovet subinde beneficium, neque in oblivionem venire atque intercidere patiatur. Quod si homines illi acuti ingenii, qui censuræ suæ mea dicta subjecerunt, rite perpendifsent, quid sit mortem Domini celebrare, forte mecum falsi essent, id esse primum illud & præcipuum in usu S. Cœnæ. Qui enim de morte Jesu Christi rite & pie meditatur, singulas circumstantias hujus mortis, simul vero innocentiam Soteris animo repræsentat, intime persuasus est ante omnia de peccatorum suorum gravitate; ea dolet & propterea vehementer angitur: necessarium, propter virium humanarum imbecillitatem esse credit, ut Deus ipse medium reconciliationis commonstret: Qui rite mortem Domini celebrat, agnoscit, Jesum Christum, *θευωδωτορον* pro peccatis mortem obiisse cruentam, & ignominiosam: hanc mortem Filii Dei pro indignis peccatoribus obitam, tanquam unicam reconciliationis suæ cum Deo causam respicit. Ad hanc mortem, tanquam ad sacrum aliquod asylum confugit; in ea spem unicam suæ salutis & certam remissionis peccatorum fiduciam ponit: Jesum Christum per externa Symbola panis & vini in S. Cœna repræsentatum, non solum tanquam præsentem pia mente intuetur, sed & Deo Patri gratias agit pro tanto beneficio: Sic enim sumus a Deo comparati, ut ea, quæ nobis vehementer cordi sunt ea aut vix admodum aut omnino nunquam ex animis nostris elabantur. Ex quo fit ut apud Ciceronem neget aliquis, quemquam unquam fuisse obliviosum, ut non recordaretur, quo in loco thesaurum condidisset: verba sunt Celeb. Amyraldi dissertat. de usu & necessitate S. Cœnæ. Mortem Jesu Christi in S. Cœna repræsentatam, non tantum tanquam unicam salutis anchoram, sed & tanquam vinculum gravissimum, & incitamentum præstantissimum suæ erga tantum Soterem obligationis, gratique erga Eundem animi, intuetur: Quamquam extra S. Cœnæ usum meditatio mortis Jesu Christi pii hominis animum vehementer ad pietatis studium incendit, fatendum tamen est,

mentem ejus singulari quadam ratione per repræsentationem Symbolorum a Christo ipso institutorum, percelli: Nonnunquam etiam mens in contemplatione mortis Jesu defixa, incredibili quodam solatio perfunditur; & si solatium illud non semper, uti vellet, sentit, seria tamen illa meditatione mortis Jesu Christi officii sui monetur, & illi calcaria ad pietatem adduntur: meditatio hujus mortis eum ad fraternum amorem, omnibus hominibus, piis præsertim, Dei atque Christi amore ipensis, præstandum incitat. Contemplatio insuper seria hujus mortis, conjuncta est cum sanctis suspiriis & precibus eum in finem a pio homine fûsis, ut opus regenerationis, quod per Spiritum Sanctum vi meriti Jesu Christi obtentum est, magis magisque adaugeat, corroboret, confirmet & perficiat: Tandem homini S. Cœnam rite celebranti inest, non leve & transitorium sed fixum & serium propositum, Christum Jesum Soterem suum magis magisque amandi, vitiis nuntium mittendi, & quantum naturæ humanæ fragilitas patitur, ad perfectionem grassandi. Hæc omnia ad veram & salutarem mortis Jesu Christi in S. Cœna celebrationem requiruntur. Dicant ergo illi, qui se rectius de hoc argumento sentire jactitant, quid tandem amplius ad veram & salutarem illam mortis Christi in S. Cœna recordationem requiratur, & an non homo Christianus, ita mortem Christi extollens omnia illa præstet, quæ ad piam illius celebrationem requiruntur? lubens ego ab homine quocunque, Theologiæ gnaro, si erit, meliora edoceri cupio. Eadem ratione de hoc argumento locuti sunt Reformatores nostri, Viri præstantissimi, *Zwinglius*, *Oecolampadius*, & *Bullingerus*, quos duos priores contra varios Calumniatores, qui diffeminabant, Reformatores nimis tenuiter de S. Cœna sentire, atque suis explicationibus omnem salutarem usum S. Cœnæ demere, defendit *Bullingerus* in *Comment* ad 1. Epist. ad Corinth. cap. XI. pag. 208. & sq. Verba *Bullingeri* sic sonant: *Ne quis, inquit, in signi, Symboli, memoraculi, figuræ, repræsentationis, significationisve voces impingat, quasi de Sacramento corporis & sanguinis Domini nihil augustius sentiamus quam de signis communibus, nempe quod hæc locutio: Hoc est corpus meum, nibilo augustius sit, quam si quis de signo vel statua Socratis aut Herculis dicat, hæc est Socrates vel Hercules, & quod in hac Cœna sacra nuda tantum signa, id est nonnisi Communem panem & vinum commune edamus & bibamus, palam testamur, nos de sacris religiose, & ratione quadam sacra loqui. Præcipuum in hac Cœna est, quod peccata nostra expiarit Christus sanguine fuso, quod carne & sanguine suo animos nostros pascit & reficit:*

*brevi-*

breviter quod se se totum nobis offerat fruendum, id quanquam a solo Dei Spiritu percipiatur, attemperavit tamen se nobis ad nostrum captum, nostramque imbecillitatem divina bonitas, qua factum est, ut cum non solo spiritu, sed carne & spiritu conslemus, illa nobis invisibilia & cœlestia dona per res visibiles obtulerit, adeoque oculis ipsisque sensibus objecerit. Proinde corpus quidem nostrum edit panem visibilem, sed ipsa mens nostra, nisi ab sit fides, verum Domini corpus quod nobis a Deo datum ac in mortem traditum, credimus. Recte enim Veteres dixere, Sacramentum esse invisibilis gratiæ visibile signum. Itaque nos in Cena mystica non nudum duntaxat signum agnoscimus, sed ipsum Domini corpus & sanguinem mysticum. Id quod & felicitis memoriæ Viri eruditione & pietate clari, Ecclesiæ Christi lumina, fratres & præceptores nostri fidelissimi, Huldricus Zwinglius, Tigurina Ecclesiæ & Joannes Oecolampadius, Basiliensis Ecclesiæ Episcopi, agnovere. Productis dein in medium locis clarissimis Zwinglii & Oecolampadii ex quibus constat, eos recte de hoc argumento sensisse, & locutos, pag. 210. ita colligit: Ex his vero magnorum Virorum testimoniis intelligis, quod sit hujus cœlestis convivii ingenium, quod institutum, quæ vis, & natura: vides præterea quam sancte & quam religiose, hi cum omnibus orthodoxæ fidei cultoribus sentiant de hoc sacro mystico, ut jam nugones sutilesque blatterones sint, qui viros istos orthodoxe de Eucharistia sentientes, id videlicet ipsum quod de ea semper sensit Ecclesiæ Christi, nugantur hostes & Christi & Sacramentorum esse. Hactenus Bullingerus. Ex his, quæ de pia mortis Christi in S. Cœna meditatione dixi, judicari simul potest, quid de suspitione quorundam iniqua & minime fraterna sit sentiendum, qui ea, quæ Sect. IX. dissertat: prioris, a me de meditatione mortis in S. Cœna dicta sunt, parum abesse garriverunt ab iis, quæ & ipsi admittant Sociniani. Nimirum & hi (inquiunt) celebrationem mortis Christi in S. Cœna instituendam esse fatentur. Hoc vero argumentum non magis quadrat, quum si quis diceret: Sociniani edunt, bibunt, dormiunt, ambulant; Idem faciunt Reformati: Ergo Reformati sunt Sociniani. Hæc ratiocinatio si valet, facile Reformati in Socinianos & vicissim mutantur. Certe hic, si ullibi valet illud tritum. Duo quando idem dicunt, non tamen semper idem sentiunt: vera ratio piz recordationis mortis Jesu Christi, non tam quærenda in contemplatione mortis duntaxat, quam vero in meditatione de causis hujus mortis, de dignitate persone, quæ mortem obiit, & de vi & efficacia hujus mortis. Negant nimirum Sociniani necessitatem & satisfactionem mortis J. Christi: Ego cum Reforma-

tis

tis eandem adstruo. Sociniani negant divinitatem Jesu Christi; Ego contra toto pectore eam profiteor. Sociniani negant mortem Christi verum esse pro peccatis *λυτρον*. Ego contrarium assero. Sociniani negant regenerationem & conversionem hominis fructum esse satisfactionis præstitæ pro peccatoribus: Nos vero cum Reformatis hanc propositionem tuemur. Aut vera rerum vocabula amisimus, & sensu communi destituimur, aut recordatio mortis Jesu Christi a nobis exposita, a sententia Socinianorum toto cœlo diversa est. Novi quidem F. Socinum, ut invidiam a se amoliretur, & sententiæ suæ de S. Cœna innocentiam aliqua ratione probaret, ad Zwinglium provocasse, quasi eadem cum ipso de S. Cœnæ usu sentientem. Ita enim inter alia in in controversia cum Niemojevio loquitur: *Certe, inquit Zwinglius & alii, qui, ut ipsi nostri sentiunt, primi omnium omnes perniciosiores crassioresque de Cœna Domini opiniones ex Christi Ecclesia exterminare ceperunt, hoc idem dixerunt, quippe qui aperte vidissent, Cœnam Domini non eo institutam fuisse, ut ibi aliquid ad salutem accipiamus, sed ut ad eam pertinentia accepta quædam commemoremus, deque iis gratias agamus.* Ita Socinus. At num hæc est legitima Collectio. Socinus ad Zwinglium provocavit, tanquam *ἐμψυρον* in doctrina de S. Cœna, ergo Zwinglius idem sensit de hoc argumento quod Socinus? Quis enim nescit Zwinglium & Deitatem Soteris nostri, & ejus satisfactionem meritumque agnovisse, Socinum non item? quomodo ergo parili ratione Socinus & Zwinglius mortem Jesu Christi celebrare dici possunt? Non melius huic calumniæ occurri posse crediderim quam verbis B. Hospiniani qui *Hist. Sacrament.* Tom. II. pag. 31. ita Zwinglii causam agit dicens: *quod autem quædam inveniuntur in Zwinglii epistolis & alibi, unde videri posset vir ille sacramentis minus tribuisse, quam eis Scriptura tribuit, si scopus & intentio ejus spectetur, id nemo ei nisi Momus vitio vertere & sinistre interpretari poterit.* Cum enim Pontificii transubstantiationem, ceu conversionem elementorum in res ipsas his significatas docerent: Lutherus autem cum Scholasticis quibusdam localem inclusionem corporis Christi in pane docere videretur! *difficillimum autem esset, has opiniones, que diu jam & altius radices egerant, prior præsertim in animis hominum, revellere, omnes ingenii vires ad eas impugnandas applicuit; ita quidem, ut magis abesse in S. Cœna Dominum, quam adesse corpore & sanguine suo, & dari potius symbola hic, quam corpus & sanguinem Domini sentire videretur: quum tamen non vellet simpliciter abesse a Cœna Domini, aut inania corporis & sanguinis Domini omni-*



no hic Symbola dispensari; sicut Bucerus testatur in suis retractationibus, quod ipsum & Zwinglius apud se, agentem cum eo de concordia Ecclesiarum in hoc dogmate, ingenue & aperte confessus sit, atque etiam ex Apologia ejus ad Principes Germanie apparet: Nam ibi verbis Augustini presentiam Domini in cœna apertissime confessus est. Eodem modo alicubi, dum cavere vellet, ne homines ab externo opere in Sacramentis salutem peterent, affirmare visus est Sacramenta tesseras tantum esse Societatis christianæ & nihil ad salutem conferre. At alibi disertè scribit, Sacramenta auxilium opemque adferre fidei. Ex quo satis liquere potest, quum scripsit, Sacramenta nihil conferre ad salutem, nec confirmare fidem, eo intellexisse Sacramentis, id est externe actioni Sacramentorum per se nihil inesse hujus ut conscientias roboret fide aucta. Dum enim istam suam sententiam, Sacramenta non dispensare salutem nec confirmare fidem, probare instituit, adfert, confirmare & augere fidem, esse opus Christi per Sp. Sanctum. Quibus verbis prima fronte, nec mente Zwinglii probe intellectâ, argumentum inesse videtur simile illi, Deus sanat vi nature, ergo medicus & medicina nihil ad illud conferunt. Efficit quidem omnem salutem in nobis unus Christus, idque nulla aliena virtute, sed suo solius spiritu: interim tamen ad id ipsum utitur ad nos suo verbo, tam visibili in Sacramentis quam audibili in Evangelio. His remissionem peccatorum, communionem sui & vitam æternam adfert. Exhibet. Zwinglii optime agnovit, probavit & docuit; proinde quam negavit Sacramenta dispensare gratiam, intellexit per Sacramenta externam actionem, ejusque sententia fuit, eam hic valere non ex se, sed salutis omnia niti actione interna Christi, cujus Sacramenta suo modo Instrumenta sunt. Ita Hospinianus. Dissensisse vero prorsus a Socinianis Zwinglium ea docent, quæ ipsemet adversus malignam illam suspicionem monuit in Expositione Eucharistie ad M. Lutherum. Ita enim pag. m. 63. loquitur: Ponam autem brevem veluti summam ut ipse Christum agnoscam. Ego agnosco Christum esse juxta Apostoli verbum 1. Corinth. I. Sapientiam a Deo; Justitiam & Sanctificationem ac redemptionem. Sapientiam quod natura Deus est, qui omnia non solum novit, sed moderatur etiam. Sapientiam a Deo quod Eum omnipotens Pater misit, ut cœlestem sapientiam adeo perfecte doceret ac luculenter, ut quid ille docuisset id tandem esset vere sapientiæ typus. Unde & Paulus fatetur, se nihil scire quam Christum Jesum & hunc crucifixum: quod vir prudentissimus, si non perfectum habuisset in eo esse omnes thesauros Sapientiæ non dixisset. Sapientiam a Deo, quo nos certi fieremus externa nulla posse

ad justificationem. In summa sic docuit, ut nemo qui mente præditus est, non videat, in hoc uno fuisse ut Domino fideremus ac vitæ innocentia & vitæ sanctimonia coleremus. Cumque vitio & calamitate, quæ naturam nostram in herba, quod dicitur, perdidit, sic simus cupiditatibus alligati, ut nihil eorum, quæ Deus a nobis requirit, digne ac ut oportet faciamus, sit ut iterum terreat iustitia Dei; Nam utcumque illum misericordem ac bonum prædicemus, iustum tamen simul agnoscere cogimur: neque enim vere bonum esset, quod iustitia vacaret. Jam ut ejus quoque iustitia Sacrosancta maneat, & homo tamen, qui ea nihil dignum facit, non perpetuo privaretur ejus contubernio, viam invenit, quæ & iustitiæ satisfieret, & miser contubernio Dei restitueretur. Misit ergo filium, qui nostra fieret iustitia, sanctificatio & redemptionis pretium. Atque iis modo fieret, qui a Deo electi, atque intus spiritu docti, id firmiter crederent, quod per unam misericordie Dei viam (nam quod iustitiam oblato filio placavit suam, itidem est misericordie opus) ad beatitatem eternam pateat aditus. Hujus autem misericordie pignus ac vadimonium factum est filius ejus: Quomodo enim non omnia nobis donabit qui filium dedit! Non commandatus, sed spei nostræ fundamentum factus; non quatenus caro est, sed quatenus Dei filius est, qui carnem induit. Sic brevibus habes, ut ipse Christum agnoscam, nempe lucem esse ac summam sapientiam, quæ mundum sic illustravit, ut videret non aliis obsequiis deliniri Deum quam innocentie: non alio pretio aut vestigali cælum conscendi, quam filii Dei ἀπολυτῶσαι: non aliis calcavibus ad veræ virtutis opus excitari, quam Spiritus inflammatione: non aliis fistulis in animas nostras verum refrigerium derivari quam ejusdem Spiritu ac influxu. Sic Christum agnoscimus. Quod si hoc non est eum serio agnoscere, fatebor me nondum agnovisse. Ita B. Zvinglius.

Monitum de  
concionibus  
paraſceva-  
ſticis.

XIV. Hactenus egimus cum de causis externis, quæ impedire possunt Christianos, quo minus recte S. Cœna utantur, tum de legitimo fine & usu S. Cœnæ. Jam vero dispiciendum erit, quid V. D. Ministris præstandum sit, quando homines ad dignam S. Cœnæ celebrationem inducere volunt. Laudabilis mos est V. D. Ministrorum, quod diebus Festa sacra proxime antecedentibus, talia argumenta Orationum eligant, quæ ad dignam S. Cœnæ celebrationem homines invitare & inducere possunt. Quæ circa has Orationes monenda sunt, ad duo, mea sententia, revocari possunt capita. Nimirum aliquid est cavendum V. D. Ministris, aliud vero præstandum. Cavendum nimirum est, ne Orationes ejusmodi paraſcevallicæ sint nimis vage, & generales, quod fit, si Auditores ad hoc duntaxat præstandum mo-  
nentur,

nentur, ut per instantem septimanam lectioni & sedulæ S. concionum frequentationi vacent, seque ipsos serio examinent. Ita enim Auditores multi facile in eam opinionem incident, ut putent, hoc peractis, dubium non esse, quin digne Sacra Cœna usuri & efficaciam mortis J. Christi, id est, remissionem peccatorum adepturi sint. Præterea opus conversionis nimis facile fieri posse sibi adblandiuntur, quæ opinio serio & pio proposito vitiis omnibus nuntium mittendi, vitamque emendandi, officere potest. Ea vero quæ V. D. M. præstanda sunt ad sequentia reduci possunt. Primum est; operam dabit V. D. M. ut perspicue & solide probet, necesse esse, ut is, qui digne uti velit S. Cœna, jam ante celebrationem vel jam conversus sit, vel animum saltem jam jam ad opus illud, auxilio divino præstandum, præparaverit; hoc paulo fusius cum ex fine & usu S. Cœnæ, tum ex indole regenerationis & veræ conversionis ostendendum. Atque hoc eo magis est faciendum, quia multi Christiani opinantur, libellorum asceticorum lectione, quotidiana concionum frequentatione, confessione generali peccatorum, frigida mortis Christi commemoratione, absolvi omne id, quod ad verum & salutarem S. Cœnæ usum spectat, seque adeo ita agendo omnibus illis signis instructos esse, ex quibus colligitur, nos Deo conciliatos esse. Quo altius vero hæc periculosa opinio animis est infixæ, eo majore diligentia & argumentorum pondere est debellenda. Nunquam enim magis attentus & circumspectus esse debet Orator sacer, quam ubi de eradicandis pietati nocivis opinionibus agitur. Multi innocuos errores non sine maxima animi commotione & zelo aggrediuntur; non vero eodem fervore errores prædicos impugnant; de quo tamen hic dicendi locus non est.

II. V. D. Ministro singillatim cum vere conversis, cum iis, qui in primordiis conversionis consistunt, cum hypocritis, & iis, qui crassioribus vitiis dediti sunt in ejusmodi Orationibus loquendum est. Piis in universum omnibus, gradibus licet progressuum in conversionis negotio multum inter se diversis, demonstrandum, beneficium excellentissimum, quod quidem Deus homini Christiano concesserit, esse cruentam mortem Jesu Christi; piam mortis hujus contemplationem ponderosissima in se comprehendere incitamenta ad tenerimum amorem Soteris nostri, & stimulos adversus omnem languorem & peccatorum tentamina suppeditare: Cum vero singulari quadam ratione in usu S. Symbolorum hoc beneficium repræsentetur, læto cum animo ad S. Cœnam frequenter esse accedendum. Hypocritis

M m m m m 2

vero

vero & vitiis plane deditis perspicue ostendendum, fieri per rerum naturam aliter non posse, quam ut illi, qui beneficio tam excellenti abutantur, atque sine ullis pietatis stimulis frequenter sacram cœnam fumant, hoc ipso impediunt, quo minus ad seriam pœnitentiam, sine qua tamen nulla certa spes consequendæ salutis datur, perveniant.

III. Quod præstari mea sententia a V. D. Ministro debet hoc est; ut nimirum characteres essentielles, qui homini regenito inesse debent, animis insinuet atque perspicuis argumentis probet, fieri non posse, ut quis beneficiorum morte Soteris partorum particeps esse possit, nisi characteribus illis sit vere instructus. Eum in finem in his Orationibus mox naturam salutaris fidei & effectuum ejus, mox veræ & sinceræ pœnitentiæ notas, mox fraterni amoris officia pertractabit; mox ex natura oppositorum his virtutibus peccatorum ostendet, impossibile esse, ut qui in his vel illis vitiis habitum contraxerint, mortem Jesu Christi rite celebrare, aut ullam spem, dum tales maneant, consequendæ salutis habere possint. Quod si quis putet, impios hac ratione ab usu S. Cœnæ absteritum iri (IV.) loco monere debet V. D. M., homines, qui vitiis nondum plane nuncium miserunt, causas sufficientes non habere cur propterea S. Cœnæ usum omittant, cum quia habemus præceptum satis apertum Soteris nostri jubentis, ut in sui memoriam sacris symbolis utamur; tum quia celebratio hujus Sacramenti occasio esse potest, per quam homo in se descendere, & accedentibus variis circumstantiis, quas divini Numinis favor suppeditare potest, via ad conversionem sterni potest. Quemadmodum enim nondum conversis verbum divinum legendum & audiendum tamen est, quia est semen regenerationis; Ita pariter usus S. Cœnæ medium est externum, hominem vitiis suorum convincendi, atque accedente divina gratia, eum ad veram conversionem præparandi. In primis autem hoc facere tenentur illi, qui ob debilem rerum divinarum cognitionem distincte veros converforum characteres exponere non possunt, simul tamen animadvertunt, semina quædam novæ vitæ animis suis esse implantata. Meditatione enim pia mortis Christi, in qua medulla salutis nostræ quæri debet, successu temporis major mentibus instillatur lux, & majus ad veræ pietatis studium accedit incitamentum.

De libellis,  
in quibus, de  
vero S. Cœ-  
næ usu agi-  
tur, quædam  
monita.

XV. Solent V. D. Ministri, idque pie & prudenter, homines de vero S. Cœnæ rite celebraturos, ablegare ad libellos asceticos, in quibus de vero usu S. Cœnæ agitur, neque dubium est, quin ejusmodi libellorum

lorum lectio seria & attenta, animos præparare possit, ad dignam hujus Sacramenti celebrationem. Quia vero ejusmodi libelli non unius sunt generis, aliquid de hoc argumento monuisse non erit forsan inutile. Monendum primo, quid in quibusdam desideretur, qualis debeat esse stylus eorum, qui animos ad libellos tales scribendos appellunt, & tandem quænam argumenta complecti debeant ejusmodi libelli. Quid in multis libris, qui ad devotionem excitandam scripti sunt desideretur, pie & docte ostendit, *ὁ Μακαρίτης Venerandus Osterwaldius* capite ultimo libri supra laudati. Hunc evolvant, qui amore veri tacti sunt: nos paucis sumus contenti monitis. Sunt nimirum talium libellorum auctores, qui non tam id agunt, ut perspicuis argumentis & verbis res sanctissimas explicent atque probent, quam vero ut hinc inde collectis ampullatis locutionibus, affectuum impetus excitent, quo fieri solet, ut posito affectu, nescio qua troporum violentia extorto, in notionibus obscuris homines adquiescant, & in verbis non satis intellectis stupeant. Quod de libellis ad pietatem excitandam in genere monuit Ven. *Osterwaldius* loco citato, applicari singillatim potest libellis quibusdam qui de recto usu S. Coenæ agunt. La piété (inquit) pag. 285. loc. cit. seroit mieux connue & plus estimée qu'elle n'est, si le jugement & le bon sens regnoient toujours dans les livres de dévotion, & si l'on n'y voyoit rien, qui étant examiné à la rigueur, ne se trouvât conforme à l'exakte vérité. Ceux qui travaillant à des ouvrages de cette nature, se proposent de toucher le cœur, & d'exciter des sentimens de Piété. Leur but est bon; mais il faut savoir, que ce qui touche le cœur, & ce qui inspire la Devotion, c'est la force des raisons, l'evidence des preuves, la grandeur des objets, la clarté & la solidité des choses, que l'on dit. C'est aussi à quoi les Auteurs judicieux s'attachent principalement, & c'est par-là que plusieurs ont réussi dans les excellens ouvrages, dont ils ont enrichi le public. Mais c'est - ce que d'autres Auteurs ne considèrent pas. Ils s'appliquent plutôt à dire des choses touchantes, qu'à penser & qu'à parler juste; Ils consultent l'imagination plutôt que le bon sens; ils mettent par écrit tout ce qui dans la chaleur de la meditation & dans les mouvemens de leur zèle leur semble propre à émouvoir à attendrir, à consoler ou à effrayer. Delà vient qu'il y a dans leurs Ouvrages des endroits foibles, des pensées qui paroissent basses, ou même fausses aux Lecteurs, qui ont du discernement, des contradictions & d'autres semblables défauts. Ces Ouvrages sont beaucoup de tort à la Religion. Car d'un côté ils ne produisent en ceux, qui les lisent, & qui les goûtent, qu'une

dévotion confuse & peu raisonnable ; & de l'autre, ils exposent la dévotion aux railleries & aux mépris des Libertins. On a souvent le déplaisir & le scandale de voir des personnes éclairées témoigner peu d'estime pour les livres de Piété. On entend dire tous les jours dans le monde, que ces livres ne sont pas bons, que pour les femmes & pour le commun peuple. Ce mépris procede principalement de l'humeur profane & du libertinage ; mais il a aussi sa source dans le peu de justesse & de solidité que l'on trouve dans certains livres de dévotion. Ita Eximius ille Theologus.

(II.) Quidam hujus generis libelli nimis generales sunt, neque characteres hominum piorum, & impiorum, diversosque status hominum satis dilucide exponunt. (III.) Multi horum libellorum innumeris metaphoris & flosculis scatent, qui impediunt, quo minus simpliciores verum & nativum sensum rerum sanctissimarum percipiant, de quo tamen in priore dissertatione jam verba fecimus. Quæ vero inesse debent his libellis, vel ad voces & ad stylum, vel ad argumentum ipsum spectant. Quod ad prius attinet, stylus debet ita esse perspicuus, nativus, & simplex ut homines mediocris ingenii sensum rerum propositarum non possint non capere. Cum enim Auctores ejusmodi libellorum, nihil aliud intendere debeant, & sine dubio intendant, quam ut res sanctissimas explicent & commendent ; ita necesse est ut perspicuis verbis, quæ omnium ingeniis attemperata sunt, utantur. Si vero quærat quod capitibus constare debeat ejusmodi libellus, definire ego quicquam nolim. Salvo tamen meliore aliorum judicio, de sequentibus potissimum articulis agendum esse puto.

I. Breviter, sed nervose representanda sunt argumenta, quibus Religionis Christianæ veritas probatur. Hæc argumenta brevitate causa defumi possunt a veritate & certitudine Resurrectionis J. Christi. Nisi enim homo christianus vere de hoc articulo est persuasus, mascula pietas radices agere in animo ejus non potest, neque etiam adeo pie mortem Christi celebrare potest. Novi quidem esse Viros præstantes, qui putent, hæc esse omittenda tanquam jam concessa ; at experientia testatur, multos S. Cœnam celebrantes, non rite, ut decet, de hoc articulo esse instructos & persuasos : cum vero plerique Christiani, illi etiam, qui non satis de argumentis, quibus Religionis christianæ divina origo probari solet, sint edocti eo tempore, quo in animum induxerunt S. Cœnam celebrare, ejusmodi libellos evolvere soleant, ita hunc gravissimum articulum expendendi occasionem habent.

II. Agendum est, de Jesu Christo, de dignitate personæ ejus, de ejus officiis; inprimis vero de amore ipsius erga nos demonstrato in cruenta sua passione & morte; monendum inprimis in morte hac pro nobis obita, verum nostrum & unicum solatium esse querendum.

III. Sensus verborum Institutionis S. Coenæ collatis Apostolorum de hoc Sacramento testimoniis, clare & perspicue est explicandus, & breviter ostendendum, explicationem Reformatorum convenire cum verbis institutionis, cum ratione, sensibus, natura Sacramentorum, & cum aliis gravissimis Religionis christianæ capitibus. Pontificiorum vero opinionem his omnibus esse oppositam. Quamvis enim in hisce libellis praxeos potissimum sit habenda ratio, necesse tamen est, ut quotquot pie mortem Jesu Christi in S. Coenæ usu celebrare volunt, genuinam hujus Sacramenti habeant cognitionem, atque sentiant, quam ineptum sit ope commestionis panis & vini duntaxat, beneficiorum morte Christi partorum, velle participem fieri.

IV. In hoc capite agendum de fine, scopo & vero usu S. Coenæ. Ubi inprimis notandum, finem principalem esse seriam & piam mortis Christi meditationem, atque in hac cogitatione totam mentem oportere esse defixam: monstrandumque tandem non solum per partes, in quo pia illa & seria meditatio mortis Christi consistat, sed & quantum hæc meditatio ad pietatis studium mentem incendere possit.

V. Ut autem usus legitimus S. Coenæ rite pateat, distincte representandi characteres veri nominis Christianorum, eum in finem, ut quisque S. Coenam celebraturus, sciat, in quo statu positus sit, & quæ proinde spes sit consequendæ salutis. Singillatim vero de variis gradibus piorum agendum; ubi argumentum hoc non est exaggerandum, neque contra nimis dilute est tractandum. His opponendi sunt Characteres Hypocritarum & Impiorum, atque ostendendum, eos neque in fruitione symbolorum externorum, neque in frigida commemoratione mortis Christi præsidium querere posse.

VI. Communia Hypocritarum & Impiorum de S. Coenæ usu præjudicia rite sunt representanda, & gravibus argumentis consellenda.

VII. Agendum est de Examine Suimetipsius ante usum Sacre Coenæ instituendo, de ejus necessitate, & partibus.

VIII. Per partes ostendendum, in quo salutaris fidei natura consistat, quive sint ejusdem fructus.

IX. Singulari capite de natura, certisque indiciis veræ & sinceræ poenitentiae agendum.

X. Mon-

X. Monstrandum, quid in ipsa participatione S. Cœnæ, & post eam sit agendum, respectu inprimis habito ad diversos hominum status.

XI. Denique breves quædam, sed perspicuo sermone exarata præcum formulæ sunt adponendæ, quæ cum ante usum S. Cœnæ tum post eum sunt fundendæ, idque singillatim ita est præstandum, ut attendatur ad pios, qui vel solatium ex usu Cœnæ ceperunt, vel ad dejectos plane corde, vel ad eos qui debiles adhuc sunt, vel ad eos tandem, qui ante & post Cœnam nullos pietatis stimulos senserunt: quales formulas suo de Officiis Communicantium libello adjecit præter alios *Vener. Osterwaldus* Pastor Ecclesiæ Basileensis dignissimus. Ad hæc capita, salvo tamen, ut dixi, aliorum judicio, referenda mea opinione, quæ in his libellis repræsentari debent.

Quid observandum Pastoribus in concionibus sacris, quæ horis pomeridianis peracto mane usu S. Cœnæ, haberi solent.

XVI. Solenne est Oratoribus sacris, ut peracta mane S. Cœnæ celebratione, in concionibus pomeridianis, tales textus deligant, qui materiam suppeditant Deo gratias agendi ob beneficium redemptionis, cujus memoria in S. Cœnæ usu fuit animis repræsentata. Neque dubium est, quin recte id fiat: cum enim per usum S. Cœnæ singulari quadam ratione in memoriam revocatum fuerit beneficium Dei præstantissimum, id est mors cruenta J. C. Soteris nostri, solemnes Deo præstare gratiarum actiones æquissimum est. Cavendum tamen, ne ejusmodi Orationes sint nimis vagæ. Notum enim est, plurimos Christianorum in externo symbolorum usu, & qualicunque recordatione Christi adquiescere, atque existimare, se hac ratione vere omnium Christi beneficiorum participes redditos esse. His gratæ sunt illæ Orationes, in quibus indiscriminatim Deo gratiæ aguntur, quod per celebrationem S. Cœnæ certi reddamur fructuum mortis Christi & remissionis peccatorum. Cum vero Orator sacer inprimis id agere semper debeat, ut errores populares sed nocivos valde, ex animis Auditorum, quantum in se est, evellat, operam navabit, ut circumspicte valde de hoc argumento differat. Mea opinione duabus partibus constare debent ejusmodi Orationes. In priore parte ostendi debet, eos, qui ante usum S. Cœnæ characteres verorum Christianorum in se deprehenderint, & jam memores fuerint beneficiorum morte Christi partorum, gloriandi causas habere amplissimas, quandoquidem recordatione pia mortis Jesu Christi, in S. Cœna repræsentatæ, novis ad Deo gratias agendum, ad Christum supra omnia amandum, & in studio virtutis gnaviter decurrendum, incitamentis fuerunt inducti.

Monstran-



Monstrandum insuper, tales læto & tranquillo posse esse animo, non propter externum usum S. Coenæ, qui ipsis cum Hypocritis & Impiis communis sit, sed quod gratia Dei, ante usum S. Coenæ, ad emendatorem vivendi rationem traducti, sentiant, beneficia morte Christi parta ad se spectare. In posteriore Orationis parte paulo uberius cum iis loquendum, qui aut ante vel post usum S. Coenæ nullos plane conscientia stimulos senserunt, ob habitum in vitiis contractum, aut levi quadam sed transitoria peccatorum recordatione tacti quidem fuerunt, sine tamen ullo serio studio vitam in melius mutandi. Hisce monstrandum, nullas ipsos lætandi causas habere, eosque in præsentissimo esse exitii periculo, nisi animos mutant, atque incipiant reverentius de usu S. Coenæ sentire. Ita enim agendo Auditores facile animadvertunt, non omnes qui Sacra Cœna usi sunt, tranquillo posse esse animo, neque propterea beneficia mortis Christi sibi metipsis vindicare posse. Sentient ita tales, se gravissimas habere rationes, Deum in Christo Jesu exorandi, ut illis det illuminatos oculos mentis, pervidendi ea, quæ ad salutem spectant. Quod de concionibus dixi, de Psalmis etiam & precum formulis observandum esse puto. Optandum igitur, ut tales precum formulæ & Psalmi conficerentur, in quibus distincte satis duorum illorum hominum generum mentio fieret, neque dubium, quin stimuli aliqui conscientia in animis auditorum ita exoritur essent.

XVII. Incidit hic quæstio, ab Instituto nostro forte non aliena; Quæritur nimirum, quid sit sentiendum de hominibus piis & vere regenitis, qui occasione fruitionis S. Coenæ non solum raro vera percipiunt solatia, sed animis sæpe anguntur. Respondemus: (1) Nostre sententia his hominibus repræsentandum, verum solatium non tam esse repetendum ab ipso usu S. Coenæ, quam vero potius ab eo, quod ante Coenæ publicam celebrationem, certos emendatæ mentis characteres in se deprehenderint; Hi enim ubi adsunt, tuto colligere possunt, se auxilio Spiritus Sancti beneficiorum divinorum, morte Christi partorum, factos esse participes; Ostendendum, hanc, quam anhelant, gaudii perceptionem mox adesse, mox abesse pro diverso priorum statu interno & externo. Quod si sentiant, se serio egisse poenitentiam & vitiis valedixisse, ob defectum illius lætitiæ de misericordia & favore divino, dubitandum non esse, quandoquidem gaudium illud perpetuum ad notas certas veri Christianismi neque ad essentiam dignæ celebrationis Sacrae Coenæ non pertineat. (2) Ut plenius his

Quid judicandum de hominibus piis, qui utentes S. Coena, raro solatium percipiunt,

hominibus satisfaciamus, inquirendum est sedulo in causas angorum, quibus sæpe utentes S. Cœna divexantur. Sunt autem illæ vel physiciæ vel morales. Physiciæ ex temperamento oriri possunt; per id enim fieri solet, ut multi Christianorum nimis sint meticulosi, & insulubiles male sanæ phantasie obnoxii. Morales varios habent fontes. Sæpe tales falsa opinione delusi sunt atque existimant, necesse esse ut ante S. Cœnæ usum, & in ipso fruitionis actu, semper insolito perfundantur gaudio: aliquando peccatis quibusdam se se contaminarunt, quæ quidem serio detestati sunt, sed quæ instante tempore, quo S. Cœna celebranda est, denuo vivide menti repræsentantur. Nonnunquam ante S. Cœnæ usum, languorem aliquem spirituales sentiunt, quem per usum S. Cœnæ prorsus tolli oportere sibi persuadent. Sæpe etiam leviores errores quos commiserunt, nimis extollunt, & propterea de certitudine suæ conversionis dubitant; mirum igitur non est, nubilam esse eorum mentem, qui in hoc statu positi sunt. Ad has vero & alias causas tristitiæ detegendas, necesse est, ut Pastor familiariter utatur iis Auditorum suorum, quos ad pietatis studium vel inclinatos, vel in principiis conversionis stantes, vel vere ad sanio rem mentem rediisse, non contemnendis argumentis est persuasus. Ita enim demum omnes, ut ita dicam occultos angulos mentis emendatæ sed aliquando faucibus cognoscere poterit. Interim, si certus sit V. D. Minister, hominem tali tristitia affectum, quantum ex multis indicibus id illi constare potest, vere esse conversum & Deum amare, solatium illi addere debet, eumque incitare, ut magis magisque in pietatis studio pedem promoveat, testans illi, ita agendo veras lætandi causas nunquam defuturas: cœterum ad levandum dolorem rogandus est, ut seriis & frequentioribus sit intentus precibus. (\*)

## XVIII.

(\*) His hominibus repræsentanda sunt, quæ de Amore Dei scripserat Nobilissimus Poëta Gallus, Boilavius in Epistola XII, data ad Abbatem Renaudot sur l'amour de Dieu: sonant autem inter alia sic:

*Dans nous l'Amour de Dieu second en saints desirs,  
N'y produit pas toujours de sensibles plaisirs.  
Souvent le cœur qui l'a, ne sait pas lui-même.  
Tel craint de n'aimer pas, qui sincèrement aime.*

*Le seul Amour manquant ne peut point s'excuser:  
C'est par lui que dans nous la Grace fructifie,  
C'est lui, qui nous l'anime & qui nous ravivifie.  
Pour nous rejoindre à Dieu lui seul est le lien.  
Et sans lui Foi, Vertus, Sacraments, tout n'est rien.*

XVIII. Quæritur inter Theologos, utrum S. Coenæ celebratio minus vel magis frequens esse debeat. Hic vero non una est omnium de hoc argumento sententia: neque aliter fieri potest, ubi neque Christus neque Apostoli, quot vicibus per annum S. Coenæ celebranda sit, præceperunt. Hinc veteres æque ac recentiores Ecclesiæ suæ usque libertate frequentius vel minus frequenter S. Coenæ utendum esse existimarunt. Nostra ætate dentio exorta de novo inter nos quæstio, an non conducibile & laudabile esset institutum, si inter tempus, quod a festo Pentecostes usque ad festum Nativitatis J. Christi decurrit, memoria J. Christi in S. Coenæ recoleretur. Sunt qui affirmant, dantur vero contra, qui putent in recepta consuetudine esse adquietendum. Neque dubium quin dissensus ille inter fratres æquo animo ferendus sit. Video ita jam suo tempore sensisse B. Bullingerum quando in Commentario suo in 1. Epist. Pauli ad Corinthios, & quidem v. 26. cap. VI. ita differit: *Principio quidem (dicit) quotiescunque comederitis, nimirum hac voce liberum Ecclesiis relinquens quando aut quoties sacra in cœtu celebrent Eucharistiam* Extat hac de re pia ac utilis disputatio Augustini ad Januarium Epistola 118. *cujus verba, si quis requirit hac ferme sunt. Alii quotidie communicant corpori & sanguini dominico, alii certis diebus accipiunt. Alii nullus dies intermittitur quo non offeratur: alibi Sabbato tantum & Dominico, alii tantum Dominico; & si aliud ejusmodi animadverti potest: totum hoc genus rerum liberas habet observationes, nec disciplina ulla est in his melior gravi prudentique Christiano, quam ut eo modo agat, quo agere viderit Ecclesiam ad quamcunque sorte devenit: Sensi enim saepe dolens & gemens multas infirmorum perturbationes fieri per quorundam fratrum contentiosam obstinationem & superstitiosam timiditatem, qui in rebus ejusmodi, quæ neque Scripturæ Sanctæ auctoritate, neque universalis Ecclesiæ traditione neque vitæ corrigendæ utilitate, ad certum possunt terminum pervenire, tantum quia subest qualiscunque rationatio cogitantis, aut quia in sua patria sic ipse consuevit, aut quia ibi vidit ubi peregrinationem suam quo remotiorem a suis eo doctiorem faciam putat, tam litigiosas excitant quæstiones, ut nisi quod ipsi faciunt, nil relictum existiment. Dixerit aliquis, non quotidie accipiendam Eucharistiam: alius contra. Rectius inter eos fortasse quisquam dirimet litem, qui monet, ut præcipue in Christi pace permaneant: faciat autem unusquisque quod secundum fidem suam pie credit esse faciendum: neuter enim exbonorat corpus & sanguinem Domini, contemptum solum non vult ille cibus. Et si quæ sunt alia hujus Sancti Verba: nos enim summam duntaxat rerum*

Nnnnn 2

perse-

Disquirunt  
utrum fre-  
quenter S.  
Coenæ sit  
utendum  
nec no.

*Persequimur.* Ita Bullingerus: Alibi nimirum de Cœna Domini Decad. V. Serm. IX. paulo clarius suam sententiam de hac quæstione aperit, dicens: Quoties sumenda sit Eucharistia a fidelibus in anno, ut lege lata definierunt Apostoli, sed liberum reliquerunt in cuiusque Ecclesie arbitrio, quid enim clarius est quam quod dixit Paulus? quotiescunque comederitis panem hunc mortem Domini annuntiabitis donec venerit & de poculo hoc biberitis, mortem Domini annuntiabitis donec venerit. Nemo interim sibi liberam factam existimet Cœne celebrationem, ut nunquam illam peragat; non ea esset libertas iusta sed licentia iniquissima. Qui certis vel statis in anno diebus Cœnam celebrant Dominicam, frequentia quotidiana nolunt eam abduci in contemptum aut fastidium. Habent enim rationem populi sui & Cœnam digne & cum desiderio cupiunt peragi. Qui vero eam creberrime repetunt, existimant iniquum esse, si res bonæ frequentia abeat in defectum. Quanto enim meliores sunt res, tanto ajuunt usurpandas frequentius. Utrique cupiunt inservire Domino, & multo cum fructu peragi, quod liberum fecit Dominus. B. Calvinus respons. de quibusdam Eccles. ritibus pag. 206. sic mentem suam de hac quæstione aperit, dicens: Singulis mensibus Cœnam celebrare maxime nobis placeret: modo ne usus frequentior negligentiam pariat. Nam dum major pars a Communione abstinet, quodammodo dissipatur Ecclesia. Malimus tamen singulis mensibus invitari Ecclesiam, quam quater duntaxat in singulos annos, ut apud nos fieri solet. Quum huc primum venire, non distribuebatur nisi ter quotannis & quidem ut inter Cœnam Pentecostes & Natalis Christi septem toti menses intercederent: Mibi placebant singuli menses: sed cum minime persuaderem, satius visum est populi infirmitati ignoscere, quam pertinacius contendere. Curavi tamen referri in Acta publica vitiosum esse morem nostrum, ut posteris facilius esset & liberior correctio. Ex verbis Augustini patet quidem, S. Cœnæ usum magis vel minus frequentem, permissum fuisse libertati Ecclesiarum; simul vero manifestum est, usum S. Cœnæ in plerisque Ecclesiis tum temporis satis adhuc fuisse frequentem. De hoc argumento vide fusius agentem Binghamum Orig. Eccles. Lib. XV. cap. IX. Cum vero nulla Ecclesia externa vera liceat sit, in qua non successu temporis, ritibus & disciplinæ vel aliquid pie & prudenter accedere, vel mutari possit, causam non video, cur quarta, uti appellatur Communio inter nos, si rationes adsint satis probabiles & graves, introduci non posset. Rationes, quæ me quidem, salvo tamen aliorum præstantium Virorum iudicio, movent, sunt sequentes: (1) Auctor institutionis S. Cœnæ est sanctissimus noster Soter Iesus Christus. Jam vero dicendum, Eum ob gravissimas, sapientissi-

pietissimasque rationes S. Cœnæ celebrationem instituisse, aut obnulas, vel leves saltem. Posterius nemo, qui religioni Christianæ serio & ex animi sententia addictus est, affirmabit. Prius igitur est arripiendum. Jam vero illæ rationes graves esse non possunt, nisi ad pietatis studium excitandum, & salutem hominum promovendam multum conferant. Hoc vero semel posito, non quidem definitum est, quot vicibus per annum sacris illis symbolis sit utendum; sed hoc tamen manifestum est, rem ob salutarem usum a Christo *beatus & pater* institutam non raro, sed *frequentius* esse usurpandam. Saltem ego nullam causam reperio, cur Symbola illa sacra, quæ vehementia suppeditant ad amorem Jesu Christi incitamenta, raro sint sumenda. (2) Ipsum objectum, quod per Symbolorum illorum representationem mentibus Communicantium representatur, talis est naturæ, ut non solum Medullam Religionis christianæ, id est cruentam Christi pro peccatis mortem præsentem quasi oculis sistat; sed & gravissima exhibeat ad Jesum supra omnia amandum, ad præcepta ejus custodienda, ad gratias illi agendas, mutuumque Christianorum amorem alendum Incitamenta. Quod si hoc, ut nemo Reformatorum de eo dubitat, verum est, sequitur ejusmodi recordationem non debere esse raram, sed frequentiorem. Dicit forte quispiam nos & posse & debere cruentæ mortis Jesu Christi cottidie memores esse. Ira est: at hoc non impedit, quo minus illa recordatio per Symbola sacra instituta frequens sit. Præcivit Sanctissimus Soter noster veros suos discipulos & Sectatores omnium temporum, mortem suam, tanquam præcipuam salutis causam agnituos, eamque dignis laudibus celebratuos; Hoc tamen non obstante S. Cœnam in Sui memoriam instituit, atque præcepit, ut Christiani eam usque ad adventum suum ultimum celebrarent. Deinde ut in habitibus moralibus, sic in virtutibus Christianis, quanto frequentior est eorum usus, tanto confirmationes evadunt: ut enim aut adquiruntur actibus, aut saltem sine actibus non adquiruntur, sic & crebra actuum usurpatio, & vehemens exercitium miram vim habet ad facultates in eam partem insistentias, in quam ipsi feruntur. Quemadmodum igitur nulla Cœnæ legitima celebratio est, sine mortis Christi recordatione antecedanea, sic nulla est ejusdem Christi mortis Christiana commemoratio sine vera pietate, quæ commemorationem istam comitetur. Pietas autem nulla est sine fide, & quanto major pietas est tanto majorem fidem esse oportet. Est igitur in legitima celebratione Cœnæ fides in actu. Quamobrem augeatur illa sic & intenditur, atque adeo tanto magis, quanto actus iste inten-

*sior est & impensius memorabilis.* Verba sunt *Celeb. Amyraldi* loc. cit. (3) In hac quæstione elucidanda non putem respiciendum, vel ad Hypocritas & Impios, vel ad homines superstitiosos, qui existimant nescio quam vim physicam cum usu S. Cœnæ esse conjunctam; sed ad homines Religionis Christianæ probe gnaros, & sinceræ pietatis amore incensos. Nobis non licet suspicionibus agere, atque existimare, omnes, qui S. Cœnæ usu vehementer se ad pietatis studium incendi assentunt, atque eo nomine optant, ut frequentius S. Cœna uti possent, credulos homines esse, atque Symbolis ipsis plus tribuere, quam par esset. Nullus equidem dubito, quin numerus talium non exiguus sit. At propterea non omnes in eundem sunt referendi censum. In omnibus catibus dantur homines pii, & Jesu Christi amore tacti. His cur Symbola illa concedere petentibus non vellemus, causas graves non video. Hoc eo magis valet, quod hic duntaxat quæstio est de quarta Communione introducenda.

Neque abusus S. Cœnæ, quem quidam urgent, impedire debet, quo minus homines vere pii frequentius per externa Symbola mortem Jesu Christi celebrent. Hoc enim si valeret argumentum, cultus omnis externus esset abjiciendus, cum notum sit, multos Christianorum exigua Religionis tactos esse cura. Atque hæc mea est de quæstione proposita sententia. Nollem autem propterea cum quoquam disceptare, Licet salva charitate Christiana de hac quæstione dissentire.

Inquiritur  
in causas in-  
ternas, quæ  
impediunt,  
quo minus  
multi Chri-  
stianorum  
rite S. Cœnæ  
utantur.

XIX. Disquirendum nunc est, qui fiat, ut paucissimi Christianorum eum fructum percipiant ex celebratione S. Cœnæ, quem ex intentione Soteris nostri, qui hoc Sacramentum instituit, percipere deberent. Experientia eheu! testatur, multos Christianorum, post frequentem celebrationem hujus Sacramenti vitiis tamen, quibus dediti sunt non renuciare, & Hypocritas eandem semper agere personam.

Juvat autem in causas hujus mali inquirere, ut iis detectis, salutaris aliqua huic malo medicina adferri possit. Possunt autem illæ ad duas referri classes: Quædam sunt generales, aliæ vero speciales. Inter generales referimus primo hanc, quod nimirum multi Christianorum ita rebus in sensus incurrentibus, & affectibus adhæreant, ut vix unquam de rebus cœlestibus & divinis meditentur. Multi Christianorum nesciunt, quid sit meditari, nedum quid sit meditari de rebus divinis & a sensibus remotis, aut si necessitate quasi compulsi sunt, ut hoc faciant, transitorium quid est, & coactum. Putares eos,

fi

fi ad actiones eorum respicias eum in finem creatos, ut ventri obedi-  
 entes viverent, adeo nil nisi terrestria cogitant. Mirum autem non  
 est tales homines, ad sublimia contemplationes objecta, & ad ea, quæ  
 in Religione sunt præstantissima, animos non convertere. Sic ubi de  
 usu S. Cœnæ agitur, occasione fruitionis panis & vini, figuram Chri-  
 sti crucifixi animis quasi præsentem statuunt; at de causa, necessitate,  
 efficacia, ac vero usu ejus, vix cogitant; unde fieri aliter non potest,  
 quam ut rem, sanctissimum in finem institutam, negligant, atque adeo  
 verum ejus usum non percipiant. Gnaviter hujus mali fontem dete-  
 xit ô Managirtys Cl. Osterwald cap. VII. & VIII. libri supra citati. Ju-  
 vat unum atque alterum ex eo adduxisse. Cap. VII. pag. 226. Ita  
 dixerit Venerabilis Vir: *L'bumeur charnelle, & les occupations tempo-  
 relles, qu'ils ne s'appliquent presque jamais à la recherche de la Verité. Ils  
 ont generalement de l'éloignement pour les fonctions spirituelles. Delà vient,  
 qu'en matiere de Religion ils aiment mieux croire aveuglement ce qu'on  
 leur dit, que de se donner la peine de l'examiner. Ils ne sont pas moins  
 negligens dans les Exercices de devotion. Ce seroit pour la plupart une  
 espece de supplice, que de les obliger à lire ou à mediter. Ils ne se portent  
 à ces sortes d'exercices qu'avec repugnance, & que le plus rarement qu'ils  
 peuvent. Ils ne réfléchissent presque jamais sur ce qui se passe au- dedans  
 d'eux, sur leurs pensées, sur leurs inclinations, sur les mouvemens de leur  
 cœur, sur les principes par lesquels ils agissent, non plus sur leurs discours  
 & sur leurs actions. Ils n'examinent point s'ils ont en eux les caracte-  
 res d'un homme de bien, ou ceux d'un méchant, ou d'un hypocrite: En un  
 mot ils vivent, ou peu s'en faut. La negligence des hommes est donc ex-  
 trêmes dans les choses de la Religion. Ils n'en usent pas de même à l'égard  
 des choses du monde. Autant qu'ils sont non-chalans & froids dans cel-  
 les-là, autant sont-ils actifs & laborieux dans celles-ci. Ils font tout  
 pour le corps & rien pour l'ame. Ils n'épargnent ni soins ni travaux,  
 ils n'oublient quoi que ce soit pour leurs interets temporels. A en juger  
 par la maniere, dont ils agissent, on croiroit que leur souverain bonheur se  
 rencontre dans les avantages de la terre, & que le salut est l'affaire la  
 moins importante. Et cap. VIII. pag. 247. Il est impossible d'aimer la  
 Religion & la Vertu, quand on a donné son cœur au monde. Jesus-Christ  
 a dit, que personne ne peut servir deux maîtres. Saint Jean assure, que  
 l'amour de Dieu n'est point en ceux qui aiment le monde. Il y a une telle  
 opposition entre les fonctions temporelles & les spirituelles que ceux, qui ne  
 s'occupent que de celles-là, sont incapables de celles-ci. Les occupations*  
 tem-

temporelles rendent les hommes charnels, sensuels, grossiers : elles les entretiennent dans l'ignorance, & dans la paresse ; elles tournent leurs inclinations & leurs cœurs du côté de la terre. Delà ils n'ont que de l'indifférence pour les objets spirituels & pour les biens du ciel. Ils sont peu disposés à estimer ces biens autant qu'ils le méritent, & à les rechercher avec l'empressement & la sincérité qu'ils devoient. Conçoit-on que des gens, qui ne se proposent que d'amasser du bien, que de faire leur cour, ou que de se pousser dans les emplois ; qui ne vivent, qui ne travaillent, que pour cela, soient fort sensibles aux intérêts de leur salut ? Cela est bien difficile. Ita Beatus Osterwaldius. Secunda ratio generalis hujus abusus est, quod multi Christianorum, ut de veritate Religionis christianæ in genere ; sic de præcipuis & momentosissimis veritatibus Evangelii Jesu Christi non satis sint persuasi convictique. In juventute hæc capita non satis solide & copiose sunt insinuata, & in multis libris, qui vulgi manibus teruntur, idem argumentum ad omnium captum non traditur. Admittunt multi, quæ de existentia Jesu Christi, ejusque passionis & resurrectione dicuntur tanquam traditionem antiquam, ignari argumentorum gravissimorum, quibus innixa est certitudo hujus & aliorum articulorum, qui ex capitali illa veritate, tanquam totidem confectaria indubitata fluunt. Quomodo vero tales satis agnoscere possunt & deprædicare amorem Dei erga genus humanum, necessitatem mortis Jesu Christi, ejusdem efficaciam & vim ad homines Deo conciliandos & sanctificandos ? Quomodo usus Sacramenti in S. Cœna vim habeat in animos eorum hominum, qui nunquam rite animos, ad contemplationem objecti illius excellentissimi, id est mortis Jesu Christi, unici nostri Soteris & Intercessoris, convertunt ? Non possum autem gravitatem hujus erroris, & originem simul ut impietatis, sic & frequentissimi abusus S. Cœnæ melius ostendere, quam verbis Cel. Werenfelsii τὰ πρὸς τὴν Ἀγίαν, qui in quaestione : cur Incitamenta Scripture sæpe sint inefficacia sequentem in modum pronuntiat. Inter Christianos numerantur quam plurimi, & utinam hæc non esset longe maxima Christianorum pars ! qui religionis, cui additi sunt, veritatem credunt, aut credere videntur non propter ulla sive argumenta, sive testimonia, non dico sufficientia, sed quæ vel ipsi serio unquam existimarunt, ad veritatem tanti momenti persuadendam, idonea : qui nunquam de hoc fuerunt solliciti an & quodnam fidei suæ fundamentum habeant : qui de veritate factorum, quibus religio hæc olim confirmata, rite examinanda, nunquam in vita cogitarunt ; tantum abest ut de ea sint convicti : qui in ipsa denique reli-  
gione,



gione, quam sunt amplexi nihil unquam viderunt vel senserunt singulare, nihil eximium, nihil divinum: quin & illud ipsum Ecclesie testimonium, propter quod unum multi se credere dicunt, quid sit nesciunt; & neque Ecclesiam, cui credunt, neque ejus auctoritatem, propter quam credunt illo modo cognoscunt. Hinc est, quod isti homines religionem, utpote de cujus excellentia & divinitate nunquam cogitarunt, nedum ut de ea sint persuasi, quod, inquam, religionem suam non amant, non magni faciunt, imo sepe tanti non aestimant, ut vel unam actionum suarum ex hujus religionis prescripto moderandam putent, ut denique in tota vita nihil minus sequantur, quam suam religionem, sed perpetuo alia agendi principia, & plerumque hule religioni opposita ante oculos habeant. Ita verissime Excellentissimus ille Theologus.

Specialiores vero hujus mali causæ potissimum sunt sequentes, (1.) Multi Christianorum naturam, verumque scopum S. Coenæ non satis cognoscunt: credunt quidem cum Reformata Ecclesia, carnem Christi corporaliter non edi; didicerunt enim corpus Christi in S. Coenæ ore animæ, id est fide sumi, quod tamen ita interpretantur, ac si persuasio, Christum pro peccatoribus mortuum esse, esset illud ipsum quod salutaris fidei nomine venit: Inde fit, ut cum ipsa illa externa Symbolorum usurpatione insolitam quandam vim conjunctam esse putent, cujus beneficio animi a vitiis purgentur & remissio peccatorum subsequatur. Hinc, quæ Theologi de conjunctione mystica Christi & fidelium dicere solent, in suam sententiam pertrahunt, atque mortis Christi representationem, in usu Symbolorum adhibitam, cum vera conjunctione cum Christo, qua Christiani veri ante usum S. Coenæ ornati & instructi esse debent, confundunt. In qua opinione confirmantur sæpe, quod in libris asceticis & liturgicis dux illæ res plane diversæ, passim miscentur, adhibitis ejusmodi phrasibus, quæ insinuaré Lectoribus ac Auditoribus videntur, quasi si promiscue omnes, qui Symbolis externis in memoriam Christi utuntur, jam cum Christo conjuncti & beneficiorum morte Christi partorum participes redditi sint. (2.) Huc faciunt aliorum exempla. Quemadmodum in universum verissimum est, prava exempla multum conferre ad degenerem Christianismum promovendum, ita in specie etiam hoc de abusu S. Coenæ dici potest. Vident nimirum promiscue eheu! Christiani verbis tales, alios, qui vix a mensa Domini recesserunt, iisdem inhiare vitiis, quibus antea erant immergi; Ex hoc colligunt, ritum toties commendatum & non sine specie sanctitatis celebratum, non esse ma-

Ooooo

gni

gni momenti; ipsa enim experientia constare, neminem per usum S. Cœnæ reddi meliorem; omnia redire ad recordationem qualemcumque mortis Christi per Symbola externa repræsentatæ; cætera inter rethoricationes Concionatorum esse referenda. Quod si quando unum vel alterum audiant, affirmantem se usu S. Cœnæ ad pietatem vehementer incendi, de sinceritate hujus confessionis dubitant, aut illum plane in eorum numerum referunt, quorum cerebrum atra bilis labefactaverit. Huc (3.) referri potest pestilens, sed communissima mutorum Christianorum opinio, qua putant, cultum externum Religionis in se spectatum, & externa quadam modestiæ & pietatis specie celebratum sufficere, ad homines Deo commendandos; imbecilliores esse homines, quam ut præcepta divina custodire possint; Hinc etiam ea, quæ de impotentia morali sæpe minus circumspecte ingeminari audiunt, in rem suam convertunt, bonaque intentione & qualicumque conatu Deum esse contentum putant, securi eorum, quæ ad internum Dei cultum pertinent. Hinc videas multos utriusque sexus homines, postquam optimam vitæ partem in omni scelerum genere exegerant, seniores factos, in ritibus & cultu externo observandis præter morem esse solertes, & existimare, ita peccata omnia præterita elui. Mirumne autem est, homines tam præpostere de natura Religionis sentientes, parum religiose S. Cœnam celebrare? Denique quarta causa, ut alia transmittam, hujus mali est, quod nimirum pauci ante usum S. Cœnæ in se descendant & serium status sui examen instituant. Hinc fit, ut post multorum annorum iteratam S. Cœnæ celebrationem, meliores non fiant, sed periculoso valde torpore occupentur. Celebratio ipsa S. Cœnæ eos parum postea movet, quæ tamen, post institutum aliquod Christiano homine dignum examen sui, satis efficax medium potuisset esse, ad eos in viam aliquando reducendos. Quod si quidam examen status sui interni instituunt, id sæpe secundam normam quandam incertam, imo falsam plane fieri solet. Nimirum putant, si quis in examine illo certus esse velit suæ Salutis, ad sequentia attendendum esse: nimirum fatendum esse in genere nos esse peccatores; omnes homines multis erroribus & vitiis esse obnoxios; Hanc confessionem esse signum hominis vere pii & pœnitentia salutari tacti: Legendos insuper libellos, qui ad dignum usum S. Cœnæ viam monstrent; concionem unam vel alteram domi esse legendam: frequenter cultui sacro tum temporis esse vacandum; credendum, sacra Symbola sumentibus tam certo esse remis-

sa peccata, quam certum est, eos panem edisse & vinum degustasse; Hoc peracto secure posse quemvis Deo gratias agere pro remissione peccatorum ob meritum Christi accepta, cujus recordatio in S. Coena facta sit. Ita multi ex his characteribus de felicitate status sui judicare solent. Omnes vero Religionis Christianæ rite gnari, facile, me non monente vident, hæc plane non sufficere, ad immotam spem consequendæ Salutis habendam.

XX. Possem hic pedem figere & dissertationi imponere finem, quia omnia allata sunt, quæ ad scopum quem intendi, obtinendum facere possunt. At quia occasione eorum, quæ priore parte dissertationis hujus de *figillo* notavi, nescio quæ suspiciones contra me ortæ, in gratiam virorum veri amantium, (his enim Solis, non Sciolis illis, qui quærent quod nusquam est, reperiunt tamen, probari ac satisfacere studeo) quædam explicationis gratia sunt hic adjicienda. Scopus meus, ut in hac, sic in priore parte hujus dissertationis erat V. D. Ministris, Junioribus inprimis, salutaria quædam suppeditare monita, ad rite explicandam naturam S. Coenæ, & ad præjudicia quædam valde communia, quæ animis Christianorum inhaerent, evellenda. Eum in finem detegendæ erant causæ, quæ impediunt, quo minus multi Christianorum cum fructum ex usu S. Coenæ referant, quem percipere possent. Distinxi causas illas in externas & internas. Inter externas prima hæc erat, quod nimirum Oratores quidam sacri de hoc argumento verba facientes, & libellorum, qui de usu S. Coenæ agunt Auctores, nimis florido aliquando & variis metaphoris involuto dicendi genere utantur, quo fiat, ut multi, præsertim simplices, veram naturam & indolem salutaris usus S. Coenæ non intelligant, sed putent nimirum, externo usui horum Symbolorum nescio quam insolitam vim physicam esse insitam, & simul cum fruitione panis & vini remissionem peccatorum & jus vitæ æternæ conjunctum esse necessario. Qui error, quin periculosus valde sit, nemo dubitaverit. Inter secundam causam externam retuli, quod multi Christiani, quando audiunt in S. Coena offerri sigillum fœderis gratiæ, perperam hanc propositionem intelligant atque existiment, omnibus promiscue sacris Symbolis utentibus, & qualiterconque mortem Jesu Christi per Symbola illa repræsentatam recolentibus, beneficia morte Christi parta certissime tribui. Hinc clarissimis verbis mentem meam de hoc argumento aperiendam esse existimavi, ut juvenes V. D. Ministri discant circumspicere & perspicue de hoc argumento loqui. Superpondii loco

Monitum  
quoddam de  
explicatione  
vocis sigilli  
in priore  
dissertationis  
parte  
datum.

(nam qualis sit natura S. Coenæ, quis ejus finis & Scopus, a Christo & Apostolis ediscendum est) ostendi cum mea explicatione prorsus conspirare Beatos Majores nostros *Zwvinglium, Oecolampadium & Bullingerum*. Imo ipse Cl. Heideggerus errorem hunc tangit quando loco XXV. sect. XIX. ita loquitur. *Neque etiam doctissimorum Virorum, (quos tangat ex priore mea dissertatione satis manifestum est,) qui baptismum & reliqua Sacramenta cum miraculorum signis contententes, Deum ordinarie gratiam, eodem tempore, quo eam per signa representant, conferre asserunt, opinio placere potest, quia & Sacramentorum efficaciam in majus extollit, & consolationem piorum minuit, & elementorum religionem auget, & nonnihil superstitioni pontificiæ concedit.* Occasione vero hujus meæ de sigillo explicationis maxima de nihilo orta est historia. De Nihilo inquam, cum quia ego per vitam nunquam de sententia Reformatorum circa hoc argumentum dubitavi, sed saltem dolui & adhuc doleo, rem adeo captu facilem & simplicem a quibusdam tot meteoris orationis & rethorum flosculis involvi, ut multi Christianorum perperam naturam S. Coenæ intelligant: Tum, quia ego persuasissimus sum, eos, qui explicationem meam carpsérunt, aliter, si perspicuis verbis sensum Reformatorum de S. Coenæ indole explicare in animum inducerent, loqui non posse, quam ego feceram. Quod si igitur errorem aliquem commisi, is in eo consistit, quod nimirum magis perspicue de hoc argumento, quam quidem id communiter fieri solet, disseruerim. Ut huic argumento lucem aliquam, (si tamen ego is sum, qui perspicue animi sui sensa exprimere potest) affundam, quædam hic addam in gratiam eorum, qui *ἀδὲς πᾶσιν* controverſias expendere possunt. Attendatur ad sequentes propositiones, quas Reformati Theologi omnes admittunt: I. est: Soli Regeniti beneficiorum per mortem Christi partorum sunt participes. II. Regeniti testimonio interno S. Sancti, tanquam sigillo certo gratiæ divini muniti, suæ cum Christo conjunctionis ante usum S. Coenæ certiores facti sunt. (\*) III. Nonnisi regeniti digne sacra Cœna utuntur & Jesum

(\*) Plane cum his conspirant, quæ B. Bullingerus de hoc argumento disserit de Sacramentis Decad. V. Serm. VII. *Qui legitime (inquit) S. Cœnam celebrant, non tantum credunt Christum passum esse, aut pro aliis non pro se passum esse: sed credunt Eum pro ipsis esse passum; credunt Christum omnia bona ipsis liberalissime communicare adeoque & communicasse. Kryo sicut alimentum panis & vini tractum in viscera mutatur in humani corporis substantiam: ita Christus fide haustus a Sanctis, us spiritu suo unitur, ut unum sint cum Christo, & hic unus cum illis. Et ut cibus splendide apparatus & conspectus duntaxat in mensa non jatiat: ita si audias magnifice*

sum Christum per Symbola representatum tanquam Redemptorem suum rite agnoscunt. IV. Sigillum non confert beneficium, sed voluntas Donatoris, cujus est documentum & pignus, atque semper certum aliquod jus in illo, cui quid obsignat, præsupponit. V. Sacramenta (ut ipsissimis Cl. nostri *Heideggeri* verbis, quæ extant thesi LX. de federe gratiæ, utar) *non sunt miracula, neque medicamenta, vel cause vel vehicula gratiæ.* Quicunque has propositiones rite ponderat, si modo recte ratiocinari valet, neque adfectuum æstu abreptus est, videbit, non alio sensu S. Cœnam sigillum gratiæ dici posse, quam

Oooooo 3

eo,

gnifice sibi prædicari Christum, non autem credas tuum esse Christum nihil prodest, quantumvis pulchre sit instructa Oratio aut mensa. Sacramenta excitant & adjuvant fidem Sanctorum. Nam dum animus beneficia Christi, benedictionem redemptionem & dona animo comprehendit & voluit, dum tu magna cum voluptate Spiritus fruitur; dum in his gessit & exultat accedunt NB. foris jam & Sacramenta quæ oculis adeoque omnibus incurrentia sensibus, visibiliter ea representant, quæ animus interne comprehendit, agit & voluit. Quoniam enim tota actio, quæ verbis & ritu consistit, signo accensetur, vident oculi Symbola & omnia quæ in translatione Symbolorum geruntur, quæ quasi loquuntur omnia. Audiunt aures verba & Instituta Christi: Tactus & gustus sentiunt & ipsi, quam suavis & bonus sit Dominus: ut jam totus homo velut corpore & anima in eadem raptus fidem excitat iuvareque, fructum denique ex fide in Christum suavissimum sentiat atque percipiat. Hæc omnia in credentibus locum habent, apud Incredulos inanissima manent signa: ergo fides & Spiritus in legitimo usu Sacramentorum operantis virtute illa sumi, sine fide & Sp. Sancto non sentiuntur. Et paulo supra pag. 100. Sancti & electi Dei non tam primum gratia Dei domisque celestibus participant, cum Sacramenta percipiunt. Etenim rebus prius quam signis participant. Nam aperte traditur nobis quod Abraham Pater noster prius fuerit iustificatus quem circumcisisus. Et clarius adhuc de hoc argumento loquitur Decad. V. Serm. IX. pag. m. 150. Manducatur (inquit) corpus Christi & bibitur ejus sanguis spiritualiter, manducatur idem bibiturque sacramentaliter. Spiritualis modus perficitur fide, quæ Christo commixti omnibus ejus bonis communicamus. Sacramentalis modus perficitur demtaxat in celebratione sacre Cænæ. Pæis manducatio spiritualis perpetua est, quia fides eis perpetua est. Extra Cœnam & in Cænâ Christo communicant, & in hac quidem magis reparant & continent dudum captam: quod prius diximus, & manet quidem adjuvencia actione sacra multo celebrius & evidentius omnia sumi. Increduli vero ac hypocritæ nunquam ipso Christo communicant, neque ante cœnam, neque in cænâ, neque post cœnam quatenus scilicet in Incredulitate sua perseverant. Sacramentis autem dominicis participant sibi in iudicium & condemnationem. Similiter loquitur P. Martyr in defens. Eucharistiæ contra Gardinerum scripta pag. m. 131. Quod (inquit) caro sit vitalis cibus inter nos convenit. Sed nos eam animo & fide percipi affirmamus. Nos in regeneratione credentes, quando Christo inseruntur per fidem huius cibi fieri participes videmus, & istam communionem in cænâ Domini consignari Symbolis & efficaciter significari & testatam fieri, & quia ibi fides excitatur, suum augmentum suosque fructus habere, asserimus. Et paulo infra: Hac spirituali alimonia, quamvis, dum credimus, perpetuo vescimur, in cænâ tamen sacra, quia nobis non tantum verbis, sed etiam Symbolis externis propomitur manducanda, hoc est credenda, ibi tam edi & bibi satemur: & conjunctionem nostram cum Christo, quia hoc modo augeri scimus, ideo sacrum illud Mysterium frequentandum prædicamus,

eo, quo ego theſi IX. diſſertationis meæ prioris explicui. Ineptiſſima ergo eſt hæc *Δευν* hæc ratiocinatio. Qui aſſerit, S. Cœnam certo tantum ſenſu & reſpectu quorundam duntaxat hominum, ſigillum fœderis gratiæ dici poſſe, iſ prorſus negat Cœnam ſigillum fœderis gratiæ appellari poſſe. Non minus hæc argumentatio inſipida & puerilis eſt, quam ſi quis ita argutaretur: Qui aſſerit hominem certo tantum reſpectu rationalem dici poſſe, iſ negat prorſus hominem ratione eſſe inſtructum. Ut clariuſ vero argumentum hoc pateſcat, ſingamus per momentum, Chriſtum Sacramentum S. Cœnæ non inſtituiſſe, & diſpiciamus quo ſenſu tum pii ſigillo fœderis gratiæ muniti eſſe poſſe dici poſſint: omnia adſequentes propoſitiones poſſunt redigi. I. Chriſti Soteris noſtri mors eſt ſola cauſa meritoria ſalutis noſtræ. II. Vi huius mortis certa quædam beneficia piis communicantur. III. Inter illa beneficia referenda largitio donorum Spiritus S., nimirum Juſtificationis, regenerationis &c. IV. Certe debent eſſe notæ ex quibus pii Chriſtiani ſcire poſſunt beneficia morte Chriſti parta ad ſe ipſos pertinere. V. A poſteriore, id eſt ab effectibus menti inſitis argumentando, poſſunt pii ſcire, utrum in ſemetipſis deprehendant notas donorum a Sp. Sancto acceptorum. VI. Ergo etiam ſcire poſſunt, ſe beneficiorum morte Chriſti partorum participes redditos. VII. Hæc dona animis piorum per Spiritum Sanctum inſerta & implantata, ſigillum illud ſunt, ex quibus pii certo colligere poſſunt, ſe cum Chriſto vere unitos eſſe. VIII. Hinc emergit ille Syllogiſmus: Quicumque Sp. Sancti gratia pœnitentia ſeria tactus, fide ſalutari donatus, & virtutis ſtudio intentus eſt, iſ beneficiorum morte Chriſti partorum factus eſt particeps & de ſalute conſequenda certus eſſe poteſt. Atqui Ego. Eo. Ex quibus manuſcriptum eſt, habituros fideles certum ſigillum gratiæ, etiamſi S. Cœnæ Sacramentum inſtitutum non fuiſſet. Jam vero cum Chriſto placuerit per certa Symbola mortem ſuam repræſentari & celebrari laudibus, videndum ergo quid hic accedat. Objectum contemplationis in S. Cœna eſt Jeſus Chriſtus, iſque crucifixus; Ex morte Jeſu Chriſti quædam beneficia ad vere pios redundant, quorum acceptorum jam ante uſum S. Cœnæ ii probe gnari & memores ſunt: dum igitur Jeſum Chriſtum per Symbola externa repræſentatum contemplantur & pia mente concelebrant, non accedit novum ſigillum: jam enim animis ante cœnæ uſum implantatum erat, ſed res quædam externæ accedunt, nempe panis & vinum, Jeſum ſemel vera fide apprehenſum piis vivide per ſenſus repræſentantes. Neque

que propterea inutilia dicenda sunt illa Symbola, cum quia vivide sensibus rem pretiosissimam, quasi præsentem sistunt, & vehementius commovent quam sine usu Symbolorum: tum quia sciunt pii, Jesum Christum hoc Sacramentum instituisse, & mortem suam usque ad adventum suum concelebrari ita voluisse. Ex quo nisi me omnia fallunt, manifestum, S. Coenam non alio sensu Sigillum dici posse quam eo, quem insinuavi Thesi IX. dissertationis meæ prioris de hoc argumento. (\*) Sed clamant boni quidam Viri in nostris Catecheticis Institutioni-

(\*) Plane ad mentem meam locuti sunt de hoc argumento Helveticarum Ecclesiarum ministri in uberiore suæ confessionis declaratione ad D. Lutherum missa An. 1536. Ita enim loquuntur.

*Credimus, affirmamus, & confitemur, humanum genus sola Dei misericordia per Christum fide apprehensa iustificari; Deumque eam salutem & felicitatem, quam Christus (absque ulla nostris operibus aut meritis) nobis acquisivit & largitus est, externam Evangelii predicationem & sacrorum signorum seu Sacramentorum administrationem, annuntiare atque veluti ob oculos ponere.*

*Incidimus vero hic in suspensionem quasi predicationi externi Verbi, & Sacramentorum aut nihil tribuamus, aut ea ipsis adimamus, quæ Dominus illis tribuit, atque ita totum Ecclesiæ ministerium pervertamus & aboleamus. Quoniam contra omni conatu atque diligentia subinde in id incumbamus, ut ne quid vel PARLAM, vel NILLUM in his constituitur. Didicimus enim tum ex S. Scriptura, tum ex christiano Doctore Augustino, eam demum esse miserabilem animæ servitutem ac veluti carcerem, Signa pro rebus, quas significant, accipere: Sicuti ex adverso non levis esset error, existimare, Deum frustra sua Sacramenta instituisse, nullamque Ecclesiæ utilitatem asserere. Itaque serio etiam semper docuimus, Signa illa atque res externas propter interna dona non debere, quasi aut non necessaria aut inutilia, contemni. Scimus enim Cornelium illum Centurionem, etsi intus a Deo instructus atque illuminatus fuisset, opus tamen habuisse, ut nihilominus a Petro Apostolo & institueretur, & baptisaretur. Ne vero vel ad dextram vel ad sinistram desceſſamus, sed in via regia atque recta hic perſtemus, hoc est, ne aut externo verbo & signis eorum quicquam derogemus, quæ illis Scriptura attribuit; aut vice versa, quod iocus soliusque Creatoris est, creatoris illis tribuamus, hominesve supra modum ad illos vel dirigamus vel astringamus. Ita semper hucusque & docuimus & in posterum hisce de rebus docere speramus, ut & Dei ordinatio suam retineat dignitatem & valorem: & homines a nobis per hæc externa a Deo ipso instituta adminicula ad Creatorem recta deducantur, scique omnis Gloria Deo soli tribuatur.*

*Et Paulo inferius: Quemadmodum vero nihil Ministerio Verbi Dei decedit, nullaque illud in re minuitur, etsi dicamus, Verbi predicationem-externam nullius esse momenti aut utilitatis, si Deus incrementum in corde non dederit: Paulo dicente: Eum qui plantat, eumque qui rigat non sanctificare, sed Deum ipsum, hoc est, eum non contemnere aut dedecore asserere Sacramenta, qui virtutem & salvificam operationem soli Creatori tribuit. Petrus enim hic quoque dixit: Baptismum quidem nos servare, non tamen quo carnis sordes abluuntur: Sed testimonium bonæ conscientie apud Deum. Veluti enim in reliquis Creatoris utpote Sole, Luna, Stellis, Igne, Lapillis pretiosis, herbis, & ejusmodi-rebus, per quas Deus velut per organa quædam erga nos operatur, nullam consolationem ponimus, neque in illis constituimus veram atque originalem causam beneficiorum, quæ per illa nobis con-*

tionibus Sacramenta appellari signa & sigilla fæderis gratiæ. Ita est, quis negat? Quæritur tantum quo sensu, & quorum hominum respectu utraque appellatio valeat. Signa sunt Sacramenta mortem Jesu Christi cruentam repræsentantia omnibus, qui S. Cœna utuntur, sive ii sint pii vel impii aut hypocritæ: at sigilla illa esse fæderis gratiæ, id est, ex usu S. Cœnæ externo omnes certo colligere posse, se participes redditos beneficiorum morte Jesu Christi adquirentium nemo cui Reformatorum Religio satis perspecta est, affirmabit: nemo enim de tanto beneficio gloriari poterit, nisi is, qui auxilio Spiritus Sancti salutari fide, seria pœnitentia & pietatis studio ornatus est. At tales non sunt omnes Christiani S. Cœna utentes. Ergo neque omnes sigillum illud habent. Ex his characteribus solis pii argumentum petunt suæ cum Christo communionis. Idem sensit B. noster *Zwinglius Fid. Christi: Exposit.* p. 15. *Dominica* (inquit) *cœna fidem facit, hoc est certo significat Christum esse natum & passum. Sed quibus hoc significat? fidelibus & perfidis ex equo. Universis enim significat, quod ad Sacramenti virtutem pertinet Christum esse passum, sive recipiant sive minus. At NB. pro nobis esse passum, id verò piis tantum & fidelibus tantum significat. Nemo enim pro nobis esse passum scit aut credit, nisi quem Spiritus intus docuerit agnoscere mysterium divini bonitatis. Is enim solus Christum recipit. Fiducia ergo in Deum, nihil nisi Spiritus dat. Ex quo simul patet, quam ineptæ & a Philadelpia alienæ fuerint de me conceptæ suspiciones, & quam male egerint illi, qui hominum quorundam clamoribus commoti, nescio quos rumusculos hinc inde sparserunt, & non satis explorata causa innocentem tamen vellicare sunt*

*tingunt. Ita nec in externis Signis ullam fiduciam nostræ partem collocare debemus, etsi res sacræ a Deo sint ordinatæ, quibus Deus erga nos utitur: nec etiam illis per se consideratis Dei gloria est tribuenda. Sed fides nostra per illa est a rebus terrenis ad cœlestia, id est, ad Deum Creatorem, omniumque rerum (ac proinde etiam Sacramentorum) fontem & originem evahenda.*

Et mox: Sicut verò antehac non egre tulimus, sed facile semper concessimus ejusmodi locutiones de Verbi Ministerio usurpari, quibus dicitur: *Ministros homines ad Deum convertere: Peccata illis remittere: illis cor aperire: & quæ sunt ejus generis. Sic etiam facile patimur alios sic (VERO tamen SENSU) loqui: Ministros nempe regenerare & peccata Baptismo abluere: atque etiam in Cœna Corpus & Sanguinem Domini EXHIBERE: Quandoquidem sic Ananias Paulum alloquitur: Exurge & baptizare & abluere peccata. Item de Cœna legitur: Quod Dominus in ea panem acceperit, benedixerit atque dixerit: Accipite, comedite: Hoc est corpus meum, &c. Ejusmodi locutiones etiam a veteribus sunt usurpatæ, ut Dona Dei ipsiusque beneficia illustrius exponerent.*



funt conati. (\*) Sed plura non addam, postquam *Celeberrimus & Amicissimus Collega J. J. Breitingerus L. Græce Professor dignissimus*, causam meam tam cordate, docte, & explanate, in *Museo Tigurino* peroravit, consensuque B. Majorum nostrorum, ad quos hoc hominum genus semper provocare solet, comprobavit, ut nihil ad elucidationem majorem addi posse videatur. Hominum enim, qui ob ingenii imbecillitatem & defecationis judicii defectum pretia rerum expendere non solent, tricas & vitilitigationes non moramur. Sed quod unum vindictæ genus homini Christiano superest, eos precibus Deo commendamus, atque ut sanam ipsis mentem inspirare velit, serio deprecamur. (\*\*)

XXI.

(\*) Utinam illi, qui explicationem meam, clarioribus quam quidem more receptum est, verbis expressam de natura S. Coenæ perstrinxerunt, imitati fuissent exemplum Duorum Excellentissimorum Theologorum, *Buceri nempe & P. Martyris*, inter quos, licet in articulo de S. Coena diversis vocibus & phrasibus uterentur, summa tamen erat animorum conjunctio. Rem ita narrat *Johas Simlerus*, Vir doctissimus, in *Vita P. Martyris*. Cum plurima (inquit) scripserit de Coena Domini, in cujus explicatione cum plures Viri docti affectata quadam obscuritate utuntur, nihil nisi proprium, simplex, dilucidum in ejus scriptis legitur. Quin etiam cum *Bucero*, quem coluit & admiratus est, saepe illum hortaretur, ut in causa Coenæ dominicæ obscuris quibusdam & ambiguis dicendi formulis uteretur, quibus ipse ideo utebatur, quod Vir bonus sibi persuasisset, posse hac ratione tolli gravem, quæ est de hac causa controversiam, & ita Ecclesia pacem diu desideratam restitui. Paruit tandem illi, & eisdem cum eo loquendi formis usus est; Sed mox periculo hujus rei animadverso, sententiam mutavit. Vidit enim hac ratione non posse illis satisfieri, qui crassam & carnalem præsentiam corporis Christi in eam statuunt, nisi etiam crassæ eorum locutiones cum plena crassaque interpretatione recipiantur. Rursus etiam expertus est fratres infirmiores hac Orationis ambiguitate partim graviter offendi, partim ita implicari & perturbari, ut vix norint quid sibi in hac causa sentiendum sit. Quare *Bucero* suas locutiones suas concedens, ipse eandem, quam in aliis rebus in hoc quoque dogmate perspicuitatem secutus est, mansitque nihilominus inter eos firma constansque amicitia: nam neque *Martyris* sententiam *Bucero* improbabat, neque *Buceri* sensum, quantumvis ambiguis locutionibus uteretur, *Martyr* ignorabat. Itaque est diversa eorum in hac causa esset dicenda ratio, fuit tamen summus eorum consensus in omni doctrina religionis & perpetua amicitia utraque conjunctio; quam si explicare vellem & omnia eorum officia, quibus mutuum amorem declararunt commemorare, verba me citius quam res ipse descenderent. Hactenus *Cl. Simlerus*. Eadem modestia usus est *Nobilissimus a Lasco*, quod ex epistolis variis, a *Clarissimo & amicissimo Gerdesio*, Theologo Græningano editis, patet.

(\*\*) Longe aliter de duabus his dissertationibus de legitimo fine & usu S. Coenæ scriptis, judicant Viri ingenio & eruditione præstantes, quam obscuro illi, quos tangimus, Theologastri, videantur omnium instar, quæ de hoc argumento disseruit Vir Excellentissimus, religionisque puræ caltæque propugnator felicissimus *A. F. W. Sackius* in defensione Religionis christianæ Germanico idiomate exarata, parte VIII.

Pppppp

XXI. Coronidis loco adduxisse juvat ex *Hist. Sacramentaria Hospiniani* consensum inter Ecclesiæ Tigurinæ Ministros & Calvinum initum A. 1549. ex quo constabit, non aliter B. Majores nostros de hoc argumento locutos, quam quidem id a me tactum est. Antequam vero capita ipsa consensionis recenset Hospinianus, exponit causam hujus conventus sequentibus verbis: *Res sic se habet; Multi Viri boni levi de causa offendeantur quod Calvinus de Sacramentis diversum quid a Tigurina Ecclesiæ Ministris tradere videretur. Tigurinam Ecclesiam, quæ multis præclaris dotibus ornata esset, merito revereantur: Genevensi quoque Ecclesiæ & privatim Calvino, multum deferebant. Ut igitur cupere Tigurinorum & Genevensium scriptis in discenda pietatis doctrina, adjuvari, ne qua dissensionis species eorum progressus moraretur: ita utile judicabant, si familiari colloquio rationem inirent testandæ suæ consensionis in re Sacramentaria. Calvinus itaque, adjuncto sibi Comite Farello Neocomensis Ecclesiæ Pastore, Tigurum Geneva hoc anno profectus est, & cum Ministris ejus Ecclesiæ de causa Dominicæ Cænæ contulit facilliquè inter eos utrinque veritatis amantes & studiosos convenit. Sequuntur jam capita consensionis.*

1. Cum Christus sit finis Legis, & ejus cognitio totam in se Evangelii summam comprehendat, non dubium est, quin huc spectet totum spirituale Ecclesiæ regimen, ut ad Christum nos ducat: Sicuti per eum solum ad Deum pervenitur, qui ultimus est beatæ vitæ finis. Itaque quisquis hinc vel minimum deflectet, nunquam de ullis Dei institutis rite & apposite loquetur.

2. Cum autem Sacramenta sint Evangelii appendices, is demum & apte & utiliter de eorum natura, vi, officio & fructu disserit, qui a Christo exordietur. Neque id modo, ut obiter Christi Nomen attingat, sed ut vere teneat, quorsum nobis datus sit a Patre, & quid nobis bonorum attulerit.

3. Sic ergo habendum est, Christum cum æternus esset Dei filius, ejusdem cum patre essentiae & gloriæ, induisse carnem nostram, ut jure adoptionis, & id quod natura proprium habebat, nobis communicaret, nempe ut simus filii Dei. Quod fit, dum fide inserti in Corpus Christi, idque Spiritus Sancti Virtute, primum justî censermur gratuita justitiæ imputatione, deinde regeneramur in novam Vitam: quo reformati in imaginem Patris cœlestis, veteri homini renunciemus.

4. Ita

4. Ita Christus in carne sua considerandus est nobis sacerdos qui peccata nostra unico mortis suæ sacrificio expiavit, qui omnes nostras iniquitates delevit sua obedientia, qui perfectam nobis justitiam comparavit, qui nunc intercedit pro nobis, ut accessus nobis ad Deum pateat. Considerandus est tanquam Victimæ expiatrix, qua placatus est Deus mundo. Considerandus est frater, qui nos ex miseris Adæ filiis effecit beatos Dei filios. Considerandus est reparator, qui spiritus sui virtute reformat quicquid in nobis est vitiosum, ut mundo vivere definamus & carni, ac Deus ipse in nobis vivat. Considerandus est Rex, qui omni bonorum genere nos ditat, qui nos gubernat sua virtute ac tuetur, qui spiritualibus nos armis instruit, ut adversus diabolum & mundum invicti stemus, qui nos ab omni noxa liberat, qui oris sui sceptro nos moderatur ac regit. Atque ita considerandus, ut ad se Deum verum & ad patrem nos evehat, donec impleatur illud, quod tandem futurum est, nempe ut sit Deus omnia in omnibus.

5. Porro ut se nobis talem exhibeat Christus, ac ejusmodi effectus in nobis proferat, unum cum ipso nos effici, & in ejus corpus coalescere oportet. Quia non aliter vitam in nos suam diffundit, nisi dum caput nostrum est, ex quo totum Corpus compactum & connexum per omnem juncturam subministrationis secundum operationem in mensura cujusque membri augmentum corporis facit.

6. Hæc spiritualis communicatio, quam habemus cum filio Dei, dum spiritu suo in nobis habitans, facit credentes omnes omnium quæ in se resident bonorum compotes. Cujus testificandæ causa tam Evangelii prædicatio instituta est, quam Sacramentorum usus nobis commendatus, nempe Sacri Baptismi & Sacræ Cœnæ.

7. Sunt quidem & hi Sacramentorum fines, ut notæ sint ac testes Christianæ professionis & Societatis, sive fraternitatis: ut sint ad gratiarum actionem incitamenta, & exercitia fidei ac piæ Vitæ, denique Syngraphæ ad id obligantes. Sed hic unus inter alios præcipuus, ut per ea nobis suam gratiam testetur Deus, repræsentet, atque obsignet. Nam etsi nihil aliud significant, nisi quod verbo ipso annunciat, hoc tamen magnum est, subjici oculis nostris quasi vivas imagines quæ sensus nostros melius afficiant, quasi in rem ducendo, dum nobis Christi mortem omniaque ejus beneficia in memoriam revocant, ut fides magis exerceatur, deinde quod ore Dei pronunciatum erat, quasi sigillis confirmari & sanctri.

Pppppp 2

Cum

8. Cum autem vera sint quæ nobis Dominus dedit gratiæ suæ testimonia & sigilla, vere procul dubio præstat ipse intus suo Spiritu, quod oculis & aliis sensibus figurant Sacramenta: hoc est, ut potiamur Christo, tanquam bonorum omnium fonte, tum ut beneficio mortis ejus reconciliemur Deo, spiritu renovemur in vitæ sanctitatem, justitiam denique ac salutem consequamur: Simulque pro beneficiis his olim in cruce exhibitis *fide vero perceptis a nobis & quæ quotidie fide percipimus*, jam agamus gratias.

9. Quare etsi distinguimus, ut par est inter signa & res signatas, tamen non disjungimus a signis veritatem, quin omnes, qui fide amplectuntur oblatas illic promissiones, Christum spiritualiter cum spiritualibus ejus donis recipere adeoque & *qui dudum participes facti erant Christi Communionem illam continuare ac reparare fateamur*.

10. Neque enim ad Signa nuda, sed potius ad promissionem quæ illis annexa est respicere convenit. Quatenus ergo in promissione illic oblata proficit nostra fides eatenus ista vis & efficacia, quam dicimus, se exerit. Ita materia aquæ panis aut vini Christum nequaquam nobis affert, nec spiritualem ejus donorum compotes nos facit, sed promissio magis spectanda est, cujus partes sunt nos recta fidei via ad Christum ducere: quo fides nos Christi participes facit.

11. Hinc concidit eorum error, *qui in elementis obstupeſcunt*, & illis affigunt salutis suæ fiduciam, cum Sacramenta a Christo separata nihil sint, quam inanes larvæ: & in ipsis omnibus hæc vox clare personet, non alibi quam in solo Christo hærendum nec aliunde petendam esse salutis gratiam.

12. Præterea si quid boni nobis per Sacramenta confertur, id non fit propria eorum virtute, etiamsi promissionem qua insigniuntur, comprehendas. Deus enim solus est, qui spiritu suo agit: & quod Sacramentorum ministerio utitur, in eo *neque vim illis suam infundit, nec spiritus suæ efficaciæ quicquam derogat: Sed pro ruditatis nostræ captu, ea tanquam adminicula sic adhibet, ut tota agendi facultas maneat apud ipsum solum*.

13. Itaque quemadmodum Paulus admonet, cum qui plantat aut rigat nihil esse, sed unum Deum, qui dat incrementum: ita & de Sacramentis dicendum est, *ea nihil esse, quia nihil profutura sint, nisi Deus in solidum omnia efficiat. Organa quidem sunt, quibus efficaciter ubi ipsi visum est, agit Deus: Sed ita, ut totum salutis nostræ opus ipsi uni acceptum ferri debeat*.

14. Con-

14. Constituimus ergo unum Christum, qui vere intus baptizat, qui nos in Coena facit sui participes, qui denique implet quæ figurant Sacramenta: & uti quidem his adminiculis, ut totus effectus penes ejus spiritum resideat.

15. Sic interdum Sacramenta vocantur Sigilla, dicuntur fidem attere, confirmare, promovere, & tamen solus Spiritus proprie est Sigillum, & idem fidei inchoator est & perfectior. Nam hæc omnia Sacramentorum attributa inferiore loco subsidunt, ut ne minima quidem salutis nostræ portio, ab unico Autore, ad creaturas vel elementa, transferatur.

16. Præterea sedulo docemus, Deum non promiscue vim suam exercere in omnibus qui Sacramenta recipiunt, sed tantum in electis. Nam quemadmodum non alios in fidem illuminat, quam quos præordinavit ad vitam: ita arcana Spiritus sui virtute efficit, ut percipiant electi quod offerunt Sacramenta.

17. Hac Doctrina evertitur illud Sophistarum commentum, quod docet, Sacramenta novæ legis conferre gratiam omnibus non ponentibus obicem peccati mortalis. Præterquam enim quod in Sacramentis nil nisi fide percipitur, tenendum quoque est, minime alligatam ipsi esse Dei gratiam, ut quisquis signum habet re etiam potiatur. Nam reprobis peraque ut electis signa administrantur, veritas autem signorum ad hos solos pervenit.

18. Certum quidem est, offerri communiter omnibus Christum cum suis donis, nec hominum infidelitate labefactari Dei veritatem, quin semper vim suam retineant Sacramenta: Sed non omnes Christi & donorum ejus sunt capaces. Itaque ex parte Dei nihil mutatur, quantum vero ad homines spectat, quisque pro fidei suæ mensura accipit.

19. Quemadmodum autem nihilo plus Sacramentorum usus infidelibus confert, quam si abstinerent, imo illis tantum exitialis est: Ita extra eorum usum fidelibus constat, quæ illic figuratur veritas. Sic Baptismo abluta sunt Pauli peccata, quæ jam prius abluta erant. Sic idem Baptismus Cornelio fuit lavacrum regenerationis, qui tamen jam Spiritu Sancto donatus erat. Sic in Coena se nobis communicat Christus, qui tamen & prius se nobis impertierat & perpetuo manet in nobis. Nam cum jubeantur singuli se ipsos probare, inde consequitur, fidem ab ipsis requiri, antequam ad Sacramentum accedant. Atque fides non est sine Christo. Sed quatenus Sacramentis confirmatur, & agnoscit fi-

Pppppp 3

des

des confirmantur in nobis Dei dona, adeoque augeſcit quodammodo Chriſtus in nobis & nos in ipſo.

20. Utilitas porro quam ex Sacramentis percipimus, ad tempus quo ea nobis adminiſtrantur, minime reſtringi debet, *perinde ac ſi viſibile Signum dum in medium proſertur eodem ſecum momento Dei gratiam adveberet.* Nam qui in prima infantia baptizati ſunt, eos in pueritia, vel ineunte adoleſcentia, interdum etiam in Senectute regenerat Deus. Ita Baptiſmi utilitas ad totum vitæ decurſum patet. Quia perpetuo viget, quæ illic continetur promiſſio. *Et ſeri interdum poteſt, ut Sacre Cœnæ uſus, qui in actu ipſo propter incogitantiam vel tarditatem noſtram parum prodeſt, fructum deinde ſuum proferat.*

21. Præſertim vero tollenda eſt quælibet localis præſentis imaginationis. Nam cum Signa hic in mundo ſint, oculis cernantur, palpentur manibus, Chriſtus quatenus homo eſt non alibi quam in cœlo nec aliter quam mente & fidei intelligentia quærendus eſt. Quare perversa & impia ſuperſtitio eſt, ipſum ſub elementis huius mundi includere.

22. Proinde qui in ſolemnibus Cœnæ verbis, *Hoc eſt Corpus meum, Hic eſt Sanguis meus*, præciſe, litteralem, ut loquuntur, ſenſum urgent, eos tanquam præpoſteros interpretes repudiamus. Nam extra controverſiam ponimus, figurate accipienda eſſe: ut eſſe panis & vinum dicantur id quod ſignificant. Neque vero novum hoc aut inſolens videri debet, ut per Metonymiam ad ſignum transferatur rei ſignatæ nomen, cum paſſim in ſcripturis ejusmodi loquutiones occurrant: & nos ſic loquendo nihil afferimus, quod non apud vetuſtiſſimos quosque & probatiſſimos Eccleſiæ Scriptores extet.

23. Quod autem carnis ſuæ eſu & ſanguinis potione, quæ hic figurantur, Chriſtus animas noſtras per fidem Spiritus ſui virtute paſcit, id non perinde accipiendum, quaſi aliqua fieret ſubſtantis Commixtio vel tranſfuſio: Sed quoniam ex carne ſemel in ſacrificium oblata & ſanguine in expiationem effuſo, vitam hauriamus.

24. Hoc modo non tantum refutatur Papiſtarum commentum de Tranſubſtantiatione, ſed craſſa omnia figmenta atque futiles argumenta, quæ vel cœleſti ejus gloriæ detrahunt, vel veritati humanæ ejus naturæ minus ſunt conſentanea. Neque enim minus abſurdum judicamus Chriſtum ſub pane locare, vel cum pane copulare, quam panem tranſubſtantiare in ejus corpus.

25. Ac ne ambiguitas restet, cum in Cœlo quærendum Christum esse dicimus, hæc loquutio locorum distantiam nobis sonat & exprimit. Tamen si enim, philosophice loquendo, supra Cœlos locus non est, quia tamen corpus Christi, ut fert humani Corporis natura & modus, finitum est, & corlo, ut loco continetur, necesse est a nobis tanto locorum intervallo distare, quantum cœlum abest a terra.

26. Quod si imaginatione nostra Christum pani & vino affigere fas non est, multo minus licet in pane eum adorare. Quamquam enim panis in Symbolum & pignus ejus quam habemus cum Christo communionis, nobis porrigitur, quia tamen signum est, non res ipsa, neque rem in se habet inclusam aut affixam, idolum ex eo faciunt, qui mentem suam in eum convertunt, Christum adoraturi.

Postquam Hospinianus hæc capita consensionis exposuisset in fine hæc addit: *Hic Consensus non solum a reliquis Helvetiæ & Rhetiæ Ecclesiis approbatus est, sed etiam multis doctis & moderatis viris, non parum placuit, qui in agnitione veritatis hoc scripto confirmati fuerunt. Operam quoque suam, si quibus forte non esset satisfactum, in addenda declaratione offerebant. Promittebant etiam se dociles fore, & melioribus Consiliis obsequentes, si quid aliquis in ipsis desideraret. Bucerus cum eum legisset, scriptis ad Calvinum ex Anglia literis, toti Ecclesiæ gratulatus est. Adversarios autem hæc Consensio magis irritavit, ut acerbius scriptis in Calvinistas inveherentur.*

## Coronidis loco adjicimus insignis Theologi judicium huc pertinens.

Hoc quoque ad Candorem, quem a Disputatore requirimus, pertinet, ut nostros & præceptorum lapsus ingenue fateamur, neu existimemus quicquid aut nobis aut illis excidit, pertinacissime semper esse defendendum. Ut enim bona sit causa nostra, non tamen propterea patroni ejus falli non potuerunt. Pessima sæpe causa melius, quam optima propugnatur. Certe qui suos aut suorum natos agnoscere nequit, in aliis quoque & gravioribus candorem suum suspexit reddit. Qui omnia Lutheri, Zwinglii, Oecolampadii, Calvinii cæterorumque magnorum hominum dicta pugnaciter defendenda esse existimat, is & obliviscitur eos homines fuisse, & magis de auctoritate

ritate partium suarum, de gloria Majorum & præceptorum suorum, quam de Deo & veritate videtur esse sollicitus: magis denique *Lutheranus* aut *Zwinglianus* quam Christianus. Ut taceam tam sollicitas vindicias omnium, quæcunque a Majoribus nostris dicta sunt, nos sapissime a causâ Dei, causâ perpetuo victrice, ad causam hominum, causam sæpe admodum infirmam, agendam abducere: ubi Adversariis non semper, saltem non tam liquido superiores sumus, quam in Dei & veritatis defensione. Nimirum

*Hoc Ithacus velit & magno mercentur Atride.* Ita Celeb. *Werenfelsius* in dissertatione de controversiis Theologicis rite tractandis,





# VIRIS

PL. REVERENDIS, CELEBERRIMIS, AMPLISSIMIS,  
ERUDITISSIMIS

JOHANNI GRYNÆO,

S. S. Theologiæ in Academia Basileensi Doctori.

ET

J. GEORG. SCHELHORNIO,

Memmingensi, V. D. Ministro, & Perillustis hujus  
Reipublicæ Bibliothecario.

*Hanc*

## ORATIONEM

In devotæ mentis, & nunquam intermorituræ

*Amicitie tesseram*

Dedicat, dicat.

Au&or.

Q99999

ORA-

## ORATIO (\*)

DE

Præcellentia Eruditionis Theologicæ, qua  
instructæ erunt mentes cœlo receptæ;

Collatæ

*Cum imperfecta & umbratili, quæ in terris locum habet,  
rerum divinarum cognitione.*



Ultis, qui publice verba faciunt in more positum est, ut principio Orationis Auditoribus anxie exponant, quas antequam animum ad scribendum appulissent, versaverint animo curas, quibusque dubitationum fluctibus fuerint agitati, priusquam ad id quod eligendum cæterisque præferendum esset, secum stauerint. Postea, quasi maxima esset in terris expectatio, quem partum tandem post tot gemitus edituri essent, narrant, argumentum ipsum & materiam de qua verba facturi sunt; edisserunt: Cujus dignitatem & præstantiam sæpe adeo verbis extollunt, ut nihil unquam magis salubre, & attentione dignum excogitari & laudari posse tantum non tibi persuadeas. Nec hoc contenti, serio monent, se *phalerato dicendi genere* non usuários; quasi ut id fieret genuina Eloquentiæ postularent præ-

(\*) Lites & contentiones occasione hujus Orationis inter fratres quosdam exortas fuisse, cum sciant Eruditi in Helvetia Viri, non opus est, ut pluribus certaminis hujus mentionem faciam. Exterorum vero parum interit scire, quinam illi fuerint, qui Orationem hanc primum impugnarunt, totque errores graves, uti putabant, in ea deprehenderunt. Quod in aliis certaminibus theologicis fieri solet, idem etiam hic evenit. Clandestinae ut plurimum esse solent, & nonnisi iis, qui in una eademque Ecclesia vel Academia vivunt, sunt certaminum & disputationum cognitæ rationes. Orationem ipsam Lectoris Candidi & Eruditi judicio suscipio, qui utrum tam acri censura ea digna fuerit, vel adhuc sit, per me decernet. Vide brevem hujus Orationis recensitionem in Nova Bibliotheca Germanica Tomo II,

præcepta. Utrum consuetudo hæc cum regulis Rethorum conveniat necne, non nostrum, sed dicendi artis Magistrorum est decernere. Ad me quod spectat *Auditores*, missis verborum ambagibus, paucis cur hic sim & quid in medium prolaturus sim, dicam. Nostis autem omnes, me *Venerabilis Antistitis* nostri auctoritate & jussu, non meæ spontis impulsu, suggestum hunc conscendere, atque more Majorum in memoriam *Caroli M.* qui negotiosa hæc otia nobis fecisse, atque invidendos reditus, & dignitatis nescio cujus simulacra parasse dicitur, in Amplissimorum Virorum confesso, de argumento gravi, qualitercunque differere. Volenti igitur nolenti verba ad vos mihi sunt habenda. Quod autem de præcellentia eruditionis theologicæ, quibus instructæ erunt cælo receptæ mentes, collatæ cum imperfecta & umbratili, quæ in terris locum habet, rerum divinarum cognitione, non de alio argumento, dicere velim, hæc una ratio est, quod hoc argumentum mihi aridebat, dignumque vestra attentione videbatur: ut vero meam in dicendo imperitiam multis verbis excusum, vestramque cum in finem expetam clementiam, opus esse non existimo.

Præterquam enim quod *Eloquentiam* a me nunquam expectastis, nostis me in numero Theologorum esse, quorum cerebrum innumeris rebus, vocibus, & phrasibus repletum esse solet & debet, de quibus puræ castæque latinitatis scriptores ne cogitarunt quidem, nedum ut rerum illarum laudem stylo fuerint profecuti. Licet autem nullam mihi necessitatem impositam esse videam enixe vos orandi, ut vacivas mihi præbeatis aures, quandoquidem satis cognitum & perspectum habeo, vos eum in finem huc confluisse, ut quid dicturus sim percipitis; rogatos tamen vos volo, ut, quoniam argumentum ipsum de quo verba facturus sum, novitatis, quæ plerumque periculosa esse solet, speciem habet, amice & benevole dicta mea interpretemini, aut si minus recte, vel liberius, aut forte verbosius de hac vel illa parte argumenti mei locuturus sum, mihi ignoscatis, persuasi quippe hæc quoque ad *ignorantiam theologicam* necessario pertinere.

Ut autem ordinem aliquem, cujus etiam V. D. Ministri & Theologi, nescio quo jure rationem habere debent, observem, argumentum hoc ita tractabo.

*I. Ut primo quidem loco potissimas causas, quæ impediunt, quominus majores in sanctioribus disciplinis faciamus progressus aperiam.*

Q99999 2

II. Osten-

- II. *Ostendam Impedimenta illa in statu felici, quem obtinebunt mentes cœlo receptæ, non solum esse sublata; sed & iisdem præsidia omnia, quæ ad consequendum summum eruditionis theologicæ gradum facere possunt, abunde adesse.*
- III. *Tertio tandem quam vim hæc meditatio in animos cum doctum & discendum, tum omnium nostrum, cujuscunque conditionis & status simus, habere debeat, monstrabimus.*

Antequam autem in rem præsentem ire, atque ostendere possum, quam arctis limitibus circumscripta sit Eruditio nostra theologica, in causas hujus imbecillitatis primo est inquirendum. Possunt autem omnes commode ad tres referri classes. *Prima* ab ipsa *mentis constitutione, natura, & opinionibus*, quibus imbuta est, oritur. *Secundam* conficiunt omnia ea, quæ *extrinsecus accedunt*, mentemque vel magis vel minus ad ita vel aliter sentiendum inclinant & commovent. *Tertia* denique ex ipsa *sanctorum disciplinarum indole* atque *natura* eruitur.

Quod igitur ad primam morbi hujus causam spectat, experientia constat, Infantes omnes ex utero matris in dias luminis auras prodeuntes, exiguis valde corporis & mentis instructos esse viribus. Mentis certe omnes, siue noviter dicantur creatæ, aut in prima rerum omnium creatione conditæ, siue staminibus suis primigeniis conjunctæ, & vehiculo indutæ, siue puræ, & ab omni materiæ labe secretæ, siue iisdem omnes facultatibus instructæ, siue *Θηα* quadam *μορφα* ab ipso creationis & existentiz momento diversis longe viribus ornata, omnes inquam in crassa, ut rerum omnium, sic divinarum imprimis & a sensibus remotarum versantur ignorantia. Neque est quod quis ad *Ideas innatas* provocet contrarium probaturus; quidquid enim de hac quæstione sit, quam hic non excutimus, hoc certum est, ad rite cognoscendas disciplinas ut omnis generis, sic divinas potissimum, multo labore & pertinaci diligentia opus esse, paucissimosque eorum qui literis vacant, insignem aliquem præ cæteris in iis obtinere gradum.

Cum mente tam imbecilla & rudi, conjunctum est corpusculum fragile, innumeris languoribus & morbis obnoxium, cujus opera mentes rerum in sensus incurrentium ideas consequuntur, simul tamen etiam in causa sæpe est, ut illæ a vero rectoque non sine quadam dulcedine abducantur, & retrahantur. Ignorantiæ autem huic & quæ  
inde

inde ut plurimum nasci solet, morum depravationi, occurri non alia via rectius posse quam per rationis, & optimarum artium ac disciplinarum culturam facile perspexerunt homines; hinc etiam mature in ludum literarum mittuntur pueri, præceptoribusque & professoribus traduntur cum in finem, ut ingenia honestissimis disciplinis perpoliant, atque ad vitam hanc prudenter & pie transigendam fingantur. Hic autem fieri solet, ut adolescentes interjecto aliquo temporis spatio, Parentibus aut amicis obsecundaturi, rei familiari consuluri, vel etiam, quod tamen rarius contingere solet, singulari quadam ingenii felicitate, perspectisque rerum & disciplinarum momentis inducti, Deo & rei sacræ commodis inservituri, animos ad excolendas præ cæteris sanctiores Literas adjungant, atque tandem post varios casus & cursus, post itinera dextrorsum & sinistrorsum suscepta, nomen *Theologi*, vel quod idem est *V. D. Ministri*, obtineant. Non quæram quo jure sæpe quidam huic muneri adjungantur, aut postquam id adepti sunt, eo defungantur, de quo multa dici possent. Ponam jam quidem plures non solum excellenti ingenio esse instructos, sed & ad docendas sanctiores literas, religionisque præcepta rite tradenda aptissimos esse. Neque vero; dum *Theologi* & *V. D. Ministri* solis facultatem rite tradendi religionis capita tribuo, asseruerim, eos, qui aliis artibus, ac disciplinis vacant, aut negotiorum publicorum, & civilium curam gerunt, rerum ad religionem spectantium ignaros esse; pulchre enim novi multos, adeo insigni rerum theologicarum peritia esse instructos, ut in decidendis gravissimis religionis articulis, judices & arbitri esse possint: sed *V. D. Ministros* & *Theologos* propterea singulari rerum divinarum instructos esse dico scientia, cum quod eorum una cura, labor & negotium esse debet, ut quicquid ad tradendas, explicandas, & defendendas sanctiores disciplinas facere potest, perspectum atque cognitum habeant; tum quod multa *Theologo* sint cognoscenda, quæ ad ipsius religionis in se spectatæ naturam atque indolem necessario non pertinent, quæque adeo cæteri impune ignorare possunt. Loquimur autem hic de eruditione *Theologica* in genere spectata, nullo habito ad hanc vel illam Christianorum sectam respectu.

Cum vero, ut sunt tempora nostra, ad peritiam rerum theologicarum, & *Theologi* eruditi nomen obtinendum innumera postulentur, partesque harum disciplinarum in immensum auctæ sint, paucorum autem ea sit ingenii vis atque fecunditas, ut de diligentia, occasionis defectu, aliisque impedimentis nil dicam, palam est, difficilimum

limum esse in hac disciplina si ad omnes partes partiumque partes, quibus constat, respicias, excellere, & insignes in ea facere progressus.

At ostendendum est singillatim, quæ obstant, quominus viri ingenio non destituti, in sanctiorum disciplinarum cognitione altius provehantur.

Et principio quidem nemo diffitebitur, ad solidam rerum theologicarum peritiam non solum requiri iudicium acre, ingenium excitatum, & memoriam capacem; sed & jugem meditationem, laboris patientiam, lectionem vastam, rerum divinarum examen serium & sincerum, veri denique studium ardentissimum. Atquam pauci eheu sunt, quos his virtutibus ornatos esse jure asserere possis? Quot sunt ex hoc numero, qui ad stivam potius agendam, vel artem mechanicam exercendam aptiores essent, quam vero ad tradendas nobilissimas disciplinas, aut oracula divina publice exponenda? Quot sunt qui opinentur lectione alicujus systematis theologici, & facultate qualemcunque orationem conscribendi & ad populum habendi, V. D. Ministri scientiam & officia absolvi? Quam paucis inest indefessum & incorruptum veri studium, & digna ad tanta negotia præparatio? Sed ponamus hæc secus esse, atque abesse hæc vitia omnia; alia sunt multa, quæ impediunt etiam eos, qui dotibus ingenii non contemnendis ornati sunt, ardentissimoque studio his Literis vacant, quominus in stadio hoc feliciter decurrant.

*Primo enim obstant accuratiori cognitioni rerum divinarum animis anteceptæ & ab ipsa infantia haustæ opiniones de his vel illis religionis articulis, quibus plerique vel huic vel illi sectæ addicti pertinaciter veluti saxo adhærent, nullisque argumentis, clarissimis licet & evidentissimis evelli sibi eas patiuntur. Dolendum autem nullas opiniones majores in animis radices agere iis; quæ specie religionis sese commendant, unde tot præstantissimorum Virorum, theologici etiam ordinis, de præjudicatis Theologorum opinionibus quærelæ.*

Facile autem colligi potest, quale & quam sincerum futurum sit religionis in hoc statu hominis, examen. Ut enim male judicat omnis corruptus iudex, ita sinistre religionis capita expendunt, qui opiniones leviter admissas, nullique accurato examini subjectas pro regula, imo pro axiomatibus suorum decretorum habent. Eas autem semel arreptas, incredibilem in animos vim habere, & multum valere, vel id argumento esse potest, quod ineptæ plures & Deo indignæ opiniones, quæ passim inter quasdam Christianorum familias publice ad-

mit-

mittuntur, nullis argumentis expugnari possint. Ut nihil dicam de iis, qui nescio quem infallibilem doctorem Romæ degentem cæci sequuntur: Infelix enim illud solium id est cæcus assensus aliis in rebus ad religionem spectantibus datus, non solum in *Italicis*, sed & aliis in hortis crescit.

Cum anticipatis hisce opinionibus plerumque conjunctæ sunt *vehementiores animi commotiones*, quas *affectus* appellare solemus. His, quod dolendum valde, obnoxios esse multos Theologorum, quorum animus tranquillus, placidus, & nonnisi veri rectique studio incensus esse deberet, nemo facile infitiabitur. Animus non est vitia eorum qui sacris operantur acerbe perstringere aut in majus extollere, vel etiam hos vel illos nominatim vellicare. In genere tantum, quod argumenti nostri natura postulat, de vitiis quorundam pauca sunt dicenda; quod si ea quæ de quibusdam duntaxat dicentur, hic vel ille ad se rapiat, stulte nudabit animi conscientiam. Et ut quædam tantum speciminis gratia adducam, quis nescit in ordine hoc maximum esse *Seſſæ*, & *partium studium*: citius certe expectabis ut coqus decoquo, vel Sutor de futuro incorrupte judicet, quam ut multi Theologi non dicam de aliorum sed & suæ sectæ addictis placitis, sincerum ferant judicium. Hinc quo animo sententias a se dissidentium expendant, facile est judicatu. Vix sine commotione eorum libros legere possunt. Hinc audias sæpe ejusmodi homines ita ratiocinantes: Hic in hoc vel illo argumento errat, ergo in aliis etiam acutum cernere non potest; hic non unum commisit circa quæstionem criticam errorem; ergo ineptus est ad systematis alicujus nexum videndum, & dijudicandum. Hic vir cætera doctissimus, multa loca S. Literarum plane aliter explicat, quam nobis placet; Ergo in cæteris etiam audiendus non est. Illi quidem qui ab Ecclesia Romana secessionem fecerunt se infallibiles esse non fatentur, sed potius vehementer impugnant Pontificis Romani ridiculum fastum, ita tamen simul, ubi cum dissidentibus reſeſt, sæpe agunt, ut jures ipsosmet vere persuasos esse, se errare non posse. Hinc etiam suis duntaxat opinionibus addictos cumulativè laudant. Quicquid ab illis dictum est obscurum licet vel tritum, excellens est, & admiratione dignum; ut vero dissidentium dictis & scriptis æquum ponant pretium, vix ac nevis a se impetrare possunt. *Quid magis*, exclamat *Beatus Werenſelſius*, \* *judicium acutiſſi-*

(\*) In Dissertatione Apologetica pro plebe christiana adversus Doctores, judicium de dogmatibus fidei illi auferentes, pag. 37. Opusc. edit. prioris.

acutissimorum hominum corrumpit atque illud partium studium, quod semper inter Doctos, eos præsertim, qui sacris præsunt regnavit? Explicet mihi aliquis, cur de certis dogmatibus aliter Jesuite sentiant, quam omnes alterius ordinis homines: Omnes Franciscani aliter quam omnes Dominicani; omnes Sorbone Theologi quam omnes Transalpini; Et ne nostros omittere videar omnes Theologi Lutherani ut vocantur quam omnes Reformati; omnes hujus Religionis aut Academiæ Doctores quam alterius. Ridiculum esset dicere, dissentientes simile habere corporis temperamentum, aut simile ingenii diabitur; his adversantes contrariam; aut hoc provenire ex ex diversitate aëris, quem dissentientes respirant. Studium partium hoc est, aut nescio quid sit studium partium. Nimirum simulatque aliquis sectæ, ordini, societati, adscribitur, omnes protinus ejus opiniones adoptat. A sua parte nullum est præjudicium, nullus error, nulla injustitia, nullum partium studium. Ab adversa nil nisi præjudicia, errores, injustitia, & nil nisi partium studium; si centum & amplius sue parti intercedunt controversiæ cum parte opposita, centum & amplius sua pars recte decedit; pars adversa ne in unica quidem veritatem attingit. De hoc sane quoties cogito, toties animum subit ingenuum Optati Milestani ad Donatistas dictum. Nemo vobis credat, nemo Nobis, omnes contentiosi homines sumus: O amabilem candorem & nostra ætate rarum! longe aliud hodie auditur ubique, & ab una, & altera parte disputantium. Nemo utrinque clamat, Nemo, ne in ulla quidem re parti adverse credat. Omnes credant nobis, & quidem in omnibus. Adversarii quotquot sunt contentiosi homines sunt, nemo nostrum. Imo vel contentiosissimi a se impetrare nequeunt ut dicant, homines sumus, nedum ut dicant: contentiosi homines sumus. Ita eximius ille Theologus.

Hic autem affectus sine odio & ira subsistere non potest. Unde fit ut muki Religionis momenta sedata mente trutinare non possint. Novi plures dari hujus morbi causas, Ut tamen dicam quod sentio, præcipua hujus æstus ratio ex eo petenda mihi videtur, quod Juvenes inciderint in tales Magistros vel Auctores, qui quoslibet dissentientes atro notarunt carbone, eorum sententias erroneas quidem sed leves sæpe in majus extulerunt, & inter errores pietati inimicos atque graves, & inter eos, quos parum cavet natura humana, & in optimi cujusque animum irrepere possunt, sollicitè nunquam distinxerunt; unde mirum non est, eos ad omnem opinionem novam exhorrescere, & puerorum instar de longinquo anguem videntium pedem retro referre, atque credere sub quolibet lapide i, e. sententia dissentientis, dormi-



dormire scorpium. Quod si quando legant, quod tamen raro fieri solet, scripta Virorum aliis quam quæ ipsimet sequuntur placitis additorum, non tam id fit ut quæ utilia sunt inde discant, aut juxta Pauli monitum omnia probent & quæ bona sunt retineant, sed ut aliquam eos carpendi, iisque insultandi reperiant materiam.

Quis miretur tales impediri, quominus in cognitione rerum divinarum aliquos faciant progressus? Solent equidem hi homines odium quo feruntur in dissentientes, communiter honesto *zell pro gloria Dei* titulo tegere. Sed fraus sæpe manifestissime pellucet, dum sole meridiano clarius est, eos pro receptis opinionibus, pro existimatione sua, pro commodis suis, pro auctoritate sua, & factione sua tuenda, non vero pro virtutibus divinis decertare; certe *veri nominis zelus* cum amore proximi est conjunctus; *veri nominis zelus* controversiæ momento, & rei dignitati est attemperatus; *veri nominis zelus* cum accuratissima cognitione est conjunctus: *veri tandem nominis zelus*, ut plura alia silentio prætermittam, non erroribus tantum sed vitiis potissimum, quæ magis quam errores saluti hominum officiant, bellum indicit. His & aliis characteribus de quibus tempus dicendi non est, cum destituatur ille tanto cum strepitu jactatus quorundam zelus, non est cur putent se sapientioribus verba dare posse.

Sed & alia sunt quæ obstant progressui cognitionis rerum divinarum. Huc merito referas *δοκνησιον* quandam multis familiarem. Nimirum sunt ex iis, qui sanctionibus disciplinis vacant, qui non solum de ingenio suo, quo forte non contemnendo præditi sunt gloriosius sentiant, sed & non satis cognoscant, quanta sit rerum cognoscendarum multitudo & sublimitas, quantumve temporis postuletur, ad unam aliquam eruditionis Theologicæ partem rite & solide addiscendam. Hinc postquam quædam evolverunt systemata & interpretum quorundam quos solos acutum cernere putant, sententias sibi familiares reddiderunt, nihil aliud sibi relictum esse putant, quam ut iis firmiter adhæreant, neque necesse adeo esse putant, ut in eruendo vero veteres, & recentiores diligenter in consilium vocent. Omnia si eos audias, quæ de rebus divinis dici possunt, & in S. Literis continentur, in plena sunt collocata luce, plana sunt omnia & cognitio facilia, omnia satis discussa; Prophetarum omnium, & Apocalypses sensum non minus accurate intelligunt quam epistolarum divi Johannis. Hinc ægerrime ferunt, si quis novas vel hypotheses, vel locorum S. Scripturæ explicationes in medium proferat. Diu enim est in-

Rrrrr

quunt,

## 1050 SCIENTIA THEOLOGICA BEATORUM

quint, ex quo ecclesia, quid sit circa hoc vel illud argumentum sentiendum decrevit; in his adquiescendum; alias per omnem vitam novis examinibus locus esset futurus.

Alii nonnisi *nova*, in speciem *sublimia*, & a cæterorum omnium Theologorum & interpretum mente *abhorrentia querunt*; Quicquid tritum, simplex & naturale est fastidiunt. Volunt adire loca nullius ante trita pede: hinc explicationes scripturæ raras & insolitas magni faciunt, & opiniones noviter inventas, nullo licet tibicine fultas, imo ineptas aliquando & stramineas laudant. Quod si tam felices sunt, ut ipsimet postquam satis cerebrum fatigarunt, novam aliquam hypothesein, aut S. Literarum interpretationem effinxerunt, mire sibi plaudunt, & publice ingeminant, miraculo simile esse, rem captu adeo facilem a nemine hætenus Theologorum vel interpretum detectam fuisse. Putares hos homines alios plane quam cæteros oculos habere, & noctu non minus clare cernere, quam in plena luce. Quod si vero illi aliqua linguarum orientalium, & artis criticæ peritia instructi sunt, ingenio mirum in modum fræna laxant. Vix offendunt vericulum, in quo non sit aliqua ad ritum veterem allusio, quæ non uni in Antiquitatem excursui locum suppeditet. In horum hominum explicationibus (verbis utor *Excellentissimi Theologi S. Werenfelsii nunc cælitibus adscripti*) „dicta invenis Auctorum omnis generis; græca, hebraica, „chaldaica, syriaca, arabica. Cernis in his commentariis opus phry- „gionicum, omnium pæne linguarum characteribus variegatum. Uni- „cum tantum non reperis sensum loci quem intelligere cupis, plane „ut post multa necquicquam lecta, tandem iratus comicum illud usur- „pes: *Fecistis probe incertior sum multo quam dudum*. Rursus alii, sed eodem scientiæ, & eruditionis tumore inflati, putant id demum esse in rebus theologicis sapere, si *quæ omnium consensu certa & plana sunt* convellere, & *incerta* si pote reddere possint. Non placet gustui horum hominum simplicitas in Christi & Apostolorum scriptis occurrens: Nonnisi *mathematicam fidem* crepant, putantque Theologorum dissensum circa dogmata satis docere, sine pietatis detrimento *scepticissimum* foveri posse. Jurares hos homines neque edere, bibere, aut dormire nisi prius consultis calculis & algebraicis numeris; si hos audiremus *Euclidem* Evangeliorum loco haberemus, & cælo reciperetur nemo *ἀγνοῦντες*.

Denique & hoc progressui cognitionis accuratioris rerum divinarum officit, quod quidam *amore quarundam hypothesisum*, aut *dubiarum*,  
aut

aut *verarum* quidem sed non *magni ponderis* abrepti, neglectis momentosisimis, iisque, quæ adhuc diligenti pervestigatione in lucem essent proferenda, omnem in iis *explicandis* & *tuendis* consumant ætatem.

Satis exemplorum adducere possem, nisi vereretur ne ea recitando eruditissimorum quorundam & rerum theologiarum peritissimorum in me provocarem odia; novi enim quam sit *irritabile genus Vatum quorundam*. Qui rerum inter Theologos gestarum notitiam habent, vel me tacente plurima hujus erroris reperient vestigia.

Sed pergendum est ad enarrandas *causas externas* quæ non semel officiant Examini severiori rerum divinarum. Præcipuas autem duntaxat, ut brevitati studeamus recensere. Atque hic primo loco occurrit rerum a Theologo cognoscendarum multitudo. Veteres Oratorem ita definiunt; *Orator est vir bonus dicendi peritus*: ita Theologus pariter breviter, & ex vero definiri posset: quod sit *Vir pius, Religionis christiane probe gnarus*. At si quis ætate nostra his duntaxat virtutibus ornatum Theologum provehere, & commendare vellet, sat scio Doëtoribus Academicis deridendum se propinaret; *Philologum, Philosophum, Criticum, Historicum, Chronologum*, uno verbo *Polyhistorum* responderent oportet esse Theologum. Hoc certum, disciplinam nobilissimam tot partibus & partium partibus hodie constare, ut ad eas singillatim perlustrandas, & rite cognoscendas nulla sufficiat ætas. Nostis Auditores quam difficile sit in una aliqua disciplina excellere; pauci quos *Æquus* amavit, multarum scientiarum peritia nobilitati sunt. Quis miretur igitur, si illi quibus tam variis disciplinarum & eruditionis partibus vacandum, imperfecte & tenuiter eas cognoscant, atque impediuntur quo minus missis multis operosis disquisitionibus ad res gravissimi momenti pervestigandas animum adijciant? Ut nihil dicam multos profecta demum ætate, & nihil tale opinantes tam gravibus muneribus admoveri, atque ita præpediri, quominus tam difficile & periculosum iter gnaviger & inoffenso pede decurrant. Huic adjunctum est aliud malum priori sororio nexu copulatum, nimirum officium, non magis utilia quam subtilia, & parum profutura cognoscendi, deque rebus obscuris non minus quam clavis, garriendi & disputandi. Sane tot scholasticis tricus repleta est quibusdam in locis nobilissima scientia, tot quæstionibus parum profuturis scatet, ut ne quidem Apostoli, si in terras redirent eas intelligere, & de iis *more Academico* i. e. scilicet *erudite* differere possent. Eas tamen si non intelligas, si non omnes nodos quos nectunt contentiosi & curiosi homines

solvere possis, unus ē multis eris, facileque latebis. Ex vero dixerat *P. Cuneus* vir *Doctissimus* in libello de Republica Hebræorum de Evangelistarum & Apostolorum scriptis loquens, *Horrida illa simplicitas, quam olim tanto quisque felicius secutus est bercule, quanto propius tempora eorum attigit: nunc in hoc mundi senio, postquam intra famelice artis spatia stetimus levibus & inanibus præceptis factum est, uti corpus divine sapientiæ enervaretur, & caderet.* Et quod de Philosophia *Seneca* dixerat jure de multis quæstionibus Theologicis dici posset. *Antiqua* (inquit) *sapientia nihil aliud quam facienda & vitanda præcepit, & tunc longe meliores erant Viri: postquam docti prodierunt, boni desunt. Simplex enim illa & aperta virtus in solertem scientiam versa est, docemurque disputare, non vivere.* Quis autem rebus ita comparatis tam acuto est ingenio, ut semper solidum ab inani discernere possit? Quis ab omni gloriæ & ambitionis cupiditate ita est alienus ut relictis tot quæstionibus subtilibus potius quam utilibus, cognoscendis necessariis duntaxat & æternum duraturis totum sese dedat? Quis sine *Heterodoxias* crimine silentio prætermittere auderet minutas quasdam quæstiones, & controversias? At dum ita in supervacuis sæpe Theologis desudandum, & tempus pretiosum terendum est, fieri aliter non potest, quam ut momentosissima sæpe aut negligant aut quasi aliud agendo tractent, nedum ut illustrandis veritatibus cognitis, aut pervestigandis difficilioribus & obscurioribus oraculorum divinorum sensibus, uti deceret, vacare possint.

Tertio felici huic progressui eruditionis Theologiæ obicem ponunt Pontificum, Conciliorum, Synodorum, systematum, & formularum omnis generis decreta. Non est animus Auditores de hisce multa verba facere, vel de norma interpretationis S. Literarum, & judice controversiarum differere. Quis enim vestrum ignorat dissentientium inter se Christianarum familiarum sententias? Pontificum decreta impedire quominus Viri Docti illorum obnoxii Imperio & addicti sententiis, libere res ad Religionem spectantes expendere, & sacras literas ea libertate, quæ viros veri amantes decet, tractare possint, adeo manifestum est ut nihil supra. Hujus legis in Concilio Tridentino sancitæ, ne quis nempe scripturam nisi juxta sensum Ecclesiæ interpretetur, dum mentionem facit *celeberrimi inter Pontificios Doctores nominis Dupinius*, iniquitatem illius tecturus, asserit sed raro commento, latam illam *contra Novatores, sed non contra se*; quod idem est ac si dixisset, eos omnes qui sensum scripturæ cæci subijciant decretis *Papæ*, almæ matris

matris filios & genuinos interpretes, ceteros vero qui oculos ad lucem claudere nolunt, a sanctissimi, & in S. Literis versatissimi scilicet Pontificis voluntate recedere, adeoque gravissime peccare. Ipse *Rich. Simon*, Criticus audacissimus in notis versionis gallicæ novi testamenti, verba Petri, negantis prophetiam esse *ιδιαις επιλυσεις* ita explicat: In hac (inquit) re non suo quisque ingenio confidat, sed consulat eos quos Jesus Christus interpretes Evangelii sui constituit, i. e. si scapham scapham appellare velis, Pontificum vel conciliorum decreta sequatur. (\*) Ipsi *Protestantes*, qui solam sacram scripturam pro regula credendorum habent viderint, ne dum aliquando minus caute, atque parum circumspecte de *Analogia fidei* loquuntur, in eandem incidunt Scyllam in quam Pontificii sunt prolapsi. (\*\*)

IV. Impediunt porro veri cupidos, quo minus altius in hoc literarum genere provehantur, *rixæ*, *contentiones*, & ut rem barbarem barbara voce exprimam, *heretificationes*, quæ sæpe occasione novæ alicujus hypotheseos, innocuæ licet, aut interpretationum S. Literarum oriri solent. Facile quidem concesserim Illos, qui nonnisi nova & paradoxa sectantur, firmissimas vero omniumque vere Eru-ditorum consensu receptas sententias, easque maximi momenti non solum publice vellicant, sed & defensores earum falsè perstringunt, occasionem litium suppeditare; sed & hoc certum, sæpe *fratres* contra *fratres* eidem sanctissimæ disciplinæ addictos & in summa rerum conspirantes, ob hypotheseos innocuas, nihilque divinæ Soteris doctrinæ aut dignitati detrahentes, insurrexisse, maximos clamores excitasse, & in majus extulisse controversiæ momentum, non sine plebis & optimorum virorum scandalo. Qui rerum, quæ in cætu Protestantium inde ab illustri Reformationis tempore contigere, notitiam habent,

Rrrrr 3 facile

(\*) Verba gallica ita sonant: *Que chacun ne doit pas s'en rapporter à ses propres lumieres; mais qu'il doit consulter ceux que Jesus Christ a établis pour être les Interprètes de son Evangile. La Liberté, que plusieurs avoient prise de ce tems-là, parmi les Chrétiens, d'expliquer l'Ecriture selon leurs idées, avoit fait naître plusieurs hérésies.*

(\*\*) Quos hic tangam non adeo obscurum est, nimirum eos inter *Protestantes*, quorum numerus non est exiguus i qui omnes recepti systematis theologici cui subscripserunt articulos pro analogia fidei, & norma S. Literarum interpretationis habent. Quam turpiter hi errant facile esset ostendere. Eos, ut alios taceam falsè sed docte impugnavit Anonymus Anglus in dissertat. de non legenda scriptura sacra Cl. la Roche Bibliotheca Anglica inserta. Quam caute contra in hoc negotio sic verandum, præter alios nuper erudite & prudenter ostendit Vir Venerandus & Doctissimus J. Jacobus Lavaterus S. Theologiæ Professor Tigurinus, Collega mihi conjunctissimus in Dissertat. de Interpretatione S. Scripturæ, præcipue de Analogia fidei.

facile mihi assensum suum dabunt. Vel solæ illæ controversiæ *Coccelane, Cartesiane, Particularistarum, & Universalistarum, Wolfiane* &c. tantis animorum motibus hinc inde agitatæ manifestissimo, sed tristi Exemplo esse possunt. Interim eadem semper luditur fabula. Si quis vir doctus, veri amans, & confessioni etiam suæ, quod ad suam rerum serio addictus, aut novam hypothesin, ad huic vel illi dogmati Religionis lucem afferendam in medium adducit, aut quædam argumenta vel testimonia scripturæ hæcenus afferri solita infirma esse judicat, licet firmiora constanter retineat, statim sunt qui strepitum faciant. Hinc audis hæc & alia sophorum quorundam dicta: *Hic homo monstri aliquid alit; Equo ne credite Teucris*, &c. Quis autem, cui pacis & quietis studium inest, rebus ita comparatis, diu noctuque cum detrimento sanitatis, oculorum, & facultatum, sanctioribus disciplinis illustrandis vacabit, si tale sit laboris & diligentiae præmium? Quis non videt, male sanorum quorundam susurros & clamores impedire, quo minus majus semper indies rei sacræ accedat incrementum & ornamentum?

V. Denique, ut multa alia silentio transeam, *Eristica scripta*, quibus misere tempus ad sui defensionem Theologi multi uti debuerunt & adhuc tenentur, multum officiunt progressui sanctiorum disciplinarum.

Quot volumina sæpe Viri præstantissimi & innocentissimi, ad famam & existimationem tuendam, & erroris vel hæreseos crimen a cervicibus suis depellendum conscribere, qui tempus hoc pretiosissimum ad illustrandas altiores disciplinas longe felicius, & majore cum utilitate, impendere potuissent? (\*)

Verum quidem est, multum sæpe lucis ex ejusmodi conflictibus veritati affundi; simul tamen negari non potest, magnam partem ejusmodi libellorum constare famæ & innocentiae defensione, verborum, phrasium & hypothesium genuina & sæpe non necessaria explanatione, rebusque aut prorsus nullam Religioni adferentibus lucem, aut pias & pacis studiosas mentes offendentibus.

Sed veniendum tandem est ad *tertiam* causarum classem, quæ impediunt, quo minus nostra de rebus divinis cognitio perfectior sit atque accuratior. Atque hæc petita sunt ex ipsarum disciplinarum theo-

(\*) Legenda hic est veri amantibus dissertatio celeberrimi Clerici, adjecta epistolis criticis, in qua solvitur hoc problema; *An semper respondendum sit calumniis Theologorum?*

theologicarum indole, natura & tractandi methodo. In antecessum tamen duo sunt monenda. *Primum* est, nos strictim duntaxat de argumento nobilissimo & amplissimo dicturos: *posterius*, nos cum omnibus Protestantibus, non obstante hac nostra imperfecta rerum divinarum cognitione, nihilo minus tamen ex animo profiteri, ea quæ ad salutem cognitu sunt necessaria, clare & perspicue in *S. Literis* tradi.

Verfatur autem disciplina theologica potissimum circa *Explicationem S. Literarum*, circa *dogmata & elenctum dissentientium*, circa *Prophetias*, & res in cœtu christianorum gestas. De singulis pauca sunt monenda.

Quod (a) ad *S. Literarum interpretationem* spectat, notum est, primam interpretis curam esse debere, ut voces phrasæque idiomatis hebraici & græci perspectas atque cognitatas habeat. Hic autem fatentur Theologi eruditissimi & linguarum orientalium peritissimi, cognitionem linguarum orientalium, veterum historiarum, consuetudinum, rituum, & opinionum, non tantam hodie comparari posse, quæ sufficiat omnibus scripturæ locis intelligendis, omnibus difficultatibus & dubiis solvendis, omnibusque apparentibus contradictionibus conciliandis. Hinc sæpissime ad conjecturas est fugiendum, inter quas quæ potissimum aliquando sit eligenda, Deus aliquis dixerit. Exactam omnibusque numeris absolutam notitiam originis linguæ hebraicæ, vocabulorum imprimis semel duntaxat occurrentium, potestatisque, quam habere debeant, non dari, apud cordatos omnes in confesso est. Unico quidem neque adeo magnæ molis volumine continentur scripta veteris Testamenti; sed defunt nobis interpretes cœvi, qui omnium sententiarum, circumstantiarum, rituum, populorumque de quibus scriptores sacri verba faciunt, accuratam dederint explicationem. Novi, quæ de *paraphrasum chaldaicarum & commentariorum Rabbinicorum* utilitate a Viris doctis monentur; nihil ego detraxerim Rabbinorum laboribus: at & hoc concedent mihi illi ipsi, qui auctoritatem illorum scriptorum extollunt, sæpius nobis illos verba dare, neque magis quam nos multorum locorum difficultium, historiarumque antiquissimis temporibus gestarum, accuratam habere cognitionem, vel sufficientia ad id præstandum in manibus habere præsidia. Idem de *Onkelosi & Jonathani* interpretationibus dixerim; ut taceamus, harum paraphrasum jactatam antiquitatem nondum extra omnem dubitationis aleam esse positam. Verum est, Viros linguarum orientalium peritos hinc inde ex *chaldaico, arabico, persico, æthiopico*,  
imo

imo ex *finenſi* etiam idiomate S. Literis attuliſſe ingentem lucem. At præterquam quod poteſtates vocabulis ſubjectæ, ſucceſſu temporis, mobilitate vulgi, & migrationibus populorum frequenter mutantur, sæpe nos addubitare jubent ipſæ virorum doctiſſimorum de his vel illis locis S. Litterarum diſſenſiones. Hinc quidam feliciter *Jobum* ex *Chaldaismo*, quam vero ex *Arabismo* illuſtrari poſſe contendunt.

Inſignem utilitatem ad explicandum verus teſtamentum, ut de novo jam nil dicam, aſſerre LXX. interpretum græcam verſionem uno ore aſſerunt eruditi. At Eoſdem ſæpiſſime a textu hebraico diſcedere, imo aliquando ſenſus dare adeo a ſignificatione linguæ hebraicæ abhorrentes, ut nulla origo tam diſcrepantis verſionis dari poſſit, notiſſimum eſt; hinc diverſitatem illam quidam a codicibus quibus uſi ſunt Alexandrini illi interpretes, alii ab imperitia linguæ hebraicæ, qua laborarint, alii denique a corruptionibus & mutationibus quas paſſa ſit nobiliſſima verſio, repetere ſolent. Ignoramus, tuto quidem & ſine periculo, & fata codicum ante factum canonem & collecti canonis utriusque ſcæderis auctores: ignoramus multorum pſalmorum auctores, occaſionem ſcribendi, ſcopum & circumſtantias temporis, & perſonarum: ex quo ſimul judicari poteſt, ut in tranſitu hoc dicam, quid de conſuetudine apud nos recepta cantica nimirum Davidis non interrupta ferie canendi habendum ſit. De origine & valore punctorum vocalium, & variantium lectionum, quas *keri* & *cetib* vocant, ſub iudice lis eſt; vel minimæ huius linguæ particulæ vehementer nos exercent, varia nimirum inſtructæ ſignificationis poteſtate. Hic emphasiſ hic illic quærendam putat, alius nullam; hic ad *ἐξεργασίας* ubi occurrunt vel occurrere videntur, præſertim in libris poëticis, phraſes & voces idem ſignificantes, provocat; alter cum majeſtate loquentis in ſacris Dei pugnare ejusmodi tautologias, ut ipſe vocat, contendit. De ſenſu Literali & myſtico vehementes ſunt Doctôrum pugnæ. Hic omnem verborum amplitudinem urgendam cenſet, & ad canonem ſuum, nimirum verba Spiritus S. ſignificare quicquid ſignificare poſſunt, provocat: alius non ad vivum omnia reſecanda, ſed circumſtantiarum duntaxat, nativæ ſignificationis & connexionis habendam eſſe rationem clamat. Hic, ubi de hujus vel illius vaticinii implemento agitur, dudum, & ante multa ſæcula, adductis hiſtoriarum monumentis, eventu comprobatum tuetur; alius in remotiſſimis ab illis temporibus ſæculis, id eſt, ætati noſtræ proximis, quærendum eſſe contendit, aut nondum impletum eſſe putat. Stylus ipſe He-



Hebræorum, in primis in libris poëticis & propheticis, hyperbolicis locutionibus scatet, atque adeo sæpe non solum ipsius vocis significatos dubius & anceps est, sed & si cognoscitur, quousque significationis amplitudo extendenda sit, dici non potest. In quo metri hebraici consistat ratio, nondum inter se conveniunt Eruditi. Neque plantarum animaliumque nomina, quorum textus s. mentionem facit, ubique assequimur. Quidam typorum numerum in immensum augent, alii paucissimos admittunt; rursus denique alii putant, adquiescendum in iis, quos N. Fœderis scriptores pro talibus nobis obtulerunt; ut alia multa silentio præteream.

*Quod si ad N. Fœderis libros accedamus, verum est ad eos intelligendos melioribus nos munitos esse præsidiiis, quoniam excellentissimorum literatæ græciæ scriptorum magna est copia, ex quibus plurima, quæ seculi nostri felicitas est, viri docti ad illustrandos N. Fœderis libros depromerant, & adhuc depromere solent. Hoc tamen non obstante, multa sunt quæ impediunt quo minus perfectam rerum in N. Fœdere patefactarum notitiam adipiscamur. Nihil dicam de auctoribus Canonis N. T. quorum curam in conferendis codicibus ignoramus, nihil de antiquissimorum Manuscriptorum fatiis; Hæc enim parum officiant Religionis cognitioni: nil de variis lectionibus; nihil de stylo hebraïsmis non paucis repleto; nihil de variis obscurioribus parenthesibus, trajectionibus, ellipsis &c. &c.*

Hoc tantum monebo, S. Soterem nostrum & Apostolos verba facere de rebus, de quibus nullus philosophorum græcorum, Poëtarum, & historicorum nullus, loqui potuit. Certe si literati illi viri in terras redirent, atque in codicem N. Testamenti inciderent, frustra ingenia sua in explicandis iis, quæ ad naturam Evangelii J. Christi pertinent, torquerent. Multa præterea in N. Testamento citantur loca ex veteri petita, quæ difficulter sæpe, sive codicem hebraicum, sive græcum, sive denique sensum duntaxat non verba secuti sint auctores sacri, ad institutum eorum applicantur: neque parum interest, utrum accommodaciones in N. Fœdere admittas necne, de quo inter se litigant Theologi & interpretes. Ignoramus, saltem obscure intelligimus statum Ecclesiarum, ad quas Apostoli literas dederunt ignari quippe opinionum, quibus illi ad quos epistolæ directæ sunt, antequam Religioni nomen dedissent, fuerint imbuti. Apostoli enim in suis epistolis non tam Christianos prima edocebant christianæ religionis elementa, sed aliunde jam ipsis tradita esse ponebant. Obscure insuper cognoscimus, quæ in antiquissimis cœtibus peracta sint, & quæ

fuerit v. gr. prophetantium in cœtu Corinthiaco ratio ; neque semper constat, utrum Christiani quibuscum per literas sanctissimi viri de rebus ad religionem spectantibus agere volebant, hebræi duntaxat fuerint origine, an vero etiam ex gentilibus orti. Ut de distinctione recepta capitum, & versiculorum aliisque moram sæpe nobis objicientibus nil dicam.

In utriusque fœderis explicatione autem accuratiori cognitioni obicem ponunt anticipatæ animo opiniones. Nimirum antequam ad S. Literarum lectionem seriam & interpretum explicationes accedimus, animus opinionibus quibusdam, vel si mavis, certorum articulorum cognitione, quam systema appellamus, est imbutus. His utimur ut plurimum ad nexum & coherrentiam propositionis alicujus aut integri capitis ostendendum. Lege v. gr. duarum diversæ sectæ addictorum in epistolam ad Romanos paraphrases, & mox, quid velim, patebit. Imo multi eo usque progrediuntur, ut incertissimas hypothesas, si Diis placet, in utroque fœdere reperiunt. Hic in Patribus antediluvianis originem philosophiæ corpuscularis & Chymicæ, alter in Apocalypsi lapidern philosophorum reperit ; hic in primis capitibus Mosis non solum vortices, sed totum mundum Cartesianum comprehendit ; ille scriptores sacros Copernici sententiæ addictos fuisse, clamat.

Alii in interpretatione S. Literarum potius respiciunt quid utile sit, ad confirmandum hunc vel illum cui addicti sunt Religionis articulum, quam ad veritatem ipsam. Hinc audias eos dicentes ; diversæ quidem hic locum habent interpretationes, quarum nulla est absurda ; at præstat huic non alteri album adjecisse calculum explicationi, quia hæc mirifice facit ad hanc vel illam systematis nostri partem confirmandam. Nonnulli operam dant, ut sensum quærant latum, in quo explicando habenas ingenio laxare possunt ; alii data opera significationem vocum & phrasium contrahendam esse clamant, ne inveniant forte, quod ab opinionibus, quas firmas esse volunt, & optant, abhorreat. Ut de aliis perversis interpretantium studiis nil dicam. (\*) *Ex quibus*, ut alia, quæ adduci possent taceam, patet, quam difficile imo impossibile sit, ut versio aliqua omni ex parte accurata, id est, per omnia cum idiomate vel hebraico vel græco consentiens ador-

(\*) Legendi hic Auctores, qui de interpretandi S. Literas regulis data opera scripserunt v. gr. Cl. Werenfelsius in dissertat. de *idæ xai λουσι*, & de scopo interpretis ; Cl. Rambachius de idoneo S. Literarum interprete, alique multi.

adornari possit: Incidit mihi hic responsum *Genebrardi*, viri linguarum callentissimi, quod dederat *Henrico III.* Regi Galliarum; cum enim potentissimus ille Rex desiderio videndæ versionis gallicæ utriusque Fœderis tactus, consilium *Genebrardi* petiisset, atque interrogasset, quantum temporis & sumtuum ad ejusmodi opus perficiendum postularetur, respondisse ipsum ferunt; ad minimum per triginta annos huic operi esse vacandum; adhibendos triginta Viros in linguis & disciplinis Theologicis versatos, denique bis centena millia thalerorum in sumtus esse eroganda, neque tamen sic aliquid præstari posse, quod extra omnem plane censuram, & erroris periculum positum esset. (\*)

Quod si ad dogmata theologica, (ut de Theologia morali & casibus conscientiarum nil dicam) uti vocantur, contemplanda animum convertimus, denuo quam tenuis & manca valde Eruditionis nostræ theologicæ ratio sit, patebit. In genere notamus imperfectissimam esse nostram cognitionem rerum in sensus non incurrentium. Hinc sæpe, ubi de spirituum & monadum attributis, & adfectionibus agitur, hæremus. Quemadmodum enim sensus nobis dati non sunt ut intimam corporum essentiam habeamus perspectam, sed ut tantum de iis sciamus, quantum ad commoda vitæ nostræ promovenda, deumque celebrandum necesse est: ita neque mente sumus instructi, ut perfectam spirituum adipiscamur scientiam; sed ut, comparata quali-

S s s s s 2 cunque

(\*) Rem narrat *R. Simon* in præfatione versionis gallicæ N. Testamenti præfixa, nixus auctoritate *Renati Benedicti*: neque interim ingenua hæc confessio Protestantium causæ obest: Per rerum naturam fieri non posse putamus, ut ejusmodi versiones omni ex parte cum textu originali conspirantes conficiantur. Gratulabimur autem nobis, si Pontifices Romani in decidendis controversiis infallibiles & linguarum originalium peritissimi, tandem laborantibus succurrant, & nebulas omnes hic occurrentes dispellent. Eruditissimus *Wagenfelsius*, Vir linguarum orientalium callentissimus, in libro, cui titulus: *Tela ignea Satane* pag. 522. rationem redditurus, cur versiones S. Literarum omni ex parte cum Textu fontis græci vel hebraici convenientes hæcenus a Viris doctis adornatæ non sint, ad arcanas *divine Providentiæ* provocat vias, dicens: Cogitavi egomet mecum tacitus sæpe de hac re, & miratus sum, cum multorum librorum in alias linguas versiones extent ad amussim factæ, & primigenium textum tanta similitudine referentes, ut nullum inter hunc & illum discrimen aliud intercedat, quam diversitatis linguarum, eoque fieri non potuerit ut a tot seculis S. Scripturæ aliqua concinnaretur versio, quæ suos non proderet nævos & ingenuitatem assidue servaret. Atque cæpi tandem totum hoc cœlesti tribuere providentiæ, quæ non pariat a quoquam omnibus numeris absolutam edi versionem, ut nimirum apud omnes omnino nationes toto orbe dispersas semper fontibus illis, qui immediate ex æternæ sapientiæ sacratissimo abyssu scaturerunt, præ canalibus, per quos beatissimi homines aliorum ducuntur, sua majestas & auctoritas illibata conservetur, atque ut subinde rivulos hos comites sumerent, & ad fontis latices irent, si quæ verum saporem divinisimæ aquæ sincerius per gustare discuperent. Ita *Wagenfelsius*. Utrum eo recurrendum sit, judicent Viri me doctiores,

cunque rerum in sensus non incurrentium notitia, quæ ad res divinas pariter & humanas rite ponderandas & in usum revocandas in histeris facere possunt, cognoscamus. Quod si corporum ante oculos positurum, spirituumque finitorum tam imperfectam habeamus notitiam; quid mirum est, si Dei naturam, perfectiones, agendi modos, consiliorum rationes, & fines imperfectissime cognoscimus? Hinc recte *Lactantius*; cum ad illum mentis humane intentio & acumen & memoria pervenerit; quasi abductis & consumtis omnibus viis subsistit, hæret, deficit, nec est aliquid ulterius quo progredi possit.

Quis igitur in tanta rerum nostrarum caligine vel unius attributi divini exactam dabit & numeris omnibus absolutam definitionem? Quis poterit explicare, qua ratione Deus singulis ut ita dicam momentis, præsentia, præterita, contingentia, necessaria & futura cognoscat? Quis scire quid sit a se esse, & ab æterno esse? Quis Ejus modum agendi in creaturas cum ratione & sensu instructas, tum prorsus iis destitutas, declarabit? Quis consiliorum & decretorum divinorum ordinem ab omni æternitate coëptum cum suis causis, & finibus, (de quibus tamen tanta confidentia quidam quasi Deo a consiliis fuissent garrunt) in clara collocabit luce? quis definiet, qua ratione fieri poterit, ut volente Numine infinita quædam materiæ prodierit massa innumeris seminibus fœta? Quis administrationem divinæ providentiæ, causasque ejus in regno Naturæ, & gratiæ deteget? Quis nodos circa originem mali morales, & physici occurrentes, imprimis ubi ad hoc vel illud individuum deventum est, solvet? Quis viam monstrabit, per quam primum peccatum in omne genus humanum fuerit devolutum? Quis Theologus tandem causam reddet sufficientem, cur Deus hanc non aliam rerum seriem, hunc nunc alium mundum produxerit? Quis novit qualis sit Infantium in utero materno religionis cognitio? quis non suam circa Trinitatis, incarnationis, & satisfactionis Jesu Christi dogmata fateatur ignorantiam? Quis edisserat, cur his duntaxat populis non aliis lux Evangelii apparuerit? Cur non citius Christus in mundum venerit? Quis futuræ in coelis administrationis per omnem æternitatem rationem, beatarum mentium cognitionis gradus, quis denique infelicium orci victimarum fata singula enarrabit? Hæc, ut alia plura mittam, satis ostendunt, quam imperfecta sit nostra & manca valde *dogmaticæ Theologiæ* cognitio. Hinc quo quis est in his rebus magis versatus, eo magis etiam frequentissime de his vel illis interrogatus subtilioribus quæstionibus respondebit: *Nescio; ignoro; non liquet.*

Ex

Ex quo simul etiam, Auditores, facile patet, quam imperfecta futura sit nostra *theologie polemica* peritia. Ut enim non dicam studium polemicum inter *mala necessaria* referendum, quis nescit sæpissime de verbis non de rebus fuisse acerbè disputatum, & quidem inter fratres: disputatum de rebus quidem aliquando, sed rebus exigui momenti: sæpe de rebus de quibus neuter disputantium perspicuam & accuratam habebat notitiam, adeo ut si verum dicere voluissent, in hæc erupissent factis induciis verba: *Hactenus amici de rebus vel incognitis plane vel obscurioribus disputavimus*; ut de his inquam nil dicam, quam difficile est in hoc argumento versantibus sibi cavere a studio partium, a falso Zelo, ab argumentis omnibus ab invidia petitis?

Quanto ingenio, labore, & judicio opus est, ad omnia dissidentium inter se Christianorum systemata suis fundamentis rite aptata, nullisque admistis falsis interpretationibus corrupta, rite cognoscenda? Quis sine temeritatis nota alleret, se nodos omnes circa religionis negotium occurrentes, quos nobis omnis ætatis homines proponunt, solvere posse? Et cujus tandem ætas sufficeret ad omnes stultas, ineptas, & audaces opiniones, quæ in ecclesia inde a condito orbe motæ, & agitatæ sunt, non dicam refellendas, sed saltem rite cognoscendas? Neque enim Theologis polemicis, cum variis Christianorum sectis duntaxat, sed cum gentilibus, Judæis, Mahomedanis, Atheis, Deistis, Scepticis, Fanaticis & nescio cujus surfuris hominibus aliis, pugnandum & certandum est.

Fac vero Theologum hæc ad unguem callere, multa alia ipsi præstanda sunt, antequam triumphum canere potest; pugnandum enim illi erit cum præjudicatis opinionibus, & amore sectæ altissime animis errantium infixis. Hos hostes nisi prius represserit, frustra erit. At quam inexpugnabilis est quorundam pigritia, ubi de Religionis examine agitur? Quam pauci curant disputationes Theologorum serias etiam & attentione dignas nedum subtiles & scholasticas? Quot sunt qui ad *solum vocabulum controversiarum* exhorrescant? Quam paucis veteres avias de pulmone revellas? Quam pertinaciter plerique adhærent opinionibus cum lacte quasi materno haustis? Quam rarus est veri nominis Proselytorum numerus? Quam parum vulgo disputationibus proficitur? O quam recte facerent multi Theologi, si potius de pravis affectibus suis, quibus laborant, reprimendis & purgandis, quam dissidentium opinionibus convellendis prius essent solliciti.

Sed accedimus ad *Theologiam propheticam*, visuri, utrum hic acu-

tius cernamus. Tantum autem abest, ut in hac disciplinarum Theologicarum parte de accurata quadam scientia gloriari possimus, ut potius illi ipsi, qui incredibili cum studio illi per plures annos incubuerunt, fateantur, si ea quæ de futuro Messia, ejus doctrina, muneribus, perpeſſionibus & conversione gentium excipiantur prophetæ monent, pleraque densis esse tenebris obſepta.

Ex sacris equidem Literis novimus dari prophetas, id est homines inusitata quadam rerum divinarum cognitione instructos, & facultate futura prædicendi ornatos; qua ratione autem Deus mentibus illis illabatur, eas agitet, atque efficiat, ut quæ cæterorum mentis aciem fugiunt cernant, tuto ignoramus. Quod si ad ipsorum Prophetarum deventum est explicationem, multa impediunt quo minus facile & perspicue eorum mentem capiamus. Talia sunt stylus ipse Prophetarum hyperbolicus, innumeris figuratis verbis & phrasibus repletus, adeoque intellectu difficilis, orientalium quippe potius quam nostris auribus gratus, & accommodatus; unde haud facile dixeris, quousque dicta ejusmodi sint urgenda, ne Spiritus S. fini, verbis intento, aliquid addamus, vel demamus. Et cui cognitæ tandem sunt omnes loquendi rationes, consuetudines, gnomæ, & parabolæ, antiquissimis hebræis, aut aliis orientis populis cum quibus illis consuetudo quædam intercesserat, & contra quos volente ita Numine insurrexerant Prophetæ, usurpatæ? Quis temporum, locorum, personarum ad quæ omnia digitum intendunt sacri vates, perspectas habet circumstantias? Quis in tanto veterum monumentorum illius ætatis defectu temporum ordines sine formidine lapsus designabit? Ad hæc sæpe ita loquuntur divini vates, ut utrum facta, de quibus loquuntur, suum nacta sint complementum nec ne, ignores; unde & multi in certis quibusdam temporum periodis eventura demum putant, quæ dudum evenisse alii existimant. Adde, quod in ipsius orationis propheticæ vel capitis medio occurrant sæpe vaticinia de Messia, vel de cœtu christiano, ubi tamen sive antecedentia sive consequentia consulamus, nihil quod affine sit huic argumento deprehendere possumus. Quod si quis non solum hanc pericopam, aut versiculos hosce sed integrum caput vel psalmum ad Messiam referre velit, singulasque phrasas & propositiones ad eam exigere, quam difficilem suscepit laborem, experiundo discet. Certe non semel, sed frequenter auctoritate potius Soteris & Apostolorum quam vero ipsius vaticinii evidentia, verborumque significatione de rebus ad œconomiam N. Testamenti agi edocemur.

mur. At erunt qui ingeminent, dari tamen multos eruditos & pios Theologos, qui singularissimos nostros, & proxime elapsum seculo-  
rum eventus, ex obscurioribus Prophetarum oraculis eruerint. Non  
nego fuisse qui *Transactionem passaviensem, bellum inter Guelfos & Gibe-*  
*linos gestum, repudiatam formulam Interim dictam, Concilium tridentinum,*  
*Job. Frid. Saxonie Electoris captivitatem,* aliaque ejusdem naturæ in  
canticis Salomonis prædicta esse contendant. Iidem Esaj. cap. XXXIII. 7.  
*Mortem Gustavi Adolphi, Hungaria fata* cap. XXXII. *irritos in Belgio*  
*Episcopatus instituendi conatus,* cap. XIX. *Academiam Pragensem a Je-*  
*suitis occupatum iri.* Ezech. cap. XXXIX. enarrari, & prædici existi-  
mant; ut de aliis ejusmodi interpretationibus nil dicam. (\*)

Nihil ego doctissimorum & piorum Virorum, quibus hæc in-  
terpretamenta placent meritis, & eruditioni detrahare volo; at diffi-  
teri tamen non possum, me, licet citata capita decies legam & rele-  
gam, de his ibi rebus agi, persuaderi non posse, & quoniam meis non  
aliorum oculis cernere debeo, rogo illos, qui acutius cernunt, ut meæ  
lippitudini aut si malunt cœcitati, ignoscant. Hoc tamen mihi mi-  
sero solatio est, quod videam interpretes omnibus prædiciis ad rite  
exponendum S. Literarum sensum instructos; viros Religionis chri-  
stianæ gnarissimos: viros denique veri amantissimos hic mecum etiam  
cœcutire, imo potius longe majorem eorum partem, aut ignorantiam  
suam fateri, aut longe alia ibi contineri non sine causa pronuntiare.  
Ex quo sane si ad magnum Theologorum doctissimorum, qui in plu-  
rimis Prophetarum locis explicandis se hære fatentur, numerum re-  
sicias, nemo nobis vitio vertet, si dicamus etiam hac in parte nostram  
scientiam Theologicam valde esse imbecillam, vel ut cum Paulo Apo-  
stolo loquar, nos *ex parte tantum prophetare.*

Denique ut paucis de rebus in cœtu christiano inde a temporibus  
Christi, (ut altius non ascendam) gestis aliquid dicam, plurima sunt  
quæ obstant quo minus certam rerum in eo gestarum, dogmatumque  
sive verorum sive falsorum, quibus per omnia secula subscripserant  
Christiani, habeamus notitiam.

Ita scire nostra v. gr. quam maxime interesset, quid seculo pri-  
mo post Apostolorum excessum in cœtibus Christianorum gestum sit,  
quæ fuerit de singulis Religionis christianæ partibus eorum sententia,  
quinam successores, & eorum labores, &c. &c. At nos monimen-  
torum

(\*) Loca hæc collegit Cl. Rambach. dissertat. de Idoneo S. Literarum interprete (qui-  
bus plura si necesse esset addi possent.

torum defectu laborare, nemo est eruditorum qui ignoret. \* (2.) Ad cognoscenda dogmata opus est ut Patrum antiquorum evolamus scripta; at hi ipsi obscure sæpe suam expresseverunt mentem, allegoriis potius quam accuratis ratiocinationibus adfueri; hinc ubi quid de articulo hoc vel illo controverso senserit hic vel ille Pater quaestio est, oriuntur statim tenebrae, & quilibet eum in suas partes rapere vult. Ita Pontificii non minus quam *Lutheri & Zwinglii* discipuli, in antiquissimis Patrum scriptis suas de S. Coena, ut de aliis decretis Religionis nil dicam, sententias reperiunt.

3.) Historiam antiquissimarum hæresium nondum satis esse excussam conqueruntur passim Viri Docti; Et difficillimum est systemata eorum rite habere perspecta. Ipsi Patres non semel nexum ejusmodi hypothesium male intellexerunt, aut confectaria pro sententiis genuinis errantium substituerunt, ut de partium studio & Zelo impotenti, quo nonnunquam abrepti sunt, obscurisque phrasibus quibus hominum illorum opiniones exprimere voluerunt, nil dicam.

4.) Ex duorum vel trium Patrum scriptis opinionibusque difficulter de sententia doctorum omnium, qui eodem seculo vixerunt, judicare licet, quandoquidem multi alii, quorum scripta injuria temporum perierunt, longe aliter sentire potuerant.

5.) Nondum omnes plane leges probabilitatis ita sunt excussæ & determinatæ, ut quot præcise gradus respectu *qualitatis & quantitatis* testium, omniumque circumstantiarum, quæ ad factum aliquod probandum vel rejiciendum ponderandæ sunt, postulentur, definiri possit. Agnoscunt & fatentur hoc philosophi acutissimi inter quos refero illustr. *Leibnitium*, inter principes Philosophos & eruditos labentis seculi merito numerandum.

6.) Si animum ad historiam leges convertimus, denuo quam difficile sit de veritate rerum gestarum rite persuasum esse patebit. Cicerone ita eas expressit dicens. *Quis nescit primam esse historiae legem, ne quid falsi dicere audeat, deinde ne quid veri non audeat; ne qua suspicio gratia*

(\*) Passus hoc est Eusebius, qui qua potuit industria primorum temporum monumenta collegit Hist. Eccl. Lib. III. cap. IV. dicens: Ὅσοι δὲ τῶν καὶ τοῖς γνησίοις ἔχονται γιγνομένης, τὰς πρὸς αὐτὰν ἰστορίας ἱκανοὶ ποιῶμεν ἰδοίμεας θύσαν ἰκκλῆσις, ἢ ῥαδίον εἶπαι, μὴ ὅτι γὰρ ὅσοι αἱ τὰς ἐκ τῶν Περὶ αὐτῶν ἀνέλι-  
ξαιτο, i. e. Quot vero horum Apostolorum & quinam veri imitatores eorundem judicio digni judicati sint, qui fundatas ab ipsis Ecclesias pascere, nequam facile est dicere; præterquam illos, quos ex ipsius Apostoli verbis facile quivis possit colligere.



*gratia sit in scribendo, ne qua simultatis. Et alibi: testes fide dignos esse oportet, quibus causa iustissima sit, cur scire potuerint, nulla cur mentiantur.* At exiguum valde harum legum curam habuisse etiam ipsos Scriptores ecclesiasticos sole meridiano clarius est. Postquam enim per votorum numerum christiani quid verum atque rectum sit in Conciliis definiverant, itum est in sectas, neque dubitarunt, ubi de factis & dogmatibus dissentientium agebatur, falso quippe Zelo & studio partium abrepti, veris falsa admiscere, imo apertis mendaciis, si quid in rem suam esse existimarunt uti contra alios; suis vero sententiis addictos ineptientes licet sæpe, & affectibus velificantes in cœlum tollere laudibus. Quid dicam de historia Martyrum, Monachorum, & Anachoretarum? Respondeat pro me *Melchior Canus* Episcopus R. Ecclesiæ valde celebris: *dolenter hoc dico, (inquit) potius quam contumeliose, multo a Laërtio severius vitas Philosophorum scriptas quam a Christianis vitas sanctorum; longeque incorruptius & integrius Suetonium res Caesarum exposuisse quam exposuerunt Catholici, non res dicam Imperatorum, sed Martyrum, Virginum & Confessorum. Illi enim in probis, aut Philosophis, aut principibus, nec vitia nec vitiorum suspensiones tacent, in improbis vero etiam colores virtutum produunt: Nostri autem plerique vel adfectibus inserviunt, vel de industria quoque ita multa confingunt; ut eorum me non solum pudeat, sed etiam tedeat. Hos enim intelligo ecclesiæ Christi cum nihil utilitatis attulisse, tum incommodationis plurimum.* Ita M. Canus.

7.) Ad unius alicujus sectæ originem, fata, & opiniones detegendum, aut rem uti vocant facti, quæ alicujus momenti esse judicatur probandam, vel falsitatis convincendam, non solum incredibili diligentia, vasta lectione, laboris pertinacia & otio, sed & judicio acuto, eruditione exquisita, & amore veri acerrimo opus est, quibus tamen dotibus paucissimi, qui historiæ ecclesiasticæ studio vacant, instructi sunt. Lege quisquis es historiam *Manicheismi* a doctissimo *Beausobre*, nunc cœlestibus adscripto conditam, & quæ inter *Blondellum* & *Spanhemium* de *Joanna Papissa* utramque in partem disputata sunt, ut de multis aliis exemplis nil dicam & senties hæc scribi non potuisse a doctissimis viris, sine maximo studio, lectione vastissima, & ingenii mira bonitate.

8.) Denique, ut multa alia silentio transeam, sæpe post immensos labores, difficillimas discussiones, vigiliasque plures hoc unum sæpe obtines ut scias, hos vel illos huic non alii sententiæ addictos

T t t t t

fuisse,

fuisse, quod tamen utrum vel verum, vel falsum sit, tua nosse parum interest. Notæ sunt disputationes in Gallia olim inter *Claudium*, & inter *Arnaldum*, aliosque de *fide Græcorum* circa explicationem verborum institutionis S. Coenæ agitatz, in qua quid vires valeant utraque pars tentaverat. At quid mea tandem & cœtus sacri refert - quid esurientes græculi de hoc argumento senserint? Et si nostra id scire haud parum interesse existimas, mentemque eorum post immensos labores cepisti, num sequitur tandem saltem ex mente Protestantium: *Græci moderni eam quam nos tuemur sœvent de S. Cœna sententiam; Ergo vera est?* (\*) Atque hæc ni fallor (ut plura alia mittam) satis superque probant, quam *imperfecta, imbecilla, & tenuis* sit nostra in his terris rerum divinarum cognitio.

*Transseundum nunc est ad secundam orationis nostræ partem*, nimirum ad contemplandam beatarum mentium cœlo receptarum præcellentem rerum divinarum cognitionem. Ne quis autem forte interroget subridens, undenam mihi perspecta sit cognitio Theologica beatorum, & utrum forte concilio eorum aliquando interfuerim; ante omnia dico, me nihil de cognitione, & statu mentium illarum dicturum, quam quæ vel manifestissimis S. Literarum testimoniis probari, vel ex indole, naturaque status perfectissimi & gloriosi regni gloriæ erui vel certo, vel probabiliter possunt.

S. Literæ igitur cum de statu beatorum in cœlis verba faciunt, testantur: Eos non in *enigmate*, sed *facie ad faciem* divinas res cognoscere; *Deum videre*: Eos esse *consummatos & perfectos*; *videre gloriam*, quam *Christo dedit Pater*: *Esse eos angelis similes* quorum cognitio viresque nostris ut notum est longe sunt superiores; *Ipsos perpetuo penes Deum*, qui *lucem inaccessam habitat*, *degere*; *agnum in Throno Dei sedentem*, id est Soterem omnia *suppeditare* quæcunque ad perfectam lætitiæ & felicitatem facere possunt. (\*\*)

Eos

(\*) Plures alias causas, quæ accuratiori rerum in cœtu christianorum gestarum notitiæ obicem ponunt, in medium producant Viri docti v. gr. *Abbas Fleuri & Weismannus* ut de aliis nil dicam in suis historiæ ecclesiasticæ præmissis dissertationibus.

(\*\*) Digitum hic intendimus ad notissimum locum in Apocalypsi Cap. VII. v. 16. & 17. ubi de beatis in cœlo dicitur *ὅτι οὐ πικνεύουσιν ἔτι, ὅτι διψοῦσιν ἔτι, ὅτι μὴ πίνουσι ὕδωρ ἵλιος, ὅτι πᾶν καύμα*. Similiter descriperunt Philosophi veteres statum felicem mentium post mortem. Ita *Socrates* in *Æschini* Socratici Dialogo de morte verba faciens de τῶ τῶν εὐσιβῶν χωρῶ inter alia sic ait: *εἶδα ἀφθονοῦν μὲν ὕδατος καὶ καλῶν γῆς βρύσας, πηγὰς δὲ ὕδατος καθαροῦ βρῦσι. ὅτι γὰρ χεῖμα σφοδρὸν, ὅτε θαλπὸς ἐγγίνεται, ἀπὸ ἐυκράτους ἀπὸ χεῖματος ἀπαιεῖται ἔλινος ἀκτίσις ἀναισθημένος*. i. e. ibi tempestates copiosæ scatent fructibus omnia proferen-

Eos in regno Patris fulgere instar solis; corpora eorum si cœlis recipiantur fore gloriosa, incorruptibilia, corpori glorioso Christi conformia, nullis infirmitatibus obnoxia; spiritum hominis beati fore vivificum, id est, qui virtute infinita vitam corpori perpetuo communicet, & quæ alia S. Literarum loca sunt, quibus status illius deprædicatur felicitas. Quod si universam œconomiam gratiæ in sacris delineatæ administrationem consulamus, constabit porro quid de futuro mentium humanarum statu sit sentiendum. Ex ea nimirum edocemur, mentes primorum hominum olim fuisse puras, & luce imaginis divinæ instructas, sed ob peccatum in tenebras nulla ingenii acie, & studii humani solertia discutiendas, incidisse. Pias vero & sensu peccati tactas S. Soteris obedientia, & morte, Spiritusque sancti auxilio a culpa & pœna non solum esse liberatas, sed & efficacissimis præfidiis ita communitas, ut rursus emergere incipiant, novasque vires accipiant. Easque tandem mortis vinculis solutas tanto Soteris beneficio in plenam libertatem iri assertum pristinamque, id est omnis labis, & maculæ expertem recuperaturas lucem & splendorem.

Ex hisce summatim quædam, quæ ad duo saltem revocamus capita, de statu hominum cœlo receptorum colligi possunt. Prius est: cuncta quæ ad rerum divinarum cognitionem accuratam, Deique castissimum & perfectissimum amorem pertinent, quibus vera & integerata felicitas, & in omne ævum duratura lætitia absolvitur, abunde adfutura, atque adeo voluntatem, omnesque animi inclinationes, puras fore, sinceras, & ab omni mistura mali liberas: Posterius: omnia

T t t t t 2

quæ

serentis terræ, fontes purarum aquarum placent. Neque enim est grave frigus, aut calor immodicus, sed circumfusus bene temperatus aër mollioribus solis radiis tepefactus. Clarius adhuc loquitur M. Tyrius disertat. prima. pag. 15. edit. Davisi: porro, inquit, meta ipsa itineris non cœlum erit nec quæ in eo sunt corpora, sed & hæc sunt transcendenda, ipsumque supra cœlum caput proferendum donec ad illum quem quærimus locum, in quem nulla cadit mutatio ejusque serenitatem veniamus.

Ἐὶ δὲ ἡ ἐς τὸ ἀρ' χιμῶν πόρος, ὅθι ποτ' ἴμβρω

δύεται - - - ἀλλὰ μὴ αἶθρη

πύπταται ἀνμφίλος λευκὴ δ' ἐπιδιδεμένη αἴγλη.

- i. e. Quam non fuscet hyems, nec multo semper ab imbre  
Tingitur - - - sed candidus aër  
Dispellit nebulas & lux purissima cingit.

ubi nullus corporis hujus affectus, qui miseriam hanc dum in his versatur animam exercet, & hoc omne quod in ea vacare contemplationi potest, fremitu suo tumultuque in præceps agit, contemplationi nostræ interveniet,

quæ ex crassa & vitiosa ignorantia, pravorumque judiciorum & affectuum fontibus in his terris oriri solent, longe a beatissimo illo statu fore remota.

Hæc ex vero & sine formidine erroris dici possunt, longe plura autem probabiliter de eorum & cognitionis & perfectionis statu colligi possunt, si ex præmissis ratiocinemur, quod jam quidem per partes sed breviter est ostendendum.

Principio igitur ponimus fundamenti loco, mentibus per omnem æternitatem perpetuum accessurum esse cognitionis rerum divinissimarum incrementum, & hanc scientiam easdem ad ardentorem semper Dei amorem inducturam, cum incentiva omnia ad Dei laudes celebrandas, ex cognitionis divinæ amplitudine, & evidentia oriri soleant.

Tale autem incrementum cognitionis locum habiturum in vita futura, multa sunt quæ suadent ut credamus. Primo enim Deus ipse infinitus est, attributa ipsius sunt infinita, infinita denique sunt opera ejus, mens vero nostra utut beata, finita tamen est & majoris cognitionis capax. Quum autem Deus beatis illis animabus pro insita & singulari, qua in eas fertur benevolentia & amore infinito, quo complectitur Soterem, qui caput est beatarum mentium & cum quo ætissime tunc sunt unitæ omnia concessurus sit, quæ ad veram lætitiæ & felicitatem consequendam magis magisque conferre possunt, dubium non est, quin cognitionem rerum divinarum amplissimam illis sit concessurus.

Accedit quod infinita novarum rerum agnoscendarum, de quibus mox aliquid dicendum est, occasio, perpetuam contemplandi virtutum divinarum amplitudinem majoraque discendi suppeditatura sit copiosissimam materiam: neque enim mentes illæ otiosæ erunt, aut in uno semper contemplationis puncto defixæ, sed cupiditate cognoscendarum & celebrandarum virtutum divinarum ita incensæ, ut in cognitione veri nunquam sibi metipsis satisfacturæ sint.

Sed juvat paulo specialius *media* ostendere, quorum ope crescere per omnem æternitatem poterit hæc cognitio, cum perpetuo Deum celebrandi studio conjuncta. (\*) Atque id *primo* fieri poterit per sensus,

(\*) Consulendi hoc de argumento præter alios Thomas Burnet, in libro de *vita futurorum statu*; Johannes Watts de *moribus & calo*, cujus meditatio ex anglico idiomate in linguam germanicam translata, cura *et Maximo Rambachii, Hale, 1797. in 8.* edita est. *Anonymi* denique Angli libellus gallica veste indutus & *Anstet.*

*sensus*, quibus corpuscula illa excellentissima instructa erunt. Si S. Li-  
 teras audimus, habebunt olim mentes cœlo receptæ postquam rursus  
 cum corpore conjungentur, *σώμα πνευματικόν* i. e. uti videtur, cor-  
 pus tenue, æthereum, instar radiorum solis agile, cujus ope immen-  
 sos cœli vortices trajicere, & supra planetas elatæ mundanum ocea-  
 num intueri, & natantes in vasto gurgite innumeros terrarum orbes  
 suis incolis repletos intueri, & novi illius mundi vias omnes pererrare  
 poterunt. Eum in finem dubium non est, quin sensibus acutissimis  
 futuræ sint præditi, oculisque cum primis usuræ sint per quam acute  
 cernentibus & vivacissimis; cumque multorum Philosophorum &  
 Theologorum judicio, plures sint mundi stellæque omnes totidem so-  
 les, aliis & aliis orbitis lucem præbitoræ, in his ipsis vero variæ crea-  
 turæ, quarum naturam perspectam jam quidem non habemus com-  
 morentur, facile est colligere, quam infinita & amplissima discendi  
 materies nova hæc spectacula exhibitura sint, & quam incredibilem ex  
 ea re capturi sint beati voluptatem. Quodsi enim Physici & Astrono-  
 mi, qui per vitam omnem legibus naturæ indagandis, corporumque  
 cœlestium motui, magnitudini & naturæ pervestigandis intenti sunt,  
 nova detecta veritate non sine tripudio in illud *ἐνδοξα*, *ἐνδοξα* erum-  
 punt, quid futurum illis sit, qui singulis quasi momentis novas Deum  
 celebrandi occasiones habent, & inveniunt, facile quivis vel me ta-  
 cente colligere poterit. Neque hæc suavia somnia esse ex eo patet,  
 quod S. Literæ testentur, beatos visuros esse gloriam quam dedit So-  
 teri Pater. Quanquam enim & hoc per revelationem fieri possit, cau-  
 sa tamen non est cur ope sensuum, quibus corpora beatorum instructa  
 sunt ipsum S. Soterem super omnia evectum, splendoremque ipsius,  
 oculis cernere non possint. Quam maxime etiam probabile est, mul-  
 torum, eorumque celeberrimorum Philosophorum opinione confir-  
 matum, mentes omnes jam quidem cœlo receptas, ante corporum re-  
 suscitationem tenui quodam corpusculo & vehiculo, quod veteres *ὄχη-  
 μα* vocarunt, esse indutas, cujus ope omnia illa cernere possunt, de  
 quibus hæctenus dictum est.

T t t t t 3

Possunt

*Amstelodami 1700. impressus titulo: de futuro felicitatis statu.* Postremum hunc  
 secuti sumus in enumeratione mediorum, quibus beatorum rerum divinarum  
 cognitio perficietur, ita tamen ut relictis paulo subtilioribus, ea tantum addu-  
 xerimus, quæ propius ad verum accedere videntur, adjectisque ut aliis exemplis.  
 ita etiam recensitis omnibus, quantum temporis spatium permittebat obstaculis,  
 quæ voluntatem a serio rerum divinisimarum studio avocare possent. Accuratius  
 longe omnia excuti potuisse & debuisse non nego. Sed meminerit B. Lector nos  
 orationem, non librum scribere voluisse.

Possunt beatæ mentes *secundo loco* suam audagere divinarum rerum scientiam *aliorum ope*. Nimirum Theologi omnes concedunt, communem aliquam inter cœlites futuram esse linguam, cujus opemutuas animi cogitationes invicem communicare possint. Utrum ea hebraica, vel alia futura sit, necesse non est ut sciamus, vel definiamus. Cum autem inter cœlo receptas mentes multæ sint, quæ cognitione alias superent, & divino quodam erga se invicem sint ab una parte incensæ amore; ab altera vero parte mentes omnes incredibili ardeant res præstantissimas sed hætenus nondum satis perspectas cognoscendi desiderio, dubium mihi non est quin hac ratione per mutuum nimirum vocis commercium multarum rerum cognitionem sint adepturæ. Quis v. gr. neget, pios Patriarchas, Prophetas & Apostolos, majore divinarum rerum luce fuisse perfusos, quam ceteros homines, magno licet eruditionis theologicæ apparatu instructos? Hoc autem si verum est, ut nemo negat, verissimum est, eos ceteris lucem prælaturos, & ea quæ ad virtutum divinarum laudes faciunt, enarraturos: cumque in concilio illo cœlestium animarum Angeli, Dei in administratione mundi perpetui ministri, ceteras omnes intelligentia & longa rerum experientia superent, probabile est eas ex iisdem etiam multa audituras hætenus ignota; in confesso denique cum sit accuratorem cognitionem eorum, quæ in mundo hoc sive tempora antediluviana, sive postdiluviana spectes, sive rationem habeas aliorum hætenus nobis ignotorum orbium statusque eorum naturalis, & moralis acta sunt multum facere ad divinarum virtutum *ὑπεροχὴν* extollendam, dubium non est quin ea illi cum beatis sint communicaturi. Imo vel ipsæ mentes Angelis minores, non desinent singularia Dei Dei beneficia ab O. M. Numine in his terris accepta cum laude referre, atque ita celebrandis virtutibus novam indies suppeditare materiam.

Quamquam autem multa ope sensationum, & familiaris commercii cognoscere possint mentes cœlo receptæ multa tamen nonnisi per *revelationem* ipsis innotescere poterunt. Quicquid enim ex indole, natura, atque perfectionibus rerum erui ratiocinando non potest, aut a mero Dei bene placito licet sapientissimis rationibus innixo dependet, nonnisi revelatione hominibus potest innotescere. Unde & ea, quæ ad regnum gratiæ pertinent, nonnisi per revelationem Angeli ipsi cognoscere possunt. Hæc tamen revelatio per partes, & temporum intervalla crescet, mentesque novarum & præstantissimarum rerum cognitione imbutæ & ornatæ, ita contemplationi rerum diviniſſimarum

rum vacabunt ut ad majorem semper lucem accipiendum novis quasi stimulis incitentur. Ita nonnisi per revelationem scire poterunt beati statum creaturarum in aliis forte mundis degentium, divinæque quæ reguntur administrationis modum & ordinem; aut statum ecclesiæ militantis in his terris. Tantum autem de hisce revelabit Deus, quantum ad suas virtutes, quæ in administratione hac sese exerunt celebrandas & laudandas, necesse erit.

Ex eodem fonte manabit prophetiæ Vaticaniorum accuratior intelligentia. Quamvis enim vates cælo recepti multa cum consummatis illis animabus communicare possint hæcenus ignota, opus tamen erit hic Dei auxilio, quoniam vates ipsi complexum omnem & fines vaticiniorum scivisse non videntur. Credibile etiam est nobis per eandem revelationem plenioræ mysterii Trinitatis & *evangelii*, notitiam iri concessum. Quamvis enim omnia quæ in natura Dei sunt infinita & quatenus infinita sunt, nunquam plene finita mens cognoscere possit; certum tamen etiam est, eam de omnibus, quæ quidem sese mutuo non tollunt, sed quarum aliqua explicatio dari potest, scientiam posse adipisci. Huc referas inprimis quæstionem in hac vita mea opinione solutu impossibilem, nimirum de electione mundi hujus tot malis repleti. Præclare quidem differunt Philosophi de hoc argumento, asserentes D. T. O. Maximum, generisque humani cupidissimum atque sapientissimum, nonnisi optimum eligere posse; quum autem hunc orbem non alium condere voluerit, per se constare, eum jure optimum dicendum; ut alia multa quæ afferre solent, mittam. At, cum missis speculationibus metaphysicis, animos ad contemplanda tot mala, moralia inprimis, quibus orbis obrutus quasi est, convertimus, & quæ quotidie aguntur perpendimus, atque ad hæc vel illa individua, eorumque statum externum & internum singillatim conjicimus oculos, persuadere nobis vix possumus, mundum aliter condi non potuisse & tam immensum malorum omnis generis cumulum ad constituendum perfectissimum mundum necessario pertinuisse. Cognoscere autem in his terris administrationis divinæ rationem nostra opinione vel ideo perfecte non possumus quod Deus cum rationes pleniores, quibus commotus hunc non alium produxerit mundum in hac vita dare noluerit; tum quod Regiminis divini per omnem æternitatem locum habituri, modum ignoremus. Cum autem ab una parte administrationis illius divinæ hujus & futuræ vitæ plenior cognitio multum faciat ad virtutes divinas extollendas; ab altera

altera vero non tantum mentes abstrusarum rerum cognitioni inhiantes, sed & pientissimas malorum in hoc mundo grassantium, & perfectionum varii generis quibus obnoxii pii sunt contemplatio vehementer sæpe afflixerit, atque conturbaverit, dubium non est, quin ad hanc quæstionem solvendam Deus in altera vita sufficientem suppeditaturus sit lucem. Ita pariter mihi persuadeo hac via i. e. revelatione Dei multarum aliarum rerum quarum plane nunc sumus ignari amplissimam nos adepturos scientiam.

Denique (IV.) augebunt hanc rerum divinarum cognitionem in futuræ gloriæ regno *Ratiocinationes* beatarum mentium. Quemadmodum enim Mathematici & Physici in veritate quadam vel propositione jam demonstrata non statim adquiescunt, sed eadem utuntur ad novas & hætenus ignotas veritates detegendas, ita dubium pariter non est, quin coelestes illæ animæ tanta luce perfusæ, novis illis veritatibus, quas diversis rationibus, quarum mentionem ex parte jam jam fecimus, usuræ sint ad majorem cognitionis apparatus comparandum. Et cum magnitudo & splendor novi hujus mundi infinitam semper suppeditatura sit ratiocinandi materiem, in immensum crescet rerum ad Physicam, & Theologiam naturalem facientium cognitio. Idem dicendum de cognitione rerum moralium. Detectis tot veritatibus per revelationem Dei & beatarum mentium commercium acceptis utentur Beati ad pervestigandas alias vias in gratiæ & gloriæ statu locum habituras; Imo cum naturæ regnum licet gloriosum tum temporis, cum regno gratiæ arctissime futurum fit copulatum, cognitio veritatum naturalium lucem afferet veritatibus moralibus rite indagandis, & ita vicissim. Ex quorum principiorum & consecratorum nexu orietur scientia plane divina, harmonica, & ut ita dicam perfecte demonstrativa. Sic probabile quam maxime est, nos postquam adepti erimus pleniorum mentium angelicarum & humanarum naturæ cognitionem non solum commercii illius, quod inter mentem & corpus intercedit, & de quo tanta virium contentione sæpe non sine acerbitate disputare nunc solent Philosophi, rationem recte intellegendos, sed & de natura, potentia, viribus atque officiis angelorum, animarum item in singulis habitaculis viventibus existentium longe accuratius quam nunc fieri potest, edoctum iri. Ita cognituros nos persuasum in quo consistat illa *gravitativa*, ut Physici vocant totius systematis planetarii in solem, & solis vicissim contra nitentis proportionata vis & efficacia. Denique, ut multa alia silentio transeam, hac etiam



etiam via Beatos systemata de divina prædestinatione, libertatis cum providentiæ divinæ administratione, & concordia, rectius & plenius nos percepturos crediderim; de quibus in hac rerum caligine Christiani tanto cum animorum æstu, & mutæ charitatis dispendio, eheu! tam pertinaciter certarunt & adhuc decertant.

Sed non solum ita in immensum crescet in futura vita *eruditio theologica* per media, quæ indicavimus; sed & omnia illa ab animabus illis nobilissimis aberunt, quæ cognitioni rerum divinarum accuratiori obesse possent.

Laborabunt ergo primo beatæ mentes nulla turpi & vitiosa rerum scitu necessariarum, necessariarum inquam, non ineptarum, non difficilium nugarum, non scholasticarum tricarum ignorantia; nulla erit circa articulos credendi fluctuatio, nulla perversa & carni blandientia judicia; nullis perversis & stultis opinionibus, quæ ex ignorantia solidioris scientiæ oriri solent, & ratiociniis falsis in præceps abripiuntur; nunquam illas imaginationis fallaces species, aut memoriæ defectus turbabunt; sed contra plenam quantum in finitas mentes cadere potest, rerum, ut audivimus, divinissimarum habebunt cognitionem. Et quemadmodum in Dramatibus quæcunque intricata & perplexa sunt, in ultimo actu explicantur; pariter quicquid in orbis administratione negotium nobis facessivit, ultimi diei lux expediet. Huic cognitioni & quidem soli verum ponent pretium absque fastu, invidia, aliisque affectibus qui inter mortales locum habere solent. In harum rerum meditatione erunt perpetuo defixi; In his nunquam finiendum illud transigent incredibili cum voluptate ævum.

Ex quo ipso (2) constat, procul ab hoc statu felici remotas futuras omnes ineptas & humanis mentibus alte infixas opiniones, inclinationesque, labis in his terris contractæ individuos comites, imbecillitatis & corruptionis humanæ testes; sed potius omnium mentis, sanguine Soteris nostri lotæ & purgatæ desideriorum & inclinationum summa erit puritas, perpetuis illis & admiratione dignissimis objectis & incentivis ad altissimum apicem evecta, nullis vicissitudinibus aut hominum, vel temporum mutationibus obnoxia, sed constans, sincera, & perenniter duratura.

3.) Quamvis insuper, ut ex dictis clarum est, perpetuum aliquod futurum si scientiæ in cœlis incrementum, nullus tamen ostentationi vanæ, nullus controversiis acerbis, nullus bellis literariis locus erit. Quicquid cognoscent Beati non erit vagum, aut parum profuturum nedum

Vvvvvv

ineptum,

ineptum, in quibus tamen non sine sudore addiscendis miserum illud, quod hic vivendum est ævum, multi eruditorum transigunt.

4.) Nullus hic locus erit sectis, & quæ exinde oriuntur inter mortales malis: omnes dependebunt ab uno infallibili Doctore, & duce Jesu Christo, a quo accipiunt doctrinam castissimam nullis verborum æquivocationibus, & scholæ terminis obscuratam. Et quamvis gradus futuri sint gloriæ, adeoque etiam cognitionis, nullæ tamen inter beatas mentes propterea erunt lites & æmulationes. Hic loci enim non rara est ut in terris, fratrum gratia, sed animorum copula conjunctissima. Una hic erit *analogia fidei, una concordie & consensus* formula, nimirum perpetuum & ardentissimum Deum celebrandi studium. Nulla hic habebuntur collegia contra fratres, nulla concilia, in quibus qui numero plures sunt, vel principum auctoritate muniti, alios opprimant; sed consilia, vel potius colloquia nonnisi ad amorem Dei & societatis cœlestis commoda promovenda facientia. Nulla illis adversus ineptos Zelotas & falsos fratres pugna, aut necessitas imposita famam & existimationem tuendi, nullum cum hæreticis certamen. Nulli in hac pacis urbe erunt hæreticæ pravitatis uti vocantur inquisitores; qui in aliis plane locis, tetris nempe & caliginosis, commorabuntur; nulla hic theologia politica, id est, perpetuum aliquod studium Religionis sententias ad nutum aliorum mutandi & fingendi, locum hic habebit: sed merus amor, merus candor, studium veri plane incredibile.

5.) Neque etiam corpuscula, quibus indutæ erunt purissimæ mentes obstaculum aliquod felicitati ponent. Neque enim fragilitati erunt obnoxia, sed glorioso corpori Christi similia. Nullis igitur languoribus, morbis, & cruciatibus erit locus; nullus theologis illis consummatis de pane lucrando labor: nullæ anxietatis & fordidae curæ: nulla de alenda familia sollicitudo; nullæ ad obtineendam stationem prensationes; nullæ de infectionibus collegarum querelæ: nullæ de oppressa libertate conscientiarum, de proscriptionibus & exiliis lamentationes; sed mente potius & corpore per interminabilem æternitatem summa & incredibili cum voluptate, gaudio & lætitia singulari, prostratis & victis omnibus felicitatis hostibus, in divini Numinis laudibus celebrandis totæ exultabunt. Quod gaudium ad summum accedet Fastigium, quando consummato seculo gratiæ, post Judæorum & Gentilium conversionem, integra sanctorum Panegyris ex omnibus terræ angulis collecta nonnisi meros Hymnos in Dei & Regis ad summam

nam dignitatem eveſti laudes ſeculis innumerabilibus canere poterunt & ſine ullis temporum viciffitudinibus, ſine ullo mixti doloris aut tædii temperamento, cum univerſo Apoſtolorum, Prophetarum, Martyrum, omniumque piorum choro triumphabunt. O vitam vere theologicam, imo potius diviniſſimam ! O faciem pulcherrimam huius civitatis ſacræ ! O diem præclarum, cum ad illud divinorum animorum concilium cœtumque proficiſcemur, cumque ex hac turba & colluvie diſcedemus !

Tunc certe demum æterna illa luce perſuſi cognoscemus, quanta ſub nocte jacuerit noſtra dies ; tunc accurate ſciemus, quid ſit vere *Θεολογείν* : tunc conſummatum habet plenumque bonum fortis humanæ mens, cum calcato omni malo petiit altum & in interiorem naturæ ſinum venit ; tunc juvat inter ſydera ipſa vagantes divitum pavimenta ridere, & totam cum auro ſuo terram.

Mirum igitur non eſt Viros Eruditos, imbecillitatis & imperfectionis rei theologicæ memores moleſtiarumque, quæ cum diſciplinis hiſce in terra ſæpiſſime conjunctæ ſunt probe gnaros, tædio quodam ut vitæ huius, ſic & laborum fuiſſe tactos, atque incredibili cum deſiderio ad beatam illam Academiam contendiſſe. *Melanchthon* certe, vir doctus, in diſciplinis Theologicis probe verſatus, & totius Germaniæ communis præceptor, paucis diebus ante mortem in pagella conſignavit cauſas, cur minus a morte abhorrendum ſit, hoc modo. A ſiniſtris ſcriptum fuit : *Diſcedes a peccatis, liberaberis ab ærumnis & a rabie Theologorum* : a dextris vero : *venies in lucem, videbis Deum, intueberis filium Dei, diſces illa mira arcana, quæ in hac vita intelligere non potuiſti* : Cur ſimul ſic condit, qualis ſit duarum naturarum copulatio in Chriſto &c. &c.

Sed contrahenda ſunt orationis vela atque ad finem properandum pauciſque quod reſtat per modum applicationis vel perorationis ostendendum, quam vim in animos cum diſcentium tum docentium, imo noſtrum omnium habere debeat inſtitutus ille inter *Theologorum Viatorum*, & beatarum in cœlis mentium rerum divinarum cognitionem, parallelismus.

Ad vos igitur me primum converto, *ornatiſſimi ſtudioſi*, vosque rogo, ut vacivas mihi præbeatſis aures. Erunt fortasſe quidam ex vobis qui putent, ea quæ de imperſectâ theologicarum diſciplinarum cognitione, rerumque cognoscendarum difficultate dicta ſunt, animos a pertinaci ſtudio verum inquirendi poſſe abducere, negligentiaque

Vvvvvv z

non

non leve dare pondus, quandoquidem ex dictis sequatur, nos adhibita omni diligentia & cura, accuratam & perfectam rerum divinarum cognitionem non posse consequi. Sed qui ita colligunt vehementer errant, & suam in ratiocinando infantiam demonstrant. Quemadmodum enim Artifex, qui victum manuum opera comparare debet, ridiculus esset, quod labori vacare strenue nollet propterea, quod viribus omnibus impensis, toleratisque omnibus molestiis, nunquam tamen tantas comparaturus esset divitias, ut *Cræsum* vel *Crassum* divitiis æquare posset; ita similiter ineptus & ille, qui literis omnia cura & diligentia incumbere nollet, quod ad summum perfectionis gradum in hac rerum caligine ascendere nunquam valeret. Tantum abest, ut meditatio harum rerum impetum pertinacis laboris & diligentie retardare debeat, ut potius asseram, vos nonnisi jugi meditatione, studio incredibili, & optimorum librorum diuturna nocturnaque lectione, ad *doctam* hanc *Ignorantiam* perventuros. Is enim demum vere eruditus est, qui quid in singulis aut saltem præcipuis disciplinis certum, eximium, & præstans est, cognitum habet: qui certa ab incertis, levia a momentosis accurate distinguit; qui terminos scientiarum naturæ humanæ non transfiliendos designare potest; non vero is, qui qualicunque scientiæ apparatu instructus est, neque momenta vel rerum vel disciplinarum rite expendit.

Quicumque ergo ad veram eruditionem vel *doctam* illam *ignorantiam*, cujus demum ope scimus, nos in hac vel illa disciplina ulterius progredi non posse, pervenire volunt, nulli labori debent parcere, & vigiliis nullis, sed potius jugi meditationi & labori est vacandum; cum viris eruditis de his vel illis disciplinarum, quæ nobis addiscendæ sunt partibus, est conferendum, nihil temere & præcipitanter sed circumspicte incipiendum vel pertractandum. Sine hoc, confusa rerum cognitione eritis contenti, simulque vobis docti videbimini viri; sed ignotos duntaxat falleris, notis eritis derisui; nullum certe animal intolerabilius est homine semidocto, superbo & inani saltu tumente, præsertim si is muneribus publicis admoveatur. Atque hæc ipsa meditatio de imperfecta rerum divinarum cognitione non alius officii vel virtutis commonefacere potest, nimirum *modestie* servandæ in dijudicandis rebus divinis & humanis, earumque pretio. Hæc ut virtutum omnium vernix quidam est, ita inprimis adolescentes, optimarum artium ac literarum studiosos quam maxime decet atque ornat. Scitum est vere eruditorum dictum: *Illi sibi demum plurima scire videntur,*

tur, qui nesciunt quid sit scire. Recte Cicero ait : *Quam bellum est velle confiteri potius quod nescias, quam ista effutientem nauseare atque ipsum sibi displicere.* Et alibi : *Ex ceteris Philosophis (nos jure addimus Theologis) nonne optimus & gravissimus quisque constitetur, multa se ignorare, & multa sibi etiam atque etiam esse discenda.* Quod si igitur tanta est rerum discendarum multitudo, si omni studio, diligentia, atque attentione adhibita nihilominus tamen imperfecta est valde nostra cognitio, annon ridiculum & ineptum esset, ob levem quandam & confusam plane quæ in hac ætate obtinet rerum variarum cognitionem, altos gerere spiritus? Certe nondum ad veri nominis eruditionem & sapientiam pervenistis, si ob qualemcunque apparatus eruditionis præclare de vobis sentitis, atque propterea data quavis occasione cristas tollitis. Inprimis autem hoc dictum sibi putent, qui sanctiores excolunt disciplinas. Nolite quæso mirari, ea quæ de Deo, ejus attributis, decretis, voluntate, de Mysteriis Religionis christianæ publice & privatim traduntur valde imperfecte a nobis & a vobis cognosci; ipsarum rerum natura, si serio de his rebus meditati estis non patitur, ut scientia hæc nostra theologica geometricam æquet evidentiam. Neque alibi facile eam deprehendes: quivis pulvisculus eruditissimum hominem de ignorantia sua & arctis scientiæ nostræ limitibus convincere potest. Mirumne est igitur nos in divinis multa ignorare? Ne autem existimetis me forte non satis in hac disciplina versatum accurate de hoc argumento differere non posse, adducam verba Theologi & Philosophi omnium judicio acutissimi & eruditissimi, Sam. Werenfelsii, nunc choro beatarum in cælis mentium adscripti, cujus ego vobis scripta frequenter commendare soleo, & dum vixero commendare non desinam.

Hic Excellentissimus vir, postquam prolixè de atomis eorumque natura disseruisset, atque ostendisset, nos quid atomus, vel monas sit nescire, tandem in hæc verba quæ probe sunt vobis perpendenda, erupit: *Disce hic modestiam homo, tu cui mens tua rerum mensura videtur, & qui quod non comprehendis, imo quod stultus est, quod non imaginari, audacter ne esse quidem dicis. Quicquid dicat de se infinito, Deus ipse infinitus, non credis: quare tandem? non capio, ais. O vocem insanam! Exerce industriam; exerce cui tantum tribuis, perspicaciam in hoc pulvisculo; videbis quousque acumen tuum penetrare possit: Tum demum meditando, inquirendo, perscrutando fessus, cum vidisti quam parum profeceris, accede, & ita tecum reputa: si minima tam parum cognosco;*

*ſi innumerabilia eſſe ſcio , quæ , quid ſint , qualia ſint , quomodo ſint , non percipio , quantum a cognitione infiniti abſum ! in hac caligine , quæ alia tutior via eſt , quam mentem menti infinite ſubmittere , quæ ab hac revelantur credere , tenere , neque extra ea unquam evagari.*

Quod ſi vobis Polyhiſtoris monitum magis arridet , audite Joſeph. Scaligerum occasione infauſtarum in Belgio de prædeſtinatione litium , quæ initio ſuperioris ſæculi ortæ ſunt , ita pronuntiantem ,

*Ne curioſus quære cauſas omnium ,  
Quæcunque libris viſ Propbetarum indidit ,  
Afflata cæto , plena veraci Deo ,  
Nec operta ſacri ſupparo ſilentii  
Irrumpere aude , ſed prudenter præteri.  
Nefcire velle , quæ Magiſter optimus  
Docere non vult , erudiſa inſcitia eſt.*

Tandem & hoc ex inſtituto noſtro parallelismo diſcere ante omnia debetis , nimirum cum genuinæ ſapientiæ ſtudio mature eſſe conjungendam veram pietatem. Nonniſi purgatæ menti aditus ad cœleſtem Academiam patet. Procul vero a ſanctiſſimo hoc beatarum mentium concilio arcebuntur profani , quantocunque diſciplinæ apparatus inſtruiti.

Præcipua , uti audiviſtis , pars futuræ felicitatis conſiſtet in teneriſſimo & ardentiffimo Dei amore , qui ex continua & ſanctiſſima virtutum divinarum contemplatione tanquam ex puriſſimo fonte ſcaturire ſolet. Quæ igitur conjuncta eſſe debent , nolite ſeparare. Mera hiſtrionia eſt qualicunque eruditio , vera pietate , in qua ſupremus ſapientiæ apex conſiſtit , deſtituta. Efficite igitur tandem aliquando ut homines credant & ſentiant , eos qui optimarum Literarum , ſanctiorum præſertim ſtudiis vacant , non ſolum doctos ſed ſapientes & pios evadere. Ruſticus certe & unus e plebe , modica ſed ſalutari religionis notiſſa inſtructus , & optimi Numinis amore ſincero incenſus , longe præſerendus doctiſſimo & celeberrimo Polyhiſtori , pietate vera vacuo. Illi enim omnia abunde adſunt , quæ ad veram mentis tranquillitatem fixamque & firmam conſequendæ ſalutis ſpem facere poſſunt : Hic , ubi ad extrema devenit eſt , in ſterili notiſſa variarum rerum parum profutarum , & umbra vanæ laudis adquiſcere debet.

Sed & ad vos , Viri Fratres & Patres pl. Reverendi , qui in Illuſtri hoc

hoc nostro gymnasio publicorum doctorum officio defungimini, & disciplinam S. Soteris nostri vel S. Literarum cultoribus, vel universo cœtui commendare soletis; ad Vos inquam sese convertit oratio mea. Vos quidem haud ignoratis, quot hæc meditatio nostra & instituta oratio contineat res utiles; neque adeo opus est, ut pluribus quid vobis & nobis agendum sit edoceam. Quoniam vero dulcedo quædam de rebus gravissimis loquendi me tenet, patimini ut tribus verbis quid nobis omnibus faciendum putem, rebus ita comparatis, exponam. Audivistis nimirum & pulchre nostis ad disciplinas sacras rite & erudite tractandas multa requiri; vitam vero simul nostram esse brevem, fluxam, plurima ob stare, quo minus magnos in hoc Literarum genere faciamus progressus, & doctissimum quemque adhibita omni diligentia exclamare debere. *Heu quantum est quod ignoramus!* Inter virtutes grammatici retulit *Quintilianus* quedam ignorare. Inter virtutes theologicas postrema non est fateri nos in rebus theologicis plurima ignorare, nec scire ea si vellemus etiam in hac rerum caligine, posse.

Quid igitur ante omnia nobis tentandum, omnibusque viribus efficiendum sit ipsimet videtis. Nimirum hoc, ut rerum habeamus delectum, & pretiosa & utilissima a minus necessariis mature distinguamus, momentosissimis diu, minus vero necessariis inculcandis parum inhæreamus; Ut nihil doceamus quod nescisse rectius fuerit, scivisse, nostra nil interfuerit. Hoc non ita intellectum velim, *Viri fratres*, ac si ea, quæ ad ornatum studii theologici, vel ad ejusdem accuratiorem cognitionem plurimum faciunt neglecta velim: minime. Non sum *ignaviae* Patronus aut *fratrum ignorantie* fautor. Sed hoc unum volo, ut qui Doctorum munere defunguntur, irretortis oculis præcipuum finem eruditionis sacræ semper intueantur. Vacandum est fateor S. Literarum studiosis humanioribus Literis, Philosophiæ, hist. sacræ & civili, arti criticæ, cognitioni denique articularum Religionis non solum nostræ, sed & dissidentium inter se Christianorum; at non tam si verum fateri volumus laborandum nobis est, ut studiosi theologiæ, *Philologi*, *Philosophi*, *Oratores*, vel *Historici*, & in arte polemica exercitati Viri evadant, quam vero ut sint *viri Dei*; *Viri* præcellenti cognitione Dei & rerum divinarum instructi; *viri* ardentissimo pietatis incensi Zelo; *Viri* ad omne bonum opus præstandum parati: *Viri* denique qui non solum doctis, sed & plebi sanctissima Religionis capita perspicue & solide tradere possint. Ad hoc autem obtinendum non omnibus controversiis, quas homines disputaces temere excogi-

excogitarunt diu est inhærendum, neque omnia theologorum dogmata peræque eodem Zelo sunt pertractanda, aut prolixè refutandæ hæreses, vel ante plura secula defensitata sed jam neglectæ, vel tales saltem de quibus ne centesimus quidem nostrorum Auditorum notitiam habet, nedum ut periculum sit, eos erroribus hisce vacivas præbituros aures. Certe Doctores qui in hoc negotio adeo præpostere seduli sunt, similes mihi videntur Venatori, qui canes suos mature adversus Leones & urfos armaret in regione ubi nulli Leones & ursi reperiuntur, nec unquam reperti sunt. Gravissimis duntaxat, utilissimis & cum æternæ salutis spe certissime conjunctis diu est immorandum; ita quidem, ut non ante quiescamus quam ea ita animis Auditorum infiximus, ut de rebus illis non solum apte possint disserere, sed & ut de illis plenissime sint convicti atque persuasi! Communiendi inprimis sunt Auditores nostri contra crescens indies magis incredulitatis vitium; contra eos qui religionem albis dentibus rident, aut perinde esse ajunt, quamcunque profitearis; contra discipulos *Machiavelli* i. e. tales, qui Religionem legibus urbium, circumstantiis personarum & temporum, denique commodis suis attemperandam esse autumant. Communiendi contra eos qui larvatam quandam pietatis umbram sectantur, atque cultus externi & officiorum boni civis præstatione omnem Religionem absolvi existimant; contra securitatem carnalem non minus pietati & saluti hominum quam pestilentissimæ hæreses inimicam; contra tot præjudicatas opiniones de Religione; contra tot hominum vitis immeritorum studia: degenerem Eheu! nostrum Christianismum: contra denique pestilentia decreta S. Soteris nostri præceptis contraria, quæ vel aperte fatiis, vel per cuniculos sanctissimam ipsius disciplinam subruere solent. Hæc, inquam in scholis & templis sunt ingeminanda, urgenda & infigenda. Hæc ut urgeantur postulat Eheu temporum nostrorum infelicitas.

Hoc præcipuum Doctores publici, & Verbi Divini Ministri officium est.

Hæc porro nostra circa cognoscendas res divinas mentis imbecillitas aliud nobis, *Viri Fratres* in Christo Domino nostro conjunctissimi officium in memoriam revocat, nimirum *moderati animi studium in dijudicandis eorum, qui a nobis circa religionis negotium dissentiunt, sententiis*. Audivistis quam difficile sit in tanta rerum & controversiarum copia omnia rite cognoscere, verum a falso accurate semper discernere, & quam facile in animum optimi cujusque & veri aman-

tissimi



tissimi irreat error. Non semper affectibus præpedimur quominus verum cernamus, & tueamur, sed sæpe obstat falsus conceptus, vel ipsas res comprehendendi difficultas. Nemo volens errat. Distinguas igitur erroris pondus, neque omnis error aut dissensus nobis videatur statim periculosus. Dum extra coelestem vagamur Academiam nemo est *αὐτομαθής*; homines erimus dubitationibus & erroribus obnoxii, dum in his terris degimus. Nullus in terris est infallibilis Iudex, eumque qui se talem esse in sua aula jactitat; explodimus & Antichristum appellamus. Modo igitur fratris error non sit lethalis, sed talis in quem innocentissimus quisque incidere & qui cum amore Jesu Christi S. Soteris facile consistere possit, neque ab ipso vel Apostolis pro damnabili unquam habitus sit, patienter est ferendus, idque exemplo ipsius Domini nostri Jesu Christi qui solus salvare potest & damnare. Is enim errores quos discipuli sui ante effusionem Sp. Sancti ex ignorantia foverant, æquo animo tulit. Morbis inquit Seneca medemur non irascimur; atqui & hic est morbus animi, mollem medicinam desiderat, ipsumque medentem minime infestum ægro. Licet igitur fortean circa minutas quasdam opiniones, de quibus salva semper amicitia dissentire licuit, inter vos esset sententiarum divorcium dispari scilicet ingenio, judicio, lectione imbuti & ornati, atque vel magis vel minus huic vel illi Præceptorum addicti, sufficeret tamen quod in purissima Jesu Christi disciplina, & in necessariis, quæ omnium Eruditorum Theologorum judicio & consensu gravissima sunt, conveniatis omnes. Ipsemet Paulus Apostolus divina licet, & nostra longe majore luce perfusus, ut ita agamus, monuit, I ad Corinth. cap. XIII. *Caritas (inquit) nunquam excidit, sive prophetie evacuantur, sive lingue cessabunt, sive scientia destruetur. Ex parte enim cognoscimus, & ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum in enigmate, tunc autem facie ad faciem. Nunc cognosco ex parte, tunc autem cognoscam, sicut & cognitus sum. Juvat ex commentario in hunc locum Viri aliquis Celeberrimi, quique inter Eruditos S. Literarum Interpretes non postremus est, quædam huc facientia decerpere, & vobis proponere. Inter alia autem ita loquitur Vir doctissimus. Egregie docet Paulus comparatione ex puerili & virili ætate deducta, minimum tantum fore discrimen inter bodiarnam hanc nostram eruditionem quacunque sit, & eam*

XXXXX

qua

que futura est in cælo, quantum est inter opiniones puerorum & peritiam virorum, quod attinet ad res hujus vite. Quamvis igitur tumeamus, oportet nos sateri vastissimam eruditionem theologicam mortalium in hisce terris collatam cum Angelica, aut cum ea quæ olim erit beatorum hominum puerilem plane esse. Rideremus puerum, qui, ne de majoribus erroribus pueritiæ agam, existimaret sibi perspecta esse quæ videremus eum imperfectissime nosse, & propterea sibi ipsi plauderet. Sic & nos si ita loqui fas sit, vident beatæ illæ mentes quæ multo præstantiores sunt nobis, quam nos sumus puerulis, cum audiunt, nos audacter & superciliose loquentes de his quæ non novimus nisi instar ejus, qui videt aut vidisse putat per nubila lunam. Certe eos nostræ cæcitatibus & ridicula superbie in tanta ignorantia miseret. Si videamus forte pueros inter se de puerilibus opinionibus primum disceptantes, deinde ad verbera devenientes, quam accerrimè queunt pugilatu certare; non possumus non illis irasci, quod propter id, quod neutri sciunt, ita inter se pro ætate pugnent. Quid vero putamus cogitare Angelos, cum vident viros adultos aut senes, jam non pugnis sed legibus, edictis, exiliis, pœnisque omnis generis in se invicem, propter multa quæ iis aut penitus, aut partim ignota sunt, sevir? Profecto non modo pueros sed & nequam pueros ac flagris dignos esse censent. Cum autem advertunt inconspicui illi factorum nostrorum speculatores, viros, quæ graves haberi volunt, dies noctesque garrientes de iis quæ nesciunt, disceptantes inter se primum privatim deinde palam; tum scriptitantes, ac insecto stylo digladiantes, postea coitiones facientes, ut numerum secum consentientium cognoscant videantque, ne quid factionis opinio capiat detrimenti in eo terrarum angulo, in quo plurimum possunt ac tandem aliis (viris ne dicam an pueris) solenniore in modum convocatis leges condere de iis, quæ ignorant quasi divinas aliis sui similibus obtrudere, & omnibus rationibus dissentientes vexare; cum animadvertunt, inquam hæc Angeli, quid illis animi esse putamus? Parum abest quin non jam ludos, sed tragœdias nostras perturbent, male illico multatæ cæcis illis, qui in alios cæcos se-  
viunt. Et facerent, nisi summus ἀρχιδιάκονος juberet eos expectare donec judicium ipse sit de hisce omnibus laturus, & superbos ac immites a modestis & mansuetis separaturus. Interea forte beati illi Spiritus idemque generis nostri amantes, non voce quidem quæ aures verberet, sed tacitis ut ita dicam in animum nostrum insufurationibus nos moneant, ut memoræ nostræ ignorantie paulisper cobibeamus judicium, donec intra pauculos annos rem pernoscamus, cum nos Deus ex hac vita evocaverit, ostenderitque in clara luce, quam nunc frustra in his tenebris quarimus veritatem.

Hæcenus Eruditissimus ille Vir.

Ne

Ne quis autem præter mentem meam hæc dicta malam in partem rapiat, quem in finem allata sint, & quo tendat Oratio mea, dicam. Digtum nimirum intendo ad infaustas illas lites, quæ inter eos, qui non sine sanguine ab Ecclesia Romana secessionem fecerunt, & communi *Protestantium* nomine veniunt, ortæ sunt. Nostis quæ potissimum obstant, quominus in unum coetum coalescamus, & in mutua oscula ruamus; nimirum sententiæ quædam sublimes, captu difficiles, multis tenebris obseptæ, certe supra vulgi captum positæ, & ut verbo dicam dissensiones circa divinæ prædestinationis modum & indolem, obicem ponunt. Ad has componendas inde ab infaustarum disputationum origine impenderunt operam Ecclesiæ Tigurinæ Ministri; omnes vel sanguine redemptum voluissent infaustissimum illum dissensum cujus ne nunc quidem post tot doctissimorum Virorum oblatas inducias videmus finem. Si pacis filii esse volumus, idem & nobis faciendum. Certe vel sola illa *Oratio*, ut de aliorum Theologorum Tigurinorum, quorum testimonia ab Eruditis collecta sunt nil dicam, Magni nostri *Bullingeri* de moderamine in doctrina de providentia & prædestinatione servanda, nisi degeneres tantorum virorum liberi esse volumus, commovere nos debet, ut quicquid Eruditionis, pietatis & sapientiæ nobis inest, ad tollenda illa dissidia & contentiones nullos triumphos habituras supprimendas conferamus. Scio vos omnes *Lutheranos* pro fratribus habere, publicis etiam in precibus, quæ singulis septimanis habentur, Deum orare, ut coadunet utriusque partis animos. Quid æquum magis atque naturæ negotii hujus magis consentaneum est, quam ut omnia, quæ quidem animos eorum a nobis possunt reddere alienos studiose evitemus? quod fiet, si de erroribus quos illi veritates esse certas existimant, acerbè non judicemus: si tales esse dicamus, ut illis non obstantibus salva inter nos possit esse amicitia, & vinculum fraterni amoris arctissimum: Fiet si fratrem forte uni vel alteri sententiæ, quam illi fovent addictum æquo animo feramus, præsertim si is eruditus, pius & pacificus sit; Si semper meminerimus nos non ob abstrusas quasdam sententias, sed gravissimas ob rationes & aliud longe majus ab Ecclesia Romana discessisse. Vir Celeberrimus Joh. Heinr. *Hottingerus* aliquibi refert, tantam fuisse primis Reformationis temporibus inter Doctores publicos & V.D. Ministros Tigurinos animorum consensionem, quanta in Ecclesia militante unquam obtineri possit. Quid obstat *Viri Fratres & Patres* in Christo conjunctissimi, quominus & nos jun-

Etis viribus ad eandem felicitatem contendamus. Obtinebimus autem eam certissime, si ignorantiae atque imbecillitatis nostrae memores saepe perpendamus, quas magnificas laudes mitissimus Soter noster Jesus Christus & Apostoli ipsius, charitati, & mutui amoris tribuant. Certe in extollenda hac virtute vix sibi satisfacit Paulus, *Theologus* sine dubio Excellentissimus. Ex animis igitur nostris quicquid moderato huic & vere christiano pacis studio obesse potest, qualia sunt sinistrae suspiciones, æmulationes, ambitio, falsus Zelus, temere habita suffratoribus fides &c. evellamus. Quicquid contra vel eruditionis, vel ingenii, vel Zeli inest nobis ad charitatem veram inter nos alendam, & latius proferendam conferamus, atque jam in terris, licet imperfecte coelestis societatis, quae inter beatas mentes locum habebit imaginem quandam vel præludium exhibeamus.

Denique omni virum contentione id etiam agamus *Viri Fratres*, ut in animis aliorum ardentissimum quoddam desiderium rerum coelestium excitemus. Fiet autem id, si frequenter Auditoribus nostris religionis christianae dignitatem, praeceptorum divinorum admirabilem vim & præstantiam; promissionum divinarum pondus, scientiarum absque pictatis studio vanitatem, futurae veræ felicitatis gaudia ob oculos ponamus. Fiet id, si Theologia nostra non sit a Religione disjuncta, i.e. si nihil doceamus, quam quod utile, grave, & cujus cognitio perseveret in coelis; si eadem Theologia non sit tetrica, distinctionibus & quaestiunculis parum profuturis hirsuta, sed simplex, casta, & amabilis, adeo ut omnes quotquot veræ laudis gustum habent, rerumque divinarum aliquo tanguntur sensu, Religionem non possint non amare. Certe hic labor noster est, hæc cura, hoc negotium nostrum, ut homines a terrenis desideriis & studiis abstractos, ad coelestia meditanda & omnibus votis expetenda inducamus, Adolescentibusque & optimarum artium studiosis mature ostendamus, quam sit homo res abjecta, nisi supra humana sese extulerit: quam contra Religio sit res seria, & attentione digna; Denique non verbis, sed ipso opere demonstremus, Religionem omnes nostras pervasisse venas, nec terris, sed coelis nos natos esse.

Sed & vos tandem omnes, cujuscunque dignitatis, eruditionis, status, vel ætatis sitis, ex hac nostra meditatione discere potuistis, quæ potissima vestra in his terris cura esse debeat, si quidem veræ felicitatis compotes fieri vultis. Nimirum in his terris, quam primum incipimus vivere & sapere, cogitandum est de reditu in Patriam. Præcipua

cipua igitur cura esse debet, ut pie vivamus, atque beate moriamur. Id fieri non potest sine Religionis cognitione & amore. Ad cultum illius tenemur omnes maximi, medioximi, infimi. Negotia hujus vitæ obstarè non debent, quo minus de iis solliciti simus, sine quibus neque in terris, neque post discessum nostrum vere felices esse possumus. Ipsi illi qui publica tractant negotia, & ad clavum Reipublicæ sedent, vel me tacente qua sunt sapientia, ex dictis facile colligere possunt, quantum præsidii & ornamenti Reipublicæ moderatoribus asferat solida rerum divinarum cognitio, Religionisque cultus & amor. Dei certe immortalis munus est Princeps vel Imperans Religionis rite gnarus, ejusque amore captus. Ita enim non solum Reipublicæ, sed & Religionis sollicitam habebit curam: Ita facile solidum ab inani dignoscet, & controversiarum pondera trutinabit; ita jura conscientiæ omnibus humanis legibus superiora caute & prudenter tuebitur, & inter errores S. Soteris doctrinæ contrarios & societati civili noxios, & inter eos quos parum cavet natura humana, quique salva pace publica, salvis Religionis nostræ fundamentis, salva inter fratres amicitia, credi possunt, qua est sapientia non exiguum esse faciendum discrimen facile judicabit; Solida hac cognitione Religionis imbutus & ejusdem amore tactus Princeps, eos maximi faciet, qui non solum eruditione sed & moderati animi pacisque studio florent, haud facile præbiturus aures iis, quos impotens Zelus aliis insultandi agit, quique ex pustulis ulcera facere, & in media pace classica canere amant. Pulchre enim novit, ubi *Maresii*, & *Calovii* dominantur, ne ipsam quidem salutem, si vellet, scholas, Academias & Ecclesias salvare posse, & hujus genii homines, neque disciplinarum & scientiarum progressui, neque paci publicæ consulere.

Idem quicquid ad veram eruditionem, castissimæque Religionis progressum facere potest, libens conferet, cumque veræ sapientiæ magnitudinisque animi sit, omnem amplitudinem in virtute positam existimare, quicquid temporis a negotiis publicis reliquum habet, culturæ nobilissimarum disciplinarum, sanctiorum præsertim, consecrabit, animumque sæpe a terrenis negotiis & cura administrandæ Reipublicæ abstractum, divinarum & coelestium rerum meditatione, quod a maximis principibus, iisque qui altissimum civitatum gradum obtinebant, factum esse historiarum monumenta docent, animum pascet, atque ad consequendum coeleste Brabeum sese præparabit, verumque

Xxxxxx 3

suum

suum πολιτεῖα non in terra, sed in Republica perfectissima, Imperioque vere cœlesti & stabili quærendum esse pulchre cognosceret.

Nobis omnibus denique, cujuscunque conditionis & status simus, incumbit, ut mature singulis rebus sic & scientiis suum justum ponamus pretium; ut Religionem imprimis, religionem inquam, alte in animum deimittamus, cœlestia & a sensibus abstracta meditemur, eaque in terris & discamus, & peragamus, quibus per omnem æternitatem vacandum est.

Quemadmodum enim illi, qui Reipublicæ inservire, civiliaque & publica negotia per vitam curare volunt, omnibus illis addiscendis & pertractandis incumbunt, quæ ad prudentem rerum illarum administrationem facere possunt: Ita qui cœlestis illius Regni cives esse volunt, jura Principis immortalis non solum cognoscere, sed & officia debita præstare, dum vivunt debent; sic enim non aliter, ad possessionem munerum splendidissimorum & divinissimorum admittentur. Hæc igitur, dum ætas viget, dum occasio datur, meditemur; Huc nos paremus, hoc cogitemus, ad hoc tandem nos exerceamus.

Dixi.

---

## MONITUM AUCTORIS AD LECTOREM.

**P**AUCA B. Lector, antequam Orationem hanc lectam tineis & blattis comedendam tradis, monendus es. Et principio quidem noli mirari, nos errorem quem ὑπερπροτερον scholæ Magistri vocare solent, hic committere, & quæ in limine forte fuissent dicenda, ad finem rejicere. Præterquam enim quod quotidie homines multa præpostere agant, quæ tamen a sapientissimis viris non raro laudantur, rationem sufficientem habui, cur in fine, non vero initio Te compellarem; atque hæc fuit necessitas, quæ legem non habet. Hoc melius ut cognoscas, rem tibi exponam. Postquam nimirum Oratio hæc habita fuerat, quidam amici iique integerrimi & Literatissimi plures ob rationes eam prelo dari voluerunt. His vacivas aures primo quidem præbere nolueram, conscius quippe tenuitatis meæ, & quod omnia quæ a me adducta fuerant, trita, vulgaria centiesque uberius & facundius ab aliis essent narrata. Instantibus tandem cessi,

spe-

sperans fore ut hic vel ille adolescens utilitatem aliquam ex illius lectione capiat. Postquam autem duæ primæ philyræ editæ essent, ad aures meas pervenerunt varii hinc inde per urbem sparsi rumores, & judicia de ea lata, alia aliis magis vel minus iniqua. Hæc me induxerunt, ut in fine Te B. L. compellandum censuerim. Erant Viri graves & dignitate conspicui, mihique, quod scio bene cupientes, qui orationem meam, sed animo ut credo minime malo, censuræ subiciebant, quod ad totius Orationis scopum non satis attenderent. Cum his ego facile in gratiam redeo, persuasus quippe eos propenso in me esse animo, æquitatis insuper in ferendis judiciis amantes, quique, auditis mei instituti rationibus & defensione, suspicionibus omnibus sine mora nuntium sint missuri. Alii vero affectibus & odio, quo feruntur in Auctorem, compulsi, non solum scopum Orationis pejorem in partem rapere, sed & Auctorem ipsum gravissimi erroris suspectum reddere voluerunt. Hi nulla licet ratione unquam a me læsi, a longo jam tempore quicquid a me vel dicitur vel scribitur, aspero dente mordere & acerbè perstringere solent. Ad hujus vero generis hominum acerbis & inficetis sæpe criminationes aures meæ dudum occalluerunt. Nota enim mihi est illorum in dijudicandis altioris indaginis rebus <sup>anxiosa</sup> animique impotentia. Quid enim agas cum iis, qui aut facultate res rite perpendendi sunt destituti, vel affectuum impetu ita perturbati, ut rationis decreta & momenta gravissimarum veritatum audire nolint? Interim non desino Deum rogare, ut animis ipsorum christianam charitatem, sine qua, etiamsi Orthodoxissimi essent, si modo in quo veri nominis orthodoxia ponenda sit, semper sciant, discipuli mitissimi Soteris nostri Jesu Christi esse non possunt, Indat: hac enim si semel sunt ornati, de fratribus benignius incipient judicare. Quod si vero lædere innocentem pergant, sciant, me honesti Civis & publici Doctoris jura, quoad vixero, acerrime esse defensurum. Qui vero modeste, quod viros eruditos decet, argumentis mecum contenderit, erroremque aliquem monstraverit, ei grates habebo, atque sententiam protinus mutabo. Monitoribus nunquam fui asper, aut pertinaciter unquam meliora edoctus opiniones meæ defendi. Testes hujus rei esse possunt Viri Doctissimi & Literatissimi, quibus, auditis hisce rumusculis, orationem denuo legendam dedi, eosque rogavi, ut siquidem errassem, amice me monerent. Sed missis querelis, ad ea venio, quæ mihi objecta fuerunt. Varia quidem ad aures meas fuerunt delata, quorum tamen hoc unum attentione

tione dignum videbatur, quod nimirum quidam contenderint, me in demonstratione imperfectæ rerum divinarum cognitionis causarumque hujus nostræ ignorantia longius, quam par erat, fuisse progressum, atque non obscure *scepticismo theologico fuisse patrocinatum*. Gravis sane, si vera esset, accusatio. At salvam esse rem & falsam accusationem facile est ostendere. In gratiam igitur eorum, qui, prava licet suspitione decepti, rationis nihilominus decreta & legitimæ defensionis modum attente & *ἀσφραδὲς* expendere solent, sequentia considerata offero. Et principio quidem ad defensionem meam sufficerent Virorum Eruditione, pietate & ingenii acumine excellentissimorum, quorum censuram ex legibus civitatis nostræ hæc meditatio subiit, de hac Oratione Judicia. Hi enim oculis mentis & corporis probe instructi, nullo modo reperire poterant errorem a censoribus mihi imputatum. Num autem verisimile, Viros tantis virtutibus præditos, aut tam stupidos rerumque divinarum adeo ignaros esse, ut crassissimum errorem post attentam lectionem deprehendere non potuerint, aut calculo suo comprobare voluisse sententiam, quæ pietati omni bellum indicit? Quisquamne eo impudentiæ venerit ut talia de Viris doctissimis & religiosissimis non dicam asserere, sed vel suspicari duntaxat ausit? Ubinam tandem gentium sumus? Et si custodibus addendi sunt custodes, quis custodes ipsos custodiet? Ubi tandem sunt illi infallibiles judices & censores, qui soli acutum cernunt? Caveant sane hi homines, ne rejecto Pontifice Romano, sexcentos & quod excurrit infallibiles Doctores erigant, atque ita in gravissimam incidant Heterodoxiam.

Abhorret insuper ab omni specie veri horum hominum Oratio. Non solum enim mihi impingunt gravem errorem, animumque ab amore Religionis christianæ plane alienum, sed & stultum me simul & mente captum esse judicant. Quid enim, testor omnium conscientiam? magis a vero abhorret, quam hoc, nimirum S. Theologiæ Professore, Religioni reformatæ addictum, publice in frequentissimo Doctissimorum & gravissimorum Virorum confesso, idque Tiguri, serio & ex animi sententia scepticismum theologicum defendere voluisse? Num credibile talem esse sani cerebri? At ego, ut paulina phrasi utar *Ἀνδρες Κρατιστοὶ ἡ μαινομαι*. Eo magis autem iniqua est hæc censura, quod talia de me suspicandi nemini unquam dederim occasionem, sed quod potius non paucis editis speciminibus veritatem Religionis christianæ pro viribus defenderim, incredulorum argumen-



ta impugnaverim, atque adeo toto animo a scepticismo abhorruerim, ut non dicam nullam esse thesin theologicam attentione dignam, quam non publice & privatim defenderim. Quid autem magis ab humanitatis omnis legibus alienum quam Innocentem Religionisque christianæ cordatum defensorem gravissimi erroris ex meris suspicionibus arguere? Quid quod in ipsa oratione, antequam ad causas imperfectæ cognitionis rerum divinarum, quæ ex disciplinarum sanctionum indole peti solent, progressus sum, disertis verbis uti ex pag. 18. patet, dixerim, me cum omnibus Protestantibus Theologis fateri; *Ea quæ ad salutem scitu cognituque necessaria sint, clare & perspicue in S. Literis esse revelata.* Hæcine autem probant, me voluisse ostendere de Religione christiana utramque in partem posse disputari? Mirus sane essem ego scepticismi fautor. At, inquit Censores mei, bona verba quæso, Protestatio tua facta est contraria. Plures enim quam necesse erat ignorantia nostræ adduxisti causas, & imperfectiorem fecisti, quantum in Te erat, nostram rerum divinarum scientiam, quam veritas permittit. Respondeo 1.) posito, non concesso, me plures quam par erat adduxisse rationes, quibus probem, nos hæc vel illa scire in divinis non posse, aut imperfecte valde cognoscere; Num igitur sequitur, me scepticismo favere? Quæ enim hæc est consequentia? Hic vel ille existimat nos pauciora quam reliqui putant de rebus divinis cognoscere; ergo asserit nos plane in divinis cœcutire; Ergo credit omnia esse incerta, & de Religione utramque in partem posse disputari? Sane quemadmodum ex eo, quod multa de rebus divinis cognoscamus, non sequitur nos omnia scire posse; ita pariter ex eo quod multa ignoremus, male colligitur, nos nihil plane de iisdem rebus affirmare posse. Quod si vero Censores mei plura sciant, quam ego nos cognoscere posse existimo, num propterea vapulo? annon potius eorum meritis sum misericordiam quam iram? Si puer sum cognitione forte tamen puer sum bonæ spei, qui suo tempore æque in Virum doctum, ac Censores mei sunt, evadere possum; ætate enim ad omnia sapimus rectius. Erat ergo imperitiæ meæ aliquid concedendum: dies diem docet, & ut hæcenus non plane ignavus homo fui, sic spes est fore ut Eruditissimorum meorum censorum exemplis commotus, pudendam tandem ponam ignorantiam.

2.) Quando in oratione mea dixi Theologos de his vel illis capitibus inter se dissentire, hoc non ita est intelligendum, ac si res ipsa, de qua inter se per omnia non conveniunt, cognosci plane non pos-

Y y y y y                      fit;

fit ; sed hoc tantum , disceptationes nimirum theologorum probare , aut rem ipsam , circa quam dissentiunt , non esse ad eum evidentiae gradum perductam , ut nulli dubitationi aut obscuritati sit relictus locus ; aut quosdam malle præjudicatis opinionibus , quam vero veritatibus magno probabilitatis gradu instructis adhærescere.

3.) In hac Oratione non agitur de his vel illis inter Christianos controversis articulis , sed saltem de *cognitionis* in se spectata *gradibus*. Multa sunt quæ salva pietate , salva Religione ignoramus. Hæc tamen si cognosceremus perfectius & cum cognitis jam veritatibus conjungeremus , sine dubio scientia nostra rerum divinarum esset solidior. Verbo : quid *imperfecte* cognoscamus , ostendere potissimum volui , non vero asserere , nil nos de cognitu necessariis scire posse , nedum affirmare , de rebus theologicis nos utramque in partem disputare posse.

4.) Ad scopum principalem Orationis meæ Censores mei rite attendere debuissent. Id enim agebam , ut quam beatus & felix Beatorum status futurus sit , quantamve rerum divinarum cognitionem adepturi sint pii post mortem ostenderem. Ad hoc igitur efficiendum , necesse erat , ut non solum monstrarem , quam imperfecta sit nostra in his terris rerum divinarum cognitio , sed & ut causas impedimento- rum majorum progressuum aperirem. Quæ a me dicta sunt , dudum a cordatis & orthodoxis theologis hinc inde sparsim monita sunt. Hic autem Orationis scopus postulabat , ut præcipuè , imperfectæ cognitionis rerum divinarum causæ junctim Auditorum animis offerrentur. Atque hinc factum esse puto , ut Viri quidam haud indocti , neque male mihi cupientes , auditis variis imperfectæ cognitionis nostræ causis in unum quasi cumulum conjectis , fuerint offensi , qui tamen , si ad universum orationis filum attendissent melius , benigniorem in partem mea dicta fuissent interpretaturi.

Denique 5.) videant Censores mei , ne incauti , dum sceptici esse nolunt , in castra vel Pontificiorum vel Deistarum transeant , quando ex imperfecta illa rerum divinarum cognitione a me enarrata sequi existimant , scepticis ex eo aliquid accedere præsidii. Deistæ ob difficultates in Religione christiana occurrentes , varias in quas scissi sunt christiani opiniones , diversasque interpretationes theologorum , clamant , nonnisi rationis decreta esse audienda ; Pontificii vero ob has ipsas difficultates ad infallibilem judicem necessario esse confugiendum existimant. Protestantes vero hanc scyllam & charybdin secure præternavigant , asserentes inter alia , ea quæ ad salutem scitu sunt neces-  
saria ,

saria, perspicue in Revelatione contineri. Hoc ipsum ego asserui. Quod si vero hoc non obstante præsidium inde accedit certum Scepticismo, a quo Censores mei se alienissimos esse profitentur, quod facile quo sunt ingenio & eruditione præditi concesserim, alterutri memoratarum factionum sese addicere debent, aut fateri, se hæcenus in quo natura scepticismi theologicis consistat, ignorasse: quod postremum etiam lubentius credo, eosque eo nomine ab omni Heterodoxia aperta & voluntaria absolvendos puto.

Atque hæc quidem sufficere puto ad scopum, quem in Oratione intendi ostendendum, & innocentiam meam vindicandam. Firmiter sum persuasus, Viros eruditos, sollicitudine quadam minus necessaria antea captos, lectis hisce & expensis, rectius de dictis meis & animo judicaturos, & meliorem in partem verba mea interpretaturos.

Illis vero, qui nullas admittunt rationes, neque legitimæ defensionis jura curant, sed affectibus abrepti nihil aliud possunt quam meliores carpere, sanam apprecor mentem. Vale. B. Lector, & Conatibus nostris fave.

## IN FUGAM VACUL

**A**Usum confirmare, majorem tam Veterum Hæresium, quam præsentium dissidiorum partem, in Ecclesia hinc præcipue natam fuisse & esse, quod Concilia, Episcopi, Doctores Ecclesiæ nullo discrimine, quævis scholarum dogmata & cathedrarum placita pro articulis fidei catholice venditarunt, parique ad salutem necessitate credenda conscientiis imposuerunt: Ex quavis vero interpretationis scripturarum discrepantia nimis facile hæreses vel schismata fecerunt. Idem, postquam distinxit inter articulos fidei Catholice, & articulos ad scientiam theologicam pertinentes, ita pergit. Ingens est horum articulorum discrimen: Confusio vero eorum, omnium confusionum & turbarum fomes semper in Ecclesia extitit. Catholicorum articulorum ignoratio omnibus est damnabilis, dubitatio periculosa; negatio: hæretica, impia. Theologicarum conclusionum ignoratio omnibus damnabilis non est, neque dubitatio aut negatio semper hæretica vel impia. Catholici articuli sunt fundamentum fidei & salutis: Theologicæ conclusiones struuntur super fundamento, modo ut aurum, argentum, modo ut paleæ, stipule. In Catholicis articulis fundatur fidelium consensus, fides, spes, charitas, salus. In Theologicis conclusionibus semper aliqua fue-

Yyyyyy 2

runt,

runt, erunt, & esse possunt diffensiones salva fidei & charitatis compage absque salutis jactura. De Catholicis denique articulis consensus Ecclesiæ prorsus est necessarius: de theologicis conclusionibus lacerare velle Ecclesiam, non christianæ charitatis, sed Antichristiani est supercilii. In utroque genere Evangelici omnes a Papistis longissime sunt separati; invicem vero in genere priore h. e. in articulis Catholicis conjuncti; in solo posteriore diffensiones aliquæ hætenus agitantur inter theologos, quæ nisi ambitiose magis quam consulto plebejorum auribus inculcate fuissent, ad tam infelix schisma res nunquam venisset. Verba sunt Davidis Parei Theologi Heidelbergensis in Irenico.

### Celeb. WERENFELSIUS Epigramm. LXXIV.

*In hominem ad aliorum fidem sese accommodantem.*

Magno cum studio propugnas Dogmata Patrum:

Numinis hoc a me, gloria poscit, ais.

Forfitan hoc a te, poscit quoque gloria Patrum

Forfan & hic aliquid, poscit amice, tua.

### Idem Epigrammat. LXXVII.

*In Pseudozelotam.*

Qua ratione probet, quæris, sua dogmata, Fronto?

Quemlibet hæreticum, qui negat illa, vocat.

Devovet hunc diris, hominemque ad Tartara damnat.

En sua quam valide dogmata Fronto probet!

## O R A T I O

DE

Disciplina Arcani Veteris Ecclesiæ, nostra  
ætate non usurpanda. (\*)



Quod plerisque, qui non sponte, sed auctoritate & legibus coacti, ad dicendum animum inducunt, contingere solet, ut nimirum non tam solliciti sint, qua ratione argumentum aliquod rite tractare, quam quid potissimum in maxima utilissimarum rerum copia deligere debeant, id mihi etiam evenisse diffiteri non possum. Quamprimum enim Venerabilis Ecclesiæ nostræ Antistitis auctoritate, atque imperio mihi injunctum fuit, ut in Illustri hoc Auditorum Confessu, more Majorum verba facerem, multiplici rerum præcellentissimarum varietate, quæ animo meo objiciebantur, ita eram turbatus, atque in diversas partes tractus, ut ubi potissimum pedem figerem, anceps prorsus atque dubius essem. Sciebam equidem, nihil in tanta Virorum Excellentissimorum & Doctissimorum frequentia proferendum, quod Summorum Virorum Auctoritate indignum, aut a loco hoc & tempore alienum, vel denique personæ, quam sustineo, viribusque meis, minus aptum, atque conveniens foret. Hoc unum autem animum meum anxium, atque sollicitum ha-

Yyyyy 3

buit,

- (\*) Non est quod miretur Lector, huic Orationi passim, præter consuetudinem, citationes locorum, & Auctorum fuisse insertas; factum hoc, quia Amici, quibus Auctor multum tribuit, eam publice legi voluerunt. Cæterum de *Arcani Disciplina*, præter Cl. Pfaffium, legi possunt Geb. Meyeri *Dissertatio de recondita Veterum Theologia*, Helmstad. 1679. edita. Tenzelii *Dissertat. de Disciplina Arcani*, ejusque contra Eman. a Schellstraten defensio. Casub. Exercit. XVI, contra Baronium, Binghami Orig. Eccles. Lib. X, Cap. V. & quos ille in scenam producit; Basnage *Annales Eccl. Polit.* Tom. II. *Dissert. 12. ut de nostris Theologis*, Claudio, Dallao, Albertino, qui cum Ecclesiæ Romanæ Doctoribus congressi sunt, nihil dicam.

buit, quo potissimum argumenti genere desiderio vestro & officio meo ex parte satisfacere possem. Dum autem animus huc illuc incertus ferebatur, in mentem venit, me forte haud male acturum, si de *Infelicitate Literatorum* verba essem facturus. Præterquam enim, quod singulari occasione ad argumentum hoc tractandum fuerim inductus, ipsius materię dignitas, utilitas, atque jucunditas me invitabant. Sine mora igitur animum ad meditandum & scribendum apuli, varias infelicitatis, quibuscum Eruditi colluctantur, causas in suas classes dispescui, doctissimorumque omnis ætatis Virorum Exemplis comprobavi. Animus erat, Adolescentes amore laudis, & literarum studiis incensos, edocere, verum mentis præsidium, decus, atque requiem, non in Eruditione duntaxat, sed in virtute potissimum, probitate atque fiducia in Deum, esse ponendum & querendum. Huic autem labori & meditationi intento, nunc hæ, nunc illæ rationes, in mentem venerunt, quæ tanti mihi ponderis esse videbantur, ut iis tandem cedere, & hoc quicquid erat laboris perire, potius quam rectæ rationis decretis refragari maluerim. Præcipua autem, ut verum dicam ratio quæ me in ipso laboris cursu constitutum ab incepto abstraxit, hæc fuit; verebar nimirum, ne in tanta juventutis litterarum paucitate & raritate, ii ipsi, qui incredibili quodam Literarum amore sunt incensi, auditis tot emergendi impedimentis, & infelicibus Virorum præstantissimorum casibus, torpescerent, animumque plane dejicerent. Cum enim nihil magis generosæ indolis Adolescentes ad sapientiæ atque Eruditionis studium impellere possit, quam si audiant, virtuti atque recte factis suum constare decus, atque sua esse reposita præmia, viam honoris cunctis patere, neque generi, nedum inertię, sed virtuti gloriam tribui; nemo non videt, eos tot argumentis & Exemplis in contrarium allatis, a recto tramite, qui ad serena virtutis & Eruditionis templa deducit, pedes esse deflexuros.

Atqui Doctoris publici officium est, omnibus viribus conniti, ut vera, recta, atque mascula Eruditio in animis Auditorum magis magisque radices agat, uberrimòsque proferat fructus. Depulsus igitur de hoc gradu, neglectoque qualicunque labore, de alio argumento, nulli periculo, atque sinistra interpretationi obnoxio, consilium cepti. At nullum tum quidem temporis, quod quidem animo meo adblandiretur, in mentem incidit, unde mecum statui, omnem de Oratione habenda curam, atque sollicitudinem abjicere, atque in aliud tempus, aliumve animi statum, hoc quicquid esset laboris transferre,

atque

atque ad quotidiana studia & libellos meos recurrere. Factum autem opportune est, ut, de quo frustra eram sollicitus, aliud agendo in libellum quendam *Chr. PFAFFII, Tübingensis Academiae Theologi & Cancellarii, Viri non magis ob insignem & vastissimam Eruditionem, quam vero singulare, fratres eheu! ob quasdam leviores questiones diffidentos componendi studium, Celeberrimi, inciderem (\*)*. Heic *Eruditissimus Vir* in eo erat, ut doceret, qua ratione, vel incredulis & luxuriantibus ingeniis, vel rerum sublimium minus capacibus, quorum eheu! nostra ætate maximus numerus est, frænum aliquod injici, atque ad audienda rectæ rationis, & Revelationis decreta induci possint. Inter alia autem consilia saluberrima optat *Doctissimus ille Vir*, ut nostra ætate ad reprimendum hoc malum *Disciplina Arcani* antiquis Ecclesiæ Doctoribus usurpata denuo postliminio in usum revocaretur, existimans, pruritus illum, quo sæpe optima ingenia abripiuntur, repressum, studiumque sanctissima quæque illotis manibus tractandi, extinctum, aut saltem imminutum iri. Hæc cum mecum perpendifsem, eaque quæ apud Veteres, & Recentiores de hoc argumento legeram, in memoriam revocassem, tantum abesse putavi, ut hæc *Disciplina* in usum revocata, tollendo aut reprimendo huic malo apta atque idonea esset, ut potius hanc ipsam Veterum consuetudinem multorum errorum, spretæque Religionis castissimæ causam fuisse, mihi persuaderem. Eum in finem statui, sine ulteriore mora, ea quæ olim de hoc argumento legeram, denuo evolvere, atque in hoc ipso *Virorum Eruditissimorum congressu* de hac *Arcani Disciplina*, non contradicendi, sed nudam veritatem dicendi studio, verba facere. Argumentum, quod ex intimis Antiquitatis Ecclesiasticæ recessibus petatum est, neque persona, quam sustineo, neque auribus etiam forsan *Præstantissimorum Virorum* indignum.

Cum autem non temporis tantum sed & ordinis habenda sit ratio, certis legibus atque cancellis Orationem includam. Atque cum in

(\*) Digitum intendimus ad ea, quæ Cl. Vir in Dissertat. de Præjudiciis Theologorum Parte post. pag. 133. & prolixius pag. 149. sq. disputavit. Nollem autem quæquam exilumare, nos ex professo contra Præstantissimum Theologum in arenam descendere; præterquam enim quod ab omni prurigne disputandi abhorreamus, res de qua agitur non illius est naturæ, ut cum quoquam ædum cum Cl. Pissio litigemus. Meditationes saltem Cl. Viri Auctori animam dederunt hoc argumentum pertractandi. Tantum abest, ut Auctor cum Cl. Pissio, Theologo erudito, modesto, pacifico, de hoc argumento contendere in animum induxerit, ut potius cum Eo, & ei similibus fratribus in unum cœtum coalescere optaret, ut unitis viribus contra Incredulos, & Papæ mancipia, insurgere possent.

in finem hujus *Discipline Arcani indolem atque naturam*, deinde illius *Originem* pandam; post ad *rationes*, quibus inducunt Veteres eam consuetudinem induxerant, pergam, quamque nullius ex roboris sint non solum ostendam, sed & *varia incommoda*, quibus obnoxia fuit, in medium proferam, unde denique ultimo loco necessario erit inferendum, *eam Disciplinam nostram etate in usum non esse revocandam*.

Habetis Auditores O. O. P. rerum a me dicendarum Summam. Forte ipsius Argumenti novitas efficiet, ut vacivas mihi præbeatis aures. Cætera enim omnia, quæ Oratori decus atque benevolentiam conciliare possunt, mihi deesse, facile animadverto. Sive enim ad dicentis Auctoritatem sive eloquii splendorem atque ornatum respicio, frustra me esse, pulchre video: Auctoritatem enim meam atque existimationem, penes plerosque vestrum, aut nullam aut perexiguam esse, dudum scio. Eloquentiam ab eo expectare non potestis, qui ad res potius quam verba attentus est, atque severiores ut plurimum disciplinas philosophicas, theologicas cumprimis, taliter qualiter hæctenus excoluit; accedit quod universa mea Rhetorica, quod mirerini, duabus saltem constet propositionibus, quarum *prima* hæc est: Orator, id quod elaborandum in se suscepit argumentum, ita perspicue, atque plane explicet, ut Auditores vel Lectores id non possint non intelligere; *Secunda*: Orator, id quod probare aggressus est, aut invictis atque certissimis, aut vero quam maxime similibus persuadeat argumentis. At longe plura postulare artis dicendi Magistris notissimum est. Nihil ergo aliud mihi relictum est, quam ut Vos orem atque rogem, ut saltem per horulam, quod & aliis in dicendo non magis valentibus concessistis, aures Vestras voluntatesque mihi commodetis.

Per *Disciplinam Arcani*, ut tandem initium faciam, nihil aliud intelligimus, quam eam Veteris Ecclesiæ consuetudinem, qua quædam Religionis Christianæ Mysteria ritusque, eos inprimis, qui naturam atque indolem Baptismi, atque S. Cœnæ spectabant, Paganis nondum initiatis, lapsis & Catechumenis, ad majorem, uti putabant, reverentiam in animis eorum excitandam, celabant, neque ante certum peractæ Exercitationis tempus, ad accuratam eorum cognitionem admittebant. Ubi tamen probe notandum est, non hic sermonem esse de scriptis publicis atque Confessionibus, sed Sacrorum publico exercitio, institutionibusque ad populum habendis. Notum enim est, Veteres Ecclesiæ Doctores publice Religionis Christianæ decreta non solum



solum exposuisse, sed & acerrime eadem vindicasse; testes sunt antiquissimorum Ecclesiæ Doctorem, *Justini M. Quadrati*, *Aristidis*, *Tertulliani*, &c. Scripta & Apologiæ; testes *Origenis*, atque *Cyrilli contra Celsum* atque *Julianum*, habitæ atque editæ vindiciæ; testes publica monimenta, quibus antiquissimorum Hæreticorum oppugnabant errores; testes denique concertationes, quæ Seculo IV., V., VI. atque sequentibus sunt ortæ, quibus de Filii divina origine, *ἐνσαρκωσις*, aliisque capitibus, utramque in partem vehementer fuit disputatum. Ex quibus patet, de publicis saltem institutionibus hoc sacrum silentium esse intelligendum. Quæritur autem: utrum ad mysteria omnia, v. gr. doctrinam de SS. Trinitate; an vero ad sacra illa amoris pignora, Baptismum nempe atque S. Cœnam duntaxat, hanc Arcani Disciplinam extenderint Christiani. Atque heic contendunt Doctissimi Viri, *Casaubonus*, *Albertinus*, *Tenzelius*, *Basnage*, aliique, sola illa Symbola externa communionis nostræ cum Christo, panem nimirum & vinum, non autem naturam illorum Symbolorum, nedom alia capita Religionis Christianæ, silentii peplo fuisse involuta; (\*) atque eum in finem provocant, ad omnia illa Doctorem antiquissimorum loca, in quibus diserte & rotunde de omnibus Religionis christianæ capitibus mentionem fecerunt. Unum omnium loco testem producunt, nimirum *Justinum M.* qui in *Apologia secunda*, pag. m. 97. seq. (ut vulgo vocatur) enarratis præcipuis sanctissimæ disciplinæ decretis, ita de S. Cœna loquitur: *Nos secundum hujusmodi Lavationem credentem jam & nobis adscitum ad fratres, qui dicuntur, eo adducimus, ubi illi congregati sunt ac communes preces ac supplicationes cum pro seipsis, tum pro illuminato & aliis ubique gentium omnibus, animo intento peragendas: ut digni idoneique simus, qui veritate agnita per opera etiam ipsa boni atque officiosi rerum administratores & datorum nobis mandatorum custodes inveniamur, atque ut salute salvemur æterna. A precibus finitis, mutuis nos invicem osculis salutamus. Deinde ei, qui fratribus præest, offertur panis & poculum aque & vini, quibus ille acceptis laudem & gloriam rerum universarum Patri, per nomen Filii & Sp. Sancti offert, & Eucharistiam seu gratiarum actionem, pro eo, quod nos donis suis bife dignatus sit, prolixè exequitur. Atque ubi ille preces & gratiarum actiones absolvit, populus qui adest omnis fausta approbatione acclamat,*

L z z z z z

(\*) Vide Casaubonum Exercit. in Baronium, Exercit. XVI. pag. 495. Albertinum de Eucharistia, Lib. II. pag. 708. Tenzelium adversus Euman, a Schelstraten. Basnage, Tom. II. Dissert. 18. Sect. VII. pag. 566. mitto alios.

mat, dicens; Amen *Presidens* vero postquam gratiarum actionem perfecit, & populus universus appreciatione leta eam comprobavit, qui apud nos vocantur *Diaconi* atque *Ministri* distribuunt unicuique presentium, ut participet eum, in quo gratia aëe sunt, panem, vinum & aquam, & ad absentes perferunt. Porro Alimentum hoc apud nos vocatur *Eucharistia*: quod nulli alii participare licitum est, quam veram nostram doctrinam credenti & lavacro propter remissionem peccatorum & regenerationem ablato, ita ut Christus tradidit viventi. Non enim ut communem panem ista sumimus: sed quemadmodum per verbum Dei caro factus Jesus Christus, Servator noster, & carnem & sanguinem salutis nostræ causa habuit; ad eundem modum etiam, in qua per preces verbi ejus ab ipso profecti gratiæ sunt aëe, alimoniam, unde sanguis & caro nostra per mutationem aluntur, incarnati illius Jesu carnem & sanguinem esse docti sumus. &c.

At nec hic, nec alia loca, a Viris Doctis allata probant, in Sacris publicis omnia Mysteria Religionis cunctis promiscue fuisse annuntiata; sed hoc tantum; Christianos in suis publicis scriptis & Apologiis, ad depellendas hostium calumnias, sanctissimæ disciplinæ capita perspicue, quantum poterant, explicuisse. Duo sunt, quæ, ut ita sentiam, me inducunt. Prius est, quod rationes ipsæ, quas adferunt Veteris Ecclesiæ Doctores ad hanc *Disciplinam Arcani* commendandam, hanc interpretationem necessario postulare videantur; *Posterius*, quod hujus rei vestigia clarissima in veterum monumentis reperiantur. Quod ad *primum* attinet, provocant, ut infra pluribus audiemus, Doctores Christiani hanc Disciplinam commendaturi, tum ad rerum ipsarum sublimitatem & verendam majestatem, tum ad mentis humanæ cæcitatem; at panis & vinum nihil habent, quod hoc titulo dignum sit. Accedit, quod data opera allegoricis utantur vocabulis, ad extollendum rerum propositarum pretium. Neque credibile est, Patres hosce existimasse, nondum initiatos facilius intellecturos fuisse decreta de æterna Filii generatione, atque divina ejus origine, quam vero præcepta de Sacris Symbolis, & ritibus circa eorum usum adhibitis. Quod ad monumenta veterum attinet, satis constat, non solum metros ritus in administratione Sacramentorum usurpatos, fuisse occultatos; sed & ipsam rei significationem, aliaque Religionis Decreta. Probemus hoc inductione testimoniorum. *Cyrillus* Hierosolymitanus in Prologo suarum Homiliarum Catecheticarum fideles sollicitè adjurat, ne librum suum Catechomenis vel aliis Christianis velint tradere, alioquin facti rationem Deo reddituros. In Sexta Catechesi scribit idem:

Περὶ μυστηρίων ἐπὶ κατηχημένων λευκῶς ἢ λαλῶμεν, ἀλλὰ πολλὰ πολλὰκις λεγόμεν ἐπικαταλεμμένως, ἵνα οἱ εἰδότες πρὸς νοήσωσι. i. e. *De Mysteriis, presentes si sint Catechumeni, clare non loquimur; sed sepe multa dicimus tecte, ut qui norunt fideles intelligant.* Atque hoc in causa fuit ut Paganī Christianis insultarent. *Celsus*, acerrimus ille Christianorum hostis, ludibrii causa Religionem Christianam vocabat *Κρυφίον δογμα, doctrinam clandestinam.* *Origenes*, dum in eo est, ut hanc calumniam diluat, fatetur quædam doctrinæ capita non omnibus communicari (\*). *Lucianus* vel quisquis *Auſtor* est Dialogi, cui titulus *Philopatris*, huc digitum manifeste intendit, quando (*Operum Luciani Tom. II. pag. 770. seq. Edit. Gravii*) *Triephon* jubet *Critiam* jurare per Deum alte regnantem, Filium Patris, Spiritum ex Patre procedentem, unum ex tribus, & ex uno tria; respondet *Critias*, *se non intelligere, quid sit unum tria, & tria unum*; tum explicationis loco subdit *Triephon*, Christiani & quidem Catechumeni (uti expresse pag. 773.) personam induens: *σιγα τα νεσθι, καὶ τα σιγῆς ἄξια*, & paulo infra idem *Triephon*: *Catechumenus existens persuaderi a me tibi sine, si modo vivere cupis in æternum.* Atque hinc factum est, ut nondum Initiati Orationem dominicam, & Symbolum tum demum discere tenerentur, quando jam erant baptizandi. Rationem hanc adducebant; quod donum adoptionis nondum essent adepti. (\*\*). Hinc *Chrysostomus* toties in suis libris illud *ισαυ οἱ μεμνημένοι* ingeminat. Inprimis clarissima sunt testimonia in Scriptis *Tertulliani* de hoc argumento; unum alterumve adferamus. *Apolog. Cap. VII. (pag. 81. Edit. Havercampi,)* in eo est, ut detestandas Paganorum calumnias de infanticidio, Thyeſtis epulis &c. diluat. Inter alia autem sic loquitur: *Si semper lateamus, quando proditum est, quod admittimus? Imo a quibus prodi potuit?*

Zzzzzz 2

ad

- (\*) Locus qui extat Lib. I. cap. 8. ita juxta versionem sonat: Per totum orbem notior est Christianorum prædicatio, quam Philosophorum placita. Quis enim Jესu e Virgine natum & crucifixum ignorat? Quis resurrectionem ejus multis creditam, & denuntiationem judicii redditori pro dignitate pœnas peccatoribus & justis præmia? Quin & resurrectionis futuræ mysterium vulgatum est, tametsi rideatur ab infidelibus. Quæ cum ita se habeant, perabsurdum est, doctrinam hanc vocare clanculariam. Quod vero quædam insunt, quæ non communicantur quibusvis, id non solius Christianæ doctrinæ proprium est, verum etiam Philosophicæ.
- (\*\*) Ita *Chrysostomus* Homil. XX. in Math. pag. 300. Tom. I. edit. Efort *ἐπὶ πνεύματι αὐτῷ ἡ προσηχὴ καὶ οἱ ἄλλοι τῆς ἐκκλησίας διδάσκουσι καὶ το προσηχὸς τῆς ἰνχῆς.* *Ὁ γὰρ ἀκούων ἅπ δι δυνάμει πατέρα καλεῖ τὸν Θεόν.* i. e. quod fide libus Oratio ista conveniat, & Ecclesiæ regula ipsa testatur & ipsius Orationis exordium. Nondum quippe initiatus baptismatis sacramento non potest Deum Patrem vocare. Plura loca collegit Bingham, loco cit. pag. 134.

ab ipsis enim reis non utique, cum vel ex forma omnium mysteriorum silentii fides debeatur. Samothracia, & Eleusinia reticentur, quanto magis talia, quæ prodita interim etiam humanam animadversionem provocabunt, dum divina servatur? si ergo non ipsi Proditores sui, sequitur ut extranei. Et unde Extraneis notitia, cum semper etiam piæ initiationes arceant profanos & ab arbitris caveant. Præscript. contra Hæret. Cap. 41. ita eos impugnat dicens: non omitam ipsius etiam conversationis hæreticæ descriptionem, quam futilis, quam terrena, quam humana sit: sine gravitate, sine auctoritate, sine disciplina, ut fidei suæ congruens. Inprimis quis Catechumenus, quis fidelis, incertum est; pariter adeunt, pariter audiunt, pariter orant: Etiam Ethnici si supervenerint, sanctum canibus, & porcis margaritas, licet non veras, jactabunt (\*). S. Coenam & Baptismum, id est, utriusque naturam, dubium non est quin occultarent Veteres. Perspicue non semel id designat Augustinus Ita Comment. in Psalm. 103. ait: Quid est quod occultum est, & non publicum in Ecclesia? respondet: Sacramentum Baptismi, Sacramentum Eucharistiæ, opera nostra vident & pagani, Sacramenta vero occultantur illis. Hinc illa Maximi Madaurenfis petitio in Epistola ad Augustinum data. Illud quæso Vir sapientissime, (inquit) uti remoto facundie colore atque exploso qua cunctis clarus es, omisis etiam quibus pugnare solebas Chrysippiis argumentis, postposita paululum Dialectica, quæ nervorum suorum luctamine nihil certi quicquam relinquere nititur: ipsa re approbes, quis sit iste Deus, quem

- (\*) Alius extat Tertulliani locus librò 1.<sup>o</sup> ad Nationes, cap. VII. ubi ita loquitur: Si quem tamen apud nos prudentiæ locum iniquitas reliquisset, ad explorandam famæ fidem utique iustitia postebat dispicere, a quibus potuisset fama in vulgus, & ita in totum orbem dari. Ab ipsis enim Christianis non opinor, cum vel ex forma ac lege omnium Mysteriorum silentii fides debeatur: quanto magis talium, quæ prodita non evitarent interim humana animadversionem præsentaneum supplicium? Si ergo non ipsi proditores sui, sequitur ut extranei. Oro vos, extraneis unde notitia? cum etiam iusta & licita Mysteria omnem arbitrii extraneum caveant. Contendit equidem Doctissimus Meyerus in Dissertat. de recondita Veterum Theologia, Sect. XIV. pag. 720 loca citata non probare, Tertulliani ævo Disciplinam Arcani in usu fuisse. Sed non tam (inquit) quid apud Orthodoxos, quam quid apud Gentiles in usu & lege fuerit, ex istis Tertulliani locis ostendi poterit, & si quid illius continent, id de in secessu ab Ecclesia pressa habitis Sacris intelligi, non autem ad singularem illam Veterum occultandi in promptu seu publico morem, utpote tum noadum in Ecclesia usitatum, trahi debet. At fallitur in eo doctissimus Vir. Calumniæ de Thyestæis epulis, &c. Christianis intentatæ, & responsiones ipsius Tertulliani manifeste ostendunt, non de conventibus Christianorum in genere, sed de Mysteriis & Sacramentis sermonem esse; in ultimo, quem adduximus loco, provocat Tertullianus ad silentii fidem Mysteriis debitam, longe aliter locuturus, si probare duntaxat voluisset, neminem extraneorum interesse posse cœtibus Christianorum.

quem Vobis Christiani tanquam proprium vindicatis, & in locis abditis presentem vos videre componitis. Mitto alia loca, quæ adferri possent ad probandum, in antiquissimis Christianorum cœtibus, non solos duntaxat ritus, sed & decreta ipsius Religionis, studio a Doctoribus fuisse silentio obvoluta. (\*)

At paulo distinctius, quos a Sacris illis & Mysteriorum perceptione arcuerint, quos admiserint, & quid non initiatis tentandum fuerit ut ad audiendas res sanctissimas præpararentur, dicendum.

Inter eos, quos a Sacrorum illorum usu atque contemplatione arcuerunt, primo loco veniunt οἱ ἕξω, *Extranei*, quo nomine non solum homines a Religionis Christianæ professione alieni, sed & Catechumeni intelliguntur; posterius patet ex verbis Cyrilli: *Cum Catechesis recitatur*, (inquit) *si Catechumenus ex te quæsierit, quid dicebant Doctores? nihil dicas externo*, μηδεν λεγεις τῷ ἕξω. Secundo loco huc referendi *Profani*, id est, non initiati. *Theodoretus* Quæst. XV. in Numerum: ἀσχημὸς διὰ τὰς ἀμυήτας περὶ τῶν θείων διαλεγόμεθα μυστηρίων. i. e. obscure propter non initiatos de divinis Mysteriis loquimur. Sequebantur tertio Gentiles, & denique Catechumeni, quibus omnibus aditus ad audienda Mysteria occludebatur, de quibus pleni sunt Veterum & Recentiorum libri. Illi vero qui admittebantur erant uno verbo *fideles*, quos & *Initiatis*, *Mystras*, *Consummatis*, *Epoptas* vocabant. Sexcenta sunt hujus rei testimonia apud *Chrysostomum*, *Cyrillum*, *G. Nazianzenum*, *Augustinum*, quæ brevitatis causa non adscribam. Modus occultandi hæc Mysteria duplex erat. Prior est, quo profanos, id est non initiatos, a Mysteriis procul esse jubebant. Eum in finem Diaconi altissima voce non Initiatis discedere jubebant. Testis est *Chrysost.* Homil. XVII. in Epist. ad Hebræos dicens: *Diaconus in altiore loco stans magna voce terribili clamore, veluti quidam Præco, manus sustollens in altum, alios quidem vocat, alios prohibet, alios excludit, alios introducit.* Usus autem est Diaconus his formulis: ἕξω περιπατεῖτε, ἀπελθετε, προσελθετε, ὅσοι ἀμυητοί, ὅσοι κατηχημένοι, ὅσοι ἐνεργημένοι, ὅσοι ἐν μυστηρίοις. Nec abire eos jusserunt duntaxat, sed & fores templorum

ZZZZZZ 3

dili-

(\*) Adductis locis superaddimus clarissimum Cyrilli locum ex Catechesi VI. postquam enim dixisset: Mysteria Sacramentaque patefacere Ecclesiam ei, qui ex Catechumenis excedit τῷ ἐκ κατηχημένων μεταβαλλόμενῳ, hoc est, competenti, nec moris esse Ethnicis exponere, atque in exemplum mysterium Trinitatis adducit. Non enim (inquit) Gentili cuiquam de Patre & Filio & Spiritu Sancto arcana Mysteria declaramus: neque palam apud Catechumenos de Mysteriis verba facimus, sed multa sæpe loquimur occulte.

diligenter custodire tenebantur Diaconi, postea Subdiaconi & Ostiarii. Testatur id *Cbrysoſtomus* Homilia in Mattheum & *Auctor Conſtitut. Apoſtol.* Lib. II. Cap. 57. hinc *Hieronymus* & *Epiphanius* Marcionitas increpant, quod Myſteria celebrent inſpectantibus Catechumenis. *Posterior* occukandi ratio erat, quod de Myſteriis coram initiatis aut plane ſilerent, aut obſcuro dicendi genere data opera uterentur. Hinc *Cbryſtoſtomus* Homilia 40. in 1. ad Corinth. ait: *Volo quidem aperte id dicere, non audeo vero propter eos qui non ſunt Initiati. Ii enim difficiliorē nobis faciunt expoſitionem, cogentes aut non perſpicue loqui, aut eis arcana annuntiare.* *Epiphanius Anchorat.* n. LVII. de verbis institutionis loquens, coram Catechumenis nolebat dicere: *hic panis corpus meum eſt; hoc vinum ſanguis meus eſt; ſed hoc meum eſt hoc & hoc.* Conferatur *Theodoreti* Dialogus primus & ſecundus. Eum in finem vocabulis etiam obſcurioribus utebantur, cum de Sacramentis ſermo eſſet habendus. Sacramenta paſſim vocabant *μυσταις, τελεταις, ἐποπταις*, peculiariter Eucharistiā *τελετην τελετων*: Baptiſmum *ὑποτίττην*, *Illuminationem*, *incorruptionis indumentum*, *regenerationis lavacrum*, *splendorem animarum*, *carnis abiectionem*, *peccati diluvium*, *lucis communicationem*, *cœleſtis regni clavem*, ut alia taceam. Vid. *Casaub.* *Evercit.* XVI. pag. 485. ſeq.

Ut autem ad hanc Myſteriorum communionem admitterentur, vario exercitationis genere opus erat. Primus gradus erat *καθαρις* purgatio, ſecundus *μυταις* initiatio, tertius *ἐποψία* perfectæ contemplatio; *ἐποπτην* vocabant, qui perfectam, quantum fieri poſſet, cognitionem Myſteriorum & Sacramentorum haberet. Circa temporis ſpatium diverſa erat Veterum diſciplina. Nimirum aliter tractarunt eos, qui Chriſtianæ Religioni nomen dare volebant, aliter lapſos. *Priores* brevius ſtadium percurrere debebant, antequam panem cum fratribus frangere poſſent. Primo igitur fiebant *Catechumeni*, deinde *Competentes*, poſtremo *Fideles* & *Chriſtiani*. Quod vero ad lapſos attinet, quinque gradus utplurimum veteres adhibebant. *Primus* erat, ut per triennium (utplurimum) in aditu Eccleſiæ, a fidelibus & Catechumenis ſeparati, ſtarent pœnitentiam agentes in ſqualore. *Secundus*, ut per aliquot annos audirent ſaltem lectionem S. Literarum. *Tertius*, ut abſoluto demum certo temporis ſpatio precibus publicis intereſſent. *Quartus*, quod cæteris fidelibus ſimiles habiti, excepta S. Eucharistiæ communionē. *Quintus* denique erat, quod juſ utendi S. Cœna habebant, quam *τελειωσιν* & *κοινωνίαν τῆς ἀγάπης* appellare ſolebant. Hujus diſci-



disciplinæ dum circa lapsos meminit Ii. *Casaubonus*, in hæc verba erumpit Exercit. XVI. pag. 487. *Circa lapsos disciplina fuit severa, & prorsus admiranda: cui revocande in usum operam impendisse, res futura sit Deo gravior absque dubio, quam de fidei dogmatibus subtiliter dissipare extra scripturas & omnes dissentientes ferro & flamma persequi, in quo hodie summus pietatis apex ponitur.* Quæ quo loco sint habenda, judicent me doctiores. Cæterum de hac disciplina circa lapsos passim consulendi *Binghami, Bone, Morini, Hottingeri, Albaspinæi* &c. labores.

Quod si quærat *Auditores*, quo temporis articulo hæc *Disciplina Arcani* in Ecclesiam Christianam fuerit inducta, nihil certi de hoc dici posse respondeo. Hinc quidam ab ipsis Christi & Apostolorum temporibus hanc consuetudinem repetunt; alii labente Seculo secundo; rursus denique alii quarto demum & quinto Seculo receptam fuisse existimant. Expensis omnibus, quæ a Viris Doctis de hoc argumento adferuntur, vero quam maxime consentaneum est, primos Religionis Christianæ Doctores hanc consuetudinem non usurpasse; accedentibus vero ad Christianorum cœtus Viris Doctis, præceptis Philosophiæ imbutis, atque simplicitatem cultus sacri fastidientibus, arcanas & mysticas rituum excogitatas esse rationes, quæ successu temporis, ut fieri solet, insigniter auctæ, denique in maximam excreverint rituum molem (\*); labente vero Seculo sexto denuo abolitam

- (\*) Cl. Pfaffius originem Disciplinæ Arcani repetit ab ipso Christo & Apostolis. Ita loco citato pag. 150. seq. ait: Cæterum hæc Arcani Disciplina, & olim a Gentilibus, unde ipsam hausisse Christianos Viri quidam doctissimi arbitrantur, observata fuit, & a Judæis quoque &c. Neque hinc tamen (pergit) ejus petenda origo est, cum in ipsis N. Fœderis tabulis ea commendetur. Etenim ipse Christus Apostolis summa fidei Myſteria non itatim revelavit; - unde & Arcani Disciplina data opera ab iisdem instituta, & observata fuit &c. In hujus sententiam concedere videtur Eruditissimus Moshemius Instit. Hist. Eccl. pag. 75 facile (inquit) mihi persuadeo, Disciplinam quam vocant Arcani in ipsis Ecclesiæ initiis jam locum habuisse, id est docendi rationem ex prudentiæ lege a Doctores temperatam fuisse. Sed illa Disciplinæ hujus forma, quæ tertio, quarto sequentibusque Seculis recepta fuit, recentior est ætate illa, cujus res nunc enarramus. Quod simplex initio prudentiæ institutum erat, id miserie degeneravit postea ac non modo amplificatum, verum etiam ad normam Myſteriorum inter Gentem exactum, vocabulisque ab exteris petitis obscuratum fuit. Ita Doctissimus Moshemius Cavendum ne hic logomachiam committamus. Quando per Disciplinam Arcani intelligitur prudens & circumspècta docendi ratio, a Christo & Apostolis adhibita, nemo dubitat, quin origo hujus consuetudinis ex hoc fonte peti possit. At ubi de Disciplina Arcani Veteres & moderni agunt, longe aliud quam prudentem rerum docendarum tractationem, quam ab omni tempore Viri Docti & prudentes observarunt, intelligunt: cum autem manifestissimum sit Doctores tertii & seq. Seculorum hanc disciplinam ex præceptis Ethnicorum, Sacris.

tam fuisse, quanquam Viri Docti hujus disciplinæ vestigia in hodierna *Ecclesia Græca* extare contendunt. Vide *Heineccii Abbildung der Griechischen Kirchen*. Lib. II. Cap. VI. Sect. 30. pag. 235.

At tempus est, ut inquiramus, quænam sit *Origo* hujus Disciplinæ, & a quibus hanc occultandi Sacra consuetudinem didicerint cœtum Christianorum Antistites. Heic quidam ad exemplum Christi & Apostolorum provocant; alii ex *Cabbala Judæorum* haustam existimant; plerique omnem illum adparatum ex *præceptis Philosophorum Sacrisque Gentilium* ortum esse contendunt, quæ ultima sententia vero quam maxime similis est. Certe neque a Christo, neque a primis Sectatoribus ejus hanc disciplinam fuisse adhibitam constabit omnibus, qui sine partium studio res a Christo & Apostolis gestas expendunt. Sanctissimus noster Soter in media turba omnibus promiscue sanctissimæ disciplinæ capita explicuit. Quamprimum quis percepta ejus doctrina, & inusitatis miraculis conspectis, nomen ipsi daret, atque ipsum pro Messia admitteret, sine ambagibus, variisque molestis exercitationibus, aqua tinctus, & inter Sectatores ipsius relatus fuit. Discipulis suis injunxit, ut quæ ipse obscurius dixisset, publice & coram omnibus perspicue annuntiarent. Hinc *Paulus* Act. 20. Ephesiorum cœtui valedicturus nihil eorum se omisisse testatur, quæ ad explicandam sanctissimæ disciplinæ naturam aliquid conferre possent. Et quid opus verbis? Cum ex libris N. Testamenti unice nobis constet, quæ fuerit Christi & Apostolorum docendi ratio, quæ Sacramentorum & Disciplinæ Sacræ constitutio, nihil autem plane de hac *Disciplina Arcani* in iis traditum vel præscriptum sit; nemo non videt, aliunde hanc consuetudinem esse arcessendam. Adfert quidem *Cl. Pfaffius* quædam loca N. Testamenti, probaturus, Christum & Apostolos quasdam Disciplinæ sacre partes sæpe occultasse (\*). At si singula

crisque eorum petiisse, causam non video cur dicamus, Auctores Disciplinæ Arcani, Christi in docendo methodum duntaxat imitari voluisse. Tenzelius & Bingham, circa finem Seculi II. ortam hanc disciplinam putant; Dalleus vero, Mejerus, aliquè demum quarto Seculo inventam existimant. Non errabimus, si initium tempore Tertulliani, progressum vero sequentibus Seculis fuisse dicamus.

- (\*) Hoc ut pateat, unum alterumve locum a Cl. Viro adductum proferamus. Pag. 152. provocat ad Math. XVI. v. 11. 22. Hoc loco præcipit Christus suis discipulis, ut nemini dicerent, quod ipse esset Jesus Christus, v. 16. confessi sunt discipuli, ipsum esse Messiam, & proxime post hoc interdictum perspicue eos e locis de futura sua passione & resurrectione. Nihil igitur, ipsos discipulos quod attinet, heic loci celavit. Hoc unum postulat, ut sine necessitate & promiscue de hoc argumento non loquerentur, ne sibi molestias facerent. Vide quid ad h. l. erudite moneat Grotius. Idem fere dicendum de loco Joh. XVI. 12, in quo Christi



singula ordinē expendimus, nihil aliud probant, quā, Christum & Apostolos, pro ea, qua florebant, divina animorum & ingeniorum cognitione, prudentiæ legibus in docendo usos, atque ad mores hominum ad Religionis Christianæ professionem adducendorum sese attēperasse; at hoc ad rem nihil facit. Quæritur hoc unum, utrum Christus & Apostoli data opera, iis, qui Religioni Christianæ nomen dare volebant, aut obscure, vel plane non explicuerint, naturam Mysteriorum atque Sacramentorum, aut peractis demum & toleratis multis exercitationibus, ad Baptismum & S. Cœnam admiserint; atque hoc est, quod probari posse negamus. Quod *Cabbalam* Judæorum spectat, novimus quidem, Magistros, homines nugivendulos, di-

Christus ait: *ἐτι πολλά ἔχω λέγειν ὑμῖν ἀλλ' ἂν δύνασθε βασίλειον*. si conseq. perpendamus, nihil aliud significare S. Soter voluit, quā, discipulos administratio- nis divinæ rationem jam quidem capere nondum recte posse, venturum tempus, quo id clarius & evidentius perspicere sint. Provocat insuper Cl. Pfaffius ad parabolas a Christo adhibitas. v. gr. Luc. VIII. v. 10. & qui huic parallelus est Matth. XIII. v. 11-15. si posterierem locum ultra modum urgeremus, sequeretur, Christum non solum data opera obscure esse locutum, sed & id eum in finem fecisse, ut illi, qui ipsum non intelligerent, damnerentur; quod sane ab Optimi Soteris animo alienissimum erat: missis V. D. ad h. l. interpretationibus, breviter verba Christi ita παραφράζω. „Quæritis discipuli, cur parabo- „lis sæpiusculum utar neque aperte huic turbæ mentem meam explicem. Sciat „igitur, plerosque eorum glebæ adfixos, indignos esse, quibus omni data occa- „sione plane, dilucideque veritatem dicam: qui enim concessis beneficiis recte „utuntur, digni soli quibus plura concedantur; qui autem iis ipsis abutuntur „quæ ad manus sunt, indigni sunt, quos majoribus exornes donis; digniores „imo, quibus ea ipsa, quæ concessa sunt, auferantur. Hæc causa est, cur para- „bolis jam quidem, non perspicuo sermone utar. Hanc turbam intus & in cute „novi, videntes non vident, id est, ea, quæ non semel dilucide absque similitu- „dine iis dixi de cœlesti mea doctrina, intelligere. & ad animum revocare no- „lunt; quæ ergo causa esset, cur videre nolentibus, id est cæco adfectu abreptis, „clarius loquerer? similes sunt iis, de quibus Jesajas locutus est &c. „Ex uni- „verso sermone Christi adparet, antea sæpiissime Christum perspicue tradidisse ea, quæ ad percipiendam sanctissimam suam disciplinam facere possent. Verba enim videntes non vident, alium sensum non patiuntur. Quod Apostolos attinet, nemo non concesserit, eos prudentiæ legibus usos in doctrina Jesu Christi promul- ganda, & huc faciunt loca, quæ Cl. Pfaffius adducit, nimirum 1. Corinth. III. 2. Hebr. V. 11. Quod ad ἀκούειν illa ἡρώματα, quæ audivisse se testatur Apostolus 1. Corinth. XII. attinet, sine dubio talia non erant, quæ nosse universi cœtus Christiani intererat. Unde & ad Disciplinam hanc Arcani probandam nihil faciunt. Cætera loca mitto. Hoc unum quod attinet, moneo, Cl. Virum contra locum Pauli Act. XXV. 27. quem in ipsa Oracione adduxi excipere, hic de conver- sis, non vero iniciandis sermonem esse; at præterquam, quod Cl. Vir hic supponit, aliter Apostolos cum iniciandis, aliter cum fidelibus egisse, de quo tamē quæritur, ipsemet pag. 154. facetur, ex libris N. Pœderis discrimen inter Catechumenos & fideles probari haud posse.

dicere, Deum Mofi in monte Sina arcana quædam Myſteria revelaffe; ea per Viros Sanctos ad Judæorum Doctores fuiſſe delata, ac nonniſi iis, qui diviniſſimæ mentis ſint, eſſe explicanda. Quo fundamento autem hæc nitantur, nemo non videt. Chriſtiani Doctores, excepto *Origene & Hieronymo*, linguæ Hebræicæ erant ignari. Conſuetudo allegorice cuncta interpretandi, ex ignorantia, inepto Eloquentiam oftendendi ſtudio, & moribus Philoſophorum fuit orta. *Cabbalam Philoſophicam* recentioreſſe eſſe, & ex *Pythagorico-Platoniciſ* principiis repetitam, ſole clariuſ eſt. *Philonis Judæi* atque antiquiſſimorum Eccleſiæ Doctorem ſcripta atque decreta ſatis oftendunt, eos *Cabbaliſtarum* nugæ ignoraffe, atque aliunde plane, quæ a diſciplina Chriſti abhorrent, adſciſſiſſe (\*). Reſtat, ut dicamus, hanc *Arcani Diſciplinam* è *Gentiliſ* ſacris atque *Philoſophorum Decretis* fuiſſe petitam. Notum eſt, ætate Chriſti & Apoſtolorum, maxime autem proxime ſequentibus ſeculis, Philoſophiam Pythagorico-Platoniciſ maximo ardore a Chriſtianiſ, Judæiſ, & Gentilibuſ fuiſſe excultam, cujuſ rei innumera extant in Veterum monumentis veſtigia. Quod ſi ritus circa Diſciplinam Arcani uſurpatos rite & per partes conſideremus, eaque quæ apud Philoſophos, Pythagoricos cumprimis, & Sacrorum Antiſtiſtes inter Paganos peragebantur, conſeramus; maniſeſtiſſimum erit, Auſtores primos *Diſcipline Arcani* ſanctiſſimæ diſciplinæ formam decretis & moribuſ Philoſophorum attemperare voluiſſe; quod brevi ſpecimine demonſtrandum eſt. Dividebant Philoſophi Pythagorico-Platonici univerſam Philoſophiam in duas partes, teſte *Hierocle* in *Aurea Carmina Pythagoræ*. *Priorem* vocabant *καθαρετικὴν*, *poſterioſ* *τελικὴν*; prior mentem *purgare*, poſterior *perficere* dicebatur. Ita *Hierocleſ* definiēbat *καθαρεσιν* rem talem qua purgamur ἀπο τῆς ὑλικῆς ἀλογίας καὶ τῆς θνητῆς οὐσίας a ſæce rationi contraria mortaliſque corpore. Huic jungēbant mentis in ſe ipſam veluti converſionem aliquam, putantes, animum conſcium ſuarum virium & a vinculis corporis ſordibuſque materiæ liberatum, ante omnia in ſe verti / cæteriſ, quæ extra ſunt, oblivioni veluti traditiſ, & ut ad ſe nihil pertinentibuſ è memoria ejeſtiſ, hoc vocabant ἐπιερεσθῆναι ſὺς ἑαυτὸν, ſquam deinde excipiebat ἀνοδοſ ſeu aſcenſuſ; volebant enim mentem puram, & ab omni contagione corporis liberatam, collectiſ quaſi ex ſe ipſa viri-

(\*) De *Cabbala* Judæorum omnium inſtar eſt conſulendus Doctiſſimūſ Brukeruſ Hiſt. Philoſophi. Tom. IV. parte ſecunda. Quod *Cabbalam Philoſophicam* attinet, ex eodem fonte promanavit, quo *Diſciplina Arcani*, quod idem Vir Doctiſſimūſ pleniſſime oſtendit, cum quo conſerendus Baſnage Hiſtoire deſ Juifſ. Alioſ taceo.

bus, deferere hæc inferiora ferrique sursum & cœlestia divinaque petere, atque ad ipsum principium suum verti. Hunc statum mentis humanæ vocabant ἀφαιρῶσιν τῶν ἀλλοτρίων, ἀποδοῦν τῆς ἰκείας ἐσίας, τελειότητα, &c. Pythagoras discipulos suos in τὰς ἐξω & τὰς ἐσω dispescebat. Illi dicebantur velut extranei, & nondum in secretiora Philosophiæ dogmata admissi. Hi veluti interiores & participes secreti omnis. Testis est Jamblicus de vita Pythagoræ Lib. I. Cap. 17. Αὐτοὶ δὲ οἱ μὲν (inquit) ἀξιοὶ ἐφάνοντο τῷ μετεχειν δογμάτων ἐκ τῆ βίᾳ καὶ τῆς ἀλλῆς ἐπιεικείας κριθέντες μετὰ τὴν πενταστὴ σιωπὴν ἐσωτέρους λοιπὸν ἔγινοντο, i. e. Qui vero digni apparebant, ut participes dogmatum fierent, partim ex vita, partim ex cætera moderatione animi judicati, post quinquennale silentium demum fiebant Esoterici. Discipulos Pythagoras, antequam tempus admissionis effluerat, variis iisque durissimis exercitationibus explorare solebat, non solum siti & inedia, sed etiam igne ferroque patientiam suam exercere cogebantur. Idem Jamblicus loco cit. cap. XVI. In universum (ait) circa doctrinas & Institutiones labores adhibendos censuit, circa innatas quoque omnibus immoderationes ac cupiditates varia supplicia & pœnas & amputationes ferro igneque varias adhibere instituit præcepitque, quales sustinere queat nemo qui sit malus. Sublimium rerum occultatio Pythagoræ etiam & discipulis perquam erat familiaris, hinc Jamblicus de vita Pythagoræ diserte: Secundum rationem exotericam simul & acroamaticam expositione illustrativus symbolum unumquodque, non permittentes ea, quæ arcana sunt & silenda coram iis, qui nondum in interiorem disciplinam sunt recepti, divulgari. Idem de Pythagoræis Cap. XXXII. Nihil eorum, quæ alicujus momenti essent, patiebantur prodire in vulgus. Sed quæ longo temporis spatio tum docebantur, tum discendo percipiebantur, intra privatos tantum parietes cognoscebantur. Cum externis vero & ut sic dicam profanis, si quandoque usus ferret congregiendum esse, nequaquam Mysteria sua enuntiabant, sed per Symbola & arcanas tesseras obscure latenterque sibi mutuo sensa mentis veluti enigmatibus significabant (\*). Eum in finem etiam, teste Porphyrio de vita Pythagoræ, num. 3. Dorica utebantur Dialecto Pythagorici. Cum enim quæsisset, quare sic perierit Philosophia Italica, respondet: πρῶτον μὲν διὰ τὸ ἀνιγμνωδὲς, ἔπειτα διὰ τὸ καὶ τὰ γεγραμμένα Δωριδί γεγραφθῆαι, ἔχοντες τὴν καὶ ἀσαφὲς τῆς διαλέκτου, μηδὲν διὰ τὸ τοῦ ὑπονοεῖσθαι, i. e. primum quidem quod

Αααααα 2

enig-

(\*) Confer plura apud Schefferum de Constitutione Philosoph. Italicæ, pag. 30. Edit. Wittenberg.

enigmatibus esset involuta, deinde quod omnia eorum scripta Dorice essent scripta, nam cum ipsa Dialectus quid obscuritatis habeat, hanc ob causam nec dogmata ea Dialecto consignata poterant intelligi (\*). Neque ex præceptis duntaxat Pythagoræ & Sæctatorum, sed ex ritibus passim apud Gentiles in Sacris receptis multa ad constituendam Arcani Disciplinam a Christianis Doctõribus petita fuisse, clarissime constat. Habebant, ut notum est, Græci plurima Sacra, ut *Matris Deum*, *Bacchi*, *Mithræ*, *Isidis*, *Hecate*, &c. Hæc vocabant *Mysteria*, operationem sacrorum *μυστικὴν*, qui vero ea percipiebant *μυσικοὶ* aut *τελεσιάρχαι* dicebantur. Ratio eorum sacrorum in universum erat, (verba sunt Casauboni Exercitat. XVI. in Baronium:) ut qui se disciplina imbuendos traderent, paulatim purgati ab hujus vitæ inquinamentis & peccatorum sordibus, per certos gradus & definita temporum intervalla, ad nescio quorum ingentium arcanorum perceptionem atque notitiam perducerentur. Lustrationem autem per aquam, antequam in Adyta templorum admitterentur, inprimis in usu fuisse notum est. Hinc *Apulejus* initiationis suæ mentionem faciens cap. XI. ait: *Stipatum ilme religiosa cohorte deducit ad proximas Balneas & prius sucto Lavacro traditum, præfatus Domini veniam, purissime circumrorans abluit.* Peragebantur hæc initia adhibitis quibusdam symbolis, quæ ad certarum rerum recordationem erant instituta, quod ex *Julii Firmici* libello, ut de aliis nihil dicam, satis superque constat; ita non solum aquam & panem in quibusdam sacris, sed & mysticas quasdam voces adhibitas, veterum constat monumentis (\*\*). Qui ad *Mysteria* hæc percipienda admitti vole-

(\*) Pythagorici alias insuper adducebant causas, cur hac dialecto uterentur. Vide Scheff. pag. 134. & Cl. Brukeri elegantiss. Dissertat. de numeris Pythagoræ, Doctissimi Schelhorni Amœnitatibus insertam. Tom. VI. pag. 209.

(\*\*) Vide Casaub. Exercit. XVI. pag. 483. Tangit inprimis multa huc pertinentia Arrianus Dissertat. Lib. III. cap. 21. pag. 306. Edit. Cantabrig. inter alia sic loquitur ex Versione H. Wolfii. Quid aliud homo nisi Cereris initia divulgas? Domitium, inquis, est Eleusine; Ecce & hic. Illic Sacrorum Antistes; Et ego faciam Antistitem. Illic præco; Et ego Præconem institutam. Illic facies; Et ego facierum. Illic faces; Et hic. Voces eadem; eadem rei gerendæ ratio. Quid hæc ab istis differunt? Homo impiissime, nihilne differunt? pro ratione loci & temporis prolunt? Item adhibito sacrificio, adhibitis precibus, castitate, animoque sic affecto, quod sis ad sacra accessurus vetustasque carmonia. Sic initia sunt utilia, si eam præbeant opinionem, quod erudiendæ & corrigendæ vitæ causa hæc ab Antiquis omnia fuerint instituta. Tu vero ea enuntias, & prodis alieno tempore, non in loco, sine sacrificiis, absque sana mente. Non ea tibi vestis est, quæ Sacrorum Antistitem deceat; non coma, non strophium quale requiritur, non vox, non ætas: non caste vixisti ut ille, sed cum solas voces memoriæ mandaris, dicis, sacræ sunt illæ voces memoriæ mandaris, dicis, sacræ sunt illæ voces ipse per sese. Alio modo ad hæc accedendum est: magna res est, arcanum est, non pervulgatum, nec ejus generis, quod cuivis communicetur.

volebant, graviorum peccatorum confessionem prius edere tenebantur. Testis est *Plutarchus* in *Laconicis* dicens: Cum aliquis *Mystagogus* *Laconem* initiaret, interrogavit eum, cujus facinoris maxime impij sibi conscius esset. Gravioribus sceleribus contaminatis aditum ad illa *Mysteria* fuisse occlusum, vetus formula, procul hinc, procul ite profani, fidem facit. Hinc teste *Suetonio* Cap. XXXIV. Nero post occisam matrem *Eleusiniis* *Sacris* interesse ausus non est. Nihil jam dicam de certis initiationis ritibus, abstinencia a Venere, cibo, lotionibus, comæ ac vestium compositione. Commemorabile est, quod quemadmodum Christiani in sacris habebant sua ἀντιφώνα, vel ὡδὰς ἀντιφώνας, ita similiter hunc ritum in quibusdam *Sacris* *Gentilium* ante fuisse usurpatum. Notat *Casaubonus* ex *Aristophanis* *Scholias*te, in quibusdam sacris *Bacchicis* *Daduchos* aut alios *Ministros* *sacrorum* solitos adstantium coronam ita compellare: ἀνσπε Θεον laudate Deum, illos autem respondisse Σμαδίη Ιακχες πλατοδέτα. O *Semele* *fili Jacbe*, *Opum* *Largitor*. Eosdem diligentissime non solum cavisse, ne horum *sacrorum* ἀμυκτοῖς arcana innotescerent, sed & gravissimis poenis transgressores punivisse, innumeris veterum locis constat. Quid *Diagora*, *Orphei*, *Cabirorum*, & *Eleusinia* *Sacra* publicanti contigerit, notum est. *Livius* libro XXXI. hoc exemplum adducit: *Arcananes* (inquit) duo juvenes per initiorum dies non initiati templum *Cereris* imprudentes Religionis cum cetera turba ingressi sunt. Facile eos sermo prodidit, absurde quadam percunctantes: deducitque ad Antistes templi, quum palam esset per errorem ingressos, tanquam ob infandum scelus interfecti sunt. Mitto brevitat gratia multa alia, quæ ad hoc probandum adduci possent. Hæc si quis cum ritibus in *Doctrina* *Arcani* usurpatis diligenter contulerit, constabit, illos ritus non ex Christi & Apostolorum disciplina, sed Philosophorum præceptis, & *Gentilium* *Sacris*, esse petitos (\*).

Sed audiamus tandem rationes, quibus induci se passi sunt *Veteris* *Ecclesiæ* *Doctores*, ad *Disciplinam* *Arcani* condendam atque stabiliendam, easque ad rectæ rationis leges expendamus. Tres autem potissimum ab Antiquis allatas esse deprehendi hujus silentii causas, quarum Prima hæc erat: Ne *Pagani* & nondum Initiati rituum a *Christianis* adbibitorum simplicitate, *Mysteriorum* contra sublimitate offende-

A a a a a a 3 ventur.

(\*) Huic sententiæ addidit *Casaubonus*, *Albertinus*, *Meyerus*, *Tenzelius*, *Sam. Basnage*, *Joh. Clericus* alique. De *Eleusiniis* *Sacris* confer *Meurium* Cap. XX. & V. D. notas ad *Tertullianum*, *Arnobium*. M. *Felices*, *Athenagoræ* &c. *Apologias*, de præceptis Philosophicæ *Pythagorico* - *Platonice* *Bruckerum*, *Schefferum*, *hud. dei* *Analesta*, &c.

rentur. Ita Chrysostomus Homil. 23. in Matthæum : *Mysteria* (inquit) *clausis januis celebramus, & eos qui nondum initiati sunt, adesse prohibemus, non quia infirmitatem Mysteriorum aliquam deprehendimus, sed quia ad participationem eorum illi adhuc quos arcemus infirmi sunt (\*)*. At hæc ratio, utut speciosa, nullius roboris mihi esse videtur. Tantum abest, ut rituum simplicitas sapientum animos offendere, ut potius nihil magis eos ad publica Christianorum Sacra amplectenda inducere debuisset. Quo quis magis castæ sanctissimæque Religionis cognitione est imbutus, & amore ejus tactus, eo magis etiam sentit, primam & præcipuam illius partem mentis ad Deum conversatione, virtutum divinarum æstimatione, officiorum a recta ratione præscriptorum præstatione; non vero vario atque multiplici rituum adparatu

- (\*) Ad primam illam ut & duas sequentes Patrum rationes vide Meyerum, Casaubonum, Bingham, qui plura adducunt loca. Casaubonus, postquam primam illam Patrum rationem sacra occultandi adduxisset & testimonio Cyrilli confirmasset, ita ait : Et verissime hoc dicit Cyrillus : nam quis a fide alienus paganus, aut Catechumenus in fide nondum confirmatus, mysterium nostræ per aquam regenerationis, aut manducationis carnis Christi in Cœna Domini, sine scandalo aut risu audiat ? ita passim in hac Exercitatione XVI. veterum consuetudinem laudat. Nemo qui ingenium Casauboni perspectum habet, atque novit, quibus summaxime Literis per omnem fere vitam vacaverit, mirabitur, eum ita judicasse. Talia ingenia, cum de disciplinis Philosophicis & Theologicis sermo est, ut plurimum cœcitant. Ne quis putet, me audacius quam par est de Casaubono judicium ferre, testem adducam fide dignum, Eruditissimum, quique Casaubonum magni fecerat. Is est J. Clericus, qui Bibl. choisie Tomo XIX. pag. 228. de Exercitationibus illius contra Baronium agit, & postquam opus illud plenum Eruditione esse dixisset, hæc inter alia addit : Mais il y a trois choses qui ont fait dire, que Casaubon avoit entrepris un Ouvrage au depuis de ses forces, en voulant refuter Baronius. La premiere est, qu'il n'avoit pas assez medité les premiers principes de la Theologie, entre lesquels est par exemple celui-ci, qu'il ne faut rien proposer comme de foi, que ce, qui est en termes exprés dans l'Ecriture Sainte, ou qu'on en peut tirer par une consequence necessaire. - Je dirai seulement à l'égard de la premiere, qu'on n'a qu'à lire l'Article XLII. de l'Exercitation XVI. où Casaubon montre, que les Peres par une pieuse condescendance, comme il dit, avoient appellé l'Eucharistie un Mystere, & avoient établis diverses Ceremonies, qui y ont eu rapport, conformes à celles des Payens dans leurs Mysteres. Casaubon trouve tout cela fort bon, au-lieu qu'il l'auroit dû blâmer. Un bon Theologien Protestant ne reconnoitra jamais qu'il soit bien, de donner des noms tirez de la Religion Payenne aux Ceremonies du Christianisme, de les innuer dans leurs rites, de raisonner là-dessus, comme si l'on pouvoit tirer des consequences d'expressions Payennes inconnues, à cet égard, aux Apôtres : & enfin se former des idées de ce qui regarde l'Eucharistie conformément à ces manieres de parler. On ne peut changer les noms de choses en matieres de Religion, sans beaucoup hazarder : parce qu'avec ces nouveaux noms, on introduit des nouvelles idées, comme il est arrivé sur la matiere de l'Eucharistie. Casaubon lui-même ne croyoit une sorte de presence réelle, que parce qu'il avoit la tête échauffée de ces expressions des Peres, qui ne sont point justes, & qui n'ont aucun fondement dans la premiere institution.

ratu constare. Et quid habet tandem Baptismus & S. Cœna, quod homines offendere possit? non hic pudenda Sacra, ineptæ & ridiculæ ceremoniæ, quæ apud Gentiles locum habebant, atque a sapientibus explodebantur. Cuncta, uti ex *Iustino M.* supra audivimus, mira simplicitate peragebantur. Quod si tamen Patres illi existimarent, Paganos & Catechumenos, eo quod naturam Sacramentorum minus recte perciperent, abjecte de his Mylteriis sensuros esse, tantum aberat, ut obscure de his loqui aut plane tacere debuissent, ut potius horum rituum naturam atque finem simplicissimis verbis explanare debuissent. Pagani & Catechumeni non erant Infantes, quos crepundia, & pupulæ delectant, sed Viri rationis capaces. Facile igitur, si serio animum ad Religionis Christianæ professionem adjunxerunt, edoceri potuissent, quis sit finis atque natura rituum in sacris adhibitorum. Inter prima Religionis Christianæ Capita, quæ tradenda iis erant, sine dubio hoc erat: Jesum Christum verum esse Messiam, eumque in gratiam generis humani ea omnia fecisse & perpeffum esse, quæ in Sacris Literis traduntur. Dudum autem monuit *Paulus*, quantopere Paganorum & Judæorum aures mentesque audito hoc Christianorum dogmate offenderentur; non impedivit tamen ille contentus neque *Paulum*, neque alios sanctissimæ disciplinæ alumnos, quominus publice & privatim, ringentibus licet veritatis hostibus, saluberrima hæc præcepta ingeminarent. *Christus* ipse, sapientissimus sine dubio Doctor, omnibus veritatis cupidis, & cœlestis sapientiæ amore incensis, sine ambagibus, multorumque rituum adparatu, ad divina decreta audienda aditum concessit. Longe aliter Patres nostri; obscure illi loquuntur data opera, eaque sacro involvunt silentio, quæ clare, perspicue, publice & privatim fuissent edocenda, explicanda, ingenda; quam sapienter, judicent æqui rerum arbitri. At *sublimitas* Mysteriorum, inquit Patrum inepti admiratores, eos absterrere debuit, quo minus perspicue de hoc argumento loquerentur. Utinam Doctores in eo sibi constitissent! Utinam nunquam, quæ ignorarunt, explicare tentavissent! at notiora sunt eheu! quæ de hoc argumento minus caute ab antiquis dicta sunt, quam ut vobis A. referam. Primis post Christum natum Seculis, quarto cumprimis, in publicis disputationibus de æterna Filii generatione, ejus natura atque *ἐνσωματωσις* ratione, prolixissime disseruerunt Patres, atque intelligendo sæpe effecerunt, ut nihil intelligas. Quicquid ratio & Philosophia auxilii adferre poterat, ad sublimia hæc & prorsus ἀρρήτα Mysteria expli-



explicanda, id in medium protulerunt Christiani Doctores. Ipse *Alexander*, Alexandriae Episcopus, teste *Socrate*, de tremendo hoc *Mysterio* φιλοτιμωστέον ratiocinans, infaustissimorum certaminum, quæ per universum Orientem & Occidentem diffundebantur, causa extitit; ut de aliis Scriptoribus antiquis nil dicam. Quod si igitur existimarunt, Mysteria illa omnem rationem supergredi, caute & circumspēcte loqui debuissent non tantum in institutionibus, & sermonibus ad populum habendis, sed & in Scriptis publicis. At aliud est prudenter & circumspēcte loqui, aliud prorsus silere; aliud fateri, nos naturam alicujus rei rite cognoscere non posse; aliud data opera rem sua natura captu difficilem obscuris vocibus exprimere. Prius si fecissent, causa non erat, cur extimescerent non initiatorum contemptum. Qui Religioni Christianæ nomen dare volebant, aut erant Viri *prudentes*, & præceptionum, quibus constat Disciplina Christi, *gnari*, aut *Illiterati* prorsus atque *rudes* eorum, quæ inter Christianos docebantur. Quod ad *priores* attinet, dubium non est, quin perspicua Religionis Christianæ explicatione edoceri potuissent, nihil in Sacris Christianorum ritibus atque decretis esse, quod a Viro sapiente admitti non posset. Certe, si Doctores illi veritatem Religionis Christianæ ea ratione probassent, qua id a Doctissimis ætatis nostræ Viris factum est, facile viros illos sapientes eo adducere potuissent, ut quædam admitterent, quæ ingenio humano perspicue satis explicari non possunt, partim quod omnium Philosophorum confessione cognitio de natura & proprietatibus divinis arctissimis sit circumscripta limitibus; partim quod doctrina de tribus principiis inter celeberrimas dissentientium ejus ætatis familias erat notissima, publiceque recepta. Demonstrata divina origine Religionis Christianæ, facillimum erat ostendere, cur sanctissimus noster Soter memoriam mortis suæ certis symbolis repræsentari voluerit. Uno verbo, aut dicendum, Religionem Christianam omnibus rectæ rationis decretis refragari, aut non: prius cum communi consensu negarent Christiani Doctores, causa plane non erat, cur cognitioni Virorum sapientum ad Religionis Christianæ confessionem animos adjicientium explicationem Mysteriorum subtraherent. Quoad *rudes* vero, & disciplinæ sanctissimæ *ignaros*, dubium non est, quin prudenti opus fuerit institutione. Edocendi sine dubio erant publice & privatim prima Religionis Christianæ Elementa, atque sensim sensimque ad altiora fuerat progrediendum; at obscuritas verborum, exclusio a Sacris, hoc efficere certe non poterat.



*Secunda*, quam Patres adducebant, ratio hæc erat : *Ut in animis hominum Reverentiam erga Myſteria Religionis excitarent.* Ita Baſilius de Spiritu S. Cap. XXVII. ait : *Myſteriorum veneratio ſilentio conſervatur.* Auguſtinus Serm. I. inter XL. editos a Sirmondo ait : *Non mirari debetis fratres Chariffimi, quod inter ipſa Myſteria de Myſteriis nihil diximus, quod non ſtatim ea que tradidimus interpretati ſumus, adhibuimus enim tam ſanctis rebus atque divinis bonorem ſilentii.* Hæc ratio ejusdem ponderis eſt, qua prior. Hactenus ego pro mea ſimplicitate exiſtumavi, eum demum alicujus rei *veneratione tacitum iri*, qui illius naturam atque ſingularem præſtantiam cognitam atque perfectam habet ; at ſi Patribus credendum, contrarium plane verum eſt. Hi ut admirationem in animis hominum excitent, non ſolum profundo rem cognoscendam involvunt ſilentio, ſed & data opera iis utuntur vocibus, quæ notiſſimam rerum graviſſimarum impediunt. Mira hæc & inſolita vel potius inepta agendi ratio. Ob ſublimitatem, ajunt Doctores noſtri Myſteriorum, nihil de Myſteriis coram initiatis loquimur ; at hæc ipſa ratio, hoc ipſum ſilentium venerationem & admirationem in animis horum hominum excitare debet. Plane hic Doctores Chriſtiani *Gentiles* imitantur, penes quos, teſte Demetrio Phalereo, τὰ μύſτερα ἐν ἀδηγορίαις λαγεται πρὸς ἐκπληξιν καὶ φρίκην ὡς περ ἐν αἰδύτω καὶ νύκτι. i. e. *Myſteria allegoriis exprimuntur ad terrorem & horrorem tanquam in adyto & nocte*, & judice Tacito in *Agricola* Cap. XXX. *Omne ignotum pro Magnifico eſt.* Hos ipſos tamen acerbè Chriſtiani perſtrinxerunt propter Arcana, non ſolum quod ſœda eſſent & ab honeſtate aliena, ſed & quod ineptum eſſet celare id, quod tantopere extollas. Dubium non eſt, quin hæc ratione multos nondum initiatorum in eam adduxerint ſententiam, ut crediderint, res obſcuras neque magni momenti tantopere tegi ; intereſſe Doctorem illorum, ne in plana hæc Myſteria collocarentur luce, alias omnibus promiſcue explicaturos. Certe non ita Chriſtus, non ita Apoſtoli ratiocinabantur ; diſerte, rotunde, clare, ſed modeſte tamen & prudenter, de rebus hiſce graviſſimis locuti ſunt.

Sequitur *tertia*, & ultima ratio. Nimirum *ut Myſteria hæc cognoscendi deſiderium in Catechumenis tanto magis acueretur.* Si Catechumenis (inquit) Auguſtinus Homil. 96. in Jobannem, *Sacramenta fidelium non produntur, non ideo ſit, quod ea ſerre non poſſint, ſed ut tanto ardentius ab iis concupiſcantur, quanto eis honorabilius occultantur.* Hæc ratio Auguſtini contraria eſt Canonis inter omnes recepto : ignoti nulla

Bbbbbb

cupi-

*cupido.* Nemo sane unquam aliquo ingenii conatu animum discendæ alicui arti vel disciplinæ adjunget, quæ prorsus illi est ignota. Solent hoc quotidie optimarum artium & disciplinarum Doctores experiri. Appetitus & desiderium demum rei notitiam consequitur. Impossibile igitur fuit, ut homo a Religionis Christianæ professione alienus, singulari desiderio cognoscendæ veritatis tangeretur, si Doctores ipsi pedibus manibusque obnisi sunt, quominus indolem atque naturam tantarum rerum cognoscerent. Aliud est, si de lapsis sermo sit, qui dudum cœlestium præceptionum participes facti, ob gravissima peccata tamen indigni habiti, quibus sanctissima doctrina, turpiter neglecta, imo pedibus conculcata, clarius ingereretur.

Atque hæc præcipue sunt rationes, quas Veteres adduxerunt ad Disciplinam illam Arcani commendandam & usurpandam. Utrum vobis graves & ponderosæ videantur, ego quidem nescio. Mihi, ut mollissime dicam quod sentio, non solum a ratione alienæ esse videntur, sed & tantorum Virorum personis indignæ. Rationes cur ita sentiam in medium produxi. At plura sunt, quæ disciplinæ illi opponi possunt.

Et primo quidem manifestum est, allegoricas illas & obscuras voces, quibus usi sunt veteres de S. Cœna loquentes, portentosum tandem illud *Transsubstantiationis* dogma, in Religionis Christianæ opprobrium, peperisse, atque effecisse, ut quod sua natura aptum esset, vivam aliquam & admirabilem mortis Christi imaginem in animis hominum excitare, in scenicum & ludricum degeneraverit actum. Hinc Viri Doctissimi & in Antiq. Ecclesiastica versatissimi, de *obscuritate Patrum* circa hoc argumentum conquesti sunt (\*). Quam rectius fecit.

- (\*) Cl. Dollæus, Vir si quisquam alius in Scriptis Patrum versatus, in aureo libello de Usu Patrum, Lib. 1. Cap. 5. inter alia hæc ait: Cum ergo tum in hoc argumento, tum in aliis, ipsis propositum fuerit, mentem suam caligine quadam veluti involvere, non debet mirum videri, si quæ scripserant sæpe sint obscura, & (quod obscuritatem consequitur) si aliquando secum ipsi pugnare videantur. Mitto aliorum Virorum doctissimorum inter nostros, ut Claudii, Albertini, Basnagii, Pfaffii, querelas. Hinc sæpe dubitavi, utrum præstantissimi inter Protestantés Viri operæ pretium fecerint, quod tanto labore & studio de opinionibus Patrum circa Cœnam Domini investigandis fuerint solliciti. Nemo ignorat labores Claudii adversus Arnaldum, aliosque. Cum principium credendorum Protestantés dicant esse Verbum Dei, quid lucrantur tandem, postquam immenso labore ex obscurissimis Patrum de hoc argumento locutionibus probarunt, eos Transsubstantiationem non credidisse? hoc unum nempe: constantem Traditionem deesse Ecclesiæ R. Doctores. Cum autem evidentissime demonstrari possit, Transsubstantiationem non solum S. Literis, sed & rationi & sensibus contra-

riam

fecissent optimi Viri, si perspicue mentem suam explicuissent, atque mysteria non fecissent ubi nulla erant, ea vero quæ omnium confessione talia sunt, obscuris terminis non obfuscaissent!

*Secundo:* fieri hac ratione aliter non potuit, quam ut paucissimi veram aliquam atque genuinam Sacramentorum indolem atque naturam perceiverint. Cum de *Baptismo* & *S. Cæna* loquuntur Patres, aut data opera minus perspicue locuti sunt, aut iis utuntur vocibus, quibus non possis non *maiores vim* tribuere his symbolis, quam rei veritas admittit. Atque hæc etiam inter alia causa fuit, quod quidam Baptismum ad vitæ usque finem protraxerint (\*); quod multi in cærimoniarum illarum usu adqueverint, atque exstimarint, si modo Symbolis illis tandem frui possent, de salutis certo consequendæ spe dubitari vix posse (\*\*). Denique, ut alia mittam, per hanc *Arcaam Disciplinam ambitio, dominandique libido*, quæ quarto jam Seculo altas in plorumque Episcoporum animis radices egerat, magis magisque fuit *aucta*. Cum enim illi Sacramentorum vim atque efficaciam supra modum extollerent, atque sine eorum participatione omnem spem salutis decollasse adferrent; sibi autem solis ea dispensandi potestatem vendicarent, palam est, multos in eam sententiam concessisse, Sacrorum Ministros propiore Numinis consortio frui, illosque, ita volente Deo, de salute hominum pro lubitu disponere. Quam vera sint, quæ dico, eventus cheu! fatis docuit.

Ex quibus facile, Auditores, colligere potestis, utrum hæc *Arcaam Disciplina* nostra ætate in *usum sit revocanda nec ne*. Alienissimum hoc mihi videtur a Seculo quo vivimus. In eam enim incidimus ætatem, qua homines non obscuris verbis sibi imponi patiuntur, sed rationes desiderant. Disciplinæ Philosophicæ & Theologicæ, obscurita-

Bbbbbb 2

ti

riam esse, imo manifestissimam esse contradictionem, quid refert tandem nostra, utrum hic vel ille Ecclesiæ Pater obscure vel clare de hoc argumento locutus sit? Si inde a Iustini M. vel Iguatii temporibus ad ætatem usque Bernhadi omnes Patres credidissent, dari circulum quadratum, credere id tamen, si vel maxime vellem, non possem; non magis possibile est credere Transubstantiationem. Non invideo autem labori Doctissimorum Virorum, qui antiquissimorum Ecclesiæ Patrum de hoc argumento cogitata in lucem protulerunt; at tutior via est, si ad rectæ rationis decreta & Revelationem recurras. Fruatur autem quisque suo iudicio.

(\*) Vide Bingham. Orig. Eccles. Librum XI. *Arnold Abbildung der ersten Christen*, Lib. II, cap. 14.

(\*\*) Vide quid Julianus Imperator apud Cyrillum Lib. VII, pag. 245 edit. Spanhemii, & ad finem libelli, cui titulus: *Cæsares*, de hoc argumento dixerit; quamvis enim veritati aliquando calumnias adjecerit, dubium non est, quin abusus cum ad ita loquendum induxerit.

ti & examinis fugæ inimicissimæ , florent. Ridentur Pontificii Doctores & qui eorum vitula arant , quando in causis Religionem spectantibus ad Auctoritatem , vel sacrum silentium provocant. Religio Christiana nunquam tam egregie fuit demonstrata , tam fortiter defensorata , quam nostra ætate. Lucem amant omnes , quotquot vera disciplinarum pretia norunt ; non extimescimus incredulorum vel cachinnos , vel ratiocinationes. Quem in *finem* ergo introduceretur hæc *Arcani Disciplina* ? Quo jure possumus sperare , homines ingenuos , & amore veri tactos , sacro silentio ab erroribus revocatum iri ? Verbo : vel hæc *Arcani Disciplina* adhibenda esset erga homines *luce Revelationis destitutos* , vel erga *Deistas & Revelationis hostes* , vel denique erga *Catechumenos* inter Christianos natos , id est juventutem. Quod attinet *Paganos* *luce Revelationis destitutos* , quos certatim Christiani ad Religionis Christianæ professionem adducere volunt , dubium non est , quin ante omnia , si nondum cognoscant , prima Religionis Naturalis Capita edocenda sint. At si hoc sciunt , num Christiani sunt ? minime , inquis. Ergo ego inquam , probanda est illis Veritas atque divina Origo Religionis Christianæ ; provocandum ad miracula Christi ejusque resurrectionem ; probandum , eum cœlitus missum ad generis humani salutem promovendam ; atque ita , velis nolis , de Religionis Christianæ Decretis est agendum. Sed non intelligunt hæc Mysteria , inquis. At forte illi , qui ad homines illos ignorantia tenebris immerfos mittuntur , sæpe artem recte cogitandi & ratiocinandi ignorant ; forte non eo ordine , quo opportheret , in docendo progrediuntur ; forte Mysteria faciunt ubi nulla sunt , aut ubi talia sunt , luci tenebras offundunt ; vel denique explicare volunt , quæ nulla arte & ingenio satis definiri possunt. Quicquid sit , id quod a Christo traditum est , utut difficile captu , tacendum non est ; nostrum est facere quod possumus. Aut enim Homo ille *acri ingenio est instructus aut non*. Si *prius* , innumeris Exemplis rerum ad Religionem non spectantium eum edocebis , multa imperfecte cognosci , paucissimaque esse , quorum perfectas rationes reddere possint mortales ; sufficere , si ostendatur , Mysteria hæc neque inepta , neque rationi plane contraria esse. Et quomodo tandem Decreta hæc silentio præteriri possent , si singula examinare teneretur Paganus ? Si vero *stupidus* sit ille homo , nihil aliud facere possis , quam ut intelligat , quantum ingenium ejus capere potest.

Quod si Te cum hac *Arcani Disciplina* ad *Deistas* convertes , frustra

frustra eris, & a turba illa repudiaberis. Homines illi (de Literatis loquimur:) omnes ingenii nervos intendunt, ut probent, nulla plane opus esse Revelatione; Religionem Christianam vel eo nomine repellunt, quod ea Mysteriis plena sit. Hæc impugnant quantum possunt. Quid Christiani diversissimarum Sectarum sentiant, pulchre callent. Quod si igitur cum hisce hominibus congregiendum est, certe neque obscure loquendum, neque examen superfugiendum. Si centies clamites, *Arcana* hæc esse, frustra eris; probabis, hæc Mysteria non solum quantum satis est cognosci posse, sed & debere; probabis, ea rectæ rationis principiis non solum non esse contraria, sed Deo digna; probabis, nihil a Deistis, maximisque ingeniis, pro vero haberi, quod variis difficultatibus obnoxium non sit. Descendes cum iis in Philosophiam, multorumque Exemplorum inductione probabis, quam difficile sit, posita etiam propositionis alicujus veritate, modum atque naturam rerum definire; docebis denique, nihil a Religionis Christianæ Auctore credendum imponi, quod Viro sapiente, & ingenuo indignum sit (\*). Quod si hac ratione nihil profeceris, parum te juvabit *Arcani Disciplina*.

Bbbbbb ;

Quod

- (\*) Eruditissimi ætatis nostræ Viri, qui Veritatem Religionis Christianæ demonstrarunt, perspicue satis hoc ostenderunt. Cum autem quæ hic dicenda sunt, in summam redegerit Excellentissimus Genevensium Theologus J. A. Turretianus in Tractatu de Veritate Relig. Christi. ea in gratiam Theologiæ Studioforum, non Eruditorum, heic describam. Extant ea Tom. II. versionis Gallicæ, factæ per Doctissimum & Amicissimum Vernetum, Ecclesiæ Genevensis Ministrum V. D. præstantissimum; ita autem loquitur Eximius Vir pag. 58. seq. Et combien n'y a-t-il de pareilles obscurités, soit dans la Nature soit dans l'Histoire, & même dans toutes les Sciences? Un Physicien trouve à chaque pas de quoi l'arrêter. Comment la lumière arrive-t-elle jusqu'à nous? Comment les rayons se modifient-ils pour prendre tant de couleurs différentes? Comment se croisent-ils en tout sens, sans se confondre? D'où vient la pesanteur? Qu'est ce qui fait la solidité de la matière? Qu'elle est la force secrète qui meut les corps? Comment est ce que le mouvement se communique? Par quel nœud secret l'ame est elle unie au corps? Comment les objets du dehors peuvent-ils agir sur l'esprit? Et d'où vient que ma volonté a le pouvoir de demander à mon bras sans connoître les ressorts qu'il faut remuer pour cela? La Geometrie elle-même a des profondeurs impénétrables; ne fussent ce que celles qui naissent de la divisiibilité de la matière à l'infini? Il y a aussi des faits très-certains dans l'Histoire, qui ne laissent pas d'être des enigmes, quand on en ignore certaines circonstances. Les choses les plus communes qui se rencontrent sur notre chemin, dit M. Locke, ont des cotés obscurs, où la vue la plus pénétrante ne sauroit se faire jour &c. Et la Theologie Naturelle, dont les Deistes semblent faire leur fort, est-elle exemte de difficultés? Conçoit-on facilement, quel est le passage du Néant à l'Être? Comment Dieu crée quelque chose par sa seule volonté? Comment est-ce qu'étant spirituel il peut agir sur la matière? Comment il est présent partout

sans

Quod denique ad pueros, quos *Catechumenos* appellare possis, attinet, nemo dubitat, quin prudenti atque circumspēcta Institutione opus sit. Utinam multi essent, qui nossent, qua ratione Religionis Christianæ præceptiones facillime animis puerorum essent instillandæ, quod difficilius est quam vulgo putatur. At quicquid de hoc sit, perspēcta ingenii capacitate, sensim & per gradus in adyaa Religionis Christianæ sunt inducendi, atque aduēsaciendi, ut quid credant sciant, rationesque non solum dare possint, cur his vel illis capitibus adsentiantur, sed &, ut utilitatem Religionis & videant & sentiant. Certe hæc methodus cum Catechumenis agendi ingenio ipsorum & naturæ rerum magis erit temperata, quam Patrum Veteris Ecclesiæ, ad silentium & terminorum obscuritatem confugientium.

Atque sic A. P. vobis naturam, indolem atque originem Disciplinæ Arcani a Veteribus usurpatæ, quantum per tempus licuit, explicuimus; causas a Patribus adductas expendimus, atque probauimus, nullas esse rationes sat graves, cur hæc consuetudo denuo in usum revocaretur; possemus igitur heic Orationi nostræ finem imponere. At duo prius mihi facienda esse perspicio. *Unum* est, ut speciosæ alicui occurrā objectioni. *Alterum*, ut optimarum Literarum Studiosos breuiter edoceam, qua ratione facillime, neglectis etiam regulis quas Disciplinæ Arcani Auctores commendarunt, incredulis atque veritatis hostibus os obthurare possint.

*Primum* quod attinet, facile prævideo non defuturos qui dicant, me magno conatu magnas egisse nugas, quod non solum consuetudinem Veteris Ecclesiæ circa Disciplinam Arcani delineauerim, sed & probare aggressus fuerim, eam denuo in usum non esse revocandam, cum me ipso confitente jamdiu fuerit abolita, neque quisquam Christianorum cultibus eam commendare in animum induxerit. Meum igitur est ostendere, non prorsus usu destitui, quæ de hoc argumento in medium protuli. Ut autem hoc ostendam, non retor-  
quebo

sans occuper un espace ? Comment il peut prévoir la détermination d'un Être libre ? Et l'idée de l'Éternité de combien d'abîmes n'est-elle pas environnée ? Cependant on passe par-dessus ces difficultés, & il le faut bien, parce que dès qu'on voit clairement qu'une chose doit être, on ne s'embarasse pas d'en comprendre la manière. La vue de l'esprit a une Sphere bornée &c. Inde conclut tandem disant : Puis donc que la Nature est pleine de Mythes, puisque toutes les sciences ont leurs énigmes, s'étonnera-t-on que la Théologie Chrétienne ait les siens ? Et au milieu des obscurités qui nous environnent, trouvera-t-on étrange, que la Revelation dise quelque chose de l'Essence divine qui passe nos conceptions ? Il seroit bien plus étonnant que tout fût facile & de plaisir dans un sujet si mysterieux & si sublime.

quebo argumentum ostendendo, multa a Doctissimis Viris, *Theologis*, *Philosophis*, *Juris*, *Historicis*, *Criticis*, prolixè sapissime excuti, quæ cum insigni in Ecclesiam & Rempublicam usu conjuncta non sunt; nec probabo etiam maximi interesse, cognoscere hoc argumentum, quod *Doctissimi* inter hodiernos *Ecclesiæ Romanæ Scriptores*, traditiones suas exculaturi, ad hanc *Disciplinam Arcani*, tanquam ad sacram quandam ancoram confugiant (\*). Sed uno alterove exemplo docebo, quod, licet hæc *Disciplina Arcani* mature in Ecclesia Occidentali fuerit abolita, nihilominus tamen inter Christianos, inde a teempore Reformationis, ad nostram usque ætatem, talia fuerint publice adferta atque tradita, quæ a Disciplina quadam Arcani non multum abhorreant, neque adeo minorem censuram mereantur, quam consuetudo antiquis Ecclesiæ Doctores recepta. Nihil dicam de Ecclesiæ Rom. Doctoribus, qui Examen Religionis Christianis severissime prohibent, atque omnes ingenii & eloquentiæ nervos intendunt, ut probent, Examen Religionis cuivis concessum infinita post se trahere mala; non repetam, eosdem Doctores, in tanta Literarum luce, monstrosum & ridiculum Transsubstantiationis Dogma quibusvis artibus defendere. De nostris, id est Protestantium, liceat hac voce uti, cæteribus aliquid dicam. Si quidquam perspicue in Sacris traditum, & rationi conforme dici potest, is sensus certe est, quem *Reformati* verbis institutionis Sacræ Coenæ tribuere solent. Hæc ipsa explicatio vivam Religionis Christianæ imaginem refert, omniaque complectitur, quæ animum ad amorem sanctissimi nostri Soteris inflammare possunt. Hoc ipsum tamen sacrum Symbolum, quod ad pacem inter Christianos alendam unice datum fuit, infaustissimarum litium causa extitit, ob hanc præcipue causam, quod Fratres quidam, clarissimum & manifestissimum sensum negligentes, Mysterium quæsierint, ubi nullum est. *Magnus Lutherus* institutionis Christi verbis pertinaciter inhærens, non vidit, se hac ratione ex simplici ritu eruere propositionem, quæ ne intelligi

(\*) Singularem de hoc argumento scripsit Dissertat. Emanuel a Schellstraten, Vir in Antiquitatibus Ecclesiasticis probe versatus, quem secutus est A. Pagi in Critica in Baronium, alique plurimi Eccl. R. Doctores, ad ineptissimas traditiones defendendas; nuper demum is, qui cum Cl. Vernetto congressus est, Doctor Sorbonicus pag. 71. eadem usus est arte. Quam incerta, imo nullo fundamento nixa sit hæc disputanti ratio, pluribus ostendi posset; ut vide in compendio Bingham. Antiq. Eccl. Lib. X. & Plaffium Dissertat. de præjud. Theolog. pag. 163. seq.

quidem, nedum a Doctissimis Viris explicari potest (\*). Huic tamen *Beati Viri* explicationi etiamnum inhærent Fratres in Christo charissimi, atque inter alia etiam hanc causam esse volunt, cur minus in unum coalescamus cœtum. Annon hoc est *Speciem Disciplinæ Arcani in Ecclesiam reducere*? Huc pertinent omnes illi, qui pio quidem studio incitati dissidentes fratres componere volunt, sed ad id obtinendum *obscuris & æquivocis* utuntur vocibus, ita ut utraque pars sensum quem quærit, extundere possit. Inter eos eminuit Vir alias de *Cœtu Protestantium meritissimus M. Bucerus*, qui incredibili studio atque labore, excogitatis dubii sensus de verbis Institutionis S. Cœnæ formulis, dissensum tollere volens, non solum multa agendo nihil perfecit, sed & utrique parti displicuit. *Beatus Zwinglius* diserte atque rotunde de hoc argumento locutus est, laudatus ob hoc ab ipso *Bossueto, Episcopo Meldensi*, sacris Reformatorum infensissimo (\*\*). Utinam omnes, qui ab Ecclesia Romana secessionem fecerunt, Magnum hunc Virum fuissent secuti. Verum est, inhæret Reformata Ecclesia explicationi, quam præstantissimus ille Vir, vel, ut rectius dicam, sanctissimus idemque infallibilis Doctor J. C. noster præscripsit. At sunt tamen eheu! inter Nostros, qui manifestissimum verborum Christi sensum, si non data opera, ignorantia tamen, vel potius nescio cujus sapientiæ & pietatis specie obscurare solent. Atque huc refero omnes eos, qui circa hoc argumentum versantes tot metaphoricis & æquivocis vocibus utuntur, ut vix a plebe, nisi meliora edocta, intelligi possint. Dantur *Concionatores*, qui se tum demum rite suo officio defunctos esse putant, si (quod Auctores Disciplinæ Arcani fecisse audivimus) omnia Emblemata, figuras omnes in unum congerant, existimantes se tum omnes Viri Eruditi & Eloquentis numeros implevisse.

At

(\*) Vide quæ inter Celeberrimos Viros, Plassium & Turretinum, occasione quæstionis utrum *ἀφύστα* credi possint, dicta sunt. Certe Consubstantiationem ita explicari posse, ut a Viro sapiente intelligatur, impossibile est. Cf. Plassius in Dissertat. de influxu Dogmatis Reformatorum de S. Cœna in Praxin fidei & pietatis. pag. 17. ita se explicat: Scilicet substantiam corporis Christi in Eucharistia non naturali nec carnali & crasso, sed symbolico, sed divino, sed cœlesti modo præsentem spiritualiter accipimus, (qui modus manducationis est a formula Concordiæ determinatus:) sed ore tamen corporis accipimus, (quod manducationis organum est:) quoniam ore corporis panem accipimus, quo mediante substantiam corporis Christi sacramentaliter spiritualiterque manducamus. Fateor me hanc interpretationem omni adhibita mentis acie intelligere non posse. Nescio quid sit, substantiam corporis Christi spiritualiter edere.

(\*\*) Vide *Histoire des Variations des Eglises Protestantes*, Tom. I. Lib. III. pag. 100. seq.



At ita rem simplicissimam mentibus parum acutis subtrahunt ; ita impediunt, quo minus id quod admirabile & *Θεῖον* est in hac optimi Soteris institutione homines cernant ; ita efficiunt, ut plus ritibus ipsis & symbolis concedant, quam rei natura patitur, atque multi etiam nescio quam præsentiam corporis Christi formient. Atque hæc consuetudo adeo inolevit, ut passim libelli ad institutionem plebis facti, Cantica item sacra, metaphoricis vocabulis sint referti. Præclare de *Pientissimo* ac *Doctissimo Theologo*, *Drelincourtio* sentio ; at doleo, præstantissimum Virum in libellis, quos de recto S. Cœnæ usu scripsit, quibusve Ecclesia nostra communiter utitur, tot Emblematicis atque figuratis locutionibus esse usum. Vix rudes, nisi aliunde de vero sensu, fine, & natura S. Cœnæ sint edocti, eum multis in locis intelligere poterunt. At hoc malum ex alio fonte latissime sese diffundente promanavit ; nimirum hæc differendi ratio ex falsa quadam *Eloquentiæ Sacre* opinione orta est. Sunt multi, qui eum demum *eruditum* & *pium Oratorem* esse putant, qui innumeris flosculis, Meteoris, Metaphoris, Figuris & Emblematicis Auditorum sensus demulcere, & quicquid ingenium atque facultas imaginatrix *elatum*, mirum, atque sublime excogitare potest, in medium proferat. Hinc vix ulla est creatura in coelo & in terra, vix ullum instrumentum usibus humani generis aptatum, quod solertiæ talium Oratorum non pateat : habemus spirituales stellas, soles, planetas ; spirituales nares, pedes, oculos, spirituales ædes, spiritualia horologia, & quid non ? Plana, perspicua, & argumentis suffulta oratio plerisque sordet ; unde & Doctissimorum inter Modernos *Anglorum & Gallorum*, qui aliam plane viam ingrediuntur, Orationes fastidiunt, neque legere dignantur, quia, ut loqui solent, *unctionem* in illis non deprehendunt ; qui tamen, si perspicuis verbis dicere tenerentur, quid *unctionis* illius nomine intelligerent, vix prudentioribus credo, satisfacere possent. Cum autem quidam e vulgo, ad verborum tinnitum, non sensum rerum attendentes, hos Oratores admirentur, atque existiment, ex his flosculis eorum pietatem & eruditionem eminere, mirum non est, si sibi plaudant, atque quo semel coeperunt pede pergant. Memini hac occasione, quid in *Illustris Burneti*, *Episcopi Salisburiensis*, *Theologi non solum perspicacissimi, sed & de universo cœtu Protestantium qua patet meritisissimi*, Commentariis rerum suo tempore gestarum legerim. *Illustris* hic *Episcopus* narrat, tempore *Caroli II. Regis Angliæ* plerosque Oratores Sacros prolixis explicationibus, controversiis, citationibus Patrum

& locorum e Scriptoribus Græcis petitorum inhiasse, atque sublimitatem styli, antitheses, & vanum sermonis strepitum confectatos esse. Ut huic malo occurrerent, Viros *Auctoritate, Eruditione*, atque *Pietate Eminentissimos*, *Morum, Worthington, Stillingfleetum, Tillotsonum, Loydium, Patrick, Wilkinsum*, in unum coivisse, atque de emendanda Eloquentia Sacra non solum consilium cepisse, sed & suo exemplo edocuisse, qua ratione cum ratione & fructu sacra hæc exercitia instituenda sint. Maximorum horum Virorum exemplo factum esse testatur *Illustris Burnet*, ut Eloquentia Sacra aliam plane acceperit formam, & quod prudentissimus quisque eam sibi imitandam existimaverit (\*). Qui unquam Doctissimorum inter Modernos Anglorum, quos & Galli secuti sunt, Orationes legit, facile de utilitate hujus consilii judicare poterit. Utinam hanc viam Nostrorum multi ingrederentur! methodus est facillima. At hæc ab alio, quam me male parvo, dici malo.

Auctores *Discipline Arcani* (ut pergam) de Mysteriis in cœtu coram initiatis aut plane verba non faciebant, aut obscuris utebantur data opera vocibus, in quo eos vituperandos esse supra diximus. Quanquam autem cœtus Protestantium hanc Veterum Disciplinam minime approbet, dupliciter tamen circa hoc argumentum peccari, res in Cœtu Christianorum gestæ docent. Nimirum sæpissime factum est, ut res, quæ ingenio humano explicari non possunt, quasque nos ignorare voluit Optimus & Sapientissimus Deus, arreptis tamen hinc inde similitudinibus, & excogitatis novis vocibus, quidam in plena luce collocare voluerint, quo tamen non solum veritas fuit obscurata, sed & cavillis incredulorum objecta. Quid circa doctrinam de S. Trinitate actum fuerit, & adhuc dum, in *Anglia* præsertim, agitur, Historiæ Ecclesiasticæ peritis notissimum est. Quidam *Eruditus Anglus* sex diversas in medium adducit Mysterium S. Trinitatis explicandi rationes, ab Ecclesiæ Anglicanæ Doctioribus excogitatas (\*\*). Nemo non, qui unquam serio de hoc argumento cogitavit, vel me tacente intelliget, quam perniciosæ sint illæ, quamvis ingeniosæ, distinctiones. Quam bene ageretur cum rebus Christianorum, si nonnisi ex Scriptura homines saperent, ejus decretis unice insisterent, atque imbecillitatis suæ memores essent? Ab altera parte sunt qui Disciplinam

(\*) Vide *Illustris hujus Viri Histoire des dernières Revolutions d'Angleterre*, Tom. I. pag. 202. edit. in 4. confer eundem pag. 620. ad annum 1684.

(\*\*) Vide *Collini Discours sur la liberté de penser*. pag. 94. seq. conferantur, quæ nuperime a Doctissimis Viris, *Maty*, & de la *Chapelle*, disputata sunt.

nam illam Arcani, non solum circa quosdam saltem Articulos; sed universam Religionem revocatam vellent; qua ratione id fiat dicam. Inter principia Protestantium primaria hoc est: Cujusvis hominis, cum primis autem Doctoris publici, officium esse, sacras legere literas; cunctaque examini submittere. Hoc principio innixi fuerant *Reformatores nostri*, Viri Religiosissimi, in suis adversus Ecclesiæ Romanæ Doctores Disputationibus atque publicis scriptis. Nunquamne autem factum esse legimus vel audivimus, ut quoties Viri veritatis amantissimi & modestissimi, veritatis inveniendæ studio incensi, in levissimis etiam a receptis opinionibus deslexerunt, pessime fuerint habiti? An nunquam audivimus, dari in cœtu Protestantium genus hominum pestilens & in optimarum Literarum perniciem natum, qui præstantissimos Viros tacite perstringere, eosque penes Magistratum, & qui plurimum in Republica & Ecclesia valent, variorum errorum suspectos reddere conentur? an nunquam audivimus, Viros optimos conqueri de infidiis fratrum, qui, ut aliorum meritis & eruditioni detrahant, sese autem tanquam cœtus sacri Columnina extollant, licet nunquam per vitam dissidentium Christianorum *Systemata* inspexerint, spreta conscientiæ & charitatis lege, alios circumveniant, vitamque illis acerbam reddant? An non prostant *Exempla* talium, qui, quantum ex eorum sermonibus & scriptis patet, quammaxime vellent, ut in medio Protestantium cœtu, tales constituerentur, qui omnes in causa Religionis vel leviter errantes durissime haberent, atque omne Examen Religionis proscriberent? Testor vestram, Auditores, quæ in cœtu Christianorum hinc inde acta sunt nollis, conscientiam, utrum hæc a me sine causa dicta sint? an non autem hæc contraria sunt primis Reformationum principiis? an non hoc est in orbem revocare *Disciplinam Arcani priore longe funestior*? Plura non addam: sufficiunt hæc ad demonstrandum, meditationem de *Disciplina Arcani* non proflua esse supervacuam & inutilem.

Tandem ad Vos, optimarum Artium ac Disciplinarum Studiosos, qui in florentissimo hoc nostro Gymnasio sapientiæ & pietatis culturæ vacatis, me converto. Vobis, qui hætenus benigne de laboribus meis judicastis, si non erudite, tamen sincere & candide aperiā, qua ratione *neglecta Disciplina Arcani*, feraci hoc Disputationum Seculo, animos contra errores munire possitis. Omnia, quæ strictim de hoc argumento dicam, ad duo summa capita possunt referri. Quædam vobis facienda sunt, dum in hoc optimarum Artium Seminario Lite-

ris vacatis; Quædam, si officio Doctôrum publicorum suo tempore fungemini. Quod ad prius attinet, rectius facere nil potestis, *Leitissimi Studiosi*, quam si iis Literis ac Disciplinis animos excolitis, quæ ad Religionis momenta rite perpendenda vos præparant. Eum in finem ante omnia diligenter Humaniorum Literarum studia excolite. In iis enim haud exigua, cum ad intelligendas S. Literas, tum ad retundendas Adversariorum insidias, latent præsidia. Non opus est ut in his Literis consenescaitis, aut omnes Grammaticorum minutias consecutemini, vita enim brevis est & ad majora contendendum, sed ita saltem eas discite, ut genuinam indolem atque naturam Linguarum intelligatis; quicquid ex optimis Scriptoribus collegistis, more Doctissimorum hujus ævi Virorum, ad interpretandas S. Literas transferre. Humaniorum Literarum cultu ornati, progredimini ad Philosophiam, divinam illam & nobilissimam scientiam, quæ non solum rectas ratiocinandi leges & generalia omnium scientiarum fundamenta vos edocet, sed ad cognoscendum Deum atque officia vestra viam monstrabit. Sine hujus Disciplinæ accuratiore cognitione frustra in aliis Disciplinis, Theologia cumprimis, defudabitis. Hæc docet verum a falso, leve a momentoso, certum ab incerto, verisimile a falso, distinguere. Evolvite diligentissime Celeberrimorum ævi nostri Philosophorum Scripta, quibus ex admirabili pulchritudine, ordine universi, finibus rerum creatarum, Sapientiam, Bonitatem, atque Potentiam Numinis demonstrarunt, validissimisque argumentis Atheismum hinc inde vires eundo adquirentem, impugnarunt. Hac nobilissima Disciplina non eum solum in finem utimini, ut recte ratiocinari de objectis præstantissimis possitis, sed cumprimis, ut sapientiores, modestiores, prudentiores, meliores, evadatis. Conjungite cum ea, si per studia vestra statumque rerum vestrarumque fieri potest, Disciplinas Mathematicas, eo saltem fine, ut mature discatis, accuratum rerum cognoscendarum examen instituere. Hac luce si perfusa est mens vestra, quantum pro cujusque ingenio fieri potest, ad Religionis examen pleni amoris & reverentiæ erga Deum accedite, atque primo quidem diligentissime expendite argumenta, quibus Religionis Christianæ veritas atque divina origo probari solet. Hæc, missis omnibus præjudicatis opinionibus atque pravis adfectionibus, altissime in animum demittite. Pleni sunt Doctissimorum ætatis nostræ Virorum libri, ex quibus abunde desiderio vestro satisfacere potestis. S. Literas diurna nocturnaue versate manu, ex iisque rite expensis veram Reli-

Religionis normam discite, ad hunc Lydium lapidem Systemata vestra exigite; loca cum locis, argumenta cum argumentis conferte, neque ante ad cognoscendas dissidentium Christianorum opiniones descendite, quam accurate ea omnia animo infixistis, quæ ad judicandum de veritate Religionis vestræ requiruntur. Quod si eo usque progressi estis, licebit, quantum tempus permittet, aliorum sententias examinare, atque verum a falso distinguere. Ad hoc Examen instituendum accedite sine partium studio, ira, invidia vacui, pleni studio veritatis inquirendæ & amandæ: male verum examinat omnis corruptus iudex. Mature discite, quid leve ac momentosum sit in controversiis; errores fundamentales cum erroribus, quos parum cavet natura humana, non confundite; modeste de aliorum sententiis judicate, memores imbecillitatis humanæ; nemini quicquam, quod a mente ejus alienum sit, imputate, neque errores in majus extollite; ad nervos cumprimis argumentorum, quibus utuntur dissidentes, & ad universi Systematis nexum attendite; profectumque tandem vestrum in cognitione rerum divinarum, non sola scientia rerum præstantissimarum, sed pietatis, amoris, & candoris studio, metimini. Et ut singularum opinionum Sectarumque, in quas eheu! scissus est Orbis Christianus, causas atque fontes cognoscatis, consulite Historiam rerum inter Christianos gestarum, atque ascendite legendo ad prima illa & felicissima tempora Christianorum, quibus admirabili simplicitate eluxit Christiana pietas, atque ita per singula secula ad nostram usque ætatem retrogrediendo prudenter dispicite, quam vere vel falso a sanctissima Christi Disciplina recesserint multi Christianorum. Emenso curriculo studiis vestris præscripto, licebit in patentissimum Eruditionis campum exspatiari, & quicquid habent Disciplinæ singulæ reconditum atque sublime decerpere, atque in usum revocare. Quod si his præsidiiis ornati estis, rationemque diligenter excolitis; si præstantissimorum omnis ævi Scriptorum libros evolvitis; variisque exercitationibus, quid vires valeant, quid ferre recusent, experimini, dubium non est, quin iis sitis armis instructi, quibus ad retundendos veritatis hostes opus est.

Quod si vero, Deo ita volente, muneribus publicis sive in urbe sive in agro (de quo aliquid dicendum restat:) admovebimini, diligenter ante omnia expendite muneris nostri naturam, dignitatem, atque pondus. Nolite quæso existimare, perinde esse, quo tandem modo officiis vestris satisfaciatis; de re omnium sanctissima gravis-

simaque agitur : Edocendi sunt & pueri & adulescentes Disciplinæ sanctissimæ principia , explicanda sanctissima Dei voluntas , reducendi in viam errantes & præceptorum Christi transgressores ; ad hoc quin singulari sapientia , prudentia , Religione opus sit , ipsimet facile intelligitis . Cum autem plerique vestrum , qui Literarum studiis vacatis , olim inter rusticam plebem divinæ veritatis semina sitis sparsuri , eo dirigenda erit Orationis meæ & consilii ratio . Mature igitur satis , qualis labor hic postuletur , meditamini ; difficilius est , quam putatis , gravissima Religionis Capita perspicue edisserere , popelli ingenio sese attemperare , & ad animum atque conscientiam revocare Religionis dignitatem atque pretium . Ante omnia curate , ut non tantum boni viri esse videamini sed & sitis . Incredibile pondus habet in animos hominum , vel bona vel mala existimatio . Discite , qua ratione validissimis argumentis non solum errores , sed cumprimis vitia magis magisque invalescentia impugnetis , atque ad conscientiam hominum demonstratis , quam pessime sibi consulant sanctissimorum Dei præceptorum transgressores . Singularem inprimis curam adhibete , ut veræ pietatis semina tenellis puerorum animis clare atque perspicue instilletis ; adfuescite illos , ut quid credant sciant , rationesque ipsimet reddere possint ; efficit quantum in vobis est , ut sentiant , quam vim habeat vera pietas in universum vitæ nostræ statum ; exemplis hominum vitii deditorum ostendite , quam tristis tandem & funestus sit vitiorum exitus . In Orationibus vestris nihil magis curate , quam ut perspicue , plane atque ad omnium captum verba faciatis . Nunquam existimate eum eruditum & facundum esse Oratorem , qui inanem Eruditionis gloriolam captat , qui quicquid varia lectio , cruda licet , & male digesta suppeditat , profert ; qui inanibus meteoris & figuris Orationis aures titillat , & de controversiis loquitur , de quibus per omnem vitam Auditores ne fando quidem quidquam inaudiverunt ; sed qui argumentum suum ita explicat , ut Auditores non possint non eum intelligere ; qui perspicuis argumentis , quæ in medium profert , probat ; qui animos vi veritatis adactos in suam sententiam pertrahit , & stimulos veritatis & pietatis in animis Auditorum relinquit . Claris nolite quæso tenebras offundere ; quæ ipsimet non satis intelligitis , aliis non commendate , non sublimia & difficilia sectamini , sed utilissima & Auditorum vestrorum statui attemperatissima ; omnia ad pietatis studium excitandum dirigite , atque in familiaribus colloquiis experimentum profectuum , quos habent aut habere deberent in cognitione

tione veritatis, sumite. Et ut veræ atque masculæ Eloquentiæ indolem perspiciatis, præstantissimorum ætatis nostræ Oratorum meditationes legite, easque ad imitandum proponite.

Quod si hæc aliaque, quæ ob temporis angustiam adferri non possunt, præstabitis, ipso opere sentietis, vos ad proferendam & defendendam veritatem longe aptiores futuros esse, quam eos, qui olim, optimo licet fine, *Disciplinam Arcani* inter Christianos induxerunt.

Claudamus Orationem nostram voto *Illustri* alicujus & *Eruditissimi Viri*, ita sonante:

*Pater ! precamur, des Gregi tuo lucem  
Hic quanta satis est, hac des esse contentum.  
Des non loquentes sua reperta Doctores.  
Des consonantes omnium Linguas,  
Aut corda saltem: præpotente vi flammæ  
Caliginosas litium fuges sordes,  
Ut spiret unum tota Civitas Christi,  
Vitamque terris approbet, fidem cælo.*

F I N I S

Tomi Primi.



INDEX

# INDEX

## DISSERTATIONUM.

In primo hoc Volumine contentarum.

- I. MEDITATIONES de causis magis magisque invalescentis Incredulitatis, & Medela huic malo adhibenda XII. Pag. 1 - 547.
- II. Meditatio de præstantia Religionis christianæ, collatæ cum Philosophia Socratis. 549 - 603.
- III. Dialogus de Natura Idearum, in quo Auctor probare vult, nos nescire, quid sint Idææ. 604 - 628.
- IV. Dissertatio Epistolica de pretio Artis rhetoricæ. 629 - 645.
- V. Disquisitiones historicæ & theologicæ de Visionibus, quæ quatuor primis post excessum Christi & Apostolorum seculis, Christianis quibusdam contigisse dicuntur; II. 646 - 760.
- VI. Exercitatio de Atheismo Platoni impacto. 762 - 824.
- VII. Vindiciæ Dissertationis de Atheismo Platonis contra ea, quæ Gundlingianorum part. 43. & 44. peracerbe. monuit D. Nicol. Hieron. Gundlingius. 827 - 960.
- VIII. Meditationes Sacræ, complectentes salutaria quædam monita, ad verum & legitimum S. Coenæ usum pertinentia II. 961 - 1040.
- IX. Oratio de præcellentia Eruditionis theologicæ, qua instructæ erunt mentes cœlo receptæ; collatæ cum imperfecta & umbratili, quæ in terris locum habet, rerum divinarum cognitione. 1042 - 1092.
- X. Oratio de Disciplina Arcani Veteris Ecclesiæ nostra ætate non usurpanda. 1093.
- XI. Theses miscellanæ Theologicæ & Philosophicæ. Pag. 46. 90. 122. 273. 361. 399. 445. 448. 547. 696. 760. 993.



# I N D E X. I.

## Locorum S. Scripturæ citatorum & explicitornm.

Genef. III. 5.	pag. 183.	Rom. XVI. 25.	pag. 403.
Eſaj. VII. 15.	184.	I. Cor. II. 6. 7.	403.
Jerem. XXXI. 33.	188.	IV. 1.	ibid.
Matth. XIII. 11-15	1105.	X. 16. 17.	981.
17.	403.	XI. 27-33]	1000. ſq.
35.	96. ſq.	XII. 7.	733.
Joh. VI.	984.	XIII. 8.	1081.
VII. 8.	96. 98.	9.	406.
VIII. 1-11.	116.	II. Cor. X. 5.	253.
Act. IV. 12.	416.	Galat. II. 11-14.	95. 99.
Rom. II. 11.	415.	Coloſſ. II. 3.	403.
14. 15.	179. 184.	I. Tim. III. 16.	ibid.
XII. 1. 2.	407.	Hebr. XI. 3.	404.
XIV. 23.	445.		

# I N D E X II.

## RERUM, VERBORUM ET AUCTORUM CITATORUM.

### A.

**ABDAS** templum Perſarum comburens falſus Martyr. pag. 754.

*Academiz* utiles ſunt ad promovenda literarum ſtudia. 252. multa in iis contingunt, quibus Incredulitas augetur. 226. ſq. ſcelera ſtudioſorum in ea degentium id efficiunt. ibid. quæ perversæ in iis obtineant docendi methodi, non tradendo, quæ ad praxin pietatis, & officia V. D. M. faciunt. 231. jejuna primarum veritatum tractatione, & operoſa Hypotheſium particularium expoſitione. 238. nimium operam dando hitoriæ literariæ. 246. earundem Doctorem in erudiendis juvenibus officia. 455. ſtudioſis neceſſaria pietas & modeſtia. 1076. ſq.

*Acontius* de ſtratagematibus Satanæ citatus. 471.

*Emilianus Miles* ejus Viſiones examinatæ. 781.

*Affectus pravi* religionis ſolidum impediunt examen 22. ſq. 51. 479. 1047. cauſæ ſunt incredulitatis. 49 ſq. contra ipſos incredulos aſſertæ. 376. ſq. characteres hominum, qui in religionis examine illis obtemperant. 63. ſq. 970. qui illas ratione neſciunt domare infantes, vitam nunquam bene agent. 202. diſſenſum pariunt. 376.

D d d d d d

Alber-

*Albertinus* de Eucharistia citatus. 1097. 1109.

*Alcinous* citatus. 771. 777. notatus. 803.

*Alexander* Episcopus Hierosol. ejus Visiones examinatae. 710. sq.

*Ambitio* causa est incredulitatis. 53. exemplis probata. 54. sqq. contra ipsos Incredulos asserta. 367. sq. quomodo eadem alatur. 55. homines ad absurdas perducit sententias. 56. multos juvenes decipit. 128. causa est bene multarum controversiarum. 271. solidam Theol. cognitionem impedit. 1049.

*Amesius* citatus. 235.

*Amyraldus* cit. 1005. 1021.

*Animarum humanarum* in prima sua constitutione status imbecillis. 32. 178. 1044. ille non invincibilis. 41. varii illarum virium gradus. ibid. *cælo receptarum* felix conditio. 1066. major cognitionis gradus in dies crescens. 1068. de illarum *ἐκπατρί*. 1066. per sensus hinc ea cognitio crescit. ibid. ex confabulationibus cum Angelis &c. 1070. immediata divina revelatione. ibid. hinc plenior mysteriorum & vaticinorum cognitio. 1071. hinc melius quoque ratiocinabuntur. 1072. ea cognitio certa ac perfecta erit. 1073. nulla in illis locum habebit ambitio. ibid. neque hæretificandi studium. 1074. corporibus suis, quippe glorificatis, non impeditur. ibid.

*Anonymi Galli historia philosophia gentilis* notata. 847. 848. citata. 860.

*Angli* liber de futuro felicitatis statu cit. 1068.

*Ansfaldus* de Martyrio sine sanguine cit. 667.

*Antonius* ejus visiones expentæ. 747.

*Apollonius Thyaneus* quæ de illo narrantur fabulæ. 94. *ecclesiasticus scriptor* cit. 693.

*Apulejus* citatus. 763. 777. 785. 875. 1108. notatus. 803.

*Arcanum*, ejus disciplina in relig. christ. falso jactatur. 569. an ea reprimat disputandi de religione pruritus. 1095. ejus descriptio. 1096. circa quæ versabatur. 1097. non circa sacram. ritus solum, sed & ipsam rei significationem, aliaque religionis decreta. 1098. quos illa latebant. 1101. qua ratione id fiebat. ibid. quando ea revelata. 1102. quo tempore inventa & introducta. 1103. a quibus ejus origo repetenda. 1104. scil. a Gentilium sacris & philof. decretis. 1106. causæ ejus inventi refutatae. 1109. 1. ne pagani & rituum christ. simplicitate, & mysteriorum sublimitate offenderentur 1110. 2. ad excitandam in animis hominum erga mysteria religionis reverentiam. 1113. 3. ad acuendum illorum cognoscendorum desiderium. ibid. *binc* ortum portentosum de Transubstan. dogma. 1114. vera ac genuina sacram. indoles ac paucis percepta. 1115. ambitio & dominandi cupido auctæ. ibid. ea adeoque ætati nostræ non amplius convenit. 1116. neque in erudiendis paganis. ibid. neque in convertendis Deistis. 1117. neque in instituendis Catechumenis. 1118. hujus futilitate cognita gravi Romanens. ad eam provocantium objectioni occurratur. 1119. eam nonnulli in doctrina de Cœna admittunt. 1120. ad

ad æquivocas in pace inter protestantes ineunda provocantes voces. ibid. Concionatores Emblemata & figuras in unum congerentes. 1121. mysteria arreptis similitudinibus & inventis novis vocibus explicaturi. 1122. omne in religione examen proscribentes & dissidentibus insidiantes. 1123.

*Aristoteles* citatus. 56. 119.

*Aristotelicorum* de ideis sententia examinata. 606.

*Arnoldus* notatus. 307. cit. 656. 1115.

*Arrianus* citatus. 56. 181. 457. 1108.

*Assmannus* cit. 82. 674.

*Astrologia judiciaria* multi increduli addicti. 160.

*Atbanasius* cit. 731. 900. notat. 748. ejus editores Monachi Benedictini notati. ibid.

*Atbei* illorum duæ dantur classes. 29. 510. ambitione decepti ad suas inclinant opiniones. 57. quomodo cum iis disputandum & agendum. 509. 830. an poenis & suppliciis afficiendi. 513. argumenta id statuendum. ibid. argumenta idem negantium. 519. 820. 834.

*Attalus* quæ illi adscribuntur visiones, expensæ. 689.

*Avaritia* est causa incredulitatis. 62. 19.

*Augurinus Diaconus* ejus visio expensæ. 736.

*Augustinus* citatus. 18. 1110. 1113. ejus hæretificandi pruritus notatus. 268. 280. 750. 752. 755. 804. ejus visiones expensæ. 755. ejus editor Monachus Benedictinus notatus. 758.

## B.

**BALUZIUS** citatus.

pag. 337.

*Barbeyraccius* cit. 70. 189. 227. 324. 343. 504. 643. 650. 672. 680. 723. 755.

*Basilides* sub vocibus obscuris vana vendebat mysteria. 84. ejus visio. 734.

*Basnage Jacobus* cit. 70. 674. 676. 678. 680. 690. 698. 708. 710. 746. contra *Weismannum* defensus. 679. 19.

*Basnage Samuel* citatus. 670. 678. 698. 708. 714. 738. 741. 746. 751. 1097. contra *Weismannum* defensus. 681. 19.

*Baumgarten* cit. 314.

*Bayle* testimonium ejus de Evremontio. 61. de Atheis sententia. 156. citatus. 143. 755. 994. notatus. 32. 44. 107. 251. 276. 458. 503. 762. refutatus 767. 768. 798.

*Beansfobre pater* cit. 72. 83. 19. 180. 265. 663. ejus historia *Manichæismi* ut exemplar bonæ historiæ commendata. 80. *filius* cit. 368.

de *Beaumarçhais* cit. 415.

*Bentley Richardus* cit. 38. 39. 163. 307. 321. 370. 392. 429.

*Berkley* ejus de *Schaftsbur.* testimonium. 160. 162.

*Bernardus Jacobus* ejus tractatus de excellentia relig. *cbrist.* cit. 471. de Augustini visione sententia. 756.

*Beverlandus* hujus sententiæ religioni adversæ & mores notati. 60.

D d d d d d d 2

Bing-

- Binghamus*, ejus Origines Ecclesiasticæ citatæ. 685, 770, 1020. 215,  
*Blondellus*, ejus de *Hermete* judicium. 667, 670.  
*Bockii* kurzgefaßte Missionen-Historie cit. 301.  
*Bœbmerus* ejus dissertat. Juris ecclesiastici antiqui citantur. 723. 726.  
*Boulavivius*, de Amore Dei carmen ejus commendatum. 1018.  
*Bongarsius*, quem historię suæ bellorum Sacrorum inscripsit, notatur.  
 345.  
*Bossuetus* ejus de B. *Zwinglii* sinceritate laudes. 971. 1120.  
*Boulainvillierius* Mahommedis in detrimentum Relig. christ. nimius lauda-  
 tor. 123. Spinozismi patronus. 143. homo superstitiosus & atheus.  
 162.  
*Bourgetus* citatus. 846.  
*Bovvles*, ejus liber de *Pastore Evangelico* citatur. 491.  
*Breisingerus* *Joh. Jac.* dissert. de vi Argumenti, quod a consensu Multitu-  
 dinis duci solet, citatur & commendatur. 45. dissert. Apologet. pro  
 Auctoris de S. Cœna scriptis. 1033. ejus Chrestomatia Græca com-  
 mendatur. 456.  
*Bruckerus* citatus 16. 92. 95. 100. 554. 651. 673. 740. 815. 831. 878. 912.  
 1106. 1108.  
*Bucerus*, ejus in materia de S. Cœna vocum æquivocarum studium no-  
 tat. 979, 1033. 1120.  
*Buddeus* citat. 143. 255. 259. 263. 1109. ejus de Atheis sententia dijudi-  
 cata. 29.  
*Bullingerus* citatus 180. 988. 998. 1004. 1006. 1019. 1028. 1081.  
*Bullus* cit. 731. 901. de Natalis Confessoris Visionibus sententia examina-  
 ta. 733.  
*Burnetus* *Gilbertus* ejus Compendium Sermonum Boyleanorum laudatur 20.  
 cit. 60. 160. 249. 260. 304. 310. 316. 406. 488. 507. 510. 716. 1121.  
*Thomas* citatur 889. 1018.  
*Buxtorfius* citat. 76.

## C.

- CABBALA**, ejus studium Judæos a christ. relig. amplectenda avocat. 78.  
 Spinozismi arguitur. 143. quam falsa & vana nitatur hypothesi. 1106.  
*Calvinus* citat. 101. 990. 1020. a *Bossueto* ob obscuriores in doctrina de S.  
 Cœna voces notat. 971. ejus cum Ecclesia Tigurina in eadem con-  
 sensus. 1034.  
*Callenbergius* ejus studium convertendorum Judæorum pium. 3.  
*Canus* citat. 1065.  
*Capellus* *Jacobus* citat. 183.  
*Cartesius*, ejus de Ideis sententia examinatur. 608. sq.  
*Casaubonus* cit. 318. 319. 1093. 1097. 1102. 1103. 1108. notat. 1110.  
*Catecheses*, illarum usus, 452.  
*le Cene* citat. 621.

*Ceraunius* Actorum Martyrum epitomator notatus [674](#).

*Cbandlerus* citat. 73. 313.

*Christiani*, inter antiquos primorum seculorum & hodiernos non facile comparatio instituitur. 281. antiquorum pietas nimium extollitur. ib. sq. 431. Martyrum inter illos numerus nimis augetur. 285. multi a religione deficiebant. 286. alii affectibus suis decepti Martyrium subibant. 287. jam Seculo II. vitiis dediti erant. ibid. non pauciores illo tempore, quam nostra ætate erant hæretici. 291. argumentum incredulorum ab eorum prava vita contra veritatem ipsius religionis refutatur. 376. sq. 440. 443. alterum a cæca, quam iis adscribunt, fide petitur. 440. sq. illorum circa S. Cœnam abusus & errores. [967](#). [977](#). quando ea illis sit *figillum*. [977](#). sq. 983. 1027. quid de piis raro ex S. Cœnæ usu solatium percipientibus judicandum. 1017. nonnisi adfectibus studentes & cœlestia non curantes minus rite S. Cœna utuntur. 1022.

*Christiani* qui non satis convicti de veritate relig. christ. [1024](#). S. Cœnæ naturam ac verum scopum ignorantes. 1015. aliorum exemplo decepti. ibid. cultu externo omnibus suis officiis satisfecisse existimantes. 1026. non rite sese ante ejus usum examinantes. ibid.

*Christianismi* degeneris indicium crescentis Incredulitas. 7. illius ideæ contra rationem & ejus disciplinam falsæ. 277. *nimis* primum de antiquo christianismo opiniones fovendo. 281. quomodo is dijudicari debeat. 298. ideæ degenerationis ejus hodiernæ. 299. veri prærogativa. 301. 427.

*Chrysostomus* citat. [1099](#). 1101. 1102. 1110.

*Cicero* citatus 32. 70. 106. 149. 158. 182. 186. 255. 318. 319. 322. 324. 395. 456. 513. [571](#). [572](#). 581. 813. 876. [888](#). 910. 1064. 1077. notatus 487. 542. [634](#).

*Clarkius Samuel*, ejus demonstratio relig. natur. ac revelatæ commendatur. 31. citatus 146. 167. 521. 573. 805. 978. 985.

*Claudianus* cit. 357.]

*Claudius* citatus [990](#). notatus [991](#).

*Clemens Alexandrinus* cit. 845.

*Clericus Johannes* citatus 41. 55. 70. 84. 99. 160. 186. 370. 410. 421. 456. 458. 478. 541. 586. 592. 595. 621. & alibi passim. notatus 97. 594. 665.

*Coccejus* citatus 188.

*Cælum*, ejus incolarum felicitas v. *Anima*.

*Cæna Sacra*, de illa Cypriani sententiæ ridiculæ. [720](#). qui circa illam in hominibus versentur errores. [961](#). [977](#). & abusus. [967](#). ejus præstantia & dignitas. [963](#). Reformat. de ea sententia non caret veris ad pietatem incentivis. [964](#). ejus usus veritatem relig. christ. historiæ probat. [966](#). abusus in illa procreant multi libri alcerici malos de eo ritu opiniones per locutiones metaphor. exhibentes. [968](#). an ad unionem inter protestantes ineundam in hac materia uti liceat vocibus obscuris & æquivocis. [970](#). 1110. illius genuina natura verbis simplicibus exponenda. 975. & quidem, quæ a Christo & Apostolis  
Ddddddd 3 usur-

- usurpatæ. *ibid.* quomodo. dici possit sigillum. 977. 981. 1027. an ejus usus cum ipsa gratiæ divinæ participatione conjunctus & I. Cor. X. v. 16. 17. explicati. 981. sq. an eundem specialis gratia divina comitetur. 989. Oratores S. & librorum paraſcevaſt. autores, ea utentium officia exaggerantes faciunt, ut multi ea minus recte, vel plane non utantur. 996. quem adducunt locum Pauli I. Cor. XI. 27-33. de *δευκαρισμῶν*, & morbis ob ejus abusum Corinth. inflictis expositus. 1000. ad hodiernum ecclesiæ statum applicitus. 1001. quomodo pii in ejus usu languentes erigendi. 1002. de *δευκαρισμῶν* Christiani ad ejus rectum usum. 1003. ejus finis. 1004. quomodo rite celebretur. 1005. quomodo talis celebratio a Socinianismo differat. 1007. de orationibus paraſcevaſticis ad eum habendis. 1010. 1120. qui libri paraſcev. ad eandem non bonum usum præsentent. 1013. qui contra utiles ac melioris notæ. 1014. de orationis pomeridianis peracti S. Cænæ usu. 1016. quid de christianis ex ea raro solatium capientibus judicandum. 1017. de ejus usu vel frequentiori, vel minus frequenti. 1019. causæ ejus abusus internæ, apud ipsos communicantes querendæ. 1022. 1. cupiditatibus favendo & cælestia non curando. *ibid.* 2. non convicti de veritatibus relig. christianæ. 1024. 3. ignorantia ejus scopi veri ac naturæ. 1025. 4. cultum religionis externum in verorum officiorum locum substituentes. 1026. 5. defectus veri sui ante ejus usum examinis. *ibid.* Helvetic. ecclesiarum de illa sententiæ ad Lutherum declaratio. 1031. Eccles. Tigur. cum Calvino in ea doctrina consensus. 1034. sq.
- Collinus.* ejus contra relig. revelatam machinæ, quo tendant. 10. 369. ignorantia arguitur. 38. 39. opinionibus levibus deditus. 163. notatus 321. 429. citatus 1122.
- Constantinus M.* ejus Visio. 740. variæ cruditorum de ea opiniones. 741. expensæ & dijudicata. *ibid.* sq.
- Controversia* de rebus nullius momenti in Theol. acerbiores augent incredulitatem. 258. 263. illius exempla. *ibid.* 260. ex oriuntur, quod illas tractaturi non necessarii sint instructi dotibus. 267. ex præjudicio auctoritatis. *ibid.* non distinguendo essentialia ab accessoriis. 268. *ινεργια* suorum amore. 269. histor. eccles. antiquioris & hæresim ignorantia. 270. ambitione & falso Zelo. 271. pruritu omnia in religione decernendi. 272.
- Cooper Jo. Gilbert* Historia Socratis laudatur. 554.
- Coranus.* ejus Origo. 129. quam futilis sit liber. 120. 128. 139. sq.
- Corruptio* morum & generis humani est causa incredulitatis. 235. 303. in primis V. D. Ministrorum. 306. hypothesisum particul. amore ea multis extollitur. 276. ab aliis vero falsa pietate deceptis. 277. nec non nimio & præpostero Zelo. 278. sq. sic vero neminem meliorem reddunt. *ibid.* conferendo Christ. hodiernos cum antiquis 3. post Christum seculis viventibus. 280. Leibnitii Hypothesis, illius corruptionis ideam labefacturæ incertitudo declarata. 296. sq. ad quas regu

regulas illa dijudicari debeat. 298. sq. idea illius hodie regnantis. 299. sq.

*Cotelerius* citatus 85. 667. 670. 671. 673. 685. 731. 734.

*Craig. Joh.* ejus Theol. christ. principia mathematica notata. 425.

*Creatio* sententiæ philosoph. platon. pythagoricorum de ea refutata. 103. sententia creationis ex nihilo cum sententia Platonis de exornatione materiæ existentis comparata. 825. 851.

*Creilingius* citatus 956. 1054.

*Croufaz* cit. 202. 374.

*la Croze* cit. 44. 115. sq. 164. 191. 265. 331. sq. 339.

*Cudworthus* cit. 162. 933. notatus 29. 772. 812. 945.

*Cultus* sanctorum superstitiosus & perniciosus. 326. 329. sq.

*Cunæus* citatus. 1011.

*Cyprianus* de ejus visionibus varia sentiunt eruditi. 715. illæ dijudicatae.

717. sq. ejus ridiculæ de S. Cœna opiniones. 720. cit. 289. not. 660.

*Cyrillus* cit. 106. not. 747. ejus de *disciplina arcani* sententia. 1098. 1115.

## D.

**DACIER** citatus 594. ejus de philosoph. Platonis sententia notata. 814.

*van Dale* cit. 106.

*Dallaus* cit. 266. 281. 650. 746. 976. 1114.

*Davijus* cit. 767. 838.

*Deus*, de eo homines sæpius falsas sibi formant ideas. 32. qua ratione ad veros de eo sensus perveniamus. ibid. & quem illi in mentes nostras habeant influxum. 34. ejus cognitio datur naturalis. 42. sq. Vid. *Plato, Spinoza*.

*Deiſta* variis modis relig. & natur. & revelatam oppugnant. 7. sq. 511. sq. non omnes illorum pravis affectibus decepti relig. revel. negant. 369. objectiones eorum refutata: 1. quod relig. christ. libertatem sentiendi tollat. 372. sq. 2. quod Christiani in varias sectas sint scissi, & mysteria illorum non convenient cum ratione. 376. sq. 440. sq. 3. Deum ipsum varias de se sententias probare. 382. sq. 440. 443. 4. revelationis methodum obijciendo. 384. sq. 5. ipsorum religionem æque, ac christianam, ad pietatem in Deum incitare. 390. sq. 6. mysteria inter relig. principia referendo, & ea inexplicabilia dicendo *arbitraria* statui. 402. sq. 7. religionem christianam erroribus contaminatam hos simul amplectendos cogere. 406. 8. de miraculorum origine dissenſum christianorum argumenti ab illis petiti vim infringere. 409. sq. 9. efficaciam relig. christianæ adscriptam non ipsam christianorum probare vitam. 10. multos Theologos statuere, quod Gentiles virtuti dediti sine revelatione ſalvarentur. 414. 11. quod non amplius miracula fiunt, contra illorum fidem historicam argumentantur. 419. sq. 12. quod, Ethicæ christianæ præſtantia demonstrata, tamen illius, prouti juris naturalis,

lis, observantiæ impossibilitas statuatur. 427. 13. Christianismum esse causam superstitionis. 429. 14. nullam revelationem quicquam adolere relig. natur. 435. 15. omni religioni bellum indicere, qui revelatam extollendo naturalis vim imminuunt. 438. 16. multos christianos sine examine religionem admittere, & ipsorum doctores falso Zelo abripi. 440. quomodo tractandi. 509. quomodo in viam reducendi. 521. sq. 1117. unde illorum religio emendata fuerit. 553.

*Dionysius Alexandrinus* ipsius a se ipso narratæ visiones expensæ. 730.

*Dittonus* citatus 408. 425. 523.

*Docetæ* prima relig. christ. capita in sensus ridiculos detorquebant. 85.

*Dodwellus* ejus ingenium & mores depicti. 715. de Martyribus primis sententia. 285. pro divinitate visionum *Cypriani* rationes expensæ. 716. sq. citatus 656, 663, 670, 691, 695, 738. 740. notatus 666.

*Drelincourt* ob mysticas in doctrina de S. Cæna locutiones not. 969, 1121.

## E.

**EASCHAR** citatus 249. 488.

*Ecclesia*, christianæ hodierna conditio a multis magnopere laudatur. 1. sq. multis laborat vitiis, nec melior superiorum seculorum. 4. sq. Vide *Corruptio*. *Deistæ*.

*Edelmannus* Spinozismi defensor. 143. 510.

*Educatio* prava gravis *incredulitatis* causa. 190. quomodo in illa peccetur. 191. sq. vel non instituendo religionem. 195. vel perverse. 199. 203. non docendo usum rationis in religione & in compescendis pravis affectibus. 201.

*Egmondus* Episcopus Londinensis. ejus epistolæ pastorales citatæ. 170.

*Eloquentia* an ars rhetor. ad veram quid conferat. 619. quis sit ejus scopus. 631. quomodo acquiratur. 632. discrimen inter veram & falsam. 636. vera est solidæ eruditionis fructus. 641. figuratæ orationes eam pessundant. 643. 1121. de Veterum eloquentia judicium. 639. 645.

*Elsnerus* citatus. 982. 986. 989.

*Emilianus*, de modo concionandi in Italia usurpato citatus. 487.

*Enfant* citatus. 759.

*Epicurus* homo ambitiosus Plutarcho audit. 54. ejus de origine Mundi systema falsissimum. 157. sq. ejus hodierni sequaces ipso insaniiores. 159.

*Epictetus* citatus 181. 359. & alibi.

*Epiphanius* citatus 665. 740. 1102.

*Exerci* in rebus theologicis commendatur. 272. 274. Vide *Tolerantia*.

*Erasmus* citatus 51. 234. 533. 561. 584. 596. 601.

*Errbardus*, de illustrium ac obscurorum scriptorum erroribus præcipuis in historia Mahometis eorumque causis liber citatus 109.

*Ethica*, voluptatum & adfectuum amor illi contrarius, 60. *christiana* præ Mosaica



Mosaica præstantia. 69. quomodo ea a judæis impugnata. 70. Mahomedana impurissima & laxa. 132. sq. quomodo ea perverse a multis tradatur. 212. quæ ejus præstantia, & quomodo observari possit. 427. quomodo rite tradatur. 461. illam V. D. Ministri callere & exponere debent. 490. christianæ contra Deistas defensio. 593. sq.

*Evangelista.* illorum fides probata. 529. sq.

*Eulogius Diaconus.* Ejus Visio expensa. 736.

*Evremontius.* illius mores & ingenium describuntur. 61.

*Eusebius* citatus 100. 204. 282. 288. 290. & alibi passim.

*Exuperius.* ejus Visio examinata. 709.

## F.

**FABER** *Tanaquil.* improvida ejus de Socrate sententia notata. 584.

*Fabritius Albertus* citatus 3. 83. 731. 741. 914. *Jo. Ludov.* citatus. 44.

*Felicitas.* quo tempore Martyrium subierit, disceptatur. 698. Montanistarum sectæ, ut & ejus Martyrolog. auctor, addicta erat. ibid.

*Fellus Episcopus Oxoniensis* citatus 286. 725. notatus 721. 725.

*Fenelon.* ejus methodus convertendi incredulos notata. 21. citatus 158.

*Fleischerus Joh. Lud.* ejus introductio in Jus ecclesiasticum citata. 519.

*Fleischer Esprit* notatus 216. 280. 557. citatus 454.

*Foster Jacobus.* ejus contra Tindalum relig. christ. defensio citata. 314. 435.

*Frey* citatus. 21.

*Frikius* de cura Vet. Eccles. circa Canonem S. Script. citatus. 663.

*Fruithofus* Episcopus. ejus Visio expensa. 736.

## G.

**GAGNER** citatus 109. & passim in Medit. 3.

*Genebrardus.* ejus de Versione Bibliorum sententia. 1059.

*Gentes.* an dentur, quæ omni Dei cognitione carent. 44. argumentum ab earum consensu desumptum non validum. 45.

*Gentiles.* illorum Theologia prima Theol. nat. principia continet. 42. jus naturale ipsos non latet. 43. quare tam proni ad superstitionem. 323. quomodo Pontific. Missionarii illos superstitiosos ritus docendo graviter peccent. 329. 199 sic ad incredulitatem compelluntur. 340. persecutionibus Christianorum oppressi ab ipsorum religione abhorere incipiunt. 344.

*Gentil.* ejus Itinerarium citatum. 329. &c.

*Gerdesius* citatus 977. 1033.

*Gnostici* superbia inflati relig. christianam aspernabantur. 83.

*Grabius* citatus 662. 671. 678. 682. 863.

*Grape* Theologia recens controversa citata 44.

*Gravius* citatus 942.

*Gregorius Thaumaturgus.* visiones ei adscriptæ. 739.

EEEEEE

Grotius

*Grotius.* ejus liber de Veritate relig. christ. commendatur. 31. citatus 96.  
98. 122. 184. 273. 309. 345. 360. 470. 645.

*Gryneus Johannes.* ejus literæ de Mahommedè impostore & gloriæ cupido. 130. 149. citatus hinc inde in Thesibus.

*Gudius.* ejus paganus christianorum laudator & fautor citatus 286.

*Gundlingius.* Platonem inter Atheos Spinozist. refert. 762. ejus argumenta refutata: scil. unam ex Deo & materia fieri substantiam, illo se huic libere accingente. 788. 808. 850. nullum inter ipsius & Stoici Systemate interesse discrimen. 789. 876. eum Mundum Animal vocasse. 791. nec non Deum. ibid. 812. 876. ejus Deum duabus consistere hypothesisibus, uti Spinozæ duobus attributis, adeoque hæc duo systemata convenire. 792. 954. ejus materiam innatam e Dei sinu emanasse, quod est *πρωτογενεως* Gundlingii *ψυδωδω*. 799. 816. 861. 884. 950. ex illa emanatione Deum, vel ut extensum, vel ut totum, cujus pars materia sit, concipiendum. 801. 816. 906. 950. 957. Deum & materiam ab æterno junctos fuisse. 803. 861. 893. 906. mundi æternitatem statuisse eundem. 804. 920. 924. unam in systemate Platonis dari substantiam. 879. 892. eam ipsum nonnisi diversis nominibus distinxisse. 806. 935. illum sua principia in unam speciem miscuisse. 809. 937. ex ejus sententia sequi, mundum esse Deum, & Platonem sibi non constare. 812. 923. quod de idea, quæ a Deo non distincta, verum, & de anima mundi verum esse possit. 814. 937. 946. illum materiæ singularem animam, eandem moventem adscripsisse. 815. 84. ejus de Atheorum classibus augendis sententia expensa. 820. 834. 861. mundi destructionem ex Platonis sententia impossibilem esse. 821. 870. non recte agere, qui vet. phil. atheismi vitio liberare volunt. 829. Atheismi definitio in hac quæstione non necessaria, cum nonnisi de Platonis philos. collata cum Spinozæ erroribus agebatur. 833. Deum & materiam a Platone ficta tantum mentis præcisione distinguui. 838. distinctionem Platonis inter substantias mater. & intellect. non probare, quod Deum & materiam non confuderit. 845. 923. voluntatem cum libertate ab ipso confundi. 850. 149. Spinozæ de creatione sententiam falsè explicans eandem Platoni adscribit. 858. illum animas tum universalem, tum singulorum fato subjecisse, & hinc Spinozismi suspectum. 865. non puniri posse. 868. Deum illius, quamvis non dixerit, peccati auctorem esse. 869. materiam, æternam licet, fluidam tamen ex divina essentia emanasse, secundum Vett. philos., alias inexplicabile esse Dei in eam jus. 896. falsam Vocis *διεξω* exhibens explic. & falsam Platoni attribuit sententiam. 884. falsam Timæo Locro tribuit sententiam, quod materiam Dei participem faciat. 885. 927. ex anima mundi probare vult, Deum nonnisi unam agnovisse substantiam. 888. 937. dum e sinu divinitatis expulsa. 890. 903. illam *ἀποπαυσματιος* essentia divina vocavit. 897. ejus *λογος* progenies Dei sit. 898. sic & anima mundi ab altero principio orta. 930. 912. adeoque cum corporibus ac Deo mixta unam

unam effecerit substantiam. 905. sq. 937. [939](#). causa externa a mundo diversa in system. Platonis contra eum defensa. [909](#). Virgilii loca in Spinozæ sententiam precario trahit. [929](#).

*Gyrterus* citatus 188. [986](#).

*Gymnasia*, quæ in illa irrepererint vitia. 219.

## H.

**HÆRETICI.** antiqui pravis affectibus decepti relig. christ. oppugnant. 79. sq. quomodo in his refutandis agendum. ibid. philosoph. orientales ipsos a relig. christ. vera ac pura avocabat. 81. superbia corrupti libros genuinos vel rejiciebant, vel interpolabant, aliosque supponebant. 83. barbaris & obscuris ad errores suos illiniendos utebantur vocibus. 84. prima christ. relig. capita in sensus absurdos & ridiculos detorquebant. 85. incertas & falsas Hypotheses in dubiis veris præferebant. 86. sq. an primis post C. N. seculis plures ac peiores nostro ævo, nec ne, exstiterint. 291. illorum libros periisse multi dolent. 313.

*Hæretificationes.* quæ post se trahant mala. 263. [1054](#). illarum exempla. 265. [1054](#). non instructi necessariis ad examen dotibus adeas proclives. 267. præjudicia auctoritatis illarum *causa*. ibid. quod non discernatur inter fundamentalia & accessoria in religione. 268. Hypothesis amor *easdem* procreat. 269. ignorantia histor. eccles. & antiquarum hæresium. 270. nimium inclarescendi studium, & falsus Zelus. 271. pruritus omnia in relig. sciendi & decernendi, 272, 361, 371. impediunt solidum Theol. studium. 1053.

*Hallerus Albert.* citatus. 342.

*Hanschius* citatus. 104.

*Harduinus.* ejus mirum ingenium descriptum 163. sq. notatus 64.

*Hafsus.* ejus in *Evreumont.* epigramma 61. citatus 76. [688](#). [704](#). 736.

*Havercampius* citatus 595.

*Heideggerus* citatus. 299. 346. 994. 1004. [1028](#). 1039.

*Heineccius.* ejus *Abbildung der griechischen Kirchen* citatur 1104.

*Heinsius.* ejus historia ecclesiastica citatur. 6.

*Heisenius.* ejus commentar. in Epist. *Jacobi* citatus. 354.

*Helena Constantini M. Mater.* ejus Visio expensa. [746](#).

*Herbelotius* citatus 82. & passim.

*Hermes.* quo seculo vixerit, disputatur. 667. 670. de illius libro *Pastor* antiqui varia sentiebant. [660](#). quid recentiores. [667](#). qualis fuerit homo. ibid. 673. ejus visiones falsæ. [668](#). illarum exempla. ibid. sqq. mandata ipsi per visiones tradita expenduntur. [672](#).

*Heumannus* citatus 57. 116. 345 412. [584](#). [736](#).

*Hierocles* citatus 50. 359. 835. 1106.

*Hieronymus* citatus 96. 309. 339. notatus 478. refutatus 97.

*Hoadly.* ejus liber de *S. Cæna* commendatus. [969](#). [982](#). cit. 975. [984](#).

E e e e e e 2

*Holste-*

*Holfstenius* citatus 91. notatus 707. 708.

*Homburgius*. ejus dubia circa Jus Naturæ citata 571.

*Homines*. illorum recens natorum conditio infirma. 32. Vide *Infantes*. *Anima*. an dentur omni de Deo sensu carentes. 44.

*Hospinianus*. Zyvinglii de S. Cœna sententiæ defensio citata. 1008. historia de consensu ejus cum Calvino. 1034. sq.

*Hottingerus Henr.* Avus. citatus 82. 109. 199. 260. Nepos. 238. 521.

*Huldricus Jo. Jacobus* citatus. 78.

*Hypotheses*. particularium amor nocet solido Theol. studio 240. 1050. argumenta ex illis desumpta Veritatem relig. minus rite probant. 248. controversiarum numerum augent. 269 illarum amore corruptio generis humani a nonnullis extollitur. 276. Leibnitii, quæ illam corruptionem imminui putat, incertitudo demonstrata. 296. 199.

## J.

**JABLONSKIUS** *Daniel Ernest.* citatus 266. *Paulus Ernest.* citatus. 85.

*Jacobus* Martyr. ejus Visio examinata. 738.

*Jacobi. J. F.* ejus Betrachtungen über die vveissen Absichten Gottes citantur 540. 542.

*Jamblichus* citatus 775. 846. 880. 918. 1107. Juliani laudator. 107. notatus 94. 199.

*Janfeniste* ob falsas & tristes de Deo sententias notati. 278.

*Jaquelot* citatus 257.

*Idea*. variæ de illis dantur sententiæ. 605. *Aristotelicorum* examinata. 606. 199. *Cartesii*. 608. *Malebranchii*. 613. 199. *Leibnitii* & ejus sequacium. 625. nos nescimus, quid illæ sint. 628. 816. 848. 945. an dentur innatæ? 179. 1044. abstractas homines non facile formare queunt. 33. de Deo falsæ incredulitati favent. 322. quomodo in Deo sint, ignoratur. 247.

*Jesus*. ejus cum Judæis disputandi ratio. 67. ejus inter Judæos facta. 69. falso illum Mosi postposuerunt. 71. miracula illius cum Mosi collata. 74. doctrina de illo æque certa ac Mosi. 76. miracula illius a philosoph. platon. pythagor. negata 104. de illius persona, *Σεισθησις* ac miraculis opiniones Muhammedis. 140. Spinozæ. 153. 199. Woolstoni. 169. ejus miracula & resurrectio contra Deistas defensæ. 526. 199. ipsius docendi methodi præ Socratica præstantia. 559. 199. errores refutando Socrati præcelluit. 567. 567. 199. ipsius præ Socrate præcellentia. 588. eo quod fuerit legislator. 595. ac ejus discipulorum. 590. ex efficacia doctrinæ ipsius in homines. 599.

*Jesuitæ*. illorum de suis Gentium conversionibus magniloquentes literæ citatæ. 329. 199.

*Ignatius*. de ejus Martyrio. 676. 679. 199. acta illius dubia. 678. ipsius Comitibus factæ visiones falsæ. ibid. nec non, quæ ipsi adscribuntur. 683. ejus epistolæ suspectæ videntur. 685.

*Ignor.*

*Ignorantia* rerum divinarum princeps incredulitatis causa. 32. sq. illa late patet. 34. ejus fontes & origo. 35. falso eam ipsi religioni obijciunt increduli. 37. sq. ea non invincibilis. 42. illa laborantes, at religionem oppugnantes affectibus suis pravis obtemperant. 62. portentosas sæpe signit opiniones. 92. *docta*, quomodo acquiratur. 1076.

*Imaginatio* homines sæpe in religionis examine fallit. 33.

*Incredulitas*, crescens indicium degeneris christianismi & infelicitatis seculi nostri. 7. 12. variae illius machinae. 8. sq. non rationibus, sed meris convitiis religionem impugnat. 10. vitiorum ac scelus fertilis. 15. qui falso hujus vitii acculantur. 501. characteres ejus exhibentur. 503. sq. qua ratione illi occurrendum. 16. sq. 446. nimirum vi demonstrationis. 20. illi reprimendae obstant malae relig. christ. defensiones. 22. in causas ejus inquirendum. 506. ea detectae nos ab illa praecavent. 25. sq. illas quivis V. D. M. nosse debet. 27. sq. illius variae recensentur classes. 28. ejus definitio. 31. ejus praecipuae causae, ignorantia rerum divinarum. 33. sq. affectus pravi. 49. sq. ambitio. 53. voluptatum amor & divitiae. 59. sq. educatio liberorum prava. 191. Academicorum vita. 227. sq. Theologorum neglectus in tradendis praxi christ. & officiis V. D. M. 231. sic hi nesciunt, illud malum sanare. 233. jejuna primorum relig. nat. & revel. capitum tractatio & operosa Hypothesium particul. ~~expositio~~. 238. nimum Historiae literariae studium. 246. infirma pro Veritatibus sanctis argumenta. 247. Sermoines s. male sani & insipidi. 249. calumniae de rationis in religionis examine usu. 251. acerbæ Theol. de rebus levioribus contentiones. 257. controversiarum momento extollendo & leviter errantes haeretificando. 261. morum corruptio. 265. 303. in primis vitia V. D. Ministrorum. 306. libri atheismo & impietati faventes, 312. 315. superstitio in genere. 318. 322. Pontificiorum exemplo id probatur. 340. persecutiones ob religionem. 344. varius doctrinae de Providentia abusus. 348. sq. juramentorum abusus. 358. injuriæ & imposturae sanctitatis ac pietatis titulo ornatae. 361.

*Increduli*. libri eorum non possunt facile impediri. 17. an penes sint afficiendi. ibid. 513. sq. quid de illorum libris in lucem editis decernendum. 312. an legi & refutari mereantur? 18. sqq. illorum multi praepjudiciis dediti & ratiocinandi artis ignari. 23. illorum cum christianis disputationes magni momenti. 24. precario ad multorum christian. ignorantiam pro sua causa defendenda provocant. 37. sq. multi illorum ignorantissimi. 38. eorum variae classes descriptae. 28. illos ambitio, voluptatum amor, avaritia decipiunt. 53. 59. sq. signa, ex quibus illos cognoscere potes. 62. sq. 503. sq. falso quasdam S. Librorum contradictiones apparentes contra veritatem relig. christ. urgent. 96. sq. astrologiae judicariae nonnulli illorum patrocinantur. 160. falso religionem & superstitionem confundunt. 220. negant affectus errorum, quorum accusantur, causas esse. 368. illorum contra relig. christ. objectiones. Vide *Deiſta*. rationem ad felicitatem nostram sufficere exemplo *Socratis* probare volunt. 553. 575.

Eccceeo 3

Indif-

- Indifferentissimus* a pravis affectis gignitur. 63. *increduli* falso ad eum, tanquam Deo placentem confugiunt. 383. 440. sq. qui falso hujus accusantur. 502.
- Infantes*, recens nati in maxima rerum, præcipue, quæ ad relig. spectant, versantur ignorantia. 41. 178. 323. 1044. quam prava multis detur educatio. 191. sq. religionem a parentibus vel plane non erudiuntur, vel perverse. 195. rationis usum in cognoscendo vero & compescendis cupiditatibus negligentes nunquam felices fient. 201. sinistra relig. institutione ad pravas opiniones inclinant. 203. relig. natur. non cognoscentes revelatam non perspiciunt. 209. quam male revelata religio illis tradatur. 211. *Ethica*. 212. cum omni studio his sint imbuendi. 217. quid in illorum educatione vitare debeant parentes. 448. quid præstare. 450. quid informatoribus in illis erudiendis incumbat. 451. quid, si graviores addiscant disciplinas, Professoribus. 455. sq.
- Informatores*, quomodo in tradenda relig. peccare soleant. 206. sq. ac in *Ethica*. 212. quid in instituendis infantibus observare debeant. 451.
- Initiati* qui ita apud Vett. fuerint vocati. 1099.
- Institutio* perversa relig. est causa tum credulitatis, tum incredulitatis apud infantes. 205. relig. natur. primum principia tradenda. 209. quomodo revelata & *Ethica* docendæ. 211. sq. 217.
- Interpretatio* S. Literarum multis laborat difficultatibus. 1055. ex V. T. recensentur. 1056. quam ridiculæ prophetiarum dentur interpretationes. 1062. difficultates N. Test. interpretaturo occurrentes. 1057. præjudicia, sectæ studium veram præpediunt. 1047. 1058. Concilii Tridentini de ea suscipienda decretum. 1052.
- Jachervus* contra *Woolstonum* citatus. 168.
- Josiphus* citatus 68. 72. 75.
- Joungs Arthur*. ejus de Origine superstitionis liber citatus 528.
- Irenæus* citatus 83. 657. 662. notatus 658.
- Judei*, causa illorum ignorantie. 36. illorum tempore adventus Messie misera conditio. 67. sq. affectibus abrepti ejus doctrinæ & miraculis repugnabant. 68. 525. sq. illorum de ejus *Ethica* calumnie. 70. ipsorum *Ethica* depicta. ib. hodierni non minus pravis illis affectibus dediti. 73. sq. hodiernorum religio ridicula. 77. falsa de Jesu narrant & impia. 78. persecutionibus a christianis oppressi relig. ipsorum agnoscere nequeunt. 344. illorum in Cananæos exemplum tales persecutiones non excusat. 345.
- Julianus Imperator* infensissimus relig. christ. hostis. 94. 106. 1115. de ipsius nece jactatæ nonnullorum visiones. 750.
- Juramenta*. illorum abusus incredulitatem gignunt. 358. horum abusuum causæ. ibid.
- Jus Nature*. illius ignorantia non invincibilis. 41. sq.

## K.

**KETTNERUS.** ejus dissertatio de reliquiis miraculorum & visionibus post Apostolorum tempora citata 656. 658. notatus 659. 681.  
*Kidderus.* ejus demonstratio, Jesum esse Messiam, commendata 36. 292.

## L.

**LACTANTIUS** citatus 21. 33. 94. 218. 319. 356. & aliis in locis pluribus. notatus 283.  
*Laërtius* citatus 645. 764. 772. 840. 844. 847. notatus 824.  
*Lampe* citatus 433.  
*Lavaterus Jo. Jacob.* ejus dissert. de Interpretat. S. Scripturæ, præcipue de Analogia fidei citata. 1053.  
*Laufferus Jo. Jacob.* ejus dissert. de recta Liberorum educatione citata. 215.  
*Leibniti* citatus 87. 161. 210. 216. 276. 314. 956. ejus de idea corruptionis humanæ imminuenda hypothesis examinata. 296. ejus de ideis sententia expensa. 625. sq.  
*Lenkerus.* ejus historia *Woolstoni* citata. 168.  
*Leo S. martyrii* ejus, in quod sua culpa ruit, historia. 755.  
*Libertas.* Academicæ idea & abusus. 236. 479. sentiendi in religione tolli opponunt increduli. 372. sq.  
*Libri incredulorum & hæreticorum.* quid de illis decernendum. 312. illorum promissua lectio promovet incredulitatem. 311. 315. ita & obsecrari ac impii. 316. asceticorum ad S. Cœnam vera indoles ac requisiti. 1014.  
*Liddlethonus.* ejus de Pauli conversione literæ citatæ. 531.  
*Limborchius* citatus 58. 70. 974. commendatus 36. 292.  
*Litera.* tum Sacrarum tum profanarum conditio hodierna felix 1. sq. multis ea laborat vitiis. 4. sq. Sacrarum in præceptis tradendis stylus & methodus defensa. 544. sq. Vide Interpretatio.  
*Livius* citatus 325. 639. 1109.  
*Lockius* citatus 375. 388. 394. 396. 411. 507. 571. 643. commendatus 604. ejus de integris gentibus Atheis sententia notata 44.  
*Lucretius* citatus 320. &c.  
*Lucianus* citatus 1099.

## M.

**MAGISTRATUS.** illorum circa religionis negotium officia & partes. 494. sqq.  
*Mabommedes.* quæ de hoc famoso impostore narrantur fabulæ. 109. ejus in cœlum itineris natiæ. 110. sq. 118. quare Prophetæ nomen accepit. 113. 138. scil. fraude sua ac fociorum. 114. veri Prophetæ nomine plane indignus. 126. testes ejus fide indigni ipsius historiam e sacris literis exornarunt. 115. prærogativa ipsi tributa. 116. miracula illi falso adscripta. 120. sq. 137. Theologiæ ejus idea. 122. homo turpis

turpis fuit & fanaticus. 118. 138. sq. imposturæ illius in propaganda sua doctrina specimina. 134. quomodo religionem suam ingenio Arabum accommodarit. ib. sq. inconstans in tradendis præceptis. 136. multas relig. natur. ac revel. veritates negans eis contrarias induxit. 119. sq.

*Mallevrance.* ejus systema causarum occasionalium notatum. 349. 352. ejus de Ideis sententia examinata. 613. ejus de Tertulliano judicium. 690.

*Manes.* ejus character depictus. 81.

*Manichæi.* nonnullos N. T. libros vitiabant & falsos indulcebant. 81. terminis mente vacuis & obscuris usi. 85. incertis & stramineis hypothetibus superstructum illorum systema. 87. illius præcipuæ positiones enarratæ. 88. sq. multa de iis falsa narrantur. 266. illorum de mali origine errores a Baylio arrepti notantur. 276.

*Maraccius* citatus 106. &c. &c.

*Marcio.* quare Hæresin amplexus. 81. nonnullos N. T. libros rejiciebat & depravabat. 83.

*Marianus.* ejus visiones examinatæ. 738.

*Martyr Pet.* citatus 546. 1029. ob suum pacis studium laudatus 1033.

*Martyres.* per illos primorum christian. pietas non rite demonstratur. 285. 676. veterum numerus nimis augetur. 286. sq. 600. 676. quæ de illis & illorum actis observanda. 674. quid de Missionibus & miraculis ob illos factis judicandum. 676. sq.

*Maximus Tyrius* citatus 185. 767. 771. 780. 783. 786. 838. 840. 867. 1067.

*Mejerus Georg. Frideric.* ejus contra *Edelmann.* christ. relig. defensio commendata 511.

*Melanchton* citatus 1075.

*Menander* citatus 673.

*Menkenius* citatus 246.

*Mens.* ejus immortalitas ab incredulis negata. 30. Vide *Anima.*

*Metaphrastes* citatus ac notatus passim in Diss. de Visionibus.

*Meyerus Jo. Gebb.* de Theologia Vett. recondita citatus 1093. notatus. 1100. 1109.

*Middletonus.* ejus de miraculis primis post C. seculis factis sententia. 677.

*Millius* citatus 106. sqq.

*Miltiades* citatus 666.

*Ministri V. D.* illorum pravi mores incredulitatis causa. 226. 306. 308. ignari suorum officiorum Incredulis nesciunt satisfacere 231. hypotheseum particular. præ veris fundamentalibus, studio hæc nesciunt aliis tradere. 238. histor. literar. nimio amore utiliores negligunt scientias 246. multi in sermonibus suis S. peccant, ac iis incredulitatem promoveant. 248. sq. invehendo in rationem, ubi de religionis examine agitur. 251. suis de rebus nullius fere momenti acerbioribus rixis 257. controversiarum momentum extollendo, & læviter errantes in hæreticorum numerum referendo. 263. 272. falso Zelo abrepti, ibid. illo-



illorum corruptio a multis nimis exaggeratur. 307. illorum circa doctrinam de S. Cœna officia. 961. quomodo illa abutentes in viam reducere debeant. *ibid.* Vide *Cœna S.* quæ ad ipsorum munus rite obeundum in iis requirantur dotes. 1046.

*Miracula*, de Christi sententiæ Judæorum blasphemæ. 68. sq. Christi cum Moſis miraculis collata. 74. sq. Woolſtoni de iis ſententia falſa & abſurda. 169. Spinozæ. 153. sq. Mahommedi falſo adſcripta. 137. cui illa patranda competat virtus. 409. 589. ex eo, quod non amplius ſiant, contra Veritatem historicam a Chriſto patratorum argumentantur increduli. 419. sq. Chriſti contra Deiſtas deſenſa. 526. sq. primis poſt Chriſti deceſſum ſeculis non omnino deſieri. 657. at a Patribus nimium illorum numerus augetur. 688.

*Montanus*, qualis ſuſſuris fuerit hominuncio. 644. 692.

*Montaniſta*, illis multa falſo attribuantur. 265. 692. ab ipsis viſiones & vaticiniorum dotes falſo jactatæ. 664. 696. sq. Perpetua & ſocii illis addiſti. 699. 704.

*Moſes*, ejus miracula cum Chriſti miraculis collata. 74. an Chriſto fuerit major. 76.

*Moshemius* citatus 10. 16. 55. 81. 92. & ſæpiſſime.

*Moſy* citatus 431. & alibi paſſim.

*le Moyne*, ejus de ſcriptis & fatiſ Woolſtoni diſſertat. ~~citata 108.~~

*Muratorii*, ejus liber de ingeniorum moderatione in relig. negotio citatur. 315. 338.

*Muſſardus*, ejus Tractatus de Conformitate Cærimoniarum antiquarum & recentiorum citatur. 340.

*Myſteria*, objectiones Deiſtarum contra ea reſutata. 376. sq. 402. sq. 532. 575. sq. Trinitatiſ, quomodo de eo Vett. Theologi diſſeruerunt 900. 922. 954. recentiores. 1122.

## N.

**NARCISSUS.** *Epist. Hieros.* ejus Viſiones expenſæ. 710. sq.

*Natalis Confessor.* ejus Viſiones dijudicatæ. 732.

*Nemesius* πρὸς Πωριανὸν Κριττικὸν citatus. 904.

*Nestorius*, multa de illo falſo narrantur. 266.

*Nilus*, falſus Viſionum Theodoti teſtis. 752.

*Nolanus Paulus* notatus. *ibid.*

*Nonnen* citatus. 295. 695.

*Nyſſenus* Gregorii Thaumaturgi encomiaſtes notatus 740. 754.

## O.

**OECOLAMPADIUS** citatus 980.

*Oederus*, ejus reſut. Catechiſm. Racov. citata. 190. Hiſtor. Bogomilorum criticæ prodromus. 266.

F f f f f f f

Olea-

- Olearius* notatus [981](#). sq. citatus [98](#). [584](#). [847](#).  
*Olivetius*. ejus chrestomatia Ciceron. commendata. [456](#).  
*Oracula*. quæ de iis in India ope crucis sublati fabulentur Jesuitæ. [336](#).  
 qua arte illa edebantur. [564](#). *Oraculi Delphici* de Socrate testimonium. [584](#).  
*Oratores* S. quid vitare debeant. [486](#). [1121](#). quid præstare. [489](#). quis sit illorum scopus. [631](#). quibus instructi esse debeant prædiciis. [632](#). quas ob causas multi plebi arrideant. [638](#). quomodo optime artem affectus compescendi addiscere possint. [642](#). Vide *Cæna* S. *Ministri V.D.*  
*Orationes* S. navi in illis committi soliti, & quæ post se trahant mala. [249](#). [264](#). [487](#). [1121](#). quæ assensum, attentionem & persuasionem excitent. [634](#). sq. an ad plerorumque gustum sint instituendæ. [637](#). quare optimæ displiceant multis. *ibid.* malæ contra arrideant. [638](#). Vide *Cæna* S.  
*Origenes*. ejus methodus S. Literas explicandi notata. [101](#). citatus [544](#). [657](#). [660](#). [663](#). [1099](#). notatus [671](#).  
*Orsi*. ejus Perpetuæ &c. contra Basnag. dissertat. Apologet. notata [699](#).  
*Ostervvaldus* Pater. citatus [7](#). [52](#). [191](#). [231](#). [238](#). [317](#). [413](#). [453](#). [602](#). [999](#). [1014](#). [1023](#). *Rodolbus* citatus [467](#). ejus liber de Officiis Communicantium commendatus. [969](#). [1016](#).

## P.

- PAMELIUS**. ejus loci *Cypriani* explicatio notata. [727](#).  
*Papias*. de eo & ejus libro judicium latum. [661](#). sq. [670](#).  
*Parcus David* citatus [1091](#).  
*Parentes*. quos graves in educandis liberis committere soleant errores. [192](#). sq. [448](#). multi accuratiore relig. notitia destituti, eam liberis tradere nesciunt. [195](#). [204](#). alii negligentiores hoc in negotio esse solent. [197](#). non docent infantes rationis in compescendis cupiditatibus usum [201](#). sq. quid in educandis liberis ipsis incumbat. [450](#).  
*Passeran* (Alb. Radicati Comes de) ejus contra Ethicam christ. cavillationes. [9](#). Spinozista. [510](#). citatus [38](#). [376](#).  
*Patres Ecclesiastici*. ad illos in quæstione de pietate primorum christianorum frustra provocatur. [283](#). illorum merita injuste in opprobrium hodiernorum Theologorum extolluntur. [291](#). [649](#). non acuti erant relig. suæ defensores. [292](#). [652](#). [1064](#). quid de illis ut hominibus judicandum. [648](#). ut philosophis. [649](#). ut eruditiss. [650](#). nimis creduli & rhetoricatores in recentendis miraculis ac visionibus erant. [658](#). multi illorum temerarias opiniones arripuerunt. [660](#). quomodo de mysteriis S. disseruerint. [900](#). [912](#). [1064](#). [1111](#). de S. Cæna. [966](#). [976](#). [1064](#). [1114](#).  
*Pearsonius* citatus [85](#). [190](#). [667](#). [683](#). [720](#). notatus [684](#). [707](#).  
*Perpetua* Montanistarum sectæ addicta. [698](#). [704](#). de tempore ejus Martyrii diversa sentiunt V.D. [707](#). ejus visiones narratæ & expensæ. [699](#). [704](#). ejus Martyrium. [703](#). [706](#).

Per-

*Perrault* citatus 557.

*Persecutiones* ob religionis & sententiarum diffensum quam pestifera sint hæresis. 343. illas Judæorum in Cananæos exemplum non excusat. 345. impediunt conversionem Judæorum & Gentium. 344. causa sunt incredulitatis & indifferentissimi. 346. 440. hominibus gravia de divina providentia ingerunt dubia. 347.

*Petavius citatus* 838, 840, 881, 896.

*Pfaffius citatus* 7. 160, 163. &c. *refutatus* 1116. *notatus* 1110.

*Pfannerus citatus* 656, 691, 740.

*Philosophi.* Veteres affectibus decepti relig. revel. contemnebant & deridebant. 66. Platonico-Pythagor. exemplo id demonstratum. 92. sq. falsas & incertas fovebant hypotheses. 102. illorum de Creatione opiniones. 103. miracula Christi negabant & sua jactitabant. 104. sq. qualis fuerit illorum cultus. 107. quomodo philosophiam distinguere soliti. 1106. disciplina Arcani in sua philosophia usi 1107. illi multi Ecclesiæ Patres additi erant. 683. quam vana Vett. ad pietatem docuerint incitamenta. 397. quomodo optime hæc ipsorum scientia juvenibus tradatur. 458.

*Philostratus, eius Vitæ Apollonii historia fabulosa.* 94.

*Pietas*, illi incredulitas impedimento est. 12. sq. pravi affectus eam præpediunt. 51. falsis & præposteris de ~~causis~~ homines decepti corruptionem generis humani nimis extollunt. 277. conferendo illam Christianorum primorum cum hodierno vivendi genere. 280. de illa nimis laudata iudicium. 281. sq. hanc tradendi Professoribus Theol. principis officium. 480.

*du Pin citatus* 1052.

*Pionius* de ejus Martyrii tempore disputatur. 713, ejus Visio dijudicata. ibid. sqq.

*Placette citatus* 994, 1003.

*Plantier*, eius *Considerationes* super *Histor. Iudæorum* commendatæ. 36.

*Plato* citatus passim. inter Atheos Spinozist. relatus fuit. 762. ejus Systema cum Spinozæ collatum. 787. 850. 855. 857. 864. 872. 877. Deum in suo Systemate agnovit. 763. illum cum materia non confudit, nec unam tantum substantiam agnovit. 770. 845. nec is cum materia necessario vinculo junctus. 772. 788. 803. materiam æternam statuit. ib. Deus ex ejus sententia liberrimus. 773. materiæ & inde pendenti necessitati imperat. 777. 859. ad certos fines omnia creavit. 774. 855. Deum mali causam esse negavit, animam contra liberrimam & pœnæ capacem statuit. 780. 849. 864. nonnisi ejus voluntate mundum interire posse. 772. 870. providentiam illi adscribit. 784. 875. animam mundi a Deo distinxit. 808. 811. hæc materia obscurissima. 889. 912. non e sinu divinitatis expulsa. 800. de illius Trinitate. 814. 943. an ideo quod sententia de duobus principiis difficultatibus obnoxia; sequatur, illum emanationis systema statuisse. 820. Deum substantiam esse agnovit. 838. & a reliquis distinxit. 839. 848. eam

F f f f f f 2

realem

- realem distinctionem ab ipso usurpatæ Voces docent. [839](#). Deo & materiæ diversas attribuit proprietates. [840](#). substantias quoque intellectuales agnovit. [843](#). [940](#). an Deus ejus ex ignea consistat materia. [846](#). quo sensu materiam &c. appellavit. [863](#). [918](#). ejus de ideis sententia obscura. [878](#). [944](#). de ejus principiis. [883](#). [919](#). [937](#). [939](#). ejus creatio explicata. [897](#). ejus de *λογος* sententia explicata. [898](#). ejus sententiæ a suis sectatoribus falso expositæ. [817](#). [913](#). Vide *Gundling*.
- Plinius* citatus [71](#). [76](#). [204](#). ejus de Christianis testimonium [284](#).
- Plotinus*. de illo mendacia narrat *Porphyrius*. [106](#). ejus mors. [108](#). citatus [840](#). [843](#). [856](#). [862](#). [865](#). &c.
- Plutarchus* citatus [54](#). [192](#). [196](#). & alibi. notatus [815](#). [942](#).
- Pocockius* citatus [111](#). [199](#). [179](#).
- Pœnitentia*. falsæ de ea ideæ incredulitatem promovent. [272](#).
- Polycarpus*. quo tempore Martyrium obierit, dissentiunt eruditi. [685](#). visiones ipsi adscriptæ falsæ sunt. *ibid.* sq. quæ in illius Martyrio miracula facta narrentur. [687](#). sq.
- Pontificii*. illorum sermonibus sacris incredulitas promovetur. [250](#). nec non eorum superstitione. [340](#). quanta ea sit. [326](#). quantopere eam ipsorum Missionarii inter Gentiles promoveant. [329](#). [399](#). illorum Inquisitiones notatæ. [343](#). de interpretatione S. *Literarum decretum*. [1052](#).
- Pontius*. Vitæ *Cypriani* Auctor citatus [726](#). [728](#). notatus [729](#).
- Pope* citatus [642](#).
- Porphyrius*. insensissimus relig. christ. hostis. [93](#). sq. discipulos Christi calumniatur. [94](#). S. Libros contradictionis arguit. [95](#). Mathæum Evangel. inscitæ arguit. [97](#). sq. Christum inconstantæ. [98](#). Apostolos arrogantæ. [99](#). Danielis vaticiniorum Authentiam impugnât. [100](#). Origenis Methodum explicandi S. Scripturas ridet. *ib.* ipse illam sectatur. [101](#). ejus Character. [102](#). Deum se vidisse jactat. [103](#). miracula edidisse & cum Dæmonibus commercium habuisse gloriatur. [104](#). fabulas de Plotino narrat. [106](#). incarnationem Christi commentis suspectam reddere voluit. *ibid.* citatus [671](#). [684](#). [864](#). [898](#). [905](#). [918](#).
- Prejudicia*. examini religionis officiunt. [22](#). [26](#). [268](#). illorum origo. [48](#). sq. illis decepti homines sua fata ingemiscunt & contra Ethicam Christianam insurgunt. [58](#). controversas multiplicant. [268](#). solidam Theologiæ cognitionem impediunt. [146](#). ut & bonam S. *Literarum* interpretationem. [1058](#).
- Prideaux* citatus passim.
- Princesses Malabares*. hujus libri sic inscripti venenum detectum. [11](#). [172](#). sq.
- Proclus* citatus [337](#). [914](#). [915](#).
- Prophecie*. illarum complementum docet veritatem relig. christ. [75](#). quam falsæ & ridiculæ illarum dentur interpretationes. [1062](#). plenior illarum in altera vita continget cognitio. [1071](#).

*Providentia*, de divina incredulorum sententia. 30. ambitio hominum tum omnes ejus vias cognoscere vult, tum eandem negat. 57. quæ piorum de illa querelarum causa. 58. sq. 354. objectiones contra illam ex corruptione generis humani petitæ. 276. 296. 304. persecutiones afflictis gravia de ea dubia ingerunt. 348. quantus sit hujus doctrinæ abusus. 349. in Systemate Causarum occasionalium. ibid. nimium urgendo impotentiam hominum physicam. 350. moralem. 353. providentiam ad malum extendendo ex doctrina de concursu perpetuo. 354. sic ad incredulitatem proxime acceditur. 351. ad impietatem. 354. Felicitas improborum contra eam dubia excitat. ibid. juramentorum abusus. 358.

*Prudentius* citatus 405. 688. 737. 752.

*Puffendorfius* citatus 178. 188.

## Q.

**QUINTILIANUS** citatus passim.

*Quirinus*, *Angelus Maria* Cardinalis, notatus 548 citatus 165.

## R.

**RATIO**, adfectus pravi illius usum impediunt. 49. sq. illius in compe-  
scendis affectibus neglectus impedit quominus eruditi juvenes quomi-  
nus felices evadant. 201. an ad felicitatem nostram sufficiat. 553. 575.  
illius usum in relig. examine negando, incredulitas promovetur. 251.  
ejus in hoc verus usus defensio. 252. sq.

*Reimannus* citatus 794.

*Reinbekius* citatus 44. 249.

*Relandus* citatus 109. sqq.

*Religio*, ad eam promovendam multæ erectæ societates. 2. sq. degeneris  
indicium incredulitas. Vide *Incredulitas*, ea ad coercendos affectus  
& studium virtutis multum confert. 12. sq. 395. 574. contra incre-  
dulos defendenda. 20. sq. quibus dotibus id præstiturus instructus sit  
oportet. 22. sq. ejus ignorantia causa incredulitatis. 31. quare multi  
ab illius examine abstineant. 35. sq. id ab ipso Sotere commen-  
datum. 40. rationis in eo usus. 252. multi ambitione decepti ab ea  
aberrant. 53. illum multi parentes vel plane non, vel perverse in-  
fantibus tradunt. 109. sq. 201. tali prava institutione liberi corrum-  
puntur. 204. naturalis institutio revelatæ præmittenda. 208. capita  
ejus fundamentalia ab accessoriis & meris hypothesibus sedulo sunt  
distinguenda. 238. 268. argumentis prolatis infirmis ea vacillat. 247.  
pruritus omnia decidendi ei nocet. 272. 352. quam inepte multi Pa-  
tres illam propugnarint. 296. quam bene hodie a Viris doctis  
ejus causa agatur. 308. a superstitione diversa. 319. an dissentientes  
ab illa persequendi. 343. christianæ veritas contra Deistas asserta.  
523. sq. ejus dogmata contra eosdem asserta. 532. cum Muhamme-

FFFFF 3

dana

dana collata. 124. sq. histor. philos. ejus præstantiam & divinitatem clare docet. 550. nec non paucitas rituum. 962. ut & S. Cœnæ usus. 965. eadem ex collatione ipsius cum philos. Socratis clare patet. 553. nullam agnoscit Arcanam disciplinam. 569. Vide *Arcanum*. ejus dogmata & vitæ præcepta Socratis clariora. 570. inprimis redemptionis negotium religioni christ. proprium præcipuum ad virtutem incitativum. 574. certissimam ad reconciliationem cum Deo viam monstrando. philos. Socratis præstantior. 577. sq. ut & quod vires ad virtutem exercendam sufficientes promittat & suppeditet. 581. Vide *Christianismus. Deistæ. Increduli*.

*Revelatio*. optima ad virtutis studium docet incitamenta. 14. 395. 574. quare homines sæpius ab ea aberrant. 15. illam multi negant. 30. inprimis mysteria. ibid. quis sit ejus scopus. 51. Deo non esse dignam, nec hominibus adæquatam opponunt increduli. 384. sqq. Vide *Deistæ, increduli*.

*Rhetorica*. an & quid conferat ad veram eloquentiam. 629. sqq. 644. nihil juvat ad instituendum Oratorem de dicendis. 632. 644. quæ illi tribuantur virtutes. 634. an attentionem excitet. 635. an doceat, quomodo affectus sint vel excitandi, vel compescendi. 641. Vide *Arcanum. Eloquentia. Orationes. Oratores*.

*Rigaltius* notatus 722. 724. 728.

*la Roche*. ejus de simpliciori Theol. Moham. præ christiana sententia. notata. 123. sqq. citatus 168. 715. 1063.

*Rollins*. ejus liber de methodo tradendi literas humaniores commendatur. 454. 456.

*Roques* citatus 208. 238. 245. 250. 344. 1004.

*Rossetus*. ejus cogitationes de Deismo citatæ. 311.

*Ruarus*. ejus Epistolæ citatæ 254.

*Ruffinus* citatus 711.

*Ruinartus*. nimius Martyrum laudator, in Dissert. de Visionibus passim citatus & notatus.

## S.

**SACKIUS** citatus 520. 1033.

*Sale*. ejus Versio Corani & præfat. ad eandem citata 114. sqq.

*Saligius*. ejus Eutychnismus ante Eutychem citatur 266.

*Sarpus*. ejus historia Synodi Tridentinæ citata. 730.

*Saturus*. quo tempore martyrium obierit, disputatur. 698. Montanistarum sectæ addictus. ib. 704. ejus Visiones dijudicatæ. 702. sq. 707. ejus Martyrium. 704.

*Saurinus* citatus 543.

*scaliger Josephus* citatus 1078.

*Schaffsburinus* Astrologiæ judiciaræ addictus. 160. eruditorum de eo testimonia. ibid.

*Schefferus* de constitutione philos. italicæ citatus 1107. 1109.

*Scher-*

*Scherlokus*, ejus liber pro Veritate Resurrectionis Christi contra Woolstonum commendatus. 168.

*Sæculum*, hodierni felicitas laudata. 1, sqq. 302, infelicem ejus conditionem incredulitas docet. 7, sqq. 298.

*Seldenus* citatus 306.

*Seneca* citatus 187, 214, 307, 320, 1052.

*Sextus Empiricus* citatus 564, 845, 889.

*Simoniani*, falso multi illis errores impacti. 165.

*Simonius Richardus* citat 327, 338, 1053, 1059.

*Sinenfes*, falso illorum Theol. christianæ opponunt increduli. 16, an illi nullam Dei habeant notitiam. 44.

*Sinzendorf*, ejus conatus de emendando christianismo varie dijudicantur. 3.

*Socinus Faustus* citatus 190, refutatus 1008.

*Socrates*, quæ illi tribuuntur laudes. 551, sq. 583, ejus philos. cum christ. relig. collatio hujus docet præstantiam. 553, ejus docendi methodus ironica dijudicata. 554, sq. Christi & discipulorum methodus ea præstantior. 559, sq. superstitionem non rejecit, sed suo exemplo probando erravit. 562, inprimis & oracula admittendo. 564, Christus omnes errores refutando ei præcelluit. 567, sq. ejus doctrina & vivendi præcepta expensa. 569, religio christiana illis præclarior. 570, ejus philos. non docet certam Deum-reconciliandi viam. 576, non sufficientes ad virtutem suppeditat vires. 581, cum Christo comparatus. 583, non potuit legislatoris induere personam. 591, minorem ejus doctrina in mentes hominum habuit efficaciam. 597, revelat. divinæ necessitatem agnovisse videtur. 577, de eo Oracula testimonium. 584, de ejus Genio s. bono Dæmone. 585, de Gallo, quem post mortem suam offerri jussit. 594, ejus de mentium cælo receptarum statu feliciore testimonium. 1066.

*Socrates* histor. eccles. Scriptor. citatus 745, 901, notatus 685, 746.

*Sontagius*, ejus de corruptelis eccles. apostol. dissert. citata 181.

*Souverainius*, ejus liber *le Platonisme dévoilé* notatus 797, 806.

*Soromenus* citatus 747, notatus 750.

*Spanhemius* citatus 733, 846.

*Spenerus*, quæ illi motæ controversiæ. 258, 265.

*Spinozismus*, varios hodie invenit assecclas. 7, 143, est periculosum ac ineptum systema. 143, ejus præcipua capita. ibid. contradictionibus scatet. 144, nullam contra suum systema admittit substantiam. ibid. Modos sine subiecto subsistere statuit. 145, principium contradictionis negat. ibid, sq. ortum ex nihilo existente admittit. 146, motum vel nullum statuit, vel nihilo attribuit. 147, quæ quoad cultum divinum ex eo absurda fluant. 148, sq. æquivocis terminis ad incrustandum suum Systema usus. 150, collatum illud cum Theol. natur. & revelata. ibid, sq. an ipse suo Systemati fidem habuerit. 151, Moſen & Paulum in suas partes trahere vult. 152, quomodo miracula eluſerit. 154, quid de Christo ſenſerit. 155, sq. Jus Naturæ negat. 157, Vide *Gundling*, *Plato*.

*Stark-*

*Stackhouse.* ejus defensio relig. christ. citata 412.

*Stapferus Jo. Frider.* citatus 240.

*Steele* citatus §38. 994.

*Stillingfleetus* citatus 804. 896.

*Suetonius* citatus 68. 76. 1109.

*Summa.* multa de Mahommede contradictoria statuit. 110. 118. &c.

*Superstitio.* ignorantia illius mater. 36. ejus definitio. 318. incredulitatis causa. ibid. 322. 340. varia illius genera. 324. falso illa cum religione confunditur. 319. sq. 406. sq. 429.

## T.

**TACHARDUS** citatus. 383.

*Tacitus* citatus 68. 76. 1113.

*Tenzelius* citatus 1097. 1109.

*Tertullianus.* Montanistarum sectæ addictus multas illi visiones factas factitat. 689. qualis ingenii homo fuerit. ibid. sq. citatus 285. 1099. notatus 104.

*Theologia.* systematicæ conditio hodierna laudata. 2. illius cognitio non perfecta. 4. 1043. 1060. illa nihil juvat, si non simul jungatur pietatis & virtutis studium. 5. sq. naturalis ignorantia non invincibilis. 41. sq. naturalis per revelationem emendata. 393. sq. 553. Hypothes. particularium studio depravatur. 240. 1050. usus rationis in illa. 252. quomodo tradenda. 473. ad illam addiscendam requisitæ dotes. 1046. illius solidam cognitionem impediunt præjudicia. ibid. Adfectus ac sectæ studium. 1047. hinc odium & ira in alios. 1048. *diversitas*. 1049. rerum discendarum, & quidem curiosarum magis quam utilium multitudo. 1051. Pontificum, Concil., Systematum & formularum decreta. 1052. hæretificationes. 1053. eristica scripta. 1054. dogmaticæ imperfectio. 1060. polemicæ. 1061. propheticæ. 1062. cælestium major ac plenior. 1068. Vide *Anima, Christianismus, Deïsta, Increduli. Religio.*

*Theologi.* illorum studium ac scientia laudantur. 2. multi eorum scientia sua nihil proficiunt. 6. illorum officium inquirendi in causas incredulitatis, easque tollendi. 26. quomodo illi & vita prava & neglectu officiorum incredulitati patrocinentur. 231. natur. & revel. relig. capita prima jejune tractando & hypothesibus operose inhærendo. 238. polemicam theol. nimium urgendo. 242. 1061. proferendo argum. infirma pro veris. invchendo in rationis usum. 251. suis acerbioribus de rebus levioribus rixis. 257. 263. 367. 371. hæretificando & falso Zelo. 272. 1047. 1049. pruritu omnia sciendi & definiendi. 272. 482. illorum in tradenda sua disciplina officia & partes. 464. sq. 1079.

*Theophrastus* citatus 318.

*Thomasius Jacobus* contra Gundling. defensus 814. citatus 821. 851. *Jenkinus Tillot.* citatus 207. 262. 365. 772.



- Tillotsonius* citatus 158. 192. 199. 215. 251. 902. 967. 928. 1004.  
*Timaeus Locrus.* ejus de tribus principiis sententia examinata. 795. de materia aeterna & passiva, at non e sinu Dei tamquam ejus pars expulsa. ib. 885. de origine animæ mundi sententia. 796. 892. 900. ejus systema brevi expositum. 885. de mundi aeternitate. 917. Vide *Gundling. Plato.*  
*Tolandus,* judicium de illo. 54. sq. 99. Spinozismi defensor Mosen pantheistam fingit. 153. ejus arrogantia ac maledicentia. 165. sq.  
*Tolerantia* in religione utilis ac necessaria. 302. 348. 370. 548. 1080. Magistratebus commendata. 495. sq. 1085.  
*Touche-bœsner* citatus 56.  
*Treverus* citatus 361.  
*Turretinus Alphonf.* citatus 380. 468. 560. 1117. 1120.  
*Tyndalus* notatus 311. 429. sq.  
*Tyffotus* Auctor histor. Sevarambum notatus. 176.

## V.

- V. VALENTINUS.** ejus character depingitur. 81. sub terminis obscuris vana vendebat mysteria. 84.  
*Valepius* citatus 662. 731. 742.  
*Vaninus* Astrolog. judiciorum fuit addictus. 160.  
*Vayerius* refutatus 566. 584.  
*Veritas.* illius examen pravi adfectus impediunt. 51.  
*Vernetus* citatus 412. 426. 521. 1117. 1119.  
*Vincentius.* ejus martyrium & fabulæ de eo. 752. sq.  
*Virgilius* 809. 929.  
*Virtus.* ad illam exercendam revelatione emendata religio optima proponit incitamenta. 12. 395. 174. 581. incredulitas illi officit. 12. voluptatum amor eidem nocet. 60.  
*Visiones,* quæ primis post Christi tempora factis a multis pro veritate religionis probanda tribuatur vis. 648. ad quas leges illæ expendendæ sint. 653. illæ post Christi tempora non omnino desiere 656. attamen a patribus illarum numerus nimis augetur. 658. multa de illis falsæ opiniones acceptæ. 660. Heremæ falsæ. 668. Martyribus falso tribuuntur. 676. Ignatii comitibus factæ. 678. Polycarpi. 685. Attali. 689. Tertulliani & Montanistarum. ib. 100. Perpetuæ. 699. Saturni. 702. Exuperii. 729. Narcissi & Alexandri Episc. Hieros. 710. S. Pionii. 713. Cypriani. 714. sq. Dionysii Alexandrini. 730. Natalis Confessoris. 732. Basilidis. 734. Fructuosi Episcopi, Augurii & Eulogii Diacon. 716. Jacobi, Mariani, Emiliani & aliorum e Numidia. 738. Victoris. 740. Gregorii Thaumaturgi. ibid. Constantini M. 741. Helenæ ejus matris. 746. Antonii. 747. nonnullorum de nece Juliani Imperatoris. 750. Theodoti & septem Virginum. 751. Augustini. 755.

*Vitringa* citatus 67. 77. 184. 807. 846. 986.

*Vitus* citatus 253.

*Vives Ludov.* citatus 601.

*Vossius Isaac.* ejus character & ingenium. 162. *Gerb.* de Sectis Philos. citatus 803.

*Vorsius* de Hebraïsmis citatus 1000.

*Usserius* citatus 678. 685. 687. 731.

## W.

**W**AGENSEILIUS citatus 78. 1059.

*Walchius* citatus 294.

*Watts Isaacus* citatus & commendatus. 1068.

*Weismannus* citatus 328. 332. 339. 355. 993. refutatus 679. 681.

*Wenckelius Samuel* singulis fere paginis citatus.

*Wernsdorffius* citatus 695.

*West Gilbertus.* ejus liber de resurrectione Christi citatus ac commendatus 524.

*Wilmotus.* quæ illum ad incredulitatem impulerint causæ. 60.

*Wirzius Jo. Com.* citatus 7.

*Witbyus* citatus 650.

*Witius* citatus 100. 269. sq. 656. 659.

*Wolfius Christian.* citatus 16. 70. 98. 143. 382. 397. 512.

*Wolfius Christoph.* citatus 180. 187. 318. 721. 772. 788. 813. notatus 254. 790. sq. contra Gundlingium defensu 816. 956.

*Woolstonus.* ejus mores & de rel. christ. calumniæ. 168. sq.

*Wovverius* citatus 323.

## X.

**X**AVIERUS. ejus miracula. 330.

*Xenophon* citatus 4. 181. 398. & alibi.

## Z.

**Z**ELUS. veri & falsi indicia. 1049. falsus causa tot controversiarum & hæretificationum. 271. 1047. illo abrepti de aliorum moribus male judicant. 279. sq. 478. falsus Pontific. in convertendis Gentilibus. 339. quas ab illo increduli petunt objectiones, refutata. 440. 489.

*Zwinglius Huldricus* citatus 67. 261. 970. 980. 986. 995. 1000. 1009. 1031. 1120.

## F I N I S

# ERRORES TYPOGRAPHICI

Pag.		legc.
15. lin. 13.	cupiditatum	cupiditatum.
26. l. 27.	quantum nac	quantum in hac.
55. l. 22.	mutandum	mutandam.
56. l. 8. in nota	le	la
60. l. 6. a fine	literum	literarum.
82. l. 8.	Etafe	Extase.
107. l. 9.	tempore indole	tempore, non indole.
133. l. 13. duo ultima	Vocabula Arab.	חזקת אצלך ab initio sententiæ legenda,
134. l. 2. nota	חזקת חזקת	חזקת חזקת.
135. notat.	Verba ומהמד רסולה in	finem Sententiæ Arabicæ rejiciantur.
136. l. 19.	לליהוד המאלפא	המאלפא לליהוד.
162. l. 3.	incorpores	incorporeos.
183. l. 22.	חשוב	החשוב.
l. 29.	לדעת את	לדעת את.
226. l. 20.	fana	frana.
227. l. 13.	incunabilis	incunabilis.
235. l. 4.	neufragio	naufragio.
246. l. 15.	judicent	judicent.
255. l. 1.	sint	sint.
267. l. 6.	abstrufiarum	abstrufiorum.
269. l. 12. in nota.	tradebant.	tradebat.
287. l. 26.	libertati	liberati.
332. l. 12.	ciborio	cibario.
335. l. 9.	fond	font.
l. 11.	pretiofes	pretieufes.
340. l. 3. a fine	manufculo	munufculo.
355. l. 21.	opinior	opinor.
367. l. 5.	progamur	rogamus.
371. l. 16.	abtineant	obtaineant.
384. l. 10.	veritates	virtutes.
422. l. 6. a fine	Multi	rite impenderent. delectantur,
441. l. 4. post.	probare	adde, nequeant.
449. l. 2.	delectari	delectare.
456. l. 3.	culto	cultu.
487. l. 5.	ufurpata	ufurpato.
505. l. 12.	dedager	detacher.
551. l. 3. a fine.	regreffii	regeffi.
584. l. 12.	obiiffem	obiiffe.
586. l. 10.	habitant	habitat.
594. li 17.	Numina	Nomina.

Pag.

lege.

646. l. 26.	Attralus
650. l. 2.	extollendus
656. l. 19.	Lettnerus
664. l. 22.	miraculorum
682. l. 2. a fine.	Grabias
686. l. 3. a fine.	fragrantiam
692. l. 7.	mum
716. l. 20.	Jadaici
727. l. 15.	festum
737. l. 2.	Babylon
748. l. 20.	Eximium
857.	DISSERTATIONIBUS. DISSERTATIONIS.
882. l. 4. a fine.	יבֵּרָא יְהוָה וְאֵם בְּרִיָּאָה
963. l. 20.	Doctorem
988. l. 3. a fine.	corpus in
992. l. 20.	distituantur
100. l. 25.	fuisse
1002. l. 29.	obtasset
1007. l. 3.	nostram
l. 9.	duntaxat
l. 29.	quum
1019. l. 16.	Sacra
1026. l. 9. a fine.	secundam
1062. l. 21.	insurrerant
1078. l. 10.	cæto
1095. l. 4.	Cancellarii
1115. l. 15.	plorumque

Natalis.
extollendus.
Kettnerus.
miraculorum.
Grabius.
fragrantiam.
ctum.
Judaici.
festum.
Babylone.
Eximiam.
Doctorem.
corporis.
destituantur.
fuisse.
optasset.
nostram.
duntaxat.
quam.
Sacro.
secundum.
insurrexerant.
cælo.
Cancellarii.
plerorumque.







